

T. 057

504

تعبیر مسیله



مؤلفی :

آلمانیا ضابطلرنندن « غریبه نکرل »

مترجمی :

مهندسخانه بری هایون سفریه وتعمیه تطبیقاتی معلمی ارکان حربیه
قول اغاسی عثمان ثنائی

طابع وناشری : حسن فرید

معارف نظارت جلیله سنک (۱۱) ایلول (۱۳۱۵) و (۱۸) جمادی الاول
(۱۳۱۷) تاریخی و ۳۱۴ نومرولی رخصتنامه سیله طبع ایدلمشدر .

درساعات

« فریدیہ » مطبعہ سی باب عالی جاده سنده نومرو ۳۸

۱۳۱۷

۴ عبودیت و تحدیث نعمت {

» پادشاهم چوق یشا «

جناب حق سو کیلی پادشاهمز ، خلیفه ذیشان افندیمن
حضر تلرینی الی الابد سریر شوکتصیر هایونلرنده پایدار
وبرقرار بیورسون ، آمین بحرمة سیدالنیین والمرسلین ..

ممالك محروسه شاهانهك هر كوشه سی بر نور دریاسنه
منقلب اولدینی شودور کزین معارفده هر کس قدر تنک یتدیکی
نسبتده بونجه الطاف و عنایاتک تحدیث نعمتی ولویکده بر
اولسون اوده مک ایستر . چونکه انسانده کی وظیفه عبودیت
ونعمتک شانی بونی بویله اقتضایتدیرر .

بربری اوزرینه ییغلمش قالمش اولان بونجه عصر لر آراسندن
چیقه رق تابزم قولانغمز قدر کلان برعکس صدا ، بوکون ،
حقیقت ! جهانده بر مثالی اولماش ، اولیان و اولیه جق قدر
بیولک بر پادشاه مراحم و معارف اکتساهک سایه شهر یار یلرنده
نائیل اولدیغمز نعم کونا کوندن طولایینی بزنی تبریک ایدیور .

نه موطلی بزه ! ز علی الخصوص ، نه موطلی شو عصر دلارای

«مارفه که ، «غازی سلطان عبدالحمید خان ثانی» کبی برسلطان
اکمل السلاطینک حمایهٔ ملوکانه لرنده نائل فیوضات و تجلیات
نورانور اولیور و اولیورز .

اوت ! برپادشاه که ، تبعهٔ شاهانه لرینک ترقی و سعادتتی
ممکن اولدینی قدر دهـا ایلری کوتورمک ایچون کیجه لی ،
کوندوزلی بر مشغولیت ایچـده لطفاً اعمال افکار بیوریورلر ؛
شبهـهـز ، بوقدر بیوک برپادشاهک قوللری هر زمان و هر یرده
اغور میامن موفور حضرت خلافت پناهیلرنده سوینه ، سوینه
وحتی کوله ، کوله فدای جان ایتمکی جانـهـمنت بیلورلر .

بندـهـلری ایسه هم ، سایهٔ ترقیاتوایهٔ حضرت پادشاهیده
نائل اولدینم الطاف و عنایاتک حق شکر اتنی ایفایه چالیشمق ،
هم ده سوکیلی پادشاهمز افندمز حضرتلرینک ضابطان و شاگردان
قوللرینی عسکرلک صنعتی اوزرینه یازلمش برچوق و متنوع
مسائلک حل و معالعه سـنـدن ممنون و مستفید ایلـمک مقصد
عبودیتکارانه سیله آلمانیا محررین مشهورهٔ عسکریه سندن بیکباشی
(غریبه نکه دل) لک (تعیه مسئله لر) نامـده کی اثر مکملنی

ترجمه یه جسارت ایلدم . قلم عاجزانه مدن چیقدینی ایچون بو
ترجمه نك بر قیمت و مزیتی اولسه دخی آلمان و سائر اجنبی
لسانلرده یوزیکلرجه نسخه سی طبع ایدلش اولان پك مشهور
وپك ییوك بر اثر ك تركه ده یالکز موجودیتی بيله بر قیمت
عمومیه نی حائر اولور فکرنده ایم . مصنوعات و آثار الهیه دن بشقه
هیچ برشیده کمال تام اوله میه جفی محقق بولندیغندن ترجمه ده
کور یله جك بعض قصور لر دن طولایي سلاح آرقداش لرمك
سلاح باشنه ایتیه جکلرندن امین اوله بیلورم .

بك ۱۸ آغستوس ۳۱۵

عثمان ثنائی

مقدمه

(تعییه مسئله لری) نامیله نشرایده جکمز بواثر، اسمنندن ده
آ کلاشیلدینی وجهله تعیه او کر نئک، ای و مکمل برضابط
اولق ایچون دنیاده ایکنجی بر مثالی اولیان بردینه در. شو
صره لرده ضابطلریمزده کوریلان مطالعه هوسلری اثر
مذکورک بیوک بر رغبث ایله قبول ایدیه جکنه اک آچیق
بردیلدر.

یالکز آلمانیا و فرانسه اردولرنده دکل، بتون اردولرده
شواثر جسیمی اوقوماش برضابط یوقدر دیسه م یالان
سویلمه مش اولورم. عجبا اثرک بودرجه اهمیت قازانمش اولسی
نه دن ایلری کلیور؟ شبهه سز، بر کره مؤلفنک اقتدار عظیمندن،
بر کره ده آنی اوقویان هر ضابطک حقیقه صنعت حرب او کر نئش
اولسنی تأمین ایلمسندن ایلری کلیور. او یله ایسه، بزى جداً
عسکر ایدیه جک، تجربه لی برر قوماندان یاپه جق اولان شو
اثری اوقویه لم. هم بر کره، ایکی کره دکل؛ هر زمان اوقویه لم.
(تعییه مسئله لری) نك قیمت حقیقه سنی کو سترمک ایچون

اوزون سوزلر سويلمکه حاجت يوق . يالکز بروجہ آتی نشر
ایدیلان فہرس مندرجات آنک نصل بر خزینہ قیمتدار اولدیغنی
کو سترمکه مع زیاده کافیدر .



فهرس مندرجات

برنجی مکتوب

مدخل

تعیه اوزرینه یازیلان مکتوبلردن مقصد. مسئله لر فصل حل ایدیلور،
اوکادائر ایضاحات. امر نمونه لرینک قیمتی و مسئله لرك مطالعه سی اوزرینه
نصایح : برامرده نظر دقته آله جق شرائط .

برنجی مسئله — ایلری یوروش .

برایلری یوروش ایچون امر نمونه سی . برایلری یوروش امرینه
دائر مثال .

ایکنجی مکتوب

ایلری یوروش

بریول اتخابی ایچون ملاحظات . بر تیموریونك مكملأ تحریی
وموقتاً ایشلدلسنك منعی . دشمنك وضعیتنه دائر ملاحظات . مستقل
سواری و پیشدار سواریسی . انقسام غنا کر . یوروش امری . امرک
توزیع ساعتی . دشمن اوزرینه معلومات . باش قوماندانك مرامی .
عزیمت ساعتی . سنه نك اون ایکی آینده طلوع وغروب شمسك ساعت
وسطیسی . ایلرو یوروشده استکشاف . پیشدار وقسم کلی . آغر لقلر
مفرزه قوماندانك یری . بر یوروش قولنك دریندنکنی حساب ایتک .
یوروش ایچون امر .

ایکنجی مسئله — یان یوروش

اوچنجی مکتوب

یان یوروش

بریان مفرزه سنك وظیفه سی . مختلف یوللرك مناقشه سی . اجتماع

حلی . دشمنك يوروشی . بر جانبداره لزوم وارمی ؛ یوقی ؟ بریان
يوروش ایچون انقسام عساكر . بر يوروش قولنده نشانجی طا بورلرینك
یری ؛ طو یچینك یری . یوله کیرمزدن اول اجتماع ایچون امر . حرکت
امری .

اوجنجی مسئله — قوناقلر ویان يوروش .

دردنجی مکتوب

قوناقلر ویان يوروش

قوناقلرك انتخابی وعسكريننده تقسیمى اوزرینه ملاحظات . دشمنك
مقصد و مرامی . بریان يوروش ایچون انقسام عساكر . کیجه قوناقلری .
عزیمت ساعتك حسابی . اجتماع ایچون امر . يوروش ایچون امر .
يوروش امرینه دائر ملاحظات .

دردنجی مسئله — بریول قولنك استقامتی دكیشدیرمك

بشنجی مکتوب

بریول قولنك استقامتی دكیشدیرمك

ویریله جك امره دائر ملاحظات . يوروش ائناسنده امرك
نقلی . قوماندانك قراری . پیشدارك وظیفه سی . مفروضه امری .
بشنجی مسئله — بر قافله نك محافظه سی

التنجی مکتوب

بر قافله نك محافظه سی

بر قافله نك محافظه سنده راست کلهه جك مشکلات . بر قافله نك
محافظه سی ایچون آله حق ترتیبات . سوارینك استکشافی اوزرینه
طومانسز بارونك تأثیری . یول انتخابی . عزیمت ساعتك حسـ

محافظه عسکرینک انقسامی . مفرزه قوماندانک قراری . اجتماع وپورویش امرلری .

آلتنجی مسئله — برپیشدار امری . برپیشدار امرینک نمونه سی .

یدنجی مکتوب

برپیشدار امری

پیشدار قوماندانک آلهجی ترتیبات . پیشدارک اجتماعی . انقسام عساكر . عزیمت ساعتک حسابی . ایلری قره غوللر ایچون امر . پیشدار امری . پیشدار امرینه دأثر ملاحظات .

یدنجی مسئله — بر رجعت ایچون امر . بر رجعت ایچون امر نمونه سی .

سکزننجی مکتوب

بر رجعت ایچون امر

یول انتخابی . مفرزه نك مقصدی . رجعت ایتک ایچون قرار . رجعت اثناسنده عسکرک انقسامی . بر رجعت حرکته سوارى وپیاده نك وظیفه سی . بر رجعتده استحکام و طوحنینک وظیفه سی . انقسام عساكر . دمدارک قسم کلیه مسافه سی و مفرزه قوماندانک یری . سکزننجی مسئله — بر دمدار امری .

طقوزنجی مکتوب

بر دمدار امری

امرك ترینه دأثر ملاحظات . دشمنی طور دیر مق ایچون بر موقع انتخابی . بر دمدارک انقسامی و پیشدارله مقایسه سی . دمدار ایچون اجتماع امری .

طقوزنجی مسئله — بریان مفرزه سنک رجعتی

اوننجى مکتوب

بريان مفروزه سنک رجعتی

يان مفروزه سنک يولى ومقصدى . مفروزه قوماندانك قرارى .
اجتماع امرلى . انقسام عساكر . رجعت يورويشى ايچون امر .
اوننجى مسئله — برمغلوبيتدن صكره رجعت .

اون برنجى مکتوب

برمغلوبيتدن صكره رجعت

مختلف يوللر . امرويرمك ايچون ملاحظات . انقسام عساكر
ورجعت امرى .

اون برنجى مسئله — ايلرى يورويش .

اون ايكنجى مکتوب

ايلرى يورويش

يورويشك هدفى . ايلرى يورويش اوزرينه ملاحظات ومفروزه
امرى .

اون ايكنجى مسئله — تعرضى محاربه . برتعرضى محاربه ايچون
ويريله جك امرك نمونه سى .

اون اوچنجى مکتوب

تعرضى محاربه

امرويرلدىكى زمان يول قولنده مختلف قدمه لرك وضعيتى . دشمنك
وضعيتى . ياندن هجوم وياجبهه دن هجوم . هجوم اصلى ونمايش . جناحلردن
تريسنه هجوم ايتمهك اسبابى . هجوم جبهه سنك امتدادى . امرك

توزیعی . هجوم طوبخیسنگ وظیفه سی . هجوم پیاده سنگ وظیفه سی .
هجوم اصلی نمایش هجومدن فصل وزده آریلور؟ احتیاطلر واستحکام
بلوک . هجوم انسانده سوارینک وظیفه سی . سیار خسته خانه طاقنک
یری . جبخانک تجدید واکالی . محاربه انسانده مفرزه قوماندانک
یری . مفرزه امری . هجوم ترتیباتنک قروکیسی . دومانسز باروتک
تعیه اوزرینه تأثیری .

اون اوچنجی مسئله — ایلری یوریش . تصادفی محاربه .

اون دردنجی مکتوب

ایلری یوریش ، تصادفی محاربه

ایلری یوریش ایچون مفرزه امری . هجومدن اول ملاحظات ،
هجومده پیشدارک وظیفه سی . مفرزه امری و بونک اوزرینه مطالعه .
اون دردنجی مسئله — برمدافعه موضعی اشغال ایتمک . برمدافعه
موضعی اشغال ایتمک ایچون امر نمونه سی .

اون بشنجی مکتوب

برمدافعه موضعی اشغال ایتمک ایچون امر . بکلمه موضعی ویا
مدافعه موضعی . برموضع انتخابی اوزرینه مناقشات . طوبجی و پیاده .
جبهه ده مدافعه نک قیمتی . موضعک یانلری و کریلری . جبهه نک
امتدادی . موضعک منطقه لره آیرلمسی . منطقه احتیاطلری واحتیاط
عمومی . جبخانه نک تجدید واکالی . موضعک اشغال ایچون مفرزه به
امر . برمدافعه محاربه سنگ امرینه دائر قواعد . قطعاتک انقسامی
کوسترن قروکی . بر بکلمه موضعی اشغال ایتمک ایچون امر نمونه سی .
اون بشنجی مسئله — رجعت . بکلمه موضعی . مدافعه موضعی .

اون آلتنجی مکتوب

رجعت . بکلمه موضعی . مدافعه موضعی

مفرزه قوماندانك قرارى . امر و تعالیمات . رجعتك اصول
اجراسى . رجعت ایچون مفرزه امرى . برمدافعه موضعك انتخابى .
بکلمه موضعی . بر بکلمه موضعی طوتیلوركن سوارینك وظیفهسى .
طوبحینك یرى . مدافعه ایشلری . بکلمه موضعی طوتمق ایچون
مفرزه امرى . موضع اصلینك اشغالى . احتیاط عمومینك یرى .
موضع اصلیی طوتمق ایچون مفرزه امرى . سیار خسته خانه .
اون التنجی مسئله — بریان مفرزه سنك هجومى .

اون یدنجی مکتوب

بریان مفرزه سنك هجومى

مختلف مقیاسده خریطه لر قوللانمق . دشمنه دائر کلان معلوماتی
ای تقدر ایتك . مفرزه قوماندانك قرارى . دشمنك وضعیتى
تقدر ایتك . هجوم طوبحیسنك وظیفهسى . پیاده و سوارینك وظیفهسى .
مفرزه امرى .

اون یدنجی مسئله -- پیشدار محاربهسى .

اون سکزنجی مکتوب

پیشدار محاربهسى .

دشمنه دائر کلان حوادثلرك ایوجه تقدیرى . قوماندانك قرارى .
مختلف موضعلرك قیمتته دائر مناقشات . بکلمه موضعده طوران بر
مفرزه سواریسنك وظیفهسى . سوارینك آیاقده جنكى . سوارى به
ویریهك امر . محاربه اثناسنده کلان راپورلر . و محاربه نك
اصول جریانی

اون سكرنجى مسئله — برپشدارك قوناقلره يرلشمسى .
ايلرى قرهغوللر . ايلرى قرهغوللر امرينك نمونهسى .

اون طقوزنجى مکتوب

برپشدارك قوناقلره يرلشمسى . ايلرى قرهغوللر . پشدار
امرى . ايلرى قرهغول امرى . ايلرى قرهغوللر قوتى . ايلرى
قرهغول خطك اتخابى . هجوم حائنده ايلرى قرهغوللر اصول
حركاتى . پشدار قسم كليسنك ىرى . قوناق قوماندانى . قوناق
نوبچى ضابطى . اغرلقلر . پشدار امرى . قوناقلر قروكىسى
وعسكر بيننده تقسيمى . داخل و خارجى قرهغوللر . سلاح باشنه
بوريسى چالندىنى زمان اجتماع محلى .

اون طقوزنجى مسئله — ايلرى قرهغوللر .
ايلرى قرهغول ترتيباتنه دائر قروكى . مختلف ايلرى قرهغوللر
ايچون امر نمونهسى .

يكرمنجى مکتوب

ايلرى قرهغوللر — ايلرى قرهغول ترتيباتنه دائر قروكى .
ايلرى قرهغوللر انقسانى . ايلرى قرهغول سواريسى و كوزتهچكى
خط . ايلرى قرهغول بلوكلىرى . ايلرى قرهغول ترتيباتنك درينللىكى .
ايلرى قرهغول سواريسنه امر . كيجه ائناسنده ايلرى قرهغول
سواريسنك وظيفهسى . سوارينك ايلرى ده دشمنله تماسده بولنسى .
قرهغول بلوك منطقهلى و اتصال يوللرى . كيجه ائناسنده پياده
كشف قوللرى . ايلرى قرهغول قسم كليسنك ىرى . ايلرى قرهغول
امرى . ايلرى قرهغول ترتيباتنك قروكىسى . ايلرى قرهغول
سواريسنك ىرى .

يکرمنجي مسئلہ — ایلری قره غوللری امر .

يکرمی برنجی مکتوب

ایلری قره غوللر امری .

ایلری قره غوللر ایچون یر انتخاب ایتک . ایلری قره غوللر
سوارى و پیاده سی . یمک پیشورمک و ارزاق توزیع ایتک . ایلری
قره غول موضعنک بلوک منطقه لرینه تقسیمى . قپو پوسته سی . ایلری
قره غوللر قسم کلیسنک یری . ایلری قره غوللر امری . کوندوزین
ایلری قره غوللر سواریسنک یری . کوندوزین ایلری قره غول بلوکلریله
قسم کلیسنک یری . کیجه ترتیبائی .

يکرمی ایکنجی مکتوب

ایلری قره غوللر . برخط میاهه تعرض ایتک . ایلری قره غوللردن
مقصد . مختلف قدمه لر بینده کی مناسبات . بر هجوم و قوعنده یاپیله جق
حرکات . قوناق امرلری . ایلری قره غوللر ایچون قروکی ایله ایرتسی
کون و یر یله جک امر . برخط میاهه تعرض ایچون قرار . مختلف هجوم
نقطه لرینک انتخابی اوزرینه مناقشات . مختلف صنفلرک وظیفه لری .
اجتماع ایچون پیشدار امری . هجوم ایچون پیشدار امری .

— مدخل —

ارکان حرب مکتبه کیرمک ایستیان کنج ضابطلر برقاچ کره کندیلرینه بعض تعیه مسئلهلری ترتیب ایده رک صکره اولنلر طرفندن حل ایدیله جک اولان شو مسئلهلرک تصیحنی بندن رجا ایتدیلر . شهبه سز، بن اولنلرک رجاسنی قبول ایتدم . مسئلهلردن برچوخی مخبره طرزنده ترتیب اولندی . بوندن برسوری مکتوبلر میدانه کلدی که، بن اولنلری مواقع عسکریده بولنان سلاح آرقداشلرملک استفاده سنی تأمین ایلمک هوسیه برر، بررصریه قویدم ودها زیاده کمال ایتدم . زیرا مواقع عسکریده کی آرقداشلرملر هر زمان بولندقلری یرلرده کندی شهبه لرینی حل ایده جک و تعیه جه ترقیلرینه یاردم ایلیه جک اسکی ضابطلره تصادف ایده مزلر . کرچک، شو خدمتی کوره بیه جک ضابطلرک عددی پک چوق دکل، بالعکس پک آذرر . هم، بو کبی ضابطلر بولنسه بیه آنلر کندی وظیفه لریه پک زیاده مشغول اولدقلرندن دیدیکمز مسئلهلرک ترتیب و مؤاخذه سیله اوزون اوزادییه اوغراشه مزلر . باخصوص خواجه وطلبه ایکیسی بریده بولنمز لر و بناء علیه کندی فکرلرینی مخبره یولیه یوروتمک مجبوریت کوردرلر سه اووقت ایش بسبتون زور اولور . اوندن بشقه بواصول . برچوخی کندی مسلک لرنده هنوز ایلک خطوه یی آتمش اولان ضابطانک منافعی حقیقه تأمین ایده مز .

بونک ایچون چالیشقان کنج ضابطلر اکثریا کندی کندیلرینه مطالعه ایتمک مجبوردرلر . فقط شهبه سز اولنلر نه قدر ذکی و چالیشقان اولورسه اولسونلرینه الک چوق تعیه مسئلهلر نه حلی ناقابل مشکلاته اوغرامش بولورلر . یالکیز نماینده لر و تنبیه اوزرینه یانلش اثرلر

مطالعه سیله ایش بیتمز . بونلر اولسه اولسه، فن حرب اوکرمک ایستیانلر ایچون بر حاضرلق اوله بیلور .

اوندن بشقه کنج ضابطلره تعیه قواعدینه دأر اولان مسائلی برر، بررقله آلدیرمقدن نه چیقار؟ بالعکس . تحریر آ یایله حق وظیفه لرده اصل ایش بوقواعدی بر مسئله نك حله وبالخاصه امرلرک تنظیمه اویدیرمقدر . بناءً علیه قوماندا ایتک صنعتی هیچ کیسه نزدند قولای بر شی دکلدیر و بونی هیچ برکتابدن، نظری بر صورتده اوکرمک ممکن اوله مز . قوماندا ایتک صنعتی اوکرمک ایچون یالکر بر واطه وارکه . اوده تعیه مسئله لری حل ایتدکر . ارکان حرب درس لرنی کورمه دن کندی فکر نجه تعیه مسئله لری ترتیب ایتک واونلری طوغری بریولده حل ایتک ایچون فوق العاده بریارادیلش ایستر . شمیدی یه قدر نشر ایدیلان اثرلر مثلاً (وردی) نك حیره شایان (مطالعه لری) ویا (زیریکی) نك (سوق الجیش و تعیه مسئله لری) کنج ضابطلرک پک اوقدر ایشنه کاز . چونکه اواثرلر، هم پک بیوک بحثلر اوزرینه قورلمش لر هم ده کنج ضابطلرده پک چوق معلومات اولدیغنی فرض ایدره ک ترتیب ایدلمش لردر . سز اونلری ده صکره اوقورسکر . کندی تجربه مله سویلرم که، برانسان فن حرب اوکرمک ویا ارکان حرب مکتنه کیره بیلیمک ایچون یلان اوکجه هر شیئی اوکرنیم دعواسنه دوشمه ملی . بالعکس اوفاقدن باشلا یه رق اووجه ایله یوریم لیدر . برکره شو خصوصده لازم کلان معلوماتک اک مهم لری بلندکدن صکره آرتق ایشک اوتیه سی قولای اولور .

بیم تعیه مکتوبلریمه کلنجه؛ سز کندی کندیکزه اوچه بیله جک برزمانه ایریشنجه یه قدر اونلری هیچ الدن برافیکز . چونکه اونلر

ایچەدن اینجەیه تدقیق ایدیورسه سزک ایچون مطلق شو بیوک فائده
حصوله کلور .

مراق ایتیک! بن سزک جانکزی صیقاچق کبی آغر سؤالدر
ترتیب ایتدم . بالعکس ترتیب ایتدیکم سؤالدر پک بسیطدر . و بونی
مخصوص اویله یایدم . ذاتاً شو صوک سەنەلرده امتحانه کیرمک ایچون
ترتیب ایدیلان سؤالدر پک زور برشی دکلدرلر . هم تجربه کوسترمشدرکه
تعییه حقیه اوکرنه بیلیمک ایچون ایلک اوکجه بویله الک قولای مسئلهلر
ایله اوغراسحق لازم کلور . هر حالده، بوکبی مسئلهلر، کوچ و حقیقته
اوزاق اولالردن دها فائده لیدرلر .

ذاتاً مسابقه امتحانی ایچون ترتیب ایدیلان پروغرامده او قودیلحق
تعییه اوزرینه شو سوزلری کوریورز : « تعیه تطبیقه دن ویریه جک
سؤال الدن کلدیکی قدر بسیط اولمی و بوجه ایله دوشونلمیلدرکه
امتحانه کیره جکلهر همه حال برقرار ویرمهک و آنک اسبابی سویلمهک
مجبور اولسونلر » .

ایشته بونک ایچون بن مختلف مسئلهلری اویله مخصوص اوزون
اوزادییه مناقشه ایده جکم . سزه اعتراف ایدرمکه، حل ایدیله جک
مسئلهلری بو قدر اوزاتماقده اوله بیلوردی . لکن بأس یوق! بن
بعض تکرارلردن چکنمیه جکم . زیرا تجربه ایله بیلورم، عجمیلر ایچون
پک چوق اختصارک فائده سی پک آذرر . و حتی بعض کره اوندن زیان
بیله کوریلور . کذلک ، موضوع بحث اولان نقطه لر ایله آرقداشلمک
حل ایتدکلری مسئلهلرده اکثریا کوزیمه ایلیشان خطالر اوزرینه ده
مخصوص اوزون اوزادییه سوزلر سویلیه جکم .

بناءً علیه بنم تعیه مکتوبلرم ، برنجی درجه ده ارکان حرب مکتبته

کیره جک اولان کنج ضابطلرک ایشنه پک چوق یارایه جقلر، ثانیاً ارکان حرب سیاحتلریله مانوره لره کیده جکلرک ونجه ییللردن بری قطعات عسکریه باشنده قاله رق معلومات نظریه لری آرزوق اسکیمش اولانلرک استفاده لیرنی تأمین ایلله جکلر در .

بو یازدیغیم تعییه مکتوبلریچون (میچ) خریطه سنی انتخاب ایتدم . (۱:۲۵۰۰۰۰) مقیاسنده کی خریطه نك درت پاقته سی پک او قوناقلیدر . و پک متحول براراضی تشکیل ایدر . بو خصوص عجبیلر ایچون شبهه سز پک اپی برشیدر . اوندن بشقه اولنرک شویله الدن اله کزملری مؤخرآ (۱۸۷۰) تاریخ عسکریسنگ بو اراضی یه عائد اولان قسملرینی مطالعه جهده اپی قولایلغی موجب اوله جقدر .

بتون مسئله لری یالکزر بر فکر عمومی یه ربط ایده جک یرده بالعکس ، بن اکثریا هر مسئله ایچون یکی بر وضعیت دوشوندم . بو خصوص سزک پک زیاده ایشکزه کله جکدر . چونکه اوسایه ده سز هر هانکی بر وضعیت عسکریه اوزرینه چار چابوق بر فکر بیان اتمک ملکه سنی قازانمش اوله جقسکز . ذاتاً خریطه اوزرنده استحکاملر کوسترلدیکیچون (میچ) اکثریا آچیق بر شهر کبی تلقی ایدیلله جکدر .

ضابط امتحانلرکزی ویردکدن صکره قیش کونلری عسکری اثرلری ورساله لری مطالعه سیله وقت کچوره رک اووجه ایلله معلوماتکزرک اکملنه چالشدیفکزی فرض ایدیورم . لکن سز بندن اپی بیلورسکزکه وظائف یومیه ایلله پک زیاده مشغول بولمه کز شمده یه قدر پک چوق شیلری اینجه دن اینجه یه تدقیق ایلمکزه مانع اولمشدر . بونک ایچون رجا ایدرم ، اولجه اوکر ندیککز معلومات عسکریه اوزرینه برازا احتیاطلی کورینشمدن وایکیده بر سزجه پک اسکی پوسکی شیلر صایيله بیان

ماده لر حقننه سوز سويليشمدن طولايي بنى معذور طوتكيز . صكره سز كندى كنديكزه بوسوزلرك ، بو احتياطلرك نافله شيلر اولمديغنى تصديق ايدرسكز . چونكه اوسايهده برچوق اكسيكلرككز اكمل ايدلديكنى كورمىش اوله جقسكز .

ايلاك مسئلهلرك حلنه كيريشمهدن شمدى سزه سويليه جكم نصيحتلره برر ، برر قولاق ويريكر . اولنرى برر قاعده ، برر اساس كې بلله يكر . اوله عسكرى مكتبلرنده « تعيه تدريسايچون رهبر » نام اترك اك صوك باصامش نسخه سنده كى صوف ثائه تعليمنامه لرينى ايجه بر كوزدن كچوريكر . كندى صنفكردن بشقه صنفلركده بتون يورويش واجتماع نظاملرينه ، مانوره و محاربه ترتيباتلرينه دائر صاغلام برنكر ايدنمه كز لازم كلور . برده سزه توصيه ايدرم ؛ پياده تعليمنامه سنك ايكنجى قسمنى ده اوقويكر . اوراده اوتكه صنفلره تطبيق اولنور بر سوري قواعد بولورسكز . پياده صنفندن اولمان ضابطلر بوصنفه دائر هر شيئى كمال اعتنايله نه قدر چوق مطالعه ايتسه لر ينه آزدرد . چونكه پيادادولرك روحنى واساسنى تشكيل ايدر . صحرا طوپچى تعليمنامه سنك دردنجى قسمى ده ايوجه بر كوزدن كچورلمش اولمايدر . بوتعليمنامه ده كوره جكسكزكه پياده يه دائر اولان قواعدك بر قسمى عينا تكرر ايداشدر . خصوص مذكور شهبه يوق ؛ شمدىكى زمان تعيه سنه اجراى ناثيرايدن اسباب اوزرينه سزده پك صاغلام برنكر اويانديره جقدرد . خدمت سفريه وانداخت نظامنامه لر ينك مطالعه سيله بستون اكمل ايديلان شو حاضر لقلر سزى تعيه نك اقسام نظريه سنه آيشدرمغه كفايت ايدم جكلردرد . بولكله برابر ؛ سز اك چوق ينه كندى صنفكرك خدمت سفريه نظامنامه سنى بيايمكه مجبورسكز .

حاصلی «تعییه تدریساتیچون رهبر» نام ائردن محاربه یه داتر قواعد عمومیله حرکات صغیره یی و مسکون برلرک محاربه لرینی ده مطالعه ایتمه کز لازم کله جکدر . بنم فکریمجه بونلر سزک ایچون کافیدر . (وهدل) ک دیدیکی کبی بنده ضابطلرک کوچوکدن بیوکه نئقال ایتیه رک بردن مباحث عالیله مطالعه ایتلمرینه راضی دکم . زیرا ابواصول اونلرک ذهنلرینی قاریشدر مقدن بشقه برتیجه ویره مر . هم نه لزوم وار ! تعلیمنامه لر شو صوک زمانلرده تعیه اوزرینه بحث ایدن کتابلرک اکایولریدر . برچوق کره لر نظ دقتکزی تعلیمنامه لرک بعض ماده لرینه جلب ایده جکم . بناء علیه سزده کوره جکسکزره ، پک آچیق برلسان ایله یازلمش اولان قواعدی آکلامق ، اونلری احوال مشکله یه تطبیق ایتمکدن دهاقولایدر . لکن بنم یازدیغ تعیه مسئله لرینی انجه دن انجه یه تدقیق ایده رک اکصوکره اوغرا دیغکر مشکلاته غلبه ایتمش اولدیغکزی کورورسکزر .

مسئله لرک حلیله اوغرا شدیغکر صروده یالکزر «تعییه رهبری» نام اثر ایله مختلف صنفلرک تعلیمنامه لرینی و خدمت سفریه نظامنامه سنی یانکزرده بولندیریکز ؛ بشقه هیچ برشیته لزوم یوقدر . مسئله وخریطه کزه ایلک کوز کردیرم جککزر آن ایله ، قلمکزدن صوک حرف چیقنجه یه قدر کچه جک زمان آره سنده کی وقتکزی بیلکزر و آنی او یله جه قوللانمغه چالیشکزر . اوندن بشقه هر مسئله یی براو طور ووشده یعنی آره لق ویرمکسزین حل ایتمه ک باقیکزر . هر یکی مسئله کنندیسندن اول حل ایدلمش اولان مسئله دن ده ازر زمانه محتاج اوله جقدر . اگر کنندیکزه کووه نیرسه کز ، و مسئله کزک ویریلان زمانده بیتور یله جکنه امین ایسه کز شبهه یوق ده اسکونته چالیشور و کوزل کوزل مسئله کزی حل ایتمش اولورسکزر . شو خصوص سزک طرز افاده کزله یازیکرده ایجه دقت ایتمش اولمکزه یاردم ایده جکدر .

اساساً کوزل حل ایدلمش اولان بر تعییه مسئله سی فنا بر یازی واقاده ایله یازلمش ایسه قیمت اصلیه سندن پک چوق شی غائب ایدر. بر آرتجربه سی اولان کسه سزک تعییه مسئله لری حل ایتمکده ملکه کز وارمی ، یوقی بوراسنی یالکز بر کوزاوجیه باقسه آکلایه بیلور .

سزه ویردیکم مسئله لک حلدنه تمامیه اصابت ایدیکز ویا ایتمه یکز ؛ بونک پک اهمیتی یوق . تعیه اوزرینه یاییلان مسئله لک ذاتاً بر قاج درلو حللری شایان قبولدر . انسان ایش باشنه کچنجه ، عین مقصده ، شه سز بر قاج بولدن کیده بیلور . وپک چوق کورلمش دوک تعیه جه بر مسئله حل ایدیلورکن ، اتحاد اولان فلان ویا فلان تدبیره هیچ بروجهله اعتراض ایتمه حقمز اوله مز . مکر او تدبیر لردن دهامؤثر بر تدبیر بولمیش اولسون . سز انجق حل ایتدیککز مسئله لری نم جل ایتدکلمله و افکار کزی ینه نم افکارمله مقایسه ایدرک تعیه حرکاتجه سرعت نظر وانتقال صاحی اوله جقسکز . اوندن بشقه اک متحول تعیه وضعیتلرینی برر ، برر کوزدن کچیرر وانلری انجه دن انجه یه تدقیق ایلر سه کز مطلق پک آز وقت صکره اک ساکن فکری انسانلر یرینه کچمش بولنور سکز .

وظیفه لر مزک باشلانغچنده سزه اورنک اولق اوزره ویره جکم امر نمونه لری جانکزی ویا ذهنکزی هیچ صیقمسون . خدمته کیردیککز کوندن بری شبهه سز تعیه مباحثی اوزرینه بعض اشکال محدودیه قابلماماکزی بر چوق کورلر سزه نصیحت ایتشلردر . بویوله نصیحت ویرنلرک حقاری واردی . بونکه برابر بن ، ینه بر چوق اورنکلرک ، بر چوق نمونه لرک ذهنکزده قاله جق وجهله بیلنمسی سزدن ایسترم . لکن شونی بیهوده ایستمیورم . بالعکس او واسطه ایله سز علی الخصوص ایلک زمانلرده بیلنمسی لازم کلن بر چوق مهم شیلری

اونو تمقندن قورتیلورسکیز . اولیه ایسه تعیه ایچون سزه کوستره جکم بعض نمونه لرم یالککیز برواسطه مطالعه در . یوقسه بشقه هیچ برشی دکدرلر . برازوقت صکره سزیواش یواش اونلردن آیراغه آلیشورسکیز و بنم بالخاصه سزی بویوله آلشدیرمش اولمق ایچون اوزمان ویره جکم مسئله لری : یالکیز سزجه معلوم اولان اور نکله تطبیق ایله حل اولنه میه جق طرزده ترتیب ایله جکم . حاصلی سز ایشک اساسنی اوکر نمش اوله جغکیز زماں ، صورت عمومیه ده نمونه واورنک دینلن شیر تفرعات قیلندن اولور . بونکله برابر ، قوللانیله جق شکلر اولیه کیفی برطاقم شیر دکدرلر . بالعکس اونلر تطبیقاده کوریلن احتیاجات صحیحهدن میدانه کلورلر .

قوماندا ایتک صنعتی . هر برحاله کوره معقول واساسلی امرلر ویرمکدن عبارتدرکه بوامرلرک برچوغی شهه سز اشکال عادیهدن فرقلی اوله جقلردر .

قوماندا نلق عملیاتنده . بن هر درلو نمونه واورنکلرک دشمنی یم . و بنم اعتقادجه ، مختلف اورنکلر بر صنعتی اوکر نمک ایچون لازم کلن آللردن بشقه هیچ برشی دکدرلر . حضرده وسفرده برچوق تجربه لر کورمش اولان براسکی ضابطک ویره جکی امرلر ایله هنوز ایشه باشلایان کنج برضابطک ویره جکی امرلر آراسنده طاغلقدر فرق واردر . دیدیکم نمونه لر ، هان اردولرک هپسنده قوللانیلور و خدمت سفریه نظامنامه سنک آریجه بر بحث مهمنی تشکیل ایدرلر .

مسئله لری حل ایده جککیز وقت اشاغیده کی وجهله حرکت ایتکیزی توصیه ایلرم :

۱ — اونلری خریطه اوزرنده تعقیب ایده رک برقاچ کرده دقتله اوقومق ؛

۲ — اراضی بی وبالخاصه یوللرک هپسینی خریطه اوزرنده ایدن ای بیه مطالعه ایتک . شو مطالعه اثناسنده یالکر خریطه ده کی بیوک خطلری کورمکه اولمز ؛ بالعکس کندیگری الیوکسک بر نقطه ده فرض ایدرک مسئله حل ایدله جک منطقه نك هر گوشه سنی پانوراما سیر ایدرکی سیر ایتک وانقک کذلک هر جهتی بر کوزدن کچیرمک ایستر . اوندن بشقه سز کندی کندیگره آئیده کی شیلری بر بررر صورملیسکر :

شو بولندینم نقطه دن عجا مسکون یلردن هانکیلرینی کوره بیایورم ؛ هانکی یوللری قسماً ویا کاملاً تفریق ایده بیایورم ! بنم خط اقم عجا هانکیسی اوله جقدر ؛ عجا نظر م هانکی جهتن اورمانلر . تپلر ، مسکون یلروسائر بوکی شیلرله تحد ایدلمش بولنه جقدر . بوخصوص ایجه دقت وملمکه ایستر . خریطه اوزرنده اراضی نه قدر عارضه لی ایسه دیدیکمز شیلری تطبیق ایده بیامک ایچون او قدر زیاده دقت لازمدر . بزم قوللانه جغمز خریطه لر یک مکمل اولدقلری ایچون شو خصوصده سزی بر پارچه بولدن چیقارمش اوله جقلر . یعنی سز او کوزده لم خریطه لر اوزرنده هیچ زحمت چکمه کسزین هر شیء قولایجه سنه کورمش اوله جقسکر . کاشکی خریطه لر مز بر آزدها فنا اولسه لردی ده سز . اراضی بی کشف وتقدير خصوصنده ده اچوق ملکه ایدنمش اولسیدیکر . لکن بوهر حالده یک بیوک برنالق دیمک دکلدر ؛

۳ — کندی وضعی تکزایله خصمک وضعیتی حرفی حرنه بللمه مک .. بونک ایچون ده سز کندیگری ، هیئت ارکانله بر لکده معین بر نقطه اوزرینه چیقمش بر قوماندان رینه قویکمز . شو صرده مطاق کندی قطعانکزی کوردکن بشقه خصم قطعاتی ، سز جه دو و ونلمش اولان یلردده کورمکز لازمدر . نه قدر ایو دوشونه بیلورسه کز . مسئله کزی شبهه سز او قدر ایو حل ایتمش اوله جقسکر ؛

۴ — (نصیه تدریساتچون رهبر) نام اتردن مختلف صنفلرک تعلیمنامه لرنده، سفریه نظامنامه سنک مسئله کزه تعلق اولان بحثلری تکرار تکرار اوقوییکز. شبهه یوق، سز بویه یاپارسه کز وظیفه کزی بر آزد ها کچ اکال ایتش اولورسکر لکن وقتکزی هیچ بوش یره صرف ایتش اولورسکر. هر نه وقتکه بر شبهه یه دوشدیککزی آکلارسکر؛ هیچ طور میک همان تعلیمنامه به بر کره دها کوز کزدیریکز؛ بوسزک ایچون اک کوزل بر اصولدر؛

۵ — مانوره ویوروش یایمق ایچون ده آرادن کچه جک زمان ایله بریردن بشقه یره کیتمکده صرف ایدیله جک زمانی مسئله کزده کی معلوماته نظر آایوجه حساب ایتک؛ بوخصوصده مسافه لری طوغری اولچمک و بزجه دشمنک تعقیب ایتمی محتمل اولان استقامت لری ده عینله تقدیر ایلکم لازمدر. موضعلره کلنجه آنلرکده جهه لر ایله درینا ککری، ایودن ایویه اولچیکز؛

۶ — سز یوروش یایه جفکز ویا بریری طوتمش اوله جفکز انساده خصمک سزه قارشى آله بیله جکی ترتیبائی ایوجه دوشونملى. عجمیل بر مسئله یی حل ایدرکن اکثر یا کندیلری یوروش اجرا ایتدکاری صروده دشمنی یرنده ثابت فرض ایدیورلر؛ بوايسه شبهه سز پک دهشتلی خطا لر ندر.

۷ — یایيله جق سی ووریه صاغلام برقرار ویرملى. یاریم تدیرلرله ایش کورمکدن پک زیاده چکینیکز. اگر تعرض ایچون قرار ویرمش ایسه کز، قطعات کزله وکال شدتله دشمن اوزرینه هجوم ایدیکز. اگر رجعت ایتک ایسترسه کز، هیچ سبب قضاى اولتسزین کیدوبده ایکی اوج کیلومتره اوزاقده طور میکز. ایلک اوکجه نه ایستدیککزی بیلیمز، صکره آنی کال جدیت وقرار ایله یاپیمز؛

۸ — قطعانك انقسامنى ايوجه بركوزدن كچورملى . برمسوده كاغدى اوزرنده وانقسام عساكر جدولندهكى قطعانك هر برىسنه رلرلنى كوستريكنز . صوكره بونى بردفعه دهاكوزدن كچيريكز ، اووجهله كسيه ي اونوتوب اونوتمديغكزى آكلارسكز . چونكه عجميلر اكثريابعض قطعانك عسكريه ي اونوتورلر . باشمدن كچمشدر ، ائى بيليرمكه انقسام عساكردن حصوله كلن قطعاننى وبالخاصه سوارينك انقسام عساكرى مطلق تصحيح اولنق لازمكيدر .

۹ — الكصوكره امرمى يازمه نك صره سى كلور . بونك ايچون اصلا هيچ برشى اونوتيمه جق برحاله كلنجه يه قدر بنم اورنكلرئى قوللانيكز . ايلك دفعه لر يازيله جق امرك برمسوده سنى ياقمق ومسوده يابيلوركن اشاعيدهكى شيلره دقتايمك لازمدر . برامر اوله بيلديكى قدر قيصة يازليلدر . قيصة عباره لر قولاي آكلاشيلور . اوزون سورن جهله لر عسكرايشلرينه كلز . بونك ايچون امركزى بيوك بردقته او قوييكز وباقكز اكر بعض رلرى دهاچيزمك الكزدن كلورسه همان چيزيكز : وارسون دهاقيصة اولسون ، نه باس وار ! تعيراتك ائوسنى انتخاب ايتكمده بك جدى اوليكز . ايلك او كجه يابيلان مسوده ده چيزيله جك ائى فضله سوزلر بولورسكز ، لكن بوكا هيچ جانكز صيقلمسون ، زيرا ، سزك ايچون اصل اويله سى فائده ليدر .

« مسوده سنده اكسيكى ويا زياده سى اوليان برامر هيچ برشيئه ياراماز . »
بسم الله الرحمن الرحيم
اولدئنى زمان انك قوبيه سنى آله جق اولانلر آنى اختصار ايتكمه قالدشورلر .
طبيعى شويله برشى يانمغه هيچ بر زمان مساعده ويرلمز . چونكه معيت ضابطاننى اجمالاً برامرك صورتى آله جقلى زمان دائماً اونك بعض

برلرینی اکیسک یایمه جقلرندن امین دکلدرلر . وهر وقت اونلره شویله بر
اعتماد کوستریله مز . بو محذوردن چکنمک ایچون امرلر بروجه آتی ویرلمش
اولمی که آنک صورتی آله جقلر حرفی حرنه آلفه مجبور اولسونلر .
امرلرده : یایله جق ترتیبندن هیچ برشیئک سبی سویلنماملی . چونکه
اکر بر امر کوزل یازلمش ایسه ترنیاتک اسبابی کندی کندینه بللی اولور .
بر حرکت امری خسته لر ایله یاره لیلره : اداره ایشلرینه ، پولیس خدمت لرینه
وهر جنس عرفخاللر ایله لایحه لره دائر یایله جق معاملهلر دن بحث
ایتمز . سز آنحق پک نادراً جیخانه نك اكمال و تجدیدی ایچون آله جق
تدابیر اوزرینه قلم یوریتش اوله جقسکز . چونکه بونلرک هپسی حرکت
امرلرندن کلیاً فرقلی اولان یومیه امرلر نده ذکر ایدیلورلر . بر امر مطلقاً
آجیق یازلمش اولمیدر . اجرا آتده اکر بعض یا کلشقلر کوریلورسه ،
بو قباح امری ویرن کیسمه یه عائددر . چونکه او ، امری یازارایکن ،
قاریشقلغه سبب اوله جق هر درلوسوزلر دن چکنمکه مجبور دی .

بونک ایچون دینه بیلورکه : بر امر نه قدر ایتو ترتیب ایدلمش ایسه ،
اجرا آتی ده اوقدر ایاو اولور . تطبیقاتده امرلر ، کوندریله جکلری آدملرک
اوصاف طبیعه سنه کوره ، آنلرک زکی و غبی ایشلرینه نظر آیا زلمیدرلر .
لکن تعیمیه مسئله لرینه کلنجه بوراده ضابطلرک هپسی مکمل آدملر اولمق
اوزره فرض ایدیلورلر . بونکله برابر . امر کوندریله جک آدملر عجباً
هانکی حده قدر ، وضعیت عمومی اوزرینه بر فکر ایدنمش اوله بیلورلر ؟
وسزک دوشوندیککز نقطه لری عجا اونلریالکز بر امر اوقومقله آ کلایه
بیله جکلر میدر ؟ یوقسه اون نقطه لره سزک ویردیککز معنادن بشقه معنای
ویره جکلر در ؟ ایشته بورالرینی بیامک ایجاب ایدر . او یله ایسه ، بردفعه
کندیکزی امر آله جق ذاتک یرینه قوییکز وسزه او ، امر کلدیکی زمان

نه یامش اوله جفکزی کندیکزدن برصوریکز. بویه یایارسه کز یازیله جق امردها درست یازیلور. امرلر قیصه ، اولمقدن زیاده آچیق اولمیدرلر . بونک ایچون اکر قیصه برتصیر قوللان دیککز وقت اوندن مبهم بر معنا چیقارسه ، همان اونی براقه زق یرینه آچیق بر عباره یازیکز .

اما قیصه امر یازه جغز دیبه هیچ بروقت آکلا شلما ز امرلر یازمیکز . یاکلش مغالره کلن تعیرلردن کذلک : پک زیاده چکینکز : مثلاً ساغده . صولده ، ایلریده ، کیریده ، اوتده . و بریده کی تعیرلری قوللانمیکز . بالعکس اونلر یرینه جغرائیانک نقاط اصلیه سنی قوییکز . اووقت هیچ یاکلش اولمز سکز . مثلاً : [« ورنی » نک صولنده] دیه جک یرده [« ورنی » نک غریبنده] دیککز . اکر « نلان کویک جنوب مخرجنده » دیمک لازم کلورسه ، اووقت بر کره باقکز ، کویک جنوب طرنده بشقه بر مخرجی دها یوقایسه اوله دیککز . کوچک بیوک فصل اولورایسه اولسون مسکون یرلردن بحث ایدلجکه قولای قولای برخیلی یاکلش اقلر ظهور ایدیه بیایر . مثلاً برقاق مخرج اولدینی زمان « جنوب غربی مخرجنده » یازمیکز : لکن [« س » استقامتنده کی مخرجنده] ویا [« س » ه کیدن یولک مبدأنده] یازیکز . کذلک یکی یکی بر طاقم اصطلاحلر و یسانجی کلملر قوللانمقدن چکینکز . شوخصوصده الصولک طبع ایدلش اولان تعلیمنامه لر سزک رهبرکز اولسون ..

بر امر قیطی اولمیدر . زیرا . بویه اولمزایسه ، او . امر شدتله اجرا ایدیه مز . « الدن کلدیکی قدر » ، « اکر اوله بیلورسه » و « احواله نظرآ » کبی اسکی بوسکی نه قدر سوز و ارایسه اونلرک هپسنی امرلردن طرد ایدیکز ! بر امر ویرلدیئی زمان اونک مسئولیتی امر ویرن کسه کندی اوزرینه آلمی ، یوقسه آنک بر قسمی معیت ضابطانه یوکلتمکه چالشمایلد

مادون یالکز قلعی بر امر سایه سنده ، کندیلکندن ایش کوره بیلیمک
اقدارینی حازر بولور . چونکه او ، امر ، وضعیت حقیقه یه ، مادونک
خاصه طبعیه سنه و مافوقه قارشو اولان فکر تبغه نظراً ترتیب ایدلمشدر .
وضعیت نه قدر کوچ اولور ایسه ، امرلرده او قدر زیاده کسکین و آجیق
یازمیلدر لر . بناء علیه اگر امرلر یگری یازدیغکز صرده کندی شبه گزی
اورتمک ایچون مخصوص او یله بعض قالی و مشکوک تعیر لر سچر سه کز
بو پک بیوک برخطاوله جقدر . بر امره درج اولنان ترتیبات هیچ بر زمان
مادونلرک حقوقه ایلشمه میلدر . بو ، یالکز ، وظائف یومه تطبیقاتنده
دکل ، مطالعه ایشلرنده بیه الکچوق وقوعه کلن بر قصوردر . او یله ایسه
امرلر گزی یازارکن شو خصوصه بر آزا احتیاطلی اولیکز . اصولاً ، قلده
آلدیغکز امر مادونک کندیلکندن یاپه میه جنی ترتیباتی کو ستر میلدر .
اونک ایچون سز ، اجرا آنده کی تفصیلاتی آنک رأینه بزاقیکز . و علی -
الخصوص امرکز مادونه کیتیمک ایچون اپی زمانه محتاج اولور و امر
یازیلورکن سزک قبول ایتدیگکز وضعیت بستیون دیکشه بیلور سه ، او وقت
امرک اجرا سنی مادونک رأینه براقنی هیچ اونو تمیکز . اوت ، سز
مادونکزه یالکز وظیفه سنی کو ستریکز ! اونی باشه چیقار مق اونک
بورجیدر .

قوماندانک رتبه سی نه درجه بیوک ایسه ، اونک ویره جکی امرلرده
اودرجه عمومی وقیصه اولور لر . تطبیقاتنده لزوم کورر سه کز ، تعقیب
ایدیلان مقصدک حصوله مانع اوله جق تشبثاته بر چاره بولمق ایچون همان
انلره مداخله ایده بیلور سکز . شو خصوصه سزی هیچ بر شی منع ایده مز .
بر امر ، پک اوزاق اولان بر استقباله کوز دیکمه میلدر . بالعکس اونک
هدفی دائماً بولینیلان زمان ایله تماسده قالمیلدر .

وقتسز یازیلان برامریک نادراً اجرا اولنه بیلور. آتی ویرن قوماندان
برکرده دشمنک الدینی ترتیباتی کشف ایدمهز، نایباً راست کله وقوعه
کله جک احتمالاته قارشوده هیچ بر حاضر لقمده بولنه مز. بونک ایچون اکثریا
او، امری بوزمغه مجبور اولور. «امر. امر اوزرینه ویرمک امر سزک
دیمکدر. «ضرب مثلنی دوشونکز! اولجه ویریلان برامریک چوق
دکیشدیرمک عسکری بوشنه یورمق و مادونک مافوقه اولان امنیتتی محو
ایتمک دیمکدر. کذلک امر لریکزده بر چوق احتمالاته کیریشمکدن چکینکز.
چونکه بو حال هم نبارشیدر. وهم نافله یره امر لریکزی اوزاتمش اولور.
شبهه سز، برامر اجرا اولورکن بعض احوال محتمله ده ظهور ایدمه بیلور.
واکر دیگر احتمالاتک وقوعی کشف ایدلدیکی زمان بونلر هیچ خاطره
کلامش ایسه لر، طبیعی مادون قوماندانلر اولنره قارشو نه یابه جقلری
بیامیه جکلر در. برامرده «فلان ویا فلان شی» مطابق اوله جق! دیمکدن
چکینامیلدر. زیرا. اکر حقیقت او مولدینی کبی چقمز ایسه او وقت
مادونک مافوقه اولان امنیتتی بسبتون محو اولور. بالعکس مادون قوماندانلر،
تشبث اولنان هدفه وارمق ایچون امرک مقصدی نه ایسه آتی آچقندن
آچیغه بیلملیدر لر.

کله جک مکتوبده بن سزه بوقاعده نک استثنالرندن بحث ایدمه حکم.
برامرده زمان ایله مکان. هیچ بر خطا وقوعه کله جک وجهله قطعی و صاعلام
کوسترملیدر. بونک ایچون سزه خدمت سفریه نظامنامه سنک بورابه عائد
اولان بحثی او قومنی توصیه ایدرم: چونکه بن اوبجنی تکرار ایتمکدن
بشقه نه یابه بیلورم: اکایوسی سز کندیکز او قور، دهاکوزل استفاده
ایدرسکز. اوکله ایله اقشامک (۵) ی اراسنده کی ساعتلر ایچون
«اقشام» دیمکدن ایسه «اوکله دن صکره» دیمکی ترجیح ایدرم. زیرا

او وجهله یعنی اقشام ساعت «۱» ی «۱۵» دقیقه کچه دینلورسه بوافاده هرکسک قوللاندینی لساندن آریله رق برخیلی شبهه لرویا کلشقلرد سبیت ویرمش اوله بیلور . ساعتی کوستررکن ، دقیقه لری ده پک آجیق یازیکز . کرک فرانسزجه وکرک (پولونز) جه یازلمش بعض قاریشیق اسم خالصره تصادف ایدرسه کز اولری خریطه اوزرنده کی شیرایله حرفی حرفنه مقایسه ایدیکز . هر نه قدر سفریه نظامنامه سنک کوستردیکی اشکال پک بسیطایسه ده اولردا قولا نامازلر . اونک ایچون سزایشه باشلادیغکز آنده دخی پک اینجه دوشونمکه آلیشکز .

چونکه دقتسزلقدن ایلری کلان بریا کلشاق قدر انسانک جانی صیقان هیچ برشی یوقدر . خدمت سفریه نظامنامه سنک بتون تعایات وقواعدی ظن ایتمکزرکه اوله برارایه بیغلمش تفصیلاتدن عبارتدر . بالعکس اولر تحارب سفریه اوزرینه میدانه کلش الهمهم شیردندر . بونک ایچون آنلری اونو تمق کندی ایستککزله قویه دوشمک دیمکدر . برکره انقسام عساکرایله امرکزی کچل دقت ایله یامش اولدقدن صکره یازدیغکزشی تکرارودها اوقوناقلی بریولده قویه ایدیکز . یازیکز دایما کوزل و آجیق اولمق ایچون شبهه سز الکرده ایجه ادمان کورمش بولمیدر . ای ترتیب ایدلمش برامر . یکنظرده آکلا شامش اوله بیاملیدر . تطبیقات امرلرنده اوقوناقلی برامر الکرده مقبوله کچر . زیرا هرکس اوراده کندی حصه سنه دوشن وظیفه یی برباقشده آکلایه بیلور . ایشه باشلامق ایچون بن سزه پک قولای بر سوال ویر یورم . یعنی سزایلیک اوکجه بر حرکت امری یازمغه مجبور سکز .

برنجی مسئلہ

(« میچ » خریطہ سیلہ « ورنی » پانٹھ سی)

دشمن مملکت بندہ ، میر آلالی ۱۰ قوماندان سندھ اولان برمفرزہ (۹۸ نجی پیادہ آلالی ، ۹ نجی دراغون الاینک برنجی وایکنجی بلوکاری ، ۲۱ نجی طوپیجی الاینک ۷ نجی بطریہ سی ۱۶ نجی استحکام طاہورینک برنجی بلوکی ، و برسیار خستہ خانہ طاقی) ۱۸۸۹ سنہ سی ۳:۲ تموزی لی بہ بون لک جنوبندہ اردو کاہدہ کچر مشدر (« ورنی » پانٹھ سی) . اردو کاہک امنیتی دیگر قطععات ایلہ تأمین ایدلش بولنیور . تموزک ۲ نجی کونی آفشام ساعت (۹) ی (۳۰) دقیقہ کچر لک بومفرزہ ایرتسی صباح ، برقچ کون ترہ نلرک ایشلمسی ممکن اولہ میہ جق وچہلہ (پہلتر) استاسیونندہ شمندو فرخطنی کسمک ایچون امر آلور . مفرزہ نک امدادیہ تخصیص اولنان قوای عسکرہ (دہلم) اوزرینہ یوروش اجرا ایتکندہ بولنیورلر . دشمن سواری کشف قوللری ، تموزک (۲) نجی کونی اوکلہ دن صکرہ ینہ (میچ) لک جنوبندہ کورلشلردر [۰] . آلمان معلومات صحیحہ بہ کورہ دشمنک پیادہ و طوپیجیسی (آنیلی) دہ اردو کاہ قورمشدر [۰۰] .

یاسیلہ جق وظیفہ

- ۱ — تموزک (۲) نجی آفشای میر آلالی (۱) طرفندن ویریلان امر ؛
- ۲ — اسباب موجبہ نک برر بر تشریحی ؛
- ۳ — اردو کاہدن آیرلدقندن برنجی ساعت صکرہ یوروش ترتیبانک قروکیسی .

سزہ یاردم ایتک ایچون صورت عمو میہ دہ بر جرکت امرینک اورنیکلہ ایلری یوروش امرینہ دائر آیریجہ بر مثال ویریورم . شمدیکی حالہ سزہ بولدن آنجق بر درجہ یہ قدر فائدہ کورہ بیایر سکر . وظیفہ کزی قولایلا تمق ایچون بوندن بشقہ هیچ بر معاونندہ بولنمہ جقم . سز کندی بیلدیککرلہ ایشہ باشلایکزر . بو وچہلہ اولدن اکتساب ایتش اولدیککر — معلوماتک شمدیکی حالہ سزہ نہ قدری قالدیغنی آکلار سکر .

[۰] میچ آجیق برشهر اولق اوزرہ تصور ایدیلور .

[۰۰] میچ خریطہ سندہ

كله جك مکتوبم ، سزجه شېهلی ظن ایدیله بیله جك اولان بعض نقطه لری ایضاح ایده جکدر . سیکزدن فائده کورمک ایسترسه کز ؛ بک چوق زمان صرفه مجبور اولسه کز بیله ینه وظیفه کزی کاملاً برباشنه یا بملیسکز . سزی صیقمه رق دها زیاده راحت چالیشدی رmq ایچون بعض مشکل نقطه لری شمیدین سزه سویله بیلوردم ؛ هیچ برشی بنی بوندن منع ایده مز . لکن اوپله یامیه جغم ، زیرا ایسترمکه سز دها اوزون ، دها چابوق ودها امین برصورتده چالیشمەنک یولنی اوکر نمش اوله سکز .

طبیعی مسئله کزی حل ایدرکی بعض یا ککشلر یابه جقسکز . لکن بوندن سزک ایچون بیوک برفنالتی چیقماز ؛ بالعکس ، فائده کورورسکز . علی الخصوص تعیه درسارنده . اکثر یا خطا ایده رک برقاچ شی اوکره نیامش اولور . سوسلی قروکیلر یابه جغز دیه بوش یره وقتکزی غائب ایتمیکز .

یا لکز لزوم قنلی کوریلورسه ، اووقت آنلری تیض ایدیکز . لکن ، یورویش قولنک هر قسمه عائد اوزونانی کال دقنله اولچیکز . چونکه ایسنیلان برزمانده یورویش قولنک فلان ویا فلان قسمی ، عجبا هانکی نقطه ده بولنیور ، شوراسنی ایوجه تعیین ایده . بیلیمکز بک لازمدر . یورویش ترتیبانه عائد قروکیکزی اکال ایتمه دن صاقین بنم ایکنجی ، مکتوبمی او قومیکز !

حرکت امری نمونه سی

محل

تاریخ ، ساعت

مفرزه امری

- ۱ - دشمن ایله بری طرف قطعاتی اوزرینه معلومات .
- ۲ - مفرزه نك وظیفه سی (قوماندانك افکاری صورت عمومیه ده ذکر اولنور) .
- ۳ - پیشداره عائد ترتیبات (عزیمت ساعتی ، عزیمت محلی ، یوروش پولی ارتباط ویا کشف خدمتی . خصوصی وظیفه لر) .
- ۴ - قدم کلی به عائد ترتیبات (پیشداره اولان مسافه ، یا خود عزیمت زمانی . عزیمت محلی) .
- ۵ - جانبدار ایچون ترتیبات (۳ نمره - ده کی کبی بالخاصه کشف خدماتی نظر دفته آنور . (اگر لزوم کوریلور سه جانبدارک هانکی نقطه ده آیریله جنی سویلنور) .
- ۶ - ایلری قره قوللره عائد ترتیبات (ایلری قره قوللرک ایرتسی کونکی یورویشده قوله نصل کیره جکاری ذکرایدیلور .)
- ۷ - آغرقلره عائد ترتیبات (کیچک قومانداسنده بولنه جق ، قول نهایتی نه قدر اوزاقدن تعقیب ایدیه جک وسائر خصوصیات) .
- ۸ - حرکتک ایلک زمانلرند تئوماندانك بولنه جنم بر . امضا

- انقسام عساکر
- ۱ - پیشدار : قوماندانك اسمی . پیاده . سواری . طوپچی . استحکام .
 - ۲ - قدم کلی (یوروش نظامی) . خسته خانه طاقی (مستثناحال) . قوماندانك اسمی ذکرایدان . سواری (مخبره سواری سی) . پیاده . طوپچی . پیاده . استحکام . خسته خانه طاقی .
 - ۳ - جانبدار (صاغ ویا صول) : قوماندانك اسمی . « دیکرلری پیشدار ایچون اولدینی کبی » . امر نه بولده ونه واسطه ایله قطعات عسکریه به نوطه ایتدیرلمش ایه بورایه یازیلور .

بر ایلری یورویش ایچون ویریلان امره مثال

(ذ) نك شمالنده کی اردو کا

۱۱ نیشان ۸۹ کیجه ساعت ۱۱:۵۱

مفرزه امری

۱ — دشمن پیاده سی (س) و (ی) ده، سواری کشف قولری ایسه (و) ده کورلمشدر. اوچنجی پیاده فرقه سی یارین (م) دن (ن) اوزرینه حرکت ایده جکدر. ۲ — مفرزه یارین (ل) اوزرینه کیده. جکدر.

۳ — پیشدار صباح (۶) یخفنده حرکتله (ب) دن (ل) ه کیدن بولی تعقیب ایده جکدر. و (د)، (ه)، (ف) جهتلرینی کشف ایتدیر. دکن بشقه اوچنجی پیاده فرقه سیله ارتباطده بولنه جقدر.

۴ — قسم کلی پیشداری (۷۰۰) متره مسا. فه دن تعقیب ایله جکدر.

۵ — صاغ جانبدار یارین صباح ساعت (۵) ی (۴۰) کچه حرکتله (ح) اوزرندن (ت) به کیده جک و (ع)، (ب)، (و) نقطه لرینی کشف ایده جکدر.

۶ — ایلری قره قولر، پیشدار باشی آنلرک خدا سندن کچنجه به قدر یرلی یرلرنده قاله جقدردر.

۷ — بیوک آغر قلر برنجی سواری بلوکندن برکوک ضابط و برقاج سواری حمایه سنخده اولقی اوزره (ر) به قدر قسم کلی پی (۲) کیلومتره مسافه دن تعقیب ایده جکدر و اوراده یکی اصلری بکلیه جکدردر.

۸ — بن قسم کلینک باش طرفنده یوری به جکم. میر آلی

(۱)

انقسام عساکر.

۱ — پیشدار : بیکباشی (ب) .. برنجی پیاده آلاینک برنجی طابوری. برنجی دراغون آلای (دردنجی بلوک اکسیک) برنجی استحکام طابورینک برنجی بلوکی.

۲ — قسم کلی (ویورویش نظامی): برنجی دراغون آلاینک برنجی بلوکندن برکوک ضابط و (۸) سواری. برنجی پیاده آلاینک ایکنجی طابوری. برنجی آلایک برنجی طویچی طابوری (اوچنجی بطربه اکسیک) . برنجی پیاده آلاینک اوچنجی طابوری. برسیار خسته خانه طاقی.

۳ — صاغ جانبدار : یوزباشی (ف). برنجی آویجی طابورینک برنجی بلوکی، برنجی دراغون آلاینک دردنجی بلوکی.

(جزء و نام قوماندانیلرینه نوطه ایتدیراشدر. یا خود آغزندن سویلنمشدر).

اگر سواری پیشداره ملحق اوله جق یرده مستقل براقلمش ایسه اوزمان (اتقسام عساکر) جدولنک باش طرفنه و (۱) نومرولی ماده به کچوریلور (قو . ماندانک اسمی ذکر اولنور) . شو حاله نظراً امرک (۳) نومرولی ماده سی : مستقل سواری ایچون ترتیبائی (عزیمت زمانی ، عزیمت عملی ، یورویش یولی ، ارتباط و استکشاف خدمتی) کو سترر . لکن بوهیچ برزمان پیشداری ، کندی امنیت خصوصیه سنی تسهیل ایچون لازم کلن سواریدن محروم براقه من . اگر مسئله ده ایلری قره قولدن فلان بحث ایدلامش ایسه امرک (۶۰) نومرولی ماده سی خذف اولنور .

ایکنجی مکتوب

ایلری یوریش

اگر بنم سزه ویردیکم نصیحتلره کوره مسئله کزی حل ایتمش ایسه کز امینم اونک ایچون اک آز اوچ درت ساعتاق برزمان صرف ایتمشکزدرد . لکن ، باس یوق ، تجربه ایله بیلورمکه ، بوزمان سنک ایچون پک بیسوک برشی دکلدرد . هم سز یواش ، یواش ملکه کز ایلرولدیکه ، بویله شیلری ده اآز زمانده حل ایده بیله جکسکزد . برمفرزه هر هانکی برایش یایغمه مأمور اولوب (سنک مسئله کزده برشمندوفر قطع ایتمه) عین زمانده کندیسنی امین برحالده طوتمغده مجبور اولنجه ، یوزی دشمن طرفته متوجه وایش محلتک اپی ایلروسنده یرلشمایدر .

تنیه — تخریراً ویریلان برامرده اسم خاصلرایله هر ماده نک باش طرفنده کی ایلک کله لینی برر کره ایچنه آلق پک ایودر .

بويله ياييلورسه ، ايشجبار هيچ اولمزرسه محاربه نك بر قسمند
دشمن آتشندن متأثر اولمقسزين وظيفه لرينه دوام ايدرلر ويا ايشلرني
بستون اكمال ايتمش بولنورلر . هم ، بوايشجبارك يالكز دشمن
پياده آتشندن دكل طوپچي آتشندن ده محفوظ قالملى لازمدر . بناءً عليه
دشمندن ستر ايديله جك ايشجبار ايله اصل مفرزه آره سنده كي مسافه ني
تعيين ايجون بوفكرى اساس طوتمليدر .

اكر بوچشيد بر عمليات، آزچوق ايلريده كائن برتپه ايله اورتلمش
بولنورسه دها ايواولور . فى الحقيقه ايلريده شويله برتپه وارسه مفرزه نك
كوچك بر قسمى (بوراده استحكام بلوكيدر كه . پياده صنفى حين حاجتده
او كاياردم ايدى جكدر .) ايش ايله مشغول بولندينى صره ده : الك بيوك قسميله
اوراسنى طوتمق لازم كلور . بزه كلنجه شهبه سز : وظيفه مزى دشمن
كور مكسزين باشه چيقارمش اوله بيله جكز . چونكه او كمزده «مرسيه مچ» دن
«به ووى - لابس» ه قدر اوزايان برتپه وار . مسئله مزده كي مفرزه نك
يورويش هدفده ايسته بورا سيدر .

ديديكمز تپه يه وارمق ايجون الك كوزل يول «غره و - لاهوت» دن
كچن يولدر . گرچه بونك بر آز غره بنده «شهريزه ي» دن كچن ايكنجى
بريول وارسه ده بر چوقا كريلرى بوكريلرى اولديغيچون اولكندن
دها اوزون سورهر . برده او، برنجيسى قدر ايو دكلدر؛ باخصوص
«هو پيتال» اورمانلردن كچن قسمى ايجه فنادر . هيچ برشى اولمسه بيله
«لى يه هون» اردو كاھنده قالدنجه آنك «اورنى» ايله «شهنى» آراسنده كي
پارچه سى نه حالده در بللى دكل : برده عجيبا براوجندن تا اوتيه كينه قدر
طوپچينك حر كته مساعد ميدر ، اوراسى ده بيانمز .

آغاچلق یرلردن کچن بوقیل یوللر ، باخصوص برقاچ کون یاغور
دوشدکن صکره ، اکثریا چامور ایچنه کومیلورلر ، که بو محذوری بزه
خریطه لر کوستره مز .

تطبیقاتده ایسه دائماً او یله دکل ، بالعکس برکشف قوی کوندره رک
بعضاً شو دیدیکمز خصوصی آکلامق ممکن اولور . لکن خریطه
اوزرنده کی ایشلره کلنجه اوراده برآز احتیاطی بولنق و آزاجق ده
اوزون اولسه بیله بیوک یول اوزرنده قالمق ده ایودر . بعض اوافق
تفک طولاشقلرک نه زیانی وار ؛ عسکر ده سرعتله یورور ، ده
راحت ایدر ودها آز یورولور .

« هویتال » اورمانلردن کچلدیکی حالدده شبهه سز ، بیوک بولدن کیدلدیکنه
نظراً مفرزه نك « په لتر » اوزرینه اولان یوروشی ، دشمندن ده کیزی
طوتلمش اولور . لکن بوفانده بزى قطعياً امین اولمديغمز بریولی قبوله
مجبور ایتمه ملیدر . کذلک ، ایلک اوکجه « غره و — لاهوت » یولنی تعقیب
ایده رک صکره « شه زنی » دن « په لتر » اوزرینه کیتمکده ممکن ایدی .
اگر مقصد یالکز « په لتر » استاسیونى الدها ایتمکدن عبارت اولسه ایدی ،
بویول همان همان بیوک یول قدرایو قطع ایدیله جک مسافه کذلک اوکا
مساوی اولوردی .

لکن مفرزه نك اک بیوک برپارچه سی « په لتر » استاسیونک
شالنده کی تپه اوزرینه کیتمکه مجبور اولدیغندن « شه زنی » دن کچمک
ایچون آرتق بر سبب معقول کوستریله مز .

او یله ایسه ، یوللرک هروجه ایله اک ایوسی اولان بیوک یول
تعقیب ایدیله جکدر . فقط بو ، « په لتر » استاسیوننده شمندوفری

کسمکه مأمور اولان اقسام عسکریه « شه زنی » دن کچمه جکلردیمک دکلدر .

یوروشی حاضر لامق ایچون یالکز تعقیب ایدیله جک یولک حالی دوشونمکله قالمالی ، بالعکس اونک هراییکی یانسنده کی اراضی بی ده ایودن ایویه آکلامق لازمدر .

اولا سزک ، صول یانکزده « هویتال » اورمانلری ، صاغ یانکزده « مه کلوو » ک شرقنده کی اورمانک پارچه لری و « شامپل » بیوک اورمانیله « آرس — لاکنه کسی » نک غربنده کی اورمانلروار .

یولکز بونجه کیدن اراضینک اقسام سائرسی اپی آچیقدر . کشافلر « غره و — لاهوت » ویا « پی یرره ژو » نک جنوب شرقیسنده (۲۷۰۰۸)

راقلی تپه به واصل اولدقلری زمان پک اعلا اوزاقده کی اراضی بی کشف

ایده بیله جکلدر . یالکز شمالده « مرسیله مچ » ایله « به ووی — لابس »

آراسنده کی تپه اولنرک نظرلرینی تحدید ایتیش اوله جقدر . بوتپه نک اک

یوکسک نقطه سندن ایسه « مچ » ایله « بل قرووا » تپه لرینه قدر اولان

ارضی تمامیله کوزیکور . یاعجبادشمنک کنیدیسی نه کبی شیلر کوره جکلدر ؟

شبهه سز ، اونک کشافلرینی « مرسیله مچ » تپه لرینه قدر کلمکدن منع ایتیش

اوله میه جغز . وبرکره اورایه کلدیلمی ، سز « پی یرره ژو » نک جنوب

شرقیسنده (۲۷۰۰۸) راقلی تپه نک شمال اتکلرندن اینمکه باشلادیغکز

آندن اعتباراً اونلر سزی کوره جکلدر . چونکه سز یولکزرک کچدیکی

صرتلرک هر بریسی اوزرنده کورلمش اوله جقسکز .

دشمن کندی کشافلرینی سزک یوروش قولکزرک جوارینه قدر

سورمکه چالیشه جقدر . بوکشافلر ایسه شبهه سز ، یوریدیگکز یولک

صاغ ووصولده کی اورمانلردن استفاده ایدرک نظرکزدن مستوراً
ایلرولمکه غیرت ایدم جکلردر . بونک ایچون آله جق استکشاف
ترتیباتنده، دیدیکم اورمانلری ده حساب قاتیگز .

سزک بولندیفکز وضعیت اساساً پک بسیطدر . چونکه قطعات
عسکریه کز اردوگاهلرده وطویلی برحاله بولنیورلر . سزک یایه جفکز
شی یالکز بریوله کیرمکدر . سزه ویریلان مسئله اوتده بریده بولنان
سائر دوست قطعاتدن بحث ایتمیور . کذلک ایلری قره غوللراوزرینه ده
برشی سویلنمش دکلدر . اوپله ایسه شوخصلرده بوش یره قفا
یورمیگز . وشمندوفر ی بشقه یرلرده کسمک ایچون بلکه دها
اساسلی سبیلروار ایکن نیچون «په لتر» استاسیوننده کسمک ایجاب
ایتدیکنه دائر بوشنه اوزلمیگز . ویریلان سؤالک مندرجاتی هر نه ایسه
اوکا نظراً ایش کورمکه آلیشکز . بونک دها اوته سی سزک نه کزه
کرك ! عجمیلر اکثر یایوله یایورلر ؛ آنک ایچون بنده سزه شوپله
نصیحت ایدیورم . ویریلان سؤالده سزه شمندوفر خطی «په لتر»
استاسیوننده کسیگز ! دیمشلردر ؛ سز یالکز اونی یاییگز . بشقه
هیچ برشی دوشونمیگز .

مسئله کزده «شمندوفر خطی کسمک ایچون امر آلور» دیدیکم زمان
مخصوص «برقاچ کون تره نلرک ایشلمسی تمکن اولیه جق وجه ایله» سوزینی
ده علاوه ایتمش ایدم . چونکه برتمیور یولنک تخریبیله ، ایشلتلمسنگ منعی
بیننده بیوک فرق واردر . تخریب دیمک ، برشمندوفرک هفته لرله ویا
آیلرله ایشلمسنی منع ایتک دیمکدر . بو پک مهم برتشیبدر . آنک
ایچون اونی یاردو قوماندانی ویا باشلی باشنه حرکت ایدن قول اردو
قوماندانلری امر ایدم بیلورلر . بویله برامر ویریلنجه ، اک مهم

کوبریلر ، تونلر ، وکچیدر قوللانمیه جق برحاله قونیلورلرکه ، بونلرک تعمیرلری پک چوق زمان ایسترو یالکیز استحکام ، یاخود شمندوفر عسکرلری طرفندن اجرا اولنه ییلورلر .

بر تیمور یولنی ساده جه کسمک دیمک ، اونک ایشلدلمسنی برقاج ساعت ویا برقاج کون تعطیل ایتدرمک دیمکدر . بوکی حاللرده کسیلان شمندوفر ی چار چاپوق تعمیر ایده بیلیمک لزومی واردر . واولدقجه بیوک جزؤ نام قوماندانلرندن هر هانکیسی ایسترسه ، علی الخصوص دشمن طوپراغنده ، شویله بر عملیات یایمغه مأذوند .

بر تیمور یولنی کسمک ایچون قوللانیه جق اکایو واسطه لر ، آنک اقسام فوقانیه سندن بعضلرینی قالدیرمق ، ایشلمه مالزیه سنی تخریب ایتک ویولی قیامقدن عبارتدر . اگر ادم استحکام عسکری وارسه شبهه سز بوایشلرک هپسی اوکا یایدیریلور . سواری ده کدک اودرلو ایشلرایچون لازم کلان آلات وادوات ایله مجهز بولنور . لزوم کوریا نجه بوخصوصه پیاده دن تدارک ایدلمش اولان ایشجیلرده قوللانیلور .

مکمل بر تخریبات یایمق ایستیلورسه ، اووقت ایجه زمان صرف ایتک لازم کلور . بوکی حاللرده محافظ قطعاتی ، شمندوفرک ایشلدلمسنی منع ایتک کی بسط حرکتلرده کندن زیاده بر زمان دشمنی طور دبرمغه مجبوریت کورورلر . اگر دشمنک تقریبی شویله بر عملیاتک اجرا سنی منع ایدرکی اولورسه اوزمان هیچ اولمزه تیمور یولنی برویا برقاج یردن کسمکک چالیشمق لازمدر . بر چوق کونلر شمندوفرک ایشلمسینه مانع اولوق ایستلیدیکی حالده ، چاره سز ، اولدقجه مهم وجدی ایشلره احتیاج کوریلور . ایشته بزده اونک ایچون مسئله مز ده بللی باشلی برمفرزه یی حرکت حالنده بولندرمش ایدک .

سز دشمنه دائر يالکز برشی بيلورسکز که، اوده تموزك ايکنجی کونی
 اوکله دن صکره دشمن پیاده و طوبیجیسنک « آنتیلی » اردوگاهنده
 بولنش اولسیدر . احتمال تموزك ($\frac{2}{3}$) کیجه سنی دشمن اوراده
 کچوره جکدر . « میچ » ک اوتله رینه کوندرمش اولدی سوارینه
 کلنجه او، یا « آنتیلی » اردوگاهنه تکرار دونه جک و یا خود کیجه پی
 شهر جهته کچوره جکدر . هر حالده سزك دشمنه دائر اولان معلو-
 ماتکز هم پک آز وهم پک اوقدر کسیدر مه شیر دکدر . سز
 دشمنك قوتی بيلمورسکز ؛ اویله ایسه آنک عددجه سزدن فائق
 اولدیغی قبوله مجبورسکز . « آنتیلی » ده طوبیجی اولدیغه کوره
 شبهه سز، اوراده ایکی ویا اوچ طابوردن آشانی پیاده اوله مز . چونکه
 بوندن ده اضعیف پیاده قطعه لرینه طوبیجی ویرمک عادت دکدر .
 « میچ » قصبه سی ، شبهه سز ، دشمنك یاپدیغی یورویشك برنجی
 هدفیدر . زیرا ، دشمن بونجه منابعی شامل اولان قوجه بر قصبه یه اصلا
 اهمیت ویرمه مزك ایده مز . هم ، دشمن کشف قوللرینك « میچ »
 قدر کوندرمش اولملری بونی پک اعلا اثبات ایدیور . اویله ایسه ،
 تموزك (۳) نجی کونی صباحی دشمنك « آنتیلی » دن « میچ »
 اوزرینه یورویش یابه جی ، کوز ایله کورلمش کبی ، قبول ایدیله بیلور .
 لکن ، دشمن سزك مفرزه کزک ایلری یورویشندن عجا ساعت
 قاچده خبر آله جق و بونک اوزرینه او، ینه اسکی استقامتتده می
 یوری یه جک ؛ یوقسه طوغریدن طوغری یه سزه راست کملک ایچون
 « میچ » ک شرق طرفه می صابه جقدر ؛ سز اورالرینی بيلمورسکز .
 بو، هر حالده دوشونیه جک بر احتمالدر . دشمن سواریسک اوجهتلرده

کز ندیکنه باقیلورسه ، یا، شهرک جنوبنده خصم قطعاتی بولندیخی اها-
 لیدن ایشندیکی ویاخود سزک سواریکزک بعض قسملرینه راست
 کلدیکی آکلاشیلور . هر حالده آنک یارین صباح جنوب استقامتده
 استکشاف اجرا ایتدیره جکی بسبیلیدر . اولیه ایسه ایر ویا کج ایکی
 جهت سواریسنک بر بریله چارپشمق اوزره اولدینی پک اومولور .
 مفرزهک یوروشنی اورتمکه موفق اولق ایچون (بوده تمامیه بللی
 دکل) سواریکزک عددجه ، دشمن سواریسندن بر آاز چوق
 اولسی لازم کلور . لکن شمدی یه قدر سز بوکا دائر هیچ برشی
 بیلیمورسکز ، بوکی ترددلر ایسه حربده برر قاعده یرینی طوتارلر .
 قطعات عسکریهک سوق واداره سی نیچون او قدر زوردر بیلور -
 میسکر ، اوت بومشکلات خصمک قوتی ، حرکاتی و مرامی
 حقیقته نصلسه اولهجه طانیق پک نادراً ممکن اولسندن ایلری
 کلیور . بالعکس ، دائماً اکسیک وپک مجمل حوادثلر اوزرینه
 یورنیلدیکچیچون قطعات عسکریهک سوقنده بالطبع چوق مشکلات
 چکیلور . سز ، آاز، چوق اینانلمغه دکرلری اولان معلوماته نظراً
 وضعیت عمومیه بی تقدیر ایتمکده نه قدر مهارت کوسترسه کز، یابه جغکز
 ترتیبات او قدر ابو اولور .

عملیاتده ، آاز چوق اصابت ایدوب ایتدیکیزی سزه بیلیدر -
 تهجک شی، ایلک اوکجه سواریکزدن کلهجک راپورلر اوله جقدر .
 بونک ایچون سواریکزک بردم استکشافدن کری طور مامسنه دقت
 ایدیکز . برده خاطر کرده قالسونکه ، دوست مملکتلرده حرکت
 ایدن قطعات عسکریه ، عمومیت اوزره دشمن مملکتلرنده حرکت ایدنلردن
 زیاده خصمه دائر معلومات ایدنمش اولورلر .

شمدی بزکړک دشمن پیاده سنک وکړک مفروزه مزک «مه رسیله»
مچ ، تپه سته کلک ایچون نه قدر زمانه محتاج اولدیغی آرتق حساب
ایده بیلورز .

بویولر اوزرنده هیچ برصیقندی به اوغرامقسزین راحت راحت
یوریان و صوف ثلثه دن ترکب ایدن مفروزه لړک برکیلومتره لك مسافه یی
(۱۲) دقیقه ده آلدق لری قبول ایدیلور ، بوسزک خاطر کزده قالسون .
تعییه وضعیت ی بشقه درلو حرکت مجبور ایتدجکه ، بیوک موله لری ده حساب
قائم لازم کلور .

یالکز پیاده دن ترکب ایدن برکوچک قول ، احوال مساعدده ،
برکیلومتره لك یری (۱۱) دقیقه ده واکر مسافه قیصه ایسه (۱۰)
دقیقه ده آلور .

استکشافده بولنه رق عمومیت اوزره سرعتی و عادتایوریان
سواری برکیلومتره یی (۶) دقیقه ده آلور . ابتدالرده امنیت زیاده
اولدینی زمان سواری ، دشمنله تماس حاصل ایدنجه به قدر ، اصولاً
دها چابوق یورور . سواری بیوک اراضی پارچه لپینی کورمکه
الویریشلی اولان نقطه لر اوزرنده ایجه زمان طورمغه مجبوردر .
شو صروده شبهه سز ، ایلری حرکت خصوصی آرتق یکنسق جریان
ایده مز . بن سزک نظر دقتکزی شو نقطه لړک هپسی اوزرینه جلب
ایدیورم .

چونکه ، عجمیلر ، اکثریا کشفه کیدن سوارینک سرعتی
آشوری درجده مبالغه لره دوشورورلر . بونکله برابر ، سوارینک
سرعتی آشوری درجه آغرا لاشدرمش اولقده ایو برشی دکدر .
کړچک ، خاطر کزده قالسون که وقت حضرده سواری و پیاده نک

يابدینی کجی ، اراضینک هرکوشه سنی، دیلیم دیلیم کزیمک، اکثریا غیر ممکندر. بو، پک اوزون برایشدر. وپک نادرا لزوملی کوریلور. دشمن سوارینسک کوچک اقسامی ده عمومیت اوزره پک آچیقده کزیرلر . موجودلری اپی زیاده اولان جزؤتاملرایسه کندیلرینی تمایله دشمن نظرندن صاقلایه مزلر .

یوللرک حالی فنا ، هوا غیر مساعد (صیجاق ، روزکار)، عسکر پک یورغون، وایچه اوزون یوقوشلر اولدینی وکیجه یورویشلری یابدینی زمان برکیلومترهک یول آلق ایچون (۱۲) دقیقه دن زیاده وقت ایستر . شواحتماللرک لزوم کوستردیکی حسابلر، هر حال خصوصیده نظر دفته آله جق شیلردر . « برونزار دوشه لندروف » ک سویلدیکنه کوره ترمومتره (۲۵) سانتیغراده یقین برشی کوستردیکی وقت (۱۰) کیلومترهک بریول آلق ایچون علی العاده صرف اولسان زمانه (۳۰) دقیقه دهها علاوه ایتمک لازم کلور . اگر صیجاق پک زیاده ایسه طبعی بوسویلدی کمزدن بیوک برشی علاوه ایتمک لزوم کوریلور . کیجه یورویشلری، کوندوزین یاییلان یورویشلر ایچون صرف ایدیلان زمانک یاریسی قدر فضله بر زمانه محتاجدر . اگر اراضی قومسال ، ویا قایاق اولورسه ینه (۱۰) کیلومترهک بریول ایچون صرف ایدیله جک زمانه (۲۰ : ۳۰) واکر یاغموور ویا خود قاریاغیورسه (۱۵ : ۲۰) ؛ پک کوتلی بریل اسیورسه (۴۰ : ۶۰) ؛ طاعلق یرلرده ، وادیلر بونجه کیدن کوزل یوللرک خارچنده ، زمینک میلنه کوره (۳۰ : ۶۰) دقیقه دهها علاوه ایتمک لزوم واردر .

اوله ایسه ، « لی یه هون » ک جنوبنده کی اردوگاه ایله « مرسیله مچ » تپه سی بیننده کی مسافه یی اولچیورم . بومسافه (۱۲) کیلومتره .

در . مسافه لركزى و باخصوص يوللرك اكرى بوكرى قسملرينى اولچيوركن حسابكزى پك كنىش طوتيكز . اكر تصادفاً سز ، اصل مسافه يى بريازم كيلومتره فضله كوسترمش اولورسه كز بوندن سزك ايچون (۶) دقيقه لىق فضله بر زمانه احتياج واردر . شوسيله سزك ايچون ، كيديله جك يره (۶) دقيقه كچ كىتمك كې بر محذور حاصل اولور . حال بوكه اكر (۶) دقيقه اول كيدلمش اولسه بوندن هيچ بر فئالق حصوله كلز . مسافه يى اولچمك ايچون پركاريكزى (۵۰۰) متره آچيكز ! صكره ، اوكا كوره مسافه كزى كنىش ، كنىش اولچيكز . اكر ، اليكزده بر منحنى اولچيسى وارسه اكرى بوكرى يرلى يواش يواش اولچيكز ؛ و اكر باركير اوزرنده ايسه كز ، باش پارمغكزك ايلك بوكم قسمى سزه پك اعلا اولچليك ايدى بيلور .

۳رى (۱۲) دقيقه ده آلتىق اوزره (۱۲) كيلو متر دى قطع ايتك ايچون پياده اوچيكز ، (۱۴۴) دقيقه يعنى (۲) بحق ساعت صرف ايدى جكدرد . دشمنه كلنجه « آتيللى » دن « مرسيله مچ » ته سنك الك بوكسك نقطه سنه قدر ، اوده (۱۶) كيلومتره لك بريول يوريمكه مجبوردركه ، بونك ايچون (۱۹۲) دقيقه يعنى (۳) ساعت بر چاريك زمان صرف ايديله جكدرد . ايكي طرفك بر آنده يوله چيقمش اولديغى فرض ايدرسهك ، شبهه سز . ميرالاي (۱) بو هدفه دشمندن (۴۵) دقيقه اول يتشمش بولنه جقدر .

« مرسيله مچ » ته سنى طوتمق ايچون شمديدن دها بعض ترتيبات سويامك ، يا خود فلان ويا فلان قطعه لرك « شهزنى » دن كچه رك « پهلز » اوزرينه كىتملرينى امر ايتك بيوك خطالردن صايلور . چونكه بو يولده آلتىق ترتيبات پك وقتسز بر ترتيبات يرينه كچر .

شمدي سزه لازم كلان ، هرشيدن اول عسكركزي بريوله قومقدرد ،
 بوندن صكره سي ايچون صره كلدجه يكي دن امرار ويررسكز . سزك
 « مرسي » تپه سنه گلزدن اول محاربه يه طوتشمش اوليه جفكزي كيم
 بيلور ؟ وياخود احتمال كه سز يالكز « شهزني » يه كيدن يول آغز يه
 قدر كله بيلمش اوله جقسكز .

برجانبدار مفرزه سي چيقارمغه لزوم يوقدر . وشمديك سزك
 او ككزده سواريدن بشقه برشي بولنيور . دشمن پياده سي سزك ايچون
 آنجق ابي وقت صكره تهكملي اوله بيلور . بناء عليه يورويش يولك
 ايكي طرفده امنيت واستكشاف خدما تي سواريدن بشقه هيچ بر شيه
 لزوم كوسترمز . كله جك مكتوبمده سزكه جانبدارلر اوزرينه ايجه
 قونشورز . « برمفرزه طويلي يوريملي ولزوم قطعي كورلمدكه پارچه لزه
 آيرلاملي در » قاعده سنه كوره مسئله كزده كي مفرزه دخي يالكز بريول
 اوزرنده يوري يه جكدرد .

شمدي يه قدر سويلديكم ملاحظه لرك نتيجه سي بودركه : مفرزه
 دشمندن اول كندي هدفنه يتشه بيله جك وجهله ايلك (رنجي) ساعته
 يورويشه باشلايه رق ويالكز بر قولده « مرسيله مچ » تپه سنه كيدن بيوك
 يول اوزرنده حركت ايله جكدرد . سواريسي ده كندي اوكنجه
 يوري يه جكدرد .

بيليورسكزكه ، اراضينك شكل ووضيقي دشمن سواريسي بر آن اول
 « مرسيله مچ » تپه سندن قوغمش اولمكزي ايجاب ايتدير يور . احتمال
 پياده كز بوتپه يه كلنجه يه قدر سوايكنز آياقده جنك ايدرك اوراسني
 الده بولنديره بيله جكدرد . كرچه بو ، محقق دكدرد . لكن ، هر
 فصل اولورسه اولسون ، سواي مفرزه نك ايجه ايلريسندن بولمغه

مجبور در . و سواری دشمن سوار یسیله نه قدر صیقیجه تماسده بولور ایسه شهبه سز ، یوروشنی اونستبه آغلاشدیرر . سواری کندی وظیفه سنی کورمک ایچون پک چوق سربست قالمغه محتاجدر . بونکه برابر ، کریسنده یور بیان پیاده ایله ارتباطی محافظه یه دهه مجبور در . چونکه ایلریده بر محاربه یه کریشمش بولور سه آنجق او ارتباط سایه . سنده پیاده نک معاونتی کوره بیایور .

بو آکلاشلد قدن صکره ، سز سوار یکنزی شمدی سویله حکم ایکی اصولدن بر یسنه کوره قوللانه بیلور سکز . یعنی سز اونی یا ، بستون مفرزه قوماندانی اداره سنه ویره رک مستقل سواری کبی حرکت ایتدیرر سکز که ، اوزمان آنکه پیشدار بینه پک بیوک بر مسافه بر اقیایور ، یا خود پیشدار قوماندانه ویره رک پیشدار سوار یسی اولق اوزره حرکت ایتدیرر سکز . سز که مسئله کرده ، سواری بی شوا یکی اصولدن هانکیسنه نظر آلیسترسه کز او یله جه قوللانه بیلور سکز .

سوار یینک مستقلاً حرکت ایده بیله جکنه دائر اولان برهانلر مز شونلردر : بر آزاوول سویلدیکمز باقار ایسه ک ، سوار یینک وظیفه سی بر آن اول « مر سیله میچ » تپه سنه یرلشمکدر . بناء علیه ، اگر دشمن عدداً چوق دکل ایسه ، آتی قوغمق وقوت ایله ایش کورمک ، واستکشاف ایتک ایچون مطلق ایجه انسانک ایلروده بولنسی لازم کلور . ضابط کشف قوللریله سائر اوفق تفک کشف قوللرک دشمن اوکنده قولای ، قولای حرکت ایتکده کی فائده لری انکار اولنه مز . لکن اونلر استکشاف خدمتی آنجق ، (۱۸۷۰) فرانسز سوار یینک یاپدینی کبی ، دشمن سوار یسی کندی وظیفه سنی اجرا ایتدیکی زمان تأمین ایده بیلور لر .

مسئله كزده كى كې ، اكر ايكى طرف سوارىسى برى اوزرىنه يورويورلر ايسه ، جبهه نك قوتلى اولمى لازم كاور . باخصوص سوارى يالكر ايلر سنى كشف ايتك دكل . عين زمانده بزم كندى حر كاتمى ده اورتمكه مجبور ايسه قوتك دها زياده لشمسى ايجاب ايلر .

بونك ايجون سوارى نك مانوره جهاپى سربست بر اقامغه احتياجى واردر . وشبهه سز ، سوارى پيشدار نه قدر آز تابع اولورسه دها زياده سربست بولمغه مجبوردر . بر پيشدار قوماندانى طيى كندى سوارى نك حر كاتى ، يورويشده با لخاصه كندى امنيتك ايجاب ايتدير . ديكى ، قدر سربست بولنديرمق ايتير . حال بوكه . مفرزه قوماندانى وضعيت عموميه يه دها كوزل واقف اولديغي چون سوارى يه بك چوق استقلال ويره بيلور . بر شرط ايله كه . سوارى بو استقلالى سوي استعمال ايدنجه مفرزه قوماندانى آنى منع ايدر .

سوارى ، بزم مسئله ده اولديغى كې ، كندى وظيفه سنى پيشدارك حدود حر كاتى خارجنده ويا پيشدار ايجاب ايدن محلله ره كلزدن اول يانمغه مجبور اولورسه اوزمان مستقل بر اقامليدر . برده شونى اونوتما مى كه : مستقل سوارى كوندره جكي راپورلرى طوغريدن طوغرى يه مفرزه قوماندانه كوندرمليدر . چونكه مفرزه قوماندانى شبهه سز ، اونلرى ، پيشدار قوماندانندن دها ايو تقدير ايدم بيلور . فى الحقيقه پيشدار قوماندانى ، اكر احوالده وضعيت عموميه دن يالكر كندى يورويشى ايجون قطعاً لازم كلان شىي بيلور . وسوارى ، پيشداره الحاق ايدلدىكى زمان ، اولوركه مفرزه قوماندانجه بك مهم اولان بر راپور ، پيشدار قوماندانى طرفندن ايودن ايوه تقدير ايدلمش بولنه مز .

سوارینك پيشداره الحاقی ایجاب ایدن شیءده بوسویله جکمز نکردن عبارتدر : احتمال بزم سواریمز پك آز وقت صکره دشمن سواریسيله بولیشور . اکر بونك اوزرینه سوارى آرتق ایلرولیه میورسه ، لمبى ایشه پيشدار مداخله ایدر . بونك ایچون اویله زمانلرده سوارى یله پيشدارك یالکز بر قومانده آلتنده بولمسی دها ایودر . جوارده قوتلی ردشمن سواریسنك بولیشی سواریمزك پيشداره الحاق اولنمسه دائر رسیدر . بزم سواریمزك پيشداره ویرلمسی ایجاب ایدن ایکنجی برسبب دها وارکه . اوده سواریمزك ضعیف بولمسیدر . برطاقی پيشداره : مخاربه ایچون برخیلی سوارى قسم کلی یه . بر قاق قسم ده بیوك اغر لقلره ویرلدکن سکره ایکی سوارى بلوکندن کیری یه نه قالور ؟ شهبه سز قالسه قالسه هایت بر بچق بلوك قدر برشی قالور . بودرجه ضعیف بر سوارى . آنجق ك خصوصی بر وظیفه یه مأمور اولدینی زمان مستقلاً کوندر یله بیلور . کن هر حالده پك ضعیف بولندیغیچون ینه سوارى عمومیت اوزره لدن چیقارلمش اولمز . چونکه بر باشنه محاربه ایدم بیلمك ایچون قوتی افی دکلدر .

بتون شوسیبیلره قارشو ، بن ینه بوراده سواریمزى مستقل کوندرمك یستیورم . زبرا ، بویه اولورسه او . پيشدارك حدود حرکاتی خارجنده پهجنی وظیفه سنی که . استکشافدن عبارتدر : دها سربست بر حالده اجرا یدر ولزوم کورنجه قوت ایلده ایش کورمکه چالیشور .

عمومیت اوزره سز شونی بلله ییکز که : مفرزه لرده سوارى صولاً پيشداره الحاق ایدیلور . یالکز مستثنا اولدق سوارینك وتی چوق اولورسه . اوزمان مستقل بر اقیلور . چوق دیدمسه . سز وندن ، یورویشك امنیتى . بر بلوك وحتی دها آز بر سوارى ايله

استحصال ایتک ممکن اولدقدن فضله الده اوچ بلوک ودها زیاده سواری قالدیغنی آکلییکز . بالعکس اگر مفرزه نك ، یورویشده امنیتنی استحصال ایدمک قدر بیه سواریسی یوقسه یعنی سواری پک آز ایسه ، اوپله وقلرده سواری بی مستقلأ اوزاقلره کوندرمک بیوک خطالردن صاییلور .

اک آز ایکی سواری بلوکنه مالک اولان بر مفرزه ده سواری نك مستقلأ قوللانلمسی بعض مستتنا حاللره کوره در . یوقسه عمومیت اوزره بوسواری مستقلأ کوندرلر .

سواری مستقلأ کوندریله بیلیمک ایچون پیشدارک حدودحرکاتی خارجنده ، یا اورایه پک یقین ویا دها ایلریده معین بریرده اجرا ایدیله جک خصوصی بروظیفه سی اولمق لازم کلور .

چونکه هر زمان سواری بی مستقلأ حرکت ایتدیرمکدن بعض محذورلر چیقار : احتمال سواری کندیسنه ویریلان استقلالی سوی استعمال ایدر . واحتمال بسبتون قوماندانک الدن چیقارده لزوم کوردلیکی زمان ایش باشنده بولنه مز .

مفرزه نك مختلف قسملرینه لازم کلان سواریلری آیریرکن سواریمزک ایجه ضعیف اولمقله برابر کوچ بروظیفهیه مأمور اولدیغنی دوشونملی یز . وبو سایه ده بلوکلردن لزوملی لزومسز عسکرلرک آلمانا - مسنه چالیشملی یز . برکزه مفرزه قوماندانی ایچون تخمیناً برکوچک ضابط ایله (۶) سواری یتیشور . بیوک آغرقلره کلنجه اورایه ده برضابط و (۸) آتلی ویرلسه کافیدر . پیشدار قوماندانی کندیسنه لازم کلان برقاج سواری بی پیشداره ویرلش اولان سواریدن آیریر . اگر مستتنا اوله رق یانکزده پک چوق سواری بولنورسه ،

اوزمان هیچ قورقیکز ، قسم کلی یه برطاق ویریکز (بوطاق قسم کلینک باشنده یورور) . بوتدیر فائده لی برشیدر . باخصوص بریان یوروش یاییلورکن یاخودمفرزه قبالی وعارضه لی یرلردن کچوبده احوال عمومیه نظرأ قسم کلینک دشمن سواریلری طرفندن باصقینه اوغرامسی ملحوظ ایسه اوزمان قول قوماندانی بوندن بعض کشف قوللری چیقاره ییلور . کذلک ایلریده ، اگر قسم کلی ، پیشدارک تعقیب ایلدیکی یولدن بشقه بریوله صابه جق اولورسه اووقت ینه آنک باش طرفنده یوریان کوچک برسواری قطعه سنه لزوم واردر . بوحال بعضاً وقوعه کلور . و اوصره ده اگر قول باشنده برسواری قطعه سی بولنیه جق اولورسه ، دیدیکمزکی پک زیاده صیقندی چکیلور .

پیشدار پیاده سنک قوتی موجودک $(\frac{1}{4} : \frac{1}{3})$ آره سنده دکیشور . لکن هر حالده پیشدار آریلورکن جزؤ نام تشکیلاتی بوزماق لازم کلور . بزبوراده طابورلردن هر هانکی بریسنی پیشداره ویریورز . کیری یه قالان پیاده ایسه قسم کلی ده بولنه جقدر . الکزده بریطریه دن بشقه طوبچیکز اولمیدیچون سزاونی شبهه سز قسم کایده براقه جقسکز . بطریه امنیتده بولنق ایچون آنی باش طرفده دکل ، برنجی طابوردن صکره یوریده جقسکز . استحکام بلوکی شبهه سز ، پیشداره ویریه جکدر . اگر برحادثه فلان چیقمزسه ، بوبلوک ، و قبیله « پهلتر » اوزرینه برتدافی قولتق یاپه جق ودرحال ایش باشنه کچه جکدر . سائر حاللرده ، استحکام نفرلرینی قسم کلی یه ویرمکده اوله . ییلور . لکن اگر اولدن ده ، ایلریده یاییله جق بعض ایشلر اولدینی آکلاشیلورسه اوزمان استحکام یا کاملاً ویا قسمأ پیشداره آلنور . اگر یوروش ائساننده اوزرندن کجیله جک برنهر وارسه ودشمن

طرفند بونك كوپريلرى يىقلمش ويا دشمن يول اوزرينه برچوق موانع يىغمش اولورسه ويا اك صكره سزك مسئله كزده اولدینی كبی استحكام عسكرلری بر آن اول ایشه باشلامق مجبوریتده بولنورسه او وقت اولنر پیشداره ویریلورلر . حاصلی ، تعقیب ایدیلان یول ، بعض كوپرلر اوزرندن كچدكجه استحكام عسكری دائما پیشداره الحاق اولنور . واستحكامك پیشدارده یری . پیشدار باشك نهایتی در .

سیارخسته خانه طاقی عمومیت اوزره قسم کلینك نهایتده یورور . برمفرزه یه ، برسیار خسته خانه طاقندن زیاده ویرمك نادر در . بونك وظیفه سی شهسز ، محاربه ، بعض نقطه لرده ایجه شدت پیدا ایدرك ضایعات چوغالمغه یوز طوتدینی زمان باشلار . اووقته قدر ایسه ، قطعات عسكریه نك كندیلرینه مخصوص اولان حکیملری . جراحلری و دستگیره جیلری کافیدر .

کندی یوروش نظامی تعیین ایتك پیشدار قوماندانك وظیفه . سیدر . سز یالکیز اونك اداره سنه ویریه جك قطعات عسكریه یی سویلمكه اکتفا ایدرسکز ...

انقسام عساكر جدول كزده بوقطعات صنف صنف كوسترملیدرلر . قسم کلی یه كلنجه . اوراده قطعات عسكریه نك بولنه جقلری صردی ، مفرزه قوماندانی (قسم کلی « و یوروش نظامی ») عنوانی آلتسده برر برر كندیسی تعیین ایدر . امرده ، قسم کلی ایچوز خصوصی بر قوماندان كوسترمله لزوم یوقدر . اويله ایسه سفریه نظامنامه سنده دینلیدیكى كبی هان یوروش نظامی كوستریكز . بوسایده ، ویردیككز . امر قیصه وانقسام عساكر جدول كزده بك بسیط اولور . اوندن . بشقه . شهسز . معیت قوماندانار كزدن هر بریسی قول ایچند ،

مانکی صره یی اشغال ایتش بولنه جفتی ویریلان امرده کورورسه پک جوق ممنون قاله جقدر . بر آرمه طویلانش بیوک جزؤ تاملره کلنجه ، وزمان ایشک ایچنه سائر بعض ملاحظات کیرر ؛ یوروش نظامی ، و وقت یالکز قسم کلیده کی قطعات عسکریه یول قولنه کیره جکلری مان اولره برر برر سویلنور .

ایشته بز ، انقسام عساکر اوزرینه ایجاب ایدن قرارمزی ده آرتق ویرمش بولنیورز . وین شو انقسام عساکر جدولنی سزک یچون شمذیک ایکی شکلده یعنی سوارینک مستقل ویا ملحق اولیشنه ظراً ترتیب ایدیورم :

انقسام عساکر

۱ — پیشدار : بیکباشی (ب) .

(۹۸) نجی پیاده آلاینک برنجی طاہوری .

(۹) نجی دراغون آلاینک برنجی وایکنجی بلوکلری .

(۱۶) نجی استحکام طاہورینک برنجی بلوکی .

۱ — قسم کلی (یوروش نظامی) .

(۹) نجی دراغون آلاینک برنجی بلوکلندن برکوچک ضابط

(۶) - سوارى .

(۹۸) نجی پیاده آلاینک ایکنجی طاہوری .

(۳۱) نجی طویجی آلاینک (۷) نجی بطریه سی .

(۹۸) نجی پیاده آلاینک اوچنجی طاہوری .

برسیار خسته خانه طاقتی .

یاخود شویله :

- ۱ — مستقل سواری : یوزباشی (ق) .
- (۹) نجی دراغون آلاینک برنجی (برطاقم اکسیک) وایکنجی بلوکی .
- ۲ — پیشدار : بیکباشی (ب) .
- (۹۸) نجی پیاده آلاینک برنجی طاہوری .
- (۹) نجی دراغون آلاینک برنجی بلوکنندن برطاقم .
- (۱۶) نجی استحکام طاہورینک برنجی بلوکی .
- ۳ — قسم کلی (ویوریش نظامی) .
- (۹) نجی دراغون آلاینک برنجی بلوکنندن برکوچک ضابط
- و (۶) سواری .
- (۹۸) نجی پیاده آلاینک ایکنجی طاہوری .
- (۳۱) نجی طویجی آلاینک (۷) نجی بطریه سی .
- (۹۸) نجی پیاده آلاینک (۳) نجی طاہوری .
- برسیار خسته خانه طاقی .

انقسام عساکری بویله جه یازدقدن صکره برکره اوقوییکز .
باقیکز ، عجبا مفرزه کردن برشی اونو تماشسکزی ، یوقسه
اونو تماشسکزی میدر ؟

محل ، تاریخ وساعت بو وجه ایله کوسترلش اوله بیلورلر :
« لی به هون » ک جنوبنده کی اردوگاه

۲ — ۷ — ۸۹ — ۱۰ « کیجه »

امرده کی ساعت ، آنک یازلمغه باشلادیغی زمانده کی ساعت دکل
بالعکس امرک کوندردلیکی ویا ده ترکه سی حرکت ایدلیدیکی زمانده کی
ساعتدر . مفرزه قوماندانی کندی تعلیماتی کیجه ساعت (۳۰ « ۹) ده
آلمش ایدی . بونک ایچون ساعت (۱۰) دن اول ممکن دکل امر

ویره مزدی . هیچ برشی یازمن دن اول ، مفرزه قوماندانی برکوه
 کندیسنه کلان تعلیماتی پک دقتی اوقوملیدر . خریطه سنه ایوجه برکوز
 کزدیرملی واکر وارسه ، یاوریه بر آژ مذاکره ایتلیدر . شو صرده
 امرک عینتی آله حق اولان ضابطانی چاغرمق لازم کلور . بوضابطلرک
 هپسی بر آره یه طوبلانمهدن امر یازدیریه مز . شبه سز اونلرک برر برر
 کلکسیچون زمان ایسترکه ، امر کرده کی تاریخی کوستره جککز وقت
 آتی بهمه حال حساب قاتملیسکزر . سز بدفعه شو دیدکلری میز ایجه دن
 ایجه یه حساب ایدیکز . چونکه صکره قارشیم ، امرکزی یازمق
 ویازدیرمی ایچون وقت بوله مز سکز . کیجه امرکزی کاملاً ویرمکدن
 ایسه بهض کره ، قیصه برامر ویره رک ایرتسی کون قطعات عسکریه نک
 حرکتدن اول بولنه جقلری اجتماع محلله اجتماع زمانی کوسترمکه اکتفا
 ایده بیلورسکزر . شمذیلک بونقطه اوزرینه سزکله اوزون بویلی
 کوریشمکه وقم یوق ، سزه اونو یالکزر بر اشارت ایتمکلکم کافیدر
 ایلریده ینه بوبحث اوزرینه کلورز ، انشاء ..

امر بو وجهله قلمه آلنه جقدر :

۱ : نومرو . دشمنک پیاده و طوپچیسی « آنتیلی » اردو کاهنده
 بولنیور . بعض سواری کشف قولاری « میچ ک جنونده کوراشلردر . بزی
 تقویه ایتمکه مخصوص اولان قطعات « دهلم » اوزرینه یوربورلر .
 شمذیکی حالده دشمنه دائر معلوماتز مسئله ده نه کوسترملش ایسه اوندن
 عبارتدر ، فضله برکله یوقدر . لکن هر زمان بویله اولماز . کرچک ، مادون
 اولان ضابطلره مقصد عمومی یی کوزدن غائب ایتیمه جک وجهله کندی
 وظیفه لرینی پایه بیلیمک ایچون نه قدر معلومات ویرمک لازم ایسه آنجق
 اوقدر ویریلور . بو آلره کافیدر . بناء علیه سز یازدیغکز امرده اونلرک

ایشنه کلیان معلوماتی ویرمکدن البت چکینورسکز . معیتکزه فنا برتائید
کوستره جک اولان فنا حوادنلری الدن کلدیکی قدر سکوت ایله کچشدر رسکز
ویا خود اولنری تخفیف ایدهرک سویلرسکز . بالعکس ایو حوادنلری
دائما سویلرسکز . نته کم بوراده ، سزک ایچون « دهلم » دن کله جک اولان
قوای امدادییه بی سویلدیکز .

ویردیککز امر بر چوق اللردن نکه جکدر ، بونی اونوتیمکز .
اوندن بشقه دائما قطعات عسکریه کزک قوه مغنویه سنی بوزه جق
آدملرک اکسیک اولمديغنی ده خاطر دن چیقاریمکز . دیگر اوتده
بریده بولنان دوست قطعاتدن بحث ایتمه لزوم یوقدر .

نومرو — ۲ : مفرزه یارین ، مرسیله مچ « اوزرینه حرکت ایدیه جکدر .
تعقیب ایلدیککز وظیفه بی برر ، برر مادونلر کزه آچق فائده -
سزدر . لکن بوخصوصه دائر اولره سویلیه جککز شی ، بکنمک
بعض احوال ظهورنده آنلر وضعیت عمومیه کوره وکنیدلکرندن
ایش کوره بیله جک قدر اولماید .

بووجه ایله ، وظیفه کزی باشه چیقاره مامش اولسه کز ، مثلا
دشمن عددجه سزدن پک بیوک قطعات ایله وسزدن اول « پلتر »
استاسیونی طوتمش اولسه بیله مادونلر کزک سزه قارشو میرلدانمغه
اصلا یوزلری اوله مز . یعنی سز اوسایده برچوق بوش بوغازلرک
آغزینی قیامش اولورسکز .

برده ، شونقطه نظر دن وقوعه کله جک یا کلشقلر ، قطعات عسکریه نک
کندی قوماندانلرینه اولان امنیتتی کوکندن محو ایدر . و سکره دن بونک
تعمیری ایسه حقیقه پک زور اولور . حاصلی بودرلویامه نک اک تهاکلی
نتیجه سی قطعات عسکریه نک محاربه جه اولان اقتدارینی آزالتمقد .

سز هم پک احتیاطی کورینکز ، هم ده یاییله جق حرکاتک سرینی اورتیه قویماغه چالیشکز . سز بر کره « مرسیله میچ » تپه سنه کلمکه باقیکز . یوقسه کلدکن صکره اورایه نیچون کلش اولدیغکزی مادونلرکزک هپسنه سویلمک خصوصنده بول بول وقت بولورسکز . بونکله برابر ، مفرزه قوماندانی ، تعقیب ایدیله جک وظیفه نکل پلانی ضابطلرندن هیچ بریسنه سویله میه جکدر ، دیمک ایستیمورم . بالعکس کندیسندن صکره الکاسکی اولان ضابطه و خصوصیه سواری قوماندانه مقصدینی برربر افاده ایده جکدر . سواری قوماندانی اوسایه ده مؤخرأ کوندره جکی راپورلرده مفرزه قوماندانجه الک مهم اولان حوادثلری یازمغه موفق اولور . برده اکر سواری قوماندانی ، شمندوفرک ، اولجه سویلنایردن کیسیله بیلیمک احتمالی آز اولدیغی کورورسه او وقت کندیلاکندن یا « پلتر » ده ویا بشقه یرده شمندوفری کسمکه چالیشور . فرصت کلش ایکن برده (سوارینک صحرا عملیاتی اوزرینه تعلیمات) نام اثری بر کوزدن کچوریکز . سز اوراده پک ایو شیلر بولورسکز . خصوصیه نهرلردن کچید حرکتلریله سوارینک یاهجنی تخریبات ایشلرینه دائر پک چوق شیلر اوکره نورسکز .

برده ، مفرزه قوماندانی ده او کیجه ، استحکام بلوکی قوماندانا . ننه ایشی خبر ویرر واستحکام بلوکنک یاهجنی وظیفه ده دائر آنکله بر پارچه مذاکره ایدرسه ، پک ایو ایتش اولور . چونکه مذکور بلوک یوزباشیسی یاییله جق بعض تدارکات وارسه اونلری یایمق ایچون وقت بولور .

ایلریده وقوعی محتمل اولان بر رجعت حرکتدن امرده اصلا بحث ایدلر . بونکله برابر ، مفرزه قوماندانی کندیسندن پک قوتلی

بر دشمنه راست کلو رسه نه بپا به جفنی دها اولجه دوشونمکه مجبوردر .
لکن قطعات عسکریه دیدیکمز کی یوریمکدن بشسقه برشی دوشونمکه
مجبور دکلدرد .

خط رجعتندن ده بحث ایتمکه اصلا لزوم یوقدر . چونکه عمومیت
اوزره کلینان یولدن کری یه دونیلور . بیوک آغر لقلر اکثریا خط
رجعت بویجه یورورلر .

نومرو - - - ۳ : امرکزه « بن بویه امر ایدرم . » یا خود « بویه ایسترم »
دیمک فائده سز ، حتی فضله در .

شمدی حرکت ساعتی تعیین ایتمکه صره کادی . بونک ایچون ذاتاً
سزه شویله بر خط اساس ویرلشدر : مفرزه « پهلر » استاسیوننک
شالنده کی تپیه « ممکن اولدینی قدر ارکندن » کلکه مجبوردر . معین
بر نقطه اوزرینه ممکن اولدینی قدر ارکن کک احتیاجی بلکه بتون تعیه
وظائفنده موجوددر . لکن چکینیله جک بر خصوص وارکه ، اوده بستیون
ارکندن یوله چیقماق قدر . بار کیرلره ایدیله جک دقت واعتالردن طولانی
آنجق شفق سوکدکدن بر ساعت صکره قطعات عسکریه کزی یوله
چیقاره بیلورسکز . حتی قطعات عسکریه ایچون لازم کلان اوافق تفک
استراحت زمانلرینی برر ، برر دوشونور ایسه ک بوندن دها کچ بویه
یوله چیقماق ایجاب ایلر . مع هذا یک صیجاق موسملرده شو استراحت
جهتی یک نظر دفته آلمانلیدر . یعنی قطعات عسکریه دیدیکمز کی
ارکندن یوله چیقماش اولمیلیدر . عمومیت اوزره ، برقوناغه نسبه ، بر
اردوگاه دها ارکندن ترک اولنه بیلور .

تموزک ایلک کونلرنده ، کونش ساعت (۴) ده طوغار . بونک
ایچون سز حرکت زمانکزی اک ارکن ساعت (۵) اولمق اوزره

کوستره بیلورسکیز . بویله یاپدیغکز کبی شهبه سز آتلی صنفلر ساعت (۴) دن اول یزلندن قلداغمه باشلايه جقلردر .

صباحك ساعت (۵) نذن اول دشمنك ده يوله چيقه بيلمش اولسنه هيچ بروقت احتمال ویريله مز . فرصت كلش ايكن ، سزه سنه نك هر آينه كوره كونشك طلوع وغروبني كوسترن وسطی ساعتري سوبله يم . سز اوسايه ده اجراسی کوچ امرلر ویرمكدن قورتلمش اولورسكز .

طلوع شمس	غروب شمس	
۸ ساعت	۴ ساعت	كانون ثانی
۷ »	۵ »	شباط
۶ »	۶ »	مارت
۵ »	۷ »	نيسان
۴ »	۸ »	مايس
۴ »	۸ »	حزيران
۴ »	۸ »	تموز
۵ »	۷ »	آغستوس
۵ »	۶ »	ايلول
۶ »	۵ »	تشرين اول
۷ »	۴ »	تشرين ثانی
۸ »	۴ »	كانون اول

بوخصوص برکزه تنظيم ايدیلنجه سزك امرکز آرتق یالکز سوارینك ملحق ویا مستقل اولیشنه کوره آز چوق دکیشه جکدر . سواری یی مستقل یوریدر سه کز او وقت سزك (۳) نومرو لی ماده کز شو یله جه قلمه آله جقدر :

مستقل سواری یارین صباح سرعتی یوروش ایله ساعت (۵) ده یوله چیقه جق و «مرسیله مچ» استقامتده مفرزه به تقدم ایتمش بولنه جقدر .
 بسواری «قولومبهی» ، «بورنی» ، «کولو» و «سابلون» جهترینی کشف ایده جکی کبی «هویتال» اورمانلری ایله «شامپل» اورمانی ده ترصد ایله جکدر .

سرعتی یوریمک ایچون نه دن طولانی سواری بولکلرینه امر ویرمک لازم کلدیکنی اولجه دها سوبلدک . «مرسیله مچ» اونلرک هدفی اولدینی ایچون مفرزه قوماندانی طبعی سوارینک شومسافه بی کاملاً سرعتی یوروش ایله قطع ایده میه جکنی بیلور . سواری دشمن ایله صیقیدن صیقی به تماس حاصل ایتدجه ، شبهه سز کندی یوروشنی آغرا لاشدیرمغه مجبور اوله جقدر . سواری به کوستریلان هدف نه قدر اوزاق ایسه ، سواری دها اوقدر زیاده آتیق اولمی و دیدیکمز هدفه بر آن اول وارمق ایچون دها اوقدر زیاده چالیشمیلدر . اگر سواری بوکاموفق اولورسه ، نه اعلا عسکر لکده بر قاعده وار ، ممکن استحصال ایتمک ایچون ، غیرممکنی طلب اید یور . بوقاعده ظاهر آ پک غریب اولقله برابر پک اسکدر . مع هذا ، افراط و مبالغه به دوشمکده ابو برشی دکدر . (بورنی) بی بردفعه استکشاف ایتمک لازم کلور . چونکه (واللی یهر) جاده سی اورادن کچور . (قولومبهی) - بی ده استکشاف ایتمک ایجاب ایلر . چونکه اوسایه ده صاغ یانک امنیتی استحصال ایدلمش اولور . (کولو) ایله (سابلون) موقلرینه کلنجه اونلرک کشف ایدلمش بولنه جقلری ذاتاً کون کبی آشکاردر . بن شمدیلک ، استکشافتمی یالکز شودرت نقطه به حصر ایدیورم . اگر بر آرز ، صکره بواسطکشافاتی دها اوزاقلره ومثلاً (آنیللی) اوزرلرینه قدر سورمک لزومی کوریلورسه ، بوخصوص ، (مرسی) تپه سنده ویریه بیله جک اولان یکی بر امر اوزرینه اجرا

ایدلش بولنه جقدر . ایشته کوریلورکه ، بوراده یاپیله حق استکشافات بر برینی متعاقباً صجرامه لر طرزنده یاپیله جقدر . بواصول ، سوارینک بسبتون مفرزه قوماندانک الندن چیقمش اولسی کی بیوک بر محذوری بر طرف ایدرکه ، شبه سز بر فائده در . اوندن بشقه مفرزه قوماندانی اوسایه ده ، ایلک اوکجه امنیتی استحصال ایدلک لازم کلان منطقه اراضینک لایقيله تأمین ایدلش بولندیغنه قناعت حاصل ایده جقدر . بناءً علیه سز ، سواری یه اوزاق بر هدف کوستریورسکز ، اما بر شرط ایله اوزاق که ، سواری مذکور هدیه واردینی آنده تکرار سزک الیکزه کچه جک ، تماميله سزک اداره کزده بولنه جقدر . یالکز امرده ، ذکر ایدلش بولندقلرندن طولانی بیله (هویتال) اورمانلریله (شامپه) قوریسی سوارینک نظر دقتی جلب ایتش اولیور . بویکی اورمانی کرک عادی کشف قوللری و کرک دها بیوک اقسام عسکریه ایله کشف ایتدرمک خصوصنه کلنجه . او ، سواری قوماندانه عائد بروطفه در . مفرزه قوماندانی امر یازدیعی ائساده اوکی شیلری تعیین ایده مز و ایتمه که مجبور دکلدز . ایرتسی صباح ، دشمن بو اورمانلرک اطرافنده نه قدر زیاده سواری کوستره جک اولورسه . بزم طرف سواریسی دها اوقدر زیاده اونی اورادن پوسکورتیمکه چالیشه جقدر .

دیدیکمز اورمانلری کشف وترصد ایلمک خصوصنی سواری قوماندانه امر ایتدیککز ایچون آنک حقوق واستقلالنه ایچه تعرض ایتش بولنیورسکز . چوکه یورویش یاپیلان یولک هرایکی طرفنده کائن اولان شو قوجه اورمانلری پک یقیندن کشف وترصد ایلمک لازم که جکنی سواری قوماندانی شبه سز کندیلکندن و بر باقیشده آکلایه بیاور . ویردیکم امرده شو نقطه اوزرنده اصرار ایدیشم

آنحقی هرایکی یانمدهده امنیتک لایقی وجه ایله تأسیس ایدلش بولمسنه
 آمین اولقی ایچوندرد . تطبیقاده ، مادون قوماندانلرینه ویریهجک
 استقلال حرکتک درجهسی اولنرک قیمت شخصیهلرینه کوره
 دیکشور . لکن بر مطالعه ایشی باشنده سز بوخصوصی، ممکن دکل
 حساب قاتمش اوله مزسکز . حتی مادون ضابطلری فوق العاده انسانلر
 اولسهر بیهله ، تطبیقات ائساننده باش قوماندان اولان کیمسه،ینه لزوم
 کوردلکجه بعضی تفرعاته کیریشمهکه مأذوندرد . شو بزم تعقیب ایلدیکمز
 مسئلهده ایسه ، مفرزه قوماندانی سواری طرفدن یالکز پک
 خصوصی بر صورتده کشف ایدلسی لازم کلان بعضی نقطه لری سویلمکه
 اکتفا ایدرد . فی الحقیقه ، اصل ایش ، هرشیدن اول سوق وادارهده
 وحدت ، حرکات عمومیهده انتظام وسرعت حصوله کتورمک یعنی
 مفرزه قوماندانی نظرندره تقرر ایتمش اولان مقاصدی تأمین ایلمکدن
 عبارت اولدینی ایچون بوراده ، سویلدیکمز قدری یتشور وبلکهده
 آرتار بیهله . .

معینکردهکی قوماندانلرک استقلال حرکتلرینه حرمت ورعایت
 ایتمک لازم کلهجکینی برنجی مکتوبده سزه توصیه ایتمش ایدم . مع هذا
 شوخصوصده افراط ایتمک ایو برشی اولمدیقنی سز کندیلککزدن
 بیلورسکز . علی الخصوص بوش بوشنه ولزومسز تفرعاته کیریشهجک
 اولورسه کز ، بو، سزک ایچون پک بیوک برخطا اوله جقدر . وهرنه .
 وقتکه ، برمعیت قومانداننک استقلال حرکتنه قاریشمه کز لازم .
 کلهجک ، بومداخله کزک آنحقی اسباب جدیه اوزرینه اولقی ایجاب
 ایلدیکنی هیچ خاطر دن چیقارمیکز .

بر حرکتك اجراسنه مأمور اولان هر هانكي ، بر قوماندانك ،
 بدایتده دها ، مهم عد ایلدیکی فلان ویا فلان استقامتلی کشف ایتمک
 ایچون بعض ضابط کشف قوللری کوندردیکی پك چوق وقوعه کلور .
 لکن ، شو خصوص بر قاعده دکل ، بر مستثنا تشکیل ایتلیدر . اکثر
 احوالده ایسه او وظیفه ، یا سواری ویا پیشدار قوماندانه عائددر . استکشاف
 خدمتی بو وجهله ، یالکز بر کیشینک النده قالور و خدمت مذ کورده دن
 طولانی مسئول اولسی لازم کلان ضابط ده اوته کنی بر یکنی دیکلمک
 اعتیادینه دو شمکدن قور تالمش اولور . سوارینک پیاده دن اول حرکت
 ایتدیرلمسی لزومی عدا یتیمورم . چونکه او . سرعتلی یه قالقنجه کنیدیسی
 ایچون ایلرودن لازم کلان مسافه یی چار چابوق اخذ ایتمش اولور .
 سواری سزکله بر لکده اقامت حالنده بولندینی زمان امرده آنک
 حرکت محلی ذکر ایتمکه حاجت یوقدر . حتی اوکا تعقیب ایده جکی
 یولی بیله سویلمکه لزوم یوقدر . اک ایوسی ، اوئی بیلدیکنه کوره
 و سربست بر اققدر .

نومرو (۴) -- : پیشدار عین ساعتده حرکت ایده جک و (غره و -
 لاهوت) دن کچهرک بیوک یول بونجه (مرسیله مع) اوزرینه کیده جکدر .
 یالکز تعقیب اولنه جق یولی سویلمک کافیدر . یقیندن آلنه جق
 امنیت خدمته : سواری ایله ارتباط حاصل ایتمک خصوص صنده کی تدابیره ،
 پیشدار قدمه لرینک یوروش نظامنه وسائر حقه ده لازم کلان تفرعاتی
 برر ، برر سویلمک وظیفه سی هپ پیشدار قوماندانه عائددر .

سواری یی : پیشداره الحاق ایتمش اولسیدیکنر اوزمان (۳)
 نومرولی ماده بروجه آتی یازملق لازم کله جکدی :

پیشدار یارین صباح ساعت (۵) ده حرکت ایده جک و (غره و - لاهوت)
 دن (مرسیله مع) ه کیدن یولی تعقیب ایله جکدر . سواری (مرسیله

مچ) استفامتنده سرعتی بوریشه کچه رڼک پېشداره تقدم ایتش بوانه جق و (قولومبه ی)،
(بورنی) ، (کولو) ، (سابلون) جهترینی استکشاف ایتدکدن بشقه
(هوپتال) اورمانلریله (شامیهل) قورسینی کشف وترصد ایده جکدر .

سز سواریکزی پېشداره ملحق بولندردیفکزر وقت بو وجهله ،
سواری بی قولالانق خصوصنده ، پېشدار قوماندانک استقلالنه آر
چوق طوقمش اوله جقسکزر . فقط بویله یایمقده معذورسکزر .
چونکه پېشدار قوماندانک سواری بی قولالانقده ، عینله سزک افکا-
ربکزر خدمت ایدوب ایتیه جکندن امین دکلسکزر .

نومرو (۵) ویا اجواله کوره نومرو (۶) :- « قسم کلی ، پېشدار ی
۷۰۰ متره مسافه دن تعقیب ایلده جکدر .

قسم کلینک عزیمتی سز ایکی وجهله تنظیم ایده بیلورسکزر : یعنی
شو خصوصده ، یا عزیمت ساعتی سویلرسکزر ویا خود قسم کلی بی
پېشداردن آیران مسافه بی متره جنسندن بیان ایدرسکزر . بن ،
ایکنجی اصولی ترجیح ایدرم . چونکه آرده کی مسانه سویلندیکی
زمان ، پېشدارک عزیمتی هر هانکی بر سیدن طولای کیکمش اولسه
بیله ، قسم کلی دائماً مطلوب اولان زمانده حرکت ایتش بولنه جقدر .
اوندن بشقه شو اصول سزه دها الویریشلیدر . وسزی بعض نافله
حسابلردن قور تارمش اولور . برنجی اصول یعنی قسم کلی به عزیمت
ساعتی سویلامک اصولی آنجق پېشدار ایله قسم کلیدن هر بری ،
قسم کلینک ایلک قدمه سی ، پېشدارک حرکت ایلدیکنی کوره میه جک
صورته ده ، یکدیگردن برطاقم عارضه لر ویا بیوک بیوک فاصله لر و مسله
فهلر ایله آیرلش بولندقلری زمان قابل تطبیقدر . یالکزر برقاچ طابور
قوتسده کی مفرزه لر ایچون ، هیچ اولمزسه عادی حالدرده دشمن هنوز
اوزاقده اولوبده وضعیت دها تمامیه آکلا شلمدیغی زمان قسم کلی ایله

پیشدار آره سنده ۶۰۰ ویا ۷۰۰ متره لك بر مسافه کافیدر . بومسافه نك
حسایچون اساساً ایکی شی نظر دفته آنور : بر جهتن پیشدار ایله
قسم کلی آره سنده او قدر بر مسافه براقلمش اولمیدرکه ، پیشدار
موقت بر زمان ایچون یوروشنی تأخیر ایتمکه لزوم کورنجه قسم کلی ده
آنك تأثیر به توقف ایتش اولسون .

دیگر جهتن ایسه ، بومسافه ، پیشدار بردن بره دشمنه راست
کدیکی وقت قسم کلی تام زمانده اونك امدادینه یتیشه بیلجهك قدر
اولمیدر . دشمنك آز بر مسافه ایلریده ، محقق بر موضع اشغال ایتش
اولدینی آکلاشیلورسه اوزمان بتون مفرزه نك سر عتله یایلمسنی . تأمین
ایده بیامك ایچون ، قسم کلی ایله پیشدار آره سنده کی مسافه حد اصغر -
یسنه ایندیر یله بیلور . سز ، بو حال استثنائی بی خاطر کنزده طوتك .
ایلریده بوکا دائر قونیشورز .

نومر ۶ و با احواله کوره نومر ۷ : بیوک آغراقلر ، معینده
برقاچ سواری بولان برنجی سواری بلوکی ضابطلرندن بریسی قومانداسنده
اولق اوزره و بائ طرفلری (لی یه هون) یولی ایله جاده نك برلشدیکی نقطه ده
بولنه جق وجه ایله (لی یه هون) یولی اوزرنده اجتماع ایده جکلر در .
آغراقلره قوماند ایتك ایچون اصولاً بر سواری ضابطی مأمور
ایدیلور . بو ضابط آغراقلرده انتظامك وقایه سنه مجبور در . آنك
ایچون کندیسنه : برقاچ سواری ویریلور .

آغراقلره ویر یله جك اولان بوسواریلرک عددینی کوسترمک لزوم سزدر .
اك ایوسی شوکوچك وظیفه سواری بلوکی قوماندانه براقلمیدر . اوله
بیلورکه . بار کیرلردن بعضیلری فنا حالده یورغون ویا ضعیف بولنورلر .
وبوندن طولانی اولبری کوزتمك وحسن اداره ایتك لازم کلور .
اووقت سواری بلوکی قوماندانی شبهه سز ، بوکی حیوانلری ده اخفیف

ایشلره تخصیص ایدم بیلور . آغزقلره قوماندایتمک ایچون برکوکچک ضابطه ، صورت عمومیهده غیرکافی عداوتلور . اولاً ، بوکوکچک ضابطه تعیه نقطه نظرندن حائر اهمیت اولمادیغیچون ، احتمال آغزقلری پک قسماً بریره طقیقیش اوله بیلور . ثانیاً ، او ، اداره مأمورلریله دیگر کوکچک ضابطلره قارشو بیوک بر اقتدار ونفوذ کوسترمش بولنه مز . بوکی وظیفه لر باشنه بر اداره مأمورینی قوماندان یایمق ایسه بوندن دها مناسبتمز برشی اولور . بنم فکریمه قالورسه ، انقسام عساکر ، جدولنده آغزقلر وقافله قوماندانک اسخی ذکرایتمکه حاجت یوقدر .

بیوک آغزقلری ، اردوکاهده براققده پک اعلا ممکنسدر . بو خصوص ، الکچوق ، دیدیکمز اردوکاهه تکرارعودت ایدم جکمز ه امین اولدیغمز زمان تطبیق ایدیلور . لکن شمدیکی احواله کوره ، ایش اوله دکل ، بالعکس ، آغزقلری اردوکاهده براقماق لازم کلور .

برجهندن ، شاید یوروش انساننده دشمن ایله بردن بره دوکوشمک مجبورتی حاصل اولورسه اوآندن اعتباراً بیوک آغزقلری ، ایجه اوزاق وکریده طومتق ایجاب ایدم چکدر . دیگر برجهندن ده ، بیوک آغزقلر آقشاملری اردوکاهلره ویاقوناق محللرینه بالسوله کله بیامکه مجبور اولدقلریچون اولنری بسبتون کریده ویک اوزاقده براقق مناسب اولمز . حال بوکسز کیجه یی زرهده کچورمش اوله جفکزی ، پهلیمورسکز . بونک ایچون ده اولنری پک ایلری کوتورمکه جسارت ایدم مزسکز . آغزقلری دائماً برابرکزده کوتورمش اولسه کز ، اووقت ده شبهه سز ، بیوک برخطا ایتش بولنه جقسکز . چونکه سز یوروش یایمغه باشلادیغکز آنده عجبا ایلریده ، علی العجله کیرییه دونمک خصوصنده سزی مجبور ایدم جک وقتلرک هانکی وقتلر اوله جفنی بیله مزسکز .

بك آغیر آغیر یوریان عربله او وقت سزك ایچون بیوك بر صیقندی اولورلر . بوباده یایله جق اك ابو شی ، عربله رك هبسی بر آنده ، فلان ویان فلان استقامته بر قول تشکیل ایدمه یله جك صورتده بیوك آغیرلقلری طویلی بولندیرمقدرد . بونك ایچون ، اونلری عرضانی یوللردن ویا ایکنجی درجه خطوط اتصالیه دن بریسی اوزرنده وباش طرفلری ، بزم مسئله مزده اولدینی کبی ، اصل جاده ایله دیدیکمز یوللرك تلاق نقطه سنده اولنق اوزره مجتمع برحاله طوتمق عادت اولمشر . شو حاله نظرآ ، شهه سز ، بیوك آغیرلقلری ایستدیکمز کبی ایلری آلق ویا کری کوندرمك بزم ایچون بك اعلا ممکی اولور .

شمدیکی حالده ، اونلرك سزجه هیچ بر صیقندی به سبب ویر - میه جکلرندن امین بولندیگمز ایچون سز بیوك آغیرلقلری کیزی مثلا (غره و - لایاس) مقدار اولسون کندیکمزله برلکده کوتوره بیلورسکز . بکا صورارسه گز ، بن اونلری بوندن ایلری کوتورمه جکم . وهیچ برحاله ، اونلرك (بی یه رزو) یقوشلرندن آشانی ایندیرلمش اولملرینه راضی دکم .

یوروتیش حالده بولنان بر مفرزه بك آغیرلقلری ، قول نهایتدن تخمیناً ۲ کیلومتره اوزاقده یوری به جك اولورسه ، بو مسافه عمومیت اوزره کافی بر مسافه عد اولنور . بیوك آغیرلقلره تطبیق ایدیه جك اولان مختلف حللری سز شمیدین دها نوطه ایدیکز . اونلر ، البت ایلریده سزك ایشکزه یارارلر . ایشته مختلف حللر دیدیکم شونلردر :

۱ — بيوك آغراقلىرى ، قسم كلينك ۲ كيلو متره قدر نهايتنده يوريتك ؛

۲ — اونلرى ، يېڭى برامىر ويرىلنجه يە قدر توقف ايده جكلرى هر هانكى بر نقطه يە قدر يە عىن مسافه ايله يوريتك ؛

۳ — اونلرى بر يول اوزرنده اجتماع ايتديرمك ؛

۴ — اونلرى قوناقلر ويا اردو كاھلرده براقق ؛

۵ — اونلرى قسم كلينك نهايتە بيتيشك بولندرمق ويا مذکور نهايتدن كوچك بر مسافه ايله يوريتك (بريان يورويشده) ؛

۶ — اونلرى باشلى باشە و آيرى بر يولده سوق ايتك (بريان يورويشده) ؛

۷ — دشمن اوزرينه هجوم ايديله جكى زمان اونلرى ، اولجه بولنديغىز موقعده براقق ، بر رجعت يورويشندە اونلرى قول باشينك ايلروسندە يوريتمكدىر . بويلە بر يورويشده قطعات عسكريە مدافعه ايجون توقف ايتمش اولسەلر بيلە آغراقلىرى كندى يورويشلىرينە دوام ايدرلر . واکر قضاات عسكريە تکرار بر تعرض حرکتى يايىغە تثبيت ايتمش بولنورسە ، اونلر كذلك ايجه اوزاقلرە كوندريلورلر . نومرو (۷) ويا احوالە كورە نومرو ۸ : بن قسم كلينك قول باشنده يورى يە جگم (ويا راپورلىرى قسم كلينك قول باشنده بولە چقلردر .) .

ميرآلای

(۱)

يورويشك بدايتنده . مفرزه قوماندانى ايجمن اك ايوير ، پيشدار ايله قسم كللى آره سندەدر . او . بوجهلە ، يورويش قولنك بتون آقسامى يرلى يرندە اولوب اولمديغى كوردكدن بشقە ، اورادە ايلك راپورلر ك ورودينە انتظار ايدر . برده ، كنديسى دها زياده

راحت ایدر وکندی کندیسنه دها زیاده حاتم اولور ، یوروش قولک هیئت عمومیه سنی دها ای کورورکه ، پیشدارده بولمیش اولسیدی ، قسم کلی ایله پیشدار آره سنده کی بعض اوافق تفک عارضه لر آنک نظر دقتی قولک هیئت عمومیه سندن آیرمش اوله بیلورلردی . لکن ، ایلك کلان خبرلر ، پیشدارک دشمنله تماس قطعی حاصل ایتمش اولدیفنه دائر کندیسنده هیچ برشبهه بر اقمش اولیه جفی زماندن اعتباراً ، مفرزه قوماندانی در حال ددرت نعله کچهرک ، بر آن اول پیشدار یانه کله جک واوراده هر شیء کندی کوزیله کوروب معاینه ایده جکدر . زیرادشمن ایله اراضی بی کندی کوزیله کوره رک بووجهله آنلرک وضعیتی اوزرینه حاصل اوله جق فکرشبهه سز ، راپورلرک کتوره جکی معلومات ایله خریطه مطالعه سندن آله جق فکرلردن چوق فرقلی وجوق طوغریدر . انقسام عسا کرده ، قسم کلینک قول باشنه تعیین ایدی لان کوچک ضابط ایله آلتی سواری ، ذاتاً امر کوتورمه ک مخصوص اولدق لیچون مفرزه قوماندانی ایلرو کیندی کی کبی اولورده در حال اونی تعقیب ایدرلر . شمیدین سزه سویله یم که امر آتلیلرینک عددینی تعیین ایتک خصوصنده پک قناعتکار و منصف اولمکز لازم کلور . چونکه بو خدمت ایچون پک چوق سواری آیزر سه کز شوندن بیوک بر محذور حاصل اولور که اوده سز اووجهله مذکور آتلیلرک عا ئد اولدق لری سواری بلوکنی حس ایدیلور بر صورتده ضعیف دوشوره رک ، اک صکره ، سزجه پک اهمیتلی اولان استکشاف خدمته آزچوق خلل کتورمش بولنه جقسکز . یازیق که ، وقت صلحه د یایی لان مانوره لرده معیت مزه ، وقت سفرده کی نک ایکی مثلی قدر مخبره سواریلری ویردکلر یچون اکثر یازی قنایوله آیشدیر مش اولیورلر . سفرده ، بالعکس بزک زیاده تصرفه رعایت ایتکه مجبورز . چونکه فرقه

سواری بلوکری هفته لره و بلکه آیلره هر کون کندی وظیفه لرینی بحق یایه بیلش اولق ایچون: اولری حسن اداره ایتک لازمدر .

امرك آشناغیسنده امرک نه وجهله اقسام عسکریه قوماندانلرینه تبلیغ ایدلش اولدیغی آریجه بیان ایتک ایجاب ایلر . سزه ویردیکم اورنکه نظراً ، سز بوماده یی صحیفه نك صاغ طرف یاریسنده وامضا ایله بر خذاده اولق اوزره یازده جقسکز .

بوراده امر ، اردوگاهده ویرلش اوله جنی ایچون ، بالکز ، مختلف اقسام عسکریه قوماندانلرینی بر آره یه طوبلامق واونلره امرک بر صورتی یازدیرق کافیدر . جزء تام قوماندانلرینه یازدیردقدن صکره بر آز اول سویلدیکمز وجهله اوزرینه : « امر آلق ایچون کوندلرلش اولان ضابطانه ویاخود اقسام عسکریه قوماندانلرینه بر صورتی آلدیرلشدر . » عباره سی درج ایدیله جکدر .

اخذ ایدیلان ترتیباتک طوغریلغه عائد اولان بحث اوزرینه پک مختصر کچه جکم . بر مسئله وضع و ترتیب ایدن ضابط ، اسباب موجب نك قرائتله سزک وضعیت عمومی یی ایوجه آکلایوب آکلا . مدیفکزی وهر وضعیت خصوصیه یی نه سیلردن طولای قبول ایتش بولندیفکزی بیلک ایستر . سز ، بوا یکی نقطه یی نظر دقتکزدن آیرمیکز . افاده لرکزی پک اوزون طوتمیکز وداثما آچیق ویرنظام منطقی ایله یکدیگری تعقیب ایلان عسکر تعیرلری ، عسکر کله لری قوللانغه چالیشکز . مثلاً بوراده کی مسئله ده ، سز آلدیفکز ترتیباتک اسباب موجب سنی بروجه آتی صریه قویه بیلورسکز :

۱ — بالخاصه کندی وضعیتکزه دشمنک وضعیتنه دائر مطالعه ؛

۲ — ویریلان قرارک اسباب .

۳ — انقسام عساکرک اسبابی

۴ — امرک هر ماده سندمکی ترتیباتک اسبابی .

اسباب موجبہ کنزی یازارکن ، ایلک زماندرده ، بعض کره ، امرکزک بعض نقطہ لرینی ویا بعض تعمیرلرینی تصحیح ایتمکه لزوم کوره جکسکز . واخذ ایدیلان ترتیباتی صوک بردفعه دها مطالعه واونلرک طوغری اولوب اولمقلرینی تحقیق ایتمکه سزی مجبور ایدن شووظیفه نلک اک باشلیجه فائده سی ده ایشته بودیدیکمزدن عبارتدر . احتمال که ، سز بوصوک مشغولیت اثناسنده ، اولکیلرندن دها اعلا قرارلر بیلہ ویرمکه مقتدر اوله جقسکز . بناءً علیه سزک تشریح علل واسباب ایچون یاپه جقمکز شی ، امری یازمزدن اول ، مسئلہ یی حقیله مطالعه ایتش ویا ایتمه مش اولدیفکزی کو سترمک ایچون بر اثبات اوله جقدر . بوندن طولایی ، هر امر ایچون بر اسباب موجبہ تشریحنامه سی قلمه آلماکزی توصیه ایدرم .

سزدن ایستیلان قروکی اوزرینده بر ایکی سوز دها سویله می : بونک اک بیوک فائده سی ، ایستیلان زمانده ویا لکزر بر باقیش ایلہ مفروضہ نلک مختلف اقسامی زره لرده بولندیغنی وعلی الخصوص بتون یول قولککزک . درینلکی نه قدر اولدیغنی آکلامق ایچون سزه مساعد اولمیسدر . یورویش اثناسنده ایکن یکی بر امر ویرمک ویا او زمانه قدر تعقیب ایدلش اولان یولی براقق ، بر قولتق تشکیل ایتک ، بر موضعه هجوم ویا بر موضعی مدافعه ایچون امرلر ویرمک ، یاخود بر یورویش ختامنده قطعات عسکریه یی قوناقلره یرلشدرمک لازم کلدیکی زمان اوکا یعنی قروکیکزه مراجعت ایدیکز . برده . ایستیلان بر زمانده ، مختلف کوچک آغر لقلرک هانکی نقطه لرده بولندیغنی

بر باقیشده آکلامق ایچون سزینه او قروکیگز قولا نیکز . کوچک
آغرلقلرک صورت ترکیبلینه داتر ، حاضر صره سی کلش اینکن سزه
بوراده برقاج شی سولهیم :

قطعات عسکریه مخصوص اولان عربلهر (بونلری قافله لرو جبخانه
قوللریله قاریشدیر ماملی) کوچک آغرلق و بیوک آغرلق نامیله ایکی به
آیریلور .

کوچک آغرلق ، بر قطعه عسکریه نك محاربه میدانی اوزرنده
محتاج بولندینی عربلهری . بیوک آغرلق ایسه ، مذکور قطعه نك
اردوگاهلر و قوناقلرده محتاج اولدینی عربلهری حاویدر .
کوچک آغرلق ده اساساً شو قسملره آیریلور :

۱ — منسوب اولدقلری اقسام عسکریه یی بلا فاصله تعقیب ایدن
عربلهردرکه اونلر بوجه آتیدر :

اجزای طیه عربلهری (پیاده ده طا بورباشنه ، سواریده آلائی
باشنه بر عربله ویریلور . دیگر صنفلرک ده بشقه عربله ره یوکللی صندقلری
ودستگیرلری واردر) :

بلوکلرک جبخانه سنی طاشیمغه مخصوص عربلهر ، بطریه لرک برنجی
قدمه لری (۴ جنخانه عربله سی) ، آلات و ادوات عربله لری ،
استحکام صنفنده کذلک لغم ادواتی ایچون عربلهر ، و هر صنف ایچون
یدک بارگیرلری . بو دیدکلریمز پیاده ده طا بورلرک ، سواریده آایلرک ،
طوپجیده بطریه لرک ، استحکامده ایسه بلوکلرک کریسنده یورورلر .

۲ — منسوب اولدقلری قطعات عسکریه یی درحال تعقیب ایتیان
عربلهر . بونلر بطریه لرک ایکنجی قدمه لرینی (بطریه باشنه ۵ جنخانه
عربله سی ، و برپارق عربله سی) تشکیل ایدرلرکه ، برپیشدارده ویا بر

مفرزه ده اونلر قول نهايتنده يورورلر . دهاقوتلی جزء تاملره كانجه ،
شوديدىكمز احتياطلرطوبى طابورلرينك (فرقه وياقول اردو طوبىچيسى)
هان كىروسنده حركت ايدرلر .

اكر مستاقيلندن برمفرزه يه بركوپرىچى طاقيله برلكده راستحكام
بلوكى وىرلش بولنورسه . بوكوپرىچى طاقنك ، استحكام بلوكنى متعاقب
يورمىسى لازم كلور . بعضاده آنى پيشدار ويا قسم كلينك كريسند يوريمك
واكر كنديسنه احتياج كورليورسه ، بيوك آغريلقرايله برلكده حركت
ايتديرمك ده اوله بيلور .

كوچك آغريلقار دائما قطعات عسكريه ايله برابر يوريدكلرىچون
برامرده اونلردن بحث ايتمكه هيچ لزوم يوقدر . يالكز يك مستئا
قيلندن اوله رق طاغ سفرلارنده كوچك آغريلقاره دائر امرده برشى
ذكر ايد بيلورسكز . لكن بيوك آغريلقلى بالعكس دائما ذكر ايتمكه
مجبورسكز ، اونلرى هيچ بروقت اونوده مزسكز . بوبيوك آغريلق
ديدىكمز شى ، اشيا عربهلرينى . طوبىچينك ۲ نومرولى يارق عربهلرينى ،
ارزاق عربهلرينى ، دميرجى عربهلرينى . يم عربهلرينى حاويدر . بيوك
آغريلقار ، منسوب اولدقلى قطعات عسكريه صره سنجه يورورلر .
وهر محاربه اولدقجه اونلرى قولدن چيقارمق وتعيه مسئله لرى حلنده
بيله شواصوله رعايت ايتمك لازمدر .

خدمت سفرىه نظامنامه سنك ۲۳۳ نجى ماده سنه برباقارسه كز اوراده
بريوروش قولنى تشكيل ايدن مختلف اقسام عسكريه دن هر برينك يول
قول درينكلرينى برر ، برر بولورسكز . بر بىحق ساعت ظرفنده پيشدار
اوجى ، تخميناً ۷ بىحق كيلومتره يول يورى يهرك (هورغنه) اوشووال —
روژ (جوارنده بولنمش اوله جقدر . كليكر ، بزبورادن ايشه باشلايه لم .

بو اوجك ايلرو سنده غير معين بر مسافه ده، پيشدار سواريسي يوري به جگدر .
 بو سوارى ، سر عئلى يوروش ايله ايلرو لئش اولان سوارى بلوك ريله
 ارتباطده بولنه جقدر . يول قولنك : ديكر اقسام مختلفه سى ، بروجه
 آتى صره اوزره بر برينى تعقياً يوري به جگدر :

۴۰۰	مسافه	پياده اوجى (بر ضابط ، ۸ نفر) .	متره
۳۰		بر پياده طاقي (اختياري) .	
۴۰۰		مسافه (كذلك اختياري) .	
۷۰	پيشدار باشى	{ بلوك متباقيسى (۲ طاقم) . آلات وادوات عربله برلكده استحكام بلوكى .	
۱۱۰			
۵۰۰		مسافه (۵۰۰) : (۱۰۰۰) .	
۳۰۰۰	پيشدار قسم كليسى	{ ۹۸ نجى پياده آلانك برنجى طا بورندن ۳ بلوك و طا بورك كوچك آغر لئى	
۷۰۰			
		مسافه	
		مخبره آتيليرى (داخل حساب ايدلز) .	
۴۰۰	مفرزه قسم كليسى	۹۸ نجى پياده آلانك ۲ نجى طا بورى و كوچك آغر لئى .	
۱۰۰		۳۱ نجى طوپچى آلانك ۷ نجى بطريده سى و برنجى قدمه ،	
۴۰۰		۹۸ نجى پياده آلانك ۳ نجى طا بورى و كوچك آغر لئى .	
۱۱۰		بر سيار خسته خانه طاقي .	
۱۲۵		۳۱ نجى طوپچى آلانك ۷ نجى بطريده سنك .	
۳۱۷۳۵		احتياطى (۲ نجى قدمه) . قولاك عموم اوزونلئى .	

يول قولنك بو اوزونلغنى عدد صحيح ايله يعنى ۴ كيلومتره كوستر .
 ديكنگز حالده ، كندى پياده اوجى خدا سنده يايلىقى ايچون ، مفرزه به
 $4 \times 12 = 48$ دقيقه لازم كه جگنى آكلارسكر .

۱. اگر بیوک آغراقلر گزی ده برابر کوتور یورسه کز ، ایلک او بجه
۲ کیلو متره ک بر مسافه براقیکز ، صکره آغراقلر ک کنديلر یچون ده
۵۰۰ متره براوزونلق کوستریکز . (بوجه آتی اوزونلقلر ، عدد
صحيح اولق اوزره خاطر کزده قالسون : برطابورک ویا بر بطریه نک
آغراقی ۱۰۰ متره ، بر سواری آلاینک ۲۰۰ متره . آرده کی مسافه لر ده
داخل اولق شرطیله ، ۲ بارکیلی بر عربیه ایچون ۱۰ ، ۴ بارکیلی بر
عربیه ایچون ۱۵ : ۶ بارکیلی بر عربیه ایچون ده ۲۰ متره حساب
ایدیلور .)

بناءً علیه پیشدارک قول نهایتی هان ۲۷۰۰۸ اشارتی یاننده ، قسم کلینک
قول باشی (غره و - لاهوت) ک ۷۰۰ متره شالنده خندق خدا سنده ، و قول
نهایتی ایسه ، (بلوش) . کیدن یوک تلاق نقطه سندن ۳۰۰ متره جنوب ده
بولنه جقدر . بیوک آغراقلره کلنجه اولنر (لی یه هون) دن هنوز
حرکت ایتمش اوله جقدر در . اوافق تفک ، وله لر ایله یوروشده جزؤ
تاملر بیتنده اصولاً بر اقل مقده اولان مسافه لری داخل حساب ایتمه
یک حاجت یوقدر . بودرلو حسابلر اولسه اولسه ، بر صحت اضافیه دن
بشقه برشی حاصل ایده مزلر : ایش باشنده ایسه ، حسابک بر قاچ یوز متره
اکسیک ویا زاده کوسترلش اولمسنده یک اوقدر بر بآس یوقدر .
بناءً علیه ، قروکیکز ، شمدی بزم یامش اولدیغمز حسابلره الفی ، الفنه
مطابق دوشمسی قطعاً لازم اولان برشی دکلدر . حال ، بوکه سز ،
بشقه درلو مسافه لر قبول ایتمکده ده سربستسکمز . بوکا نظراً استحصال
ایدیله جک نتیجه نک ده بسبتون بشقه برشی اوله جفی طبعیدر . سوزیمزه
نهایت ویرمزدن اول ، صورت حل و تنقیدنی بر آزیوقاروده کورمش
اولدیغمز امرک بر عینی ده سزه ویرمک ایستورم :

(لی به - هون) ك جنوبده کی اردوگاه

۲ نیموز ۸۹ . ساعت ۱۰ کیجه

مفرزه امری

۱ - دشمن ك پیاده و طوپیچی
« آنتیلی اردوگاهنده بولیور . بعض
سواری کشف قوللری مچ ك جنوبده
کورلشلدردر . بزی تقویه ایتمک مخصوص
اولان قطعات عسکریه دهم اوزرینه
یوریلر .

۲ - مفرزه یارین مرسیله مچ
اوزرینه حرکت ایده جکدر .

۳ - « مستقل سواری » یارین
صبح ساعت ده ده سرعتله یوزویشه
باشلاهیجق و « مرسیله مچ » استقامتده
مفرزه نك ایلروسنه کیمش بولنه جقدر .
مذکور سواری قولومبه ی ، بوزی
« کولو و سابلون ، جهلری استکشاف
ایتدکن بشقه » هوپیتال اورمانلری
و شامپل « قورینی ده کشف وترصد
ایتدیره جکدر .

۴ - « پشدار عین ساعتده
حرکت ایده جک و غره و لاهوت دن
کچهرک بئوک یول بونجه . مرسیله مچ
اوزرینه کیده جکدر .

۵ - قسم کلی « پشدار » ۷۰۰
متره مسافه ایله تعقیب ایله جکدر .

۶ - « بیوک آغراقلر » معینه
برقاچ سواری ویریلان برنجی سواری
بلوک ضابطلرندن بریسی قومانداسنده
اولق اوزره و باش طرفلری « لی به - هون
یولی ایله جاده نك برلشدیکی نقطه ده
بولنه جق وجهله « لی به - هون یولی
اوزرنده اجتماع ایده جکدر .

انقسام عساکر

مستقل سواری : یوزباشی

ق ..

(۹) نجی دراغون آلاینک ۱ نجی
(برطاقم اکسیک) و ۲ نجی بلوک .

۲ - پشدار : بیکباشی ب ..
(۹۸) نجی پیاده آلاینک (۱) نجی
طابوری .

(۹) نجی دراغون آلاینک
(۱) نجی بلوگندن (۱) طاقم .
(۱۶) نجی استحکام طابورندن
۱۰ بلوک .

۳ - قسم کلی « ویوریش
تظمی » : برنجی سواری بلوگندن
برکوچک ضابط و « ۶ » سواری .
(۹۸) نجی پیاده آلاینک ۲ نجی
طابوری .

(۳۱) نجی صحراطوپی آلاینک
۷ نجی بطریه سی .
(۹۸) نجی پیاده آلاینک ۳ نجی
طابوری .

برسیار خسته خانه طاقی

<p>۷ - « راپورلر » نى قىسم كىلىنك قول باشىدا بولۇپ قىلدۇر . مىرآلای (۱)</p>	<p>امىر آلفى كوندۇرۇش اولان بىلگىلەر يازدىرايدۇر .</p>
---	--

اكر سوارى پىشدارە الحاق ايدىلش اولسىدى . امىر ، انىل مؤاخىدە .
ويلىدىكىمىز و جەلە تەدىل ايدىلش بولۇپ قىلدۇر . بىر قىلمە آلە جىگىز
قت : اىمىز خاسىلر ايله . هر مادە نك باش طرفىدىكى كەلرلى يا كەرلر
نچە المىكىز وياونلار كالتىرەنە بىر چىزىكى چىكىمىزى تىكراز تولىمى
بىر . حتى محل و مكان اسملىرى ، بىر آزىدا قالىنچە يازارسەك ،
توقاي ايتىش اولۇرسىز . بىر . ازىنوتىمىكىز كە ، امىر كىزى يالىكىز
بىخىفەدە اكمل ايتىدىكىمىز زمان . آنك كىر كىت عمومىيە سنى و كىر
سەتلى آكلامق دىھاقولاي اولۇر . آنك ايجون سىزدە امىر كىزى
لىكىز بىخىفەدە سىغىر مەچە چالىشكىز .

بوشىدىكى مەكتوب . كەلەك مىللە ايجون دە سىز كى ايجە ايشىكە
رايە جىقدۇر . ايلرى يوروشىلەر دائر بعض نقتىلر اوزىرە سىز كە
مەدى مخصوص اويلە اوزون اوزادى يە قونوشمىم . كەلەك مەكتوبىلر دە
يىلر اوزىرە . انشاء الله دىرىنەن دىرىنە بىت ايدۇر .

اىكىنچى مىللە

(« مىچ » ، « ورنى » و « آرس - سورموزەل پافىلرلى)
بىر قىچ بىلگىلەر ايله تەقوىلە ايدىلەك مىچ شىرىنك ايجە سىغىر اولان مىخافىز مەفرە سنى
يىدە مامور ۱۶ نچى پىدادە فرقىسى ، ۸۹ سىنىسى تولىنك $\frac{5}{6}$ كىچە سنى
ويوىر ، « مىچ » پافىلرلى . رەطونفەلى كى جىنوبىدە (كى شىرقىندە
دوكانلار دە كچورور .

۱۶ نچى فرقىدە مىنسوب و مىرآلای (۱) قوماندانلىقىدا اولان بىر يان
مىرەسى [۲۹ نچى پىدادە آلایى (۳) طابور) ، ۸ نچى آوجى طابورى ،

۷ نجی دراغون آلائی (بر بلوک اکسیک) ، ۸ نجی طوچی آلائی ۸ نجی پیاده بطریقه سیله برنجی سواری بطریقه سی ، ۸ نجی استحکام طاوورینک برنجی بلوکندن ۲ طاقم] ، تموزک ۵ نجی افشای وایچه کچ وقت ، (قولینی) ده کوی اردوکاهنه یرلشش بولنیور .

اقتشامک ساعت ۱۱ نده میرآلای (۱) ، فرقه قوماندانی طرفندن کندیسنه کوندرلش اولان بروجہ آتی امری آلور :

فرقه قرارگاه عمومیسی ووی پر

شرق اردوسی

۵ - ۷ - ۸۹ کیجه ۳۰ » ۷۰

۱۶ نجی پیاده فرقه سی

دشمن « موزل » ک غرب جهتندن ۱۰ چ ۲ قصبه سی محاصره آلدی . هر نوع صنفدن ترکب ایدن بر دشمن مفرزه سی ، بوکون اوکلنه طوغری « موزل » نهری آتلادی و فہی ، « کووری » ، « پونی » و « فلو - ری » موقعلری برقاچ بلوکه اشغال ایتدردی . « هویتال » اورمانلرینک شمال و شرق جهتلرنده بعض منفرد سواری کشف قوللرینک ککزندیکی کورلشدر . « بهووی - لاهوت » « قریژی » و « بورنی » موقعلری ، شهرک محافظ عسکری طرفندن کوندربلان بعض اوافق تفک قطعات عسکریه النده بولنیور . فرقه یارین صباح ساعت ۵ ی چاربک کچه « لاپلانشت » اوزرندن « مچ » « کیده جکدر . سز یارین صباح مفرزه کزلہ برلکده « قولومبہی » دن کچہرک بنم یوریشمی سترہ دوام ایدہ جکسکز و واللی برہ درہ سی یکمیش اولقی ایچون لازم کلان ترتیباتی صباح ساعت (۷) ده اخذ ایلیہ جکسکز . بیوک آغرقلریکز سزکله برلکده بولنہ جقدر .

فریق

س

تحریر آ ویرلش و بر امر ضابطیلہ کوندرلشدر .

بایبیلہ جق وظیفہ

۱ - ۸۹ سنہ سی تموزینک ۶ نجی کونی ایچون میرآلای (۱) طرفندن اخذ ایدیلان ترتیبات .

— اسباب موجبہ نک تشریح و بیانی .

— تانیہ —

(مچ) اطرافندہ کی اورمانلرک قسم اعظمی کسلہشدر . بناءً علیہ موجود

يوللارك خارچنده يالكز پياده لر طاغنى نظامده وپك آغر بر صورتده اورالردن كچه ييلورلر .

(مچ) اطرافنده كى قلعه لره كلنجه ، برنجى مکتوبمد ، سزه سويلديكم كى اونلارك يوق اولدينى فرض ايديلور .

اوجنجى مکتوب

يان يورويش

مسئله ، (ويويير) دن حركتله (پلانشته) موقعندن كچرك (مچ) اوزرينه كيدمك اولان برفرقه نك يان مفرزه سى طرفندن ياييله جق بر ايلرى يورويشدين بشقه برشى دكلدر . خدمت سفرىه نظامنامه سنك ۱۱۴ و ۱۱۷ نجى ماده لرنده ، يالكز جانبدارلردن بحث ايدلش اولسنه كوره شبهه ايتمكه . سزىم (يان مفرزه سى) تعميرنى قوللانمش اولديغمه ايجه شاشمش قالمشسكزدر . لکن خدمت سفرىه نك ۳۱ نجى ماده سسند (يان مفرزه سى) تعميرنى بولديغم ايجون شويله بر تعميرى قوللانمقده معذور كوريله جكمى اميد ايدرم . اوت ، (يان مفرزه سى) تعميرندن ، ينه هر صنف عسكردن تركب ايتمش واپى قوتلى بر جانبدار آكلاشيلور . يوقسه ، اوتعير جانبداردن بستانون بشقه بر معنايه كلورديمك دكلدر . مسئله كزى اوقيوركن ، كوزيكز مفرزه يه برسواري بطريه سى ویرلش اولسى خصوصنه ايليشنجه اميم ، ينه ايجه حيرتلره دوشمشسكزدر

اونك نچون بويله اولديغى سز، مسئله كزده كي شو : « برقاچ بطريه ايله تقويه ايدلمش اولان ۱۶ نجى فرقه » افاد، سندن پك اعلا آتلايه بيلورسكز . كندى طوبجى آلايندن بشقه ، فرقه يه قول اردو طوبجيسنك برقسى ويرلمش اولديغى ده فرض ايدورم . بو خصوصده ، سفر برلك ائناسنده ، بر قول اردونك طوبجىلىرى كندى مختلف جزء ناملى آده سنده نه وجهله تقسيم ايدلمش اولديغى بر خاطره كتوريكز . فرقه ، (مچ) شهرى محاصره ايتك اوزره اولان دشمن عليه عجا نچون درحال تعرضه كچيور ، سؤالى ايراد ايلمك ده عبث اولور . زيرا ، فرقه قوماندانى ذاتاً ويردىكى امرده طوغرىدن طوغرى يه (مچ) ه كيده جگى خبر ويريور . احتمال كه آنك بويله يامسى بعض مطالعات وافكار مخصوصه دن ايلرى كليور . اولجه سزه ويردىكم نصيحتلى ، باق . ينه تكرار ايدورم : سز دائماً كندى ايشكزى . كندى وظيفه كزى بيليكز وسزدن ايستيلان شيلردن بشقه هيچ برشيه هوس ايتميكز .

ممرزده نك يورويش يولى . (قولومبه ي) دن بكارك ، (قوليني) دن (مچ) ه كيدور . لكن (قولومبه ي) جوارنده يماجلرى پك ديك وسرت اولان (واللى ير) دره سنى آتلامغه مجبوردر . دره نك تشكيل ايتدىكي بو مجرا ايسه . اپى درين برشى اولديغى چون يولك (قولومبه ي) جوارنده كي قسمى طبيعى نظر دقنه آله جقم مهم برماده در .

فرقه ديديكمز مجرايى ، (بلانشهت) موقعده آتلايه جقدر . ايكي يولك ايكي سى ده ابو اولمقله برابر . كچيد نقطه لر ينه كلنديكى زمان ينه اپى آچيق كوز بولمق لازم كلور .

قسم کلبی ایله شوزره بی کچمک خصوصی واقعا ، فرقه قوماندانان .
تی آز چوق کچیکدر مش اوله جقدر . مع هذا اگر دره بی کچمک
اوزره ایکن دشمنک بر هجومه تصادف ایدیلورسه ، بوندن طولانی
فرقه نك وضعیتي بستیون فنا اوله جق دکلدر .

تعبیر آخرله ، مفرزه ، فرقه یه موازی بر یول بونیجه . او یله بر
دوزی یه (میچ) استقامتده یوری یه جک دکلدر ؛ بالعکس ، فرقه نك
کچیک حرکتی ستر ایتک ایچون یول اوزرنده طور مغه مجبور اوله .
جقدر . یا . بو مفرزه عجبا نروده طوره جق وانصل بر موضع
طوته جقدر ؟

بز اونی . الفی الفه بیله میز . چونکه خصوص مذکور . یورو .
یش انسانده بزه کله جک اولان راپورلره تابعدر . شمیدیک ، یالکز
قطعات عسکریه بی حرکت حائله قویمق ، اولری وقتیه (واللی بر)
دره سندن کچورتک واستکشاف ایچون لازم کلان ترتیباتی المق
یتیشور . لکن هر حالده ، وضعیت تمامیه آکلاشینجه یه قدر
(ددنکمال) نقطه سنک اوتیه جهتیه کلمیه جکدر . ایشته یوروشک ،
امرده کوسترلمسی لازم کلان هدف موقتی بودر . مفرزه قوماندانان .
ننک : (واللی بر) دره سنک شرق جهتیه توقف ایتک کبی بر فکره
صایه بیلمش اوله جغنی فرقه قوماندانی بر آن ایچون بیله خاطرینه
کتورمش دکلدر . بونک بویه اولدینی آپ آشکاره برشیدر . چونکه
فرقه قوماندانی ویردیکی امرده . کچیک حرکتک معین بر ساعتده
اجرا ایدلمش اولمسی لازم کله جکی سویلمشدر . مفرزه نك توقف
ایده جکی محک ، فرقه قوماندانی طرفندن کوسترلمه مش اولدیفه بلکه
بر آز حیرت ایتمشکزدردر . بو خصوص صوک درجه ده مناقشه

ایدیه بیلور . لکن ، مسئله ده ، فرقه قوماندانی کندی وظیفه سنی اکمال ایتمکده انتخاب وسائط خصوصنی مادونه بر ایش اولدینی و تفرعات اوزرینه و بر یله جک بعض تعلیمات رسمیه ایله آنک استقلال حرکتی تحدید ایلک ایستمدیکی ایچون دیدیکمز کیفیت حقنده ، برقرار مصیب و یرمک وظیفه سی البت مفرزه قوماندانه عائد برشیدر .
دائما فرقه نك قول باشی زرده بولنیور بونی پک طوغری بر صورتده بیلک ایچون ، مفرزه ایلری یوروش ائسانده هر زمان فرقه ایله ارتباطده قالمغه مجبوردر . یالکز (واللی بر) دره سی جوا- رنده کی منطقه مستتا اولق اوزره ، ایکی یوروش یولی بیننده کی اراضی صورت عمومیه ده پک آجیق اولدقن بشقه ، حرکت پک مساعد بر طاقم عرضانی یوللری حاوی بولدینی ایچون دیدیکمز ارتباط خصوصی کوچ برشی اولیه جقدر . مفرزه نك تعقیب ایده - جکی یولدن ماعدا ، استکشاف خدمته آز چوق تأثیر ایده جک اولان یوللری ده برر کره کوزدن و مطالعه دن کچورمک لازمدر . بولنر بوجه آتی سویله جکمز وجهله یوروش یولنک جنوبنده و اوکا موازی اولان یوللردر :

۱ — (مارسیلی) و (اوبینی) دن کچرک (قولومبه ی) اوزرینه کیدن یولدر . بویول تعقیب ایدیلنجه ، عسکری بر زمان ، ترلار آره سندن یوریتک لازم کله جکدر . کرچه دائما شو محذوردن سالم اولق ممکن دکلدرد . لکن ، شو بولندیغمز مسئله ده ، بویول امنیت مفرزه سنک تعقیب ایده جکی یوله پک یقیندر . بونک ایچون امنیت و استکشاف خدماتنده اوندن هیچ بر استفاده کوریه مز .

۲ — (مارسیلی) و (آرس لاکنه کسی) دن بکهرک (قریزی) اوزرینه کیدن یولدر . مفرزه طرفدن تعقیب اولنان یوله هان موازی و اوندن ، کیلومتره قدر اوزاق ایکنجی بر بیوک یول (آرس لاکنه کسی) دن کچورکه اوده (مچ) شهرینه منتهی اولیور . لکن ، رجهتدن (قولومبی) و (بورنی) آره سنده ، دیگر جهتدن (آرس لاکنه کسی) و (قریزی) آره سنده مذکور یولک بعضی آغاجقلی قسملری وارکه بونلر هم شمالدن جنوبه طوغری نظری بدید ایتدکدن بشقه اتصالاتی ده ایجه مشکلاته دوشورورلر ،

۳ — (مارسیلر) و (آرس لاکنه کسی) دن (مرسیله مچ) وزرینه ، بعده (قریزی) و (بهووی - لاهوت) دن (کولو) وزرینه کیدن یولدر .

بو یول تعقیب ایدیلنجه ، (مرسیله مچ) دن (هویتال) اور - انلرینک شرقده کی اراضی بی اعلادن اعلایه کورمک ممکن اولدینی ی مفرزه نك یوروشینی استکشاف ایتک ایچون (شامپل) اورمانیله آرس لاکنه کسی) نك غربنده بولنان اورمانلر آره سنده کی بوش لردن ایلرولمک ایستیه جک اولان دشمن سواریلری طوردیره بیلیمک یدلری ده واردر .

(بهووی - لاهوت) دن ایسه ، (هویتال) اورمانلرینک ، بنده کی منطقه بی وبالخاصه (ورنی) - (پوی بی) - (مچ) یولی نلک ایودن ایویه کورمک قابلدلر . بناءً علیه سوارینک استکشافی بون اک الویریشلی یول اوچنچی یولدر .

مفرزه ، کیجه بی کوی اردوکارلر نده کچریوردی . تعمیر آخرله ، قولینی) ده کی قوناقلر ممکن اولدینی درجه ده صیقی ویناشیق برحاله

فرقه لرینک شمديک ، (موزول) نهرينک صول ساحلنده قالدقلى قبول اولنه بيلور . تموزك ۶ نجى كونی دشمن ، (مچ) شهرنى جهت شرقيه دن محاصره يه دوام تشبثنده بولنه جقدر . لكن بو استقامتده ، (هوپیتال) اورمانلری اونك اوكنه چيقه جقدركه ، دشمن ، كنديسنى پك طولاشديرمش اوله جنی ایچون بو اورمانلرك جنوب كنارى بويجه ایلروملكى آرزو اچتیه جكدر . دشمن ، بر آزدها شمالدن ، یعنی (بهلتر) ویا (مرسيله مچ) اوزرندن ده كجه بيلور . لكن ، بوايكي موقع (مچ) شهرينه پك يقين اولدینی ایچون شو دیديكمز حال ، قوتلی بر احتمال تشكيل ايده مز صانورم . بناءً عليه دشمن يوريسه . يوريسه ، الكچوق اورمانلر آره سندن و (شه زنی) دن چن يول بويجه يوری يه جكدر . (مچ) محافظ عسكری طرفندن (بهووی - لاهوت) ، (قریزی) و (بورنی) موقعلرینه كوندرلش اولان مفرزه لردن دشمنك احتمال كه صاحیلين معلوماتی اوله جقدر . دشمن كشف قوللری ، شبهه سز ، جهت شرقيه دن كلان بيوك يوللره طوغری بعض كشافلر كوندره جكدركه ، بوكشافلر ، عینی يوللر اوزرنده بزم كشافلریمزی كورمش بولنه جقدردر . كشف قوللری . (آرس لاکنه کسی) ، يا خود (لاغرائش - اوبووا) يه واصل اولدقلى زمان ، اولجه اهالی طرفندن ويا بشقه جه بر صورتله مفرزه نك يورويشنه دائر هیچ برخبر آله مدقلىنى فرض ايتسه ك بيله ، بو غطه لردن اعتباراً آرتق مفرزه مزك يورويشنى يواش . يواش طرامغه باشلايه جقدردر . لكن ، اگر دشمن (مچ) ایچون تخصیص ایدیلان قوای امدادیه نك يورويش حالنده اولدقلىنى اوكره نوره طبعی اونلری شهره کیرمکدن منعه چالیشه جق و طوغریجه اونلرك علیه يوری يه جكدر . بتون شودیدکلریمزدن آکلاشیلوركه ، مفرزه نك

یورویش ائناسنده جدی بردشمنه تصادف ایتش اولسی محال دکلدر .
(مچ) محافظ عسکرندن (بهووی - لاهوت) : (قریزی) یه کوندریلان
اوافق تفک قطعهلرک ، مفرزه یه جدی براسنادلق خدمتی کوره بيلمش
اوللری امیدایدیلور شیلردن دکلدر .

بناءً علیه دشمن بوجه آتی یول . بویجه حرکت ایتش اوله بيله جکدر :
(په لیر) ، (مرسیله مچ) ، بورادن ده (غرائش - اوبووا) ویا
(آرس لاکنه کسی) اوزرینه یاخوداولا (شه زنی) یه اوغراقدن
سکره ، (آرس لاکنه کسی) ویا (غرائش - اوبووا) اوزرینه
یوری یه جکدر . بردفعه (آرس لاکنه کسی) یه کلنجه ، دشمن . فرقه نك
کچید حرکتی منعه چالشمق ایچون (واللی یر) دره سنک صول کناری
بویجه ایلرولمکده بیوک فائده کوره جکدر . زیرا ، اگر مذکور دره نك ،
صاغ ساحلی تعقیب ایدمک اولورسه ، احتمال بوندن طولانی پک زیاده
کچیکمش بولنور . دشمن ايله بر تصادف . وقوعه کله جک ايسه ، بونک
اک چوق (قولومبه ی) ايله (بورنی) آرسنده وقوعی محتملدر . دشمنه
تصادف ایتک خصوصی محقق برشی دکل بالعکس ، بزاونی بر احتمال اولق
اوزره سویلیورز .

عجبا دشمن . (قولومبه ی) - (بورنی) خطی اوزرینه قاچده
واصل اوله بيله جکدر ؟ دشمنک اک ایلرولمش اولان پوسته لرندن
(پوی یی) و (فلوری) خطنه قدر خط مستقیم حسابيله تخمیناً (۸-)
کیلومتره لک بر مسافه وارد . لکن ، یوللر بویجه حساب ایدیلورسه .
بومسافه نك ده زیاده طوته جفی شبهه سزدر . مفرزه ايسه . (قولینی)
نك شمانده کی درت یول آغزندن (واللی یر) دره سنه قدر آنجق (۴-)
کیلومتره لک بر مسافه قطع ایتک مجبوردر . بناءً علیه دشمندن متأثر

اولمقسزین. دره یی کچمک و غرب جهتده بر موضع طوتمق ایچون مفرزه کندیسنه لازم کلان تقدیمی پک اعلا و قولای ، قولای قازانمش اوله جقدر .

دشمن سواریسی کندی استکشاف خدماتنده نه قدر زیاده مشکلات چکرسه ، دشمن پیاده سی ده شبهه سز ، یوروش خصوصنده او قدر زیاده آغر طاورانه جقدر . بناء علیه یان مفرزه سنک سواریسی ، جنوب غربی جهتلرینه طوغری یعنی (مرسیله میچ) ه قدر ایجه اوزاقلره سورملک لازم کلور . سواری بردفعه شو نقطه یه یرلشدیمی ، کرک دشمن کشف قوللرینی و کرک ، اوجوارده کوریه جک دهابیوک سواری قطعاتی (هوپتاک) اورمانلری اوزرینه سورمکه چالیشه جقدر . اگر سواری ، بوایشلرده موفق اولورسه ، صنعتک حقنی ویرمش دیمکدر . زیرا . شونی خاطر کزده طوتیکزکه ، سواری ایلریده ویا بریان اوزرنده سترایتمکده اولدینی برپیاده نک امنیتتی . تأمین کلمه سنک دلالت مطلقه سی وجهله تأمین ایده مز . چونکه آنک قوه تدافیه سی بویه برایش یابه بیلمش اولمسنه غیر کافیدر . شمдіکی حالده سواری . اگر دشمن کشف قوللرینی مفرزه یه یاقلاشمقدن منع ایتمکه و دشمنک یورودیکی استقامت ایله صوک زمانده هانکی نقطه لره کلش بولندیغنی پیاده یه اولدجه وقتنده خبر ویرمکه موفق اولورسه ، کندی وظیفه سنی بحق کورمش صاییاور . شوایکی مقصدک ایکیسنی ده الدن کلدیکی قدر ایورصوتده ایفایده بیللمک ایچون سواری ، دشمنی یقیندن صیقیشدیرمغه و سواریسنی ایسه ، میدانه چیه میه جق وجهله ایودن ایویه اشغال ایتمکه مجبوردر . بردفعه ده سزه تکرار ایدیورم ، سواریکزه اوزاق هدفلر کوستیکز ، اوندن اک زیاده حصولی ممکن اولان شی نه ایسه اونی ایستیکز ؛ لکن اونی اجراآت

خصوصنده سربست براقكز . بن شو بولنديغمز حالده (مارسيلي) و (آرس لاكنه كسى) دن كچه رك (قريژى) اوزرينه پياده دن بر جانبدار كوندركمكه يورويشك امنيتى بسبتون اكال ايتك هوسنه دوشنلرايله برابر دكلم . بويله بر جانبدار كوندريلورسه ، اووقت آنكله مفرزه آره سنده پك بيوك برمسافه بولنه جقدر . ومذكور جانبدار مفرزه دن (واللى ير) درهسى ، و (آرس لاكنه كسى) اورمانلرايله آيرلمش بولنه جنى ايچون الكصره برباشنه محو و پریشان اولمق تهلكه سنه معروض قالمش اوله جقدر .

مثلا بر مقدار سوارى وايكى پياده بلوكندن عبارت بر جانبدارى (مارسيلي) ، (آرس لاكنه كسى) و (اغراش اوبووا) استقامتمنده كوندرمىش اولديغكزى ، و دشمنك ده (مرسييله مچ) اوزرندن كلديكنى بر آن ايچون شويله بر فرض ايديكزى . مفرزه نك قسم كليسى (ده نكمال) نقطه سنه طوغرى بر ترتيبات آله جنى ائشاده ، بو بلوكلر ، (اغراش اوبووا) جهتمده بر موضع طوته رق دشمنى طور ديرمغه چاليشه جقلردر . وشبه سز ، دشمن ايجه بر زمان طور ديرمش اوله جقلردر . طومانسز باروت ، سبييله ، دشمن سوا-ريسى سزك كوچك جانبداريكنر قوتنى على المعجله بر صورته تخمين ايتمش بولنه ميه جقدر . بوندن طولايى . دشمن ايجه بر زمان تردد ايچنده قاله جق واك صوكره يواش يواش وكال تدبير ايله يوريمكه مجبوريت كوره جكدر . بناءً عليه كوريورسكنزكه طومانسز باروت ، وظيفه لرني اكال خصوصنده شو ايكي جانبدار بلوكنه اپى معاونت ايده جك وسزك ايچون ده اپى وقت قازاندرمش اوله جقدر . لكن بر زمان كله جك كه ، دشمن بوجانبدارك ايودن ايويه ضعيف اولديغنى

او کرمه جک و او ائنده سزک ایکی بلوککز حال حاضر سلاحرینک یاقوب بیقان آتشری آلتنده رجعت ایتمه مجبور اوله جقلردر . عجا او بلوکر ، قسم کلی به نه حالده التحاق ایتش بولنه جقلردر ؟ بو جانبدارک کوندرلسیله استحصال ایدیلان اوافاق بر فائده ، ویریلان ضایعاتی عجا اورته بیله جکمیدر ؟ دشمنک یاقلاشمقده اولدیفنه دائر ، یالکز سوارینک کوندرمش بولنه جخی خبرلرله اکتفا ایتکدها یو اولیه جقمی ایدی : مفرزه بر موضع طومق اوزره بولندینی زمان اکر بو جانبدار ، محاربه ایتمه مجبورت کورورسه بز شونکله طبق بر مدافعه موضعه کی ایلری خطک تهلکسه دوشمش اولیورز . بو ایلری خطلرک محذورلری ، « تعیه رهبری » نام اثرده اعلادن اعلایه شرح وتفصیل ایدلشلردر . کچمش زماندن بری . ذاتاً موجود اولان بو محذورلر ، حال حاضر سلاحرلنده کوریلان ترقیات ایله بستیون نر ایدایلمش بولنیورلر .

اوله ایسه . بو سویلیه حکم شی خاطر کزده قالسون ، ایلروده البت سزک ایشکزه یارار : دشمن سزک یوروش یولکزرک بریاننده کورلمش اولدیفندن اوکا قریشو ، بر جانبدار چیقارمق لازم می ، دکل می بونی آکلامق ایچون بردفعه آتیده کی سؤاللری کندی کندیکزه سوریکنز .

۱ — یالکز پیاده دن مرکب بر جانبدار بکا لازم کلان زمانی قازاندیره بیله جکمیدر ؟

۲ — بوجانبدار ایچون مناسب بر یول وارمی ، یوقیدر ؟

۳ — اکر وار ایسه ، بو یول ایله قسم کلینک تعقیب ایلمکده بولندینی یول آره سنده نه قدر بر مسافه واردر ؟ یالکز پیاده دن

عبارت بر جانبدارك ، بر قولدن (۲) كيلومتر دن زياده بر مسافه ايله يوريدلمسى آنجى پك مستتئاحالدرده واقعدر ؛

۴ - ايكي يول آرد سنده ، قسم كلينك معاونتنه مظهر اوله مقسزين جانبدارى بر باشنه محو و پریشان اولق تهلکه سنه دوشورن ، دره لر ، اورمانلر وسائر بوكي مانلر يوقيدر ؛ بو سؤاللر اوزرينه ، آرتق بر مفرزه نك يورويشنى صورت عموميه ده يالکز پياده دن بر جانبدار ايله ستر ايتمك فکرندن واز کچمش اوله جفکزه قطعياً امينم . اوت اويله يايکيز . و يالکز پك مستتئاحالدرده يعنى دشمنك نظر دقتى کندی قولکيزدن بشقه بر طرفه چويرمکه کنديکيزجه بر فائده کورور سه کز او زمان پياده دن جانبدار کوندرمکه معذورسکيز . سواری بو ايش ايچون سزه کافی اولدقجه ، پياده افراز ايتکدن چکنمکيزى تکرار نصيحت ايدرم . چونکه پياده هم آغر يورور هم ده صکره سزکله برلشمك خصوصنده پك چوق زحمت چکر .

بو شمدیکی مسئله يه کلنجه . سواری بوراده امنيت خدماتى کورمك ايچون پك اعلا کفايت ايدر . اگر سواری يي پيشداره ملحق بولنديرمش اولسيدیکيز ، بر خطا ايتمش اوله جفکيز ، باق فصل ميدانه چيقيور ! زيرا سز سواری يي اوزاعه کوندرمك ؛ هنوز اپي اوزاقده بولنان بر دشمن عليه نه سوق ايتمك ايستيورسکيز . برده سز بوسواری يه ؛ پيشدار وظيفه سنك حدودى خارچنده و درجه کافيه ده قوتلرايله بر خصوصى وظيفه يوکلتيورسکيز .

بناءً عليه . بتون شو ملاحظات ، اک صکره سزك شويله بر قرار ويرمکيزى ايجاب ايتدييورلر : مفرزه ، (قولليني) نك شالنده يوللرک برلشدیکی نقطه ده اجتماع ايدمک . يالکز بر يوله يورويش

یابیه جق و مفرزه نك موقت هدفی (ده نكمال) نقطه سی اوله جق ،
سواری به كلنجه او مستقل حرکت ایتك اوزره (آرس لا كنه کسی) دن
(مرسیله میچ) ه طوغری سورلش بولنه جقدر .

شمدی ده انقسام عساكر بخته كلهلم . وضعیت معلوم اولدینی
ایچون ، پیشدارك پك ارکندن محاربه به کیریشمش اولسنه پك آرز
احتمال ویریه بیلور . لکن بو محقق برشی دکل . چونکه حربده ،
بعضاً اك صاغلام . اك كوزل خبرلر اوزرینه بيله ینه هیچ برشیته
جواب ویریه مز . بونك ایچون ایلک اوکجه ایشك حقیقتی ایودن
ایوبه کشف ایتك و صکره آنك اوزرینه برپیشدار ترکیب ایلکم
لازمدر . بز پیشداره آوجی طابورینی ویریورز : بونی اولجه ده
کورمش ایدك . بناءً علیه قسم کلی تام برپاده آلایندن ترکیب ایتمش
بولنه جقدر . صوك حربده . آوجی طابورلری عمومیت اوزره پیاده
آلایلرینك طابورلری طرفندن کوریلان خدمتک عینی کورمشلردر .
مذکور طابورلرک نشانچیلکده مهارت لرندن بحق استفاده اولنمق
ایچون ذاتاً فرصت پك نادراً اله کچور . زیرا ، اکثریا ، اولنلری
خصوصی ایشلر ایچون حفظ ایلکم ممکن اوله میور . هم بعض
اوله حاللره تصادف اولنورکه . اوراده آوجی طابورلرینك همه حال
ایشه کیریشملرینه لزوم کوریلور . مفرزه دن بحث ایدلجکه سزه نصیحت
ایدرم ، آوجی طابورلرینی دائماً پیشداره ویریکز . باخصوص شو
بزم مسئله ده اولدینی کبی سز . بز آلایی قسملره آیرمقدن چکنمکه
لزوم کوردیککز وقت هب اوله یاییکز . اگر مفرزه تعرضه
کچمکه مجبور ایسه ، آوجی طابورلرینك ده مؤثر اولان آتشلری
دیگر صنفلرک هجومی ده زیاده حاضر لایه جق و اولنره ده زیاده معا-

ونت ایتمش بوانه جقدر . الك اي انداخت ایدن قطعات عسکریه ایچه اوزون سورده جک وحتی بمضاً پک قانلی برحاله کیره جک اولان حاضرلق محاربه لرنده دائماً بویله قوللانلمش اوله جقدر . اکر مدا- نعهده قاننه جق ایسه ؛ آوجی طابورلری ال خصوصی ایشلر باشنده واک ایویرلرده قوللانمق ایچون بلکه دائماً فرصت ووقت دوشه جکدر . بن پیشداره . بر طابوردن آز برشی ویرمک فیکرنده دگم . زیرا ، (وانیلیر) دده سی کجلیکی کبی ال آنده ایچه قوتلی بر پیاده قطعه سی بولمق لازم کلدیکی بیلورم . اکر بو ملاحظه اولمیدی ؛ بر ایلری یورویشه سبه . صورت عمومیه ده . بر یان یورویشه پک اوقدر اهمیتی حائز اولیان بر پیشداره سز دها آز پیاده ویره بیلوردیکز . برده شو پیشداره لازم اولدینی قدر سواری ده ویرمک لازم کلیور . (قولومبه ی) ک ایلروسی وپولک هر ایکی جهتی کشف وترصدایتدر . مک ایچون بوراده پیشداره . برقچ سواری کشف قولی ویرمک بکا کافی کلیور .

برده پیشدارک ؛ هم فرقه مک قسم کلیسی . همده مستقل سواری ایله ارتباط تأسیسه مجبور اولدینی دوشونه لم . بونک اوزرینه بن پیشداره بر طاق سواری ویره جکم . سز ایسترسه کز ایکی ده ویره . بیلورسکز ؛ لکن بوندن زیاده ویره مزسکز . چونکه ایستیلان بر نقطه ده خصمه فائق اولمق ایچون هر یرده تصرف قاعده سنه رعایت ایتمه ک یولی بیامک لازمدر .

یا عجبا ؛ بطریقه لردن بریسی پیشداره ویرسه ک الملزمی ؛ پیشداره یالاکز بر طابور پیاده عسکری وار . برقچ زمان تک باشنه حرکت . بعضاً تدبیر سزجه بر صورتده . ای اوزاقلره دوشمکه

مجبور اولان و بناءً عليه بربطريه بي يك حمايه ايده بيله جك بر حالده اوليان بودرجه آز برياده قطعه سنه بربطريه ويرمك سويلور و آرزو ايديلور شيلردن دكلدر. ذاتاً بوراده مفرزه قسم كليسى ، پيشداردن يك چوق اوزاق اولدينى ولزوم كوردليكي آنده سرعتلى يورويش ايله بطريه لر دن بريسنى وحتى ايكيسنى بردن ايلرى كوندرمىك يك قولاي اولدينى ايچون پيشداره طوبجى ويرمكه هيچ حاجت قالماش اولور . الله يالكز ايكي بطريه بولندينى و پيشدار ده ايسه يالكر بر طابور قدر پياده عسكرى اولدينى زمان ، طوبجى بي بوشنه بر بردن آيرمقدن ايسه ، بطريه لرك ايكيسنى ده قسم كلي ده براقق اسكيدن برى حكى جارى بر قاعده در . بناءً عليه پيشداره بر بطريه ويرمك خصوصى آنجق يك نادر و مستثنا حالدرده مثلاً ، دشمنى وقتدن اول يايلمغه مجبور ايتك و يا طوب منزللى داخلنده بولنديرمىق ايچون پيشدار ايله على العجله بر موضع طوتلمش اوله جنى زمان قابل تطيقدر . بويله حالدرده ، طوبجى آتشنه اركندن باشلانمش اولدينى ايچون بر قاچ دقيقه قازانمق بزجه فائده لى بر شى اوله بيلور . و بناءً عليه شو كى زمانلرده ، طوبجى نك يرمدت ، ضعيف برياده قطعه سنى ياننده بولنمقدن طولايى حاصل اوله جق محذوره باققسزين ، در حال ، ايلرى به بر بطريه كوندرمه نك چاره سنه باقق لازم كلور . اويله ايسه ، طوبجى نك پيشداره الحاقى ايلك او كجه بعض احوال خصوصيه اوزرينه تحق ايتمش اولمق كر كدر . بزم مسئله مزده ايسه ، شو كى خصوصى حالدردن اثر بيله يوقدر . دشمن بزدن اودرجه اوزاق بولنيور كه ، (واللى ير) دره سنك غربنده كى تپه لره اوئندن اول و اصل اوله جتمزه قطعياً امينز . بونك ايچون ديورم ، كه ، بطريه لرك ايكيسنى ده قسم كلي ده براقق دها يودر . بر بطريه بي پارچه لره

بولك، مثلا شومسئله ده پيشداره ايكي طوب كوندرمك ، اصلا تجويز اولنور شيلردن دكلدر . بر بطريه، موضعنه كيره چكي زمان دائما تام قوتلي كيرمليدر . بو خصوصه يالكز طاغ سفرلي براستنا وجوده كتوررلر . چونكه او كبي زمانلرده اكثريا ، طار بروادي ايچنده يالكز ايكي طوبك بطريه نظامنه كچمسي ممكن اوله بيلور . حال بوكه ، ينه اكثريا، وادي بويجه كيدن بريولي تعقيب ايتمكده اولان دشمن قطعات، سكريه سني . اوزاق مسافه لردن بويولك خارچنده . ياللمغه مجبور ايتك ايچون ، ديديكمز كبي بعضاً ايكي طوبلق بطريه لر تشكيلنه لزوم قطعي كوريلور . برقاج زمان صكره سزه ويريله جك برمفرزه ده اوچ وبلكه بوندن زياده بطريه كورورسه كز بو ، او مفرزه نك شمديكندن قوتلي برمفرزه اولمسندن ايلري كله جكلدر . شهسز اوزمان سزك پيشدا . ريكنز ده دها قوتلي اوله جقدر . و بناءً عليه سز . اوكا بر بطريه ويرمكده اصلا تردد بيله ايتمز سكر . بوندن بشقه اكر ، بنم شومسئله ده مخصوص ياپديغم كبي ، بطريه لردن بريسي . واري بطريه سي اولورسه ، سز ، قسم كليده مرجحاً بوسواري بطريه سني براقش اوله جقسكز . بر پيشدار بطريه سنك صوك درجه سريغ بريورويش ياللمغه هيچ احتياجي يوقدر .

زيرا بوبطريه ، اكثريا تعقيب ايديلان يول كنارينه يقين بريرده موضع آله جقدر . بالعكس ، ديديكم كبي اكر سز . سواري بطريه سني قسم كليده براقورسه كز ، اوزمان بوبطريه نك سريغ يورويشندن دها زياده فائده كوره جكسكز . چونكه ايلريده پيشدارك فنا حالده صيقيشمش اولديني آكلاشيلورسه قسم كليده براقديغكز اوسواري

بطریه سی . شبهه یوق که ، بر پیاده بطریه سندن پک چابوق پیشدارک
معاونته یتشمش اوله جقدر .

ایکی استحکام طاقنه کلنجه اونلر پیشدارله برابر یوری یه جکلردر .
بوندن ایکی بیوک فائده چیقار . بریسی اکر (واللی یز) دره سنی پکرکن ،
استحکام نفرلرینه لزوم کوریلورسه اونلر ال آلتنده بولنش
اوله جقلردر . ایکنجیسی ۱۰ اکر بر آرز دها صکره - طوتیله جق موضعک
نلان ویا فلان نقطه سنی تقویه ایتمه که لزوم حس ایدیلاورسه استحکام
طاقلری ینه ال آلتنده اولدقلر یچون در حال ایش باشنه یکمش
بوانه جقلردر .

بو شمدیکی مسئله ده قسم کلی یه برقاق مخابره سوار یسی ویر مکله
اکتفا ایدیه ریک بالعکس . بر طاق قدر سوار ی ویریلورسه پک ایو
اوله جقدر .

بو تدبیر . واقعا یکن مکتوبده سوارینک تقسیم وافر ازنده پک
زیاده تصرف ایدلمک لازم کله چکنه دائر سویلدی کمز سوزلره مغایر کی
دوشیور . لکن . بوراده طوغریدن طوغری یه مفرزه قوماندانک
الی آلتنده بولنق اوزره اولدقجه قوتلی بر سوار ی قطعه سنه لزوم
قطعی واردر . چونکه مفرزه قوماندانی فرقه قسم کلیسنک یوروشنه
دائر معلومات صحیحه ایدلمک ایچون آره سره کند یسی طرشدن بعض
کشف قوللری چیقارمغه لزوم کوره جکر . بناءً علیه شویله بر لزوم
واقع اوانجه مفرزه قوماندانی آنک چاره سنی بولمغه مقتدر اولمیدر .
آندن بشقه مفرزه قوماندانی کرک طوغریدن طوغری یه وپک یقیندن
کندی صول یاتنی بعض کشف قوللریله تأمین ایتکه وکرک کندی مستقل
سوار یسیله بر ارتباط حصوله کتور مکده مقتدر اولمیدر

كرك پيشداره ويريلاڻ سواری طاقی وكرك ، عين زمانده ، بيوك
آغراقلر ايچون برقاچ سواری تفریق ايده جك اولان قسم کلی سواری
طاقی ، یعنی بونلرك هرايكیسی ده اوتنه کی سواری بلوكلرينك موجود
نامنی بوزمش اولماق ايچون يالكز برلوكدن آلنه جقلردر .

قسم کلی طوحيسی برنجی پیاده طابورينك کريسندە يوری يه جکدر .
بوراده ، بيوك آغراقلرك امنیتی ايچون بعض تدابير خصوصيه آلفه
واونلری بر دم دازك حايه سنه ويرمه هيچ لزوم يوقدر . صورت
عموميه ده ، شويله بر مقصد اغورنده بر جزء تامدن محروم قالمق آرزو
ايدليور . بونك ايچون دشمنك اوافق تفك سواريلرينه قارشو ، بيوك
آغراقلرك حايه سی پیاده دن کريده قالان سقط نفرلره بر اقلوركه
بونلرده اکثريا بوايشك حقندن كله بيلورلر . لکن ، بریان يورويش
ياييله جني زمان بيوك آغراقلرك امنیتی استحصال ايچون بعض خصوصي
ندائيره لزوم کوريلوب کورلييه جکی ايوجه بر مناقشه ايدیکز .
اويله ايسه انقسام عسا کر بويله ياييله جقدر .

انقسام عسا کر

- ۱ — مستقل سواری : بيکباشی ب . .
- ۷ نجی دراغون آلاي (برنجی بلوكل ياريسيله ۴ نجی بلوك اکسيك) .
- ۲ — پيشدار : بيکباشی ق . .
- ۸ نجی آوجی طاבורی .
- ۷ نجی دراغون آلايندن برنجی بلوكل برنجی طاقی .
- ۸ نجی استحکام طابورينك برنجی بلوک (بر طاقم اکسيك) .
- ۳ — قسم کلی (وپورويش نظامی) :

۷ نجی دراغون آلاينك برنجی بلوكندن بر طاقم .

۲۹ نجی پیاده آلاينك برنجی طاووری :

۸ نجی صحرا طوبچی آلاينك ۸ نجی بطریه سیله برنجی سواری بطریه سی .

۲۹ نجی پیاده آلاينك ۲ و ۳ نجی طاوورلی .

حرکت امرینه دائر کچن بچده ، بن سزه ، بعضاً یالکز برامر ویره جک یرده ایکی امر ویرمکده ممکن اولدیفنی سویلمش ایدم . ایرتسی کونی حرکت ایتک ایچون هانکی ساعتده حاضر ایدلمش بولنق لازم کلدیکنی برکون اولدن دها بيلمکده قطعات عسکریه نك پک مراقلی اولدقلرینی هیچ خاطر کزدن چیقارمیکز . با خصوص ، بلوک و بطریه قوماندانلری بونی اوکرنه جک اولورلرسه ، شهه سز ، عسکرک اعاشه سنه و بیوک آغرلقره دائر آلمسی ایجاب ایدن تداییری دها کوزل بر یوله اخذ ایتش بولنورلر . اوندن بشقه ، هر نفر ، چوربه ویا قهوه سنی هانکی ساعتده حاضر ایتک لازم کلدیکنی آکلا- مق ایستر و بوکا پک مراق ایدر . زیرا ، بونک ایچون ایجه برزمان لازمدر . تجربه لرینی دویره رک ، سلاح باشنه ایتک قدر عسکرک جانی صیقان بشقه هیچ برشی یوقدر . با خصوص ، او تجربه لرک نه زمان آتش اوزرینه ، تکرار ، قونیه جقلری بیلنه مزسه ، بو صیقندی بستیون آرتار .

اگر ، ایکی امر ویریلورسه ، بونلردن بریسی حرکت ایچون قطعات عسکریه نك ساعت و اجتماع نقطه سنی کویستره جکدر . اصل حرکت امری دیمک اولان ایکنجیسنه کلنجه ، یورویشه باشلانلمز . دن بر آز اول و شفاها ویریه جکدر . بو دیدیکمز اصول ، سفرده وبا خصوص دشمن یقیننده اک زیاده قوللانیلان بر اصولدر . زیرا ،

او وجهله یاییلورسه حرکت، ساعتته قدر قطعات عسکریه یی سربست بر یولده قوللانمق ممکن اولدینی کبی یوروش استقامتی انتخابدهده ایجه سربست قالمش اولور. باخصوص اگر کیجه بعض خبرلر ویا امرلر کلورده بونلردن طولای، ویرلش اولان حرکت امرینک مندرجاتی دکشمش اولق ملحوظ ایسه او زمان دیدیکمز اصول، حقیقت الک ایو بر اصول تشکیل ایدر. بو وجهله حرکت ایدیلنجه ایرتسی صباح اقسام عسکریه قوماندانلری عزیمتدن ۱۰ ویا ۱۵ دقیقه اول برلشوب امر آله جقلردر. وقت سفده امرلر، فرقه-لرده اولدینی کبی، مفرزه لرده دخی، کیجه واپی کچ وقت ویریلورلر. بویله یامغهده احتیاج واردر. چونکه اکثریا وقوعات یومیه دایر کله جک خبرلری ومانوق طرفندن کوندریله جک امرلری بکلمک لازمدر. امرلری آلفه مأمور اولان امر ضابطلری ویا سائر ضابطلر، مذکور امرلری آلق ایچون بعضاً ساعترلرله بکلمکه مجبو-ریت کورورلر. حال بوکه، هرکس وقوعات یومیه ائناسنده فناحالده یورغون دوشمش اولدینی ایچون بر آن اول، اردوگاه ویا قوناق محلنه دونمکه باقار.

امرک صورتی بردفعه آلدن قدر صکره، آنی ایلک اوکجه اویقودن اویاند-یرلمسی لازم کلان قوماندانه کوتورمک ایجاب ایدر. اویله ایسه، کیجه لین ویریله جک امرلرک ساده وپک بسیط شیر اولق لازم کله جکی حقنده هیچ شبهه ایتمه، سزده بنم ایله بر فکرده سکز. چونکه بویله وقتلرده بیوک بیوک خطالره دوشمک احتمالی پک چوقدر! اونک ایچون دیورمکه ایرتسی کون صباح لین وشفاهی برامرویرمک بوندن دها ایودر. ویرامرشفاها ویریله جک اولورسه، آنی ایوجه بر شرح ایتک و شبهه لی کورینان هر

نقطه سنی برر ، برر کو سترمک ، ایضاح ایتمک ممکندر . مع هذا ، بعض احوالده ، کیجه لین ، حرکت امری ویرلدیکنه کوره ، مادون قوماندانلرینه وضعیت عمومی ، باش قوماندانک افکار و مقاصدینی و کندی وظیفه لرینی ایودن ایویه دشونمک ایچون بول بول وقت براقلمش اولورکه بوده آز بر فائده دکلدر . بناءً عایه بعض پک کوچ وضعیتلر قارشوسنده ، حرکت امرینی ممکن اولدینی قدر ارکندن ویرمک لزومی وار . واونی مطابق اولیه یایمق ایجاب ایدر . لکن هر زمان مشکل وضعیتلر قارشوسنده بولنامز . بالعکس ، مثلاً سزک مسئله کزده اولدینی اکثر احوالده وضعیتلر پک بسیط و پک قولای آ کلاشیلور بر طرزده بوانورلر . برده . قطعات عسکریه حرکت امری شفاهاً . ویرلدیکی ائنده بیله . امر پک اوزون اولورسه . اکثر احوالده اونینه امر آله جقلره قویه ایتدیرمک لازم کله جکدرکه . اوزمان سز اونی یاسویله رک یازدیرر سکز . یا خود اولجه طاش اوزرنده با صدرمش اولدیغکز نسخه لری برر . برر توزیع ایدر سکز .

ویریه جک امرلرک قاج عدد اولسی لازم کله جکنی آ کلامق ایچون سز ، مسئله دهکی وظیفه کزی بر کره ایوجه دوشونکز . اگر مسئله ده : « مفرزه قوماندانی طرندن (. . .) کیجه ویریلان امر » دینامش ایه ، بوندن آ کلاشیلورکه سز ، یالکز بر امر ویره جکسکز . لکن سز او ویره جککز امرده ، قطعات عسکریه اگر کیجه بی کوی اردو کاهنده ، کچورمش بوانیورلرسه ، اونلرک نرده اجتماع ایتلری لازم کلدیکنی سویله جکسکز . اگر مسئله ده ویریه جک امرلر ویا آله جق ترتیبات اوزرینه اولیه ساده جه بر صورتده کچامش ایه ، سز اوزمان ایستدیککزی یا یقده سربستسکز .

بو حالده، اكر عزيمت ساعتدن اول، بشقه حوادتلرك كلسي بك او قدر بكتناميورسه، سز يالكلزايكي امر ويره جكسكز. اكر وضعت بك بسيط و دشمن ده بك اوزاق اولورسه، وسز، اهميت مخصوصه يي حائر بعض يكي راپورلر و حوادتلرك كلسندن امين ايسه كز يالكلز بر امر ويره مكله اكتفا ايدو بيلورسكز. شمديكي حالده، فرقه امري سزه آنجق كيجه نك ساعت ۱۱ نده كلديكي و مادون قوماندانلريكز سزك ويره جككز امري آنجق بك كچ وقت آله بيله جكلري ايچون ايكي امر ويره كز دهامناسب اولور فكر نده يم.

لكن. قطعات عسكريه كزك اجتماع ساعتی تعيين ايتزدن اول، سز بر دفعه عزيمت ساعتی ايودن ايويه قرار لاشدير مغه مجبورسكز. بوساعتی حساب ايتك ايچون مفروضه يي تشكيل ايدن قطعاتك — بيوك آغر لقلر مستتا — (واللي ير) دره سنی صباح ساعت ۷ ده كچمش اولملری لازم كله جكي خصوصنی بردوشونمه كز ايجاب ايدر. (قولايي) نك شمالنده يوللرك برلشديكي نقطه دن (واللي ير) دره سنه قدر اولان يوروش مسافه سي ۴ كيلومتره يعنی عدد صحيح اولمق اوزره ۵۰ دقيقه طوتار. ايشته پياده اوجينك مذکور دره يه وارمش اولمسيچون ايجاب ايدن زمان بوندن عبارتدر. حال بوكه، امرده ذكر ايديلان ساعتده بتون قطعات عسكريه نك (واللي ير) دره سنی كچمش بولملری لازمدر. اويله ايسه بو ۵۰ دقيقه يه يوروش قولك تكميل درينلكنی ده قاتمق لازم كلور. بن بوراده شو حسابي ياپاركن، عين بر قدمه نك طابورلری و بلكلری آرمه سنده برا قلمق ايجاب ايدن مسافه لری، ترك ايدرك، كچن مکتوبمه كندن زياده مختصر كچه جكم:

متره	آوجی طاہوری .
۴۰۰	۲۹ نجی پیاده آلاپی .
۱۰۲۰۰	قسم کلیده کی سواری طافی .
۳۵	۲ بطریه واحتیاطری .
۶۳۰	۲ استحکام طافی .
۷۰	پیاده اوجینک مسافه سی .
۴۰۰	پیشدار باشینک مسافه سی .
۵۰۰	پیشدارک مسافه سی .
۷۰۰	یکون
۳۹۳۵	

عدد صحیح اولرق ۴ کیلو متره یعنی زمان جنسندن بر ساعت .

اوله ایسه مفرزه ، (واللی بر) دره سنی تام زماننده کچمک ایچون ساعت (۷) دن بر ساعت ۵۰ دقیقه اول یعنی ساعت (۵) ی (۱۰) دقیقه کچه حرکت مجبوردر . بناءً علیه جزء تام قوماندانلری ساعت (۵) ده طوپلانه جق ومفرزه ایسه (قوللینی) نك شمالنده کی یوللرک تلاق نقطه سندن ساعت (۵) ی (۱۰) دقیقه کچه عزیمته مهیا بولنه جقدر .

یول قولنک درینلکنی حساب ایتدیکمز صروده بیلمام دقت ایتدیکزمی ، سواری بی داخل ایتدک . یالکز قسم کلیده کی سواری طافی حساب قانق . بونک سبی ایسه کونش کی آشکاردر . چونکه سواری سرعتی یوروشه کچرک درحال ، پیاده نك ایجه ایلروسنده واوزاقده یوری یه جکدر . شو فرصتن استفاده ایدرک ، سزک نظر دقتکزی بر شی اوزرینه دها جلب ایده جکم . اوت ، سزه سویلیه جکم شی بودر : مفرزه بی ساعت (۵) ی

(۱۰) بچه یوریتش اولدیغمزہ نظراً ، آکلاشیلورکه ، اک صوکه نفر آنجیق بر ساعت صکره یوریمکه باشلایه جقدر . یعنی اوزواللی نفر بر ساعت قدر آباق اوزری طوره جقدر . کرچه هر زمان شو بیوکه محذوردن قورتلحق ممکن دکدر . لکن الدن کلدیکی قدر اونک بر چاده سنی آرامقده پک لازم اولان شیلردن بریسیدر . شمیدیک بوبحث اوزرینه سزکله اوزون اوزادی یه قونیشه جق زمانم یوق ، سز اونی یالکز خاطر کرده طوتیکز ، ایلریده اونک اوزرینه بول بول کوریشورز .

عزیمت ایچون تعیین ایتدی کمز ساعت بولندیغمز موسمه کوره پک ارکن دکدر . بوندن طولای اکر تعیه وضعیت ده ارکن یوله چیقمنی ایجاب ایتدیره ایدی ، بزده پک اعلا ، ده ارکن عزیمت ایتش اوله جق ایدک .

بیوکه آغر لقلری اجتماع ایتدیر مک ایچون ، مخصوص بر ساعت صکره بر زمان انتخاب اولسه جقدر . بوده نه ایچوندر ، بیلور میسکز ، عربهلر ، یول قولسه کیره جکلری صره ده قطعات عسکریه کاملاً کویدن طیشاری چیقمش بولنق ایچوندر . اکر بویله یابلمیوبده عین زمانده آغر لقلر ده اجتماعی ایچون امر ویرلش اولسه اوزمان ، قطعات عسکریه نک اجتماع نقطه لرینه طوغری کلان یوللر ، آغر لق عربهلری طرفدن قبادلش اولورلردی . آغر لقلر کنیدیلرینه کوستریلان زمانده عزیمت ایتک ایسترلرسه ، بوشنه وقت غائب ایتمکدن صوکه درجه جکنمیلدرلر . چونکه ذاتاً صباحک ساعت (۵) ندن اول ممکن دکل اجتماع ایتکه باشلایه مزلر . برده ، بیوکه آغر لقلری تعقیب ایدیله جک یول اوزرنده وکندی یوروش نظر .

ملرینه کوره اجتماع ایتدرمک دها مناسب دوشر . بناءً علیه ، حرکت امری ، بیوک آغرلقلرک ، اجتماع ائساننده باش طرفی نروده بولنهجق ایسه اوراسنی کوسترمکه مجبوردر . بو اصول ، ذاتاً پک آغر اولان بو آغرلق عربهلرینک یوله کیرمش اولملرینی پک زیاده تسهیل ایتدکدن بشقه آنلرک اوتیه بری یوللره صاپه رق نافله یره زمان غائب ایتمه لرینک ده اوکنی آلمش اوله جقدر .

برده سز ، اکر ایسترسه کز ، قطعات عسکریه نک اجتماع ایلدکلری مخرجدن بشقه ، دیکر برمخرجه ومثلاً (قولینی) نک شرق مخرجنه طوغری بیوک آغرلقلرکزی پک ارکندن اجتماع ایتدیره بیلورسکز . بن بولری سزه . دها صکره لری ایچون ، سویلدم . لکن ، شمدیکی حالده بکا صورارسه کز ، بن آغرلقلره دائر سویلنیلان شو ایکی حالدن برنجیسنی قبول ایدرم .

فرصت اله یکمیش ایکن شونی ده خبر ویره یمکه ، فرقه نک بتون بیوک آغرلقلرندن یالکز بر قافله تشکیل ایتک قاعده در . فرقه نک ویرمش اولدیغی امره نظراً بزم بیوک آغرلقلریمز بو دفعه منفرزه ایله برلکده حرکت مجبوردرلر . بو برحال استثنائیدر . و بن اونی ، مخصوص اولیه انتخاب ایتدم . چونکه او سایه ده سز بیوک آغر - لقلرک کرک یوروش و کرک اقامت حاللرنده نرهلرده بولنه جقلرینی ونصل اقامت و حرکت ایده جکلرینی ایودن ایویه او کرشمش اوله - جقسکز . اکر مسئله ده ، بیوک آغرلقلرک ده صباح ساعت ۷ ده (واللی یر) دره سنی یکمیش اولملرینه دائر برشی سویلنمش اولسیدی ، او زمان یوروش قولککزک درینلکنه دها ۷۰۰ متره قدر برشی علاوه ایتکز لازم کلوردی (۴ طابورک آغرلقلری « ۱۰۰ » ر

متره دن ۴۰۰ متره ؛ سواری و طوبیجینک آغرلقلری ده برلکده اولمق اوزره ۳۰۰ متره) . بوحسابده برقاچ متره اکسیک ویا زیاده اولمه نك هیسچ بر اهمیتی یوقدر . آنك ایچون سز اوله شیلره قولاق آصییکنر .

اوله ایسه ایشته اجتماع امری :

(قولینی)

۵ - ۷ - ۸۹ - ۱۰ - ۱۱ کیجه

مفرزه امری

۱ — (مفرزه) یارین صباح (قولینی) -

نك شمالنده یوللارك بر اشدیكي نقطه ده اجتماع ایده جك وساعت (۵) ی (۱۰) بکه عزیمته مهیا بولنه جقدر .

(بیوك آغرلقلر) ۱۰ باش طرفلری شمدی سویلدیکمز یوللارك تلاق نقطه سنده اولمق اوزره یارین صباح ساعت (۶) ده (قولینی) - دن (قولومبه ی) ه کیدن یول اوزرنده اجتماع ایده جکلر در .

۷ نجی دراغون آلاینك برنجی سواری بلوکی بیوك آغرلقلر ایچون بر ضابطایله برقاچ سواریدن مرکب بر محافظه ویره - جکدر .

۲ بتون آتلی ضابطلر ، حرکت امری آلمق ایچون یارین صباح ساعت (۵) ده بر آز اول سویلدیکمز یوللارك تلاق نقطه سنده برلشه جکلر در .

میر آلا ی

(۱)

امر آلمق ایچون اقسام عسکریه طرفندن کوندریلان ضابطلره یاز - دیرلشدر .

اصل حرکت امری دنیلان امر ایسه بویه ترتیب

اولنه جقدر .

(قولینی) نك شمانده يوللرك برلشدیكی نقطه

۶ - ۷ - ۸۹ - ۵ کوندوز

مفرزه امری

۱ — (دشمن) ، (موزهل)
نهرينك جهت غربيه سندن (مچ) قصه -
سنى محاصره به آلدی ودون اوكله دن
صكره (فهی) ، (كووری) ، (پوی -
بی) و (فلوری) موقعلرنی اشغال
ایلدی . (هوپیتال) اورمانلری
جهتنده ایسه دشمنك بعض سواری
كشف قوللری كورلشدر . (فرقه) ،
(لاپلانسه ت) دن كچه رك بوكون (مچ)
اوزرینه طوغری ایلرولیه جقدر .
(به ووی - لاهوت) ، (قریشی) و
(بورنی) موقعلری (مچ) شهرندن
كوندریلان بعض قطععات عسكریه ایله
اشغال ایدلشلردر .
۲ — (مفرزه) ، صول یان جاندا -
رینی تشکیل ایدرك ، بوكون ایلک اوکجه
(قولومبهی) كغرینده کی (ده نكمال)
نقطه سنه كیده جقدر .
۳ — (مستقل سواری) درحال ،
سرعتلی یوروش ایله (آرس لاکنه -
کنی) دن كچه رك (مرسیله مچ)
اوزرینه كیده جك و (شه زنی) (اورنی) ،
(پوی بی) استقامتلرنی كشف ایلیه جقدر .
بوندن بشقه دشمن سواريسنك (هوپیتال)
اورمانلرينك شرق جهت كچمسنه مانع

انقسام عساکر

۱ — مستقل سواری : بیکباشی
ب . . .
۷ نجی دراغون آلائی (برنجی بلوك
۲ طاقیه ۴ نجی بلوك اكسیك) .
۲ — پشدار : بیکباشی ق . . .
۸ نجی آوجی طاووری .
۷ نجی دراغون آلاينك برنجی بلوكندن
بر طاقم .
۸ نجی استحکام طاوورينك برنجی بلوكی
(برطاقم اكسیك) .
۳ — قسم کلی (ویوروش نظامی) :
۷ نجی دراغون آلاينك برنجی بلوكندن
برطاقم .
۲۹ نجی پیاده آلاينك برنجی طاووری .
۸ نجی صحرا طوپنجی آلاينك ۸ نجی
بطریه سیله برنجی سواری بطریه سی .
۲۹ نجی پیاده آلاينك ۲ و ۳ نجی طا -
بورلری .

اوله جقدر .

۴ — (پشدار) در حال یورویشه باشلايه جق و (ده نكمال) نقطه سسه قدر (قولومبه ی) بولنی تعقیب ایله . جکدر . و فرقه ایله ارتباطده بولندقدن بشقه (قریژی) ، (بورنی) محافظ عسکرلریله ده ارتباطده بولنه جقدر .

۵ — (قسم کلی) ، پشدار ی ۷۰۰ متره مسافه دن تعقیب ایده جکدر .

۶ — (بیوک آغر قار) قم کلینک نهایتنه بیتیشک اوله رق یوری یه جکدر .

۷ — بن قم کلینک باش طرفنده یوری یه جکم ، راپورلر اورایه کوندرلیدر .

میرآلای

(۱)

اقسام عسکریه قوماندانلرینه آغزدن سویلنمشدر .

بوامرک مختلف ماده لری اوزرینه تنبیهات

ماده (۱) — هر درلو قاریشقلغه میدان ویرلمه مک ، وآپ آنسزین بعض کشافلر ویا قوللر کورینجه فائده سز برطاقم تدبیرلر آلاماق ایچون مادون قوماندانلردن هر بریسنه فرقه نك یورویشله (به ووی — لاهوت) ، (قریژی) ، (بورنی) ده دوست قطعاتک بولندیغنی سویلمک لازمدر .

ماده (۲) — بوراده (صولیان جانبدارینی تشکیل ایتمک اوزره) دیمک فضلہ برشی دکلدرد . زیرا ، شور قاق گله ، وضعیتک نه دن عبارت اولدیغنی در حال کوستردکدن بشقه ، وظائف خصوصیه نك کافه سی ایچون بر محور الحركات یرینه جگمش اولور . یوقاریده سویلنن افکار و ملاحظاتدن طولایی ، (قولومبه ی) ک غریبنده کی (ده نكمال) نقطه سی یورویشک موقه ایلک هدفیدر . عزیمت آنسده ایکن ده ا، اوراده نه یاییله جفی

هنوز ، قطعاً بیلنه مز . یعنی اوراده بر اجتماع نظامنه می گیر یله جک ، بوقسه بر موضعی طو تیله جق بوراسی بللی دکدر . بو، صکره دن آکلاشیله جق برشیدر . بناءً علیه امر ، شمیدلک اوندن بحث ایده مز . شوخصوص ، آنجق ایلریدن خبرلر کلدکن صکره ویر یله جک اولان دیگر بر امرله تعین اولنه بیله جکدر . شمیدلک سزک ایچون یالکیز مفرزه کزی بر یول قولنه قویمق الویرر . کذلک هر نه قدر ، فرقه نک (ویوی ر) دن عزیمت ایده جکی ساعت بللی و آنک نه وقت امنیت آلتنه گیر مش اوله جغنی حساب ایتمک ممکن ایه ده ینه مفرزه نک موضعه نه قدر زمان قاله جغنی شمیدین سوبیامک و کشف ایتمک قابل دکدر . هم شو یولده یاییله جق حسابلرک ذاتاً بر قیمت مطاقه سی اوله مز . چونکه او حسابلریاییلورکن ، ایلریده وقوعی ملحوظ اولان بعض موانع وعوازی داخل حساب ایتمک ممکن دکدر .

ماده (۳) — مستقل سواری . ایلک اوچکه (مرسیله مچ) اوزرینه آتلمش بولنیور . بوسواری بر تفعه اورایه کلنجه ، در حال بروطفه خصوصیه اجرا سیله مکلف اوله جقدر . شو وظیفه یی اجرا ایتمک ایچون لازم کلان ترتیباتی آلتق سواری قوماندانه عائددر . بناءً علیه اونک استقلال حرکته یی تحدید ایامک ، بوراده بیوک بر خطایرینه کچه بیلور . احتمال درکه ، سواری قوماندانی . وضعیتک نه مرکزده اولدیغه آنجق (مرسی) تپه سنه کلدکن صکره حکم ایده بیله جکدر . اوت . سواری قوماندانی (مرسی) تپه سی اوزرینه چیقنجه اوزاقده نه لر وار ، نه لر یوق بوراسی تمامیه ترصد ایده بیله جکدر . ذاتاً شو صره ده مومی الیه ایلریدن بر جوق حوادث آلمش بولنه جقدر . سواری طرفدن یاییله جق وظیفه یه کلنجه ، او ، مفرزه ، موضعه یلرلشدکن صکره ، یکیدن ویر یله جک بر امرایله تعین ایدلمش اوله جقدر .

ماده (۴) — تعقیب ایلدیکی یولاک صاغ وصولی . و (بورنی) ، جهتی کشف ایتدیرمک خصوصنده آله حق تدایره دائر پیشدار قوماندانه لازم کلان امرلر ویرلملیدر . شو نقطه نظر دن پیشدار قوماندانی پک زیاده مستقل بولنیور . اوظیفه لری باشه چیقارمق ایچون کندیسی فصل ایسترسه اریله پایه جقدر . بالعکس ، امرده . مختلف دوست قطعاتیه ارتباطده بولمتی خصوصنده لازم کلان شیرلی سویامک پک ایو برشیدر . کرچه بونی سویامه مک ده اوله بیلور . لکن ، یوروش یابان قطعات عسکریه صاغ وصول طرفلرنده وایلریده بولان کنندی آرقداشلرینک نره لرده اولدقلرینی بیلورلرسه اوندن چوق فائده حاصل اولور .

ماده (۶) — ایکی امر ویرلدیکی زمان ، اجتماع امرینک . بیوک آغزلقلره ویریله جک محافظ قوتندن بحث ایامسی فائده لیدر . وبومحافظ قوتنه قوماندا ایده جک ضابطه ده اولدن تعین ایدلمش بولنماید . چونکه بویه یاپیلورسه ، دیدیکمز ضابط کنندی وظیفه سنی دهاکوزل برصورتده حاضرلار وحرکت امری ویرلدیکی زمانده ینه کندیسنه عائد اولان جهتلری چارچابوق آکلامش اولور . بناءً علیه آرتق حرکت امرنده ایکنجی بردفعه آغزلقلرک محافظ عسکرندن بحث ایتمکه اصلا حاجت قالمیه جنی کنندی کندیسنه میدانه چیقار . بیوک آغزلقلر (واللی یر) دره سنی ممکن اولدینی قدر ارکندن کچمک وبو وجهله نه اکیه ده آزمعروض قالمق ایچون قسم کلی اوزرینه صیقشمش اولمایدرلر . اکردها صکره اولنری (هیچ) اوزرینه سورمک لزومی حس ایدیلورسه ، بویکیدن ویریله جک برامرایله اجرا اوله بیله جکدر . اکر سز ، حرکت امرینی کیجه لین ، (قولیانی) ده وبرمک یعنی بالکز

برامرايله ايش كورمكى ترجيح ايدرسه كز اووقت ، بزم و پرديكمز
امرده بعض تعديلات ياعمق ايجاب ايدجكدرد. وشهه سز ، اجتماع امرى
بستون حذف ايدلمش بولنه جقدر .

تعديلات :

(قوليني)

۵ — ۷ — ۹۸ — ۱۵ — ۱۱ كيجه

ماده (۱) — « دون اوكله دن صكره » يرينه « بوكون اوكله دن صكره »
قوييكنز .

ماده (۱) — « بوكون » يرينه « يارين » قوييكنز .

ماده (۲) — « مغرزه صوليان جانبدارينى تشكيل ايدرك يارين ايلك اوكله
« .. » كيده جك ساعت « ۵ » ي « ۱۰ » كچه « قوليني » نك شمالنده يوللرك تلاق
نقطه سنده اجتماع ايدجكدرد . صورتنده يازبكز .

ماده (۳) و (۴) — « درحال » يرينه « صباح ساعت « ۵ » ي « ۱۰ »
كچه قوييكنز .

ماده (۵) — اولدينى كچي قاله جق .

ماده (۶) — « بيوك آغرلقلر ، باش طرفلرى . « قوليني » نك شمالنده
يوللرك برلشديكى نقطه ده اولق اوزره يارين صباح ساعت « ۶ » ده « قوليني » دن
« قولومبه ي » ه كيدن بول اوزرنده اجتماع ايتمش بولنه جقدر در . ۷ نجى
دراغون آلاينك برنجى بلوكى برضايط ايله برقاچ سوايدن مركب اوله رق
بيوك آغرلقلره برحفاظ ويره جكدرد . بيوك آغرلقلر ، قسم كاينك قول نهايتى
تعقيب ايدجكدرد .

ماده (۷) — اولدينى كچي قاله جق .

صيفه نك صاغ طرف يارينسك آشاغي سنده شويله يازيله جقدر :

امر آلتى ايجون اقسام عسكريه طرفندن كرنديرلان ضابطانه يازديرلمشدر .

اسباب موجب كزك تشريحه كلنجه ، اونى آرتق كچن مکتوبمه

سزه سويلديكم كچي ياپارسكز . باخصوص ، پياده دن عبارت كوچك

برجانبدارك چيقارلمسنى نەدن اوترى ايستمدىككزى وسوارىكزى دە
نە ايچون مستقل براقدىككزى اورادە سويلرسكز .

بعض قدمهلى بوش بوشە يورماق فكريه : مفرزه كزك مختلف
اقسامى ايچون مختلف اجتماع ساعتلى كوسترمك لازم كلهجكى قبول
ايتىش اوليدىكز بوقسا برشى اوليهجق ايدى وسز اونك اسباب
موجهسنى بك اعلا ايضاح ايدە بيلوردىكز .

كلهجك مسئله دە بركره دها، برقولك درينلكنى، مختلف قدمهلىك
اجتماع ساعتلى وقول باشندن قول نهايتە قدر اولان عمقك بر نقطە دن
ديكر بر نقطە يە وارمسيچون ايجاب ايدن مدتى حساب ايتىش بولنە .
جقسكز . اومسئله دە ينە : بر برندن آبرى و آزچوق اوزاق بولمق
اوزره بر قونائى ترتيبائى ياپديرەجقم . بناءً عليه خدمت سفريه ك
شونقطه لره عائد اولان ماده لرلى بركره دها كوزدن كچوررسە كز بك
اي ايتىش اوله جقسكز .

اوجنچى مسئله

(عمومى خريطه ايله « مچ » و « وزنى » بافته لرى)

شمالدن كلهرك دشمن مملكتندە بولان بر مفرزه (مير آلاى ب. ۰) ۱۸۸۹
سنه سى آغستوسك برنجى كوفى « ويژى » [عمومى خريطه دە] و « سەنت »
بارب « [« مچ » بافته سى] دن كچن يول اوزرنده يورويش اجرا ايدبور .
بومفرزه ، (صوره ي) دن « مچ » اوزرينە كيدن ۱۶ نجى پيادە فرقه سيله
(لاكه كسى) نك شرقندە برلشمك ايچون ، آغستوسك (۲) نجى كوفى
صبح ساعت سكزده اورادە اجتماع ايتك خصوصنە دائر برامر آلور .
۱۸۸۹ سنه سى آغستوسك برنجى كوفى اوكلە دن صكره ، دشمن سوارى

كشف قوللری ، (نوی بی) ، (لووالی بر) و (لاپلانشت) دن كچەرك (مچ) استقامتنده چكەشلردر . (بورنی) نك غریبنده ایسه ، اولدقجه بیوك بردشمن اردوگاه کوریلپور .

کیجه ساعت (۵) ده مفرزه نك پیاده اوجی (پوتی ماره) [ره طونفه ی شمالنده] واصل اولدینی زمان میرآلای (ب . ۰۰) قطعات عسکریه سنی (غراس) ، (شوی) ، (نهرینی) ، (سەنت باب) و (آوانسی) کویلرنده قوناقلره برلشدرمکه و کندی ایلری قره غوللارینی [۴۰ نجی پیاده آلای نك برنجی وایکنجی بلوکاری و ۷ نجی هوسار آلای نك برنجی بلوکندن ۲ طاقم] (پوواقس) - (ره طونفه ی) خطی اوزرنده تأسیس ایتمه قرار ویرر .

پایله جق وظیفه لر :

(۱) — بر قروکی طرزنده مفرزه نك یوروش ترتیبانی (۱ آغستوس ۱۸۸۹) ؛

(۲) — کیجه ایجون مفرزه نك قوناقلری (ایلری قره غوللاری مستثنا) ؛

(۳) — ۲ آغستوس ۱۸۸۹ ایجون (میرآلای ب . ۰۰) طرفندن آلنان

ترتبات :

(۴) — اسباب موجهه نك شرح و بیانی .

میرآلای (ب) مفرزه سنك نظام حربی

۴۰ نجی پیاده آلای

ط ۱ ط ۲ ط ۳ ط ۴

۷ نجی هوسار آلای



برنجی بلوک ایکنجی بلوک



۸ نجی صحرا طونجی آلای نك برنجی طاہوری

ایکنجی بطریه

برنجی بطریه



۸ نجی استحکام طاہورندن ۱ طاقم

برسیار خسته خانه طاقی



دردنجی مکتوب

قوناقلر ویان یورویش

یورویش ترتیباتنک قروکیسنی یایمق ایچون ، ایلک اوکجه انقسام
عساکر ابله قسم کلینک یورویش نظامنی کوسترمه کز لازم کلور .
ایشته او خصوصده سزک یاپه جغکز شی بودر :

۱ — پیشدار :

۴ نجی پیاده آلاینک برنجی طاہوری .

۷ نجی هوسار آلاینک برنجی وایکنجی بلوکلری .

۲ — قسم کلی (ویورویش نظامی) :

۷ نجی هوسار آلاینک برنجی بلوکندن برکوچک ضابط و ۶

سواری .

۴ نجی پیاده آلاینک ۲ نجی طاہوری .

۸ نجی صحرا طوبجی آلاینک برنجی طاہوری (۳ نجی بطریه

اکسیک) .

۴ نجی پیاده آلاینک ۳ و ۴ نجی طاہورلری .

۸ نجی استحکام طاہورینک ۲ نجی بلوکی (برطاقم اکسیک) .

برسیار خسته خانه طاقی .

احتمال که ، سز ، پیشداری دیگر بر طاہورندن تشکیل ایتدیکنز ؛

قسم کلی به برسواری طاقی ویردیکنز . واستحکام طاقلرینی پیشداره

الحاق ایلدیکنز . نه یاپارسه کز ، یاپیکنز ، بونلرک ایلروده کی قوناق

تشکیلاتی ایچون اهمیتلری هیچ یوق کیدر . واقعا سز ، یاپدیغکز

تقسیماتی حقلی کوستره بیلورسکز . بو تقسیمات مختلفه دن یالکز ، بنم

حسابلرمله سزککيلر آره سنده جزئی بر فرقدن بشقه بر شی
کوريلمیه جکدر .

مختلف مسکون محللره کوره عسکری تقسیم ایتک ایچون ، اول
امرده ، آقشامک ساعت (۵) نده یعنی مفرزه قوماندانی توقف
ایتمک ایستدیکی زمان یول قولنی تشکیل ایدن مختلف قدمه لک نره -
لرده اولدیغنی بیلیمک لازمدر . فی الحقیقه ، عسکری قوناقلره
یرلشدیررکن ، قطعات عسکریه یه کری یورویشلر یاپدیرمقدن صوک
درجه چکنمک ایجاب ایلر . ایشته بونک ایچوندرکه ، بن سزه ،
ایلمک اوکجه یورویش ترتیباتی کوسترر بر قروکی یاپمه کزی رجا
ایتمش ایدم . مفرزه قوماندانک ، درحال یول قولنی طور دیره رق
امر بورویسی چالیدیردیغنی فرض ایدم . شو صرده ، سواری
ایلریده وجنوب غربی استقامتده بولنیور . لکن ، آنک ایجه
ایلرولمش اولمسی ، آنک ایچون تعین ایدیله جک قوناقلرک انتخابنده
بر تأثیر کوستره مز . پیاده اوجی ، (پوتی ماره) ده طور دینی ایچون
پیشدار قسم کلیسنک برنجی قدمه سی ، بروجه آتی حسابلره کوره
(سنت بارب) ک جنوبنده کی مزارلق خذا سنده بولنیور :

متره	
۴۰۰	اوجک کیروسنده کی مسافه
۳۰	بر پیاده طاقی (بو خذف ایدیله بیلور) .
۴۰۰	مسافه (بوده خذف اولنه بیلور) .
۷۰	پیشدار باشی (۲ طاقم) .
۵۰۰	مسافه .
۱۴۰۰	یکون

مفرزه قسم کليسنك قول باشى همان (آزولينغ) يولندن (سەنت -
بارب) يولى اوزرينه كچمش بولنيور . فى الحقيقه :

۳۰۰	پيشدار قسم کليسنك ۳ بلوكى
۷۰۰	پيشدارله قسم کلی آره سنده کی مسافه .
۱۰۰۰	يكون

قسم کلی پياده سنك قول نهايتى (آوانسى) نك شمال كنارندن
تخمیناً ۳۰۰ متره اوزاق بولنيور . فى الحقيقه :

۱۲۰۰	۳ طابور .
۳۸۰	۲ پياده بطريه سى (احتياطلرى يوق) .
۱۵۸۰	يكون

مفرزه نك قول نهايتى (بيوك آغر قلقلر داخل دكل) (ورنى) دن
(سازيله ويژى) اوزرينه كيدن يولك تخمیناً ۳۰۰ متره جنوب سنده در .
فى الحقيقه :

۷۰	۲ استحکام طاقي .
۱۱۰	برسيار خسته خانه طاقي .
۲۵۰	۲ بطريه احتياطي .
۴۳۰	يكون

كچن مسئله ده ياپديغم كچي ، حساباتى تسهيل ايتمك ايجون عين
قدمه نك طابورلرى و بلوكلى آره سنده کی مسافه لرى هيچ قاله
آلميورم . اكر سز اولنرى ده حسابه قاتمق ايستيور سه كز او زمان
شونلرى علاوه ايتمك لازم كلور :

متره	پيشدار قسم کليسى : ايكي بلوك آره لنى (۸) ر
۱۶	متره دن

متره

قسم کلی : بر طابورك ۳ بلوکی ایچون

۲۴ = ۸ × ۳ ۲ طابور آره سنده

۱۶

اوج طابور ایچون

۱۲۰ = ۴۰ × ۳

(۱۶) شر متره دن ۲ بطریه

۳۲ = ۱۶ × ۲

یکون ۱۷۶

اگر بستان حقیقی کو سترمک آرزو ایدیایورسه او زمان استحکام طاققریه سیار خسته خانه طاقنک کریه اولان مسافله ریخده حسابیه قاتمق لازم کلور . لکن ، بیلدیککز کی ، بر مفرزه ایچون شو یولده کی اوافق تفک حسابله قاله آله جق شیر اولدینی ایچون اولنرک هپسندن صرف نظر ایتمش اولسه کز بیله بوندن برشی حاصل اولمق لازم کلز . چونکه بوراده سز بر حساب مسئله سی حل ایتمکه مشغول بولنیورسکز .

بو مسئله یی حل ایدرکن ، سزک تقدیر اتکزک تمامیه بنم کیلرک عینی اولوب اولماسنده پک اوقدر بر باس کور میورم . اصل سزدن بکنیلان شی ، سز قروکیکزی یاپدیغکز ائساده یول قولنک مختلف اقسامی نره لرده بولنیورلر اولری ایوجه بیامش اولمکزدن عبارتدر . بر قطعه عسکریه قوناقلره یرلشه جکی زمان جزء تاملردن هیچ برینسک کری یوروش یامغه مجبور اولماسنه دقت ایدملیدر . هپکز بیلورسکزکه ، بو بر اصولدر . و بونی تقویه ایده جک دیگر بر اصول دها وارکه اوده : « قطعات عسکریه ایرتسی کون یاپیله جق یوروشه کوره قوناقلره یرلشدیرلمش اولملیدرلر . » قاعده سندن عبارتدر . بوندن آ کلاشیلورکه ، برکون اول آ انسان قوناق ترتیباتی ، ایرتسی کون تعقیب اولنه جق یوروش ایچون بر حاضرلق دیمکدر . اویله ایسه بز .

۱. آگستوس ۱۸۸۹ دە (لاکنه کسی) اوزرینه نصل بریوریش بیلەجقدر ، ایلک اوکجه بوراسنی اوکرەنەلم . وپونک ایچون اصل یلدن ایشه باشلايەلم . اوت ، شو دیدیکمز طریق اصلی ده ایلک بکجه (قولینی) نك شمالەده یوللرک تلاق نقطەسنه کیدن وصره رب استقامتە دونن بیوک یولدر . بز آنی (اوژی) نك جنوبه ر تعقیب ایدەجکمز واورادن اعتباراً ایسه ، طوغریدن طوغری یه (لاکنه کسی) یه کیدن یول بونجه حرکە اولنەجقدر . کذلک قولینی) و (ویلەرس- لاکنه کسی) دن دخی کچمک قابل ایدی . بوخصوصە نظر دقتە آلنەجق دیکر یوللر ایسه شونلردر :

۱ — (سەنت بارب) ، (غراس) ، (رەطونفهی) (فلانویل) (اوژی) دن کچن یول ؛

۲ — (سروینی لہ - سەنت بارب) ، (نوازه ویل) (مونطوی) (ووانسی) (وبەدە) (آرس لاکنه کسی) یاخود (مارسیلی) دن ن یول ؛

۳ — (سەنت بارب) ، (شوبی) ، (غلاتینی) (وودره ویل) (هزری) [عمومی خریطەدە] و (قولینی) دن کچن یولدر .

تعییه نقطه نظرندن بواوچ یول ، بیوک یوله موازی کبی تلقی نەبیلورلر . برنجیسی ، بویولدن اک چوق ۱۴۰۰ مترە قدراوزاقدەر . ر نقطەلر دە ایسه دەها یقیندر . برده ، ایچە اکریلی بوکریلی . یعنی ایچون برنجی یول اوتە کیلردن (۳) کیلومترە دەا اوزوندەر . جیسی ، بیوک یولدن اکچوق تخمیناً (۳) کیلومترە قدر اوزاقدەر . ، (نوازه ویل) ، (مونطوی) و (ووانسی) چقورلرندن بکی ایچون ایشه یارار بریول دکلدر . اوچنجیسی ، اصل یولدن

دها اوزون اولدقدن بشقه، اوندن دها فنا اولدنی ایچون ایجه کشف ایتدیرمهدن اونک اوزرنده قطعات عسکریه یوروش یایدیرمق و عربله سوق ایتکدن پک زیاده چکنمک لازم کلور . برده (میچ) یعنی دشمنه طوغری کیدن و (لووالییر) ، (لاپلاشت) ، (قولو-مبهی) و (آرس لاکنه کسی) دن کچن یوللری ده برملاحظه ایتمک ایستر. بویوللره جوار اولان اراضی یه برکوز کچوره جک اولورسه کز، بروجه آتی نقطه لری برر نقطه رصد اولق اوزره بوله جقسکز :

۱ — (محبت) پیره خانه سی درکه بورادن (بهل قرووا) کوزیکور؛

۲ — (یوقاری مونطوی) درکه نظر بورادن (آلده مور) ه

قدر اوزانوب کیدر ؛

۳ — (قووانسی) نک جنوبنده کی یول ، یاخول ، (اوبینی)

تپه لری درکه ، نظر ، بورادن (قولومبهی) ک غریبنده کی صرتلر ایله جنوب غریبنده کی اورمانلره قدر کیدر .

دردنجی بریول بونجه یعنی (آرس لاکنه کسی) دن (قریژی) اوزرینه کیدن یول استقامتجه کوز پک اوقدر شیلره تصادف ایتمز . بالعکس بو استقامتمده نظر دها زیاده محدود بولنور . بناءً علیه اوچ اولکی استقامتمده سزک اوککزی استکشاف ایتمک ایچون قوتی آزرسواری کافیدر . لکن ، دردنجی یولی پک خصوصی برحالده کشف وترصد ایتدرمک لازمدر .

اصل یوروش یولنک غریبنده کی اراضی ، (واللییر) دره سنه قدر بویدن بویه آچقدرد . (نوازه ویل) (مونطوی) و (قووانسی) چقورلری برقاج کشف قولی ایله پک قولای بریولده کشف وترصد ایدلمش بولنه بیلورلر . (واللییر) دره سنک مجراسی ، افقی تحدید

ایلر . و (قولومبئی) لک جنوب غریبسنده ، آغاچلردن طولایی ایجه اوزاقلری کورمک قابل دکلدر . بونکله برابر . (واللی بر) دره سنک شرقده کی تپه لر ، اکر بوتپه لر اوزرنده کشف وترصد وظیفه سنه مأمور درجه کافیده برسواری بولنورسه ، مفرزه نك باصقینه دوشمسی منع ایده جک درجه آچیق ونظار تیلدر . غربدن کلان بردشمنک هجومه اوغراندینی زمان (ره طوفنه ی) ، (فلانویل) ، (سنت نه غنان) ، (اوژی) و (مارسیلی) موقعلری یورویش یولنک صاغ یانی اوزرنده اودرجه کوزل بروضعیتده بولنیورلرکه ، دشمنی ایجه زمان یول قولندن اوزاق طومتق ایچون یالکز اونلری مدافعه ایتک کافیدر .

مفرزه یه عائد اولان وظیفه ، آنک معین بر ساعتده (لاکنه کسی) یه کلسنی ناطق اولان امردن پک اعلا آکلاشیلور . بو آکلاشلدقدن صکره کری یه قالان شی ، یالکز مفرزه یی اورایه سوق ایدن یوللردن فصل استفاده اولنه جقدر ، ایشته بوخصوصه برقرار ویرمکدن عبارتدر . دشمن کشف قوللرندن هپسی (مچ) ه طوغری چککلیدر . بوندن آکلاشیلورکه ، خصمک الکیزاده قوتلی اولدینی جهت اوجهندر . اوندن بشقه ایجه وسعت وامتدادی حائر اولان بردشمن اردو کاهی ده (بورنی) ده کورلمشدر . اوپله ایسه ۲ آغستوس ۸۹ ده مفرزه بریان یورویشی یایمغه مجبور اوله جق دیمکدر . تهدید ایدلش اولان یانک امنیتی بالخاصه سواری طرفندن استحصال ایدیه جکدر . بوسواری دشمن طرفنه طوغری ایلر ولیه جک و (مچ) اوزرینه کیدن الک مهم یوللری یعنی (لووالی بر) ، (لاپلانشت) ، (قولومبئی) و (آرس لاکنه کسی) دن کچن یولاری تعقیب ایده جکدر .

(بورنی) ده کورلش اولان دشمنه دائر قطعی بر حوادث آله -
 بيلمك ايجون ، (قولومبهی) و (آرس لاکنه کسی) دن کچن یوللری
 ممکن اولدینی قدر چابوق الده ایتکه چالیشلملیدر . ۱۶ نجی فرقه نك
 استکشاف خدمته مأمور اولان سواريسنه احتمال که (آرس لاکنه کسی)
 جوارنده تصادف ایديله جکدر .

(میچ) جهنده استکشافه مأمور سواری ايسه ، (واللی بر) دره سی
 واسطه سیله مفرزه دن آیرلش بولنه جقدر . شمديک بو محذور دن
 قورتلنه نك چاره سی یوق . چونکه دره نك اوتہ یقه سنده نه اولور ،
 نه اولمز بونی آکلامق ايجون بهمه حال اوجهته کچمک لازمدر . هم ذاتاً
 بو اوقدر فنا بر محذور دکلدر . زیرا ، بر دفعه (واللی بر) دره سی
 اوزرنده بر جوق کیکدلر واردر . ثانیاً سوارينک منفرداً قالمسی
 جهتی ، یعنی بو آیریلیق محذوری ، آنک یوروشنده کوستره جکی
 سرعت ايله بر درجه یه قدر تخفیف ایديله مزمی ؟

بونکله برابر سوارينک بعض پک عارضه لی وکسک یولر ايله
 مفرزه دن آیری قالماسنه دقت اولنمیدر . زیرا بویله اولورسه
 اوزمان . راپورلر منتظماً کوندریله مدکلری کچی حرکات عسکریه ده کی
 اتحاده خلل کلش اوله بیلور . محاربه ایتک ايجون ، ایستیلان زمانده
 عسکرک هپسنی ال آلتده بولندرمق خصوصی قوماندانلرجه الکزیاده
 دوشونيله جک برشیدر . خاطر کزده قالسون ؛ بز ایلریده بوقاعده نك
 تطبیقاتی کوریرز .

خصمکنز ، یانکزه دوشدیکی ايجون سز بوندن بشقه عجبا صول یانه
 پیاده دن بر جانبدار چیقارمق لازم می دکلی ؛ بونی بر کره کندیکزدن
 صوراجقسکیز ظن ایدرم . بوسؤاله قارشو سزدن اول بن اوت دیرم .

زیرا؛ اگر دشمن سزك اوزریكزه یوریورسه؛ یالكز تام وقتنده اونك یوروشنی طرامقله اکتفا ایتك دكل بالعکس؛ قسم کلی محاربه به حاضر اولنجه ویا آنک تأثیرندن چیقنجه به قدر دشمنی طور دیرمق لازم کلور. بوراده اصل ایش وقت قازانمقدر. سوارینک ایسه؛ مقاومه استعدادی پک آز اولدینی ایچون طبعی بوراده یالكز آنکله اکتفا ایتك جائز دکلدر. بناءً علیه بووظیفه، حین حاجتده طوپی ایله استناد ایتدیرلمش اولان بریاده به احتیاج کوستر.

اگر مفرزه نك قسم کلیسی، (قوالینی) دن کچن بیوک یولی تعقیب ایدیورسه جانبدار (غراس)، (ره طونفه ی)، (فلانویل) والی آخره نقطه لردن کچه جکدر. بواسطه قامت، اصل یوله ایچه یقین اولدینی ایچون جانبدار لزوم کورلدیکی زمان قسم کلینک امدادینه مظهر اوله جقدر. برده شو ایکی یول آره سنده موانع دینیلان شیلردن اثر بیله یوقدر. بالعکس اورته ده کی اراضی آپ آچیسق بریردر. (نوازه ویل)، (مونطوی) والی آخره نقطه لردن کچن یول، اصل یوروش یولندن، بر جانبدار طرفدن تعقیب ایدیه میه جک درجه ده اوزاق و بالعکس دشمنه ده اوقدر زیاده یقیندر. بناءً علیه شو یول بویجه کیدلدیکی زمان، اگر وقوعا تسر بر صورتده ۱۶ نجی فرقیه التحاق ایتك نصیب اولورسه؛ بونصیه مظهر اولان قطعه نك کندیسینی بختیار صایغه حق واردر. عین سبیدن طولانی، قسم کلی یی (ره طونفه ی)، (فلانویل) و (اوزی) دن؛ جانبدار ییسه (نوازه ویل)، (مونطوی) دن کچورمک اوزره تصور ایدیلان ملاحظه دن ده قطعاً صرف نظر ایلمک ایجاب ایدر. یالكز دشمنی (واللی یر) دره سنی آتلامقدن منع ایتمه مساعد اولدینی ایچون جانبدارک، (نوازه ویل) و (مونطوی)

نقطه لرتدن کچمسنه یا کیلوبده قانع اولمیکز . بن سوارینک مذکور
نقطه لرتدن کچن یولی تعقیباً قسم کلی ایله بر خذاده یوریمش اولمسنه
بیله راضی دکم . چونکه سواری ، طوغریدن طوغری به خصمک
کورلمش اولدینی استقامت بونجه کوندریلورسه ، کندی وظیفه سنی
دها یو بر صورتده اکمال ایتمش اوله جقدر .

مسئله کزده (میچ) ک دشمن طرفدن طوتلمش اولدیغنه دائر
بر اشارت یوق . لکن سز ، (میچ) ک دشمن طرفدن طوتلمش
اولدیغنی قبوله مجبورسکز . چونکه دشمن کشف قوللری (میچ)
اوزرینه چکلمش بولنیورلر . اوله ایسه ، (بورنی) ده کی دشمن
قطعاتنک سز جده قوتلی بر پیشدار کبی تصور ایدلش اوله جغه
امینم . شمدی یالکز آشاعیده سویله جکمز بو اوج حالک وقوعی
ممکن اوله بیلور :

۱ — دشمن کری چکیله جک ؛

۲ — غیر متحرک بر حالده قاله جق ؛

۳ — ایلری آتیه جق .

برنجی حالده ، بزم ۱۶ نجی فرقه ایله برلشمه مزه هیچ برشی
مانع اوله میه جقدر . اگر دشمن ، (میچ) داخلنده قالورسه اوزمان
احتمال که ، بز اوکا هجوم ایده جکمز . یوق اگر ، ایلری یوری به جک
اولورسه ، او وقت ، یالکز باشنه بر مغلوبیته دوشمکدن احترازاً
مفرزه بی قورومق لازم کله جکدر . دشمن هر نه وجهه یاپارسه
یاسون ، مفرزه نک اصل وظیفه سی ، آکلاشیلورکه ، هرشیدن اول
۱۶ نجی فرقه ایله علی العجله برلشمکه چالیشمقدر . دشمن بوجه
آتی ایلر ولیه بیله جکدر :

۱ — (لواللی ی) دن ایلرولیه جکدر . شو حاله نظراً ، بزم کوردیکمز کبی ، خصمک بو استقامتدن کلدیکی اولدقجه وقتده آکلاشیله جقدر . بناءً علیه ، اوکا قرشو لازم کلان تداییری آلق خصوصنده ایجاب ایدن زمانه بول بول مالک اولنه جقدر . واحتمال دشمنک (واللی ی) درهسنه مواصلتده ، اوندن اییجه اوزاق بولنیله - جقدر . اکر فی الحقیقه اوله اولورسه ، اوزمان ، جانبداره دمدارک وظیفه سی کوردیره رک یورویشده دوامه غیرت اولنه جقدر ؛

۲ — (لاپلانشت) دن کچرک (فلانویل) یاخود (سنت - نهغان) اوزرینه کله بیله جکدر . بو حالده ده ، اراضینک ایواولسی سایه سنده ، دشمنک کلیشنه دائر معلومات آله جق و حین حاجتده تقویه ایدلمش اولان جانبدار ، مفرزه (قولینی) استقامتده ایلرو - دن اپی بر مسافه قازانجیه قدر ، ثبات ایده بیامک ایچون لازم کلان ترتیبات اخذ ایدلمش اوله جقدر . برنجی حالده اولدینی کبی ، بوراده ده جانبدار ، بر دمدار محاربه سی ویرمکه مجبورت کوره جک ، لکن ، باشلادینی محاربه یی ده ازیاده سورکلی طوتمغه چالیشه جقدر ؛

۳ — دشمن (قولومبه ی) دن کله بیله جکدر . اکر فی الحقیقه دشمن بو استقامتی تعقیباً کلورسه ، اوندن پک فائده کوره جکدر . ذاتاً بو استقامت اوزرنده کی (بورنی) موقعی آنک طرنندن طوتلمش دکلیدر ؟ شو حاله نظراً دشمنک یوریشی حقده ، احتمال آنجق اولنک بيشداری (قولومبه ی) ک غربنده کی میللری اینمکه باشلادینی زمان بر خبر آلمش اوله جقدر . ودشمن ، آنجق عین زمانده (قریزی) و (آرس لاکنه کسی) دن ۱۶ نجی فرقه علیه دیگر بعض قطعات عسکریه سوق ایدرک بو استقامتی طوته بیله جکدر . بو حاله ،

مفرزه ۱۶ نجی فرقه ایله برلشدیکی کبی ، دشمنی (واللی یر) دره - سی ایچنه آتمق ایچون آکا قرشو شدتلی بر عودت تعرضیه یایمغه مجبور اوله جقدر . لکن ، ۱۶ نجی فرقه ایله برلشمش اولدقجه ، مفرزه ایچون یکا نه وظیفه ، یالکیز آرز چوق دشمنی اشغال و متضرر ایتکدن عبارت قاله جقدر . جانبداره کلنجه ، او هر حالده قسم کلی محاربه ترتیبائی آنجه یه قدر لازم کلان زمانی قازاندره جق وجهله دشمنی طور دیرمه چالیشه جقدر ؛

۴ — دشمن یالکیز (آرس لاکنه کسی) دن کله بیله جکدر . شو حالده ، یولده ۱۶ نجی فرقه یه تصادف ایده جک ، بزایسه ، المزدن نصل کلورسه ، بوکا او درلو یاردم ایتکه چالیشه جغز .

بو ملاحظات ، بر جانبداره دوشن وظیفه نك اهمیت عظیمه سنی مع زیاده کوسترمکه کافیدر . اوندن بشقه ، (غراس) ، (ره طوفه ی) و (اوژی) دن کچهرک (لاکنه کسی) اوزرینه بر جانبدار کوندرلمش اوله جفی ائساده مفرزه قسم کلیسنه (قولینی) و (ویله رس - لاکنه کسی) دن (لاکنه کسی) یه کیدن بیوک بولی و یرمک خصوصنده کی قرارده ، ینه او ملاحظات ایله تحقق وتین ایدر .

لکن ، جانبدار وظیفه سنك اهمیتی کوروبده ، هان اونی پک قوتلی بر صورتده تشکیل ایتک فکرینه دوشمیکنز . بالعکس ، مفرزه کزی ایکی قوله آیرمق خصوصنده ایجه دقتلی و احتیاطلی اولیکنز . بحشمز ده قوتلی جزء تاملره عائد اولسیدی ، بو تقسیم خصوصی ، قوللردن بریسنك ، صاغ وصوله تبدیل جبهه ایدرک ، پک بسیط بر مانوره ایله اوته کینی حمایه ایتمش اولسنه پک اعلا مساعد اولوردی . اما بونک ایچون برقاج شرطک وجودی لازمدره .

بریسى ؛ مفرزه نك ايكى به آيرلسندن طولايى حاصل اوله جق ايكى يول ، يورويش حالنده بولنان جزء تامك يالكز بر يول اوزرنده تشكيل ايلديكى يول قولى عمقك ياريسندن بيوك بر مسافه ايله بر برندن آيرلش بولمامليدرلر . ايكنجيسى ؛ بو ايكى يول كيتدجه بر برندن اوزاقلاشمامليدرلر . اوچنجيسى مذكور يوللر آشامسى ناقابل بر مانع ايله بر برندن آيرلش اولمامليدرلر . اكر بو شرطلر ايله بر لكده ؛ بر جزء تام ايكى به آيريله رق او وجهله يورويش ياپيلور . سه ؛ او زمان قوللردن برينك ديكرينى حمايه ايچون ديديكمز كى بر ترتيبات آلمسى ؛ يالكز بر يول اوزرنده حركت اولنديغنه نظراً يول كنارلرندن بر يسنده ايكى خط اوزره بر ترتيبات آلمقدن ده اآز زمانه محتاج اولور . لكن ؛ بزم مفرزه مز كى كوچك بر مفرزه دن بحث ايدلدجه ، عسكرك ايكى به آيرلسى قوتلرك بالسهوله طاغلمسنى والدين چيقمسنى موجب اولور .

بالعكس ؛ بويله زمانلرده عسكر نه قدر چوق ال آلتنده ايسه ؛ اوقدر زياده قوتلى بولامش ديمكدر . زيرا هر آيريلان قسم بر دفعه موقتاً اولسون قوماندانك الندن چيقمش اولور . واو قسمك ايلريده ياكلش بر استقامت طوتميه جعته قطعياً امنيت ايدلش اوله مز . حال بوكه ، يالكز بر يول اوزرنده و بر قولده يورى يان بر قطعه عسكريه دائماً معين بر هدفه ، بللى باشلى بر مقصده كوره سوق واداره اولنه بيلور . اويله ايسه . قطعه عسكريه كزدن برشى آيرمق ايجاب ايتديكى زمان بر كره ، تعقيب ايديلان مقصد ايچون الكزده نه تدر عسكر بولنمق لازمدر ؛ ايلك او كجه بونى كنديكزدن صو .

ریکنز . بعده بونک خارچنده برنفرک بیلہ الکزدن چیمسنه اصلا مساعده ایتیکز .

بوراده یالکز بر قاق بلوکن عبارت بر جانبدار کافی اوله . بیلور . چونکه مفرزه کز بیوک برشی اولدینی ایچون البت او ، محاربه ترتیباتی آلمش اولنجه یه قدر اوتہ طرفدن قازانلمسی لازم کلان زمان ده جوق برشی دکلدر .

یالکز وقت قازانق اوزره بر قاق بلوک بریره کوندردیکی زمان طومانسز بارونک نه قدر فائده لی اولدینی اومارم که کچن مکتوبمدن آ کلامشکزدرد . بوفائده لر بوراده ده عینله واقعدر . چونکه ، هر درلو احوال ظاهردهن آ کلاشیلورکه ، سز مطلق کویلری مدافعه یه مجبور اوله جقسکز . کرچه دشمن سواربسی آتشک فلان ویا فلان یردن کلدیکی آ کلامقده بیوک بر مشکلاته اوغرامیه جقدر . لکن ، تفکله عددینه کلنجه اولری آ کلامق ایچون دشمن اپی زمان غائب ایتکه مجبور اوله جقدر .

بویان یورویشلرنده پیشدار آنجق ایکنجی درجه دن براهیتی حائر اوله بیلور . زیرا ؛ تعقیب ایلدی کمز یول بونجه یعنی ایلریده دشمنه راست کلش اولقلغمزک احتمالی پک آزدر . بونک ایچون دشمنک بزم مفرزه مز ایلہ ۹۶ نجی فرقه آره سنه کیرمش اولسی لازم کلور . بوايسه قبول ایدیله جک بر فکر دکلدر .

چونکه دشمن (میچ) ده یعنی کندی اراضیسنده بولدینی ایچون اہالی و مأمورین محلیه طرفندن دشمنه دائر معلومات آله بیلور و بوندن طولانی (صوبہ ی) ده برفرقه بولندیغنی اصلا خاطر دن جیقارمش اولزدی .

اویله ایسه بوراده پیشدار ایچون یالکز بر بلوک یتیشور . عین طابورک دیگر اوچ بلوکی ده جانبداره ویر یله بیلورکه ، بووجهله امنیت خدماقی یالکز بر جزء تام یعنی بر طابور طرفدن اجرا ایدلش اولور . کذلک پیشدار و جانبداردن هر ایکسینه ایکیشر بلوکه ده ویر یله بیلوردی . لکن بن هر حالده برنجیسی بوکا ترجیح ایدرم . زیرا جانبدار احتمال که اولدقجه شدتلی بر محاربه ویرمکه لزوم کوره جکدر . بوکا قارشیده بن شهسز اوئی بر بطریه ایله تقویه ایتمکه مجبور اوله جقم . و اویله اولنجه ، اوچنجی بلوک بطریه نك محافظه سنه مأمور ایدیلورکه ، بوندن طولانی سزده بنم برنجی حالی ترجیح ایدیشمه شمدی حق ویررسکنر صانورم .

پیشدار ایله جانبدارلرک ایکسینه ده یالکز بر طابوردن آلمق نیجه دهها منطقی ودها مناسب کورلدی . چونکه اویله اولنسیدی ، او زمان قسم کلیده کی طابورلردن بریسنه دهها ایلشیمک ایجاب ایدر . شمدیکی حالده بن نه پیشداره ، نه ده جانبداره طویجی ویره جکم . چونکه اونلرک ایکسی ده طویجی بی برلکده کوتورمکدن عاجز اوله جق درجه ده ضعیف بولئورلر . اگر ، ایلریده اونلردن بریسنی طویجی ایله حایه ایتمک لزومی کوریلورسه ، او زمان ، قسم کلیدن آلتان بر مقدار محافظ عسکرله برلکده اونلره طویجی کوندر . مکدن نی طبعی هیچ برشی منع ایتمش اوله مز . امنیت خدمتترینه مأمور اقسام عسکریه به بر مقدار استحکام افرادی ویرمکه لزومسز برشیدر . بر دفعه تعقیب ایلدیکمز پول اوزرنده جدی بر طاقم موانعه راست کله جکمز ی تصور ایتمکه محل یوقدر . دیگر جهندن بوکی اقسام عسکریه دشمنه راست کلدکری زمان بیله محال مسکو -

نه يې مدافعه حالته قويځي ايجون لازم كلان وخته مالك اوله ميه جقلردر . كوچك مفروزه لږده ايرتسي كونك پيشدار ويا جانبدار خدمتليځي ، كيجه يې اويقوسزو آياقده كچورمش اولان ايلري قره غوللره يوكلتمك اصولدن دكلدر . ايلري قره غوللر ، بزم مسئله مزده اولديځي كچي ، پيشدارك اوجي ويا باش طرفي اولنرك خذاسنه كلنجه يه قدر بولندقلري يرلرده قالورلر . بوندن صكره ايسه درحال طويلانه رق همان يول قولنده كي يرلرينه سچمش اولورلر . اويله ايسه بوندن آكلاشياوركه ، ايلري قره غوللر قطعات عسكريه نك اجتماعي ستر ايدم جكلر واستكشافه مأمور سواي ايلريدن لازم كلان مسافه يې آلدقن صكره يواش يواش طويلاننه باشلايه جقلردر . بو واسطه ايله سز ايلري قره - غوللر وظيفه سنك پك بسيط بر يولده بتون قطعات عسكريه بيننده دور ايتمسي تا مین ايتمش اولورسكلر . دها بيوك جزء تاملر (قرقلر) اصولاً عين قطعاتي بر قاج كون متعاقباً پيشدار وظيفه سنده بر اقورلر . بو سايله نظم حركت ايكی ده بر آلت اوست ايدلمش اولمسي منع ايدلمش وپيشدار قطعاتي ده آنجق نلان ويا فلان اقسامك پك فنا حالده يورلمش بولمسي اوزرينه ديكشديرلمش اولور . پيشدارك موجودي ابي قوتلي اولديځي زمان شوديديكمز وجهله حركت ايدياور . چونكه اووقت اك آغير والك يوريځي وظيفه لر بر يځي متعاقب ويا دائماعين نفرلره يوكلتمش اولزلر .

كوچك مفروزه لږه كلنجه اولنر بو درلو حركت ايدم مزلر . بناءً عليه اولنر . امنيت خدماتنه مأمور اولان قطعاتي هر كون ديكشديرلرله . پك ابي ايتمش اولورلر . پيشدارلرك ديكشديرلمسي . مرجحاً صباحلري وتكرار يورويشه باشلانديځي زمانلر اجرا ايدياور . بر كونك يورويشي

متعاقب اگر پیشدارلرک دیکشدرلمسنه قالقیله جق اولورسه ، اوزمان دشمنک حال ووضعتینی طانیش اولان قطعاتی کری به آلمق واونلرک برینه دشمنه دائر خبرلری اولیان قطعاتی کوندرمک ایجاب ایده جکدر . حال بوکه ، شو بیوک برمحذوردر . زیرا ، امنیت خدماتنه یکی تعیین ایدلمش اولان قطعات عسکریه دشمنک وضعیتنی واحوال جاریه یی ایودن ایویه اوکره نتیجه قدر آره دن ایجه زمان چکمش اوله جقدر . دیگر جهندن ده اکثریا صباح تکرار یورویشه باشلانلدیغی زمان ، برکون اولیسی ویرلمش امرلره اساس اولان ملاحظاتک بسبتون خلافتنده برطاقم یکی یکی ملاحظاته کوره حرکت اولنق لازم کلیور . بناءً علیه اگر وضعیت دیکشمش بولنورسه ، امنیت خدماتنی یکینن چیقاریله جق اولان قطعات عسکریه حواله ایتکده بیوک فائده لر وارددر . دشمن کشف قوللریله تماسده بوللدیغی زمان : ایلری قره غوللری پک ارکندن کری چکمش اولمق ایودکدر . چونکه دشمن درحال بزم یورویش یایمق نیتنده اولدیغمزه دائر برفکره دوشمش ولور . بودفعه ، ایلری قره غوللری برنجی طابور تشکیل ایتمش ولدیغی ایچون ، ۲ آغستوس کونی پیشدار وجانبدار خدماتنه مأمور قسام عسکریه یی ده شبهه سز : دیگر طابورلردن بریسی ومثلاً ۲ نجی لمبور تدارک واحضار ایده جکدر .

بوراده سواری وجانبدارک هرایکسی عین وظیفه یی اجرایه أموردرلر . بناءً علیه بونلر نه درجه بربرینه مربوطاً حرکت ایدرلرسه ، بهه سز وظیفه لرینی ده اوقدر کوزل ایضا ایتمش اوله جقلردر . بوراده ملومدرکه ، پیاده سوارینک عادتاً براستنادینی تشکیل ایده جکدر . ننگ ایچون ایکسینی ده برقوماندانک اداره سنه ویرسه کز پک ایو ایتمش

ایلری قره غوللرده بولان طاقلر ، ایرتسی کون ، مفرزه یول قولنه کیرمش اولزدن اول (میچ) استقامتده علی الصباح استکشافه دوام ایده جکلردر . بناءً علیه طویلانمق ایچون برنجی بلوکه ایجه برزمان لازم اوله جقدر . ۲ نجی بلوک ایسه صاغ جناخده استکشاف خدمتی کورمک اوزره الهه حاضر بولنه جقدر . لکن ، ایلری قره غوللرده بولنمش اولان سواری بی اله کچورمک و آنی یوروش ائناسنده امنیت خدمته مأمور ایده بیلیمک ایچون برکره ، اوکا بر اجتماع نقطه سیله بر اجتماع ساعتی کوسترمک اقتضا ایدر . مثلاً ایکی طاقی قولک عزیمتدن یارم ساعت صکره ، (ره طونفه سی) دن (نووازه ویل) ه کیدن یول ایله بیوک یولک برلشدیکی نقطه ده جمع ایتیمک پک اعلا ممکن اوله بیلور . بو نقطه دیدیکمز قسملر ایچون مرکزی برنقطه اولدیغندن قبوله شایان کوریاور سانورم . اوسایه ده مذکور قسملر ، منتظماً امر آله بیله جکلر و ایلری قره غوللرده مخابره و کشف خدمته کوندرلش اولان بعض سواریلرده کندی طاقلرینی بولمقده مشکلاته اوغرامیه . جقلردر . طاقم ضابطلری ایسه کندی نفرلری ایچون ده صابحاین برنقطه اجتماع کوسترمش اوله بیله جکلردر که ، بوده بر فائده در .

ایلری قره غوللرده کی سواری بی پک ارکندن طویلانمق بیوک بر خطا اولوردی . چونکه سواری آنجق ، دیگر قطعات عسکریه طویلانه جنی صروده کندی امنیت واستکشاف خدمتی الک قویو بر صورتده اجرایه مجبوردر .

برنجی طابورک ایلری قره غوللرده بولان اقسامی ، ایلمک اوکجه بیوک یوله ایتمک باقه جقلردر . بوایسه اولر ایچون آزجوق بر زمانه محتاجدر . مع هذا ، برنجی طابورک یول قولی کیر و سندن یوری به جکی

کوسترلش اولدینی ایچون بوندن بر زیان حاصل اولمز . آرتق یارینکی یورویشکزی یولنه قویدیکز . شمدی ده بونکونکی قوناقلرک تشکیلی خصوصنده بر آز مشغول اولمکز ایجاب ایدر . بر کره دها حاطریکره کتوریورم : بر قوناق منطقه سنک قطعات عسکریه یه کوره تقسیمی حالنده دقت ایدیکز که هیچ بر نفر بیله بر خطوه کیری یورویش یایمغه مجبور اولسون . وایرتسی کون یول قولنه کیریله . جکی زمان قطعات عسکریه دن هیچ بریسی کذک بوش بوشنه اوتیه بری یه طولاشمش بولنسون . برده ، قوناقلره یراشورکن ، نظام حربی اساس طوتیکز . ممکن اولدقجه اونک خارجه چیقما . ییکز . وعین جزء تامک مختلف اقسامی الکزدن کلورسه دائما مجتمع بر صورتده قوناقلره یرلشدیریکز . دشمن نه قدر اوزاق ایسه ، قطعات عسکریه نک قوناقلره یرلشدیرلینده او قدر زیاده راحت آرانیلور . دشمن یقینده ایسه ، تعیه ملاحظاتی اوتیه کی جهتلرک کافه سنه تقدم ایدر . یعنی ایلک اوکجه عسکرک تعیه جه ایویرلشدیرلش اولسنه باقیلور . بویله زمانلرده دشمن اک ایلروده کی محللری اشغال ایدر . سواری عمومیت اوزره کریلرده ویا اک آز تهاکه یه معروض اولان جناحده قوناقلره یرلشور . طویجی هیچ بر وقت یالکز باشنه قوناقلره یرلشمدیکی کبی ینه اصلا برنجی خطده بولنه مز . دشمنه نه قدر زیاده یقین بولنیلورسه ، قوناقلر اوقدر زیاده یناشیق وطویلی اولورلر . وایله زمانلرده آخور ، انبار وحولی کبی یرلرک کافه سندن استفاده اولنور .

برنجی طابوردن ایکی بلوک ایله برنجی سواری بلوکندن ایکی طاقم بوراده ایلری قره غول وظیفه سنی کوره جکلردر . بناءً علیه یالکز تعیه

ملاحظاتندن دكل ، خدمت داخله نك حسن جريانی يوزندن بيله
بو ايكي بلوك ايله ايكي طاقك منسوب اولدقلری طابور و بلوكی
اونلردن يك اوزاق بولنه جق وجهله قوناقلره يرلشديرمه ملیدر .
برنجی طابورك ۳ و ۴ نجی بلوكلری و برنجی سواری بلوكنك ديكر
طاققلری او حالده ایلری قره غوللر جوارنده یعنی (غراس) ده اقامت
ایده جكلردر .

پساده و طوبیجی بی مرجحاً یوروش یولی بونجه قوناقلره
یرلشدير لرلر . سواری به ايسه ، اك اوزاق اولان قوناقلری ویرر لرلر .
اويله ايسه ۲ نجی بلوك (شوبی) يه كیده جك دركه ، اوراده يك كوزل
استراحت ایده بيله جکی کبی ، ایستدکندن اعلا بر صورتده تحت امنیتده
بولنمش اوله جقدر . برده مذکور بلوك اوراده کندی حیوانلری
ایچون بول بول آخورلره مالک اوله جقدر .

یارین ، جانبدار تشکیل ایده جك اولان اوچ بلوكه کلنجه ،
اونلری تعقیب ایده جكلری یول کنارنده قوناقلره يرلشدير یکنز .
واك اوسوی اونلر (نه ر پینی) ده قوناقلره يرلشدير ملیدر لرلر . عین
طابوره منسوب اولان پیشدار بلوكی ايسه ، دیگر اوچ بلوك جوارنده
یعنی (سنت بارب) کوینك جنوب غربی مخرجه طوغری بولنان
اینك اولرنده اقامت ایده جكلدر . اوچنجی طابور و برنجی قدمه لريله
برلکده ايکی بطریقه به کلنجه اونلرده (سنت بارب) ده اقامت ایده .
جكلردر . طوبیجی بوراده درجه کافیه ده محفوظ قاله جقدر . و کندی
حیوانلرینی (۳۰۰ دن زیاده) اسکان ایترمك ایچون بر چوق
آخورلر بوله بيله جكلدر .

دردنجی طابور ، استحکام بلوكی و سیار خسته خانه طاقی (آوانسی) ده

قاله جقدر . مفرزه قوماندانی ، ویره جکی امرلر بر آن اول قطعاتك
هر بریسه کیده بیلک ایچون ، ممکن اولدقجه ، قوناقلرک مرکزنده
بر یره اقامت ایدم جکدر . اوندن بشقه ، سواریسنک وایلری قره -
غولک کوندره جکی راپورلر ایله بیوک قوماندانلردن کله جک امرلر ،
آنی قولای قولای بولمش اولمق ایچون مومی الیه ، اصل یول جوا -
رنده یعنی (سنت بارب) ده اقامت ایلیم جکدر .

قوناقلر تقسیماتی قطعاً قارارلاشدیرمزدن اول ، هیچ کیمسه یی
اونو تاماش اولمادیغکزه دأثر کندیکزی بر تأمین ایدم بیلورسه کز ،
یک اینی ایتیش اولمادیغکسکز . آشاغیده کی وجهله ترتیب ایدم جککزر
اجمال صورتی او خصوصده کی تحقیقاتکزر ایچون سزه کفایت ایدر
صانورم :

- | | |
|------------------------------------|---------------------|
| برنجی وایکنجی بلوک . | ایلری قره غوللرده . |
| ۳ و ۴ نجی بلوک . | (غراس) ده . |
| ۵ نجی بلوک . | (سنت بارب) ده . |
| ۶ . ۷ و ۸ نجی بلوک . | (تهرپنی) ده . |
| ۳ نجی طابور . | (سنت بارب) ده . |
| ۴ نجی طابور . | (آوانسی) ده . |
| برنجی سواری بلوکنک یاریسی . | ایلری قره غوللرده . |
| برنجی سواری بلوکنک و صوک ایکی طاقی | (غراس ده) ده . |
| ۲ نجی سواری بلوکی . | (شوبی) ده . |
| برنجی وایکنجی بطریه . | (سنت بارب) ده . |
| ۲ استحکام طاقی . | (آوانسی) ده . |
| سیار خسته خانه طاقی . | (آوانسی) ده . |

بیوک آغرلقلر ، قطعات عسکریه به التحاق ایدم جکلردر .
ایلری قره غوللرک آغرلقلری ایسه (غراس) ده قاله جقلر ویاخود

یالکز بر قاچ ساعت بلوکلرک یاننده بوله جفلردر . دشمن هنوز
بزدن پک اوزاق بولنیور . آنک ایچون باصقندن هیچ بر قورقومن
اوله مز .

اگر سز ، نیم یوروش امرمدن فرقلی بر امر قبول ایتمش
ایسه کز ، او وقت شبهه سز ، انقسام عساکر کزی آز چوق تعدیل
ایتمکه لزوم کوره جکسکز .

احتمال که ، سز بکا ، یارینکی یوروش ایچون شمیدن دوشونمکه
حاجت اولدیغنی سوبله جکسکز . چونکه هنوز اونی دوشونه جک
زمان کله مشدر ، یارینه قدر ، کیم بیلور احوال عمومیه ده بلکه
دها بر چوق تعدیلات کوریه بیلور . بو ملاحظه لر کزده سزه
بستون حق سز سکر دیه مه .

فی الحقیقه عملیاته ، بر قوناق تشکیل ایدلیدیکی زمان ایرتسی
کون یاییله جق شیلری برکون اولیسندن کشف ایتک دائما ممکن
دکلدر . لکن بوراده کی وضعیت ، یارین نه یایمش اوله جفکزی
شمیدن دها آکلامق ایچون سزه پک اعلا مساعد کورینیور .
بناءً بو ملاحظه اهمیت ویرمزه کز ، امین اولیکز ، بیوک برخطا
ایتمش اوله جق سکز . دشمن کشف قوللری (میچ) اوزرینه چکلمش
اولدقلر ایچون ، سز بوندن ، کونک قسم متبایسینده یارین صباحه
قدر وضعیت اصلا دیکشیه جکنی ویا تعیر آخرله ، دشمن استکشافی
بوندن صکره آرتق پک فعالانه بر یولده دوام ایده میه جکنی استدلال
ایده بیلور سکز .

قطعات عسکریه نک عزیمت ساعتی ایله اجتماع ساعتی ، مفرزه
صبح ساعت ۸ ده (لاکنه کسی) نک شرقنده بولنمغه مجبوردد ،

سوزيله بك اعلا تعيين ايدلمش ديمكدر . حساباتكزه كيريشمزدن اول ، بركره عزيمتدن مقدم نره ده اجتماع ايدلمش اوله جغنى ييلمه . كز لازم كلور . بتون قطعات عسكريه يي مثلا (سنت بارب) ويا (پوتى ماره) كجى يالكز بر يرده اجتماع ايتدرمك مناسبتسز برشى اولور . زيرا بعض اقسام عسكريه يه ومثلا بوراده جانبداره بوشى بوشنه ايلرى وكرى يورويشلر ياپديرلمش اوله جقدر . حال بوكه ، سز اوندن صوك درجه چكنمكه مجبورسكز . بناءً عليه اقسام عسكريه دن هر بريسى ، ايلرى قره غوللر طرفندن ستر ايدلمش اولدينى حالده ، ممكن مرتبه كندى قوناقلرينك ايلريسندن و كندى يولى جوارنده طويلانمش بولنه جقدر . اوچ بلوكدن تشكىل ايدرك (نهرينى) ده بولنان جانبدار ايله (شوپى) و (غراس) دهكى سوارى (غراس) ك شرق مخرجنده طويلانه جقدردر . اونلرك بو اجتماعى غرب جهتدن ، باغچه لر و كويك اولريه ستر ايدلمش بولنه . جقدر . برنجى سوارى بلوكنك ايلرى قره غوللرده بولنان ايكي طاقى ، كنديلرى ايچون تعيين ايديلان اجتماع نقطه سنده لازم كلان تعليماتى آله جقدردر .

پيشدار (غراس) دهكى سواريلر ايله ، (سنت بارب) دهكى بر بلوك طرفندن تشكىل ايديله جك و (پوتى ماره) نك همان شرقده اجتماع ايتمش بولنه جقدر .

قسم كللى بر سوارى طاقندن ، (غراس) دهكى ايكي بلوكدن ، (سنت بارب) دهكى طابور ايله ايكي بطريه دن ، (آوانسى) قطعات عسكريه سندن و ايلرى قره غوللردن تشكىل ايديله جقدر . بوكيروده كيلر اجتماعه داخل اوليه جقدردر . بالعكس ، اونلر طوغريجه يوله ايسنه جكلر

و (ره طوفه‌ی) حذا سنده قول نهايته کیره جکلر در . قسم کلینک
قسم متباقيسی ، بيوك يول اوزرنده (شوبی) يه کیدن يولك آيرلدينی
نقطه ده و تخمیناً (سنت بارب) ك (۵۰۰) متره جنوب سنده اجتماع
ایده جکلر .

بواجتماع نقطه‌سی ؛ غرب جهتدن برسیوری تپه ایله (غراس)
کوبی طرفندن درجه کافیه ده ستر ایدلمش بولنیور .

بيوك آغرقلر ، بيوك يول اوزرنده (شوبی) يه کیدن يولك
آيرلدينی نقطه نك شمال سده طویلانه جقلر و بربری آردنجه يول قولنه
کیره جکلر در . ایلری قره غوللرک آغرقلرینه کلنجه اونلر تکرار کیری یه
کلیه جکلر ، بالعکس یوله یا قلا شرق اک صکره یعنی قول نهایینی تعقیباً
یوری جکلر در . عزیمت ساعتی حساب ایتمک ایچون بودفعه ده ینسه
پیاده اوچندن ایشه باشلا ییکز . مذکور اوج ، (پوتی ماره) ایله
(لا کنه کسی) نك شرق کناری آره سنده کی مسافه یی (۹ کیلومتره)
قطع ایتمک ایچون ۱۰۸ دقیقه صرف ایده جکلر . لکن تعیین ایدیلان ساعتده
مفرزه نك کاملاً مواصلت ایتمش اولمسی لازم اولدینی ایچون بو ۱۰۸
دقیقه یه ، جانبدار مستثنا طوتلمق اوزره یوروش قولنک درینلکنه
مقابل اولان زمانی ده علاوه ایتمه کز اقتضا ایدر . یوروش قولنک
درینلکی ایسه شوندن عبارتدر :

۴۰۰	اوج دن کری یه اولان مسافه
۱۵۰۰	باش طرفده کی طاقک کری یه اولان مسافه سی (بوخذف
۷۰۰	ایدیله ییلور .)
۱۰۰	پیشدار بلوکنک کری یه اولان مسافه سی
	پیشدار بلوکی

قسم کلیده کی سواری طاقی	۳۵
۳ طایور	۱۲۰۰
ایکنجی قدمه لرله برلکده ، بطریه	۶۳۰
۲ استحکام طاقی	۷۰
برسیار خسته خانه طاقی	۱۱۰
یورویش قولنک درینلکی	۳۶۴۵
عدد صحیح اولوق اوزره (۴) کیلومتره که ۴۸ دقیقه لوق برزمانه	
معادل دیمکدر .	

شمدی بو ۴۸ دقیقه بر آز اول بولدیغمز ۱۰۸ دقیقه یی ده علاوه ایدر ایسه ک ، ایکسی برلکده ۱۵۶ دقیقه یعنی عدد صحیح اولوق اوزره ۲ ساعت ۴۰ دقیقه ایدر .

اوله ایسه ، پیاده اوجی (بوتی ماره) دن ساعت ۸ دن ۲ سا - عت ۴۰ دقیقه اول یعنی صباح ساعت (۵) ی ۲۰ کچه حرکت ایتش اوله جقدر .

جانبدارک عزیمت ساعتی ایسه پیشدار یورویش حالته کیردیکي زمان ، جانبدار همان آنک ایله برخذاده بولنه بیله جک وجهله تعیین ایدلش بولنه جقدر .

تعقیب ایده جکی یولک اکریلی ، بوکریلی اولمسندن طولایي جانبدار بر پارچه ده اول یورویشه باشلامش اولمیدر . بناءً علیه جانبدار ساعت (۵) ده (غراس) دن حرکت ایلجه جقدر . جانبدا - رک ، اصل قوله نسبةً ده اوزون بر یول تعقیب ایتکه مجبور اوله جفتی دوشونه رک نافله یره کندیکری یورمیکز . چونکه اوقدر جق بر فضله نک نه تأثیری اوله بیلور ؟

قسم کلی ، پیاده اوجینک ۱۰۶۰۰ متره کیروسندن یوری به جقدر .

حال بوکه ، قسم کلینک اجتماع نقطه سندن پیاده اوجنه قدر اولان مسافه سی شمذیلک ۱۱۰۰ متره در . بناءً علیه حرکت ایدمه بیلیمک ایچون قسم کلی ، اوجک ۵۰۰ متره قدر یوریمسنی بکلیه جک یعنی ۶ دقیقه یرنده قاله جقدر . اولیه ایسه قسم کلی ساعت (۵) ی ۲۶ دقیقه کچه عزیمت ایتمش اوله جقدر .

بوراده بیوک آغرلقلر ممکن اولدینی قدر قسم کلی اوزرینه صیقیشمش اوله جقدرکه ، یول قولنک تکمیل اوزونلنی برحداصغری یه واصل اوله بیلسون ، واو سایه ده ، تکمیل قول ، دشمن اوکندن دها چابوق کچمش اوله بیلسون . بو بیوک آغرلقلرک ، (شوبی) و (غلاتینی) دن کچهرک دشمنک عکسی جهته ده بولنان عرضانی یول بویجه سوق ایدلش اولملری فکرنی بن هیچ مناسب کورمیورم . ذاتاً اونک ایو بر حالده اولوب اولمدینی تماماً بللی دکلددر . بناءً علیه اوکبی بر یولده غایت آغیر اولان عربهلری سوق ایتک طبیعی اینی برشی اوله مز . کرچه آغرلقلرک اورادن کوندریله مه مسی شایان تأسف برحالدز . لکن ، شرق جهته طوغری کیدن بر خیلی عرضانی یوللر اولدینی ایچون ایلریده شاید بردن بره دشمنه راست کلنه جک ایسه آغرلق عربهلرینی اونلردن بریسی واسطه سیله سوق ایتک پک اوقدر کوچ بر ایش اولیه جقدر .

بیوک آغرقلری بوراده بر دمدارک حمایه سنه ویرمک لزومسز . در . اکر آغرلقلر بعض دشمن سواریلرینک هجومه اوغرایه جق اولورلرله ، اونلرله برلکده بولنان سقط افراد ایله حین حاجتده قول نهایتده کی طابورک کریده یوریان اقسامی آنلری درجه کافیه ده حمایه ایتمش اوله بیله جکلردر .

قسم كلينك درينلکي ۳۱۰۴۵ متره يعنى عدد صحيح اولق اوزره
۲۱ كيلو متره دن عبارتدرکه بومسافه زمانجه ۲۷ دقيقه يه معادلدر .
بوندن آکلاشيلورکه ، بيوک آغرقلر قسم کلی يورويشه باشلادقدن
آنجه ۲۷ دقيقه صکره عزيمت ايده جکلردر .

مختلف عزيمت ساعتري بروجه آتی بيان اولنور :

پيشدار .	(۵) ی ۲۰ کچه
قسم کلی .	(۵) ی ۲۶ (عدد صحيح اولق شرطيله ۲۵ کچه)
جانيذار .	(۵) ده .
بيوک آغرقلر .	(۵) ی ۵۳ کچه .

قطعات عسکريه نك هپسني عين ساعتده وعين اجتماع نقطه سنده
طويلامش اولسيديکز ، بونك نه قدر مناسبتسز اوله جفتي پك اعلا
کوريورسکز . شوخصوصده عسکري ، يالکز کيري يورويشله
يايمق دکل نافله يره بکلمک ويورلمقدن ده صاقتمق لازم کلور . اکر
بويله ياليميه جق اولورسه ، افراد ، کنديلريني بوشنه بکلمکده ويانافله
يورويشله سوق ايتکده اولان مافوقلرينه قارشو يورکلرندن اولسون
سويلنمکه باشلارلر . برمفرزه برچوق محللرده قوناقلره يرلشمش
بولنديني زمان ، سز دائما مختلف اجتماع نقطه لريله مختلف اجتماع
ساعتلري کوسترمکه آليشکز . وحساباتکزي ايوجه يوريتمش اولمق
ايچون مختلف اقسام عسکريه نك درينلکلريني ويورويشده کي سرتلريني
نظر دقه آليکز .

شه سزدرکه ، مفرزه قومانداني ۲ آغستوس ۱۸۸۹ تاريخي
ايچون آله جفتي ترتيباتي ، (سته بارب) ده ايجه کچ وقت اخذ
ايتمش بولنه جقدر . بونک سببي ايسه آب آشکاره برشيدر . زيرا ،

مفرزه قوماندانی آقشامه قدر کندی سواریسندن دشمنه دائر دها
بعض حوادثلر آلمق امیدنده در . اگر سز بنم فکریمه اشتراك
ایدرسه کز ، اجتماع امریکزی قطعات عسکریه یرلشدرلش اولمزدن
اول ویزه بیلورسکز . او حالده قطعات عسکریه یه یالکمز بر امر
ویرلش اوله جق دیمکدر .

واقعا مسئله کز بر ویا ایکی امر ویرمکده سزی ایستدیککمز کی
سربست بر اقصدر . اگر ایکی امر ویرمش اولسیدیکمز ، ایکنجیسی ده
بویله یازلمش اوله جقدی :

(سهنت بارب)

۱ - ۸ - ۸۹ - ۱۰ کیجه

نومرو - ۱

مفرزه امری

۱ — آتیده کی قطعات اجتماع ایدرک
یوروشه حاضر بر حالده بولنه جقلردر :
(پشدار) صباح ساعت (۵) ی (۲۰)
کچه (پوقی ماره) نك همان شرقتده ؛
(قسم کلی) صباح ساعت (۵) ی
۲۵ کچه ، (قولینی) یولی اوزرنده
(شوبی) یه کیدن یولك آرلدینی نقطه ده
(سهنت بارب) ك (۵۰۰) متره جنوبنده ؛
(صاغ یان جاتبداری) ساعت (۵) ده
(و غراس) ك شرق مخرجنده ؛

(بیوك آغراقلر) ۷ نجی هوسار
آلایك برنجی بلو کندن برضا بط و برقاچ
سواری حمایه سنده بولنق اوزره صباح
ساعت (۵) ی (۵۵) کچه (قولینی) یولی
اوزرنده باش طرفلری (شوبی) یه کیدن

اتقسام عساکر

۱ — پشدار : یوزباشی ب..
۴۰ نجی پیاده آلایك ۵ نجی
بلوک (یاخود ۴۰ نجی پیاده آلا-
يك ۲ نجی طابورينك بر بلوک) .
۷ نجی هوسار آلایك برنجی
بلو کندن بر کوچك ضابط و ۱۲
سواری .

۲ — قسم کللی (و یوروش
نظامی) :

۷ نجی هوسار آلایك برنجی
بلو کندن بر طاقم (بر کوچك ضا-
بط ایله ۱۲ سواری اکسیك) .
۴۰ نجی پیاده آلایك ۳ نجی
طاپوری .

يولك شمانده . ايلرى قره غوللارك بىلوك
آغرقلرى يول كنارنده اوتەكى آغر -
لقلىرى بىلەرك اك صكره اونلرده قول
نهایتى تعقیباً يورى يەجكلردر .

۲ — (ايلرى قره غول پياده لرى)
پياده اوجى اونلرك خداسندن كچىدىكى
كېى درحال (سەنت بارب) - (قولىنى)
يولنە اينەجكلردر . ايلرى قره غول
سوارىسى ايسە صباح ساعت (۵)
بىقەدە (رە طونقى) - (نووازه ويل)
يولنەك (پوتى مارە) - (مچ) بىلوك
يوللە برلشدىكى نقطەدە اجتماع ايده جك
وشو صرەدە دشمن ايله اولان تماسى
غائب ايجەجكلدر .

۳ — طاپور بىكباشلىرى ، طوپچى
قوماندانى ، سوارى بلوكلرى ، استحکام
بلوكى ، سيار خستەخانه سى طاقى ،
پيشدار و بىلوك آغرلى قوماندانلرى
امر آلىق ايجون ، صباح ساعت (۴) ي
(۴۵) كچە (غراس) كوينەك شمال
شرقىندەكى تپەدە اجتماع ايتىش اولە -
ميرالاي جقلردر .
. . .

۸ نجى صحرا طوپچى آلاينەك
برنجى طاپورى (۳ نجى بطريە
اكسيك) .

۴ نجى پياده آلاينەك ۴ نجى
وبرنجى طاپورلى .

۸ نجى استحکام طاپورينەك ۲ نجى
بلوكى (برطاقم اكسيك) .
برسيار خستەخانه طاقى .

۳ — صاغ يان جانبدارى :
بيكباشى ق . .

۴ نجى پياده آلاينەك ۲ نجى
طاپورى (۵ نجى بلوك ويا بر بلوك
اكسيك) .

۷ نجى هوسار آلاينەك برنجى
(برطاقم اكسيك) واىكنجى
بلوكلرى .

قطعات عسكريەدن امر آلىق
ايجون كوندربانلرە يازد يرلشدر .

(غراس) ك شرق شمالينده كى تپه
۲ — ۸ — ۸۹ — ۴۵۵ كوندوز

نومرو — ۲

مفرزه اصرى

۱ — (دشمن) ، (بورنى) دداردوكاه
حالنده بولنيور . كشف قولارى ايسه دون
اوكله دن صكره (مچ) ه طوغرى
چكله شلردر .

۲ — (مفرزه) ، (صوره) ي
دن كله جك اولان ۱۶ نجى نرقه ايله
بوكون ساعت (۸) ده (لاكنه كسى)
موقعنده برلشكه مجبوردر .

۳ — (پيشدار) كوندوزين ساعت
(۵) ي (۲۰) كچه حركت ايده جك
و (قوليني) ، (ويله رس لاكنه)
دن كچن بيوك يول بويجه (لاكنه كسى)
اوزرينه كيده جكددر . اثنای حركته
پيشدار ، ۱۶ نجى پياده فرقه سيله ارتباط
حاصل ايده جكددر .

۴ — (قسم كاي) كوندوزين ساعت
(۵) ي (۲۵) كچه و (۷۰۰) متره
مسافه دن تعقيب ايده جكددر .

۵ — (صاغ يان جانبدارى)
(ره طونفه ي) ، (فلانويل) و (اوژى)
دن كچه رايك درحال (لاكنه كسى)
اوزرينه ايلروليه جك (ولووالى ير)
(لابلانشت) ، (قولومبه) ي . (آرس
لاكنه كسى) چيترلر دن (مچ) استقامتى
كشف ايله جكددر .

۶ — (بيوك آغراقلار) ، قسم کلی
اوزرينه صيقيشه جقلردر .

۷ — بن قسم کلينک باشنده بولنه .
جنم باراپورلر اورايه کوندرلليدرلر .

ميرآلای

... ب

جزء تام قوماندانلرينه آغزندن
سويلندشدر .

اگر سز ، يالکيز بر امرله اکتفا ايتمک ايستيورسه کز او زمان
امرکزي شو يولده ترتيب ايدرسکيز .

(سه نت بارب)

۱ - ۸ - ۸۹ - ۱۰ کيجه

نومرو — ۳

مفرزه امری

۱ — ايکي نومرولی امرده کی کبی،

يالکيز « دون اوکلدن صکره ديمک
لازمدر .

۲ — (مفرزه) يارين صباح سا -
عت (۸) ده والی آخره . .

۳ — (پيشدار) ساعت (۵) ی
(۲۰) کچه يورويشه حاضر بولنه جق
وجهله يارين صباح (پوتی ماره) نک
هان شرقنده اجتماع ايتمش اوله جقمدر .
والی آخره .

۴ — (قسم کلی) يارين صباح
ساعت (۵) ی (۲۵) کچه (قوليني)
بيوک يولی اوزرنده (شوبی) يه کيدن
يولک آيرلدينی نقطه ده و (سه نت بارب) ک
۵۰۰ متره قدر جنوبنده حاضر بولنه جق
و ۷۰۰ متره دن پيشداري تعقيب ايليه جکدره .

(۱۰)

۵ — (صاغ يان جانبداری) يارين
 ساعت (۵) ده (غراس) ك شرق مخر جنده
 اجتماع ايده جك و ..
 ۶ — (ايلرى قره غوللر) پياده سى
 بر نومرولى امرده كى كې ..
 ۷ — (بيوك آغر قلر) و محافظى
 يارين ساعت (۵) ى (۵۵) كچه باش
 طرفلى (شوي) دن غربه كيدن يولك
 شمالنده بولنه جق وجهله (قوليني) يولى
 اوزرنده اجتماع ايده جكلدر .

و ..
 ۸ — بن قسم كلينك باش طرفنده ..
 مير آلاى
 ب ..

قطعات عسكريه دن امر آلىق
 ايچون كوندرلش اولان ضابطلره
 يازديرلشدر .

شو امرلر اوزرينه اوفاجق بر ملاحظه يايمنه مجبورز . (۳) نومرولى
 امرده اولدينى كې ، اجتماع امرنده ده قطعات عسكريه فلان ويا فلان
 ساعتده حر كته حاضر اوله جقلدر ، سوزينه تصادف ايديورز .
 بوساعت ، قطعات عسكريه نك اجتماع نقطه لر ينه كملرينى كوسترن
 ساعت دكل ، بالعكس ، اوفاجق بر موله دن صكره اونلرك يورويش
 يايمنه باشلايه جقلرى ساعتدر . بر جوق قوناق محللرندن حر كت ايدرك
 وقوعه كله جك هر اجتماع ايچون يالكز قطعات عسكريه نك يورويش
 يايمنه باشلايه جقلرى ساعتى كوسترمك نجه دها ايودر . اويله اولنجه ،
 قطعات عسكريه دن هر برىسى ، يورويشه كيرمزدن اول ، اجتماع
 نقطه لر نده بر آز استراحت ايتش اولق ايچون ، قوناقلرندن اوكا كوره
 چيقمش بولنه جقلدر . بو استراحت زمانى ، شه سز ، اجتماعدن اول ،
 قطع ايديله جك اولان مسافه نك امتدادينه تابع اوله جقدر . شو نقطه

نظردن مادون قوماندانلرینی دائماً سربست براقیکز، اولئر ایستدکلری زمان قوناقلرندن چیقسونلر ، اولیه ده ائی اولور .

یول قولئی تشکیل ایدن قدمه لردن هر بریسنک صوگ قسملری ، اجتماع نقطه سندن ، دائماً بوقدمه ایچون تعیین ایدلمش اولان ساعتدن برقاج دقیقه صکره حرکت ایده جکله ردر . بوجهله (آوانسی) دن حرکت ایدرک (۵) ی (۲۵) کجه اجتماع محله کلش اولان ۴ نجی طابور یورویشه داخل اولمزدن اول ، ۹ دقیقه قدر (۳۵ + ۴۰۰ + ۳۸۰) بکلمکه لزوم کوره جکدر .

نیم برنجی مکتوبم ، برکون اولیسندن ده ، انقسام عساکرک نه وجهله ترتیب ایدلمش اولدیغنی کوسترر . بوایه پک ایو برشیدر . چونکه هر قسم اجتماع محله تام وقتده کله ییلمک ایچون ، البت کندیسینک یورویش قولنده هانکی قدمه یه منسوب اولدیغنی اوکرنمک ایستر .

بیوک آغرلقلره ویریلان محافظ عسکرینک قوماندانی ده برکون اولیسندن کوسترلمشدر . چونکه مومی الیه ایرتسی صباح ویریه جک امری آلمق ایچون امرک توزیع محانه کیتمه مجبوردر .

ایلری قره غوللر قوماندانی ده کذلک ، کندی ایکی بلوکنی تام زماننده یوله ایندیرمش بولمق ایچون بعض ترتیبات آلمغه مجبوردر . زیرا ، بوخصوصده لازم کلان امرلر ، ایرتسی کون زیرلمش اولسیدی ایکی بلوکن هانکیسی یوله اینتجه یه قدر ده زیادیه یول آلمغه مجبور ایسه ، شبهه یز : او ، اپی کجیکمش بولنوردی .

حرکت امری ویرمک ایچون ، قطعات عسکریه قوماندانلرینی (غراس) ک شرق شمالیسنده کی تپه یه طویلادلسه . بوراسی پک ایی

برپرد . چونکه منظره سی پك آچیق اولدینی ایچون امرک بعض نقطه لرینی ایجه آکلایانلر وارسه اولنره افق داخلده بعض یئرلر کوستریله رك لازم کلان ایضاحات ویرلمش اوله بیلور . برامر نه قدر آچیق یازیلورسه یازلسون ، ینه ایچنده ایضاح ایدیله جك بعض نقطه لر بولنور . آکلایمدق لری برشیی مافوقه صور مق خصوصنده ، وقت حضرده ، مادون ضابطلری اکثر یا مشکلاته اوغرایورلر . بونکده اصل سبی ، مادون ضابطلر کندی لرینی مافوق نظرنده ، ذکاوت و درایجه دون ر مرتبه ده کوستر مش اولمقدن ثانیاً مافوقلرینی ایی افاده مرام ایدمه مک کبی بر فکره دوشور مش بولنمقدن چکنملریدر . اشته مادونی ، مافوقدن برشی اوکر نمک خصوصنده چکندیرن بوکبی قورونتی لردر . لکن ، وقت سفرده هیچ بر زمان او یله دکل ، بالعکس اوراده هر مادون آکلایمدیغنی اوکر نمک و هر مافوقده اوکر نمک مجبوردر . اوت - سفرده ، کندی وظیفه سنی ایوجه آکلایان بر مادون ، آنی آکلایمق خصوصنده مافوقه مراجعت ایتمدیکی حالده . طبقی ، ایلك افاده ده کندی مرانی لایقی وجهله مادونلرینه آکلایمه ماش اولدیغنی آکلایوبده ، اولنره حقیقت ، مسئله یی تکرار ایتمکدن چکیان بر مافوق کبی بیوک بر خطا ارتکاب ایتمش اولور . عزیمت ایتمزدن اول - مادون قوماندانلرینی بریره طویلایمقدن حاصل اوله جق باشلیجه فائده اولنر ایله باش قوماندان آره سنده مقصده و آنک اصول تعقیب و اجرا سنه دائر بر فکر قطعی پیدا ایلمکدر .

اجتماع امرینک ۳ نومرولی ماده سنده . سز ، لکن مسئله ده کی حله مغایر برشی کور یورسکنز . یعنی بوراده : بتون آتلی ضابطلرک

امر آلمق ایچون برلشملری سویانیوردی ، شمدی ایسه ، بزیا لکنز جزء تام قوماندانلردن بحث ایدیورز . بر مفرزه ده شو نقطه نظردن هر نصل ایستیلورسه اویله یاییلور ، مع هذا ، کچن مسئله نك حلنده کوستریلان اصول ، دها قابل اجرا ، و بناءً علیه دها اولغوندر . لکن ، بزم شمدیلک تعقیب ایلدیکمز مفرزه لردن بیوک اولان قطعات عسکریه ده آتلی ضابطلرک هپسینی بر نقطه اطرافنه طویلامق هر زمان ممکن اوله میه جقدر .

امرک یازدی رلمسی بر آرز ارکنجه اولمیلدر . چونکه جانبدار ارکندن حرکت ایتکه مجبوردر . بو خصوص ، قطعات عسکریه نك قوناقلردن چیقمش اوله جقلری ساعته هیچ بر تأثیر فلان کوسترمز . یالکنز ، جزء تام قوماندانلرینک اونلردن بر آرز اول حرکت ایتلمی لازمدر ، ایشته اوله جفی بوندن عبارتدر . (آوانسی) ده کی قطعات عسکریه ایله سائر بعض قطعه لرکده (۵) دن اول کندی قوناقلرینی ترک ایلمش اولدقلرینی کورمکه جانکنز صیقلمسون . ساعت (۸) ده (لاکنه کسی) ده بولنق ایستئلدکجه بوندن احتراز ایتک ممکن اوله مز .

بوراده ، آرز چوق اوزون سورن موله لردن بحث ایتیمورم . دشمن یاننده موله لر ، ممکن اولدقجه ، آرز وقیصه اولورلر . چونکه اورالرده الک چوق تعیه ملاحظاتی حکم فرما اولور .

امرک ۴ نجی ماده سنده ، بن مخصوص ، قسم کلینک ۷۰۰ متره - دن تعقیب ایللمسی لزومی اوزرینه اصرار ایدیورم . زیرا ، امرده اگر یالکنز ، « قسم کلی صباح ساعت (۵) ی (۲۵) کچه پیشداری تعقیب ایلجه ک دینامش اولسیدی ، پیشدار ایله قسم کلی بیننده

براقلمسی ایجاب ایدن مسافه نك نه قدر اوله جنی حقیله بللی اوله .
مزدی . زیرا هر قدمه نك عزیمت ساعتی ، بر صحت ریاضیه ایله
حساب ایدلدیکچون بو خصوص قسم کلی ایله پیشدار آرمسده
محافظ ایدیله جك اولان مسافه یی کوسترمکه کفایت ایده مزدی .

برده (شوی) دن بیوک جاده یه ایکی یولک کیتمکده اولدیغه
دقت ایدیکز . بونلری یکدیگرینه قاریشدرمق پک اعلا ممکن اولدیغی
ایچون اك ایوسی هانکیسی اولدیغی اولدن دها اوجو آکلامق وتعیین
ایتمک لازمدر . سوزیمی آرتق بیتورمش اولمق ایچون ، سزه اولجه
یایدیغمز مسئله لری برر کره دها اوقومکزی توصیه ایدرم . برنجی
مسئله ده عادی بر ایلری یورویشدن بحث اولنیوردی که بو یورویش
اثناسنده یانلر اوزرنده قورقیله جق یالکز دشمن سواریمی واردی .
بونک اوزرینه بن ، یالکز تهلکه لی اولان اراضی یه طوغری سوا -
ریمک نظر دقتی جلب ایدرک ، جانبدار فلان آیرمقدن واز کچمش
ایدم . ایکنجی مسئله ده ایسه ، یانلردن بریسی اوزرینه دشمن پیا -
ده سنک ککسندن قورقیلیوردی . لکن دشمن پیاده سی ایجه اوزاق
اولدیغی ایچون ، مفرزه اولجه انتخاب ایدلش اولان بر موضعی
طوتجه یه قدر لازم کلان زمانی قازانمق خصوصنده یه یالکز سوار یی
قوللانمق کفایت ایلمشدی .

بناءً علیه بوراده ده خصوصی بر جانبدار یوقدر برده ، مفرزه نك
تعقیب ایلدیکی یول ایله بر جانبدارک تعقیب ایتمش اوله جنی یول
آرمسده کی اراضی اوله بر ترتیباتک اخذ ایدلش اولسنه غیر مساعدر .
اوجنجی مسئله ده ، کدکک بریان یورویشدن بحث ایدیلیور . لکن
دشمن بودفعه اوقدر یقین بولنیورکه ، آنکله مصادمه ایتمک پک

مأمولدر . بوراده ذاتاً بر جانبدارك سوقه مساعد بر يول وار ؛
 اوندن بشقه ، بويول ايله ، مفرزهك تعقيب ايلمش اولدينى يول
 ييندهكى اراضى ، يك آچيقدر . بوشرطلره نظراً ، بر جانبدارك
 كوندلمسنى يالكز قبول ايتك دكل ، بالعكس اويله بر ترتيباتك وجودى
 قطعياً الزم بيله كورينور . چونكه ، خصمك بر هجومه قارشومقاومت
 ايدى بيلمك ايجون لازم كلان ترتيباتى آلجهيه قدر قسم كلى به آنجق
 اوسايله ده زمان قازانديرلش اوله بيلور . كلهك مسئله ده دشمن
 كذلك سرك يانلر كزدن بر يسنده بولنه جقدر . لكن ، وضعت هيج بر
 زمان اوچنچى مسئله ده ، كى وضعتك عىنى اوليه جقدر .

دردنجى مسئله

(عمومى خريطه ايله « مچ » و « ورنى » بافته لرى .)

ميرآلاى ب . . طرفندن قوماندا ايديلهرك دشمن مملكتنده بولنان بر
 مفرزه [۹۸ نجى پياده آلاى ، ۸ نجى آوجى طاבורى ، ۹ نجى دراغون
 آلاىك برنجى و ايكنجى بلوكلى ، ۳۱ نجى سيارطوپچى آلاىك برنجى طا-
 بورى (۳ نجى بطريه اكسيك) ، ۱۶ نجى استحكام طابورينك برنجى بلوكى .
 و برسيار خسته خانه طاقي [۳ حزينان ۸۹ تاريخنده (كوللر) دن (عمومى
 خريطه ده) حركتله ۳۰ نجى پياده فرقه سنك بعض اقسامى طرفندن طولتمش
 اولان (مچ) شهرينه طوغرى ، و ممكن مرته آز تلفات ايله ديديكمز فرقيه
 التحاق ايتك اوزره ، يالكز بر قولده يورويش اجرا ايتكده در . مفرزهك
 سوايى ، (مچ) دن (ساربرون) اوزرينه كيدن شمندو فرك جنوب
 غربى استفقامتنده ايجه اوزاقلره سورلش بولنيور . (مچ) دن ميرآلاى
 ب . . يه كلان خبرلره نظراً بر دشمن فرقه سنك (نيت فرانسه ز) ك غرب
 جهتندن (مچ) اوزرينه ايلرولمكده بولندينى و امدادلر كلنجه به قدر ۳۰ نجى
 فرقهك حال تدافيده قالمش اوله جنى ، برده (پلاتيىر) ايله (كولو)
 واروشلرينك مذكور فرقه طرفندن ضعيف بر صورتده طولتمش اولدينى
 آكلاشيلور .

صبح ساعت ۹ صولرنده ، پیاده اوجی (محبت) بیره خانه سنك تخمیناً ۵۰۰ متره قدر جنوب غریبسنده بولندیی زمان ، بوتقطه یه گلش اولان ، میرآلای ب .. کندی ضابط کشف قوللرینك بریسندن آشاغیده کی راپوری آلور :

(اوپینی) نك شرقنده کی تپه

۳ — ۶ — ۸۹ — ۳۵ — ۸ کوندوز

هرنوع صنفدن ترکیب ایدن بردشمن قوی (قورسهل - سورنییت) دن (آرس لاکنه کسی) اوزرینه یورپور . دشمن پشدارینك پیاده سی ، ه دقیقه صکره (شامبه ردین) ه کله جکدر . (آرس لاکنه کسی) مزارلنی جوارنده بر دشمن سواری بلوکنك توقف ایتك اوزره اولدیغنی کورددم . بوبلوك (قولومبه ی) جهننه بعض کشف قولاری کوندردی . اهاالیدن بریسنك سویلدیکنه باقیلورسه ؛ پیاده آلای ایله بریطریه دن عبا رت بر دشمن قوتنك (صوره ی) ك جنوب غریبسنده کیجه یی اردوگاهده کچورمش اولدقلری آکلاشیلور . بن دشمنی کشف وترصده دوام ایتك اوزره بولندیغ موضعده قالیورم .

یایله جق وظیفه لر

۳ — حزیران ۸۹ تاریخنده یایله جق یوروش ایجون مفرزه نك انقسام عساکری .

۲ — میرآلای ب . . نك ترتیبانی .

۳ — باب موجه نك ذکر و بیانی .

بشنجی مکتوب

بر قولك تبدیل استقامتی

۴ نجی مسئلہ ہی ، آ ز چوق ایکنجیسنہ بکرتک ایستدم . اونلری بر بریلہ مقایسہ ایدرسہ کز ، آرمہ لرنده کی فرقی پک آعلا کورورسکز . برده ، مسئلہ نک حانده سزه یاردم ایدہ جک اولان افکار وملاحظاتی سز برنجی مکتوبمده بولورسکز .

ایلک اوکجه (مچ) اوزرینہ کیدن بللی باشلی یوللری مطالعہ ایدیکز ، صکرده دشمن طرفہ کیدن یوللری بر ، بر کوزدن کچوریکز . اگر مفرزه شمیدیکی استقامتی تعقیدہ دوام ایدرسہ ، (محبت) پیرہ خانہ سندن (واللی بر) درہ سنک درین مجراسنہ اینہ جک ، بعدہ (بہل قرووا) یقوشلرینی چیقہ جتدر . بیلورم ، شو (بہل قرووا) نقطہ سی بردن برہ ، سزک نظر دفتکزی جلب ایتمدر . چونکہ او بر دفعہ غایت آجیق و بیوک بر منظرہ یہ مالکدر .

ثانیاً ، (بورنی) - (قولومبہی) یولنک دیگر طرفندہ وجنوبدہ واقع اولان اراضی یی (بورنی) نک جنوب شرقیسنده کی اورمانہ قدر کورمش اولمکزه مساعددر .

جنوب شرقیدہ ، اراضی ، (آلدہ مور) ک اوتہ لرینہ قدر کوریلیور . حال بوکہ ، (قولومبہی) ایلہ ، (واللی بر) درہ سنک ، (قولومبہی) دن (لوواللی بر) قدر اولان مجرا قسمی کوریلیور . (بہل قرووا) نک غربندہ ، یولک (بورده) قدر اولان قسمی ، جنوب جہتدن ، ۲۱۹ و ۲۱۴ راقملری بونجہ اوزایوب کیدن صرتلردن طولای قبالی بولنیور یعنی کوزوکیور . (بہل قرووا)

يولنك جنوبندن (مچ) هكيدن اوتنهكى يوللرك ايسه ، مفرزه ايجون پك او قدر بر اهميتلى يوقدر . چونكه دشمنى كندى اوزر يمزه جلب ايتك واوكا تصادف ايدمك وجهله يوروش يايى ايجون بر مجبوريت حس ايتيورز . حال بوكه ، شالده بولنان يوللر دها زياده اهميتى حازدرلر . چونكه اونلر پك چوق تلفات ويردرمكسزين (مچ) ه مواصلت ايتك ايجون پك مساعدرلر . اونلرده آشاغيدم برر ، برر ذكر ايدلورلر :

۱ — (نوازه ويل) ، (نوي يي) و (واللى ير) دن كچر . بو پك ابو بر يولدر . و (نوازه ويل) دن چيقدقن براز صكره ، (واللى ير) ه كلنجه يه قدر نهرك شمال ساحلى بويجه ايلرولر ، اورادن اعتباراً ايسه ، جنوب ساحله كچمش بولنور . جنوبدن كلان بر دشمن ، آنى آنجق نهر بويجه كيدن وادينك جنوب سيللرينه كلديكى زمان آنجق كوره بيلمش اوله جقدر ؛

۲ — (غراس) . (سرويني — لوسنت بارب) دن كچن يول ايله (بوزونويل) دن (مچ) ه كيدن طريق در . بوراده يالكتر ؛ (غراس) ايله (سرويني — لوسنت بارب) آره سنده آتلا نيله جق كوچ بر نقطه واردر ؛

۳ — (سنت بارب) ، (اوبه رز) و (ورده مى) دن كچن (بوتى ماره) بيوك يوليدر . بعده (بوزونويل) كلور سه ده بو عموميت اوزره پك طولاشيق بر يولدر .

دشمن بر كره ، (بهل قرووا) تپه لرى اوزرينه ويا (محبث) بيرم خانه سنه واصل اولنجه تا اوزاقدن (بوزونويل) يولى استقامتده ايلروليه جك اولان بر قولى پك اعلا كوره بيله جكدر .

دشمن طرفه کیدن ویا مذکور دشمنی بزم مفرزه من علیه
کتوره جک اولان یوللره کلنجه اولرده بروجه آتی سویلیه جکمز
یوللردن عبارتدرلر :

- ۱ — (قولینی) دن کچن بیوک یول ؛
- ۲ — (ره طونفه ی) و (اوژی) دن کچن یول ؛
- ۳ — (قوانسی) و (مونطوی) دن کچن (آرس لاکنه کسی)
یولی ؛

۴ — (قولومبه ی) دن کچن ، بعده (آدمور) دن (بهل قرووا)
اوزرینه کیدن یول ؛

۵ — (آرس لاکنه کسی) و (غرانش اوبووا) دن کچه رک
(بهل قرووا) به کیدن یول ؛

۶ — (آرس لاکنه کسی) ، (قریژی) (بورنی) یولیدر .
اگر دشمن برنجی ، ایکنجی و اوچنجی یوللری تعقیب ایدرسه ،
پیاده سیله بزم مفرزه مزه کوچ یتشه بیلور . فقط سوار سیله مفرزه به
یتشه بیلمسی محتملدر . ۶ نجی یول (قریژی) دن اعتباراً بزم
المزده اولان (کولو) و (پلاتییر) نقطه لری جوارندن کچور .
دشمن بونی پک چابوق اوکره نه جک وشبهه سز ، او استقامت اوزرنده
ایلروله میه جکدر . بروجه لکه آرتق آنک ایچون تعقیب ایدیله جک
یالکز ۵ و ۴ نجی یوللر قالش اولور . دشمنک یوروشنی ترصد
ایتمک ایچون مفرزه قوماندانی ، بالعکس بتون شو دیدیکمز یوللردن
استفاده ایتمش اوله جقدر . لکن ۰ مفرزه قوماندانجه اک مهم اولان
یوللر ، دشمنک بانلری اوزرنده کیلدر . کچن مسئله لر ، برضابط
کشف قولنک کوندرمش اولدینی راپوره مستنداً ، یازیلان بر امری

آلدقلى زمان ، يول قولىك مختلف قدمه لى هانكى نقطه لردە
يولنديغى بىر قروكى ياقىقسىزىن بىلە ، تقدير ايتىك خصوصىيە سىزە
ايىچە ملەكە وىر مشلردىر سانورم .

مىر آلاى ب . . يورويىش قولنى تشكىل ايدىن قدمه لرك ايلرىسە
كچدى . اراضىنىك وعلى الخصوص غرب و جنوب غربى جهتلەرنەكى اراضىنىك
پىك اعلا كورمەككە اولدىغى (محبت) بىرە خانەسى يانەندە طوردى .
عجبا مفرزە قوماندانىك يانەندە كىملەر وار ؟ بونى هيچ مراق
ايدوب صورمىسكز ! بىر ويا احتمال ايكى امر ضابطدن بشقە ،
آنك يانەندە ، قسم كلىدەكى سوارى طاقى ويا هيچ دكلسە مخابره
سوارىلرى وار . بىرە اغلب احتمالە كورە طوبىجى طاورى قومانداتى ،
استحكام بلوكى قومانداتى وپىشدار قومانداتى دە برابر كوتور مشدر .
يوقوماندانلر ، برابر كىتكىلرى حالە ، چار چابوق مفرزە قوماندانى
طرفدن بىر امر شفاهى آلمىش اولە بىلورلر . كرك قسم كلى و كرك آغز -
لقلردە بولان سوارىلرە كلنجە اولنرە تحریراً امر كوندريله جكدەر .
يوكى بىر امر ، تحریراً وضابطلر ايله كوندريله جك قدر حائز اهميتدر .
بوضابطلر لوزوم كورورلرسە ، امرى آله جق اولانلرە بعض ايضاحات دە
ويرە بىلە جكلردر . اكر بواىمىك سوي تفسيره اوغرامق احتمالى وارسە ،
اووقت آنى بروە لوسپىت سوارىلە كوندرمىك دها مناسب اولور . برمادونە
شفاهاً امر وىرمىك ، آنجق او ، امر يالكنز بركلە ايله يايىلە جق وظيفە يى مادونە
كوستره بىلمىش اولە جنى زمان قبول ايدىلور . مثلاً ، شو بىزم مسئلە دە ، بيوك
آغز لقلر قوماندانە صاغە دونمك و (بوزونويل) بولنى تعقيب ايتىك ايچون
ويرىلە جك امر شفاهاً كوندريله بىلور . لكن مادون قوماندانلرى
وضعيت عمومىەدن ومفرزەنىك وضعيت خصوصىە سندن خبردار ايتىك

پك مهم برشی اولدیغی ایچون اك ایوسی اونلره دائماً تحریراً امر کوندرملیدر . سز ، مفرزه کزه عمومی برامر ویرمک ویاخود بروجه آتی اقسام عسکریه یه برر خصوصی امر کوندرنک خصوصنده سربستسکز . اقسام مذکوره شونلردر : سواری ، پیشدار ، قسم کلی ، طویچی ، بیوک آغراقلر ، که هبسی بش امردن عبارت برشی اولور . بوامرلرک ایسه بعضیسی شفاهاً ، بعضیسی تحریراً ویرلش اوله بیلورلر . لکن ، توحید حرکات خصوصی تأمین ایتمک ایسترسه کز . دائماً عمومی برامر ویرمه نك چاره سنه باقلیسکز . چونکه اقسام عسکریه قوماندانلردن هربری ، دیگر آرقداشلرینک وظیفه لرینی طانیش اولورسه کندی وظیفه سنی دها کوزل آکلامش اوله جقدر . وکندی حرکتی مقصد عمومی یه کوره ایلرولتمک ایچون ترتیباتی دها اوقدر ای اخذ ایده جکدر . بوراده پیشدار قوماندانیه طویچی قوماندانی یکی امر ضابطلره یازدیرلدیغی زمان امرک مألئ اوکره نمش اوله جقلردر . عمومی برامرک نقلی ، خصوصی برچوق امر نقلدن دها آزوقته محتاجدر . بونی اونوتیمیکز . ایلریده ینه اوکا دائر سزکله قونوشورز . مفرزه قوماندانی امرینی ترتیب ایتمک خصوصنده یالکنز (۵) دقیقه قدر دوشونمش اولدیغی فرض ایدیورم طوغربسی ، بوقدر آز برزمان ایچنده امر یازه بیلمسی ، مومی الیهک صنعته پک واقف اولدیغی کورستر .

مفرزه یورویشتی تأخیر ایتدی . پیشدار قوماندانی . ساعت (۹) ی (۵) کچه امرینی آلیور . امر ضابطلردن بریسی درحال سواری یه امر کوتورور . دیکری ، امری اوله ، قسم کلی یه کوتورور صکرده ، بیوک آغراقلره کوتورمک ایچون یولنه دوام ایدر .

اويله ايسه ، بوقسم كلينك ، بوآغرلقلارك ايلك اوچك ساعت
(۹) ى (۵) چكە وىسكرە امر كىندىلر يىنە وىرلدىكى زمان نردە اولدقلىرىنى
تعيىن ايتك لازمدر .

آوچى طابوريله ايىكى استحكام طاقنى پيشدارده فرض ايدرك ،
قسم كلينك قول باشى پيشداردن ۲۴۷۰ متره (۴۰۰ + ۳۰ + ۴۰۰)
كلينك كىندى درينلىكىده ۱۹۷۰ متره (۷۰۰ + ۳۰۰ + ۵۰۰ + ۷۰ + ۷۰ +
۸۰۰ + ۳۸۰ + ۴۰۰ + ۳۰) كىريده بولنهجقدر . قسم
متره دن تعقيب ايدرلر . بىوك آغرلقلر قول نهايتى ۲ كىلو
تشكيل ايدن . مختلف اقسامك قول باشلىرى بروجە آتى نقطه لردە
اوله جقدر :

(پياده اوچى) ، (لواللى رك) ك شرق كنارى ياننده ؛
(قسم كلينك قول باشى) : (رةطونفەى) : (نووازه ويل) بولنك
تخميناً ۶۰۰ متره شرقندە ؛

(قسم كلينك قول نهايتى) : (بوتى ماره) نك شرقندە كى چاىرك
شرق كنارندە ؛

(بىوك آغرلقلارك باشى) ، (بوتى ماره) نك دها (۲) كىلو
متره قدر شرقندە .

قطع ايديله جك مسافە برآز اوزون سوردىكى زمان برامرضابطى .
وسطى اوله رقى بركىلو متره دى ۳ دقيقەدە آلور . اويله ايسه قسم كلئ .
امرىنى ساعت (۹) ى (۸) چكە آله جق وبو ائزادە قسم كلئ (رةطو -
نفەى) ، (نووازه ويل) يولى خذاسنە هنوز كله مش بولنهجقدر .
اكر امر ضابطى قسم كلئ ياننده (۵) دقيقە قدر طورورسە ، (۹) ى

(۱۳) کچه تکرار یوروشنه باشلامش بولنه جقدر . بيوك آغیرلقلرك قول باشنه يتيشمك ايچون (۱۹۷۰) متره (قسم كلينك درينلکی) +۲ كيلو متره (كرويه اولان مسافه) قدر بر مسافه ده قطع ايدم جقدر . بونك ايچون ده امر ضابطی (۱۲) دقیقه لق بر زمانه محتاج اوله جقدر . شو حسابنه كوره ، امر ضابطی ، هنوز (پوتی ماره) نك شر قنده بولنه جق اولان بيوك آغیرلقلره (۹) ی (۲۵) کچه التحاق ايدم جقدر . آلتان معلوماته نظراً ، هر نوع صنفدن مركب اولان بردشمن قولنك پيشدارى ، صباح ساعت (۸) ی (۴۰) کچه (شامبه ردين) ه واصل اولش بولنيور . بوقولك قوتنه كلنجه ، اوکا دائر قطعی بر حوادثمز يوقدر . يالكز اهايلدن بريسی ، بر پياده آلايی ايله بر بطريه نك (صوره ی) ده اردوكاه قورمش اولديغنی بزه خبر وير مشدر كه شمديلك يكانه معلوماتمز بوندن عبارتدر . بو خبر بلكه طوغريدير . يالكز بلكه ديورم ؛ چونكه كندی اهاليمز طرفندن تدارك ايديلان حوادثلر بيله اوزون اوزادی به تحقيق وسواريمز ياخود ينه اهالی طرفندن ايودن ايويه تصديق ايدلمد كچه اعتماده شايان اوله مزلر . بوراده ايسه عيناً احوال واقعدر . سفرده آلتان خبرلرك بيوك بر قسمی ، ياكلش ، مبهم واكثريا بر برینی ناقصدرلر . برشی محقق اولق ايچون ، اعتماده شايان بر ضابطك آتی كندی كوزيله يقين بر مسافه دن كورمش اولسی وبونكه برابر اوضابطك ضعف بصر احجابندن اولامسی لازمدر . بزم آلدیغمز خبرلره كلنجه ، اونلر دشمنك يالكز يوروش حالنده بولنديغنی وكله كله بزه ياقلاشمفده اولديغنی كوستريورلر . مفرزه قوماندانك برشيده قرار ويرمش اوله بياهمسی ايچون بو معلومات شمديلك يتيشور صانورم . ديكر جهتدن ايسه (مچ) دن كلان خبرلره نظراً ، بر دشمن فرقه .

سنگ (نییت فرانسه ز) که غربندن ایلرولمکده اولدیغی آکلاشلدی. عجباً اولجه کوریلان دشمن قطعات عسکرینه سیله بوشمیدی فرقه آردسند نه کی برمناسبت وارددر؟ یوقسه، او قطعات عسکریه دشمن فرقه سنگ پیشدارینی می تشکیل ایدرلر؟ اوله ایسه قسم کلی عجباً نه قدر اوزاقدن کلیور؟ یاخود اونلر، برجانیدارمی تشکیل ایدورلر واکر فی الحقیقه بویله ایسه، اوکا نظراً قسم کلی عجیباهانکی یولی طوتمش بولنیور؟

اگر دشمن عین استقامتده یوروشنه دوام ایتش بولنورسه که بویک اعلا محتملدر. کوندوز (۹) ی (۵) کچه (شایی - لاهور - کنه) یه واصل اولمش بولنه جقدر. اورادن اعتباراً ایسه، یا (قولومبهی) ویاخود (غرائش اوبووا) اوزرینه یوری یه جقدر. استکشافده بولان دشمن سواری بلوکی، شبهه سز، اوکا بعض دشمن کشف قوللری کورمش اولدیغی وبلکه ده بزم قولمژک تعقیب ایتمکده بولندیغی استقامتی بیله خبر ویرمشدر. دشمن سواری بلوکی، (آرس لاکنه کسی) مزارلغنده طوردی و (قولومبهی) اوزرینه کشف قوللری کوندرمکله اکتفا ایلدی.

بوندن آکلایورم که دشمنک بزه داثر ایدندیکی معلومات، اراضی بی بک مدبرانه برطرزده کشف ایللمسنی ایجاب ایلیمکده در. (آرس - لاکنه کسی) مزارلغی. (قولومبهی) یولی اوزرنده بولنیور و دشمن کشف قوللری ده بالخاصه بوجهتلرده کورلمشدی. اوله ایسه، دشمن سواری بلوکنک (غرائش - اوبووا) جهتلرندن زیاده (قولومبهی) جهتلرینی استکشاف ایتمکده اولدیغی آکلاشلیور. بزم ضابط کشف قولمژک یالکیز بردشمن سواری بلوکی کورمش

اولدیغنه قارشو برآز حیرت اولنه بیلور . بوندن ایسه شومعناچیقار : دشمن یاپک ضعیفدر ، یاخود سواریسنک بر قسمی ، بشقه طرفده ومثلا (شامپل) اورمانی جهتلرنده ویا کندی صول یانتی ویا (میچ) استقامتی کشف ایتدرمک ایچون (آرس لاکنه کسی) نک غریبندهکی اورمانلر جهتنده بولنیور .

آ کلاشیلورکه بز ، (قولومبهی) جهتنده موقتاً اولسون دشمن سواریسنه فائق برسواری یه مالک بولنیورز . بوندن طولای یالکز دشمن سواریسنک یواش یواش حرکت ایتمکه مجبور اولسی دکل ، دشمن قولی بیله اوقدر چابوق یورویمش اولهمه جقدر . اوله ایسه میرآلای ب .. مفرزه سی وقت قازانه جقدر . دشمن ، (شانی - لاهورکنه) یی (ده نکمال) نقطه سنک جنوبندهکی تپدن آیران ۳ کیلو متره لک مسافه یی آلمق ایچون لک آاز ۳۶ دقیقه صرف ایدمک وطوبخیمی (بدل قره و) اوزرینه آتش ایتمک ایچون آنجق کوندوزین ساعت (۹) ی (۴۱) کچه بطریه نظامنه کچمش اوله بیله جکدر .

اگر میرآلای ب .. ساده یوروشنه دوام ایتمکه اکتفا ایتمش اولسیدی . قسم کلیسنک قول باشی (۹) ی (۴۱) کچه (لواللی ر) لک برآز غریبنده بولنه جقدی . بوندن آ کلاشیلورکه قسم کلی و بیوک آغراقلر (بدل قرووا) یقوشنی چیقماق اوزره ایکن ، دشمن آتشنه معروض قاله جقلردی . وشو سبیله ایکی طرف بپشنده مطلق بر محاربه وقوعه کله جکدی . بو محاربه ده ایسه ، برچوق ضایعات ویریه جکدی که شوخصوص بزم مسئله مرک احکامه مغایردر . زیرا ، مسئله مز . ممکن مرتبه ضایعاتدن چکنمکی بزه توصیه ایدیور . اوندن بشقه . مفرزه نک شویله بر محاربه یه کیریشمسی ایچون آرده ده هیچ بر برب معقول یوقدر .

بناءً عليه محاربه دن چكنمك قابل ايكن، هيچ بر مقصد معين اولمقسزين،
 اويله كليشي كوزل بر صورتده محاربه يه كيريشن هر قوماندان بيوك
 بر خطا ارتكاب ايتمش صايلور. اويله ايسه بوراده مفرزه كنديسني
 ميدانه چيقار مامغه مجبوردر. اكر مفرزه ايلك او كجه، (واللي ير)
 دره سني كچوبده، صكره تر لالر ايچندن شمالده (بهل قرووا) تپه سنه
 طوغري يوري يه جك اولورسه، شهبه سز بوتپه آنك يورويشني ستر
 ايتمش اوله جقدر. لكس پك آغر بر صورتده وبيك مشكلات ايله
 يورويش يابهيله جقدر. بر نه شو محذور واركه، اووجهله حركت
 ايتديكي زمان مفرزه كندی صاغ جناخنده (واللي ير) دره سي كجي
 بر مانع بولندرمش اولور. و دشمن اكر فائق قوتلر ايله بردن بره
 مفرزه اوزرينه هجوم ايتمش بولنورسه اوزمان مفرزه نك وضعيتي شهبه سز
 پك تهلكه لي بروضيت اولور.

اك ايوسي، قسم كلي (نووازه ويل) دن كچه رك (نوي يي)
 چقورلرينه واصل اولدقدن صكره، شمالدن (واللي ير) دره سي بونجه
 ايلر و ملليدر. چونكه بووجهله ياييلورسه مفرزه دشمن نظرندن
 بSBتون مستور قالمش اولور. قسم كلي يي ايوجه امنيت آلتنده
 بولندرمق ايچون طبيعي اسكي پيشدارك (واللي ير) دره سنك جنوبنده،
 يعني دشمنك يورويشني طور دير مق امله، (بهل قرووا) ده بر موضع
 طوتمسي لازم كله جقدر.

لكن، بو جانبدار، ممكن مرتبه ضايعاتدن چكينه رك او وجهله
 زمان قازانمغه دقت ايده جقدر. بناءً عليه پياده سني محاربه يه صوقما-
 مق ايچون الندن هر نه كلورسه اونى يانمغه چاليشه جقدر. قسم كلي،
 آنجق قول نهايتى، (واللي ير) واصل اولديني زمان تماميله امنيتده

بوله جقدر . بونك ايچون ايسه ۱ ساعت (۵۰) دقيقه لى بر زمان ايستر (۹ كيلومتره) . بناءً عليه قسم كلينك قول نهايتى ديدىكمز يره آنجق كوندوزين ساعت (۱۰) ي (۵۵) كچه واصل اوله بيله . جكدر . هيچ اولمزه اورايه قدر اسكى پيشدار دشمنى طور درمغه جاليشه جقدر . دشمنك (۹) ي (۴۵) كچه دن اول ، محاربه يه كيريشه ميه جكنى بر آز يوقاريدى حساب ايتمش ايدك . اويله ايسه يالكرز قسم كلينك منفعتى ايچون پيشدار طرفندن ويريله جك محاربه تخميناً بر ساعت قدر سورمش اوله جقدر .

شمى ده صره بيوك آغر لقلره كلدى . اكر اونلرده (نوا - زه ويل) دن كچه جك اولور لرسه ، پيشدار بو سبيله دها اوزون بر محاربه ويرمكه مجبوريت كوره جكدر . بونك ايچون بيوك آغر لقلرى بر آز شمالدن يوريتمك دها اودر . (غراس) ايله (سرويني - لوسنت بارب) آره - سنده كى يول يك فنا اولديغى ايچوق اونلر ، (پوتى ماره) - (سەنت بارب) - (اوبه رز) يولى بويجه كيده جكلر - در . كوندوزين ساعت (۹) ي ۳۰ كچه ۰ (پوتى ماره) يه واصل اولدقلرىنى فرض ايدرسەك ، ۲ ساعت صكره (۱۰ كيلومتره) يعنى (۱۱) ي (۳۰) كچه (سن ژولى ين) كيره دك تماميله امنيتده قالمش اوله جقلردر .

بتون بو حسابلىرى ياپارايكن ، شونى درنخاطر ايدىكزكه ، حربده تعيه حركاتى ايچون ، وقت حضر تعليمارنده صرف ايدىلان زمانلر - دن چوق زمان ايستر . اويله دكلى يا ! وقت صاحده ياپديغمز مانوره - لرده بعضاً اولوركه ، بر صباح ائساننده بر برندن فرقلى بر قاچ محاربه ويروورز . لكن وقت سفرده بويله ياقى ممكن دكلدر . دشمن

طوبراغنده حرکت ایدن بر خصم ، وضعیت حقیقه‌ی یاپک آز
 طانیور و یاخود هیچ طانیور . بناءً علیه ، مثلاً بوراده اولدینی
 کبی ، علی‌الخصوص قوتجه‌کندی سوارینه فائق بر سواری قرشو .
 سنده بولنیورسه وضعیت حقیقه‌ی آکلایه‌بیامک ایچون اوزون بر
 وقت صرف ایتمه‌ک مجبور اوله‌جقدر . برده ، کچن مکتوبلرده برنبذه
 بحث ایلمش اولدیغمز طومانسز باروتک تأثیرینی ده دوشونیکز .
 (میچ) کبی بر موقع ، و (واللی بر) نه‌ری کبی آتلانامسی مشکل
 بر مانع اوکنده بولنان بر دشمن ، طبیعی پک زیاده مدبرانه حرکت
 ایتمه‌ک مجبوردر . دشمن مذکور اولایاییله‌حق . صکره طوبیجی
 محاربه‌سنه باشلایه‌حق و بونی کوزل بر نتیجه‌یه ایصاله غیرت‌ایده‌جکدر .
 حاصلی بو دشمن ، (بهل‌قرووا) یه هجوم ایده‌بیلمش اولمزدن اول ،
 اک آز برقاچ ساعت کچه‌جکدر . هم باقالم‌بویله بر هجوم یامنی خاطرینه
 کتوره‌جکمیدر ؛ زیرا ، مفرزه‌نک علیه‌نه حرکت ایتک ایچون دشمن
 کندی صول جناخی (میچ) ه متوجه بر جانبدار واسطه‌سیله اورتمکه
 مجبور اوله‌جقدر . مع هذا . شو افاده هیچ بر زمان دشمن هجوم
 ایتیه‌جک بناءً علیه ، مفرزه کمال سکون واستراحت ایله بویلی بوینه
 یوروشنه دوام ایدوب کیده‌جک دیمک دکدر . مادام‌که ، دشمنک
 بر هجوم یامسی محتملدر ، یالکز شو احتمالدن طولایی بیله سز ، او
 هجومه نصل مقابله ایتک لازم کله‌جکنی دوشونمکه مجبورسکرز .
 میرآلای (ب..) نک پیشداری ، دشمنک کلوب کله‌جکنی
 آکلامق ایچون اولای (بهل‌قرووا) ده کوزل بر بکلمه موضعی آله‌بیلور .
 ساعت (۹) ی (۵) کچه پیشدارک پیاده اوبجی ، (لوواللی بر) ک شرق
 کنارنده اولدینی ایچون (بهل‌قرووا) یه (۲۴) دقیقه (۲) کیلومتره صکره

اصل اوله جقدر . پيشدارك تكميل درينلکي (۱۷۵۰) متره اولديغندن
۲۰ دقيقه فضله حساب ايدلمك اورزه پيشدارك كافه سي نهايت ساعت
(۹) ي (۴۹) دقيقه كچه (بهل قرووا) ده اجتماع ايتمش بولنه جقدر .
پيشدار هرشيدن اول وقت قازانمغه چاليشه جقدر . مع هذا
و خصوصده ، احتراز ايتمك قابل ايسه ، پياده سني جدی بر صورتده
ناربه يه سوقمقدن پك زياده چكنمليدر . چونكه اويله ياپارسه هم
فله يره ضايعات و يرمش اولور ، همده صكره پياده يي محاربهدن
نكمك پك زور اولور .

اويله ايسه پيشداره ايكي بطريه ويريلاهك . بو بطريهلر دشمنی
ركندن ياييامغه و يواش يواش ايلريلمكه مجبور ايدم جكلردر . عين زمانده
ي طرف يالكز طويجي ايله ايش كورمكه غيرت ايله جكلدر . اوسا يه ده
حتال كه (بهل قرووا) ده يرلشمش اولان قواي عسكريه نك مقداری
وزرينه دشمن ايجه اغفال ايدلمش بولنه جقدر . چونكه عموميت
وزره بر جوق بطريهلر ، اولدجه بيوك بريسه ده قطعاً عسكريه سنه
فاقت ايدرلر . اكر بر آز اول ديديكمز ايكي بطريه اوسته لقلی بريولده
لشديرلمش بولنورلرسه ، دشمن پك آز وقت ايچنده ، بر بطريهدن
ياده بر طويجي يه مقابله ايتمك مجبور يتنده اولديغني آكلامش اوله جقدر .
ارشوسنده كي بطريه لرك عدديني بيلمك خصوصنه كلنجه ، دشمن
يبابده يكدن مقصدينه ايره ميلاهك ، بالعكس بطريه لرك عدديني
آكلامق بر آز اوزون سوره جكلدر . زيرا بطريهلر بر دفعه اوزاق
ولنيورلر . ثانياً طومانسز باروت قوللانديقلر يچون بطريه لرك آمپلاسمانلريني
غريق ايتمك دشمن ايچون اپي كوج برشي اوله جقدر .

شهه سز ، بو ايكي بطريه نك يكانه استناد و محافظي آوجي طابو .

زندن عبارتدر . لکن طوتدقلری موضع يك ايني اولدینی ایچون بو بیوک بر محذور دیمك دکلدر . واکر بالتصادف بطریه لر ، جدی بر صورتده تهدید ایدلش بولنه رلرسه ، اولر کمال سهولته کری به چکیله بیله جکلردر . اوندن بشقه ، قسم کلی حین حاجتده پیشدار پیاده سنی تقویه ایتش بولنه جقدر . برده . (واللی یز) دره سی اوزرنده استفاده ایدیه جک بر خیلی کوپریر وار . و بو اولدینی کی نهرک شوراسندن ، بوراسندن آتلایه رق کچمک ده يك اعلا ممکندر . مع هذا ، ایلک حمله ده دها پیشدارک پیاده سنی تقویه ایتمه که هوس ایدله ملیدر .

بتون شو ملاحظات بزم نه یوله بر قرار ویرمکلکمز لازم کلدیکنی کوسترلر : اوت ویره جکمز قرار شوندن عبارتدر : ایکی بطریه ایله تقویه ایدلش اولدینی حالده پیشدار (بهل قرووا) ده بر بکلمه موضعی آله جقدر . اوندن صکره قسم کلی (نوازه ویل) دن کچهرک شاله طوغری ، بیوک آغرقلر ایسه (سنت بارب) دن کچهرک ینه عین جهته تبدیل استقامت ایده جکلردر .

بتون شو حسابلری کوروبده جانکنز صیقلمسون . و یاخود اولری اسکی پوستی شیلردن عد ایتیکز . رجا ایدرم ، سزایلک اوکجه بونی خاطریکزه قوییکز : تعیه جه ویریلان هر قرار معقول ، زمان و مسافه نقطه نظرندن بر چوق طوغری حسابلر اوزرینه مؤسدر . لکن شو حسابلری هم يك چابوق هم ده يك طوغری یایمق ایچون چوق ملکه و عملیات ایستر .

بناءً علیه ، پرکار ، بر قوماندانک باشلیجه واک اعلا بر معاویندر . کرچه بو معاون ، قطعاً امین بر طاقم نتیجه لر میدانه کتوره مز

ایسهده ، بیوک بیوک خطالرك وقوعنده میدان ویرمیدی ایچون قبوله
شایان بر آرقداشدر .

ذاتاً اولجه یابلمش اولان حسابله کوره حرفی حرفنه طوغری
چیقمش نتیجهلر ، تعیهجه مفقود کبی برشیدر . زیرا ، اولدن ده
حسابه قاتلمسی ممکن اولیان بر طاقم احوال وارکه ، اولر ظهور
ایدنجه اک کوزل ترتیباتک آلت اوست اولدینی دائماً کوریلان
شیلردندر .

بوخصوصده حسابک قیمتی مبالغهیه دوشورمکسزین ، اولهظن
ایدرمکه ، زمان ومسافهجه اولان ملاحظاتی دائماً نظر دقتده بولندیره
جقسکز . چوکه بویله یایمکز الزمدر . زمان اولمشدرکه ، پیاده
اینانلمیه جق درجهده آغر وبطی حرکت ایتیش اولسندن طولانی .
فلان ویا فلان مانورده برجنال (اسکی برطوبچی ویا سواری) بتون
صبر و سامانی توکهده رک نه یایه جغنی شاشرمش قالمشدر . کذلک نیجه
دفعه لر . وقوعه کلمشدرکه ، سواری نک کوندرمش اولدینی راپورلرک
یک کچ قالمسی ویا خود برطوبچینک تبدیل موضع خصوصنده یک زیاده
جیکمش اولسی اوزرینه پیاده صنفی اک فنا صقندیلره دوچار اولمشدر .
سز ، یالکز بولری بردوشونسه کز ، زمان ومسافهجه اولان حساباتک
نه درجهده نظر دقته آله جق شیلر اولدینی درحال تصدیق ایدرسکز .
مثلاً ، شو بولندیغمز مسئلهده ایکی بطریه نک (بهل قرووا) ده یابلمش
اوله بیلملری ایچون لازم کلان زمانی ، فقط اک ایو شرطلر آلتده .
بر حساب ایدیکز . بوسزک ایچون جان صیقندیسی دکل ، بالعکس ایو
برا کله یینه بیله کجه جکدر .

امریکزی قلمه آلمزدن اول ، برکزه ، آتیده کی انقسام عساکر

اوزرینه آز چوق دوشونمه کزی توصیه ایدرم ؛ زیرا مسئله ده
بو یوقدر .

انقسام عساکر

- ۱ — پشدار : بیکباشی ق ..
 - ۸ نجی آوجی طاہوری .
 - ۹ نجی دراغون آلاینک برنجی (برطاقم اکسیک) وایکنجی بلوکی .
 - ۱۶ نجی استحکام طاہورینک برنجی بلوکی (برطاقم اکسیک) .
 - ۲ — قسم کلی (ویورویش نظامی) :
 - ۹ نجی دراغون آلاینک برنجی بلوکندن برطاقم .
 - ۹۸ نجی پیاده آلاینک برنجی طاہوری .
 - ۳۱ نجی صحرا طویجی آلاینک برنجی طاہوری (۳ نجی بطریه اکسیک) .
 - ۹۸ نجی پیاده آلاینک ۲ و ۳ نجی طاہورلری .
- یرسیار خسته خانه طاقی .
-

(محبت) بیره خانه سی

۳ - ۶ - ۸۹ - ۹۰۵ کوندوز

مفرزه امری

۱ — هر نوع صنفدن مرکب اولان
بر دشمن قوی (قورسه ل سورنی ت) دن
(آرس لاکنه کسی) اوزرینه یورپور .
۲ — (مفرزه) ایلک اوکجه شماله
طوغری تبدیل استقامت ایده جک و صکره
(مچ) اوزرینه اولان یوروشنه دوام
ایلیه جکدر .

۳ . . ۳۱ نجی صحرا طوپیجی آلا -
ینک برنجی طابوری ایله تقویه ایدلش
اولان پیشدار (بهل قرووا) ده بر موضع
طوته جق و امر کلنجه به قدر دشمنی تأخیر
ایده جکدر . عین زمانده پیشدار ،
(قریزی) ، (قولومبه ی) و (قوآسی)
نک اوتله لری ایله (آرس لاکنه کسی)
(ولاکنه کسی) استقامت لریده (واللی بر)
نهری بونجه استکشافات اجرا ایلیه جکدر .
۴ — قسم کلی (نواوزه ویل) ،
(نوی بی) ، (واللی بر) دن کهرک (بورد)
مخرجه طوغری ایلرولیه جکدر .

۵ — ۹۸ نجی پیاده آلا ینک ۳ نجی
طابورندن بر بلوک معیننه ویرلش اولان
بیوک آغرقلر ، (سه نت بارب) و (وره ی)
خاندنن کهرک (مچ) اوزرینه حرکت
ایده جکدر .

۶ — بن (بهل قرووا) ده بولنه -
جنم ، راپورلر اورایه کوندرلیدرلر .
میرآلای

.. ب

تنبیه - انقسام عساکر غریعتدن
اول ویرلش اولدینی ایچون بورایه
تکرار یازلامشدر .

پیشدار ایله طوپیجی به آغزندن
سویلنلش ، قسم کلی و بیوک
آغرقلره ایسه امر ضابطی م ..
واسطه سیله و تحریراً کوندرلشدر .

بن شو امری سزه طویدن بر صورتده ویرورم . بوندن مقصدم
ایسه ، کندجه مناسب ولزوملی عد ایلدیکم ترتیباتی هیئت عمومیه سیله
برکورمش اولمکزدن عبارتدر . بز شمدی برکرده اوتریباتی ماده
ماده بر مناقشه ایدلم :

برنجی ماده — امرکزده ، دشمن سواری بلوکنه دائر
معلومات ویرمکه حاجت یوقدر . چونکه او امری قلمه آلدیفکز
زمان ، سز بو دشمن سواری بلوکنک هنوز (آرس لاکنه کسی) ده
اولوب اولدیفنی بیلیمورسکز . هم بوحوادث ، ینه اک چوق سزک
سواریکزک ایشنه کلن حوادلردندر . حال بوکه سواریکزدائما دشمن سوا-
ریسنی کوز اوجیله تعقیب ایتکده در . اوپله دکللی ؟

ایکنجی ماده — (مفرزه ایلک اوکجه شماله طوغری تبدیل
استقامت ایدمک) سوزی تصور ایدلمش اولان حرکتک هیئت
عمومیه سنی ناطقدر . کرچه آشاغیده کی نومرولر ، حرکتک تفصیلاتی
کوسترلر . لکن بونکله برابر . حرکتک هیئت عمومیه سی نهدن
عبارت اوله جق ایسه آنی ایلک باقیشده کورمک لازم کلور .

اوچنجی ماده — (واللی یر) نه ری وادیسی بالخاصه سزک
نظر دقتکزی جلب ایدمکدر . باخصوص ، (بهل قرووا) ده
بردن بره دشمنک باصقینه اوغرامش اولماق ایچون دشمن (قولو-
مبهی) واصل اولمش بولنه جنی زماندن اعتباراً سز مذکور وادی پی
دها زیاده نظر دقت آله جقسکز . بوندن بشقه سزک سواریکز ،
دشمنک ایجه خاطری صایلور درجه ده کنیش اولان بتون یوروش
جهبه سی اوزرنده اجرای کشفیاته مجبور اوله جقدر .

بولزوم ، باخصوص اراضی برطاقم مانعلری حاوی اولوبده

اطرافى كشف و تماشاده اپى زحمت چكيليورسه او وقت سوارينك
قولای قولای طاغلمش اولسنى ايجاب ايدم جكدر . بوايه شهبه سز ،
بيوك بر محذوردر . زیرا ، يالكز بر نقطه اوزرنده دشمن سواريسنه
قارشو بيوك برسوارى ايله مقابله ايتك ، آنى كندى پياده سى اوزرينه
آتمق الدن كلديكى زمان ، طاغينق بر صورتده حركت اولنديغندن
زياده خصمه دائر معلومات ايدنمك دها چوق مأمولدر . ديديكمز
محذور ، باخصوص دشمنى بكلمك ايجون بر موضع طوتلدينى زمان
دها زياده كنديسنى كوسترر . بوشمدليك سزك خاطر كزده قالسون .
صكره دن حل ايدم جككز مسئله لر سايه سنده شو محذورك بر چاره سنى
بولمغه چاليشه جفكزه امينم .

دشمنك تعقيب ايلديكى استقامت سزجه بللى اولدينى كجى ، آنك
قوتنه دائر اپى معلومات ايدنمش بولمق ايجون ، باخصوص اونك
جناحلرندن برينسى طومتغه چاليشكز . زیرا . سز دشمنك پيشدار
پياده سى طرفندن طورديرلمش اولديغكز آندن اعتباراً آرتق خصمك
جبهه سنه دائر يكي برشى اوكرنه ميه جكسكز .

تهلكلى جهندن ممكن اولدينى قدر زياده معلومات ايدنمش اولمق
ايجون ، سز سواريكزك قسم كليسنى دشمن جناحلرندن سزى اك چوق
تهديد ايدن هانكيسى ايسه اونك عليه نه سوق ايدم جكسكز . شمديكى مسئله .
كزده : سواريكزك كوندريه جكي جناح شهبه سز صاغ جناحدرد . بوكاده سبب
(قولومبى) اولديغنى البت بيلورسكز : (مچ) قريبتى جهتيه سزك ايجون دها
آز تهلكلى اولان اوتكى جناح طاقم ويا كشف قوللرى كجى اوافق تفك
اقسام عسكريه نك تحت نظارت وترصندده قاله جقدر . دشمن پياده سى
سزك طومتش اولديغكز موضعه طوغرى نه قدر زياده باقلاشمش
بولنورسه ، سزك سواريكز اونستده موضعكزك يانلرى اوزرينه

چكلمش اوله جقدر . دشمن سزدن نه قدر زياده اوزاق اولورسه ، سواری قوماندانی كندی موجودینی لزومه كوره قوللانمقده تامایله مستقل قالمش اوله جقدر . زیرا ، دشمن ایله تماسده بولندی ایچون او ، كندی معینه ویرلك لازم كلان وظیفه لری سزدن اعلا تعیین ایتمش اوله بيله جكدر . بناءً علیه سز شمديك سواری بی فصل ایسترسه اوله حرکت ایتكده سربست براقه بیلورسكنز . اما بوكا قارشو ، پیشدار طرفدن بالخاصه تحت نظارت وترصده بولندی رملق لازم كلان استقامت لری ایوجه تعیین ایتمش بولمه كرده شرطدر . او آندن اعتباراً آرتق پیشدار قوماندانیله برلکده یوریان مفرزه قوماندانی ، سوارینك كوندره جکی راپورلردن در حال پیشدار قوماندانی خبر دار ایده جكدر .

(بهل قرووا) نك اشغالنه دائر اولان تفصیلات ، پیشدار

قوماندانك استقلالنه براقلمشدر . ویریلان امرده پیشدار قوماندانه « یكیدن بر امر كلنجیه قدر اوراده دشمنی تأخیر ایده جكسكنز . » دینلمشدر . زیرا ، مفرزه قوماندانی ، قسم کلی ایله ، بیوك آغرلقلر تامایله امین بر محله كلنجیه قدر پیشداری اوراده براقق ایستور .

شبهه سز ، پیشدارك (بهل قرووا) ده نه قدر زمان قاله جفنی تخمین بر صورتده تقدیر ایتك ممكن ؛ لكن مطلق شو قدر زمان اوراده قاله جق دیمك غیر ممكندر . زیرا ، قسم کلی ایله بیوك آغرلقلر یوروشنده اولجه خاطره كلمه مش بر تأخر ك ظهور ایتمی محتملدر .

پیشدار قوماندانك بتون نظر دقتی دشمنك حرکاتی ایله محاربه اوزرینه معطوف اولدینی ائنده مفرزه قوماندانی بالعكس هم قسم کلی و آغرلقلری همده پیشدارك حرکاتی نظر دقتدن آیرماغه یعنی اولنرك هر ایکیسیله ده بر ارتباطده قالمغه چالیشه جقدر .

دردنجی ماده — قسم کلینک بعض اقسامی، مؤخرآ کرک (بهل - قرووا) ده و کرک پیشداری کندی اوزرینه طویلامق خصوصده قوللانه بیلیمک ایچون قسم کلی بر یورویشده همان (مچ) . کیتمش اولیه جقدر . بالعکس او (بورد) مخرجده توقف ایده جک و صکره . دن ویریه جک بر امر موجبجه اوراده هر هانکی بر نظامده اجتماع ایتمش بولنه جقدر . قسم کلی ایچون خصوصی بر قوماندان تعیین ایتمک ایستیانلر ایله بن بر فکرده دکم . زیرا ، قسم کلی دیمک مفرزه دیمکدر . بناءً علیه اکر اوکا بر قوماندان تعیین ایدیلورسه بوندن . اسکی مفرزه قوماندانی عزل ایدلمش دیمک چیقزمی ؟ مفرزه قوماندانی قسم کلینک موقتاً قول باشی ترک ایتدیکی زمان باش طرفده کی طابور قوماندانی حرکاته نظارت ایدر . بوراده مذکور طابور قوماندانی ، قسم کلی یه شماله طوغری-تبدیل استقامت ایتدیره . جک وشو خصوصده اونه کی طابور قوماندانلرینه معلومات ویره جکدر . (مچ) اوزرینه یوریان قسم کلینک ایلروسه یکی بریشدار چیقامق لزوم سزدر .

ایکی بطریه . طویجی طابوری قوماندانک ویردیکی امر اوزرینه درحال سرعتلی یه کچرک (بهل قرووا) یه کیده جکلردر . بو بطریه . لرك احتیاطلری ، ینه قسم کلینک قول نهایتنده یورویشلرینه دوام ایدم جکلردر . طویجی قوماندانی . اکر صکره دن لزوم کوریلورسه ، بو احتیاطلری بطریه لریانه جلب ایتدیره جکدر .

بشنجی ماده — بیوک آغراقلرک رسواری ضابطی قومانداسنده بولنه جقلری اولجه ، حرکت امرنده ذکر ایدلمش اولدیغندن ، آرتق بوراده تکرار آونی بسؤیلمکده هیچ لزوم یوقدر . لکن . تبدیل

استقامت ایدلیدیکی آندن اعتباراً بیوک آغرقلره خصوصی برحافظ ویرملک ایجاب ایدر . بو ، بیوک آغرقلرک امنیتتی دها کوزل بر صورتده تأمین ایتیش اولمق ایچون بوراده خصوصی بر مستثنا تشکیل ایدر .

زیرا ، (قولینی) و (مارسیلی) دن کچهرک شماله طوغری صارقهجق اولان قوتلی بردشمن سواریسنک اولئر عاینده بر هجوم یایمش اولسی محتملدر .

اولجده سزه دیدیکم کی ، بیوک آغرقلرک ، بعض جزء تاملر طرفندن حمایه ایدلمش بولملری نادراً وقوعه کلور حاللردندر . بوراده سزه ، اصل محاربه ایچون چوق عسکر لازمدرکه ، شوندن طولایی سز ، بیوک آغرقلره یالکز بر بلوک ویرمکه اکتفا ایدر . سکز ، سانورم . بو بلوک ، قسم کلینک اک صوکنده یوریان بلوکیدر . بناءً علیه شو وظیفه تعیین ایدلیدیکی آکلاینجه مذکور بلوک ، بیوک آغرقلری بکلمک ایچون بر مدت (پوتی ماره) ده توقف ایده جکدر . میرآلای ب . . . ، اوجنجی طابورک هانکی بلوکی بیوک آغرقلره محافظ اولمق اوزره ویرلیدیکی بیامکه مجبور دکلدر . سفرده بلوکلر ، صره ایله بعضاً کندی طابورلرینک باشنده ، بعضاً نهایتده بورورلر . بناءً علیه مفرزه قوماندانک ویررجکی امرده یالکز : « بر بلوک . . » دیسی کافیدر .

آلتنجی ماده — امرک قطعات عسکریه یه نصل کوتوریله جکلرینی بیان ایتدیککز صرده ، سز ، قسم کلی و بیوک آغرقلره امر ایصال ایتک ایچون لازم کلان تعلیماتی عین ضابطه ویرجکسکز . سواریی کیده جک امر ایسه ، پیشدارک و سیاطیله کوندریله جکدر .

درد اولكى مسئلهده بيوك آغرقلره دائر آلان ترتیباتی صوك
بر دفعه دهايكديكريله مقایسه ایدیکز . برنجیده ، یالکز بسیط بر
ایلری یورویشدن بحث اولئیوردی که ، یورویش ائناسنده دشمنه
راست کلهك احتمالی واردی . بوكا نظراً بیوك آغرقلر کزیده
وباش طرفلری معین ومناسب بر نقطهده بولنق اوزره ایلک اوکجه
بر اجتماع اتمش بولئیورلدی . ایکنجی واوچنجی مسئلهلره کلنجه ،
اونلرک ایکیسوده بر یان یورویشدن بحث ایدیورلدی . شو حالده
بیوك آغرقلر ، قسم کلینک نهایتنه یقین بر صورتده حرکت ایتدیلر ،
فقط اونلره خصوصی بر محافظ ویرلمدی . واکر ، دشمنک تکیسی
جهتنده موازی بر یول کورلمش اولسیدی بیوك آغرقلراویول بونجه
حرکت ایتدیرلمش بولنه جقلردی . مذکور مسئلهلرده بیوك آغر -
اقلر ایله قسم کلی آرمسنده کی مسافه الدن کلدیکی قدر تنقیص
ایتدیرلمشدر . بونکده اصل سببی یول قولنک عمقی ممکن مرتبه
آزالتمش اولق ایچوندر . دردنجی مسئلهده ایسه ، کوزل بر موازی
یول واردر . دشمنک یورویشی یول قولنک بر یانی ایچون تهلکه کی
اولغه باشلادینی آندن اعتباراً بیوك آغرقلر ای بر محافظ ایله برلکده
مذکور یول بونجه حرکت ایدرلر .

بشنجی مسئله

(« آرس — سورموزل » بافته سی .)

ایکی کیلو متره درینکننده ویکباشی ب . . قومانداسنده اولان برارزاق

قافله‌سی (میچ) شهری محافظ عسکرینه تخصیص ایدلشددر . بو قافله‌نك
 هایه‌سنه تعیین ایدیلان قطعهٔ عسکریه ، ۱۳۰ نجی پیاده آلاینك ۱ و ۲ نجی
 طاہوری ایله ۱۳ نجی دراغون آلاینك ۱ و ۲ نجی بلوکلرندن ترکب ایدر.
 دوست مملکتنده ایچه یوریچی بریوریشدن صکره بو دیدیکمز قافله
 ۸۹ سنه‌سی ۱۰ آغستوس کیجه‌سنی ، آقشام پك کچ وقت واصل اولش

بولدینی (ماری یول) موقعیله آنك برآز جنوبنده کچریمکده در .
 دشمنك . (نووه آن) دن کچ رك (میچ) اوزرینه یوریدیکنی ، وهرصنف
 عسکردن مرکب دیگر بردشمن قولنك ده اوکلهدن صکره (غروز) موقعنه
 واصل اولدینی اهلیدن بریسی طرفندن خبر آلمش بولنان بیکباشی ب ..
 سوارینی (نووه آن) اوزرینه کوندردی . بوسواری (قورنی) نك شرقنده
 بوموقع اوزرینه چکلش اولان بردشمن سوارینه تصادف ایتدی . بعده ،
 (قورنی) و (تیلهری) پیشکاهنده دشمن آتشنه هدف اولدی ، بوندن طولای
 (موزهل) کوبریسنه قدر وارمق سواریه نصیب اولدی . اسیر ایدلش
 اولان بردشمن سوارینی (قورنی) ده کندی سواری آلاینه منسوب
 برسواری بلوکلنک بولندینی و بوبلوکلک ، (غروز) موقعندن عربله ایله کلش
 برپاده بلوکی طرفندن تقویه ایدلش اولدینی و ایرتسی کون ایسه بوندن دها
 بیسوک توتلرک (نووه آن) ده (موزهل) نه‌ری کچه جکلرینی برر ، برر
 سویلیدی . بیکباشی (ب ..) ۱۳۰ نجی پیاده آلاینك ۲ نجی طاہوریه
 ۱۳ نجی دراغون آلاینك برنجی بلوکلندن بر طاقم طرفندن تأسیس ایدلش
 اولان ایلری فره‌غوللرینی کیجه (لوقونت) اورمانیله (داری) قوریسندن کچن
 خط اوزرنده یرلشدیردی . (موزهل) نه‌ری اوزرنده (قورنی) ایله (میچ)
 آره‌سنده کی وسائط مروریه‌نك کانه‌سی (میچ) محافظی طرفندن تخریب ایدلشدی .

یاسیله‌جق وظیفه

۸۹ سنه‌سی ۲ آغستوس کونی اینچون بیکباشی ب .. طرفندن آله‌جق
 ترتیبات ایله یونابده کی اسبابك شرح و بیانی . عزیمت آتیه‌قدر دشمنك وضعیتنه
 دائر هیچ بر یکی حوادث کلدیکی ارض ایدیله‌جك ومسئله او صورته حل
 ایدلش بولنه‌جندر .

آلتنجی مکتوب

بر قافله نك حمایه سی

بو دفعه ، بر جانبدارایله حمایه ایدلمش بسیط بر اینری یورویشدن بستیون بشقه بر مسئله باشنده بولنش اوله جغکزی بن کچنکی مکتو- بده مخصوص سزه هیچ سزدیرمک بیله ایستمدم . بالعکس بر قافله نك محافظه سنده آله جق تداییرک ، عمومیت اوزره بر امنیت خدمتنده کی تداییردن آز جوق فرق ایلدیکنی کندی کندیگز ه آکلامش اولمکزی ایستمدم . بر قافله هیچ بر وقت سریع یوری - به مز : اوندن بشقه پکده قوللانیلشی بر شی دکلدر . اگر دشمن بویله بر قافله به هجوم ایدرسه ، آنی دشمنک شو هجومندن قورومق پک قولای برشی اوله مز . و بر قافله نك عربلری نه قدر زیاده اولورسه ، حمایه سی ده اوقدیر زور اولور .

سفرده بر قافله نك سوق واداره سی ایکنجی درجه اهمیتی حائز بر وظیفه اولدینی ایچون ، اکثریا اوکا ضعیف بر قطعه عسکریه الحاق ایدیلور .

قافله بر کره دشمنک دائره تأثیر وتهدیدینه کیرنجه ، پک تهله کلی دکلسه بیله . پک فنا بر قاریشقلغک حصولی ایچون ، مذکور قافله به یالکز بر قاچ قورشون ویا بر قاچ مرینک کبسی کافیدر . اگر بو ائشاده عربلری سوق ایدنلر . عمومیتله عسکر ایشه لر ، بوقاریشقلغک اوکنی آلمق ، اوزون اوزون تأخیرلر میدان ویره مک خصوصنه ینه آز زمان ایچنده بر چاره بولمق اکثریا ممکندر . لکن اگر تکا- لیف حربیه اصولیه جمع ایدلمش اولان قافله عربلرینی سوق واداره

ایدنلر ، کویلیلر اولور و بولنده برحس عداوت ایله متحسس بولنور . لرسه قافله محافظی او وقت ، انتظامک تأمین ووقایه سیچون بالضروره قوت استعمالنه مجبوریت کوره جکدر . بو محافظ کندی مسئولیتی تحتنده اولمق اوزره عربلرک دائمی کندی یرلرنده یوریملرینه ، باش طرفده کی عربلرله طوغری صیقبشملرینه ویولک یالکز برکناری بویجه حرکت ایتملرینه دقت ایدم جکدر . سقط اولمش ویا خساره اوغرامش اولان هر عربله ، تکرار یولنه دوام ایدم بیلجک برحاله قونلمق ایچون درحال یولدن چیقاریلور . و تعمیر ایدلدیکی کبی همان قافله نك نهایته کچرک او وجهله یوریمکه باشلار . اکر برعربله آرتق قوللانیله میه جق برحاله کلش ویا اکر حیوانلری اورولمش ویا خود یاره لشمش ایسه طاشیدینی یوک ، درحال قافله محافظنک دقت وغیرتیه یانی باشنده یوریان دیگر عربلرله توزیع و تحمیل ایدیلور . دشمنه هیچ برشی ترک اتمه مک ایچون ، کریده بر اقلمق لازم کلان هرشی تحریب ایدیلور . لکن ، هر نه یه دائر اولورسه اولسون تخریبات ایجه زمانه محتاجدر . حال بوکه بر رجعت حرکتنده ایسه زمان فوق العاده قیمتی برشیدر .

بناءً علیه ، بر قافله نك حمایه سی ایچون آلنه جق تداییر ، او قافله بی دشمنک هجوم و تأثیرندن مسون بولندیره جق بر صورتده آلمش اولمیدر . اولجه ، امنیت خدماتی خصوصنده ، قطعات عسکرینه نك قدملرله انقسامیه مذکور قدملر بیتنده کی مسافه لرله دائر سویلنان اصول وقواعد بوراده جاری اوله مز . او یله ایسه بر قافله نك حمایه سی ، مستثنای بر صورتده آلنه جق تداییر ایله تأمین ایدلمش بولنور . دشمن ایله تماس حاصل ایدلدیکی آندن اعتباراً قافله بی امنیت آلتده

بولندیرمق و بونك ایچون ده حین حاجتده اوکا یکی بر یول کوسترمك لازم کلور . حتی بعض کره قافله یه یارم صاغ و یاخو دیارم صولایتدرمك مجبورتی بیله کوریلور .

قافله محافطی ، اکر قورتارمق ممکن دکلسه ، عربهلری و آنلرک یوکلرینی تخریب ایتمک ایچون الکی غیر مساعد حاللرده بیله لازم اولان زمانی قازانمغه مجبوردر . بناءً علیه ، بر قافله یی حمایه ایتمک ایچون ، دشمن جهته سوق ایدلمش اولان اقسام عسکریه ، الکی اهمیتلی بر وظیفه باشنده اولدقلرینی اونو تماملیدرلر . بوندن طولایي مذکور اقسامک یالکز قوتلی بر صورتده تفریق ایدلمش اولملری دکل ، پیشدار ، و جانبدارلردن زیاده اوزاقلره کوندرلمش بولملری لازمدر . بر قافله محافطی قسملره آیریلورکن هیچ اولزسه آنک پیاده سنک یاریسی ، بر هجومه اوغرامق محتمل اولان جهته سوق ایدیلور . بو قسم بر پیشدار ، بر جانبدار و یا بر دمدار فصل حرکت ایدرسه اوده او وجهله حرکت ایدر . اوندن بشقه ، بو قسم سوارینک الکی چوغنی واکر طوبیجی وارسه ، اونکده هپسنی برابر کوتورور . بونک ایله محافظ عسکرینک کزیده قالان قسمی بیننده کی مسافهلره کلنجه ، اونلرک چوقا حواله تابعدرلر .

قافله یول قولنک قسم کلیسنی تشکیل ایدر و تخمیناً پیاده نك یاریسنی حاوی بولنور . قافله یاننده قالان عسکرده ایکی مساوی قسسه آیریلور . بونک بریبی قافله نك باش طرفده ، اونه کی نهایتده یورور . بوراده کذلک اقسام عساکر خصوصنده ، جزؤ تام تشکیلاتی بوزمقدن اجتناب ایتمک لازمدر . عربهلر یی تحت نظارت و ترصدده بولندر . مق ایچون لازم کلان نفرلری قافله نك ، باش طرفی ایله نهایتده

یورپیان قدمه لر تدارك ایدر . کرچه بو خدمتی اک کوزل ایفا ایدن صنف سواریدر . لکن ، عمومیت اوزره ، قافله محافظلرینه اوقدر آز سواری ویریلورکه ، دیدیکمز خدمتی اکثریایاده کوردرمک لزومی آشکاراولور .

بونلری سویلدکن صکره ، شمدی ده کندی مسئله منز ایله اوغراشم . شبهه سز ، بو دفعه ده ینه بریان یورویشدن بحث ایدیلیور . کلان خبرلره نظرآ ، دشمنک قسم کلیسی اوکله دن صکره (غروز) موقعنه واصل اولمش بولنیور . بوندن بشقه بزم سواریمز ، دشمنک (قورنی) یی ده اشغال ایتمش اولدیغنی بزه خبر ویریور . شبهه یوقکه ، اسیر دوشمنش اولان سوارینک خبر ویردیکی شیلری ایجه بر تدقیق ایتک لازمدر . لکن ، اونک ویردیکی خبرلر ، دیگر طرفدن کلان خبرلره اولدجه توافق ایتدیکی ایچون دشمنک وضعیته دائر تقریبی اولسون بر فکر حاصل ایتک پک اعلا ممکندر . زیرا ، (موزدل) اوزرینه اولان یورویشنده ، دشمن (غروز) ده توقف ایتدیه بیله (هانکی سیدن طولایی اولورسه اولسون) ینه عینی کونده مهم بر کچید نقطه سی اولان (نووه آن) موقعنی ضبط ایتنهک چاره سنی دوشوندی و بو وظیفه یه ده عربهلر اوزرنده نقل ایدلمش بولان پیاده لری مأمور ایتمش درکه ، اوزون بر یورویشدن صکره دشمنک بویله بر تدیره مراجعت ایتسی پک معقولدر . شبهه - سز - عربهلر ایله نقل ایدلمش اولان پیاده چوق بر شی اوله منز . یالکز بر طابوری نقل ایتک ایچون اک آز (۱۰۰) عربیه احتیاج وارکه ، بوقدر عربیه یی بر آنده حاضر ایتک قولای برش دکلدر . دشمنک (قورنی) ده پک چوق سواریسی اولمدیغنی محقق برشیدر .

چونکه اكر زياده سواريسي اولمش اولسیدی شهبه سز ، دشمن ايلك خطوه دهده بو كويه التجا ايدوب قالمردی . واحتمال دشمنك (قورنی) ده هيچ بر پياده سي بيله يوقدر . چونكه او جهندن كلان تفك سسلری آياقده جنك ايدن بر سوارى قطعه سنده عائد اوله . بيلور . ذاتاً آز چوق اوزون سورهن بر محاربه ويرلدجكه قارابينه سسلريله پياده تفك سسلرى بيننده كي فرقى تميز ايتك قابل دكلدر .

اكر يره اينمش اولان سوارى نفرلرينك باركيرلرى كرچكدن محفوظ بر يرده بولنورلرسه ، اوزمان پوصويه يرلشرك آياقده جنك ايدن سوارينك پياده مي يوقسه سواريمي اولديغنى حقيله اوكرنك ايجون مطلق اوكا قرشو ، پياده سوق ايتك لازمدر .

اوللرى ، طومانك حصوله كتوردىكي كوچك كوچك كومه لرى صايىق و تقدير ايتك مثلاً بر كوى ويا بر اورمان كناريني طوتان مدافعينك عددىنى تخمناً حساب ايتك ، آتش خطنك اشغال ايدلمش اولان نقطه لرينى وكثافتى كوسترمك پك اعلا ممكن ايدى . لكن ، طومانسز باروت قبول ايدلديكى كوندن برى بو آرتق ممكن دكلدر . اسلحه ناريه نه درجه ترقى ايتمش اولورسه ، سوارى دهده او قدر آز اولنرك تأثيرينه كيره جك ، بالعكس ، ممكن مرتبه مذكور سلاحلردن اوزاق بولنه جق وشوندن طولاي دهده دهده آز كورمش اوله جقدر .

اكثرى ، سوارينك فلان ويا فلان يرده دشمن آتشنه هدف اولمش بولمئسندن بشقه برشى بيلمك قابل اوليه جقدر . يعنى سوارى بر دشمن آتشنه اوغرايه جق ، اما بو آتش كيمك طرفدن اجرا ايديليور ، عجباً اونى اجرا ايدن پياده لرمى ، يوقسه يايا بر حالده بولنان

سواریلر میدر؟ کرک پیاده، کرک سواری اولسون، آتش ایدنلرک عددی نه قدردر؟ ونه طرفدن آتش ایدیوزلر؟ ایشته بوللری اولدینی کبی آکلاق ویا آکلاتمق ممکن اوله میه جقدر. حاصلی دشمن پوصولر کریسنده ایودن ایویه کیزلی طور دجه، شدتلی روزکار اسدجه ویا کولک کورلمه لری اولدجه دیدیکمز خصوص بسبتون کوچ برحاله کیره جکدر. بناءً علیه اکر استکشافه مأمور اولان سواری دشمنه دائر جدی معلومات استحصال ایتک ایستیورسه، جدی تلفاته اوغرا. مش بولنمقدن ده قورقما میدر؛ تفک آتشلرندن بحث ایتمش اوله جفی زمان ایسه بو آتشلرک قاراینه آتشلری اولمديغندن قطعاً امین بولنمیدر وزمانم زده سوارینک آیاقده جنک ایتمش اولمسنندن مقصد اساساً دشمنی آلداتمقدن عبارت بولنمديغنی وبناءً علیه سوارینک آیاقده جنکی اولدن زیاده اهمیت قازانمش اولمديغنی هیچ خاطرندن چیقارما. ملیدر.

(غروز) دن کلان دشمن، ایرتسی صباح (موزمل) ی کچکدن صکره شاید جنوبدن شماله طوغری (مچ) اوزرینه کیدن یوللری کسمش اولورسه، عجیاقافله (مچ) قدر کلمکه موفق اوله بیله جکمیدر؟ دشمن، (مچ) ک جنوبنده اولمديغمزی اوکر نمش اولدینی زمان، دیدیکمز کبی، مذکور یوللرک قیادلش اولمسنی احتمالکه نظر دقتدن دور بولندير میه جقدر. بونک سبی ده بوجه آتی بیان اولنور:

(قورنی) دن (مچ) کیتمک ایچون دشمن (ژوی - اوزارش) دن کچه بیلور. لکن (ژوی - اوزارش) ده (موزمل) کچکندن چیقماق خصوصنده دشمن اپی مشکلاته اوغرایه جقدر. زیرا، (مچ) محافظ عسکری آنک بو کچکدن چیقمنی منع ایتک ایچون بورایه

كلش بولنه جقدر . دشمنك بو استقامت بويجه كيتمسنه مانع اولان ديكر برسبب ده وار :

في الحقيقه (مچ) ك جنوبنده بعض دشمن قطعاتي بولنيور . دشمن بوقطعات عسكريه نك قوتلري عجبا كندی خط رجعتي تهديد ايدم جك قدرمي ، دكلى ؟ بوراسني بيلميور . برجهتدن دشمن نچيدلردن چكينه ركدن (مچ) اوزرينه ايلرولمكي آرزو ايدم جك ؛ ديكر جهتدن هنوز جنوبده بولنان دشمن قطعاتي (مچ) دن بستون آيرمق خصوصي دوشونه جكدر . بناءً عليه دشمن احتمال كه ، قسم كليسي ايله (فہی) اوزرينه يوري يه جك ؛ بوندن طولايي قافله نك امنيتي بك بيوك برتهديد آلتنه دوشمش بولنه جقدر . اويله ايسه بر جانبدار ايله دشمن طرفندن ستر ايدملك . ودشمن (فہی) يوللرينك عقدہ نقطه سني ضبط ايلمكن منع ايتك لازم كله جكدر . بونقطه نظر دن ايسه دشمنك (وەرشو) دره سي واديسندن چيقوب كلسنه قطعياً مانع اولمق لازم كلور . بناءً عليه كوريلور كه ؛ ايلك او كجه ياييله جق ايش ، (فہی) نقطه سني طوتمقدن عبارتدر .

دشمنك بو (فہی) نقطه سنه هيچ اهميت و يرميه رك . مثلاً (سەنت - بالهز) دن كچوب كيتمسنه بك آز احتمال و يريه بيلور . مع هذا . اونك بو وجهله حركت ايتمش اولمسنه هيچ برشي مانع دكلدر . كرچه ، (سەنت - بالهز) يولي ايجه يقوشلي اولديني ايجون بك اوقدر اي بريول يرينه كچميه جكدر . اوندن بشقه دشمن بياده سي اويول اوزرنده اپي آغر بريورويش تعقيب ايدم بيله جكدر . دشمنك اويولدن كلوب كليجكني سزك سواريكز بك ار كندن اوكره نه بيلور . چونكه (سەنت - بالهز) تپه سندن بتون (موزهل) واديسي شويله

طابق کبی کوریلور . اگر بیوک بردشمن پیاده قولنک (سنت-بلاهز) اوزرینه سوق ایدلیکی کوریله جک اولورسه ، جانبدار (فهی) نقطه سنی ترك ايله درحال دشمنك كچيد حركته مانع اولق ایچون (غروزی یو) اوزرینه کیتمش بولنه جقدر .

جانبدار قوماندانی شهبه سز ، بواحتالی نظر دفته آله جق و(سن-ژان) اورمانی جهته بر موقع انتخاب ایتک ایچون برضا بط کوندره-جکدر . لکن امر بوندن بحث ایتیه جکدر . اوت ، امرده یالکز (فهی) ك اشغالندن بحث ایدلمش اوله جقدر . دشمن سوارلیسی ، قوتجه ، جانبدارك (سن بلهز) دن كچمسه مساعده ایتمش اولسه بیه بوسواری ینه هر حالده جانبدار ایچون برجان صقیندلیسی اوله جقدر . زیرا ، (سن بلهز) تپه سندن شرقه طوغری ایجه اوزاق یرلری کورمك ممكندر . بناءً علیه دیدیکمز سواری احتمال که ، قافله نك یوروشنی کشف ایتمش بولنه جقدر . مع هذا ، بوقافله عددجه فائق برسواری قطعه سنك هر درلو تشبثاته قارشو کندی پیاده سیله درجه کفایه ده حمایه ایدلمش بولنیور .

جانبدار بریان موضعی طوته رقدده کندی وظیفه سنی پك اعلا باشه چیقهره بیلوردی ، فکرینه ، آزچوق دوشمش اولدیمکزی آکلا یورم . رجا ایدرم ، (تعیه رهبری) نام اثرک شو بجه عائد اولان فصائی برکره ده کوزدن کچوریکز .

دشمنك تعقیب ایده جکی یول ، (قورنی) دن (فهی) . کیدن یولدر . فی الحقیقه ، (صومی) جوارنده بر موضع طوته رقد بویولی دوکمك پك اعلا ممکن ایدی . اگر جانبدار ، یوزی جنوبه کلمك اوزره اوراده یرلشورسه ، طبیعی دشمن (فهی) اوزرینه یوریمزدن اول

بر کره اورایه هجوم ایتمه مجبور اوله جقدر . لکن بریان موعنده بولنسی لازم کلان الک باشلیجه شرط (تهدید ایدلمش اولان جناحه کوزل بر نقطه استاده مالک اولمق) بوراده موجود دکلدرد . اوله ایسه ، دوشوندیکمزکی (صومی) ده بر موضع طوتلدینی زمان یاندن چویرمک و بناءً علیه صاغدن صوله قدر طرد ایدلمش بولنق تهلهکی واردرد . برده ، جانبدار شوموضی لایق اولدینی وجهله طوته بیله جک درجه ده قوتلی برشی دکلدرد . اوندن بشقه ، (اونیی) جوارنده کی صرب یقوشلر ایله (غولوت) اورماننده کی کسک و عارضه لی یرلردن طولای ^{نی} رجعت حرکتی بالسهوله یابلمش اوله میه جقدر . بونک ایچون سزه طوغریسنی سویله میم . بن بریان موضعی طوتمق فکرنده اولانلردن دکلم . بالعکس یالکز (فهی) نقطه سنی طوتمق ایستینلر ایله برابریم . بریان موضعی طوتمق خصوصی بوراده ذاتاً ایجه تهلهکی برشیدر . اومازمکه ، هرکس بنم شوفکریمی تصدیق ایدرد . (قورنی) علینه هجوم ایتمک فکرینه ده صاقین دوشمش اولمیکز . واقعا بوخصوص ایلك نظرده خوش کورینور . مع هذا ، وضعیت عمومیه بونک اوله اولسنی ایجاب ایدم جک درجه ده واضح دکلدرد .

دشمن کیجه لین ، (قورنی) ده کی پیاده سنی تزید ایتمش اولدینی ایچون آقشام کلن راپوره آرتق طوغری نظریله باقیله مزسه ، بزم پیاده مز تعرضه کچدیکی حالده شبهه مز ، پک آز وقت صکره تهلهکی بروصیت قارشوسنده بولنش اوله جقدر . وشوندن طولای ، قافله مز بیله بیوک مخاطره یه معروض قالمش بولنه جقدر .

هیچ کیسه نک برونی قانه مقسزین ، وظیفه کزی باشه چیه ره - یلمک امیدلری وار ایکن اصلاً بر محاربه یه سبیت ویرمکه آلیشمیکز .

شمعی ، دشمن ساعت قاچده (فہی) اوکنہ کلہ بیلہ جک ،
بر دفعہ اولی دوشونہلم . دشمنک (موزل) نہری آتلامش اولان
سواری ، فرزند لری شہسز ، یارین علی الصباح تکرار استکشافہ
باشلایہ جقلر و بناءً علیہ اولر شقلہ برابر (فہی) اوکنہ کورلمش
اولہ جقلر در .

بزم سواریمز اولرہ قرشو بر پردہ تشکیل ایدہ جک ؛ لکن
(موزل) ایلہ (سہیل) آرہ سندہ کی اراضینک کوریلہ بیلدیکی (فای)
و (سہت بلہز) جہتندہ کی تپہ لہ دشمن سواری کشف قوللری
کچمش اولمقدن منع ایدوب ایدہ میہ جکنہ سواریمز امین دکدر .
(قورنی) دہ کورلمش اولان پیادہ اقسامی تقویہ ایدلہ مش بولنیور .
سہ ، اولرک بردن برہ (فہی) اوزرینہ یوریمش اولملرینہ پک احتمال
ویریلہ مز . چونکہ بویلہ یالکز باشنہ اورایہ قدر کلہ جک اولورلرسہ ،
اولر بیوک بیوک تہلکہ لہ معروض قالمش بولورلر . اک ایوسی
اولر . (غروز) دہ کی قطعات عسکریہ نک ورودینی بکلیہ جکلر ویالکز
(نووہ آن) کوپرسی محافظہ ایتکلہ اکتفا ایلہ جکلر در . بزنی اک
چوق اشغال ایتک و دوشوندرمک لازم کلان (غروز) دہ کی قطعات
عسکریہ در . (نووہ آن) دن کچمک شرطیلہ (غروز) دن (فہی)
قدر تخمیناً (۱۰) کیلو مترہ لک بر مسافہ واردر . اگر دشمن کو-
نش طلوع ایتدیکی صرہ دہ یعنی ساعت (۵) ہ طوغری - دشمن
اصلاً بوندن ارکن حرکت ایتیمہ جکلر - یولہ چیمش بولنورسہ ،
پیشدارینک اوجی ، (موزل) دن کچدیکی صرہ دہ زمان غائب
ایتدیکی فرضیلہ ، ساعت ۷ صولرنده (فہی) اوکنہ کلش اولہ جقلر .
اولہ ایسہ ، صباح ساعت ۷ صولرنده ، قافلہ نک (فہی) ی ویاخود
شرقدہ کی یولی کچمش بولنسی لازم کلور .

احتمال ، که سز ، (مچ) اوزرینه اولان یورویشکزه کیجه لین
 بیله دوام ایتمکی دوشونمشکزدرد . لکن اونوتماییکزکه ، قافله
 اوزون و پک یوریشی بر یورویشدن صکره واپی کچ وقت (ماری -
 یول) واصل اولمشدر . بناءً علیه تکرار یورویشه باشلامزدن
 اول ، کرک نفرات و کرکسه حیوانات صوک درجه استراحته محتاجد -
 رلر . چونکه صوک درجهده یورلمشدر و طاقتدن دوشمشلردرد .
 مع هذا قافله یه ایرتسی کون پک ارکندن یورویش یادر مق ممکندر .
 او یله ایسه ، قافله کزنی تحت امنیتده بولندیرمش اوله بیلیمک ایچون
 ساعت قاجده حرکت ایتمک لازم کلدیکنی تخمینی بر صورتده حساب
 ایدیکز . ایشته سزک هر شیدن اول دوشونه جککزر مسئله بوندن
 عبارتدر . بونک ایچون ابتدا قافله نک استفاده ایدیه بیله جکی التصاق
 یوللرندن ایشه باشلاییکز . (ماری یول) دن (مچ) و ایکی بیوک
 یول کیدیور . بریسی (وهزون) ایله (نهی) دن کچور . اوتنه کی
 ایسه (سابره) دن کچور . بوصوک نقطه دن اعتباراً (قووان -
 لوکووری) اوزرینه یوریمک و یاخود عین یول اوزرنده قالمق ممکندر .
 شبهه یوقکه ، (اونیی) ویا (پرایل) دن کچامیه جک ، لکن ، بیوک
 یول تعقیب ایدیه جکدر . (بوری) دن کچن ، (پورنوی) یولی
 او یله ظن ایدرمکه سزک نظر دقت و توجه کزنی جلب ایده جکدر .
 لکن اولجه کشف ایدلمه مش اولان بویولک هر نقطه سی سزک ایچون
 قابل استفاده بر حالده اولدیغنی سزه کیم تأمین ایده بیلور ؟ ذاتاً شو
 یولک یکانه فائده سی ، شرقدیه کی بیوک یوله بر آن اول وارمش اولمکزه
 مساعد بولنمقدن عبارت دکلیدر ؟ اک قیصه یول واقعا (نهی) ایله
 (اونیی) دن کچن یولدر . لکن قافله اورادن کیدرسه ، پک زیاده
 آجیق و تهلکه یه معروض قالمش اولور .

بناءً عليه قافله (سابره) اوزرندن ، جانبدار ايسه (فهى) دن
كچه جكدرد . هر نه قدر بردن بره (فهى) دن اوزا قلاشمقده بيوك
قائده وارسه ده ، قافله (سابره) دن اعتباراً بيوك يول اوزرنده
قاله جقدر . چونكه اوسايله ده ، (قووان لوكوورى) دن كچمش
بولنمى حاله نظراً ده چابوق يورى يه جكدرد . وقافله بر كره
(كوورى) نك غربنده يوللرك تلاقى نقطه سنى كچمش وشمال استقا .
متى طومتش اولنجه آرتق كاليله امنيتده بولنمش اوله جقدر .

دشمنك ساعت (۷) دن اول اصلا (فهى) اوكنه كمش اوله .
ميه جغنى اولجه كورمش ايدك . اويله ايسه ، قافله نك شو ساعتده ،
(كوورى) نك غربنده كى يوللرك تلاقى نقطه سنى كچمش اولمى
كافيدر . بوندن آكلاشيلوركه ، (سهيل) ي كچمكه حاجت قالمقسزين
بو مسئله يى حل ايتمك ممكندر . وشو حاله نظراً هيچ ظن ايتممكه ،
(سهيل) حرقى قافله كز ايله دشمن آره سنده بولنديرمقده برلوزوم
حقيقى كورلش اولسون .

قافله نك درينلكى ۲ كيلو متره در . قافله نك محافظه سنه پياده نك
ياريسى يعنى برطابور ويريله جكدرد . بو طابور كندى بلوكلرندن
بريسى پيشدار يابه جقدر . بيوك آغر قلقلر طبيعى قافله ايله برلكده
يورى يه جكلر وبوللرك عمقى تخميناً ۲۵۰ متره قدر برشى تشكيل
ايدم جكدرد .

پياده اوجندن ، قسم كلينك نهايته قدر تخميناً ۴ كيلو متره لك
برمسافه اوله جقدر . زمان جنسندن بومسافه ۵۰ دقيقه ديمكدرد .
(مارى يول) ك شمال غربى مخر جندن ، (كوورى) نك غربنده
يوللرك تلاقى نقطه سنه قدر اولان مسافه ، عدد صحيح اوله رق ، ۶

کيلو متره يعنى ۷۲ دقيقه در . شوحاله نظراً ، پياده اوجى الك کچ ، ساعت ۷ دن ۲ ساعت اول يعنى صباح ساعت (۵) ده (ماری يول) دن حرکت ايده جکدر . بر آژ دها اول ، يوله چيقلمش اولسه ، طيى دها ابو اولور . زيرا دشمنك عزيمت ساعتى بزجه بللى دکلدر . واوندن بشقه هر نه قدر بيوك يول پك كوزل بر حالده ايسه ده ينه ايلريده بعض اوموله دق عارضه لردن طولاني قافله نك تأخر اته او غرامسى محتملدر . بناءً عليه سز قافله يي صباح ساعت ۴ بحق وحتى ۴ ده بيله حرکت ايتديره بيلور سکز . لکن ، دشمنك حالى سزى نه قدر تهديد ايدرسه ايتسون ينه بوندن ارکن يوله چيقمىکيز . زيرا کرک افراد کز و کرک حيواناتکيز ، برکون اولکي يورويشدن طولاني استراحته صوک درجه محتاج بولنيورلر . اکر سز ساعت (۴) ده حرکت ايده جک اولور سه کز ، ساعت (۳) ده هرکنك اويانق بر حالده بولمى لازم کلور . ايسته بونك ايچون ديورم که سز ، عزيمت ساعتى ۴ بحق اولمق اوزره انتخاب ايدىکيز ؛ بو هپسندن اعلا در .

قافله آنجق ، (اويني) يه آيريلان يول جوارنده کي (تعليم - استحکام) نى آتلاش بولندينى زمان تماميله امنيت آتته کيرمش بولنه جقدر . (کوورى) نك غربنده يوللرک تلاق نقطه سندن بو استحکامه قدر قسم کلينک نهاى (۴) كيلومتره لک بر مسافه قطع ايده جک يعنى (۴۸) دقيقه اتق بر يورويش يابه جقدر .

جانبداريکيز (نهى) ده واصل اولدينى کي اوراده بر کره توقف ايده جک و بو ۴۸ دقيقه کچنجه يه قدر دشمنه مقابله ده بولنه جقدر اوندن صکره ايسه ، جانبدار (اويني) اوزرينه چکلمش اوله بيله جکدر سز نه قدر ارکن (ماری يول) دن حرکت ايده جک اولور سه کز

کیمسه نك برونی قانه مقسزین (میچ) ه واصل اولمق خصوصنده دها
اوقدر زیاده امید وار اوله بیلورسکیز . جانبدارك ، ارکنجه (فهی) ده
بولنمش اولسنك آیریجه بر فائده سی وارکه اوده (فهی) موضعی
راحت ، راحت اشغال ایده بیلمش اولمقدر . بناءً علیه پیشدارهانکی
ساعتده حرکت ایده جك ایسه ، جانبدارده اوساعتده حرکت ایده جکدر .
بوملاحظات اوزرینه بیکباشی ب .. شووجهله برقرار ویرر :
مفرزه یارین صباح ساعت ۴ بمقدده حرکتله (سابره) دن کچن (میچ)
بولک یولنی تعقیب ایلیسه جکدر . برصول جناح جانبداری ، مفرزه
یول کنارنده کی صحرا استحکامنی کاملاً کچمش اولنجه یه قدر (فهی)
نقطه سنی اشغال ایده جکدر .

مسئله نك ساده بریولده حلی ، ایلری قره غولاردده کی طابوری
جانبداره ویره رك ، ذاتاً کیجه نی قافله یاننده کچورمش اولان برنجی
طابوری ایسه قافله یه برامقدر . واقعا شودرلو یاییلورسه ، کیجه
اویقوسز قالمش اولان افراده ینسه آغر بروغلیفه ویرلش اولیور .
وبیلورم که بوبولک برمحذوردر . لکن بن هر حانده اوفکرده ایم . اگر
سز بالتصادف برنجی طابوری جانبداره ویرمکی اوته کینه ترجیح
ایده جك اولورسه کز : اوزمان ایلری ، کری یور ویشلر یایدیر مامق ایچون ،
اونی (سابره) یولی اوزرنده اجتماع ایتدیرمکی اونوتمیکنز . ایلرولر کزی
استکشاف ایتدیرمکدن زیاده کرک (میچ) قطعات عسکریه سیله وکرک
جانبدار ایله ارتباط حاصل ایتدیرمک ایچون پیشدار ایله قسم کلیکزه
بر مقدار سواری ترفیق ایتمش اوله جفکزه امینم . چونکه بوبولک
طبیعیدر .

(قورنی) جهتده دها چوق سواری بولندیرمش اوله بيلمك
ایچون، شو خصوصده سزه يالکز برطاقمیشور . بوسوارينك قسم
اعظمی ، كرك براج تأسيس ايتمك و كرك ایلرودن ارتباط حصوله
كتورمك ایچون پیشداره ویريله جکدر . دیگرلری ده قسم کلی به ترفیق
اولنه جقدركه اولردن هم مخبره خصوصنده استفاده ایديله جك همده
قافله نك یانلری اوزرینه بعض کشافلر کوندیريله جکدر . سوارينك کری به
قالانی ایسه عمومیت اوزره جانبداره ویريله جکدر .

اوله ایسه انقسام عسکریو وجهله ترتیب ایديله جکدر :

— پیشدار : یوزباشی ب . .

۱۳۰ نجی پیاده آلاینك برنجی بلوکی (یاخود ۱۳۰ نجی پیاده آلاینك
طابورندن بر بلوك .)

۱۲ نجی دراغون آلاینك برنجی بلوکنندن برطاقم (برکوچك ضابط ايله
۸ - ساری اكسيك) .

۷ — قسم کلی (وپوریش نظامی) :

۱۳ نجی دراغون آلاینك برنجی بلوکنندن بر كوچك ضابط و ۸
سواری .

۱۳۰ نجی پیاده آلاینك ۲ نجی بلوکی (یاخود ۱۳۰ نجی پیاده آلاینك
برنجی طابورندن بر بلوك) .

بيوك آغرفلر . { یاخود بالعکس } بيوك آغرفلر .
قافله .

۱۳۰ نجی پیاده آلاینك ۳ و ۴ نجی بلوکلری (یاخود ۱۳۰ نجی پیاده
آلاینك برنجی طابورندن ۲ بلوك) .

— صول یان جانبدارى : بيكباشى م . .

۱۳۰ نجی پیاده آلاینك ۲ نجی طابوری .

۱۳ نجی دراغون آلاینك برنجی (برطاقم اكسيك) و ايكنجی
بلوکلری .

عزیمت ساعته قدر، بیکباشی ب . . . نك ايلك قرارینی تعدیل
ایده بیله جك صورتده بعض راپورلرك كلك احتمالی اولدینی اونوتما .
ملی یز . بونك ایچون بیکباشی ب . . . ایکی امر ویره جکدرکه ، بریسی
اجتماع امری ، دیکری یورویش امری اوله جقدر .

برنجی طابورله سواری ، اك چوق (ماری یول) ده قوناقلره
یرلشمش . قافله یه کلنجه او ، کندی محافظیله برلکده بوکویک جنوبنده
اردوگاه قورمش بولنیور .

قطعات عسکر یه نك فائده سزیره اوته بری کیدوب کلرندن
چکنمك لازم اولدینی ایچون مفرزه نك برنجی طابور یله بیوك آغر -
لقلری (ماری یول) ك (سابره) یه متوجه اولان مخرجنده طوبلا -
نه جقدردر . قافله عزیمت زمانسه قدر اردوگاهده قاله جق ویالکزر
یول قولنده ، درحاک کندی صره سنه کیرمك لازم کلدیکی وقت اردو -
گاهدن آیریله جقدر . برنجی طابورك صوك ایکی بلوکی یول کنارنده
قافله یی بکلیه جککر . وقول نهایتندن آنی نعقیب ایلده جکدردر .

اگر سز - بیوك آغر لقلری (سابره) یولی اوزرنده اجتماع
ایتدیره جك اولورسه کزرجایدرم ، دقت ایدیکزکه یولك برجهتی دائما
آچیق و سربست قالسون . چونکه اگر اجتماع زماننده یول
تمامیله قاپادلمش اولورسه ، وقت ضیاعی سببیله بونك ایلروده پك فنا
نتیجه لر حاصل ایتسی ممکندر . اولیه ایسه . عربهلرك ممکن اولدینی قدر
یولك صاغه استناد ایتلمی واو وجهله طوبلانلمی ایچون اولنره
شدتی برامر ویریکز . وبوامریکزك نقطه سی نقطه سنه اجرا ایدلمش
اولسی ایچونده بیوك آغر لقلرده کی مأمورلردن بریسی اوخصوصه
مأمور ایدیکز . چونکه ، ایش باشنده سزك امرلریکزك حسن تطبیق

واجرا سندن مسئول اوله جق بللی باشلی بر آدم بولنورسه اوزمان هرشی طییی سزك ایستدیککز کبی اولور .

انقسام عساکره کوره بیوک آغرقلر ، قسم کلینک مرکزنده یورورلر و بوندن طولای قافله نك بر قسمی تشکیل ایدیورلر ، دیمکدر . شبه یوق که بوراده اولره نظارت ایتک ، یالکز باشنه حرکت ایتش اولملری حالندن ده قولا ی برشی اوله جقدر .

اشبو مستتا حالده ، اولرك بر قاج کیشی یه تنزل ایتش اولان محافظی پیاده ویا سواریدن بر کوچك ضابطك اداره سنده بولنمق کافیدر . بیوک آغرقلری قافله نك باش طرفنده حرکت ایتدیریکز . زیرا ، اگر سز اولری نهایت قویه جق اولورسه کز ، صکره عزیمت زماننده بتون قافله اولجه ذاتاً اجتماع ایتش اولان بیوک آغرقلری تضعیف ایتمه مجبورت کورمش بولنور . بیوک آغرقلری ساعت ۴ ی جاریك کچه اجتماع ایتدیره جکسکز ؛ بوجهله که ، عزیمت ایچون کوستریلان ساعتده عربهلرک کافه سی صره حالنه کیرمش ولنه جقدر .

صول یان جانبدار ی اولمق ایچون تعیین ایدمش اولان طابورایله . سواری طاقی ایلری قره غولنرده بولنیورلر . اوילה ایسه جانبدار لریده ومثلاً (فه ی) یولی اوزرنده (وه زون) ك ۶۰۰ متره شمالنده کی رسك نقطه سنده اجتماع ایدم جکدر .

جانبدار قوماندانی ، ایلری قره غوللرک اجتماعه دائر اولان سیلاتی تنظیم ایده جک و سواری طاقی در حال کندی بلوکنه ندره جکدر .

اقسام عسکریه دن هر بریسی، امر آلفه کیده جک اولانلری اولجه تعیین ایده جکدر. مثلاً برنجی طاہورده آتلی بولنان ضابطلرک هپسی امر آلفه کیده بیله جکدر. حال بوکه، جانبداردن بوخصوص ایچون احتمال یالکز طاہور قوماندانیله ایکی سواری بلوک قوماندانلری کیتمش اوله جقدر. امر آلمق ایچون تعیین ای دیله جک اولان ساعت پک ارکن اولمی. زیرا، امر آلفه کلان ضابطلر، کندی قطعه لرینه کیتمک ایچون ایجه برمسافه تعقیب ایده جکدر. انقسام عساکر شهبه سز، اجتماع امرنده ویرلمش اوله جقدر.

قولک عمقنی پک اوزاتماق ایچون، قسم کلی ایله پیشدار آره سنده کی مسافه ۴۰۰ یاخود ۵۰۰ متره یی کچیه جکدر. قافله یه نظارت ایتمک ایچون لازم کلان افرادی برنجی طاہور ویره جکدر. اک ایوسی، قافله نك محافظتی برکیجه اولی کندیسنه ویرمکدر.

قافله (۱۰) عربده دن عبارت طاقلره آیره له جق، بونلردن هر بریسی، یاننده برقاج نفر بولنان برکوچک ضابطک اداره سنه تودیع اولنه جقدر. آتلی برضابط ایسه، طاقلرک هیئت عمومیه سنه نظارت ایتمک مأمور اوله جقدر. برنجی طاہور برکون اولیسی قافله یه محافظلق ایتشدی. بناءً علیه او، خدمتک صورت جریاننه طبیعی واقفدر. بوندن طولانی بتون شو تفصیلاتی مذکور طاہور قوماندانی تنظیم ایده جک و قافله نك تام زماننده اردو کا هدن عزیمت ایتسنه ینه اونظارت ایله جکدر. طاہور قومانداننک بووظیفه سی پک زور برشی اوله جق دکلددر. چونکه بوراده کوچک برقافله باشنده بولنیور. بونکله برابر، شو وظیفه یی حسن صورتله و مطلوبه موائق بریوله اجرا ایده بیامش اولمق ایچون برنجی طاہور قوماندانه بیوک براسه قلا لیت

ویرلمک لازم کلدیکی شمدی کوره جکزر . جانبداره کلنجه ، اوکایالکز (نهی) نقطه سنی طوتمق ویکی برامر ویریلنجه به قدر اوراده قالمق ایچون تعلیمات ویرلمک یتیشور . بوخصوصده ایجاب ایدن ترتیباتی آلمق ایسه ، شبهه سزه هپ اونک کندی قوماندانه عائد بروظیفه در . جانبدار قوماندانک مؤخر آنه وجهله حرکت ایده جکی ده یکی برامر ایله تعیین اولنه جقدر .

مفرزه قوماندانی ، (قورنی) استقامتده استکشاف ایدملری لازم کلان یوللری بیان ایدرک طبعی استکشاف خدمته برآز مداخله ایتش اوله جقدر . مومی ایله ، (موزمل) وادینسی تعقیب ایدن و (زوی - اوزارش) . کیدن یول ایله دشمن کشف قوللرینک کری به یوسکور تاملرینی خصوصی بر صورتده اشعار ایده جکدر . شبهه یوق که ، حرکت امری آرتق بیوک آغراقلردن بحث ایتیه جکدر .

احتمال ، که مفرزه قوماندانه بریر تعیینی خصوصنده برآز متردد بولنورسکز . مفرزه قوماندانک قافله ایله آلیش ویریشی ، ییلورسکز که ، یالکز قافله نک یوروشنی تعطیل ایتدیکنی آره صره اوکرنمک ایچون حس ایلدیکی مراقدن عبارتدر . تفصیلات سائر ، عپ برنجی طابور قوماندانه براقیله جق ، بناءً علیه اونصل ایسترسه ، ویله یاپه جقدر . مع هذا ، مفرزه قوماندانی قسم کلی یاننده بولما . قله برابر ، برنجی طابور قوماندانی ، هیچ بر وقت قسم کلنی قو - اندانی عنوانی حائر اولیه جقدر . مفرزه قوماندانجه اک مهم اولان ی ، جانبدار جهتده ظهور ایده جک وقایعی بررر تعقیب امکان عبارتدر . بناءً علیه مفرزه قوماندان جانبدارک یقینده نسه جق وبر محاربه وقوعه کلدیکی زمان ، جانبدار قوماندانک

استقلال حرکته مداخله دن چکینه رک دشمنک یوروشنی ترصد ایلیه جکدر . مفرزه قوماندانی اصلا هیئت عمومیه یی کوزدن دوشور . میه جک و جانبدارک محاربه دن چکیله جکی زمانی بوله بیلیمک ایچون تفصیلاته کیریشمه جکدر . جانبدارک بر رجعت ائناسنده ، کندی صاغ جناخنده بولنان خط رجعتی تعقیب ایتک خصوصنده اوغرایه . جنی مشکلات مفرزه قوماندانک البت نظر دقتی جلب ایده جکدر . مفرزه قوماندانی اوندن بشقه ، قافله بر کره امنیت آلتنه کیرمش اولدقدن صبره ، جانبدارک ، قافله کیروسنده یوریمکده اولان ایکی بلوک اوزرینه جمع ایدلسی لازم کلوب کلیه جکنی تعیین و تقدیر ایلیه جکدر .

اگر سز ، مفرزه قوماندانی جانبدارک بولندی جهندن بشقه بر طرفده فرض ایدیورسه کز ، اوزمان جانبداره ، ساعت ۷ وحتی دهها زیاده امنیت ایچون ساعت ۷ بجغه قدر (فهی) ده قالمق و صکره (اوینی) اوزرینه رجعت ایلیمک خصوصنده لازم کلان امری ویریکز . بویله یابه جق اولورسه کز ، جانبدار قوماندانی مفرزه قوماندانندن کنديسنه یکدن امرلر ویرلمه جکی حالنه کوره کندی وظیفه سنک نه قدر زمان امتداد ایتمش بولنه جغنی ایوجه آکلامش اوله جقدر . ایشته ویرله جک ایکی امر بوجه آتیدر :

(ماری یول)

۱ - ۸ - ۸۹ - ۱۱ کیجه

نومرو ۱ —

مفرزه امری

۱ — بروجہ آتی قطعات یارین صباح
ساعت (۴) بمقده اجتماع ایدہ جک
و حرکتہ مہیا بر حالہ بولنہ جقلردر :
۱۳۰ نجی پیادہ آلاینک برنجی طا -
بوری ، ۱۳ نجی دراغون آلاینک برنجی
بلوکندن بر طاقم (ماری یول) ک
(سابرہ) یہ متوجہ اولان مخرجنده ؛
قافلہ ایسہ شمڈیکی محافظیلہ برلکده
اردو کاہدہ ؛

صول یان جانبداری (وہ زون) دن
(فہی) ہ کیدن یول اوزرنده (وہ -
زون) ک ۶۰۰ مترہ شمالندہ کی دیرسک
نقطہ سندہ (۲۶۷۱۵ راقم) .

۲ — ۱۳۰ نجی پیادہ آلاینک برنجی
طاہورندن یانندہ برقاج نفر اولدینی حالہ ،
قدملی برکوچک ضابط ادارہ سندہ بولنان
بیوک آغرقلر نہایتلری (ماریول) دہ
اولق و برصرہ تشکیل ایتک اوزرہ یارین
ساغت (۴) ی چاویک کچہ (ماری -
یول) دن (سابرہ) یہ کیدن یول
مخرجنده اجتماع ایدہ جکلردر . بو آغر -
قلر یولک صاغ طرفنی طوتہ جقلر واوتہ کی
جہتی مطلق آجیق بولندیرہ جقلردر .

۳ — حرکت امری صباح ساعت
(۴) ی چاریک کچہ و (ماری یول) ک

انقسام عساکر

۱ — پیشدار : یوزباشی ن ..
۱۳۰ نجی پیادہ آلاینک برنجی
بلوکی (یاخود ۱۳۰ نجی پیادہ
آلاینک برنجی طاہورندن بر
بلوک) .
۱۳ نجی دراغون آلاینک
برنجی بلوکندن بر طاقم (بر
کوچک ضابط ایلہ ۸ سواری
اکسیک) .

۲ — قسم کلی (ویوریش
نظامی) :
۱۳ نجی دراغون آلاینک
برنجی بلوکندن برکوچک ضابط
ایلہ ۸ سواری .

۱۳۰ نجی پیادہ آلاینک ۲ نجی
بلوکی (یاخود ۱۳۰ نجی پیادہ
آلاینک برنجی طاہورندن بر بلوک) .
بیوک آغرقلر . { یاخود عکس ترتیب
قافلہ .

۱۳۰ نجی پیادہ آلاینک ۳ و
۴ نجی بلوکلری (یاخود ۱۳۰ نجی
پیادہ آلاینک برنجی طاہورندن
۲ بلوک) .

۳ — صول یان جانبداری :

بیکیباشی م ...
۱۳ نجی پیادہ آلاینک ایکنجی
طاہوری .

(وهزون) ه متوجه اولان مخرجنده ويريله جکدر .	۱۳ نجی دراغون آلاينک برنجی (برطاقم اکسيک) وایکنجی بلوکری .
--	--

بيکباشی
... ب

آقسام عسکریه دن امر آلتق
ایچون کوندربلانلره یازدیرلشدور.

(ماری پول) ك (وهزون) ه متوجه مغرجی

۲ — ۸ — ۸۹ — ۱۵۰ » ۴ كوندوز

نومرو — ۲

مفرزه امری

۱ — (دشمن) ، (غروز) و (نووه -
آن) دن كچه رك (مچ) اوزرینه یوری -
یه جك كبی ككورینیور . (قورنی) و
(توبله ری) موقعلری دونکی كون دشمن
طرفندن تحت اشغاله آلتشلردر .

۲ — (مفرزه) بوكون ، بزم كندی
قطعاتمز طرفندن اشغال ایدلمش بولنان
(مچ) اوزرینه یوری یه جكدردر .

۳ — (پيشدار) ساعت ۴ بچقده
عزیمت ایده جكدردر . پيشدارك طوته جفی
استقامت شودر : (سايره) یولی ،
(كووری) نك غربنده کی یوللرك التصاق
نقطه سی ، (مچ) . اثنای حرکتده
پيشدار (مچ) قطعلت عسکریه سیله ارتباط
حاصل ایده جكدردر .

۴ — (قسم کلی) ۵۰۰ متره دن تعقیب
ایلیه جكدردر . قافله عربله لرینه نظارت ایتك
خصوصنده لازم كلان نفرلری برنجی طا -
بور تدارك ایده جكدردر .

۵ — (صول یان جانبداری) درحال
(فهی) نقطه سنی اشغال ایده جك ویکی
بر امر ویریلنجه یه قدر اوزاده قاله جقدردر .
بو جانبدار (ورشوت) وادیسی ، بونجه
(فای) ك اوته جهتلرینی و (سن بله ز)

نقطه سندن ایسه (قورنی) استقامتی
کشف وترصد ایتدیره جکدر . و دشمن
کشف قوللری (موزه ل) وادینه طرد
ایله جکدر .

۶ — بن صول یان جاندار یله برابر
بولنه جفم . راپورلر اورایه کوندرملیندر.
برنجی سواری بلوکی بن معیته ۶ سواری
ویره جکدر .
بیکباشی
.. ب

اجتماع ایتش اولان اقسام
عسکریه قوماندانلرینه شفاهاً
ویرلشدر .

مفرزه نك بيوك بر قسمنى (فهى) ه كوتورمك وقافله ايله بيوك
آغرلقلى ده يالكز ۲ بلوك حمايه سنده اولمق اوزره صاغ طرف
يولى اوزرندن يوريتمكدن عبارت اولان ديكر بر حله دائر هيچ
بر صورتده جدى بر اعتراضده بولنه مام . شويله بر حالده امر ،
بر جانبداردن دكل بالعكس ، اصل مفريزه نك كنديسندن بحث ايتمش
اوله جقدر . واو زمان دشمن پياده سى مفريزه دن خبردار اولمدينى
مدتجه ، يالكز دشمن سواريسى طرفندن تهديد ايديله بيله جك اولان
قافله نك حمايه سيچون ايكي بلوك كافى عد ايديله جقدر . بو ايكنجى
صورتده كى حل ايله آنك فائده ويا محذورلر ينى بر آز تدقيق
ايديكز .

برده مسئله ده كى وضعت بروجه آتى اولسيدى بيكباشى ب..نك
اخذ ايدم جكى قرارك ينه عيى اوله جغه آريجه بر دقت ايديكز :
« قافله (مارى يول) و (فهى) دن كچه رك (ميچ) اوزرينه
حركت ايتمكده در . قسم كلى (مارى يول) ك جنوب مخرجنه واصل
اولدينى زمان (غروز) دن حركت ايدن دشمنك (قورنى) اوزرينه
يورديكى ويا خود اوجى (قورنى) يه كيرمش بولندينى خبر آلنور .
شو حالده ، مفريزه نك بر طابوريله سواريسنك قسم اعظمى درحال
بر پيشدار تشكيل ايدرك برويا ۲ كيلومترو ايلرويه قدر سوق ايدلمش
بولنه جقدر . ديكر طابوره كلنجه او ، قافله ياننده قاله جقدر .

اوندن بشقه ، مفريزه قوماندانى ، كندى قافله سنى شرقه طوغرى
يوريتمكه قرار ويره جك وبوندن طولايى اوكا ، (ساره) دن كچن
يولنه دوام ايدرك ، كندى امنيت خدمتى كنديسى كورمش اولمسنه
دائر امر كوندره جك ايدى .

بناءً عليه قافله ايله برلكده كيدن طابوردن قافله نك كندى امنيتى
ايچون ديكر بر كوچك پيشدار چيقارلش اوله جقدى . سوارى
ايله برابر (فى) . قدر سورلش اولان طابوره كلنجه او ، بردفده
جانبدار اوله جق واك صكره (اونى) اوزرينه چكيلان بر دمدار
حاله كبره جكدرد . بناءً عليه عادى بر ايلرى يورويش ، بر آز
صكره بر يان يورويش واك صكره بر رجعت يورويش حاله
كبره بيلور .

اكر مسئله ده دشمنك (فى) ايله بر آز ده شرفده كى طاغلى
اشغال ايتش بولندينى سويانسيدى ، (سهيل) ك غرب جهته
قالمله آرتق (مچ) . وارمق ممكن اوله مزدي . شو حالده ، قافله
يارم صاغه وياخود يارم صوله دونه رك ، دمدار حاله كيرن پيشدارينك
حميه سى آلتنده (يومه رى يو) و (ورنى) دن كچن اوزون بردائره
اوزرنده يقايى قورتارمه نك چاره سنه باقه جقدى .

اكر ، شمدى سويلديكمز بوايكي فرضيات مسئله يه ادخال ايدلش
بولنورسه ، مسئله ينه اولكى فرضياته آز چوق مشابه بر حالده قالمش
اولوردى . بر فرصت اله كچمينجه اومارم كه ، سز ، بوايكي فرضياته
كورده ويرلسى لازم كلان امرلى قلمه آلمقدن چكنمش اوليه جقسكز .
چونكه بيلورم اونلر سزك ايچون فائده لى براكلنجه صره سنه كچه جكدرد .
كذلك الكزده يالكز بر طابورله ، بر سوارى بلوكى وياخود
۳ طابورله ۳ سوارى بلوكى اولديغنى فرض ايدرك ، مسئله نك انقسام
عساكرينى وساثر نقطه لرينى برر بر ترتيب و تدقيق ايدمك اولور
سه كز ، بوده سزك ايچون پك فائده لى برشى اوله جقدرد .

آلتنجی مسئله

(« غراولوت » و « مچ » ایله برلکده عمومی خریطه)

میرآلای ب .. مفرزه سی ، ۹۸ سنه سی آغستوسك ۲ کیجه سی (مهزی-)

یر - له مچ ([عمومی خریطه] ایله بونك شمالنده کچیریور [دوست مملکت] -
بومفرزه بیکباشی ق ... طرفندن قوماندا ایدلش و (قاله مبورغ) ، (لاما کس) ،
(لادونشان) خطنده یرلشدیرلش اولان ایلری قره غوللر (۳ نجی آوجی
طابوری ، ۱۳ نجی دراغون آلاینک برنجی بلوکندن برنجی وایکنجی طاقم)
ایله ستر و تأمین اولمشدر .

۲ آغستوس کونی اوکلده دن صکره کلان معلومات قطعیله نظرآ (بلا په ویل)ك
جنوب غریبسنده کی (ماکنه خانه) ایله (لونزه ویل - له مچ) ك شمال شرقی
مخرجنده کی (تویله ری) موقعلرندن هر بریسی دشمنك برر سواری طاقیله تحت
اشغاله آلتمشلدر . (سن موریس) ك تا-اوتله رینه قدر وارمش اولان برضابط
کشف قولی (سن ژورژ) اوکنده دشمن آتشنه هدف اولمش و بوموقعك
شرقتده کی تپه لر اوزرینه برصره دشمن آوجیلری مشاهده ایلمشدر . دشمنك
بعض سواری کشف قوللری ده (واپی) ایله (صولنی) جهتلرنده کورلمشلدر .
۳ آغستوس ۸۹ تاریخنده صباح ۳ ساعت ده میرآلای ب .. دن
بیکباشی ح .. ه آتیده کی خبر کوندریلور :

آلدفیم حوادنلره نظرآ ، (موله ن - له مچ)ك غربنده (مهزون - نوو)ده
(وه ردوم)دن امداد بکلمکده اولان بردشمن مفرزه سی بولندیفی آکلاشیلور .
شمدیله قدر دشمندن خالی بولسان (مچ) شهری بوسباح (آنتیلی) دن
کلان میرآلای ق .. مفرزه سی طرفندن تحت اشغاله آلتمش اوله جقدر .

بن دشمنك (مچ) اوزرینه اولان یوروشنی طور دیرمی ایچون صباح
ساعت (۵) ده مفرزه نك قسم کلیسیله (واپی) ، (قوپون) (بلا په ویل)
(له سی) دن کچرک (مهزی یر - له مچ) دن (موله ن - له مچ) ك غربنده
کاش (مهزون - نوو) اوزرینه یوری یه جکم . سزك شمدیکی ایلری قره غوللریکنز
بکا پیشدارلق ایده جکلدر . بن سزه اولردن بشقه ۱۳ نجی دراغون آلاینک
برنجی بلوکندن کیری یه قالان قسمله ۲ نجی بلوکنی ، ۳۱ نجی سیار طومچی

آلاينك برنجی بطریه سنی و ۱۶ نجی استحکام طابورينك برنجی بلوکنی ترفیق ایدہ جکم . بتون شو قطعات عسکریه (آمه لانش) دم قوناقلره یرلشمش بولنیورلر . یکی برامر کلنجه یه قدر بیوک آغی اقلریکزی (سن ره ی) نک شمال مخرجنده براقه جفسکز .

یایله جق وظیفه

- ۱ — وضعیت حاضر یه دائر بیکیباشی (ح..) نک افکار و ملاحظاتی .
- ۲ — بیکیباشی (ح..) طرفندن اخذ ایدیله جک ترتیبات ایله بونلرک اسبابی .
- ۳ — عزیزمئندن ۴۰ دقیقه صکره پشدارک مختلف قدمه لرنی و با خصوص سوارینک نه بولده قوللانلدیغنی کویستر بر فروکی .

بريشدار امرينك اورنگى

محل

تاريخ ، ساعت

پيشدار امرى

- ۱ — دشمن ايله دوست قطعاته دائر معلومات .
- ۲ — پيشدارك وظيفه سى .
- ۳ — سواری ایچون ترتیبات (عزیمت ساعتی و عزیمت محلی ، تعقیب ایدیله جك استقامت ، كشف خدمتی ، خصوصی وظيفه لر .)
- ۴ — پيشدار باشی ایچون ترتیبات (۳ نجی ماده ده اولدینی كبی) .
- ۵ — قسم کلی ایچون ترتیبات (مسافه یا خود عزیمت محلی و عزیمت ساعتی .)
- ۶ — جانبدار ایچون ترتیبات (۳ نجی ماده ده اولدینی كبی) .
- ۷ — ایلری قره غوللر ایچون ترتیبات .
- ۸ — بيوك آغرقلر ایچون ترتیبات (مستثنا حال) .
- ۹ — قوماندانك یری .

امضا .

- ۱ — انقسام عساكر
- ۱ — پيشدار سواری سى : قوماندان . سواری .
- ۲ — پيشدار باشی : پیاده . سواری . استحکام .
- ۳ — پيشدار قسم کلی سى (و یورویش نظامی) : سواری . پیاده .
- طوبجی (بعض حاللرده قول نهایتده بولنور .) . پیاده .
- سیار خسته خانه طاقي (برمفر- زه نك پيشدارینه نادرأ ترفیق اولنور .) .
- ۴ — صاغیان (یا خود صولیان) جانبدارى . قوماندان . پیاده . سواری . استحکام . امرك اصول توزیى .

صیغه نك صاغ طرف یاریسندە امضانك قارشوسندە اولقى اوزره امرلك
قطعات عسكریه نه وجهله نوطه ایتدیرلش اولدینی کوستریلور . جانبدارى
پیشدار قسم کلیسی چیقاردینی زمان ، بوجانبدار ، ایلک نظرده کوزه چارشمش
اولقى ایچون انقسام عساكرده آیریجه برماده ابله ذکر اولنور . بالعکس اگر
جانبدارى ، پیشدار باشی چیقاریورسه ، اوزمان بوییشدار باشینك موجودى
اولدقچه زیاده بولنلیدر . و «پیشدار باشی ایچون ترتیبات» ماده سی ، جانبداره عائد
اولان تعلیقاتی حاوی اولور .

انقسام عساكر ، آنجق بیك جزء تاملك پیشدارلری ایچون یاپیلور . كوچك
مفرزه لرده بالعکس برانقسام عساكر یامغه لزوم کورلر . اووقت ایجاب ایدن
تفرعات اصل امر داخنده ذکر ایدیلور .

يدنجى مکتوب

بريشدار امرى

آلتنجى مسئله ده بىكباشى ح.. حقنده كوستريلان وضعت، غير طيعى وخلاف اصول برشيدر . زيرا ويردىكى امر ده بريشدارك اجتماع ساعتى ايله اجتماع محلى واستكشافه عائد اولان ترتيباتى تعيين ايتىك قاعده مفرزه قوماندانك وظيفه سيدر.

كرچه بزچن مکتوبده ، پيشدار باشى نوتجیلر خطى كچه به قدر ایللری قره غوللرك اصولاً یرلی یرلرنده قالملى لازم كله چكنى سو- يلمش ايسله ده بوراده پيشدارك ایلری قره غوللردن تشكيل ايدلمش بولمىسه سز، ينه حيرت ايتىكز .

سز بر حال استثنائى قرشوشنده سكرز ؛ بو حال اويله كليشى كوزل بر صورتده قبول وتصوير ايدلمش دكل ، حربده بعض كره تصادف اولنان بر حالدر . مثلاً ، برمفرزه قوماندانى پك ار كندن ايلروسنده پيشدار يوريتك استديكى وشو خصوصده اولجه ایلری قره غوللره تعيين ايدلمش اولان اقسام عسكريه دن بشقه بريسنى تام وقتنده قوللانيله چكندن امين اولمدينى ، يا خود پيشداره ایلری قره غوللرده كى عسكردن ماعداسنى و برمه مك ايچون بعض خصوصى سبيلر اولدينى زمان يوقا ريده سويلديكمز كى حركت ايدر .

ويرديكم مسئله ده پيشدار قومانداننى مخصوص پك سربست بر حالده بوللدر دم . امين كه سز بونك خصوص اولديغى آكلامش سكرز در اصل مقصود ده ، وضعيتى ايودن ايوي تدقيق ايلديكن سكره سزى پيشداره عائد اولان ترتيباتى آلمه تجبور ايتكدر . بونكه برابر حال

ایدیله جگ مسئله او قدد زور برشی دکدر. اویله ایسه، بر آز صکره آنک نه وجهله ترکیب ایدلمش اولدیغنه دائر سزکله کوریشمک قولیله شمیدیک ایشی قیصه کسه جگم .

بودنعه ده بن، ایلری قره غوللرک تفصیلاتنه کیریشمه جگم . اونی دها صکره یه بر اقیورم .

بیکیباشی (ح ..) میر آلا ی (ق ..) ک تذکره سنی آلدقن صکره بروجه آتی ترتیباتی اخذ ایدمه جکدر :

- ۱ — عزیمتن اول ایلری قره غوللری بریرده اجتماع ایتدرمک .
- ۲ — اجتماع اثناسنده استکشاف خدماتنه دوام اتمک .
- ۳ — پیشداری تقویه ایچون تخصیص ایدیلان قطعاتی حاضر لامق .
- ۴ — پیشداره حرکت امری ویرمک .

ایلریده کی تپهلری اشغال ایدن دشمن نظرندن محفوظاً یوروش یولی اوزرنده اجتماع اولمه جقدر . پیشداره ویریلان بتون اقسام عسکریه و باخصوص ، ایلری قره غول بلوکلری (بیوک قره غول بلوکلری) پک چوق دونوب طولاشمه لر یایمقسزین بالسهوله اجتماع محانه کلکه چالیشه جقلدر . سز (لادونشان) ک شمال مخرجیله (مهزون — روژ) ک شمال مخرجندن بریسنی انتخاب ایدمه بیلورسکر . ایلری قره غوللر خطندن شو صوک سویلدیگمز نقطه یه بر چوق یوللر کیدر ؛ لکن دشمنه پک یقین اولدیغی ایچون بوراده کمال امنیت ایله اجتماع ایدیه مز . بوندن طولایی بر آژ مدبرانه حرکت ایدیگنر و پیشداریکزی آزاجق دها اوزاقده ومثلاً (لادونشان) ده اجتماع ایتدیریکنر . بونقطه ایلری قره غوللر خطنه نظراً بر کره مرکزی بر نقطه در . ثانیاً ، پارق ایله ده مستور بولنیور .

سزه ایتمش اولدیغم نصیحتلره ایوجه قولاق ویرمش ایسه کز، هیچ شبهه یوق که، یوروش استقامتده بولان طرق اتصالیه شیکه سی ایله اورته ده کی اراضی یی ایودن ایویه بر تدقیق و مطالعه ایتمش کزدر. اونک ایچون بن یوللرک قیمتی اوزرینه مناقشه بیان ایتیه جکم. ویا لکز (ووی بی) دن (قویون) ۰ قدر یولک آشاغی طوغری ایندیکنی و (قویون) دن (له سی) یه قدرده آنک هرایکی جهتن تپه لر ایله محاط اولدیغنی سزه اشارت ایتمکه کجه جکم.

بناءً علیه، پیشدار، حاکم بر موضعه یرلشمش اولان بردشمن قطه سی طرفدن باصقینه اوغراماق ایچون کنیش برجبه اوزرنده استکشاف اجرا ایده جکدر.

دشمن الند بولسان (سن که تن) و (پلاپه ویل) تپه لری شرقده کی اراضی یه و (موزهل) وادیسنه حاکم بولنیورلر. اوپله ایسه، مفرزه قابل دکل یوروشنی دشمندن کیزلیه میه جکدر.

بوندن طولایی، بیکباشی ب.. هرشیدن اول ۰ مالک اولدیغنی قوتلر ایله شوتپه لری ضبط ایتمکه مجبور اوله جقدر.

اگر دشمن چکیلورسه، پیشدار آنی، (موله ن - له میچ) ک عزبندن (مه زون نوو) اوزرینه تعقیب ایده جکدر. یوق اگر، مدافعه یه قیام ایدرسه، شو آرهلق دشمنه دائر آرز چوق معلومات ایدنمش اولان بیکباشی ب.. یا لکز کندی قوتلریله آنک اوزرینه هجوم ایدوب ایده میه جکبی بردوشونه جکدر. دشمن، اگر کندیسندن عددجه پک آشاغی ایسه هجوم ایده جک، بالعکس، اگر عددجه کندیسندن پک یوقاری ایسه، پیشدار قسم کلی طرفندن اجرا ایدیه جک اولان

(لوری) دن تعرضه کچرسه ، پیشدار باش طرف اوزرینه یایله
 بیلنجهیه قدر ، لازم کلان زمانك قازانلمسیچون ایجه وقت خصمی
 اشغال ایتك ایجاب ایله جکدر . بناءً علیه بوراده بریاده جانبدارنی
 چیقارمق لزومنی تصدیق ایدرك درحال اونك اوزرینه اولان اسبابی ،
 کچن مسئلهده شرح و بیان ایدلمش بولنان اسباب ومطالعات ايله
 برمقایسه ایدیکنز . سواریکزی : (تی نومون) دن کچهرک طوغریدن
 طوغرییه دشمن اوزرینه سوق ایتمکده بیوک برقاذه کوره مزسکز .
 چونکه ، بوسواری آز وقت صکره دشمن پیاده سنه راست کله -
 جکدر . بناءً علیه سواریکز ، اک چوق دشمنك جناحلی اوزرینه
 قوللانیله جقدر . برده سواری خصمك صول یانی جهتنده (لوری)
 نك غریبنده کی پلاتوده ، (سن که نتن) یقوشلریله (موزهل) واد -
 یسندن زیاده ، کندی حرکاته مساعد والویریشلی براراضی بوله جقدر .
 اويله ایسه ، سوارینك قسم کلیسی دشمنك صول یانی اوزرینه
 حرکت ایده جک : (تی نومون) و (بان سن مارتن) جهتلییه ایسه ،
 سز یالکز کشف قوللری کوندرمکله اکتفا ایده جکسکز .

بتون شو سبیلردن طولانی بیکباشی ب .. آتیده کی وجهله
 قرار ویرر : (لادونشان) ده اجتماع ایدیه جک ، (سن ژورژ)
 اوزرینه طوغری بر جانبدار سوق ایدلمکله برابر اولجه ویرلمش اولان
 استقامت بونجه ایلری یوروش یایله جق ، ویشدار سواریسنك
 کافه سی (سن ژورژ) اوزرینه کوندریله جکدر .

ایلری قره غوللر اجتماع ایتدکلی ائشاده ، اونلرک ایکی
 سواری طاقتی دشمنی ترصده دوام ایده جکدردر . بناءً علیه یوروش
 حالنه کیریله جکی وقت اونلر بر آز طاغیلی بولنه جقلر و صکره

یواش یواش طولانله جقلردر . اوله ایسه ، اولره اهمیتیه آ ز اولان بر خدمت تعیین و تخصیص ایدیه جکدر . مثلاً بوطاقلرک بر قسمی، پیشدار و جانبدارک باش طرفلرینه ترفیق ایدیه جک ، دیگر ایسه (بان سن مارتن) جهندن اراضی بی کشف و تحری به مأمور اوله جقدر . هنوز بک تازه تازه (آ مه لقا) دن کلان بر بچق سواری بلوکی ، پیشدار سواریسی دیه قوللانیه جق و بونک ایچون (لوری) نک اوتله رینه کوندریله جکدر . اگر بالعکس ، یکی کلش اولان ایکی سواری طاقنی سز ، پیشدار و جانبدارک باش طرفلرینه مأمور ایتمش اولسیدیکز اووقت سواری بلوکلر یکنز ایجه پارچه لمتش اوله جقلردی . و پیشدار اوزمان ، حرکاتک ابتدا سنده ایلری به آنجق بر سواریسی بلوکی کوندره بیله جکدی .

بر آوجی بلوکیله بر آ زده سواری ، جانبداری تشکیل ایده جکلردر لزومی قدر سواری ایله بر لکده دیگر آوجی بلوکی واستحکام ایسه پیشدار باشنی تشکیل ایده جکلردر . پیشدار قسم کلیسنه کلنجه اوراده کری به قالان ایکی بلوکی ایله بطریقه بوانه جقدر . اوله ایسه انقسام عسکر شو و جهله ترتیب ایدیه جکدر :

انقسام عساکر .

- ۱ — پیشدار سواریسی : یوزباشی س ..
- ۱۳ نجی دراغون آلاینک برنجی (۲ طاقم اکسیک) وایکنجی بلوکلری .
- ۲ — پیشدار باشی : یوزباشی ی ..
- ۸ نجی آوجی طابورینک برنجی بلوکی .
- ۱۳ نجی دراغون آلاینک برنجی بلوکنک برنجی طاقی (شمدیکی حالده ی قره غوللرده) .
- ۱۶ نجی استحکام طابورینک برنجی بلوکی .

- ۳ — پیشدار قسم کلیسی (ویورویش نظامی) :
 ۱۳ نجی دراغون آلاینک برنجی بلوگدن برکوچک ضابط ایله ۴ سواری
 ۸ نجی آوجی طابورینک ۲ نجی بلوکی .
 ۳۱ نجی سیار طوپنجی آلاینک برنجی بطریه سی .
 ۸ نجی آوجی طابورینک ۳ نجی بلوکی .
 ۴ — صاغ یان جانبداری : یوزباشی ر ..
 ۸ نجی آوجی طابورینک ۴ نجی بلوکی .
 ۱۳ نجی دراغون آلاینک برنجی بلوکنک ۲ نجی طاقی (شمذیکی حالده
 ایلری قره غوللرده) .

بن بوراده ۴ نجی بلوکلک، صاغ جناح منتها سنده بیوک قره غول
 تشکیل ایلدیکنی فرض ایدیورم . بناءً علیه کری یورویش یا پیمش
 اولماق ایچون او (لادونشان) . کیتیه جک ، بالعکس (سەنت —
 آن) ک ۶۰۰ متره غرب سنده کی درت یول آغزنده اجتماع ایده جک ،
 اوردان ده (ووی) یه وارە جقدر .

پیشدار اقسامنک عزیمت ساعتی حساب ایتمک ایچون اولای
 شو و جهله ایشه کیریشیکز : (لادونشان) ک شمال مخرجندن
 (مەزی یرله مچ) ک جنوب مخرجنه قدر (۵) کیلو مترەلک یعنی
 ۶۰ دقیقه لک برمسافه واردر . اوله ایشه میر آلا ی ق .. مفرزه سی
 قسم کلیسنک قول باشی (لادونشان) ک شمال مخرجنه ساعت
 (۶) یه طوغری واصل اوله جقدر . بوراده پیشدار ایله مذکور
 قسم کلی آره سنده (۷۰۰) مترەلک برمسافه بولە جقدر . پیشدار
 اقسامنک درینلکی (۲۰۲۵) مترەدر . اوله ایشه پیشدار پیاده
 اوجی، قسم کلیدن (۲۰۲۵ + ۷۰۰ = ۲۷۲۵ متره یعنی $۲\frac{۳}{۴}$
 کیلو متره = ۳۵ دقیقه) ایلریده اوله جقدر .

بناءً عليه پیشدار صباح ساعت (۵) ی (۲۵) کچه یوروشه باشلايه جقدر . پیشدار ، کاملاً یول قولنه کیردکن صکره قولنهایتی شهسز میرآلای ق .. مفرزه سی قسم کلیسنگ قول باشنه تماماً ۷۰۰ متره اوزاق اولیه جقدر . بالعکس قسم کلی بومسافه یی، یول اثناسنده تمامی تمامنه اخذ ایتش بولنه جقدر .

پیشدارك عموم درینلکنی حساب ایدرکن بن پیشدار باشینک ایلروسنده برطاقم بولندیغی ده فرض ایدیورم . پیشدارك مختلف اقسامی آره سنده کی مسافله ۴۰۰ ویا ۵۰۰ متره قدر برشی اوله . جقدر . خدمت سفریه نظامنامه سی پیاده اوجی ایله پیشدار باشی آره سنده برطاقم یوریتکده سزی سربست براقیور . یعنی ایستر اولیه برطاقم چیقاررسکز ، ایستر چیقارمزسکز . بوراده ایسه ، اگر بنی دیکلر سه کز ، پیشدار باشی ایله اوج آره سنده برطاقم بولندرمق لازم کلور . زیرا ، تام ایکی بلو کدن ترکب ایدن پیشدار باشی ، اگر ایلروسنده اوجدن بشقه برشی اولمزه ، درجه کافیه ده ستر ایدلش بولنه میه جقدر . امنیت خدماتنه مأمور اولان اقسام عسکریه دشمنه نه قدر زیاده یقین ایسه ، اونلری ده اوقدر زیاده قدمه لره آیرمق ایجاب ایدر . برده ، اونلر ، نه قدر کوچک اولورسه ، کندیلرینی درحال تعقیب ایدن دها بیوک قطعاتی باصقیندن حمایه ایتک ایچون ده اوقدر زیاده چویک اولمق لازم کلور . اگر یوروش یولنک هر ایکی طرفنده کی اراضی تماماً آچیق اولسیدی وقور قیله حق هیچ بر باصقین تهلکه سی ده بولمسیدی ، اووقت پیشدار باشی ایله اوج آره سنه دیدیکمز کبی برطاقم چیقارمغه لزوم کورمیه جک ایدیکمز . پیشدار باشی ایله پیشدار قسم کلیسی بیننده کی مسافه ۵۰۰

ایله ۱۰۰۰ متره آره سنده محتولدر . لکن اگر سز اوجك نهایتندن بر طاقم چیقار سه کز اوزمان پیشدار باشی ایله پیشدار قسم کلیسی آره سنده مسافه نك حد اصغریسی یعنی (۵۰۰) متره یی قبول ایدم بیلورسکنز . کوچك بر قوله پك چوق درینلك ویرمك ایجاب ایتمز .

صاغ یان جانبداری ، پیاده اوجندن بر آزدها ارکن یوله چیقده جقدر . زیرا ، آنك تعقیب ایدم جکی بول ، ده اوزون ودها کوجدر . برده جانبدار ، کوی ایچنده بر بریله چاتشمش اولماق ایچون ، پیشدار باشی کلزدن اول ، (ووی) کونی کچمش بولماید . بناءً علیه ، (ووی) دن کچمك ایچون جانبدارك بشقه بریول طوتمش اولمسنه لزوم یوقدر . جانبدار ، پیشدار کی اوج ، باش وقسم کلی نامیله قدمه لر آیریه جقدر . ودرینلکی تخمیناً بر کیلو متره قدر برشی ایدم جکدر . او یله ایسه سز (۴) نجی بلوکی (۱۵) دقیقه اول حرکت ایتدیرمش اوله جقسکنز .

بیکباشی ب .. کندی وظیفه سنه دائر صباح ساعت ۳ دمه معلومات آلور . بونك اوزرینه در حال اجتماع امرینی ویرمی لازم کلور . زیرا ، بوامری ، پیشداری تقویه تخصیص ایدلش اولان قطعانك بولندینی محله یعنی (آمه لائز) . کوندرمك و صکره کندی عسکرینی طویلامق ایجاب ایدر . بوا یسه هیچ شبهه یوق که ، ایجه زمان ایستر . اوندن بشقه ، حرکت حالته کیرمك ایچون بیوک قره غولارده ایجه زمان لازمدر : ایکی سواری طاقی اجتماع زمانندن اعتبار آاستکشافه باشلايه بيلمك ایچون در حال بار کیرلرینه یم کس دیره جکلر و کندی اشیا و ترکیلرینی حاضر لیه جقلدر . بوا یکی طاقك ، تام ایستیلان زمانده بریسی پیشدار باشنه ، دیکری جانبداره التحاق ایتمش اوله جغه

امنیت حاصل ایتمک ایچون اونلره قطعی امرلر ویرلمک لازمدیر . مذکور طاقلر ، (لادونشان) ، ویاخود (سنت آن) ک غربنه تکرار کلیه جککلر . بالعکس ، پیشدار سواریلی بردفعه لازم کلدیکی قدر ایلرولدکدن وبتون خط اوزرنده امنیت واستکشاف خدماتی تأمین ایلدکدن صکره اونلر (ووی) ده تخصیص ایدلمش اولدقلری قدمه لره التحاق ایله جککلردر .

بیوک قره غول بلوکلرینه کلنجه ، اونلر ممکن اولدینی قدر زیاده برزمان موضعه قاله جقلردر . بلوک قوماندانلری ایستیلان زمانده اونلری اجتماع ایتدیره جککلر وتام وقتنده التحاق ایتمش بولنق ایچون لازم کلان ترتیباتی اخذ ایله جککلردر .

بیکباشی ب . . بعضی خصوصی تعلیمات آله جق یرده بالعکس ، اقسامندن بریسی تشکیل ایلدیکی مفرزه نک یالکز عمومی امرینه دائر معلومات ایدنمش اولسیدی ، اوزمان نه کبی امرلر ویرمش اوله جقنی بشقه بردفعه کوره جکز .

بووجهله ، مفرزه قومانداننک امریله ، اوندن صکره پیشدار قوماندانی (دمدار والی . .) طرفندن ویریلان امرلر آره سنده نه کبی مناسبات اولدیفنی اوکرنمش بولنه جفز . سزی بویه شیلری دوشونمکه تشویق ایتمک ایچون بن شمدیدن دها سزک نظر دقتکزی شو نقطه اوزرینه جلب ایتمک ایسیورم .

بیکباشی ب . . طرفندن ویرلمش اولان امر ، دشمن بورنی قانه مقسزین (مهزون نوو) اوزرینه چکلمش اوله جقنی زمان بیه ، تطبیق اولنه بیهلک برطرزده ترتیب ایدلمش اولمیدر ؛ لکن اگر دشمن

(مه زون نوو) ك اوتەسنە چكىلەجك اولورسە ، اوزوقت يىكى بر امر وىرمكە لزوم كوريله جكدەر .

دشمنك (وهردون) دن قواى امداديه بكمكده اولديغنه دائر اولان حوادث مادون قوماندانلرينه سويلنميه جكدەر . اويله ، دكلى يا ، اونلرى نافله يره دها اولدن راحتسز ومتردد بر حالده بر اققدن نه چيقار؟ اكر بو حوادثك صحيح اولدينى آكلاشيلورسە ، اونى مادون قوماندانلرينه سويلمك ايچون دائما وقت بولنه جكدەر . بالعكس بىزى نقويه ايتك وصباحلين (مچ) ى تحت اشغاله آلمق ايچون برمفرزەنك يولده اولديغى هر كسە بيلديرە جكسكز . زيرا بوايى بر حوادثدر . واوسايەده صول جناح تهاكەسى ، وشايد ايلريده بزدن قوتلى بردشمنه تصادف ايدەجك اولور ايسەك ، خط رجعت قورقوسى آره دن قالقمش اولور . دشمنك امداد آلب آمدينى آكلاشيله بيايمك ايچون امر ده پيشدار سواريسنك نظر دقتى (غراوولوت) اوزرينه جلب ايتك لازم كلور . اكر بر كشف قولى ، دشمنك اوزاقدن اوزاغە صول جناخى طولاشەرق (وهردون) يولى اوزرنده (غراوولوت) ە قدر واصل اولە بيلورسە ، شەهە سز دشمنه دائر بزه پك قيمتلى حوادثلر ويرە جكدەر . اوندن بشقە پيشدار قوماندانى ، شفاها يالكز كندى سوارى قوماندانە دشمن امدادلرينك كلكده اولدينى حوادثك كنديسنجە موجب اولدينى قور قولرى سويلە جكدەر . بونك اوزرينه سوارى قوماندانى دە كندى كشف قوللرينه ، (ورەدون) يولى اوزرنده برشى كوريلوب كورلمديكنە دائر قطعى بر حوادث تدارك ايتك ايچون لازم كلان تعليماتى ويرە جكدەر .

يىكباشى ب . . . نك ويرديكى امر شويله ترتيب ايدلمشدر :

(سن رهمی) نك شمالنده کی اردوگاه

۳ — ۸ — ۸۹ — ۱۰ » ۳ کوندوز

نومرو — ۱

ایلری قره غول امری

۱ — ۸ نجی آوجی طاہور بئک ۱ ، ۲

۳ نجی بلوکلری (لادونشان) ك شمال

مخرجنده اجتماع ایددرک صباح ساعت

(۵) ی (۲۵) کچه حرکتہ مهیا

بولنه جقلردر. (۴) نجی بولك (سہنت آن) ك

غربنده کی درت یول آغزنده طویلانه جق

وصباح ساعت (۵) ی (۱۰) کچه حرکتہ

حاضر اوله جقدر .

۲ — ۱۳ نجی دراغون آلا بئک برنجی

بولكنك برنجی وایکنجی طاقلری ، برنجیسی

(ووی) . ایکنجیسی (صوانی) دن کچهرك

صباح ساعت (۴) ده کشف خدماتنه باشلايه

جقلردر . و برنجی طاقم صباح ساعت (۵)

ی (۴۵) کچه (مہزون روژ) ده پیشدار

باشنه (یوزباشی س ...) ، ایکنجی

طاقم ایسه صباح ساعت (۵) ی (۵۵)

کچه (ووی) نك اسکی کلیسانده صاغ

یان جانبدارینه (یوزباشی ر...) التعاق

ایده جکلردر .

۳ — بیوك آغر لفلر (سن رهمی) نك

شمال مخرجنده یکی امرلری بکلیه جکلردر .

۴ — بولك قوماندانلری صباح ساعت

(۵) ده (سہنت آغات) ك جنوب

مخرجنده برلشہ جکلر : حرکت امری .

اوراده کندیلرینه یازدیریلہ جقدر .

بیکباشی

... ب

بیوك قره غول بلوکلرینه تحریر آو

(وہ لوسیت) سوارلرو واسطہ سیلہ ،

ایلری قره غوللر قسم کلیسنہ ایسه

شفاهاً کوندرلشدرد .

(سن رهی) نك شمالنده کی اردوگاه

۳ — ۸ — ۸۹ — ۳۵۱۵ کوندوز

نومرو — ۲

امداد قطعانه امر

۱ — ۱۳ نجی دراغون آلاينك ۲ نجی
بلوکی ایله برنجی بلوكنك ۲ طاقی ، ۳۱
نجی سیار طوپچی آلاينك برنجی بطریه
سی ، ۱۶ نجی استحکام طابورينك برنجی
بلوکی بنم ادارمه کی ایلری قره غولر ایله
برابر مفرزه نك پیشدارینی تشکیل ایده جکلر
وصباح ساعت (۵) ی (۲۵) کچه (لادو-
نشان) ك شمال مخرجنده حرکت حاضری
بولنه جقلدر .

۲ — حرکت امری ، صباح ساعت
(۵) ده (سهنت آغات) ك جنوب
مخرجنده آتلی ضابطانه یازدیريله جقدر .
بیکیباشی
...ب

اقسام عسکریه قوماندانلرینه تحریراً
وملازم (ن) واسطه سیله
کوندولشد .

(سنت آفات) ك جنوب مغربی

۳ — ۸ — ۸۹ — ۵ كوندوز

نومرو — ۳

پیشدار امری

انقسام عساكر

۱ — پیشدار سوارسی :

یوزباشی س ..

۱۳ نجی دراغون آلاینك

برنجی (۲ طاقم اكسیك) و ۲ نجی
بلوكلى .

۲ — پیشدار باشی : یوزباشی
ی ..

۸ نجی آوجی طابورینك برنجی
بلوكى .

۱۳ نجی دراغون آلاینك برنجی
بلوكندن برطاقم .

۱۶ نجی استحکام طابورینك برنجی
بلوكى .

۳ — پیشدار قسم کلیسی (و بو
رویش نظامی) :

۱۳ نجی دراغون آلاینك
برنجی بلوكندن بر كوچك ضابط

و ۴ سوارى .

۸ نجی آوجی طابورینك ۲ نجی بلوكى .

۳۱ نجی سیار طویجی آلاینك
برنجی بطریقه سی .

۸ نجی آوجی طابورینك ۳ نجی
بلوكى .

۴ — صاغ یان جانبدارى : یوز
باشی ر ..

۱ — (مولن له میچ) ك غربنده (مازون .

نوو) ده بردشمن مفرزه سی وار كبی
كوریلور . (لونزه ویل - له میچ) ده ،

(پلاپه ویل) ك جنوب غربیسنده (ماكنه
خانه ده) و (سن ژورژ) ده خصمك بعض

كوچك پیاده اقسامی سكورلشدر .
مفرزه من صباح ساعت (۵) ده (مزی

یرله میچ) دن حرکت ایده جكدر .
(آنتیلی) دن كلان میر آلاى ق ..

مفرزه سی صباح وقتى (میچ) ی اشغاله
مأموردر .

۲ — پیشدار (مولن له میچ) ك غربنده ك
(مازون نوو) اوزرینه یورى به جكدر .

۳ — پیشدار سوارسی (ووی) ،
(لورى له میچ) و (سن ژورژ) دن

كپه رك صباح ساعت (۵) ی (۲۵) كچه
(مولن له میچ) اوزرینه كیده جكدر .

وكشف قوللرینی (له سی) ، (سی) و
(غراوه لوت) ك اوتله رینه قدر كوندره .

جكدر .

۴ — پیشدار باشی ، عین ساعتده
حرکت ایده جك و (ووی) (قویون)

(قریغ اشتراسه) ، (پلاپه ویل) ،
(له سی) ، (مازون نوو) استقامتتجه

یوری یه جکدر . پشدار باشینک کشافلری
(بان سن مارتن) و (مه زون نوو)
جهتلرینی کشف ایله جکلردر .
۵ — پشدار قسم کلیسی ۵۰۰ متره دن
تعقیب ایده جکدر .

۶ — صاغ یان جانداری ، صباح ساعت
(۵) ی (۱۰) کچه (ووی) یولنی طو
ته جق ؛ بعده (لوری له میچ) ایله (سن
ژورژ) دن کچهرک (مه زون نوو)
اوزرینه یوری یه جکدر .

۶ — بن پشدار قسم کلیسنک باش
طرفنده یوری یه جکم ، راپورلر اورایه
کوندرلمیدر .
بیکیباشی
ب ...

۸ نجی آوجی طابورینک ۴ نجی
طابوری .
۱۳ نجی دراغون آلاینک برنجی
بلوکنک ۲ نجی طاقی .

اقسام عسکریه قوماندانلریله آتلی
ضابطانه آغزدن سویلنمشد .



برقاریش قافله میدان ویرمه مک ایچون (۱) نومرولی امرده ایکی سوارى طاقنه، یا لکز التحاق ایده جکلری اقسام عسکریه بی دکل یواقسام عسکریه به قوماندا ایدنلرک اسملرینی بیله سویلدم . (۲) نومرولی امرده آتلی بولنان ضابطلرک هپسی امر آلمق ایچون دعوت ایدیلیور . کوچک مفروزه لرده (پیشدار، دمدار، جانبدار...) بویه یایمق ایودر . زیرا او واسطه ایله هر ضابط علی المجله وضعیت عمومی بی آکلامش بولنور . تأسف اولنورکه ، بعض کره احوال عمومی بهلا استنا بتون آتلی ضابطلرک دعوت ایدلمش اولمارینه مانعدر . مثلاً بوراده ایلری قره غوللرده کی ایکی سوارى طاقم قوماندانی امر آلمغه کله میه جکلردر . چونکه اونار دشمن ایله تماسده بولنیورر . پیشدار باشی قوماندانی ایله جانبدار قوماندانی بر آز وقت صکره اولنره وضعیت عمومی به وامرک مندرجاتنه دأثر لازم کلان معلوماتی ویررلز .

حرکت امرینک یازدیر یله جفی ساعت ، جانبدار قوماندانی کندى بلوکنه صباح ساعت (۵) ی (۱۰) کچه عودت ایده بیللمش اوله جق وجهله تعیین ایدلمشدر .

پیشدار باشنه بر سوارى طاقمی الحاق ایده جک یرده ایکی طاقم الحاف ایدلمش اولسیدی ، بونک بر خطا اولیه جفنه دقت ایتمکزی ایسترم . احوالده مذکور طاقملردن بریسی ، (قوبیون) دن اعتبار آ و (ناسن مارتن) دن کچمکک جانبدارلق صفتیه (مهزون نوو) اوزرینه کوندرلمش اوله جقدی . وبو ترتیبات امرده ذکر ایدلمش بولنه جقدی . سوارینک بو وجهله استعمال ایدلمش اولسنی حقلی کوسترمک ایچونده سز یا لکز

کشف قوللری ایله دشمنک صاغ جناحی استکشاف ایتمک غیر کافی اولدینی
 سولیه بیلوردیکز . اکر سز ، عین زمانده هم ایلری قره غوللره
 وهم امدادلره شامل اولمق اوزره یالکز بر اجتماع امری ویرمش
 اولسیدیکز ، بونک ایچونده سزه کیمسه نک بر دیه جکی اولمزدی .
 برده سز ، اکر یالکز بر اجتماع امری قلمه آلمش اولسیدیکز ، انقسام
 عسا کر جدولی اجتماع امرنده ویره بیلور حتی ایکی سواری بلوکنک
 بلکه هپسنی صاغ یان جانبدارینه الحاق ایده بیلوردیکز . شبهه سز ،
 بودیدیکمز کبی یامش اولسیدیکز ، انقسام عسا کر جدولی آز چوق
 تعدیلاته اوغرامش بولنوردی . مع هذا ، بکا صورارسه کز ، بن
 بووجهله حرکت ایتمک ایستینلر ایله برابر دگم . چونکه سواری اکر
 کندی حرکاتی پیاده بلوکلرینک کیدیشه کوره تنظیم ایتمک مجبوریتده
 بولنورسه ، پیاده لر اوکا نسبة پک آغر یوریدکلر ایچون ، سواری
 چاره سز ، یاییله حق حرکتلرده سربست قالمامش اولوردی . حتی بنم
 فکرجه سز پیشدارده ممکن اولدینی قدر زیاده سواری بولندرمق
 ایچون جانبداره بر طاقندن ها آاز (بر کوچک ضابط ایله (۹) سواری که ،
 بوندن ۳ کشف قولی چیقاریله بیلور .) برشی بیله ویرمکده مختار سکز .
 پیشدار باشینه کلنجه اوکا هیچ بر زمان بر طاقم سواریدن آشاغی
 ویریه مز . ایلری قره غوللرک بیوک آغر قلقرینه محافظ نامیله هیچ
 برشی ویریمه جکسکز . اونلریکی امر کلنجه به قدر یرلی یرلرنده
 قاله جقلردر . خریطه ده ایکی دفعه (مه زون نوو) اسمی کچدیکی ایچون
 دقت ایدیکز ، سزجه اصل مطلوب اولانی اوته کیسه قارندیر میکز .
 اکر بوشمدیکی مسئله کبی ، سزجه حقیقت حالدن بر آاز آریلور کبی
 ظن ایدیلان بر مسئله نک حلی سزه تکلیف اولنورسه آنک عال واسبابی

تشریح ایدہ جکمز صردہ آئی پک مدبرانہ بر صورتہ مؤاخذہ و تنقید ایدیکز . زیرا ، آئی ترتیب ایدن ضابطک ، فلان وضعیتی فلان وضعیته نهدن طولای ترجیح ایتش اولدیغی سز بیامورسکز . اوله ایسه کندیکزی مصحح نظرندہ آشای دوشوره جک اولان بر طاقم ایلدشکلن تعبیرلری قوللانمقدن زیادہ سیله چکینکز . سزه مخصوص بویه بر مسئله ویرمکدن مقصدم ، سزی بر تملکه اوکنده بولدیروب ینه کندی الیکزلہ کندیکزی اوتملکه دن قورتارمغه آلشد . یرمش اولمقدر . برده شومسئله سزک نه قدر خوشکزه کیمیه جک اولورسه بن دها اولقدر زیادہ نمون قاله جغم وسز ایلک اوکجه آتیده کی اعتراضلرده بولورسه کز اوندن طولای سزه کوجنمک دکل ، بالعکس پک چوقوسوینه جکم :

ایلری قره غوللری پیشداره تخصیص ایتمکده نه معنا وار ایدی ؟
مفرزه قوماندانی پیشدارک عزیمت محلی ایله عزیمت ساعتی ،
استکشاف منطقه سنی ، نیچون کندیسی تعیین ایتیمور ؟

بیکباشی ب .. یہ تخصیص ایدلمش اولان امدادلری ، ایستیلان زمانده ، مفروزه قوماندانی نیچون کندیسی حرکت ایتدر میور ؟ هرایکی جهندن محکوم و یا یلمغه نامساعد بر یول بونیجه حرکت ایدد جک نه نیچون (لوری) و (سن ژورژ) دن کچن یول اوزرنده حرکت ایتیمور ؟
اگر مسئله ده « قوماندان ب .. لزوم کوردیکی امدادلری و .. یی طلب ایدہ جکدر . » دینلمش اولسیدی ، بوکی دها بر چوقا اعتراضلره محل قالوردی . ایستیلان قروکی یه کلنجه اوندن مقصد پیشدار طرفدن اخذ ایدلمش اولان امنیت واستکشاف خدماتنی یکنظرده کورمش اولمقدر . قروکی ، هانکی استقامتاره طاقم و بلوک کبی جزؤ (۱۵)

تاملرك كوندريلمش اولديغى كوسترمش اولدقدن بشقه ، هانكى استقامتله يالكز كشف قوللى كوندريلمش اولمله اکتفا ايدليكنى ده كوستره جكدرد .

اك اوافاجق بربول بيله نظر كشف وترصددن كچورلمش اولمليدر . بوشمديكى مسئله ده اولدينى كهي ، محاربه ايتك امكانى كورلديكى زمان حتى اراضينك حالى ومسافه لرك اوزاقلنى سوارى طاقم ويا بلوكلارك كوندريلمسنى ايجاب ايتديكى وقت بيله ، سزينه سوارى يي اوتيه برى يه كوندرمكدده اسراف ايتمكيز . بونقطه اوزرينه آرتق اوزون اوزادى يه اصرا ايتيه جكم . زيرا ياپديغكز قروكى ، سواريكزك انقسام واستخدماى خصوصنده اجراى تاثير ايتمش اولان ملاحظاتى كوسترمككافيدر ، صانورم وآنى بويله جه فرض ايدورم .

يدنجى مسئله

« عمومى خريطه ايله (وهرنى) بافته سى »

بر قول اردو طوپچى طابوريله تقويه ايدلمش اولان ۳نجى پياده فرقه سى ، (قريزى) و (بورنى) ده اقامت واستراحت حائذه بولنيور . بوفره ميرآلاى ب . . قومانداسنده اولق اوزره (دهلم) [عمومى خريطه] استقامتنده برمفرزه (۳۴نجى پياده آلايى ، ۲نجى آوجى طاבורى ، ۳۰نجى دراغون آلايى (۴نجى بلوك اكسيك) ، ۲نجى سيار طوپچى آلاينك ۸نجى پياده و ۱نجى سوارى بطريه لرى ، ۲نجى استحكام طابورينك ۱نجى بلوكى و بر سيار خسته خانه طاقي) كوندردى .

۱ تموز ۸۹ تاريخنده بومفرزه عددجه كنديسنه فائق بر دشمن اوكننده و (صيرلكنه) دن كچرك كرى چكلمكه مجبور اولمش وشمديكى حالده (پونطوى) ده قوناقلره يرلشمش وياخود اردوكاه قورمش بولنيور . بومفرزه نك ايلرى قره غوللى (۳۴نجى پياده آلاينك ۱نجى طاבורى ، ۳۰نجى دراغون آلاينك ۱نجى بلوكى) ، (ليه هون) — (هوت بو)

خطی اوزرنده بروجہ آتی یرلشمشدر : ۱۲ سواری ایله برلکده ۱ نجی بلوک (لیہ ہون) ک جنوبندہ، برنجی سواری بلوکندن برطاقم ایله برلکده ۲ نجی بلوک (لیہ ہون) ک شرقندہ کی یول اوزرنده، ۱۲ سواری ایله برلکده ۳ نجی بلوک (ہوت بو) ده، ایلری قرہ غول قسم کلیسی (۴ نجی بلوک ایله برنجی سواری بلوکنک کری یہ قالان قسمی) ایسہ یول اوزرنده وتخمیناً (پلوش) ک برکیلومترہ قدر جنوب شرقیسنده . آقشام ساعت (۱۰) ہ قدر میرالای ب .. نک آلدینی حوادئرہ نظراً ہر صنف عسکردن مرکب بردشمن قولنک (صولکنہ) یہ واصل اولدینی آکلاشیلور . (سہ قورت) دن کلان وبرچوق پیاده وسواری بلوکلرنی حاوی اولان دیگر بردشمن قطعہ عسکریہ سی (بہروبت) اورماننک جنوبندہ اردوکاہ قورمشدر . دشمن سواری کشف قوللری ، بزکیلیرنی (قووان) - (سیلی آن صولنوا) - (بو) خطی اوزرینہ قدر کری یہ پوسکورندی . (بو) ده اسیر دوشمش اولان بردشمن سواریسنک دیدیکنہ باقیلورسہ بوسوارینک منسوب اولدینی بلوک (لوپی) ده قوناقلرہ یرلشہرک کیجہ یی اوراده کچورہ جکدر .

میرالای ب .. دشمنلہ جدی بر محاربہ یہ کیریشمہرک ، ممکن اولدینی قدر دشمنک یورویشنی تأخیر ایدرکدن ۲ تموز کونی رجعتتہ دوام ایتمک ایچون ۳ نجی پیاده فرقہ سی قوماندانندن امر آلور . فرقہ قوماندانی، محاربہ یی ۲ تموز ۸۹ تاریخندہ و (مرسیاہ میچ) ک غربندہ بر موضعدہ قبول ایتمک نیتندہ در .

یایلہ جق وظیفہ

۱ — ۸۹ سنہ سی تموزینک برنجی کونی میرالای ب .. طرفندن ویریلان امر :

۲ — اسباب موجبہ نک تشریح و بیانی :

بر رجعت امرينك نمونه سی

محل

تاریخ ، ساعت

مفرزه امری

- ۱ — دشمن ایله کندی قطعاً مفرزه دائر معلومات .
- ۲ — مفرزه نك مقصدی (مفرزه قوما- ندانك افكار وصرای) .
- ۳ — بیوك آغرقلره دائر ترتیبات (اكثر یا اونلر اوزاغه کوندریلور . عزیمت ساعتی ، عزیمت محلی ، استقامت حرکت و محافظ) .
- ۴ — پیشداره دائر ترتیبات (عزیمت ساعتی ، عزیمت محلی ، تعقیب ایديله جك استقامت ، وظائف خصوصیه) .
- ۵ — قسم کلی ایچون ترتیبات (عزیمت محلی ، عزیمت ساعتی ، یا عینی یول تعقیب ایدیلور و یا خود بشقه بریول) .
- ۶ — دمدار ایچون ترتیبات (مسافه ، عزیمت محلی ، عزیمت ساعتی ، بالخاصه یان طرف یوللری اوزرنده استكشافات ، وظائف خصوصیه) .
- ۷ — جانبدارلر ایچون ترتیبات (۶نجی ماده ده اولدینی کبی) .
- ۸ — ایلری قره غوللار ایچون ترتیبات .
- ۹ — حرکتك بدایتنده قوماندانك یری .

- انقسام عساكر
- ۱ — پیشدار : قوماندان .
پیاده .
سواری (نادرأ) .
طوپچی (نادرأ) .
استحکام (اکثر یا) .
 - ۲ — قسم کلی (ویورویش نظامی) :
سیار خسته خانه .
استحکام .
پیاده .
طوپچی .
پیاده .
سواری .
 - ۳ — دمدار : قوماندان .
پیاده .
سواری (چوق) .
طوپچی (اگر ممکنسه دائماً) .
استحکام (نادرأ) .
 - ۴ — صاغ یان (یا خود صول یان) جانبدار ی :
قوماندان .
دمدارده اولدینی کبی
- امرك قطعات عسكریه یه نه وجهله توزیع ایداش اولدینی بوریاه درج ایدیلور .

— ۲۲۹ —

— تَنْبِيْه —

بر رجعت اثناسنده سواری یی مستقل حرکت ایتدیرمه مك اصولدندره. باش
طرف ، کری طرف، صاغ وصول تعبیرلری قوللانلندینی زمان مفرزه نك دائما
دشمنه متوجه بولندینی فرض ایدیلور .

سکزننجی مکتوب

بر رجعت ایچون امر

ایلك رجعت امریکزی ترتیب ایده جککز ائشاده ، ایلك ایلری یورویش یایمش اولدیغکز اراضی یی کوزیکز اوکنده بولندرمش اولق ایچون بن مخصوص ینه او اراضی یی انتخاب ایتدم . او یله ایسه ، بو اراضی یه دائر ایکنجی مکتوبده هر نه سویلمش ایسم رجا ایدرم او فی تکرار برکوزدن کچوریکز . زیرا بن ، برکزه دها اوندن بحث ایده جک دکلم . بوشمدیکی مسئله ده ، تام ، ال دکمهش بر مفرزه نك بسیط بر رجعت حرکتی ایچون آله جق ترتیب ایدن بحث ایده جکدر .

۳ نجی پیاده فرقه سی قوماندانی طرفدن کلان امره نظراً میر آلا ی ب . . کندی رجعت حرکتیه دوامه مجبوردر . میر آلا ی ، جانی هانکی یولدن کیتمک ایسترسه او یولدن کیده جکدر . زیرا ، فرقه امری آتی یول انتخابنده سربست براقیور . اغلب احتماله کوره دشمن طرفدن پک یقیندن تعقیب ایدلمش اولدینی حالده میر آلا ی ب . . اگر طوغریدن طوغری یه یول بونجه چکیلورسه ، فرقه یی صیقندی یه دوشورور و فرقه طوپیچینسک تا اوزاق مسافه دن دشمن علیه آتش آچسنه مانع اولوردی . بناءً علیه اک ایوسی مفرزه ، یا (بهووی-لاباس) . طوغری فرقه نك صاغ جناحی ، ویاخود (مرسیله مچ) طوغری فرقه نك صول جناحی اوزرینه چکملی که ، فرقه نك جبهه سی آجیق بولنسون . صول یان اوزرینه کیدن یوللر ، صاغ یان اوزرینه کیدن یوللر قدر بر رجعت حرکتی ایچون الویریشلی دکدرلر . او یله ایسه مفرزه ، اولاً بیوک یول بونجه چکیلجک ، صکره (بهووی-)

لاباس) . وارمق ایچون (شه زنی) و (قره بی) استقامتی تعقیب
ایله جکدر . (اورنی) دن و (هویتال) اورمانلرندن کچرک
(شه زنی) یه کیدلسیدی، بوندن هیچ برشی قازانلمش اولمزدی .
بویول برکره دها اوزون بریولدر . برده ، (اورنی) ایله (شه زنی)
آره سنده کی قسمی عجباطویلرایله آغرلق عربهلرینک کچمسنه مساعدمیدر،
یوقسه دکلیدر ؟ بوراسی بیلنمور . (پونطوی) ک شمال مخرجنی
بیوک جاده یه زبط ایدن یولده بنجه ابی بریوله بکزه میور . زیرا ،
(بی یرو) نک جنوب شرقیسنده (۲۶۰ و ۲۴۰) راقلی منخیلر آره سنده کی
قسمی بردن بره سرتلشیور . بناء علیه اوراده بن عربهلرک باشنه برقضا
کلسون دیه قورقیوروم .

منخیلرک صیقلی وراقلر سزک نظر دقتکزی جلب ایتسه بيله
یالکز یولک شکل وطیعتی شو نقطه یی سزک نظر دقتکزه آلدیرردی ،
صانورم . شهبه سز ، ابی برحالدیه بولنان براتصال ویاهره انکی براسکشاف
یولی بونجه یوریمکدن دائما قورقق وچکنمک لازم کلز . لکن برخیلی
طولاشمه لره سبب اولدینی و بوراده کی کبی یولک قیصه لنی پک جزئی
برشیدن عبارت بولندینی زمان اوילה بریول بونجه کیتمکده ده معنا
یوقدر .

(پونطوی) ک غرب مخرچندن حرکت ایتیش اولدقدن صکره
سز ، (غره و لاهوت) دن کچرک هان بیوک یولی طوتیکز . تعیه
نقطه نظرندن ، بو استقامت حقنده کیمسه نک بر دیه جکی اوله مز . چونکه
ایلری قره غوللر ، مفرزه نک حرکاتی کورمکدن دشمنی منع ایده جک
قدر ایچه ایلروده بولنیورلر .

فرقه دن کلان امره نظراً جدی بر محاربه یه طوتشمقدن چکنمکله

برابر، الدن کلدیکی قدر خصمک یوروشنی تأخیره چالشمق وظیفه مزدر.
 بوندن طولای دمدار دشمنی یایلمغه مجبور ایده بيلمک ایچون آره صره
 طوره جق و بعض موضعلر طوته جقدر. لکن بردغه شو نتیجه استحصال
 ایدلدیکی کبی دمدار همان کجیکمکسزین رجفته دوام ایلله جقدر. شمدی
 کری یه قالان شی، دمدار نه وقت و نروده موضع آله جق، ایشته بونی بيلمکدن
 عبارتدر. حرکت امری ویرلدیکی زمان طبیعی بوکا دائر هیچ برشی
 بیلنمیور. و دمدار قوماندانی نه یایمق و نروده موضع طوتمق لازم کلدیکی
 آنجق ایرتسی کون اراضیده آکلایه بيله جقدر. دمدار اکر،
 جبهه دن مدافعه سی قولای، وجدی برمانع کریسنده یرلشه بیلورسه
 بو، پک مکمل برشی اولور. چونکه دشمن بومانع قرشوسنده یایلمق
 خصوصنده ایجه زمان غائب ایتش اولورکه، بزم ایستدیکمزده اصل
 بوندن عبارتدر. یازیق که، بولندیغمز اراضیده شویله برمانعدن اثر
 بيله یوقدر. چاره سز، یول اوزرنده بعض منتخب نقطه لری قطع ایدرک
 یالکز آره صره دشمنی طور در مقله اکثفا اوله جقدر.

مثلا بیوک یول اوزرنده و (غروه - لایاس) ک جنوبنده کی
 کوپری ایلله (شه زنی) نک ایکی کوپریسی تخریب ایدیلله جقدر.
 واقعا بونلری تخریب ایتک ایچون ایجه زمان ایستر، لکن نه چاره اویله
 یایمغه مجبوری و اردر. اکر دشمن اورادن کندی عربهلرینی کچورتک
 ایستیورسه اونلری همه حال تعمیر ایتکه لزوم کوره جک و بناء علیه
 بزم منفعتزده خدمت ایتک اوزره اپی زمان غائب ایتش اوله جقدر.
 هر نه قدر خریطه کوپرینرک هر ایکی جهته ده کی چایرلرک صولاق اولوب
 اولدیغنی سولیمیورسه ده، ینه مذکور چایرلردن آکلایشیلورکه، یوللرک
 خارچنده یوریمک بوراده غیر ممکندر. فی الحقیقه چایرلرک سواری

وطوبحیڻڪ حرڪاتنه الویرشلی اولدقلرینی ویا اولدقلرینی یالکزخریطه یه
 باقہرق سویلمک وبونی تصدیق ایلمک اصلاً ممکن اولان شیلردن
 دکلدر . زیرا هوانک یاغمولی ویا کونشلی اولیشنه نظراً ، چایرلرده
 باتمق ویا باتماق ممکندر . بالعکس ، (سنپی ر) دره سنک (قره پی)
 ده کی کوبریلری مفرزه طرفندن تخریب ایدلش اولیه جقلدر . زیرا
 اونلر برکره ، فرقه یه پک یقین بولنیورلر ، ثانیاً فرقه قوماندانی
 اونلردن استفاده ایتمک فکرندهمیدر ، یوقسه دکیمدر ؛ اوراسنی
 ییلمیورز . برده استحکام بلوکی ، (اورنی) نک شمالنده (هوپیتال)
 اورمانلرینک مدخلنده بر (التجا موضعی) ترتیب واحضار ایده
 ییله جکلدر .

بیوک آغرلقلر ، رجعت حرکتنی برصیقندی یه دوشورمه مک
 ایچون ممکن اولدینی قدر اوزاغه کوندیریله جکلدر . وقطعات عسکریه دن
 ایکی ساعت اول یوله چیقه جقلدر ، بویاسه چوق برشی دکلدر .
 پک ارکندن یوله چیقلدینی ایچون واقعا براز راحتسزک اوله جقلدر .
 لکن نه باس وار ؟ چوکه بوراده هرشیدن اول عسکرک راحتی دکل
 امنیتی دوشونلمک لازمدر . دشمن اوزرینه معلوما تکز اوقدر
 مکملدرکه ، سز ، حریده ده بویله حوادثلر الده ایتمش اولورسه کز
 کندیکنزی بختیار صایملیسکز . کرچه ، سز دشمنک قوتی مطلق شو
 قدر در ، دیه مزسکز . لکن ، موجودی زیاده بردشمن قولنک (صو-
 لکنه) ده کیجه نی کچوردیکی ودها ضعیف اما ، هر حالده برچوق پیاده
 وسواری بلوکلرینی حاوی دیگر بردشمن مفرزه سنک ده (بهروپت)
 اورماننک ، جنوبنده اردوگاه قوردیغنی محقق برصورتده ییلمیورسکز .
 اویله ایسه شمیدیکی حالده سزک قرشوکزده بولنان دشمن اک آزیکی

قولدن عبارتدر . ایرتسی کون بو قوللردن بریسی ، بیوک یولی تعقیب
ایده جک ، اوبری ده (وینی) دن و کرک (بوش) و (لی به هون) دن
کچه رک غریبه موازی بر یول بونجه (شهزنی) اوزرینه یوری به
جکدر . ایکنجی دشمن قولنک صکره غریبه کی (هویتال) اورمانلرینی
طولاشمق ایچون (بورنی - لاغراس) دن کچمسی محتمل دکلدرد .
زیرا اگر او یله یاییلورسه ایکی قول بربرندن آیرلش اولوردی .
بناءً علیه غرب قولی ، احتمال (اورنی) اوزرینه یوری جکدر .
برشی وارکه ، هیچ شبهه ایتهم سزک نظر دقتکز همه حال اورایه
منعطف اولمشدرد . دشمنک غرب قولنده دراغونلر اولدینی و (بو)
موقعنده ایسه برهوسارک اله کچدیکی معلومکزدرد . بوندن شبهه سز ،
دشمنک ، بزم مفرزه دن زیاده سواری به مالک اولدیغنه حکم ایتمشکزدرد .
چونکه دشمنده ایکی مختلف آلایدن سواریلر بولندینی اثبات ایدلش
دیلمکدر . شمعی بیلنه جک برشی ذها قالورکه اوده عجبا دشمن یاننده
بولنان شو مختلف سواری آلایلری تام میدرد ، یوقسه نقصان میدرد ؟
اشته بوراسنی ده او کر نه بیلورسه که نه اعلا اوله جق ! اسیردوشمش
اولان هوسارک دیدیکنه اینامق لازم کلورسه ، اک آاز بر دشمن
سواری بلوکنک (لوپی) ده کیجه نی کچورمکده اولدینی آکلاشیلور .
اگر بواسیر طوغری سویلیورسه ، ایرتسی کون (بو) و (پونطوی)
جهتلرندن دشمن سواریسنک تعقیبندن کندیکزی قورومغه باقیکز .
دشمن تعقیب ایدلیدیکی زمان ، یانلری بونجه اوزانه رق اوکا
یتیشه بیلیمک ایچون ، کنیش برجیه اوزرنده یوروش یایمقده اپی
فائده واردر .

بناءً علیه ، اسیرک افاده سی طوغری اولق لازم کلدیکی وبونی

جدی بر صورتده نظر دقتہ آلمق ایجاب ایندیکی اکلایشیلور .
 بو افاده نك حاوی اولدینی حواده کوره یوروش یولنك شرقده
 حرکات عسکریه اجرا ایدن دشمن سوارینك قوه موجوده سنی
 تعیین ایلمك ممکن اوله مز . حتی اسیر ، دیدیکمز سوارینك موجودینی
 عدده کوسترمك ایستمش اولسه بيله سزینه اونك سویلدیکنه
 اینانمیکمز . چونکه ، اسیر دوشن افراد عسکریه ، بیلدکلرینی عینله
 سویلمکدن چکنمسلر بيله ، ینه اونلرك ایچنده منسوب اولدقلری
 قطعه عسکریه نك قوه موجوده سنی تمامی تمامنه کوستره جك آدم پك
 نادر در .

شبهه سز دشمنك ، بر بلو کدن زیاده هوساری واردر . اويله
 ایسه سز ، ایرتسی کون بیوک یولك جهت شرقیه سنده بردن زیاده
 هوسار بلوکلرینك کوريله بيله جکلرینی فرض وقبول ایندیکمز .
 برده ، خصمك (سار بروك) اوزرینه کیدن تیمور یولنی حین حاجتده
 ضبط ایتمك ایچون او طرنه اولدقچه قوتلی بعض اقسام عسکریه
 کوندرمش بولتمسی ، وقوللرندن بریسنك ده (رد میلر) دن کچهرک
 (میچ) اوزرینه یورومش اولمسی محال دکلدر . شبهه سز ، سزك
 مفرزه کزك شمندوفر جهتدن یابه بيله جکی شی ۳نجی پیاده فرقه سی
 قوماندانی تام وقتنده خبردار ایده بیللمك ایچون او طرفلرده کلوب
 کچن وقوعاتی او کرئمکه چالشمقندن عبارتدر .

میرآلای ب .. ایچون دشمنك اك تهلهکلی اولان قولی ، بیوک
 یولك غرب جهتدن ایلرولیاندر . فی الحقیقه ، اکر بو قول علی المجله
 (شهنی) یه کلکه موفق اولورسه ، مفرزه نك (قره پی) یه مواصلتی

کوج اولوردی ، بناءً عليه بر پیاده پیشداری واسطه سیله غرب
جهتدن دشمن قولنك یوروشنی تأخیر ایتك لازمدر .

دیدیکمز جانبدار عجبا دمداردن می یوقسه مفرزه نك قسم
کلیسندن می چیقارملیدر ؟ شمديکي حالده بو وظیفه یه (لی به هون) ك
جنوبنده کی ایلری قره غول بلوکنی تعیین ایتك طبعیدر . او یله
ایسه بو بلوك دمدار اقسامندن بریسنی تشکیل ایده جکدر . بووجهله
بر جانبدار آیرمق خصوصنی سنزده ، دمداره ترك ایدرسکز . دمدار
عزیمندن اول آله جفی خبرلره نظراً جانبداره نه قدر قوت ویرلك
لازم کله جکنی آکلار . او وجهله لازم کلان قوتی افراز ایدر .
حاصلی ویرله جك امرده ، دمدارك (هویتال) اورمانلری اوزرینه
یا ییله جق اولان دشمن هجومی طور دیرمغه مجبور اولدیغنی سویامك
لازمدر . میرآلای ب . . بونی بویله جه یازمغه مجبوردر . زیرا ،
دمدار قوماندانك ، احوال عمومیه یی کندیسکی کبی تقدیر ایدوب
ایده میه جکندن امین دکلدر .

شمديکي حالده ، بر جانبدار تشکیلی ، مفرزه نك قسم کلیسندن بعض موانع
ایله آیرلمش بولنه جفی زمان جانبدار نفریق ایتك جائز اولدیغنی قاعده سنه
مغایر دوشیور . بوراده ایجه بر زمان ایچون عین حال واقعدر ، مانعه
کلنجه اوده (هویتال) اورماننك قسم شریقسیدر . بونکله برابر
وضعیت عمومیه هر فصل اولورسه اولسون بوراده دشمن یوروشنك
تأخیر ایدلمش بولنسنی ایجاب ایدیور . ایشه کوریورسکز که عملیاتده
بعض دفعه نظریاتدن آیرلمق لازم کلیور . هر حال خصوصیده تبدل
ایده جك حل ، بعض تصادفلره تابع اولیور .

کلن خبرلره نظراً ، دشمنك اك مهم قولی بیوك یولی تعقیب ایدیور .

خصمك ايلرولسنى تأخير ايتك ايچون دمدار، برچوق مناسب موضعلر طوته جق و دمدار قوماندانى ايسه بوموضعلرى اولدن دها دوشونمش اوله جقدر. قسم كلى، يورويشده هيچ بر طور غناق حاصل اولماق ايچون برانتظام تام ايچنده رجعت ايدى جقدر. وشايد، قسم كلينك يورويشى آزجوق تأخرايتمش اولورسه اوزمان دمدار ايستر، ايستمز دشمنه قارشو ايجه بر زمان مقاومتده بولنه جقدر.

احتمال كه سز (لويى) ده كورلمش اولان دشمن سواريسنه قارشو اخذ ايديله جك تدابير خصوصنده آزجوق صيقلمش سكرذر. بيوك يوك شرفنده كى اراضى بو يوله تماميله حاكم اولدقدن بشقه، غرب جهتلرينه طوغرى دشمن سواريسى چون پك نظارتلى اولديغدن طولايى شبهه سز، دشمن سواريسنك بوجهتدن ايلرولسنى منع ايتك آرزو ايديله جقدر. دشمن سوارى كشف قولارنى كرى يه پوسكورتمك ايچون درجه كفايه ده سواريكز واردر. لكن بوجهتده كى دشمن سواريسنك سز ككندن زياده اولوب اولديغنى بياميورسكز. اكر فى الحقيقه دشمنك سواريسى سزك سواريكزه عددآ فائق ايسه اوزمان سزك سواريكز يالكز باشنه، كنديسنه ويرلمش اولان وظيفه يى باشه چيقاره ميه جقدر. سوارى يه بر ويا ايكي پياده بلوكى الحاق ايتك خصوصنه كانجه بوندن ده هيچ بر فائده حاصل اولميه جقدر. هم بر ويا ايكي پياده بلوكى ويرمكدن نه چيقار؟ سزك پياده، كزك تأثيرندن قورتالمق ايچون دشمن سواريسنه يالكز بر چرق ايتك يتيشور. وشبهه يوق كه سز آنك بووجهله حركت ايتمسه مانع اوله مازسكز. بناءً عليه اوجهتدن دشمنى سواريكزله ترصد ايتدير مك و تام زماننده فرقه يه معلومات يتيشديرمش اولق ايله اكتفا ايديكز؛ بو سزك

۱۰. ایچون اک ابو بر یولدر . وشو نقطه نظر دن اخذ ایدیله جک تداییر
فرعیه بر آرز یوقاریده سویلدی کمز اسبابدن طولایینه دمداره عاذه
برشیدر . اوله اولنجه ، بر رجعت ائناننده ، بتون امنیت خدماتی
یالکنز بر الده جمع ایدلش بولنور ، دیمکدر .

بتون شوملاحظه لر اوزرینه میر آلا ی ب . . بروجه آتی قراری
اخذ ایتش اولور : (شهنی) دن کچهرک (بهووی - لایاس) اوزرینه
رجعت اولنه جقدر . دمدار بورجعت حرکتی واسع برجهه اوزرنده
ستر وتأمین ایله جکدر ؛ بیوک آغرقلر قول باشینه تقدم ایتش
بولنه جقدر .

انقسام عسا کرجدولکنزی یادیغکنز ائناده شاید ایلریده دشمنه
قرشو ایجه زمان مقاومت ایتک لزومی کوریلورسه بو وظیفه یی بحق
باشه چیقاره بیامک ایچون دمداری ، پیشداردن قوتلی بولندیرمه
دقت ایدیکنز . اوله ایسه بوراده ایکی طابور چوق کورلمز سانورم .
بو وجهله دمدار قوماندانی ، یوروشنه دوام ایده بیله جک اولان قسم
کلیدن امداد آلمق سزین ، دشمنله تماسده قالان بمض اقسام عسکریه یی
کندی اوزرینه طوبیلا به بیله جک درجه ده قوتلی بولنه جق دیمکدر .

بر ایلری یوروشیده ایلری قردغوللری ، پیشدار باشی کندی
خذالرینه کلنجه یه قدر یرلی یرنده براقق واوندن صکره قول نهایتدن
یوریتک خصوصنده کی قاعده معلومه خلائنده اولق اوزره بوراده
ایلری قردغوللری تمامیه دمداره ویرمک وقسم کلینک رجعتی
دشمندن کیزلک ایچون اونلری ایجه زمان یرلرنده براقق لازم
کلدیکنی سزده بنمله برابر اعتراف ایدرسکنز سانورم .

دمدارده کندی نوبتنده کری به چکلمکه باشلامش اوله جفی زمان

آنك ايله قسم كلى آره سنده ودمدار فرقه لرى بېتىندە كى مسافە
بك بيوك اوله جقدر . لکن ، بر آز وقت صكره بو مسافه لر لزوم
قطعی درجه سە ايندىرلمش بولمىچقدردر . زيرا كوچك پياده
اقسامى ، با خصوص بر رجعت يورويش سنده ، هر صنفدن تركب
ايتمش بولنان بر قولدن زياده يورويشى اوزاتمش اولورلر .

ايلرى قره غوللرى طوبلايه بيلمك ايجون سز ايسترسه كز
دمدارك بر قسمه موضع ييله آلديرمش اوله بيلورسكز . لکن
شوتدير ، اكثر يا دمدارك رجعتى كچيكديرمش اولديغى ايجون
مقبول بر شى دكلدر . اويله ايسه سزده او كا هيچ اهميت ورمىكز .
چونكه او عملی شيلردن معدود دكلدر . دشمنله تماسده بولنان
اقسام عسكريه رجعته باشلايه جقلرى زمان قولك محتلف قدمه لرى
يول اوزرنده يورويش حالته كيرمش اولميدرلر . كيجه اين كزياده
يورولمش بولنان قطعات عسكريه نك كوندوزينده اك آغير اولان
بر امنيت خدمته مأمور ايدملرى كچه تأسف اولانه جق برشيدر .
فقط نه جاره ! بوراده ذالماً بشقه درلوحركت ايتمك ممكن دكلدر .

اويله ايسه ، مادام كه ايلرى قره غوللر ۳۴ نجى آلايك برنجى
طابورى طرفندن تشكيل ايدلمش بولنيورلردى . آرتق اولنره طوتوبده
آوجى طابورينى الحاق ايتيكنز . بالعكس دمدارك بتون پياده سى يالكنز
بر جزء تامدن آلمش اولق ايجون عىنى آلايك ديكر بر طابورينى الحاق
ايدىكنز . اويله ياپارسه كز پياده قطعاتى بر برينه قاريشديرمش
بولنورسكز . محاربه ده قطعات عسكريه نك بر برينه قاريشمش اولسنه
باشليجه سبب ، دائماً مذكور قطعاتك دوشونمكسز اين اقسامه آيرلمش
بولمليدردر . بو خصوصده بر صيقتدى يه دوشمش اوله جكمز زمان ،

هیچ طور میکز، همان حین حاجتده برنجی خط قطعاتی هانکی
 اقسام ایله تقویه ایتش بولنه جغکزی برکندیگزدن صوریکز . بر آز
 صکره بنینه شومهم بحث اوزرینه سزکله قونیشورم . عین فکرلردن
 طولانی، ۳۴ نجی پیاده آلاینگ ۳ نجی طابوری درحال دمداره
 تقدم ایتش اوله جقدر . ایلریده بر زمان اولورده . سز دمداری ویا
 جانبدری تقویه ایتکه برلوزوم کورورسه کز اووقت آتش خطی تمدید
 ویا تضعیف ایتک ایچون عینی آلایک بر قسمی صرف ایتش بولنورسکز .
 طابورلری ده بر برینه قاریشدر مقدن صوک درجه چکینمک لازمدر .
 الده بولنان بتون سواری دمداره ویرلمش اوله جقدر . زیرا، دشمن
 ایله یالکز تماشای محافظه ایتک دکل، بالخاصه خط رجعت موازی کیدن
 یوللری ترصد ایتک و دشمنی بزم قوللری مزه یا قلاشمقدن منع ایلمک ده
 لازمدر . سواریمزک وظیفه سی یالکز دشمن کشف قوللریله تماسده
 قالمق دکل، بالعکس، اونک قسم کلیسی ده نظر دقتده بولندر مقدن
 عبارتدر . سواری اوسایه ده دشمنک، قسم کلیسی طور دینی ویا بشقه
 بر استقامت طوتدینی ویا خود احتمال کرییه چکلدیکی ائنده، بزه
 قارشو یالکز ضعیف بر پرده خطی تشکیل ایتکه اکتفا ایدوب ایتدیکنی
 آکلامش بولنه جقدر . دشمن سوارسی نه قدر قوتلی اولورسه،
 بزم سواریمزک وظیفه سی ده او قدر کوچ اوله جقدر . احتمال که
 بزم سواریمز وظیفه سی باشه چیقاره بیلیمک ایچون بیوک بیوک
 مسافه لردن طولاشمق و حسابسز بر صورتده قوت صرف ایتک
 مجبوریتده دوشه جکدر . لکن رجا ایدرم : بر سبب قطعی کورلمدکجه،
 بوبیوک وظیفه یه مأمور اولان سوارینگ بر نفرتی بیه بوش یره
 طاغتمقدن صوک درجه احتراز ایدیکز . رجعت ایچون بر امر نمونه سی

یازدیغم صرهدده تذه اولارق، بر رجعت یوروشی ائساننده سوارینک
مستقل اولمادیقی سویلمش ایدم. فی الحقیقه دشمنه دائر الك اول
معلومات ایدنمش اوله بیلمسی ایچون ، بوبابده کرك امنیت وکرك
استکشاف خدماتنک هبسی دمدار قوماندانک درایت واهلیته
براقیلور . مع هنا ، دمدار ایله دشمن اره سنده کی مسافه سواریمزک
دشمن ایله تماسده قالمسنی یعنی دمداردن ایجه اوزاقده بولمسنی ایجاب
ایدیور. واکر بوسواری یان طرفلرده واقع بردشمن اوزرینه آتلمغه لزوم
کور یورسه اوزمان آتی مستقل بولندرمق و طوغریدن طوغری به مفرزه
قوماندانک اداره سی آلتنده حرکت ایتدیمک لازم کلور . لکن شو
حالده بيله دمدار ، کندیسنه مساوی قوتده بریشداره ویريله جک
اولان سواریدن زیاده سواری به محتاجدر . اوله ایسه سرك اوج
سواری بلوککز بوراده دمداره الحاق ایديله جکلردر. مفرزه قوماندانی
یالکز غبارده ایچون برقاج سواری آیره رق اولنر ایله اکتفا ایده
جکدر . بوندن فضله سنی آیرمه هیچ لزوم یوقدر . چونکه مثلاً
۳نجی پیاده فرقه سیله ارتباطی محافظه ایتمک وبر راپور نقل ایتمک
ایچون بیوک یول بونجه حرکت ایده جک اولان بر وه لوسیت
سوار کافی اوله جقدر .

دمدار قوماندانی کندی سوارینسی نصل ایسترسه اوله جه قوللا-
نه جقدر . مفرزه قوماندانی اوکا یالکز الك زیاده کشف وترصد ایدلمسی
لازم کلان استقامتی کوسترمکله اکتفا ایله جکدر . اگر الد طوپیچی
وار ایسه ، کذالك اونکده الك چوغی دمداره الحاق اولنه جقدر .
زیرا بطریه لرینک آتشری واسطه سیله طوپیچیلر دشمنی پک اوزاقلرده
ایکن دها یا باغمه مجبور ایدرلر . بوسایده ایسه رجعت ایدن جهت

لازم کلان زمانی قولای ، قولای قازانمش اولور . بناءً علیه دمدار یالکز برپیاده طابورندن تشکل ایتمش بولنسه بیله اوکا بر وحتی ایکی بطریه بول بول ویرلش اوله جقدر . حال بوکه عین قوتده برپیشداره بو قدر طویجی ویرمک پک نادر در . بر مفرزه نك دمدارینه اکثریا بر بطریه ویرمک یتیشور . لکن ، بوشمیدیکی حالده سزك دمداریکزه ایکی بضریه ویرمه کز بر خطا اولیه جقدر . زیرا اگر سز بر محاربه ویره جک اولور سه کز ، ایلک اوکجه دن دها دشمنه مؤثر بر آتش اجرا ایتمش بولنمه کز لازم کلور . مع هذا ، بر دمدارک مظفریت قازانمقدن زیاده وقت قازانمق مجبور یتنده اولدینی هیچ خاطر دن جیقار میکز .

مفرزه قوماندانی ، اکثریا بر بطریه واسطه سیله کندی دمدارینی طوپا لامق ایستیه جکدر . بویه زمانلرده او ، بطریه نك موضعی تعیین ایتمکه مجبور در . حاصلی دها بیوک جزء تاملر (فرقه وسائر) دن بحث ایدلدکجه طبیعی دمدارلر ، مفرزه لرده کیندن زیاده طویجی الحاق ایدیلور . ایکنجی مسئله ده اولدینی کبی مفرزه بر سواری بطریه سنک ترفیق ، شبهه سز اوکا کوستریله جک موقع اوزرینه سزی ایجه دوشو ندر مشدر . پک مستتا زمانلرده یعنی رجعت ایتمکه اولان بر مفرزه یالکز بر سواری بطریه سنه مالک ایسه او وقت دمداره مذکور بطریه ویریلور . بو بطریه نك یوروشی پک سریع اولدینی ایچون وضعیت مشکل برحاله کیردیکی زمان بیله او،ینه وعلی العجله کری به چکیله بیلورکه ، بوسایه ده صوک زمانه قدر آتسه دوام ایتمک ، ممکن اولور دیمکدر .

بر دمداره ، طویجی ویرمه مک بسبتون مستتا حاللرده واقعدر . مثلاً ، قطعات عسکریه نزدنده تماس وار تباطدن اثر قالمدینی ، یوللر طویجینک حرکته غیر مساعد اولدینی زمانلرده چاره سز دمداره طویجی

ویرلنز. مع هذا اگر سلامت عمومیہ طوہینک فدا کارانہ بر صورتہ حرکت ایتسی ایستورسہ اوزمان ینہ دمدارہ طوہی ویرمکن چکینلنز .

کری یورویشلردہ استحکام صنفی اکثریا، دیگر قطعاتک اوکنجہ حرکت ایدر . زیرا اونک طرفدن یایلہ جق ہر ایش ایجہ زمانہ محتاجدر . وا کر بوکا ، لازم کلان تدارکاتی یامق خصوصندہ صرف ایڈیلہ جک وقتہ علاوہ ایڈیلورسہ ، شہہ سز ، استحکام صنفی ایچون ، کیرودہ قالہ رق بر ایش کورہ بیامک پک زور وحتی بعضاً محالدر دیہ بیلورز . اگر استحکام صنفک سزہ خدمت کورمش اولسنی ایستورسہ کز ، اونک ایچون لازم کلان زمانی تعیین خصوصندہ هیچ برخطا ایتہ مکہ دقت ایدیکز . وقت حضرده یایلان تعلیمردہ اکثریا استحکام صنفک بطائتدن نکایتلر ایشیدیلور . بونک سببی ایسہ ، صنف مذکورک خدمتہ تأثیر ایدن شرائطک باشایجہ لرندن بریسی اولان زمان مسئلہ سنی ایوجہ نظر دقتہ آلاماقدن عبارتدر . اولہ ایسہ بر رجعت یورویشنده استحکاملر نادراً دمدارہ ویریلورلر . چونکہ اونلر دمدار ایلہ برلکدہ حرکت ایتدکری زمان یابہ جقلری ایشلر ایچون اک آز وقہ مالک اوایش بولنورلر . اگر سز استحکام نفرلرینی بسبتون ایلریدہ یوریتک ایستمیورسہ کز ، اونلری هیچ دکلہ یا قسم کلینک باسنہ ویاخود خستہ خانہ طاقنک کیروسنہ قویکیز . وبر دفعہ اونلرک ایشلری بیتہ رک تخریبات ، مثلاً کوپر یلر ایچون لازم کلان وسائط حاضر ایدلیدی کی اونلر کری چکیلورلر . اورالردہ ایسہ یالکز برقچ محافظ نفر ایلہ تخریب و صندہ یابلمش اولان ترتیباتہ آتش ویرمک ایچون لازم کلیدی

قدر اون باشی ویا چاوش براقيلور . بو بر قاج کيشی ده وظیفه لرینی
 باید قدن صکره دمدار باشنه عودت والتحاق ایلیه جکلر در .
 بعضاً ده استحکام نفرلری هم زمان قازانق وهم نفرلری یورغون
 دوشورمه مک مقصدیله عربهرده نقل اولنورلر . سفر بر موجودلی
 بر استحکام بلوکنی نقل ایتمک ایچون (۲۵ : ۲۰) عربه لازمدر .
 اویله ظن ایدرم که ، (پونطوی) خسته لر وسائر مک نقلی ایچون
 ایجه مقدار عربه تدارک ایده جکلر . بر استحکام بلوکنک نقلی
 خصوصنده ایجاب ایدن عربهرک مذکور کویدن تدارکی قابل
 اولوب اولمديغنی آکلامق ایچون ده مطلق کویده بولنق لازم کلور .
 بکا کلنجه بن ، بوکبی واسطه لری قوللانییه جنم . مع هذا شمديک
 اولنری سزه سويلمک ده بورجدر .

بناءً عليه انقسام عساكر بو وجهله ترتيب اولنه جقدر :

انقسام عساكر

- ۱ - - پيشدار : یوزباشی م ۰۰
- ایکنجی استحکام طابورینک برنجی بلوکی
- ۲ - - قسم کلی (ویوریش نظامی) :
- سیار خسته خانه طاقی .
- ایکنجی آوجی طاבורی .
- سیار ایکنجی طویچی آلایک ۸نجی بطریه سی .
- پیاده ۳۴نجی آلایک ۳نجی طاבורی .
- ۳نجی دراغون آلایک ۲نجی بلوکندن برکوچک ضابط ۶ سواری
- ۳ - - دمدار : بیکباشی ن ۰۰
- ۳۴نجی پیاده آلایک (۳نجی طابور اکسیک) .
- ۳نجی دراغون آلایک (۴نجی بلوک اکسیک) .
- ۲نجی سیار طویچی آلایک برنجی سواری بطریه سی .

میر آلائی ب .. نك رجعت امری ، ۱۸۸۹ سنه سی تموزینك
برنجی کیجه سی ده ا ترتیب ایتك مجبوریتند بولندیغی مسئله ده مخصوص
سویلدم . بوندن مقصدم ، بر قاج امر یازده جق یرده سزی یالکز
بر امرله ایش کورمه آلیشدیرمقدر . یارین صباحه قدر هیچ
بر حوادث کلیه جکنی فرض ایدیورز . بو ایسه طبعی بر اجتماع
امری ویرمه حاجت بر اقدینی کبی یارینکی یوروش ترتیبانی برکون
اولدن حاضر ایتك ایچون سزه پك اعلا مساعدر . (بونطوی) ك
غرب مخرجنده معین بر زمانده طوبالامق ویوروشه حاضر بولمق
ایچون مفرزه به تعایات ویرمك لازم کلور . ایلری قرده غولر ،
دمدار قوماندانی کری به چکلمك ایچون اونلره امر کوندرنجیه
قدر یرلرنده قاله جقلردر . امرده اجتماع حقنده ویریه جك تعلیمات
مفرزه نك وظیفه سی تعیین ایدن ماده داخنده بولنه جقدر .

دمدار سوارسی ، اك چوق نره لره طوغری کشف قوللری
کوندرمك لازم کله جکنی ومفرزه قوماندانك دشمن سوارسینه
ناثر اولان معلوماتی اوکرنمش اولمق ایچون امرده دشمن حقنده
لدن کلدیکی قدر مفصلاً معلومات ویرلش اولمیلندر . بناء علیه
به رویت اورماننده دراغونلر ، (بو) ده ایسه هوسارلر کورلش
ولدیغی سواری به بیلدیرمك لازمدر . سواری اوسایه ده بو هوسارلر
وزرینه ده ا صحیح وطوغری معلومات ایدنمکه چالیشه جقدر .
چونکه شمдіکی حالده بز ، اونلر حقنده چوق برشی بیلیمورز . برده
لروده طوبالانیله جغنی ، وممكن اولدینی قدر چابوق بر صورتده ۳ نجی
رقه نك جبهه سی آچق لازم کله جکنی هرکس آکلامش اولمق ایچون
ادون ضابطلردن هپسینه ۳ نجی فرقه نك (مرسیله مچ) ك غربنده

موضع آله جفنی خبر ویرمک ایجاب ایدر . رجعت امری ایچون ویریلان اورنکده (۱) نومرولی ماده یی پک اوزاتماق فکریله اوراده سویلنمسی لازم کلان بعض نقطه لری (دوست قطعات حقنده معلومات) ۲ نومرولی ماده یه برامق ممکندر .

بیوک آغرلقلره دائر ترتیبات ، برایلری یورویشده نصلسه ینه اوله اوله جقدر . آرده ، یالکز شو فرق وارکه ، بوراده بیوک آغرلقلرک تعقیب ایده جکلری استقامتی دائما وکال شدتله اونلره سویلمک لازمدر . شاید (مرسی) تپه لری قانلی برمحاربه نك دارالوقوعاتی اوله جق ایسه ، سز اونلری (آغرلقلری) ممکن مرتبه اوزاغه ، کوندریکز که ، ایلریده سزه برصیقندی ویرمش اولسونلر . بناء علیه اونلره شمذیلک (میچ) اوکنده کی (شرق مزارلغی) موقت بر هدف اولق اوزره کوستریکز و اونلری ساده بیوک یول بونجه کوندریکز . باخصوص مفرزه یارین اقشام نرده کیجه یی کچوره جکنی بیله میورسه ، هیچ طور میگز ، همان دیدیکم کبی یامغه چالیشکز . بیوک آغرقلر برایلری یورویشده اولدینی کبی بوراده ینه برضابطک اداره سنه ویریه جکلردر . مع هذا بوراده کی آغرقلر قومانداننک پک شدتلی بر آدم اولمسی لازمدر . زیرا مفرزه قوماندانی ، تعقیب ایلدیکی یولک ، ایلریده قیرلش ویا نورلش بر عربه ایله قبادلش و بیوک آغرقلرک کجیدلر ویا کوپر یلردن چیه مامسی حسیله قسم کلینک یورویشی اصلاً تأخره اوغرامش اولیه جفندن قطعاً امین بولنمیدر . بر رجعت یورویشی ائناسنده خصم اوکنده وقوعه کلان اوافاجق بر تأخر بعضاً پک بیوک صیقندیلری موجب اولور . حتی بوکبی تأخرلردن طولانی بعضاً بیوک بیوک فلاکتلرک ظهوره کلدیکی بیله

واقعدر . تأسف اولنورکه ، بیوک آغرلقلر بوراده کشف خدماتنده فوق العاده ایشمزه کلان برضا بطی المزدن آلیورلر . فقط نه چاره ، بویله یایمغهده مجبوریت واردر . زیرا بوراده ضابط یرینه آغرلقلره برکوچک ضابط ویرسهک هیچ اولمز . بوخصوص برایلری یورویشده بیله اکثریا جاری دکل ایکن بوراده اوپله یایمقی اصلا المزدن کلز . اکر امرکزده : « بیوک آغرلقلر (مچ) اوزرینه چکیله جکدر . » دیسه ایدیکز بوسزک ایچون بیوک بر خطا اولوردی . زیرا ، بیلورسکزکه (مچ) بیوک برشهردر . بناء علیه سزاوراده آغرلقلریکزی بولمق خصوصنده ایچه زحمتلره دوشردیکز . اوپله ایسه اولنره ایوجه تعین ایدلمش بر یورویش هدنی کوستریکز .

استحکام ایچون آله جق ترتیبات ، استحکام قوماندانک تامایله وظیفه سنی تعین ایشم بوله جقدر . مع هذا شو ترتیباتی اخذایدرکن ، آنی (استحکام قوماندانی) وظیفه سنده سربست ومستقل برافنی هیچ اونو تمیکز . استحکام قوماندانی اوتنه کی ضابط آرقداش لریله برلکده برمدت قطع سنه تقدم ایدرک ، کندیسنه کوستریلان محللره کیده جک ولانزم کلان ترتیباتک اصول اجرا وتطیقنی تعین ایله جکدر . استحکام ایشلرینک اصول اجراسنه دائر مفرزه قوماندانک تفصیلاته کیریشمش اولسی یالکرفائده سز دکل بالعکس مضراولان شیلردندر . استحکام بوراده خصوصی بر وظیفه یه مأمور اولدیغندن امرده اونک ایچون آیریجه بر ماده آحق لازمدر . هیچ برشبه یه دوشمش اولماق ایچون سز قسم کلی یه ده تعقیب ایده جکی استقامتی پک قطعی بر صورتده کوستره جکسکز . باخصوص بوراده قسم کلی و بیوک آغر لقلر ، مختلف استقامتله اوزرنده حرکت ایده جکلرندن طولانی بوکا

بك چوق دقت ايتمك لازمدر . مير آلاي ب .. يه عزيمت ساعتی
كوستلماش اولديني ايجون مومي اليه صباح (۵) ده يورويشه باشلا.
يه جق واستحكام بلوكنی ايسه (۲) ساعت دها اول عزيمت ايتديرمش
بولنه جقدر .

بر رجعت يورويشنده قسم کلی ايله دمدار بيننده کی مسافه ،
بر ايلری يورويشده قسم کلی ايله پيشدار بيننده کی مسافه دن بك چوققدر .
بونندن ده مقصد ، اوافق تفك تأخرلردن طولايي دمدار بردن بره
قسم کلی اوزرينه دوشمه مك وقسم کلی دشمنك طوب آتشی تأثيرندن
چيغمش بولمقدردر . برمفرزه ده بوديديكمز مسافه (۱۵۰۰ : ۲۰۰۰)
متره بيننده متحولدر . مثلاً بوراده خصم طوبجيسی (پی رزو) نك
جنوب شرقيسنده (۲۷۰۰۸) رافلی نقطه يه كله بيلمش اولزدن
اول ، قسم كلينك (شه زنی) يي كچمش اولسی آرزو ايديله جك
شيلردندر .

بر ايلری يورويشده پيشدار قوماندانه ويريلان استقلالدن زياده
بر رجعت يورويشده دمدار قوماندانك استقلالنه رعايت ايتمك لازمدر .
چونكه بوضابطك آله جني ترتيباتك كافه سی ، دشمنك تعقيب حرکاتنه
تابعدر . رجعت حالنده بولنان كوچك برقطعه عسکريه ، ايلری
يورويشده بولنان بيوك برقطعه عسکريه دن زياده دشمنك اصول
حرکاتنه باغلی قالور . بر رجعت يورويشنده قول قوماندانی اکثريا
دمداردن اوزاق برمسا فده حرکت ايدر . لکن برايلى يورويشده
قول قوماندانی ، بالعکس ، اکثريا پيشدارله برابر يوريمکه ميالدر .
بر دفعه قول يورويش حالنه کيرنجيه ، مفرزه قوماندانی ، مادون
ضابطلرک کنديلککلرندن يابه جقلری شيلره مداخله ايتمکدن صوكد رجه ده

چکیمیلدر . فی الحقیقه هیئت عمومی برانظام تام ایله یوریده بیلیمک ایچون قطعات عسکریه قوماندانلری هرشیته مداخله ایتکده کی امتیاز لرندن آره صره واز کچمک یولنی بیلیملدرلر . بناءً علیه بوراده مفرزه قوماندانی ، دمدار قوماندانه یالکز وظیفه اصلیه سی ایله بالخاصه کشف وترصد ایدلسی لازم کلان نقطه لری سویلیه جک وایشک اوتیه طرفنی هپ آنک استقلال وصلاحیتنه براقه جقدر . بن بالخاصه بومسئله ده ایلری قره غوللرک ممکن اولدینی قدر زیاده وقت یرلرنده قالمیرنی ایسترم ، وبویله امر ایدم جکم . تاکه اونلر ، دمدار قوماندانلر . ننگ کندیلرینی پک ارکن طویلامش اولیه جغه قطعاً امنیت حاصل ایتمش بولنسونلر ..

یورویشک بدایتنده ، دشمنک تعقیبه دوام ایدوب ایتدیکنی ایوجه آکلامق ایچون کرک مفرزه وکرک دمدار قوماندانی حاکم برنقطه یه مثلاً بوراده (عزه و لاهوت) ه چیه جقدردر . مفرزه قوماندانی بعده ، کندی قسم کلیسنه اول (۲۷۰،۸) راقلی نقطه ده صکره دیگر حاکم نقطه لرده تقدم ایدرک ، آره لقه ده ، ۳ نجی فرقه قوماندانی طرفندن کله جک امره نظراً مفرزه سنه برموضع آلدیرمش اولنجه یه قدر بووجهله حرکت ایدم جکدر .

بررجعت یورویشنده ، قول قومانداننگ یرینی تعین ایتک بر ایلری یورویشده کیدن زیاده کوچدر . امرده یالکز بو قوماندانک ایلک بولندینی یری سویلمک ممکندر . لکن مفرزه قوماندانی مؤخرأ بوری ترک ایتدیکی زمان کندیسنه کوندریله جک راپولر اک قیصه یولدن کوندرلش اولمق ایچون اوراده برقاج امر آتلیسی ترک ایدم جکدر . (۳) نجی فرقه ایله دائماً ارتباط تأسیس ایدلش اولمیلدر .

كذلك ميرآلای ب .. ايرتسی کون ایچون ویرمش اولدینی قرادی
کیجه لیندها فرقه قوماندانه بیلدیره جکدر . بوخصوصده الک ایوسی
ترتیب ایدلمش اولان امرک برنسخه سنی فرقه قوماندانه کوندرمکدره
وسزایسترسه کنز، امریکنرک صاغ طرف یارم صحیفه سنده امرک کیجه لین
فرقه قوماندانه ده کوندرلمش اولدینی اشارت ایده بیلورسکنز، او
خصوصده هیچ کسه نك سزه بریه جکی اوله منز .

ایشته میرآلای ب .. نك ویردیکی امر :

(پونطوی)

۱ — ۷ — ۸۹ — ۱۱ کیجه

مفرزه امری

۱ — هر نوع صنفدن تركب ایدن دشمن بزی (صولكنه) يه قدر تعقيب ایلدی . خصمك پیاده عسکری ایله بر چوق سواری بلوکلری (بهروپت) اورمانك جنوبنده اردوگاه قورمش بولنیورلر . بعض سواری كشف قوللری ، (غوآن) ، (سیلی آن صول نووا) ، (بو) خطی اوزرنده كورلشلردر . اسیر دوشمش اولان بر دشمن هوسارینك سولیدینكه باقیلرسه ، برهوسار بلوکی (لوپی) ده کیجه یی بکچر بور .

۲ — ایلری قره غوللر مستتنا اولقی اوزره مفروزه ، یارین صباح ساعت (۵) ده حرکته حاضر بولنه جق وجهله (پونطوی) ك غرب مخرجنده طوپلانه جق و (مهرسیله مچ) ك غربنده موضع آلمش بولنان ۳ نجی پیاده فرقه سی اوزرینه چکیله جکدر .

۳ — بیوك آغراقلر ، معینته برقاج سواری ویریلان ۳ نجی دراغون آلایك ۲ نجی بلوكدن بر ضابط قومانداسنده صباح ساعت (۳) ده حرکته مهیا بولنه جق وجهله (پونطوی) ك غربنده اجتماع ایده جكلر . بوللر ، (قریژی) دن كچه رك بیوك یول بونجه چکیله جكلر ویکي بر امر كلنجه یه قدر (پلاتییر) ك جنوبنده (شرق مزارلنی) یاننده

اتقسام عساكر

۱ — پیدشار : یوزباشی م ..

۲ نجی استحکام طابورینك برنجی بلوکی .

۲ — قسم کلی (ویورویش نظامی) : سیارخسته خانه طاقی .

۲ نجی آوجی طابوری .

۲ نجی سیار طوپچی آلایك

۸ نجی بطریه سی .

۳۴ نجی پیاده آلایك ۳ نجی طابوری .

۳ نجی دراغون آلایك ۲ نجی بلوكدن بر كوچك ضابط و ۶ سواری

۳ — دمدار : بیکباشی ن ..

۳۴ نجی پیاده آلای (۳ نجی طابور اكسیك) .

۳ نجی دراغون آلای (۴ نجی بلوك اكسیك) .

۲ نجی سیار طوپچی آلایك برنجی سواری بطریه سی .

توقف ایله جکدر .

۴ — ۲ نجی استحکام طاوورینک

برنجی بلوکی صباح ساعت (۳) ده
(پونطوی) دن حرکت ایده جکدر .
بو بلوک ، پول اوزرنده ، (غره ولا باس)
جنوبنده کی کوپری ایله (شه زنی) نك
ایکی کوپریسی تخریب خصوصنده لازم
کلان ترتیباتی حاضر لایه جق و (اورنی) نك
شمالنده (هوپتال) اورمانی کناری
اوزرنده برالتجاموضی تشکیل ایده جکدر .
۵ — قسم کلی صبح ساعت (۵) ده
بیوک پول بویجه حرکت ایده جک و
(هورکنه اوشه وال روز) ، (شه زنی) ،
(قره پی) دن کچهرک (بهووی لایس)
اوزرینه یوری به جکدر .

۶ — دمدار ، کشف قوللری

واسطه سیله دشمنه تماسی محافظه
ایده جک و (وینی) (لوی) استقامت لری
بالخاصه نظر کشف و ترصدده بولندیره جقدر .
دمدار قسم کلی پی (۲) کیلو متره
مسافه دن تعقیب ایله جک وجدی بر
محاربه یه کیریشمه مک شرطیله خصمک
(هوپتال) اورمانلری کناری علینه
یا په جنی هر درلو تعرض حرکتی
طور دیره جقدر . برده بو دمدار
(اورنی) ، (شه زنی) استقامتجه
بر جانبدار تقریق ایده جک و (اوب) دن
کچهرک (سار بروک) شمند و فری جهته
بر کشف قولی کوندره جکدر .

۷ — ایلری قره غوللر ممکن اولدینی

<p>افسام عسکریه قوماندانلرینه یازدیرلش و بر امر ضابطی (یاخود بر ولوسیت سوار) ایله ده بر نسخه سی ۳ نجی پیاده قرقه سی قومانداننه کوندرلشددر .</p>	<p>قدر چوق زمان یرلرنده قاله جقلردر . ۸ — راپورلر بکا ، صباحك ساعت (۵) ندن اعتباراً (غروه لاهوت) ه کوندریله جکلردر . میرآلای ب ..</p>
---	---

اگر سز قسم کلی بی بر آژ ده‌ها ارکن حرکت ایندیرمش اولسه‌یدیکنز بوندن طولایی بنم سزه هیچ بر دیه‌جکم اولزدی . زیرا بالخاصه رجعت یورویشلرنده ، ایشک ایچندن چیقمق ایچون عزیزت زمانی بویله ممکن مرتبه ده‌ها ارکن انتخاب ایدرلر . مع‌هذا بوراده عین وجهله دمدارکده عزیزت ساعتی ده‌ها ارکن اولق اوزره انتخاب ایده‌مزدیکز . وشبهه یوق‌که ، بوا امکانسزک دمدار ایله قسم کلی آره‌سنده کی مسافه‌نک‌دها زیاده بیومش اولسنی ایجاب ایدردی . چونکه سز ، وظیفه‌کزی صادقانه بر صورتده تعقیب ایتکه مجبورسکز : وظیفه‌کزی‌ایسه ، بیلورسکزکه ، دشمنک ممکن اولدینی قدر ایلری یورویشنی تأخیر ایتکدر . اگر قسم کلی ده‌ها ارکن حرکت ایدرسه بیوک آغراقلر ایله استحکامک‌ده ده‌ها ارکندن یوله چیقمش اولملری لازم‌کله‌جکدر . مسئله‌نک شو وجهله حلنده دمدارک یالکزی باشینه قالمش اولق احتمالی واردر . بوراده ایسه دمداری بویله بر باشینه برافغه لزوم یوقدر .

زیرا ، قسم کلی پک ایلریده بولنه‌جق اولورسه ، صکره دمدار دشمنک شدتلی بر هجومه اوغرادینی زمان اوکا یاردم ایتک قابل اوله‌مز . برده اثنای حربده عزیزت زمانی ، عسکرک بر کون اولکی یورغینلغنه‌ده تابعدر . قطعات عسکریه‌یه ایسه دائماً اولدقجه اوزون بر استراحت زمانی ویرمک لازم‌کلور . اگر سز قسم کلی‌یه (پونطوی) ایله (به‌ووی‌لاباس) آره‌سنده بر یرده طورمق وبر التجا موضعه‌کیره‌رک حین حاجتده دمداره یاردم ایتک اوزره یکیدن بر جبهه آلمق ایچون امر ویرمش ایسه‌کزی ، بوکا قرشو بنم پک چوق اعتراضلرم ۲۰ بویله‌یلور ۲۰ از جمله سز بو واسطه ایله قولای قولای

بر چوق خطالر ارتکاب ایتش و نهایت پک تهلکلی نتیجه لر دوشمش اولورسکز . زیرا ، اگر مفرضه ، فرقه دن آز بر مسافه اوده کنده دمدارینی طوبیلامق اوزره توقف ایده جک اولورسه ، فرقه نك جبهه سی آحق و محاربه دن چیقماق خصوص لرنده پک زیاده مشکلاته اوغرایه جقدر .

بن مفرضه قومانداتی دمداره ویرمک ایستیانلرله ده برابر دکلم . مفرضه قوماندانی ، بوراده آنجق پک آز بر زمان قاله بیلوردی . زیرا اونک الک برنجی وظیفه سی قسم کلینک یوروشنی تأمین وسوق واداره ایلمکدر . اندن بشقه ، قسم کلنی یه کوستریلان استقامت احتمال که فرقه قوماندانی طرفدن کله جک برامره آز چوق تعدیل اوانور . بناءً علیه اگر مفرضه قوماندانی ، دمدارله برابر حرکت ایده جک اولورسه اووقت بوامر اوکا پک کچج واصل اوله بیلور .

کرچه امرک (۸) نومرولی ماده سینه نظراً دشمنه دائر کوندریله . جک اولان حوادثلر مفرضه قوماندانه کلک ایچون آره دن اپی زمان کچه جکدر . لکن دمدار قوماندانی واسطه سیله دشمنه تماس حاصل ایتدیکندن طولایی اونقطه ایو و حاکم بر نقطه در .

بن ایلری قره غوللرک (غره و لاهوت) ده اجتماع ایتش اولمسینده مناسب کور میورم . زیرا بویله یاییلورسه ، بوراده چیقارلمسی مطلق لازم کلان جانبدارک اورادن تفریقی پک او یغون کلیه جکدر . اوندن بشقه خصمک ایلری یوروشنی ممکن اولدینی قدر کجیکدیر ممکن عبارت اولان مقصد اصلی بو وجهله تمامی تمامنه ایفا ایدلمه مشر ، اولوردی .

سکزنجی مسئله

یدنجی مسئله نك مابعدی : صباحك ساعت بشینه قدر دشمنه دأثر هیچ
بر یکی حوادث آلمدینی فرضیه دمدار قوماندانی بیکباشی ن . . طرفندن
آلنان ترتیبات .

طقوزنجی مکتوب

ایلك دفعه دركه بن سزه بر اولكى مسئله نك مابعدی تشکیل ایتك اوزره دیگر بر مسئله ویرورم . بوندن اصل مقصدم ، سزی تفرعات اجراییه ایله مشغول ایتکدر . مفرزه قوماندانی کبی بیکباشی ن.. ده ممکن اولدینی درجه زیاده وقت رجعت حرکتی دشمندن کیزلمک ایچون . قسم کلی ایجه بر مسافه ایلرلمش اولنجه یه قدر ایلری قره غوللر سؤاریسینی وایلری قره غوللری کندی اوکنده براقق لازم کلدیکنی آکلامش بولنه جقدر . بونک ایچون ده قسم کلینک (غره و لاهوت) ی کچمش اولسی وبعده دمداړك کوزل بر موضع طوته رق دشمنی یایامغه و بناءً علیه یورویشی تأخیر ایتدیرمک موافقت حاصل ایتمش بولنسی کافیدر .

(پونطوی) ك غرب منخرچندن (غره و لاهوت) ده قدر تخمیناً بر کیلومتره لك مسانه واردر . قسم کلی نك تشکیل ایتدیکی قول (۱۲۲۵) متره درینلکده اولدینی ایچون ، قسم کلی صباح ساعت (۵) بجقده لازم کلان تقدیمی قازانمش بولنه جقدر . او یله ایسه ایلری قره غوللر ایشته بوزمانه قدر یرلرنده قالمغه مجبور اوله جقدر . (سوالکنه) دن ویا (بهروپت) اورماننك جنوب کنارندن حرکت ایدرك بزم ایلری قره غوللر مركز طوتدینی خطه یتیشه بیامک ایچون دشمن تخمیناً ۴ کیلومتره لك بر یورویش یامغه مجبوردر . حال بوک ، دشمن بزم ایله قطعاً تماسده اولدینی ایچون ، پك مدبرانه یعنی آنجق پك اغر ، اغر یورویشنه دوام ایده بیله جکدر . اگر دشمن صباح ساعت (۵) ده حرکت باشلا یه جق اولورسه . ساعت (۵) بجقده ن اول بزم بیوك حرکت

(۱۷)

ایلری قره غولریمزه اصلا هجوم ایتش اوله میه جقدر . بناء علیه
 بو بلوکلرک رجعتی بیوک بر صیقدی به دوشمش اوله جفتی امید
 ایده بیلورز . لکن ، اگر بو ایلری قره غول بلوکلرینی لزومسز یره
 دها ایجه زمان بولندقلری موضعه تک باشینه بر اقورسه کز بوندن
 شبهه سز بیوک بر فالتق حصوله کلور . بالعکس ، اولر ، دشمنی یابلمغه
 مجبور ایده جک اولان موضع اوزرینه کلدکلری زمان پک یقیندن
 دشمن ایله تعقیب ایدلمه مش اولدقلری حالده کله بیامش اولمیلدرلر .
 بوموضعه شبهه سز ، خصم ایله بر چارپشماق احتمالی واردر . مع هذا ،
 اوراده پک چوق پیاده نك ایلریده بولندیرلش اولمسندن چکینلمایدر .
 زیرا ، پیاده محاربه سی بردفعه قیزغینلق پیدا ایدرسه ، صکره پیاده بی
 کری چکمک زور اولور . بناء علیه آکلاشیلورکه ، بوراده جدی
 بر محاربه ویرمک فصل اولورسه اولسون مفرزه نك ایستمدیکی بر
 شیدر . چونکه او محاربه مفرزه نك وظیفه سی . ومقصدی خلافتده در .
 برده ، حرکاتنک بطی اولیشندن طولای ، پیاده ، پک بحرانی بر
 وضعیتدن قولای ، قولای یقاسنی صیرمش اوله مز . ممکن اولدقجه ،
 یالکنز جانبدار ایله دمدار باشی خصمه قارشو آتش آچه جقلردر .
 دمدار قسم کلیسی ایسه یول کنارنده مستور بر محکم کریسنده احواله
 انتظار ایده جکدر . صکره بودمدار قسم کلیسی تام لزومی آننده کری به
 چکیله جک ویاخود دمدار باشی ایله جانبدار کندی اوزرینه طوپلامق
 ایچون حین حاجنده بر موضع اشغال ایده جکدر . دائما خاطر کزده
 قالسون که ، دمدارک مقاومتی قطعی دکل بالعکس موقتی برشیدر . و بو
 مقاومت در حال بر رجعت حرکتی ایله تعقیب ایدلمک لازمدر . زیرا
 اگر ، ایجه زمان دشمنله چارپشماق ایجاب ایتش اولسیدی ، دمدار

قوماندانی بر رجعت امری ویره جك یرده، بر بکلمه موضعی اشغال ایتك اوزره، بر حرکت امری ویرمش اوله جقدی. بزمسئله نك بو درلوسنی ده بر آزا شاعیده کوستره جکزر. بوحالده، حقیقی رجعت ایچون مؤخرأ بشقه بر امر ویرمك ایجاب ایدر .

استکشافده اولمیان ویا دشمن کشف قوللرینی کری یه پوسکورتیمکله مشغول بولمیان سواری اقسامی کذاک دشمنك یوروشنی تأخیره یاردم ایتك ایچون آیاقده جنك ایده بیله جکلردر . اکر (اورنی) ویا (پورنوی — لاغراس) باغچه لری ویا خود بوستانلری اوکنه واصل اولدینی زمان دشمن قارا بینه آتشرینه معروض اولور، وبری طرفك یدك حیوانلری ده اعلا دن اعلا یه کیزی طوتیلورسه او وقت دشمن عجبا سواری آتشنه می یوقسه پیاده آتشنه می هدف اولمشدر؛ بونی بردن بره آکلا یه میه جقدر. اما، بوراده بر شرط دها ایسترکه، اوده سواری نفرلرینك کندیلرینی دشمنه کوسترمکدن چکینمش بولملریدر. بناء علیه شویله بر آتش قارشوسنده دشمن کال احتیاط ایله واوته سنی بریسنی کشف ایتدیره، ایتدیره ایلرولمکه مجبوریت کوره جکدر . بوندن آکلا شیلورکه بر رجعت حرکتنده، سواری آیاقده جنك ایدرک، سرعتی سایه سنده، دشمنی یا کلتیق و بووجهله آنک یوروشنی ایجه تأخیر ایتدیرمك خصوصنده رجعت قطعاتنه پک جوق یاردملرده بولنه بیلور. سواری، بو وظیفه یی، کرك (پونطوی) وکرك (هوپتال) و (قاما) اورمانلرینك کنارلرنده ده ایفا ایده بیلور و او وجهله دشمنه، اوکنده جدی بر پیاده قطعه سی بولندینی فکرینی ویره بیلور . باخصوص، دشمن، بر جوق نقطه لرده یناشق نظامده پیاده لر کوره جك اولورسه، اوزمان دها اوقدر یا ککش اوله جقدر . بناء علیه سواری،

هر محاربه به اشتراك ايتمش اوله بيلمك ايچون كندى حرڪاتنى دائما دمدار
 پياده سيله ارتباطده قاله جق وجهله تنظيم ايتمش بولنه جقدر. دشمنله پك
 صيق بر تماس حاصل ايدلديكى زمان سوارينك تعينه وظيفه سى هر شيه تقدم
 ايدر. مع هذا، سوارى بو وظيفه ايله اوغراشدىنى ائنده كشف
 خدماتى ده بستان اوئوده جق دكلدر. بالعكس هم كشف خدماتى
 كوره جك وهم پياده لرك حرڪاتنه مربوط تعينه جه لازم كلان وظائفى
 تعقيب ايله جكدر. بوراده شو ايكى وظيفه نك ايكيسنى ده اجرا ايتك
 سوارى ايچون بر آز دكل، پك زور اوله جقدر. بناءً عليه ايش
 باشنده پك فكرلى وپك مدبر و (شهرزده) دره سنى دشمنله كندى
 آرد سنى قويه جنى زمان قطعى تعينه مقتدر بر سوارى قوماندانى
 اولق لازم كلور.

محاربه ده اصل وظيفه سوارى بطريه سنى عائددر. بو بطريه كندى
 پياده محافظيله عين زمانده هم بيوك يولى وهم غريده اوكا مجاور اولان
 اراضى (احتمال دشمن قوللرينك تقرب ايدى جكى منطقه) نى دوكه جك
 صورتده بر موضع طوته جقدر. مفرزه امرى. بيكباشى ن. ك
 (هوپتال) اورمانلرى جوارنده دشمنك يورويشنى تأخير ايتكه
 مجبور اولديغى سويليور. لکن، بر جانبدار آيرمه سنى امر ايتكه
 برابر. وظيفه سنى باشه چيقار مق خصوص سنده موسى الپى سربست
 وپك مستقل براقيور. امرى آلدق دن صكره بيكباشى ن. .. اولا
 كيجه لين اتخاذ ايديله جك بعض تدابير اولوب اولديغى بردوشونه جكدر.
 ايلرى قره غوللره يكي بر امر ويريانجه يه قدر یرلى یرلرنده قالملىرى
 امر ايدلديكى ومسقبل دمدارك ديكر قطعانى ده كندى محمللرىنى بيلدكارى
 ايچون بيكباشى ن. .. سائر آله جنى ترتيباتى يارين صباحه براقه جقدر.

زیرا ، کجه لین یاییله جق تدارکات بیله هب مفرزه امرندن حرفی حرفنه آکلاشیلور .

تنظیم ایدیله جک یالکز برنقطه وارکه ، اوده کندی سواری بلوکنی ، بیکباشی ن . . ك قوللانق ایستمدیکی بریره کوندرمکدن ایلری قره غوللر قوماندانی منع ایلمکدر . بوسایده سوارینك پك طاغیلی بولنق محذوری برطرف ایدلش اولور . دشمن ايله اولان تماسی محافظه و آنك یورویشنی ترصد ایتمکه برابر ایلری قره غول سواری بلوکنك مختلف اقسامی ایستیلان زمانده کندی قوماندانلرینك الی آلتنده بولنه جق وجهله حرکت ایتلیدرکه ، حین حاجتده خصوصی بر وظیفه ایچون مختلف سواری بلوکلرینك اقسامی برلشدرمه که محل قالمسون . سوارینك قسم متباقیسی دشمنله تماس حاصل ایتش بولنه جفی زمان ، ایلری قره غول سواری بلوکی کندی خدمتی بتورمش اوله جقدر .

بیکباشی ن . . کندی قطعات عسکریه سنك نه وجهله قوللانمق لازم کلدیکی دوشونمک ایچون بول ، بول زمانه مالکدر . بناءً علیه دشمنه دائر آرتق حوادث کلیه جکنه امین بولنه جفی بر زمانه قدر کندی قرارینی تأخیر ایده بیلور . مفرزه قومانداننك امری اوکا پك ارکندن کلش اولدینی ایچون : او کندی قومانداننك افکار ومقا صدینی ایستدیکی کبی تدقیق وملاحظه دن کچوره بیلور . برکون اولیسی مفرزه قوماندانی اولدینی کبی ، ایرتسی صباح بیکباشی ن . . ده آرتق پك مستریح برحالده بولنه جقدر . زیرا ، دشمنك پك ارکندن حرکت ایتمه مش اولدیغنی مطلق او کر نه جکدر . بناءً علیه ، مفرزه قوماندانی قطعات عسکریه نك حرکتده دائر اولان ترتیباتی تنظیم ایتمکه مشغول

اولدینی صرمدده اوده خصمك يورويشنى تأخير ايتدرمك خصوصنده لازم كلان تدابيرى اتخاذايده بيله جكدرد .

ايلك مقاومت ايچون ، (شيريزه) دره سنك جنوبنده برموضع آرمق ايني برتدير اوله مز . زيرا اكر ، دشمن شدتلى برتعقيب اجرا ايدورسه ، ايلرى قره غول بلوكلىرى ، احتمال ايجه ضايعات ويرمكسزین بودره يي آتلامغه موفق اوله ميه جقلردر . اك ايوسى ، مقاومت خطى (اورنى) — (غروه لابس) — (پونطوى) دن كچه جكدرد . خط مذکور بووجهله كندى اوكنده (شيريزه) درهسى كچي برمانعهده مالك اوله جقدرد .

صاغ يان جانبدار پيادهسى (اورونى) يى ، دمدار باشى پيادهسى (غروه لابس) و (پونطوى) ي مدافعه ايده جك ، سواری بطريهسى ايسه (غروه لاهوت) تپه لرى اوزرنده يرلشه جكدرد . دشمن بو وجهله ۴ كيلو متره اوزونلغنده برآتش خطى قرشوسنده بولنه جق وايلك نظرده ايلروسنده كيملر وار كيملر يوق . بونى آكلايه ميه جقدرد . بناءً عليه دشمن ايلروملك خصوصنده احتياطلى طاورانه جق ووضعتى آكلايوبده اوكا كوره برقرار ويرمك ، شدتلى برحرکت اجرا ايتمك ايچون ايني زمان غائب ايده جكدرد .

كنديكزى برآن ايچون دشمن قوماندانى يرينه قويكيز . اسكى حرب باروتى قوللانلدينى زمان ، حصوله كلان كوچك ، كوچك طومان ييغينلىرى اشغال ايديلان خط ايله آتش خطنك بونى تقدير ايتمك خصوصنده ايني ايشه ياراردى . لكن بوكون طومانسز باروت قوللا . نلدينى ايچون دشمن ۴ كيلو متره اوزونلغنده برخط بويجه ، آوجيلرك يرلرينى قطعى برصورتده تعيين ايده مكسزین ، يالكز تفك بسلىرى

ایشیده جکدر . و دشمن آنجی یواش ، یواش ، مختلف جهتلردن خصمنه دأثر دها صحیح معلومات ایدینه بیله جکدر . بناءً علیه وضعیت بللی اولوبده اوکا قرشو برقرار ویریلنجیه قدر دشمن شبهه سز ایجه وقت ضایع ایتمش بولنه جقدر .

بوندن صکرده ، تخریب ایدلمش اولان کوپرلر ، دشمن طوبیجیسی اپی برزمان طور دیرمش اوله جقلردر . بتون بوتوقلر ، قسم کلینک ۲ کیلو متره ک برمسافه قدر دمداردن ایلروده بولمنسی تأمین ایتک ایچون کفایت ایده جکلر حتی فضلہ بیله کله جکلردر . بواولدقدن صکره ، قسم کلی ، (پی رزو) نک جنوب شرقیسنده (۲۷۰،۸) راقلی تپه واسطه سیله کندیسنی دشمندن ستر ایتمش بولنه جقدر . اگر دشمنی آلداتمه موفق اولورسه ، بیکاشنی ن . . . قسم کلی ایله کندی آره سنده کی مسافه یی پک او قدر دوشونمکسزین ایجه زمان کزیده قاله جقدر . چونکه دشمن طوبیجیسی (پی رزو) نک جنوب شرقیسنده کی تپه لره نه قدر کچ کله جک اولورسه ، بیکاشنی ن . . ک رجعتی دها او قدر زیاده کوزل شرطلر تحتده جریان ایتمش بولنه حقدر .

ایشته دمدار قوماندانی ، آلدینی امرلری بوجله اجرا ایده جکدر . برضابطک بورجلی اولدینی اطاعت ، عادی برنکردن ایستیلان اطاعتدن بسبتون بشقه برطیعتی حائزدر . ضابط آلدینی امرلرک حرفلرینه کوره دکل بالعکس فکرلرینه کوره و مافوقنک آمانه نظراً حرکت مجبوردر . مثلاً بوراده مفرزه قوماندانی دشمن یورویشنک تأخیر ایدلمسنی ایستیور . ایشه اصل دقت ایله تعقیب ایدیله جک بودر . یوقسه دمدارک قسم کلی به اولان مسافه سی تمامیه مطلوبه موافق ایش ویا دکل ایش

بو ایکنجی ، اوچنجی درجه ده برشیدر . امرده ، دمدارک برنجی
 موضعی ترک ایدرک فصل کری به چکیله جکنی بیان ایتک وایکنجی
 بر موضع طوتمسندن بحث ایلمک یاخود دمدارک اقسام متباقیه سنی
 طولیلامق ایچون دمدار قسم کلیسی طرفندن انتخاب ایدلمش اولان
 موضعی سویلمک خطا اولوردی . مقاومتک نه درجه اوزون سوره جکی
 و اوخصوصده قوللانیله جق وسائط ، خصمک تعقیبه کوسترمش
 اوله جنی شدنه تابعدر . خصمک نه وجهله تعقیب ایتمکده اولدیغنه
 دائر صحیح بر فکر ایدینلیدیکی کبی ایجاب ایدرسه یکی بر امردها
 ویریه بیلور . شدتلی بردشمن هجومه اوغرامش اولدقلری زمان ،
 نه استقامتده چکیله جکلرینی بیلیمک ایچون معیت قوماندانلرینه شبهه سز ،
 تعقیب ایده جکلری خط رجعتی سویلمک لازمدر . زیرا شویله بر زمانده
 امرلرک اولنره تام وقتنده کیتمش اولسی بر ازدکل ، پک چوق مشکوک
 برشیدر . بناءً علیه خط رجعت ، محاربه باشلامش اولمدن اولدها جزء تام
 قوماندانلرینه بیلدرلمش اوله جقدر . بوراده ایشه کیریشمه دن اولدها ،
 عسکرک بر آزرک ره رجعت ایده جکنی سویلمکده بر مخدور یوقدر . زیرا ،
 بور رجعت حرکتی ، ذاتاً مفرزه امرینک اساسنی تشکیل ایدیور . بو
 امرک اصل مقصدی ، اقسام عسکریه دن هر برینسک رجعت اثناسنده
 تعقیب ایده جکلری استقامتی کوسترمکدر . ایشته ، دشمنی یایامغه
 مجبور ایتک ایچون موقتاً (شهریزه ی) دره سنک شالنده بر موضع
 آلمق خصوصنه بیکباشی ن . . ک برقرار ویرمسنی ایجاب ایدن ملا .
 حظات بونلردن عبارتدر . شمیدی ایشه ، دمدار ، قسم کلی دمدارباشی ،
 دمدار سواریسسی ، وصاغ یان جانبداری کبی قسملره آیره مک
 صره سی کلیور . سوارینک اتقسامی ، بروجه آتی فکر اوزرینه

مؤسسدر : بيوك يول اوزرنده آز وقت صكره دشمن پيشداريله چارپيشيله جقدر . بوراده اك زياده دقت ايديله جك شى خصمك تعقيبنده كى شدتى اوكرنمكه چاليشمقدن عبارت اوله جق ؛ يوقسه بوندن بشقه يكي بر شى اوكرنلمش اوله ميه جقدر . بالعكس ، اصل يوله موازى كيدن ايكي يول بونجه ايودن ايويه استكشاف ايتمك لازمدر . بناءً عليه سواريكز دشمن قوتلرينك يانلرينه تقرب ايتمك ايچون اپي طولاشمش اوله جقدر . سوارى بويله ياپارسه ، جبهه دن دشمن سواريسى قرشو حركت ايتمش اولمسنندن زياده ، خصم قوللرينه دائر سزه معلومات ويره بيله جقدر . باخصوص دشمنك جبهه ده سواريسى پك چوق ايسه مطلق بويله حركت ايتمليدر .

سواريكز قوت ايله ايش كورمك ايسيه جك اولورسه ، بيوك بر شى ياممش اوله ميه جقدر . بناءً عليه اك ايوسى او ، دشمنك پك فعال وجسور كشف قوللرينى كرى نه پوسكورتمكه اكتفا ايديله جك وبالخاصه كندى پياده سيله ارتباطده قاهره ، خصم قوللرينك يانلرى اوزرينه بعض جسور كشف قوللرى كوندرده جقدر .

بيوك يوله موازى اولان غريبنده كى يول ، اك مهمدر ؛ چونكه (شهزنى) نى تهديد ايدىيور . اويله ايسه سز اورايه چوق سوارى كوندرده جكسكز . شرقده كى يول ده تهلكه كلى بر شى دكلدر . مع هذا يارين بو يول اوزرنده بر ويا بر قاچ هوسار بلوكنك يورومش اولديغنى كورمك ده بعيد الاحتمال اوله مز . لكن بوقطعى دكلدر . اونك ايچون او طرفه آز سوارى كوندريكز . كيش بر جبهه اوزرنده رجعت حركتى يابلديغى زمان سوارى طاغلمق تهلكه سنه معروضدر . بناءً عليه سز شو محذورك اوكنى آله بيلمش اولمق ايچون

سواری بلوکلرینه ایکی وظیفه ویریکز ، و بو وظیفه لر دن بریسی وظیفه اصلیه ، او بری ایکنجی درجه دن بر وظیفه اولسون . سوارینک اک بیوک قسمی شبهه سز وظیفه اصلیه یه ، دیگر قسمی ده ایکنجی درجه دن اولان وظیفه یه مأمور اوله جقدر . او یله ایسه ، ایکی سواری بلوکی بیوک یولک غریبنده استکشافه مأمور اوله جق ، بیوک یول ایله شرقنده کی اراضینک کشف و ترصدی ایچون ایسه یالکز بر سواری بلوکی تخصیص ایدیله جکدر . بیلورسکزکه ، ایلری قره غول سواری بلوکنک اک بیوک بر قسمی ، بیوک یول اوزرنده اقامت ایدیور . او یله ایسه هیچ طور میکنز ، بیوک یولی ترصد ایتک و (بو) ایله (ساربروک) شمندوفر ی جهتلرینی کشف ایتک وظیفه سنی اوکا حواله ایدیکز . بناءً علیه شمیدیکی مسئله ده برنجی سواری بلوکی قوماندانه لازم کلان امرلری دمدار قوماندانی ویره جکدر . حال بوکه اساساً بو سواری بلوکلری آره منده تقسیم وظائف خصوصنی آلا ی قوماندانه بر افاق و بوکی تفرعاه کیریشمکدن چکنمک لازم کلوردی .

بوراده وظیفه اصلیه یی هنوز تازه اولان ایکی سواری بلوکنه ترک ایتمکه بیوک فائده وار . جانبدارله برابر عین جهته کوندریلان سواری یی وکندینه استنادک خدمتی کوره جک اولان پیاده یی عینی قوماندانک الی آلتنده بولندیر مق لازم کلور . پیاده اوله رق ، بیکباشی ن .. طویل بولن ان ایکنجی طابور ایله ایلری قره غول لرده هنوز طاغیلی برحاله بولن ان برنجی طابوره مالکدر . بناءً علیه دمدارک مرکزینی یعنی قسم کلیدنی ایکنجی طابور تشکیل ایده جک برنجی طابور ایسه دمدار باشی قدمه سیله ، جانبدار ی تشکیل ایده جکدر . بوانقسامک بویه

اولمق لازم کله جکی میدانده برشیدر . مع هذا ، محاربه یرنده برنجی خطی برنجی طابور وایکنجی خطی ایکنجی طابور تشکیل ایده جکی ایچون مذکور انقسامک برمحذور حصوله کتوره جکنی سویلمه مکده . المدن کلز . برنجی خطی تقویه ایتک ایچون ایکنجی طابورک بلوکلری شبهه سز برنجینک بلوکلری آره سنه کیرمه مجبور اوله جقلردر . اکر برنجی خطی تمدید صورتیله تقویه ایتک ممکن اولسیدی ، اوزمان شبهه سز بلوکلر بو وجهله بربرینه قاریشمش اولیه جقلردی . اکر بلوکلری بربرینه قاریشدیرمهدن برنجی خطک تقویه سی اکمال ایدیلورسه اوزمان بونی بر بختیارلق صایملیدر . بلوکلری قاریشدیرمامق خصوصنی تأمین ایده بیلیمک ایچون برنجی خطده کیلری یرلرندن قالدیرمه ملیدر . زیرا ، بوهم چوق زمان ایستر ، وهم دهه بر چوق فنا نتیجه لره سبب اولور .

ایلك باقیشده دهه ، برنجی بلوکلر جانبداره ویرلش و ۲ ، ۳ نجی بلوکلرکده دمدار باشی تشکیل ایتش اولسی لازم کله جکنه حکم ایتشسکزدرد ، سانورم . یاعجبا ۴ نجی بلوکی نه یایلمی ؟ دمدار باشی ایچون یالکز ۲ بلوک یتیشور : قسم کلی یی صورارسه کز اوده ایجه قوتلیدر . جانبدارک یاپه جنی وظیفه پک مهمدر . بناءً علیه اونیده الدن کلدیکی قدر قوتلی تشکیل ایتک لازم کلور . زیرا دشمنک کندیسنه عددجه فائق اولان غرب قولی ، (شهریزه ی) ی کچدیکی کبی اون ی پک اشغال ایتش اوله بیله جکدر . او یله ایسه کلیکز دمداره ۴ نجی بلوکی ده الحاق ایدیکز ، بوندن فائده کوره جک ینه سزسکز . بو ۴ نجی بلوک ، دشمن حتی پک یقیندن تضییق ایتش اولدینی حالده بیله هیچ طور مقسزین رجعت ایده جک اولان برنجی بلوکی (اورنی) ده

کندی اوزرینه طویلایه جقدر . و اونک سایه سنده برنجی بلوک
(شهریزه) دره سنی دها قولای، قولای یکیش بولنه جقدر .
سواری بطریه سی موقتاً دمدار قسم کلیسنه الحاق ایدلمش
اوله جقدر .

بناءً علیه انقسام عساکر ایشته بویه جه ترتیب اولنه جقدر :

انقسام عساکر

- ۱ — دمدار قسم کلیسی (و یوروش نظامی) :
 - ۲ نجی سیار طوینجی آلاینگ برنجی سواری بطریه سی .
 - ۳۴ نجی پیاده آلاینگ ۲ نجی طاووری .
 - ۳ نجی دراغون آلاینگ برنجی بلوکندن برکوچک ضابط و ۴ سواری .
 - ۴ — دمدار باشی : یوزباشی ب . .
 - ۳۴ نجی پیاده آلاینگ ۲ و ۳ نجی بلوکری .
 - ۳ نجی دراغون آلاینگ برنجی بلوکندن برکوچک ضابط و ۸ سواری .
 - ۳ — دمدار سواربسی : یوزباشی ت . .
 - ۳ نجی دراغون آلاینگ برنجی سواری بلوکی .
 - ۴ — صاغ یان جانبدار : بیکباشی ر . .
 - ۳۳ نجی پیاده آلاینگ برنجی طاووری (۲ و ۳ نجی بلوکر اکسیک) .
 - ۳ نجی دراغون آلایی (۱ و ۳ نجی بلوکر اکسیک) .
- مادونلره ویریهلجک امرلره دائر ، یدنجی مکتوبمه مخصوص
آچیق واکسیک براقش اولدیغم بعض نقطه لری اکیله مجبورم .
آلتنجی مسئله نك حلنده ، مؤخرأ پیشداره ده قوماندا ایدن
ایلری قره غوللر قوماندانی مفرزه قوماندانندن تحریراً برامر آلور .
لکن او ، بوامری اولدینی کبی ایلری قره غوللره تبلیغ ایدمز .
اوندن بشقه دیدیکیمز ذات ، (آمه لائر) ده کی تقویه قطعاتنه نه کبی
تعلیمات ویرلدیکنی وفی الحقیقه اونلره بویه برتعلیمات ویرلدیمی یوقسه

ویرلمدیمی بوراسنی بیله مز . بناءً علیه ایلک اوکجه ، ایلری قره غوللرک اجتماعنی کوسترمک اوزره بر اجتماع امری ، وئانیاً مقدما سزک کورد کلر یکز کبی وهریشداره قابل تطبیق اوله جق صورتده شفاهاً بر امر ویرمهک مجبور اولمشدی . اگر پیشدار امری ، (آمه لائز) دن کلان قطعاتک اولجه ذاتاً بیلدکلری بعض شیلری ده حاوی اولورسه ، بونلری اونره ایکجی بردفعه تکرار ایتمکدن بر فئالی چیقمش اوله مز . بالعکس اودرلو حرکت ایتک خدمت سفریه نظامنامه سنه تمامی تمامه موافقدر ، فی الحقیقه سفریه ده ، مافوقدن مادون قوماندانلرینه کله جک امرلری عینله قطعات عسکریه یه نقل ایتک جائز اولدینی و بالعکس هر مادون قوماندان مافوقدن کله جک هر امرده کندی ایشینه یرایه جق اولان نقطه لری آیردودن و اونلری ایجاب ایتدیکی قدر شرح و تفصیل ایتدکن صکره آریجه بر امر یازمغه مجبور بولدینی کوستریلیور .

بر مادون قوماندان اصولاً ، قطعات عسکریه سنک اجتماعنی تأمین ایچون قیصه بر امر ایله ، کری یه قالان خدمات سائرینی یولنه قویمق خصوصتده آریجه شفاهی بر امر ویرمک مجبوریتنده در . بر امر یازمق لازمی یوقسه دکلری بونی تمامله کسیدیرمدیککز وقت بر کره آشاغیده کی ، سؤللری کندی کندیکزه بر صوریکز :

۱ — اقسام عسکریه دن هر بر یسی مفرزه قوماندانک امرینی تمامله

آلمشلمی آلامشلمی ؟ اگر هپسی آلامشلمسه ، معلوم اولان اورنکی اساس طوته رق کندی کندیکزه بر امر ترتیب ایدیکز ؛

۲ . — بتون اقسام عسکریه ، مفرزه قوماندانک امرینی آلمش

اولدقلمی حالده آنک بعض نقطه لرینی (دشمنه دائر معلومات وسائرده)

اکمال ایتک لازمی دکلری ؟ اگر لازم ایسه علاوه ایدیله جک شیئی

خصوصی بر ماده طرزنده وامریکزك باش طرفه قویکزه ؛
 ۳ — مفرزه قوماندانك امرینی اجرا ایتدیرمك ایچون قبول ایدیلهك ترتیبات فرعیه نهلردن عبارتدر ؟ اصل بو ترتیبات سزك ویره جككز امرك اساسی تشکیل ایده جكددر . اكر سزوضعتی ایودن ایویه آكلادقدن صكره بئم نصیحتلر مه قولاق ویرر ، وبتون شو نقطه لری ایوجه دوشونورسه كز يك ایو ایتمش اوله جقسكز .

اقسام عسکریه دن کوندریلان ضابطان مفرزه قوماندانك تعیین ایتدیکی بر ساعتده ایرتسی کون ایچون ایجاب ایدن امرلری آلمغه کلورلر . بو ضابطلر ، صکره اجرا ایدیلهك حرکات انئاسنده منسوب اولدقلری اقسام عسکریه نك طوپنه قوماند ایدهك اولان ذاتك حضورینه کیدرلر . بو ذات ، مفرزه قوماندانك امرلرینه علاوه ایدلمسی لازم کلان شیلری اونلره یازدیرر .

شمیدیکی حالده ، امر ایچون کلهك ضابطلر شونلردر : ۳۴ نجی آلایدن ، ۲ نجی آوجی طابورندن ، ۳ نجی دراغون آلایندن ، طوپنجی طابورندن استحکام و سیار خسته خانه سندن ده بررضابط واحتمال که . بونلر آره سنده ایلری قره غوللر طابوریله ۳۴ نجی آلایک دیگر طابورلرندن ده بررضابط واردی . اكر بو ۳۴ نجی آلایک دیگر طابورلرندن بررضابط کله مش ایسه ، ۳۴ نجی آلای نامنه کوندریلان ضابط اونلره مفرزه قوماندانك امرینی نوطه ایتدیره جكددر . ۳۴ نجی دراغون آلایندن کوندریلان ضابط امری کندی آمرینه تبلیغ ایتهدن اول طوغریجه بیکباشی .. یانه کیدر . (۳۴) نجی آلایک برنجی وایکنجی طابورندن کلان ضابطلر ایسه ، بیکباشی ن .. ك حضورینه احتمال براز ده

کچ چقه جقلردر . سواری بطریه سندن بر ضابطده بو بطریه ایچون لازم کلان تعلیقاتی آلمق اوزره مذکور طابورلرک ضابطلرینه التحاق ایدم جکدر .

بیکاشی ن . . دراغون آلایندن ، ایکنجی طابوردن ، سواری بطریه سندن کلان ضابطره یالکز ایرتسی کون کنیدی طرفندن ویریله جک امرک ساعتی سویلمکله اکتفا ایدم جکدر . ایلری قره غوللردن کلان ضابط هم کنیدی طابورینه وهم ایلری قره غوللار سواری بلوکنه دائر اولان امرلری کتوره جکدر . بوسواری بلوکنک ده اکیجه دن ، ایلری قره غول قوماندانی واسطه سیله مفرزه قوماندانک امرینه وقوق پیدا ایتسی لازمدر . اوسایده ، هم مفرزه قوماندانک افکارینه ، هم رجعت ایچون اتخاذاولسان ترتیباته واقف اوله جق وایرتسی کون هر قدمیه طوغریدن طوغرییه والک قیسه یولدن دشمنه دائر لازم کلان معلوماتی ویرمکده شووجهله موفق اوله . بیله جکدر . برده ایرتسی صباح ، ایلری قره غول سواری بلوکی ، دمدار امرینی ایلک اوکجه آلانلردن اوله جق دکدر . چونکه او ، شفق سوکر سوکر همان ایلری کیتمه مجبوردر . بناء علیه بیکاشی ن . . شمدیلک یالکز آتیده کی امری ویرمکله اکتفا ایدم جکدر :

(پونطوی)

۱—۷—۳۰۸۹—۱۱ کیجه

دمدار امری

۱ — ایلری قره غوللر سواریمی،
دشمنی ترصد ایلیمک وظیفه سنی کورمکه
برابر. یارین صباح (لییهون) ک شرقنده
بیوک یول اوزرنده و ساعت (۵) بجقده
امر آلق خصوصنده لازم کلان تدابیری
اخذ ایلیه جقدر .

۲ — حرکت امری یارین صباح
(۴) ی (۵۰) کچه (پونطوی) ک غرب
رجنده یازدیریه جقدر .

بیکباشی ن ..

انقسام عسکر یه دن کوندربان
ضابطلره یازدیرلش وسواری
بلوکنندن، ایلری قره غوللر طا بو -
رینک ضابطیله کوندرباشدر .

ایرتسی کون ایچون اولان امر اصل تعین ایدیلان ساعتدن (۱۰) دقیقه اول یازدیرلمشدر . بونکده سببی ، دمدارک بتون اقسامی وسواری حرکت امرینک مندرجاتنه دائر بر آرزدها ارکنجه معلومات ایدینمش اولمقدر . فی الحقیقه بویله یاییلورسه اونلر رجعت حرکتی حاضر لاق ایچون بر آرز زمانه مالک اولمش بولنه جقلردر . حرکت امری خصوصنده ، بیکباشی ن . . . بودفعهده یننه ایکی اصولدن برینی انتخاب ایده بیلور . یعنی مومی الیه ایسترسه دمدارک هر قدمه سنه آیری آیری برر خصوصی امر ویرر ، ایسترسه هپسنه بردن عمومی برامر ویرر . بشنجی مکتوبنده سزه سویلمش اولدیغم قواعد وملاحظاته بناء بوراده یننه ایکنجی اصول برنجیسنه ترجیح ایدیله بیلور . چونکه بواصول ، مادون قوماندانلردن هر بریسنه برباقیشده دمدارک وظیفه سی نهدن عبارتدر : اونی کوسترمکه وایلریده اوکا کوره متحداً حرکت ایتکه مساعددر .

بردمدار ایچون سزه ، برامر اورنکی ویرمکی مناسب کورمدم . چونکه سز ، برایلری یوروش ویا بر رجعت ایچون ویریلان امر اورنکفرنده بوخصوصده لازم کلان ماده لری بولورسکز . بناء علیه دمدار امریکزی ده هیچ بر مشکلاته اوغرا مقسزین ترکیب ایده بیلورسکز . ایرتسی صباح ، بیکباشی ن . . . کندی مادونلرینه اولکی کوندن بری دشمن جهتدن هیچ بریکی حوادث کلمدیکنی سویلیه جکدر . بوسایه ده او ، مفرزه قوماندانک ویردیکی امرده خصمه دائر سویلنمش اولان معلوماتی تکرار ایتمکدن قورتیله جقدر . مادون قوماندانلردن هر بریسی ، بیکباشی ن . . . ک مقصدی اوپله بردن بره کری چکلکمک دکل بالعکس ، یواش ، یواش ودشمنی یایلمغه مجبور ایده جک وجهله

چکلمکدن عبارت اولدیغی آکلایه جقدر . مع هذا ، اوزون اوزادی به محاربه به کریشمه مک لازم کلدیکی ده بیکباشی ن . . اولره سویله جکدر .

هر احتمال جواب ویرمک ایچون برآز وقت صکره طورمه مجبور اولان پیشدار قسم کلیدی (غره ولاهوت) ک ۶۰۰ متره شمالنده کی زمین عارضه سنده کندیسنی محفوظ بولندیره جق واوراده بلکه عمومیتله یول قول نظامنده طوره جقدر . مع هذا دیدیکمز عارضه بی ممکن مرتبه جابوق الده ایدنجیه قدر او . یقیندن یقینه مفرزه نک قول نهایتی تعقیب ایلجه جکدر . و آنجق صکره دن صکره به کندی مسافه سنی اخذ ایتمش بولنه جقدر . مفرزه قوماندانه شورتیباتدن شبهه سز معلومات ویریه جکدر .

دمدار باشی ایچون آلنه جق ترتیبات پک قیصه اوله جقدر . بناءً علیه اوکا یالکز عزیمت زمانی وایلک طوتیه جق نقطه لری سویلمک یتیشور . مؤخرآ اوکا ده ایشقه امرلر ویریه جک . و بیکباشی ن . . آنک یاننده قاله جغنی ایچون بوا امرلر اوکا تام زماننده ویرلمش اوله جقدر . جانبدار ایچون لازم کلان ترتیبات پک او قدر قیصه اوله میه جقدر . زیرا اونک یری بیکباشی ن . . دن اوزا قدر . مع هذا ، (اورنی) نک تخلیه سی ورجعتنه دوام خصوصنده اوئی مستقل و سربست بولندرمق لازمدر . برده او ، اولجه ده (اورنی) یی ترک ایتدکدن صکره تعقیب ایدیلجه جک خط رجعتی بیلمکه مجبوردر . جانبدار قوماندانی ، ایلری قره غوللر خدمتک نه زمان ختام بوله جغنی و (۴) نجی بلوکی نه زمان کندی اداره سنه آلمش اوله جغنی ده بیلمایدیر . جانبداره یالکز تمامی محافظه ایتک دکل ، بالعکس دشمنک صول جناح قوانک

صول يانی اوزرينه بعض شدتلی سوارى كشافلى كوندركمك خصوصى امر ايدى جكسكنز .

دمدار سواريسى (سار بروك) شمدوفر جهتنه برضايط كشف قولى كوندركمك ايچون امر آله جقدر . بو خدمته اى برضايط انتخاب ايديله جك و خدمتك حس اجرا وايفاسى آنك يد صلاحيت واستقلاله ترك ايديله جقدر .

بوضايط كشف قولى بر آز وقت صكره كرى دونمك مجبور يتنده ده دكلدر . بالعكس او ، شمدوفر بويجه اپى زمان قاله حق واورادن كوردكلرينى كرى به خبر ويره جك . حتى هيچ برشى كورمديكى زمان بيله ينه بو خصوصى كرى به مطلق خبر ويره جقدر . ديديكمز ضابط كشف قولى ايچون يالكز بر قاج سوارى يتيشور . زيرا ، بر ضابط كشف قولى نه درجه قوتلى اولورسه ، دشمن نظرندن وتعيينندن ده اوقدر زور كنديسى كيزيله بيلور . اويله ايسه بيكباشى ن . . نافله يره بر چوق سوارى كوندرلمش اولماق ايچون تيوريولى جهتنه كوندريله جك اولان ضابط كشف قولنى كنديسى امر وتعين ايدى جقدر . تنظيم ايديله جك مشكل نقطه لردن بريسي ده استحكام طرفدن لثم ترتيباتى يابلشمش اولان كوپرلىرى نه زمان تخريب ايتمك لازم كلديكى بيلمكدرد . زيرا اكر بو تخريب خصوصى ار كنجه يابيلورسه : او وقت سوارينك پك طولاشيق ير لردن چمسي ايجاب ايدى جقدر كه ، شو : بيوك بر محذور در . بيكباشى ن . . كوپر يلك تخريب ايديله جكى زمان قطعى ي كنديلكندن تعين ايدى ميه جقدر . بالعكس بو وظيفه يى جانبدار ودمدار قوماندانلرينه براقه جقدر . مذكور قوماندانلر شو مخصوصدن طولايى سؤل طوتيله جقلردر .

و بومسئولیت ویریله جک امرده ذکر ایدلمش اولملی که ، هیچ بریسی
وظیفه سنی اونوتمش بولمسون . .

بیکیباشی ن . . امرینی ویردکن صکره ، اولجه (غروه لاهوت) ه
چکیله جکدر . مومی الیه ، مفرزه قوماندانی اوراده بوله جقدر .
وقتی کلدیکی زمان آتش آچق ایچون بطریه یه امر ویره جک ، بیکیباشی
ن . . در . (غروه لاهوت) تپه سندن مومی الیه کوزی اوکنده
جریان ایده جک اولان حرکاتی برر ، برر تعقیب ایلیه جکدر .

ایشته سزك امریکز بویله یازیلہ جقدر :

(پونطوی) ك غرب مخرجی

۲ — ۷ — ۸۹ — ۹۱۰ — کوندوز

دمدار امری

۱ — دوندن بری خصمه دائر هیچ
برحوادث یوقدر .

۲ — دمدار ، خصمی (شهریزدی)
دره سی اوزرنده یایلمغه مجبور اتمك وظیفه
سیله مكلفدر . مع هذا دمدار ، پك جدی
بر محاربیه کیریشمکدن چکینه جك وکندی
نمایش حرکتی بیتدیکی اکی درحال
(بهوی لاباس) اوزرنه قسم کلی بی
تعقیب ایلیه جقدر .

۳ — دمدار قسم کلیسی ، (غره و لاهوت) ك
۶۰۰ متره شماله قدر قسم کلی ك قول
نهایتندہ یوری به جك واوراده یکی امرلره
انتظار ایده جقدر .

۴ — دمدار باشی صباح ساعت (۵)
بچقدہ عزیمت ایده جك و (غره و لاباس)
ایله (پونطوی) ی اشغال ایده جقدر .
ویکی امر کلنجهیه قدر دشمنی اوراده
طور دیره جقدر .

۵ — دمدار سوازیسی ، کشافلرواسطه
سیله بیوك پول ایله (بو) جهتنده دشمن
ایله اولان تماسی محافظه ایده جقدر . آبرجیه
برضابط کشف قولی ده (اور) دن ،
(سار بروك) اوزرنه کیدن شمندوفر
جهتنه کوندریله جقدر .

انقسام عساكر

۱ — قسم کلی (ویوروش

نظامی) : ۲نجی سیار طونجی
آلایك برنجی سواری بطریه سی .
۳۴نجی پیاده آلایك ۲نجی
طابوری .

۳نجی دراغون آلایك برنجی
بلو کندن بر کوچك ضابط و ۴
سواری .

۲ — دمدار باشی :
یوزباشی ب .

۳۴نجی پیاده آلایك ۲ ،
۳نجی بلوکلری .

۳نجی دراغون آلایك برنجی
بلو کندن بر کوچك ضابط و ۸
سواری .

۳ — دمدار سوازیسی :
یوزباشی ت ..

۳نجی دراغون آلایك برنجی
بلو کی .

۴ — صاغ یان جانبداري :
ییکباشی ر ..

۳۴نجی پیاده آلایك برنجی
طابوری (۲ ، ۳نجی بلوکلر اکسیك

۳نجی دراغون آ لای (برنجی
ودردنجی بلوکلر اکسیك) .

۶ - صاغ يان جانبداری دشمنی
(اورنی) ایله (هوپتال) اورمانلری
کنارنده طور دیرره جک و دشمنک کندیسنه
فائق قوتلری اوکنده (هوپتال) اوما-
نلرندن و (شهزنی) دن کچهرک کری یه
چکیله جکدر . صباح ساعت (۵) ی
(۱۵) کچه دن اعتباراً بیکباشی (۴۰۰) نجی
بلوکی ده زیر اداره سنه آلهجق وساعت
(۵) بپتده ایسه (شهریزه ی) اوزرینه
رجعت اتمک باشلايه جقدر . بیکباشی ر..
اوندن بشقه حضم ایله اولان تماسنی
(بوشی) واسطه سیله بمحافظه ایده جک
(وینی) اوزرینه کشافلر کوندره جکدر .
۷ - صاغ يان جانبداری ایله دمدار
باشی (شهریزه ی) دره می اوزرنده کی
کچید نقطه لرینک تام زماننده تغیر بایدلش
اولسندن مسئول طوتیله جقدر .

۸ - راپورلر بکا ، (غروه لاهوت) ه
کوندریله جکدر .
بیکباشی ر ..

جزء تام قوماندانلرینه آغزیدن
سویلنمش وایلری قره غوللره
ایسه تحریراً و یوزباشی س .. ایله
نوطه ابتدی رلشد .

بر رجعت ایچون ویریه جک امرلرک ترتیبی ، بر ایلری یوروش
ایچون ویریه جک امرلردن ده زور اولدیغنی سزده نیم کبی تصدیق
ایدرسکز ، سانورم . بوندن طولایی سزی او خصوصله ایودن
ایویه آلیشدرمش اولق ایچون بن ینه ایلریده او درلو مسئله لردن
بحث ایده جکمی سزه وعد ایلرم .

طقوزنجی مسئله

[(غراولهوت) و (آرس سورموزل) پافته سیله برلکده عمومی خریطه]

وضعیت عمومی

دشمن مملکتنده حرکت ایدن بر غرب فرقه سی (نی بهت فرانسه ز) اوزرنده اپی تلفات ویردکن صکره (مچ) یقیننده (موزل) ک صول ساحلنه کچمشدر .

غرب مفزهنسک وضعیت خصوصیه سی

۸۹ سنه سی آغستوس اینک ۴ نجی کونی قراکلی باصدنی صره ده غرب فرقه سنک دمداری . گندی ایاری تره غوللری (سه نه کنن) دن (موزل) ه قدر تأسیس ایتش اولدینی حالده (موله ن له میج) ده یراشمش بولنیور . میرآلای ب .. اداره سنده کی ۹۸ نجی پیاده آلای : ۱۶ نجی استعکام طابورینک ۲ نجی بلوکی (سنت روفین) ی اشغال ایدیور . فرقه نک اقسام سائره سی (آرس سورموزل) ده بولنیور . دشمن فرقه یی (مچ) ه قدر تعقیب ایتدی . شهر ایچنده کی (موزل) کوپر یارینی تخریب ایتک ممکن اوله ماماشدی : لکن ، (مچ) ک جنوبنده کی کوپر برلر ، (پوتا موصون) ه قدر تخریب ایدلشدر . اقشام اوزری . برجوق طابورلر ایله طوپی و سواریدن مرکب اولان دشمن قولک (ماکس) دن (سن فلوی) اوزرینه یورودیکی کورلشدر .

کیجه ساعت (۱۰) ی چاریک کچه . میرآلای ب .. فرقه قوماندانندن بروجه آتی امری آلور .

فرقه قرارگاه عمومی (آرس سورموزل) .

۴ — ۸ — ۸۹ — ۹۱۱ کیجه

بزم کشف قوللریز (لوری له میج) ایله (فرانسز قبوسی) اوکنده دشمن آتشنه تصادف ایتدیلر . (فرانسز قبوسی) نده دشمن پیاده سی واردر . (ده وان له یون) ده خصمک بعض منازد کشف قوللری کوراشدر . روایت اولدیفنه کوره (ووی) ده خصم طرفندن طوتلشدر . دشمن (اولژی) موقعنده (موزل) اوزرنده بر کوپری قورمشدر . فرقه یارین صباح ساعت (۵) بچقده (آنی سورموزل) ، (غورز) و (شامبله ی) دن کچهرک

(ایشپونویل) اوزرینه اولان رجمنته دوام ایده جکدر . (۹) نجی سواری
 آلاینک ۳ ، ۴ نجی بلوکلرله ، ۳۱ نجی سیار طوبجی آلاینک ۴ ، ۵ نجی
 بطریه لرینی و برسیار خسته خانه طاقنی سزک قومانداکزه ویریورم .
 بوقطعات عسکریه ، صباح ساعت (۵) ی چاریک کچه (سه نتروفین) ک
 غرب مخرجنده امرکزه انتظار ایده جکلردر . اوندن بشقه ۱۶ نجی استحکام
 طاوورینک ۲ نجی بلوکیده سزک اداره کزده بولن جتدر . سز ، بتون قوه
 عسکریه کزله برلکده ، فرقه نك صول یانسه کچه جک و (غراوه لوت) ،
 (مارس لاطور) دن کچرک (هانوویل اوپاساژ) اوزرینه رجمت ایده جکسکزر .
 بیوک آغرقلریکزر ایچون لازم کلان امرلری سز کندیکزر ویره جکسکزر .
 سزه کوندریله جک اولان قوای امدادیه نك بیوک آغرقلرینه ایسه ، یارین صباح
 ساعت (۴) ی (۵) کچه (غراوه لوت) ک غرب مخرجنده بولنق
 ایچون تعلیمات ویرلشدر . اونلر اولجه بتم طرفدن انتخاب ایدلش برسواری
 ضابطنک قومانداسنده بولینورلر .

یاسیله جق وظیفه

- ۱ — میرآلای ب . . . وضعیتی نه یولده تقدیر ایدر . وکندی وظیفه سنی
 باشه چیقارمق ایچون نه کی ترتیبات اخذ ایلیه جکدر ؟
- ۲ — میرآلای ب . . . طرفندن ویریلان امرلر . . .
 خاطره . . . (مچ) ک غربنده کی اورمانلر بودانمشلردر . تیمور یوللارک
 خارجنده بو اورمانلر آتجق یواش و پاش و طاغنیق نظامده یوریان پیاده لر
 طرفندن کچیه ییلورلر .

اونجی مکتوب

بریان مفرزه سنک رجعتی .

صوك دفعه سزه ويرمش اولديغ مسئله واسع براراضيده على العجله تعيين جهت ايتمكده ملكه قازانمش اولمكزى تاين ايچون مخصوص خريطه عموميه يه كوره ترتيب ايدلمشدر . شو نقطه نظردن باخصوص عين زمانده مقياسلى بشقه ، بشقه خريطه لر قوللانمغه مجبور اولديغكز وقت دائما پركار قوللانمكه كزى بر كره دهها خاطر كزه كتور بورم .
زيرا اكر ، بوكوچك آلتى قوللانمغه رق ايشكزه دوام ايده جك اولورسه كز ، شبهه سز ، برچوق خطالره دوشمش بولنورسكز .

بوشمديكى مسئله اولكيسندن پك آز فرق ايدر ، بودنعه سزه بن بروضيت عموميه ايله آريجه بروضيت خصوصيه ويربورم .
بيلورمكه شو تعبير لر سنك ايچون يكي تعبير لردندر . لكن مراق ايتمك بن اولنرى شمدى سزه ايضاح ايدرم .

وضعت عموميه ويا فكر عمومى هر ايكي طرفجه بيلمى لازم كله جك اولان معلوماتى ويرر . حال بوكه وضعت خصوصيه ويا خود فكر خصوصى يالكز بر طرفك بيله چكى شينى كوسترد . وضعت خصوصيه يي متعاقب مفرزه يه تخصيص اولنان وظيفه دن بحث ايديلور ويا وضعت خصوصيه دن آله جنى معلوماته كوره آنى تعيين ايتمك جهتي ، مفرزه قوماندانه ترك اولنور .

مير آلاى ب . . كندى وظيفه سنى نصل آكلايه جنى وآنى باشه چيقارمق خصوصنده نه كي ترتيبات آله جنى ، بن سزه صوراركن وضعت عموميه حقنده نه دوشونمش اولديغكزى سويلمك ايچون سزه فرصت

ویر یورم . شوقنقه نظر دن سزك تقدیراتكز ایلریده اسباب موجبك
تشریح و بیانی خصوصنده بیوك بر تأثیر کوستره جکدر .
میر آلا ی ب . . طرفندن ویر یله جك امر لر بر رجعت یور ویشك
تنظیمنه عائد اوله جقلردر .

یان مفرزه سنك عزیمت ساعتی فرقهك یور ویش یا بمغه باشلادی
ساعت ایله تعیین ایدلمش : استقامت ایسه كذلک فرقه قوماندانی
طرفندن کوسترلمشدر . اولیله ایسه شوجهتلردن مفرزه قوماندانی
ایچون هیج بر صیقندی فلان یوقدر . ظن ایدرم که سز ، (روزه ری
یول) دن کچن (سنت روفین) یولیله (روزه ری یول) ك جنوبندن
کچرک تپیه چیقان بیوك یول آره سنده بر آز متردد قالمشکزدردر .
بونك پك اوقدر اهمیتی یوقدر . (ره روزه ری یول) دن کچن یول
(پووان دوژور) جهتلرینه طوغری بر آز دیک وسرت اولقله برابرانی
بریولدر . کرچه ایلك باقیشده دها بیولك بعض قسملری پك باصیق
ومنحط اولدینی و بوندن طولانی ، اگر دشمن آپ آنسزین (روزه
ری یول) ك شالنده کی تپلرده چیقہ جق اولورسه ، اپی مخدور لر حصوله
کله جکی آکلاشیلور .

لکن ، سز بوا حمالدن قورقه مزسکز : چونکه مفرزه نك عزیمت
آنده خصمك اکیقین اولان قطعات عسکریه سی . هنوز پك اوزاقده
بولنیورلر . و بوتپلره کله بیلیمک ایچون اولنر ، ایلك اوکجه (مونطوی)
دره سنك کچلمسی مشکل اولان وادیسنی آتلامغه مجبور اوله جقلردر .
بیوك یول ایسه ده اراحت و دها امیندر . چونکه اوپك سرعته تپلرک
پك جابوق الده ایدلمش اولسنه مساعددر .

اگر پك تدبیری بر صورتده طاور انلمش اوله میه جفی فکر نده

ایسه کز ، هیچ طور میگز همان بویول بویجه حرکت ایدیکز . لکن اوتەکی یول اوزرندن یوروش یامش اولسه کز بیلە کیجه یی (سەنت-روفین) دە کچورمش اولان بیوک آغزلقلری مذکور یولدن کوندرمکی اصلاً اونوتیکز . چونکه مطلق اوپله یایمق لازم کلور . بوندن صکرە سزک ایچون، میر آلا ی ب . . نک دشمنه مقابله ایتمک مجبوریتندە اولدیفی موضعلری کوسترمک صرەسی کلور. (مونطوی) دره سنک تشکیل ایتدیکی حقور و منحط وادی، غرب یماجلری آغاچلر وچالیر ایلە مستور اولمق مناسبیلە. معندانە برمدافە نک جریانە مساعد دکلدر . واقعا دشمن پیاده سی مذکور یماجلردە یوللرک خارچندە یک آغیر آغیر ایلرولیه بیلە جکلدر : لکن الک صکرە او ، ینە آغاچلق وچالیق یرلری کچمش اوله جکلدر . برده آغاچلر آره سنده بولسان برقاق یول ویا کچی یولی بعضی یناشیق نظامدەکی دشمن قطعاتنک کچمسنه مساعد بولنه جکلدر . اکر دشمن (مولەن له مچ) دن کچەرک ایلری یه کیدە جک اولورسە : ایلک اوکجه فرقە نک دمدارینی کورەش بولنه جکلدر . اکر بودمدار ، اوصرە دە کری چکلمش اولورسە ، دشمن بومفرزە یی تعقیه قویلمق ایچون (پووان-دوژور) . کیدن صرب و دیک میللری طرمانغە مجبوریت کورە جکلدر . (مچ) ک شماندە (لوری له مچ) ویا (ووی) دە یرلشمش اولان دشمن اقسام عسکره سی کندی اوکلرنده (سی) ، (له سی) و (سن ژورژ) یوللرینه مالکدرلر . بوصول اوچ استقامت ، ایلک اوکجه وادی یه اینزلر صکرە مقابل یقوشلره طوغری چیقمغە باشلارلرکه شو حال ابی برشی دکلدر . اوپله ایسه دشمن آنجق یک یواش یواش ایلرولیه بیلە جک و دائماً بریاصقین حرکتدن کن دیسنی قورومق چاره لرینی

دوشونمکه مجبور اوله جقدر . و دشمن بر کره (مونطوی) دره سنک
غرب یماجلرینه آیاق باصدینی کبی (شاتلسن ژهرمن) ک غربنده
(پووان دوزور) یانسه قدر اوزایوب کیدن آغاچقلی منطقه ،
(پلاتو) نک کنارینه دکین صوقلمسنه مساعد اوله جقدر .

بروجهله که ، مفرزه آرتق آنک تأثیرندن طولایی (پووان دوزور) ده
اپی زمان قالدیه جقدر . بونقطه ده خصمه مقابله ایتمک فکرینه معارض
دیگر سبیلر دها وارکه اوده سزک (مانس) دره سی کنارینه آرقه
ویره رک مدافعه ده بولنش اوله کزدر . کرچه پیاده بودره یی هریردن
کچمکه مقتدردر . لکن سواری ، یاییوک یول بونجه ویا اوجوارده
یک نادر بولنان سائر بعض فنا یوللردن کچمکه ، طوبچی ایسه یالکز
بیوک یولدن حرکت ایتمکه مجبوریت کوره جقدر . اوپله ایسه هیچ
طور میکز ، بر آن اول (مانس) دره سنی دشمن ایله کنندی
آره کزده بولندر مغه و ممکن اولدینی قدر چابوق بر صورتده (غراوه
لوت) و (موغادور) تپه لرینی الده ایتمکه چالیشکیز . سز اوراده
خصمک یوروشینی طور درمق خصوصنده ایجه موفقیات کوستره جکیزه
دشمن سزی ایستر (مولن له میچ) دن ، ایستر شمالدن تعقیب
ایتسون ، هرایکی حالده ده او ، (مانس) دره سنی کچمش اولق ایچون
کندی قسم کلینسی بیوک یول بونجه حرکت ایتدرمش اوله جقدر .
بویول ایسه سزک پیاده آتشکیزله دوکیله بیلور وبالخاصه (موغادور)
چفلکنده یرلشدرلمش اولان پیاده لک آتشی اونی یک زیاده اضرار
ایده بیلور .

اوله بیلور که دشمن ، سزک متباعد رجعت حرکتکیزه کوره
موضعکیزی (مانس) دکرمنی یاننده چویرمک فکرینه دوشر .

کذلک ، (مال مه زون) طرفندن دخی سزی چویرمک نکیرینه
 ذاهب اوله بیلور . لکن شو ایکی درلو چویرمه حرکتلرینک ایکسی ده
 اونک ایچون پک چوق زمان صرفتی ایجاب ایده جکدر .

طبیعی مدافعه مطلقه قالمق ایستیمه جکسکز ؛ بناءً علیه
 دشمنک (اون یون) ویا (ژه نی وو) اورمانلرندن چیقوب کلینی
 منع ایتک ایچون الک مناسب اولان بر زماندن استفاده ایدرک اکا
 قرشو مقابل تعرضلرده بولنه بیه جکسکز . اوندن صکره سز ،
 (غراولهوت) ایله (ره زون ویل) آردسند (غروز) نهرینک
 باشلیجه قولی تشکیل ایدن تابع غربنده یکی بر موضع طوته بیه جکسکز .
 برده کندیگری ایودن ایویه مدافعه ایتک ایچون ده (وی یون
 ویل) ک غربنده کی تپه لره یاخود (ایرون) دره سنه کام اولان یایرلره
 مالک اوله جکسکز . بوندن آکلاشیلورکه سز جبهه لرنده آز چوق
 بعض موانع ایله مستور وهر وجهله دشمنک حرکاتی طوردرمغه
 الوریشتی موضعلردن محروم قالمیه جکسکز .

فرقه نک تعقیب ایلدیکی استقامت ، مفرزه نک استقامتدن ایجه
 اوزاق بولنیور . بعض محللرده بوا یکی استقامت بینده کی آردلق
 (۷) کیلومترده دن عبارتدر . بر وجهله که ، مفرزه کرک فرقه
 وکرک آنک دمداری طرفندن حمایه واستناد ایدلمش اولق خصوصنی
 امید ایده مز . بناءً علیه فرقه نک قسم کلیمی ویا دمداری
 نرمه لرده بولندیغنی بیلیمک ایچون سزک فرقه ایله ارتباطده قالمکز
 ده اوقدر زیاده لزوملی کوریلور . بولندیغکز اراضیده آره یوللری
 اکسیک دکلدر . بناءً علیه ، فرقه دن اوزاق بولنه کزله برابر ،
 فرقه نک وضعیتنه دائر معلومات ایدنمک سزک ایچون زور بر شی .

اولیه جقدر . مفرزه فرقه یه تقرب ایتش اولق ایچون کندی یوروش یولنی ترك ایتکه مآزون دکدر . زیرا ، بویه یاهجق اولورسه ، (ووردون) اوزرینه کیدن قیسه یول آجیقدن آجینه دشمن انه کچر واونکله برابر دشمن شهسز (ووردون) موقعی ضبط ایتش اولور . ذاتاً فرقه نك بو یولدن وازچمسی کندی آرزوسی خلافتده بر شی ایدی .

مفرزه موقعه کیرمش اولدینی رمان ، دشمن ، فرقه قسم کلیسی راحتسز ایتک مقصدیله بیوک یولک جنوب غربیسنده جدی قوتلر ایله بر قولتق تشکیل ایتکدن چکینه جقدر . چونکه اوایل یاهجق اولورسه ، کندی یاننی (صاغ) تهلکه یه دوشورمش بولنه جقدر . برده ، خصم بزم طوتدیغمز موضعی ده اوایل بردن بره جنوب غربیدن چویرمش اوله میه جقدر . زیرا ، کندی اوکنده بولنان قوای عسکریه یی ایوجه طانیق ایچون اوکاپی زمان لازمدر .

مفرزه نك تعقیب ایتدیکی یول ایله فرقه قسم کلیسنك تعقیب ایله دیکی یول آره سنده (ووردون) کیدن دیکر مهم بر یول یوقدر . لکن ، شایان استفاده بر چوق آره یوللری واردر . بالخاصه (غراولوت) یولنی (پوکسیو) (قیسونویل) و (شامبله ی) ایله برلشدیرن آره یوللر پک فائده لیدر . مفرزه نك تعقیب ایتدیکی یولک شمالنده ، (مال مهزون) و (سن مارسل) دن کچرک (ویل سور-ایرون) ، کیدن یولی نظر دفته آلکنز . بکن مکتوبلر مده سویلدیکم قاعده لره نظراً کوچک بر پیاده قطعه سندن متشکل بر صول یان جانبداری ایله بو یولی تعقیب ایتدیرمک ایی بر شی اولمز . چونکه بو یول ایله بیوک یول آره سنده بیوک بر فاصله (وسطی اوله رق ۳ کیلومتره) واردر .

بناءً عليه مفرزه يالكز بر کوچك سواری قطعه سیله کنديسني شمال جهتدن قورومقله اکتفا ایدم جکدر . شمدی بر کرده خصمك وضعیتنه بر کوز بچورم. الله ایتدی کمز معلوماته نظراً دشمن کیجه لین (میچ) . قدر بعض اقسام عسکریه سنی کوندرمش بولنیور . نظر دقتمز ایسه اک چوق ، هر صنف عسکر دن ترکب ایدن و (ماقس) دن (سن نلوی) اوزرینه کیتدی کی کوریلن قول اوزرینه منعطفدر . اگر (موزل) نهری اوزرنده و (اواری) ده بر . کوپری قورلدینی و (ووی) ایله (لوری له میچ) ک طوتلدینی حوادثلری ده بومعلومات ایله یان یانه کتوریلورسه ، بوجهته شمال (تی یون ویل) دن یا خود شمال شرقی (بهت له ویل) دن دشمنه بر قوه امدادیه کلکده اولدینی درجه قطعه ده آکلا شامش بولنور . بناءً عایه شویکی قطعات عسکریه کیجه نی (میچ) ک شمالنده کچیر یورلر دیمکدر . یارین صباح ، احتمال که بودیدیکمز قطعات شمالده کی بیسوک یول اوزرنده بر تعقیب حرکتنه باشلامش اوله جقلدر .

غرب فرقه سنک قسم کلیسی (آرس سورموزل) ده بولندیغه دائر خصمك معلوماتی اولدیغنی فرض ایتکده حقایسکمز . چونکه (موزل) نه رینک صول ساحلی بویجه کیدن یول صاغ ساحله محکوم بولنیور . اوله ایسه شرق قطعات عسکریه سنک بر قسمی (آنسی سورموزل) دن کچه جکدر . لکن سز اولدن ، نه دشمنک تعقیب ایدم جکی استقامتی ، نه ده مفرز دنک قرشوقومغه مجبور اوله جغنی دشمن قوتنک مقداری نی اوکر نمش اوله جقسکمز . علی الخصوص سز (میچ) ک شمالنده بولنان قوه امدادیه نك صورت ترکیب و ناشایکنی بیلمدکجه بو محذور ده اوقدر زیاده کنديسني کوستره جکدر .

دشمن ، غرب فرقه سئك (وەردون) اوزرىنە چكلىك ايستمىسەن
 شېھەلىيۇر . اويلە ايسە شىمالدەكى (غراوولتدن كېن) بىوك يولى
 ضبط ايتىمكە چالېشەچكدر . زىرا بويول اولىك ايچون اك قىصە بويولدر .
 بىئەئە عليه اكر دشمن مفرزەبى اورادن قوغىق ايستەجىك
 اولورسە ، احتمال بىوك يولى تعقيب ايتىمكە اكتفا ايتىمەجكدر . بالعكس
 اوندن بشقە (مال مەزۇن) دن (وىل سورب ارون) ە كيدن يولدن دە
 استفادە ايلەجكدر . آنك ايچون بويول بالخاصە سىزك نظر دىققىرى
 جلب ايتىش اولمىدەر . مفرزەنك وظيفەسى ، شو آتيدەكى جەلەدن
 پك واضح برصورتدە ميدانە چىقيور : دشمن ەرزەن كلورسە كلسون
 آنى قسم كلىدن اوازاق طومتق وقسم كلى بە (ايسون ويل) ە واصل
 اولمق ايچون ايجاب ايدن زمانى قازاندرمق لازمدر .

بىئەئە عليه ەرنە واسطە ايلە اولورسە اولسون دشمنك بىوك يول
 اوزرىنە اولان يورويىشى تاخير ايتىلدر . يان مفرزەسى آنجىق بشقە
 درلو يايىق مېكىن اولدىنى زمان محاربەبى قبول ايدەجك ومحاربەبى قبول
 ايتسە بىايە آنى اوزون اوزادى بە تعقيب ايلمەجكدر . بىئەئە عليه
 بالخاصە كندى طومچىسىدن استفادە ايدرك عادتا برمدار كېى حركت
 ايتىمكە مجبوردر . چونكە طومچى حضى تا اوزاقلردە ايكن يايلىمغە
 اجبار ايدەجك قوتى حائزدر . پىادەبە كلنجە او ، دشمنك صوقلمسە
 وياقلاشمسە مساعد اولان مسكون محللر ايلە آغاچلىقلى يرلرى اشغال
 ايتىمكەن صوك درجەدە چكىنەجكدر . بىوك يولك (غراوولتدن كېن)
 ياروب كچىدىكى متعدد وقوتلى خطوط تدافىعە ، باخصوص دشمن
 جېھەدن ايلرولمىكدە شېھەلى كورندىكە ، بوتىمە ايچون پك الويرىشلى
 درلر . دشمن مذكور خطلىرى چويرمىك ايچون نصف دائرەلر

اوزرنده حرکت ایتمکه مجبور اوله جقدر . حال بوکه او ، شوخصوصده ایجه زمان . غائب ایده جکدرکه ، آنک حقنده ضایعاتدن معدود اولان بوزمان سزک ایچون بالعکس قازانلمش برزمان اوله جقدر . سواری ایسه درحال دشمنله تماس حاصل ایتمکه و آنی بتون کون الدن قاچرمامغه مجبوردر . یانلری کشف وترصد ایتک وبالخاصه ، دشمنک یابهجنی چویرمه حرکتلرندن خبر آلمق وسواریسنی ایلریدن اراضی قازانه رق سزک حرکاتکزی کورمکدن منع ایده بیلیمک ایچون صول یانی پک دقتلی کشف ایتدرمک لازمدر . احتمالک آشاغیده سویلیه جکمز سبیلردن طولایي دشمنی ایکی موضعده ایجه زمان طور دیرمق لازم کله جکدر :

یورویشتک بدایتنده ده ، فرقه قسم کلیسی (آنس سورموزهل) ایله (غروز) آره سنده سرت و دیک میلی اولان (ورنو) پلاتوسنی آتلامغه مجبور اوله جقدر . اویله ایسه آنی (غروز) ی کچنجه قدر شمالدن کله جک بر هجومه قرشو ستر ایتک لازم کله جکدر . تعبیر دیکرله ، یان مفرزه سی (غراولهوت) تپه لرنی پک ارکن تخلیه ایتمش اولیه جقدر . (غروز) دن (ایسپون ویل) ه قدر قسم کلی اصلا جدی بر مشکلاته اوغرامیه جقدر . مع هذا ، ینه بعض تدابیر احتیاطیه آلمق لازمدر . چونکه (شامله ی) دن اعتباراً فرقه نک تعقیب ایلدیکی استقامت مفرزه نک استقامته یا قلاشیور . (غروز) جهتنده خصمک شرقدن پک شدتله تضییقه بولمنسی منع ایتمک وظیفه سی فرقه نک دمدارینه عائددر . لکن فرقه یی شمال شرقیدن اورتمک و دشمنی (ره زون ویل) یا خود (وی یون ویل) دن کهرک (شامله ی) ویا (قیسون ویل) اوزرینه کیتمکدن منع ایلیمک (۱۹)

وظیفه‌سی مفرزه‌یه دوشر . اویله ایسه مفرزه ، فرقه قسم کلیسی ایجه ایلرولمش اولنجه‌یه قدر (وی یون ویل) جهتی طومتغه مجبوردر . بناءً علیه میرآلای ب . . بروجہ آتی قراری ویره جکدر :

مفرزه ، بردمدار ایله ستر ایدلمش اولدینی حالده صباح ساعت (۵) ی (۲۰) کچه (سنت روفین) ک غرب مخرجندن حرکت ایده جکدر . دمدار، یالکزلزومی حالده وپک آز برزمان ایچون (پووان دوژر) ده توقف ایده جکدر . مفرزه ، (غراوله‌لوت) ک شرقنده کی تپه‌لری الله ایده رک اوراده بر بکلمه موضعه کیره جک وفرقه قسم کلیسی (غروز) ی کچمش اولنجه‌یه قدر اوراده بولنه جقدر .

سواری درحال دشمنله تماس حاصل ایده جکدر . وعسکرینک بر قسمنی بیوک یولی کشف ایتک وفرقه‌نک دمداریلہ ارتباط حصوله کتورمک ایچون قوللانه جقدر . قسم متباقیسی ایسه بیوک یولک شمالنده امنیت خدما‌نه مأمور اوله جقدر .

فرقه (غروز) ی کچمش اولنجه ، مفرزه درحال رجعتہ باشلا یه جق وتخمیناً فرقه‌نک دمداریلہ برخزاده یوری یه جکدر . اگر دشمن پک شدتلی برآعقیده بولنورسه ، مفرزه‌نک رجعتی بیوک یولک ایکی جهتده ومحاربه‌یه حاضرلق ترتیباتنده اجرا ایدلمش بولنه جقدر . حین حاجتده مفرزه ، مثلاً (ره زون ویل) ده کندی اقسامندن بریسی اوزرینه طولبلانه جق وقسم کلینک (قیسون ویل) ی کچدیکی خبرینی آلنجه‌یه قدر دشمنی (وی یون ویل) ده ده تأخیرایتدیرمکه چالیشه جقدر . بوندن صکره مفرزه (هانوویل اویاساز) اوزرینه چکیله جکدر .

مفرزه‌نک موقتاً بعض قافله‌لر ویا آغزلق عربله‌ریله تأخراته

اوغرامش بولمىسندن پك زياده چكىنامليدر . زيرا بوندن بيوك فلاكتلر چيقه بيلور . اويله ايسه بيوك آغراقلر ، ايجه ايلرودن حركت ايدە جكلردر . واونلرى شمالدن كلەرك ، مثلاً ، (مال مەزون) ياخود (وەرنە ويل) دن كچك دكن صكرە بيوك يولە تقرب ايتمك ايستيان دشمن سواريسندن محفوظ بولدىرمق ايچون اك ايو چارە بودر . بعض محللردە باريقادلر يامق وياخود قسماً يولى تخريب ايتمكە دشمنك يورويشنى تأخير ايتمك دە قابلدردر . بوايشلرى يولنە قويماق ايچون شەهەسز ، استحكام دە مفرزە يە تقدم ايتش اولە جقدر .

اويله ايسه ۹۸نجى پيادە آلایىنك بيوك آغراقلرى ، صباح ساعت (۴) ى (۴۵) كچە (غراولوت) ك غرب مخرجنده قواى امداد يەنك آغراقلرىنە يتشمش اولمق ايچون پك ار كندن يولە چيقمىش بولنە جقدر .

بر دفعە ھېسى برلشدكن صكرە ، مفرزەنك بتون بيوك آغراقلرى ، چارچابوق (ھانوويل اوپاساز) وارمغە چاليشە جقلردر . استحكام بلوكى ، ۹۸نجى پيادە آلایىنك آغراقلرىلە برلكدە وعين زماندە (سەتروڧين) دن عزيمت ايدە جكلدر . بو بلوكە يولك بعض مناسب يرلرنده خصمك يورويشنى طوردرمق اوزرە بعض موانع ترتيب ايتمك ايچون اواىر مخصوصە ويرلمش اولە جقدر .

وظيفەسىنى كاھلاً اجرا ايتش اولمق ايچون مير آلایى ب .. بروجە آتى بر چوق امرلر ويرمكە لزوم كورە جكلدر :

۱ — ۹۸نجى پيادە آلایى ، ايرتى كونكى اجتماع ايمون وبيوك آغراقلرىنك (غراولوت) عزيمتى خصوصە لازم كلان امرلرى دھا كيجەلش آلمغە مجبوردر .

۱ — استحکام بلوکی ده ینه کیجه این کندیسنه ویرلسی ایجاب ایدن تعلیاتی آلمغه مجبوردر .

۳ — عموم آغراقلر قوماندانی کذلک مناسب بر زمانده کندیسنه ویریله جک تعلیاتی آلمغه مجبوردر .

۴ — رجعت یورویشی ایچون مفرزه یه ایرتسی کون کذلک اجتماع محلده بر امر ویریله جکدر .

اوج اولکی ماده لر ایچون یا آیری آیری برر خصوصی امر ویریاور و یا خود هپسینه بردن یا لکزی عمومی بر امر ویریله بیلور . میر آلا ی ب .. کیجه ساعت (۱۰) ی چاریک کجه قرقه نك امرینی آلور . بناءً علیه قرارینی ویرمزدن اول ، بر قاچ دقیقه دوشونکه مجبوردر . شو ائنده امر آله جق اولان ذوات جلب ایدیلور لر . بناءً علیه برنجی امر اولسه ، اولسه آنجق ساعت (۱۰) بچقه طوغری یازدیریله بیله جکدر .

۹۸ نجی پیاده آلاینک بیوک آغراقلری ایچون عزیمت ساعتی ، تام وقتنده (غراولهوت) ك غرب مخرجنه کلش اوله بیلملرینه کوره حساب ایدیله جکدر . استحکام بلوکی بریسی ، ۹۸ نجی پیاده آلاینک بیوک آغراقلری (مانس) دره سنی کچمش اولنجه یه قدر اونلره محافظلاک ایتمک ، ایکنجیسی کندی ایشلری ایچون لازم کلان زمانی قازانمش اولوق فکرلرینه بناءً کذلک پک ارکندن یوله چقمغه مجبوردر . (غراولهوت) دن اعتباراً بیوک آغراقلر آرتق پک ایلرولمش اوله جقلری ایچون خصوصی برحافظه احتیاجلری قالمیه جقدر . اوله ایسه ، استحکام بلوکنه ، بتون عربلری و آلات وادواتی برلکده اولوق اوزره یوله چقمغه حاضرلنق خصوصنده لازم کلان تعلیات ویریله جکدر .

استحکام بلوکی قوماندانه دشمنک یورویشنی تأخیر ایتک مقصدیله
 نره لرده موانع ترتیب ایتک لازم کلدیکنی سویلمکدن صرف نظر ایدیورم.
 اک ایوسی ، بوخصوصده لازم کله جک اولان نقطه لری او، کندییسی
 انتخاب ایتسون . یالکز ، (غراوه لوت) ایله (وی یون ویل) ده
 ایجه زمان قالمق نیتنده اولدیغمی اوکا آغز دن سویلیه جکم . واستحکام
 بلوکی قوماندانی ۹۸ نجی پیاده آلاینک بیوک آغز لقرنی عموم
 آغز لقر قوماندانه تسلیم ایتک مجبوریتنده اولدیغیچون ، بن عین
 زمانده ، عموم آغز لقر قوماندانه سویلنمک لازم کلان تعلیماتی ده
 ینه آنک ایله کوندره جکم .

مختلف مادون ضابطلری وضعیت عمومیهدن یالکز کندیلرینک
 فائده سنی موجب اوله جق قدر معلومات آله جقلردر .

(سہنت روفین)

۴ - ۸ - ۸۹ - ۱۰۶۳۰ کیجہ

نومرو — ۱

آلای امری

۱ — آلای یارین صباح ساعت (۵) ی
۱۵ کچہ یوروشہ حاضر اولہ جق صورتہ
(سہنت روفین) ک غرب مخرجنہ اجتماع
ایتمش بولنہ جقدر .
۲ — آغرلقلر کذلک یارین صباح ساعت
(۳) ی (۱۵) کچہ عین نقطہ دہ اجتماع
ایده جک و ۱۶ نیی استحکام طاہورینک
۲ نجی بلوکی محافظہ سندنہ بیوک یول
اوزرندق (غراوہ لوت) ک غرب مخرجنہ
کیدرک اورادہ بنم قوماندانہ ویرلش
اولان دیکر قطعاتک بیوک آغرلقلرلہ
برلشہ جکدر . بو وجہلہ برلشدکن
صکرہ بیوک آغرلقلر ، ہان (ہانوویل
اوپاساژ) ہکیدہ جکلر واورادہ توقف
ایدہ جکلر در .

میر آلای پ . .

امرا آلق اوزرہ طاہوردن

کلان ضابطلرہ یازدیرلشددر .

(سەنت روفین)

۴ - ۸ - ۸۹ - ۴۰ - ۱۰ كىچە

نومرو — ۲

۱۶ نىجى استحكام طابورىنك ۲ نىجى بلوكنە امر .

۱ — فرقه يارين (غروز) دن كچەرك
(ايسون ويل) اوزرىنە اولان رجعتنە
دوام ايدەجكدر . بىم ادارهم آلتىندە
بولنان بىر مفرزە فرقهك سول جناحنى
اورىمكە مأموردر . بو مفرزە (غراوہ لوت)
دن (هانوويل اوباساژ) اوزرىنە يورى يە-
جكدر .

۲ — فرقه دن كلان امرە نظراً ۱۶ نىجى
استحكام طابورىنك ۲ نىجى بلوكى يارين
بو مفرزە ايلە بىرلىكدە بولنەجق و صباح
ساعت (۳) ى (۱۵) كچە يورويشە
حاضر اولەجق صورتدە بتون عربەلرى
ايلە برابر (سەنت روفین) ك غرب
مخرجنەدە اجتماع ايلەجكدر . استحكام
بلوكى اوندن صكرە (غراوہ لوت) دن
(هانوويل اوباساژ) اوزرىنە يورى يەجكدر .
اوندن بشقە (غراوہ لوت) ك غرب
مخرجنە قدر بيوك يول اوزرىندە ۹۸ نىجى
يىادە آلاينك بىيوك آغرقلرىنە
محافظلك ايدەجك و بورادە ايسە مذکور
آغرقلرى عموم آغرقلر قومانداننە تسليم
ايلەجكدر .

۳ — استحكام بلوكى ، بيوك يول اوزرىندە

(سہنت روفین) ایلہ (مارس لاتور)
آرہ سندنہ دشمنک یوروشنی تأخیر ایتک
ایچون الدن کلان موانی ترتیب ایلہ جکدر .

میر آ لای ب . .

برخا برہ آتلیمی واسطہ سیلہ و تخریراً
کوندراشدر .

(سهنت روفین)

۴ - ۸ - ۸۹ - ۱۰۰۵۰ کیجه

نومرو — ۳

بیوک آغرلقلر قوماندانه امر

۱ — فرقه یارین (غروز) دن کچهرک
(ایسپونویل) اوزرینه یوری یه جکدر .
بیم اداره مده بولسان یان مفرضه سی
(غراوله لوت) دن (هانوویل اوپاساژ)
کیده جکدر .

۲ — یان مفرضه سنک بیوک آغرلقلری
یارین صباح ساعت (۴) ی (۴۵)
کچه (غراوله لوت) ک غرب مخرجنیدن
حرکت ایدرک بیوک یول بونجه (هانوویل
اوپاساژ) اوزرینه یوری یه جکدر .

میرآلای ب ..

۱۶ نجی استحکام طابورینک
ایکنجی بلوکی قوماندانی واسطه .
سیله وتغیرآکوندرلشدر .

شمدی حرکت امرینی یازمغه صره کلیور . کچن مسئله ده بر
مفرزه دمدارینک کنیش برجهه اوزرنده کری یه نصل چککلیکنی کورمش
ایدک . مذکور دمدارک کری یه چکیله بیلیمک ایچون پیاده جه اپی
قوتلی اولمق لازم کلدیکنی البت خاطر کزده در . بوراده بالعمکس ،
دمدار یالکیز بریول تعقیب ایده بیلور . وجانبدار آیره مرز . بناءً علیه
اوکا یالکیز برپیاده طابوری ویرمک یتیشور .

یانلرینی کشف ایتدرمک وبالخاصه فرقه قسم کلیسی ایله ارتباطده
قالمق ایچون مفرزه قسم کلیمسه برکوچک ضابط ایله ۱۲ آتلی (۴-
کشاف تشکیل اولنه بیلور) الحاق ایدیله بیلور . سوارینک کری یه
قالانی دمدارده قوللانیله جق ویاخود شمال جهتلرینه کوندیریله جکدر .
اولجه کوردیکمز کبی بواسقامت اک مهم براسقامتدر . اوילה ایسه
اوجهندن ، صول یان جانبداری تشکیل ایده جک اولان برسواری
بلوکی ایله ستر ایدمک لازمدر . بوبلوك مستقل حرکت ایدیله جکدر .
دیگر سواری بلوکی دمدارله بولنه جقدر . شهبه سز ، ایکی سواری
بلوکی بووجهله بربرندن آیری حرکت ایده جکدر . بویله یایمق
مجبوریدر ، چونکه اونلردن هریریسی مختلف براسقامتده حرکت
ایده جکدر . بن ایکی سواری بلوکنی ده دمداره ویرمک فکرنده دکم
اگر سز اوילה یایمیش ایسه کز ، اوندن ایچه بیوک برقسم سواری پی
شماله طوغری کوندرمکه البت مجبور اولمش سکزددر . بناءً علیه
بوراده سوارینک استعمالی ایچون متحداً حرکت ایتمک اصوله رعایت
اولنمق ادعاسنه دوشمک لازم دکدر .

بطریقه لره کلنجه ، سز ایسترسه کز اونلرک ایکسینی ده دمداره

ویره بیلورسکنز ، ایسترسه کز یالکیز بریسنی ویررسکنز . بونلرک
ایکیسی ده طوغریدر . آرتق جانکیز نصل ایسترسه اوילה یاپارسکنز .

اوילה ایسه ایشته انقسام عساکر

۱ — پیشدار : یوزباشی م . .

۱۶ نجی استحکام طابورینک ۲ نجی بلوکی .

۲ — قسم کلی (ویورویش نظامی) :

برسیار خسته خانه طاقی .

۹۸ نجی پیاده آلاینک ۲ نجی طابوری .

۹۸ نجی پیاده آلاینک ۲ نجی طابوری .

۹ نجی سواری آلاینک ۲ نجی بلوکندن برکوچک ضابط و ۱۲ سواری .

۲ — دمدار : ییکباشی ب . .

۹۸ نجی پیاده آلاینک برنجی طابوری .

۲۲ نجی سیار طونجی آلاینک ۲ نجی طابوری (۶ نجی بطریه اکسیک) .

۶ — صول یان جانبدری : یوزباشی ق . .

۹ نجی سواری آلاینک ۲ نجی بلوکی .

رجعت یورویشی ایچون اولان امر ؛ دشمنک یالکیز (میج) ده

دکل (لوری) و (ووی) ده اولدیغی ده آجیقدن آچیغه و بیوک

برقطعیات ایله بتون مادون قوماندانلرینه خبر ویرمش اولوق لازم کلور .

کرچه دشمنک (ووی) نقطه سنی طوتوب طوتمدینی قطعاً بللی دکل

ایسه ده دیگر معلومات آنک خصم طرفندن اشغال ایدلش اولدیغی

قبول ایتدرمکه کفایت ایدر . مفرزه یه کوستریلان وظیفه دن بحث

ایدیورکن (غراوله وت) ک یالکیز موقتی برهدف اولدیغی ومؤخرأ

یورویشنه دوام ایدیه جکنی شویله بر اشارت ایله کچشدیرمک ممکن

اوله بیلور . لکن مفرزه نک (غراوله وت) جهته ده ومعین بر نقطه ده

اجتماع ایدہ جگنی سویلمکہ حاجت یوقدر . زیرا اولہ بیلورکہ ، بعض احوالک تأثیریلہ سز او نقطہدہ اجتماع ایتمش بولنہ مزسکز . بناءً علیہ اگر سز اوندن بحث ایتمش اولسیدیکز اوزمان اولکی امرکزی ناقض اولہ جق صورتدہ بشقہ امر وپر مکز لازم کلوردی . اولہ ایسہ میرآلای ب . . (غراوہ لوت) اوزرینہ چکلمک ایچون ایجاب ایدن ترتیباتی آلمقلہ اکتفا ایلیہ جکدر . مؤخرآ یاپلمسی لازم کلان شیرل ایچون آیریجہ امر ویریله جکدر .

مفرزہ قسم کلیسیلہ دمدار آره سندنہ کی مسافہ کنجہ ، آنی عمومی بر صورتدہ کسندرمک ممکن اولہ مز شمیدیکی حالہ ، سز ، قسم کلی (مانس) درہ سنی کچمش اولنجہ یہ قدر آنک امنیتی استحصالہ مجبورسکز .

اولہ ایسہ دمدار شو مدت اثناسندہ (پووان دوزور) تپہ لری اوزرندہ طورمغہ و بناءً علیہ ہیچ دکلسہ (۲) کیلو مترہ قدر کری قالمغہ مجبور اولہ جقدر . مفرزہ دمدارینک ، فرقہ دمداریلہ ارتباطدہ بولنق وسوارینک درحال دشمنلہ تماس حاصل ایتک لازم کلہ جکی دہ کندی کندیہ آکلاشیلور . بناءً علیہ امردہ اونلرہ شو وظیفہ پی کوسترمدکن بر فالح چیقمز . زیرا ، بوکی تفصیلات بر ایلری یورویشدن زیادہ بر کری یورویشدہ نظر دقہ آلتنق لازم کلور .

صول یان جانبدارندہ بولسان سواری بلوکنہ تعقیب ایدہ جکی استقامتی کوسترمکلہ سز آنک بر ثانیہ بیلہ شو استقامتدن طیشاری چیقماسنی ایستمش اولمیورسکز . مذکور بلوک قوماندانی سزک طرفکزدن کوستریلان استقامتک بر استقامت عمومیہ دن بشقہ بر شی

اولدینقی ایلک باقیشده آ کلایه بیله جکدر . میر آ لای ب . . نک راپورلره
انتظار ایده جکی یری ده تعیین ایتک ممکن اوله میه جقدر . کری یوروشلرده
اکثریا بویله اولیور . بدایتده میر آ لای ب . . احتمال قسم کلی یول قولنه
کیرونده دمدار یوروش یاغمه باشلامش اولنجه یه قدر اجتماع محانده
قاله جقدر . صکره سرعتلی یوروش ایله درحال (پووان دوژور)
تپه لری اوزرینه چتیه حق واورادن افقه بر کوز کزدیره جکدر .
دها صکره ایسه میر آ لای ب . . مفرزه سی ایچون بر بکلمه موضعی
آرامق و حین حاجتده اشغال ایدیله بیله جک اولان نقطه لری تعیین ایتک
ایچون (غراودلوت) ده قسم کلی به تقدم ایتش بولنه جقدر . اوله
میر آ لای ب . . امرده ، کندیسنه کوندریله جک راپورلرک قسم کلی به
کوندراستی سویله جک و بو راپورلری مؤخرأ کندیسنه کوتورمک
ایچون ده قسم کلیدن مخصوص بریستی تعیین ایده جکدر . بکن مسئله لرده
اولدینی کبی بز بوراده ده بر دمداره پیشداردن زیاده استقلال ویرلدیکنی
کور یوروز . فی الحقیقه بوراده ، مثلاً : دمدار قوماندانی (پووان دوژور) ده
موضع آلمغه و مفرزه قسم کلیسی (غراودلوت) ه وارنجه یه قدر کندی
طوبحی آتشیه دشمنی طور درمغه مجبوریت کورورسه شو خصوصی
هیچ برامر رسمی آلمه دن یا بمش اوله بیلور . بناءً علیه مفرزه امری
آتیده کی وجهله ترتیب ایدلمش بولنه جقدر .

(سه نتروفین) ك غرب مخرجی)

۴ - ۸ - ۸۹ - ۱۰۵ کوندوز

مفرزه امری

۱ - دشن دون اقشام «مچ» «لوری له میچ»
و ووپن «نقطه لرینی اشغال ایندی .
فرقه بوکون . آنسی سورموزدل» ،
(غروز و شامبلای «دن کچرک
(ایشون ویل ، ه کیده جکدر .

۲ - مفرزه فرقه نك صول یانی ستره
مأموراً ، موقه ، غراوه لوت ، ه قدر
چکیله جکدر .

۳ - قسم کلی درحال ، غراوه لوت «دن
کچرک بیوک یول بوخیه حرکت ایده جکدر .

۳ - دمدار «۲۰۰۰» متره دن تعیب
ایلیه جکدر . وفرقه دمدار یله ارتباط
حاصل ایندکدن بشته مولن له میچ « ،
«سی» «له سی» جهتلرنده دشمنله
تماس حاصل ایده جکدر .

۴ - - - صول یان جابرداری (شائل سن
ژدرمه ن) و (موسقو) دن کچرک
درحال (مال مهزون) اوزرینه پوری به جک
و (لوری له میچ) جهتنده دشن ایله
تماس حاصل ایده جکی کبی (لاپه ویل) و
(صوانی) استقامت لرینی ترصد ایلیه جکدر .

۶ - راپرلر ، قسم کلی به کوندریله جکدر
میرالای ب . .

انقسام عساکر

۱ - پیدشار : یوزباشی م . .
۱۶نجی استحکام طابورینك ۲نجی
بلوکی .

۲ - قسم کلی (ویورویش نظامی)
بر سیارخسته خانه طاقی .
۹۸نجی پیاده آلاینك ۳۰۲نجی
طابورلری .

۹نجی سواری آلاینك ۲نجی
بلوکندن بر کوچك ضابط و ۱۲
سواری .

۳ - دمدار : یکباشی ب . .
۹۸نجی پیاده آلاینك برنجی طابوری .
۹نجی سواری آلاینك ۳نجی بلوکی
«بر کوچك ضابط ۱۲ سواری
اکسبک» .

۲۲نجی سیار طوپچی آلاینك
۲نجی طابوری (۶نجی بطریه اکسک)
۴ - صول یان جابرداری : یوزباشی ق .
۹نجی سواری آلاینك ۵نجی بلوکی .

اجتماع ایتیش اولان جزء تام قو-
ماندانلرینه آغزدن سویلنشد .

اگر سزه کو سترمش اولدیم سبیلرک خلافتده سزینه (مال - مهزون) دن (ویل سورایرون) ه کیدن یول بونجه بریاده جانبداري کوندرمکده اصرار ایدر سه کز بن اصلا ، بوفکر کزی برجنایت یرینه قویه جق دکلم . زیرا ، سز ، کندی ضول یانکزه چیقارلمش اولان سواری ایلریده کندیسندن بیوک بردشمن سوارینه تصادف ایدرک برتهلکيه دوشمش بولنه جفی زمان آتی حایه ایتک مقصدیله ، جانبداره پیاده ویرمکده بدرجه یه قدر حقلیسکزر . لکن ، بویادینی (غراولهوت) دن صکره آیرمق لازم کایدیکی ده انکار ایتمه ملیسکزر . بوايسه ، یکیدن ویريله جک برامره نظراً اجرا اولنه جق برحرکتدر . چونکه سز ، دها شمیدین (غراولهوت) ک اوتله رینه قدر کسديرمه برصورتده لاف سويليه مزسکزر .

(مال مهزون) دن (ویل سورایرون) کیدن یولک مفره طراندن تعقیب ایدیلان یولدن (۳) کیلو متره قدر اوزاق بولندینی معلوم اولدیغندن ، پیاده دن هیچ دکسه (۲) بلوکی جانبداره ویرمه کز لازم کله جکدر . بن ایسه ، مفره یی ایکی مساوی قسمه آیره رق اولنری شرقدن غربه کیدن ایکی موازی یول اوزرنده یوریتک فکرنده دکلم . کرچه بیوک برمفرزده رجعت یورویشنی تسریع وتسهیل ایتک ایچون بویله یالکزی ایکی یولدن دکل برقچ یولدن بيله استفاده ایتک پک ایی برشیدر . چونکه اوسایه ده برکره علی العجله دشمنک تماندن قورتیلینور؛ برکره ده ، دمدارک دشمنه مقابله ایتک مجبوریتده اولدینی زمان یاری یاریه وبلکه ، دها آزه تنزل ایتمش بولنور . لکن ، کوچک برمفرزه ده شو خصوصی نظرندن آلفه اصلا لزوم یوقدر .

اوتنجى مسئله

(عمومى خرىطه و « آرس سورموزەل » پافتهسى)

فكر عمومى ويا وضعيت عمومى

(مچ) دوست قطعەتى (شمال قطعەتى) طرفندن اشغال ايدىلەرك برباصەتىن
ھجومىدىن امىن بولنىور . بر جنوب اردوسى (طول) ك شمالىدە اجتماع ايتىشدر .

شمال مفزەسنىك وضعيت خصوصىسى

۱۸۸۹ سنەسى شىباطنىك برىنجى كۈنى بر مقدار سوارى و طوپچى ايله
برلكدە غرىبدن كلان بيوك دشمن پىيادە قطعەتنىك (موزەلى) ه
(پونتاموصون) [عمومى خرىطە] دە كچمش اولسى حوادىتى اوزرىنە (مچ) موقى
(موزەل) و (سەيل) آره سىندەكى حدود قىسمى كوزەتك و دشمنىك (مچ)
عليه يەنجى ھىرئوع تعرض حركەتنى تاخير ايتىك مقصدىلە (آرى) و
(مارى يول) اوزرىنە بعض مفزەلر كۈندىر . (فلورى) دە بولنان اوچىچى
بر مفزەدە (سەيل) ك شىرقىندەكى اراضىنى ترصدە مأمور اولور . اوندىن
بشقە (مچ) قطعەت عسكرىيەسى (فرەسقانى) - (اوپونىغ شانس)
[بيوك يول اوزرىندە] - (باپەتەرى) خطى اشغال ايتىش بولنىورلر .

شباطنىك ۲ نجى كۈنى اوكلەدن صىكرە ، مىرآلاى ب . . قوماندەسىندە
بولنان (مارى يول) مفزەسى (۳ پادە طاپورى . ۲ سوارى بلوكى برىطرىيە
وبراستىحكام طاقى) . كەندىسىندىن عدەجە پك بيوك اولان دشمن قوتلىلە
مصادمە ايدىرك پك چوق ضايعات وىردىكەن صىكرە (سىلەنجى [عمومى خرىطە] -) ،
(مارى يول) آره سىندەكى آعاچلار اراضىنى تخلىە ايتىكە مجبور اولىشدر .

بو مفزە (فەى) اوزرىنە چىكىلەرك اورادە قراكلتى باصدىنى ائىشادە
كۈى اردو كاھنە يىرلىشىش بولنىور . مىرآلاى ب . . افرادىك آنجى درتدە
برقردىر جىبخانەلرى قالدىغى اوكرە ئىشدر . مىرآلاى ب . . نك ايلرى قرە غوللرى
(بر پىيادە طاپورى ، ۲ سوارى طاساقى) (وەزون) - (پورى) —
(پورنوى لاشەتيف) خطى اشغال ايدىيور . بو نقطەلەردىن ھىرىسى برر بلوك
پادە و (۱۲) شر سوارىلە طوتىلش لدر . (۴) نجى بلوك ايلرى قرە غوللار
سوارىسنىك كرىيە قالان قىسمى (سابرە) دە بولنىورلر .

(آری) ده کی مفرزه ده عین وجهله اپی تلفات ویرمش اولدیفندن
 اك صكره (وواساز) ده توقف ایتش بولنان بردشمن قطعۀ عسکریه سی طرفندن
 تعقیب ایدیلهرک (قورنی) جوارنده اردوگاه قورمشدر . (ماری پول) ایله
 (قووان سورسه یل) دشمن طرفندن اشغال ایدله مشلردر ، لکن دشمن
 (لوری) و (لوی ویل) ده ایجه قوتلی بولنیور . (لوی ویل) ك غربنده
 (۲۱۳) راقلی یرده ، کیجه قراکلنی باصدینی ائشاده . ۲ دشمن بطریه سی
 یرلشهرک درحال (پورنوی لاشه تیف) ده کی ایلری قره غول بلوکنه آتش
 ایتشاردر . دشمن پیاده سی طرفندن و (قووان سورسه یل) دن کچهرک
 (پورنوی لاشه تیف) اوزرینه اجرا اولنان بر تعرض حرکتی (فلوری)
 مفرزه سنه منسوب بطریه نك یاردیمیله کری یه طرد ایدیله یلمشدر . (سهیل) ك
 شرق جهتده هنوز دشمندن بر اثر کورلمه مشدر .

یاسیله حق وظیفه :

- ۱ — میرآلای ب . . کندی وضعیتنی نصل تقدیر ایدر؟ ووظیفه سنی باشه
 چیقارمق ایچون نه کی وسائطه مراجعت ایتک فکرنده در ؟
- ۲ — ۸۹ سنه سی شباط آینک ۳ نجی کونی ایچون میرآلای ب . .
 طرفندن ویریلان امرلر .
- تنبیه — (مچ) ك جوینده کی اورمانلر بودائمشدر .

اون برنجی مکتوب

بر مغلوبیت اوزرینه رجعت

بو کوبکی مسئله نك براز اوزون اولدیغی وحل مسئله نقطه نظرندن هر بریسنك بشقه بشقه اهمیتلری آشکار اولان بر چوق تفصیلاتی جامع بولندیغی اعتراف ایلرم . بو کبی مسئله لرك حلنه مجبور اولدیغکز زمان ایلک اوکجه خریطه اوزرنده عادی ویا رنکلی بر قورشون قلم ايله مختلف دوست وخصم قطعاًتنك وضعیتلرینی اشارت ایدیکز . سز بویه یابارسه کز پك چوق کارلی چیقارسکز ، چونکه بر باقیشده هر ایکی طرفنك وضعیتنی آکلامش اولورسکز ؛ (موزدل) وادیسی بونجه و (ژوی اوزارش) دن کپه رنك (میچ) کیدن یول خصوصی بر مفرزه ايله مضافه ایدلمش بولنیور . بناء علیه میرآلای ب .. نك آنک ايله اوغراشمسینه هیچ لزوم یوقدر . باختصوص ، (ذی) و (سن بلهز) جهتلرنده کی تپه لر ايله مذکور یولدن آیرلمش بولندجه اوکا هیچ احتیاج قالمز . چونکه مذکور تپه لر آنک مجاور مفرزه لردن بریسیله مشترکاً برحرکتده بولمسینه مانعدر . اویله ایسه میرآلای ب .. ایرتسی کون ، (ژوی اوزارش) اوزرینه یوریان دشمن قطعانی طرفندن چوریه مک ویاخط رجعتی کسامه مک ایچون (فای) و (سن بلهز) تپه لرینی دشمنك (موزدل) وادیسی بونجه حرکاتی ترصد ایامک خصم صنده برر نقطه ترصد اولق اوزره قبول ایده جک و آنکله اکثفا ایلجه جکدر . برده مومی الیه (نورنی) مفرزه سنك حتی عندجه کنديسه فائق بر دشمنه قرشو

اپي زمان مقاومت ايده جکني امید ايده بيلور . مير آلاي ب ..
 اتخاذ ايده جکي قراري بو مفرزه قوماندانه بيلديره جکدر .
 بالعکس ديدیکمز تپلر ايله (سهيل) آره سنده کي اراضي .
 (ماری يول) و (بورنوی لاشه نیف) دن کپه رک (مچ) ه کیدن يوللر
 مفرزه قوماندانک اک زياده ايشنه يارارلر . باخصوص (ماری يول) دن
 (مچ) ه کیدن يول مير آلاي ب .. نک اک چوق نظر دقتي جلب
 ايده جکدر . چونکه او يول ، کندی قطعات عسکريه سی طرفندن
 طوتلمش بولتيور . اگر دشمن (ماری يول) و (فهی) دن
 ايلروملک نکرينه دوشه جک اولورسه . يولي هر ايکي جهتدن احاطه
 ايدن وبر باصقين حرکته الويرشلی اولان اورمانلردن طولايي پک
 احتياطکارانه ايلريلمکه مجبور اوله جقدر . بونک ايچون خصمک
 کونش طوغزدن اول شو ديدیکمز يول بويجه ايلروميه جکنه اينانمق
 لازم کلور .

مذکور اورمانلر بودامش اولديجي ايچون دشمن اونلر آره سنده
 پک مشکلات ايله يعنی يواش يواش ايلروميه بيله جکدر .
 بوندن طولايي دشمن کاملاً يول اوزرنده بولمغه مجبوريت
 کوره جکدر . بيوک يولک غربنده (ريق) . (فای) و (سن بله ز)
 تپلرينک صرپ وديک يقوشلری واردر . کرچه دشمن پياده سی
 اورالردن پک اعلا کجه بيلور . لکن پياده يورويشده بيوک بر سرعت
 کوسترميه جکدر . اويله ايسه دشمن يولي هر طرفندن احاطه ايدن
 طار بر منطلقه اوزرنده ياللمغه مجبور اوله جق وموسمدن طولايي ده
 اورالرده ايجه صقنديار چکه جکدر . اويله ظن ايدرم که ، بوراده

خصمی آلداتمق وچین حاجتده آنک یوروشنی کجیکدیرمک ایچون اوافاق بر مفرزه کفایت ایدر .

(نهی) دن (اونی) اوزرینه چکلیمکه ، (نهی) ایله (کووری) آردهسنده کی صرت سایه سنده دشمن نظرندن مستور قالمش اولور . بناءً علیه دشمن مذکور صرتی الده ایتمش اولمزدن اول (اونی) به کلک لازم کلور .

(پورنوی لاشه تیف) دن (میچ) اوزرینه کیدن ایکنجی یولک اوغراغی بولنان اراضی بسبتون آچیق بر اراضیدر .

اگر سز (قوان سوره سیل) دن اعتباراً بویولی تعقیب ایدر سه کز مقاومت ایده بیله جککز ایلك نقطه ، قولای بر صورتده مدافعه اولنان (پورنوی لاشه تیف) کوی در . سز آنی طوتار سه کز امین اولیکز دشمنی پی زمان یولندن آلیقویمش بولنه جقسکز . (پورنوی لاشه تیف) ایله (قوان لو کووری) آرده سنده یول ، ایکنجی کویک کنارلرینی اشغال ایدن آوجیلر طرفندن دوکیله جک بر اراضیدن کچکور . اورادن صکره ایسه یول ، (نهی) ایله (کووری) آرده سنده کی صرته چیقان یقوش بونجه ایلرولر . بوراده ده اپی زمان دشمنه مقابل ایتک ممکندر . بوندن صکره بر آز اوزاقده اولمق اوزره (هوت ریو) ایله (پرایل) آرده سنده ده بر موضع واردر . ایشته کوریلور که ، چین حاجتده خصمک تعقیب حرکاتی طور درمق ایچون بر خیلی نقطه لر موجوددر . اوندن بشقه آب آنسزین چورلمش اولماق ایچون (ماری یول) ، (ساره) ، (اونی) یولی ده ایوجه ترصد ایتدیرمک لازمدر . کورپورسککز که ، عددجه فائق بر دشمنه قرشو ، کوچک قطعات

عسکریه ایله حمایه ایدلمش اولان دمدار محاربه لری صورت عمومیه ده .
مفرزه قومانداننك پك ماھر و پك آچیق كوز اولسنی ایجاب
ایدنیور . عكس تقدیرده محاربه یه کیریشن قطعه عسکریه نك كاملاً
دشمن النده محو و پریشان اولدی محتملدر . برده شوکا دقت
ایدیكركه ، (سهیل) ك قرشویقه سنده کی تپه لرك بو صوك یول
اوزرینه بیوك بر نظارتی واردر . بر وجهله كه ، (فلوری)
مفرزه سنك طویچپیسی دشمن بر دفعه (سهیل) ی كچوبده مذکور
طویچی دشمن هجوملرینه هدف اولنجه یه قدر سزك پیاده كزه
اپی یاردیمده بولنه بیله جكدر .

۲ شباطده خصم هنوز (سهیل) ك قرشویقه سنده بولندینی ایچون
۳ شباط صباچی بر قاچ ساعت انناسنده (فلوری) مفرزه سنك استنادینه
مظهر اولنه جنی امیدایدیله بیلور . برده خصمك ،دها ۳ شباط صباخندن
اعتباراً (سهیل) ك غربنده کی اراضی نی الدایتمكه چالشمسی محتمل دكلدر .
دشمن حتی ۲ شباط كونی او كنده کی خصم قوه عسکریه سنی بر درجه یه
قدر آكلامش و تقدیر ایتش اولسه بیله (میچ) ك قریبتی حسیلله قوای
امدادیه كه بیامك احتماله نظرأ ۳ شباط صباچی ینه او باده هیچ بر
شیئه تمامیه اعتماد كوسترمش اوله میه جقدر . او یله ایسه ، دشمن
كندیسنه قرشو بردن بره بعض مقابل تعرضله كچلمش اولیه جغندن
اصلا امین دكلدر . وعلى الخصوص كه ، دشمنك صول یانی اوزرنده
(سهیل) ك موجود اولیشی آنك شو خصوصده نه قدر احتیاطلی
حرکت ایتسی لازم كه جكنه آپ آشكاره برسنددر .

(پورنوی لاشه تیف) یولنی طوتمش اولمزدن اول ، او بر كره
(فلوری) مفرزه سندن قورتلمش بولمغه و (فهی) ایله (اونی)

استقامتلىرىنى كەشف ايتىدىمىكە لزوم كۆرۈڭچىدۇر . باخسۇس بۇسۇك
استقامت آنەك پەك چوق نەظر دىقتى جەلب ايتىش اولەجقۇدۇر .

مىرآلای ب . . (فلورى) مفرزەسەنەن (سەيل) ايله آيرلىش
بولنىور . بۇنەك ايتچۇن ايتكى مفرزەنەك حركەتنى توحىد ايلمەك امىد
اولەنەن . مەع ھەذا ، بۇمفرزەنەن (مارلى) راسطەسەيلە بىررىنە
مىربۇط قالەجقۇر و (فلورى) مفرزەسەنەن مىرآلای ب . . نەك مقاصد
وآماندەن خەردار اولەجقۇدۇر .

بىردىفەدە (سابرە) دىن كەڭەرك (مارى يول) دىن (اونىي)
اوزرىنە كىدەن يولى بىر نەظر دىقتەن كچۇرەلم . بۇيول (نەي) دىن
(كۆورى) يە كىدەن يولەقدىر ايتى كچى كۆورونىور . لىكەن ، اورادەن
اعتباراً وباخسۇس شو موسمەدە اونەك اوزرىندە يورىش ياتىق براز
شەبەلىدۇر . واقعا بۇنقۇتە نەظردەن خەرىطە دىلەسزىدۇر ، بىزە ھىچ بىر شى
سۇيالىمىور . لىكەن يولەك بىزە يىرلىرىدەن آكلەشلىورەكە آنەك حەقتەدە
ايتى احتىاطلى طاورائەتق لازم كلىور . اكر (مارى يول) دىن اعتباراً
دشەن بۇاستقامتى طوتەجق اولورسە ، (بۆورى) بىوك قرەغولەندەن
بۇنقۇتە مدافەئە پەك صالچ اولمىدىنى ايتچۇن مەذكور قرەغول دىرھال
اورادەن چكىلەجىدۇر . كرك (سابرە) وكرەك بۇنەك جىنۇبىندەكى اراضى نەك
كەلك بىرقىمت مەھمەتە تدافىئەسى يوقدۇر . بىرۇجەلەكە ، بىرىنچى درجەدە
طوتىلەجق ايتىو مۇضع ، اولجە بىرچوق كىرە سىزە سۇيلىمىش اولدىغىم
(نەي) ايله (كۆورى) آرهسەندەكى صىرتدۇر . دشەن (سابرە) دىن
كچەرك (اونىي) اوزرىنە كىتدىكى ھالەدە ، شىكالاتە اوغرامىش بولمىيە .
جقۇدۇر . باخسۇس اكر بىزە قىبول ايتىدىكىمىز كچى دشەن (مچ)
اوزرىنە بىوك بىرچە ايله يورىمەك ايتىرسە ، اوزمان بۇيول دەھازىدە

اهمیت قازانمش اوله جقدر . فی الحقیقه دشمن بویول اوزرنده نه قدر
چوق مسانه قازانمش اولورسه ، صاغ وصول قطعات عسکریه سی
دها اوقدر زیاده یانلرده کی یوللر اوزرنده ایلرولمش بولنه جقلردر .
اوندن بشقه ، احتمال دشمن یالکز یول اوزرنده قالمغله اکتفا
ایتمه جک ، بالعکس موسمک مساعده سی نسبتده . یولک شرقده .
(فلوری) طوب منزلدن خارج اولان آچیق اراضیدن ده استفاده
ایله جکدر . بوندن اکلاشیلورکه ، یارین صباح ایلک ساعتده ، دشمن
(پورنوی لاشه تیف) دن زیاده (ماری یول) دن (سابره)
اوزرینه یوریمش اوله جقدر .

بناءً علیه شو حرکته قرشو میر آلا ی ب .. نک وضعیتی ایو
بر شی دکلددر . چونکه او . عددجه کندیسنه پک زیاده فائق اولان
قوتلره جواب ویرمکه مجبوردر . و آنک وضعیتی بوراده طبق ،
بر محاصره نک ایلک دورلرنده کوچک بر قطعه عسکریه نک وضعیتی
کیدر . واقعا میر آلا ی ب .. مذکور قوای عسکریه اوکنده
کریه چکلمکه مجبور اولدی . لکن منتظم ایلری قره غوللر
چیقارمغه وقت بولمش و آنلرک حمایه سی آلتده (نهی) اوزرینه
چکیله بیامش اولدینی ایچون دشمن قوتلرینک تعقیب حرکاتی
بطاات کسب ایلدی .

اگر دشمن کیجه باصمش اولنجه یه قدر میر آلا ی ب .. بی
پک یقیندن تضییق ایده بیلمش اولسه یدی ، اوزمان طبیعی منتظم
ایلری قره غوللر چیقاریله مز . وایکی دشمن شفق ایله برابر تکرار
محاربه به باشلامق اوزره قرشو قرشو وسلاح آلتده کیجه بی
کچورمش اوله جقلردی . لکن ایشلر بوراده بشقه درلو جریان

ایتمش اولدینی ایچون وضعیت ایجه مشکل بر حالده قالمش بولنیور . آقشام اوستی ، فکر آ اولسون ، (فهی) ك سوقاقلرینی براز طولاشمش اولمکری ایسترم : اوت ، سز او سوقاقلرده بر چوق ضابطلره تصادف ایدرسکزکه ، اولر ایرتسی کونی علی الصبح یورویشه باشلامق ایچون کندی قطعات عسکریه لرله عربهرلینی متصل اسکی نظام وانتظاملرینه قومیمقله مشغول بولنیورلر . شمدیکی زمانده قوللانیلان اسلحه نك آتشلری ، باخصوص پیاده اوزرنده اوقدر فنا تاثیرلر کوستررکه ، مثلاً آقشامه قدر محاربه ایتمش اولان کوچك بر مفرزه عددجه کندیسینه فائق بر دشمن اوکنده کری یه چکیلهرک بر چوق ده ضایعات ویره جك اولورسه ، ایرتسی کون آنجق پك کوچك ایله آچیقدن آچقه دشمنله غوغا ایتمکه جسارت ایده بیلور . اوندن بشقه بوراده اولدینی کبی ، قسم اعظمی صرف ایدلمش بولسان مهماتك کیجه لین اکمال ونجدیدی ایچون قوتلی بر موقعک مجاورتندن استفاده ایتک لازم کله جکدر .

مع هذا ، وضعیت عمومی ، مفرزه مزك یکی بر محاربه مصرانده بولنش اولسنی ایجاب ایتیور . مفرزه مزی تشکیل ایدن قطعات عسکریه ، ذاتاً ، مؤخرأ (میچ) موقعنک مدافئه میدیده سنه اشتراك ایتمکه مجبور اوله جقلردر . بناء علیه اولنلری کاملاً صرف ایتمکه هیچ برسبب معقول کورلیور . ایشته بونك ایچوندرکه ، (میچ) کندی ترتیبات تدافیه سنی اکمال ایدنجه یه قدر ، برقاچ کون قازانمق اوزره ، اولنره یالکز دشمنی ترصد ویورویشنی تأخیر ایتک کبی بر وظیفه ویرمکه اکتفا اولنه جقدر .

اوله ایسه میر آلا ی ب . . نه (فهی) ده قالور ، نه ده دیگر

بر موضعی ومثلاً (غولوت) اورمانلریخی شدتله مدافعه ایتک خصوصنی خاطرہ کتورمش اوله بیلور . حتی (اونیی) ده بیلہ اوزون اوزادی یه مدافعه ده بوانیله جق دکدر . زیرا ، کویک جنوب کناری بر چیقندی تشکیل ایدر . واوندن بشقه ، (سن ژان) اورمانیله (اونیی) نک جنوب و جنوب غربیسنده کی تپه لر مجاورتلرندن طولایی دشمنک بر تعرض حرکتی تسهیل ایدر لر .

دریندن درینه بر محاربه یه کیریشمکدن چکینمکه برابر ، ینه زمان قازانمش اولنجه یه قدر خصمی قوای عسکریه سنک بیوک بر قسمنی یایمغه مجبور ایتک لازمدر . بونقطه نظرندن ایجاب ایدن ترتیبات ، شاید خصمک بر هجومندن کندیمری قورتارمغه لزوم کوره جک اولورسه ک بزی کندی اوزرینه طولایه جق اولان ، دوست قطعانه یاقلاشمش اولدقدن صکره اخذ ایدیله جکدر .

اوزون بر مدافعه یه الویریشلی اولماقله برابر ، شو نقطه نظرندن (اونیی) پک مناسب بر یررر . بوراسی بر دفعه (میچ) ه کیدن یوللره حاکمدر . ثانیاً ، اگر اوراسی ترک ایدیله جک اولورسه دشمن (فرسقاتی) — (اوبونع شانس) موضعه هجوم ایتک ایچون اوراده کوزل وپک محکم بر نقطه استناد بولمش اوله جقدر . شبه یوقکه ، (اونیی) یه قدر چکلمکه دشمنک (میچ) ه یاقلاشمش اولمی تسهیل ایدلش اولور . حمایه ایلدیکی محاربه نک حالی معلوم اولدیغندن مفرزه کندیسنه ویریان وظیفه یی پک ناقص بر صورتده ایفا ایده بیله جکدر . دشمن اوکله دن اول ، (اونیی) پیشگاهنه مواصلت ایتیه جکدر . میرآلای ب .. اگر بطریقه سنی ایوجه قوللانه بیلورسه ، دشمنی ارکندن یایلمغه مجبور ایدیله جکدر . آقشامک

ساعت (۵) نده ایسه یواش یواش قراکلیق باصیور . او حالده بوکون دشمنک دیگر بر تعرض حرکتته دها باشلامش اولسی مشکوکدر .

اوله ایسه (اونی) طوتلدینی حالده هم زمان قازانلمش اوله جق ، همده ایلری قره غوللرک پک چوق صیقندییه دوشمه دن چکلملری تأمین ایدلمش بولنه جقدر . مع هذا ، میر آلا ی ب .. (اونی) نک آنجق موقتاً طوتلمق لازم کلدیکنی و دشمن جدی بر هجوم حرکتی یایمغه باشلادینی کبی آنک ترک اولنمق ایجاب ایلدیکنی اونوتماملیدر . (اونی) نک اشغالی نه قدر زمان سوره جکی ده خصمک (موزل) وادیسنده ایلرولمسنه تابع اوله جقدر . بکا قالورسه ، دشمن (زوی اوزارش) ی الله ایتدیکی کبی (اونی) کونیه ده تخایه ایتک لازم کله جکدر . (فه ی) دن (اونی) اوزرینه یایله جق رجعتی پک بردن بره یاپماملیدر . بالعکس ، بتون افرادک سکونت وانتظامنه خلل کتورمه مک ایچون آنی پک منتظم بر صورتده یایمق لازمدر . بناءً علیه ایلری قره غوللر ، یرلرنده قاله جقار ومفرزده نک تمامیه امنیت آلتنه کیردیکنی کورنجه کری چکیله جکلردر . خصمک نظر دقتی جلب ایتمه مک ودرحال تعقیبه قویلمسنه محل بر اقامق ایچون بن دها سکرنجی مکتوبمده سزه ایلری قره غوللرک پک ارکندن کری چکلمه ملری لازم کلدیکنی کوسترمش ایدم . ایلری قره غوللر یرلرندن قیلهدمقجه خصمک تعقیبه شدت ویرهش اولماسی محتملدر .

لکن اگر دشمن اولجه دوشونه مدیککز بر زماندن اول ، اولر اوزرینه هجوم ایتش اولورسه ، ایلری قره غوللر اونک یوروشنی

تاخیره چالیشه جق صورتده هر نوع وساطدن استفاده ایدرک کری یه چکیله جکلردر . (ماری یول) و (فهی) ایله (قووان سورس یل) و (پرایل) آره سنده کی اراضینک دمدار محارب به لرینه الویری شلی اولدیغنی و (ماری یول) دن (سابه) یه کیدن یول بونجه ایسه بو محارب به لرک جریانه صالح یر اولدیغنی ده اوبله کورمش ایدک . احتمال که ، دشمن ایلری قره غوللر اوزرینه شدتله یوکنمش اولدیغنی زمان مفرزه اونلری کندی اوزرینه طوپلامق ایچون بر موضع آله جقدر .

مع هذا دقت ایدیکز که ایلری قره غوللر ویا که ایوسی دمدار آنجق (فهی) مفرزه سی داخلنده انتظام تام حاصل اولدقن صکره جدی بر هجومدن احتراز ایتش ازله بیله جکلردر . بونک بویه اولسی مسئله ایجابنددر . لکن اگر بو مسئله ده قسم کلی یی تشکیل ایدن قطعاتک بیوک بر قسمی محارب دن خارج بر حالددر ، دینلمش اولسهیدی اوزمان مطلق اونلر کندی لرینی طوپلامش اولنجه یه قدر لازم کلان وقتی قازانمق لازم کله جکدی . بو صورتده ، ایلری قره غوللر ، ده آرزده لشمس اولان بلوکلردن آتخاب ایدلمش بر قاج بلوک ایله بر بطریه طرفدن تقویه ایدلمش اوله جقدی . زیرا اویله بردن بره یاییله جق بر رجعت حرکتی قطعات عسکریه نک قوه معنویه سنی کاملاً تخریب ایتش اولوردی . واحتمال شو حاله نظراً بر چوق اسیرلر ایله بر چوق مالزمه سفریه دشمنه ترک ایدلمش وجدی بر دمدار محارب ه سنه کیریشلمش بولنسی حالتدن زیاده تلفات ویرلمش اولوردی .

شمدی برکرده خصم قوای عسکریه سنک وضعیتنی برکوزدن

چورهلم . بز يالكز شباطك برنجي كوني پياده و طوپچي ايله برآزده سوارينك (پونتاموصون) ده (موزل) ي كچمش اولديغني بيلورز . بوقطعاتك كريسندن وشباطك (۲) سنده سائر بعض قطعاتك كلوب كلكديكندن ايسه اصلا خبرمنز يوقدر . لكن (۲) شباط كوني سائر قطعاتك كلكش اولديغني قبول ايده بيلورز . چونكه (مچ) كجي قوجه برشهر ، يالكز برويا ايكي فرقه ايله محاصره ايديله من . هر حالده ، (۲) شباط كوني ختم ، اوچ يول بويجه واسع برجبه اوزرنده و بزه عددآ فائق قوتلر ايله (مچ) عليهنه يوريمكده در . بوندن بشقه ، مير آلاي ب . . مفرزه سني (فه ي) اوزرينه يني شمال غربي استقامته آتدقدن صكره دشمن شرقده (سهيل) اوزرينده قوت ايله ايلرولمش بولنيور . واقعا (پورنوي لاشه تيف) ي ضبط ايتك ايچون آقشام اوزري ياييلان ضعيف برهجوم موفق اولمدي ؛ لكن ، دشمن عين زمانده سائر بعض قطعاتك (فلوري) ده بولنديغني اوكرندي . (۲) شباط محاربه سي ، دشمن اوزرنده ده آز چوق تاثيرات حاصل ايتمش اولميدر . زيرا ، شمريكي زمان حربنك شرائطنه كوره ، حتي غالب كلسه بيله ، برقطعه عسكريه ، آغاچلقلي بريرده غوغا ايتمش اولديني حالده آنك يكيدين برحال انتظامه كيرمش اولسيچون اپي برزمان كچمش بولنسي طيعيدر . ايسته نظرياتده اوقدر چوق توصيه ايديلان تعقيب حركاننك عمليآته اكرتيا قابل تطبيق اوله مامسي بوندن ايلري كليور . برتعقيده افراد عسكريه يي ايلري سوره بيلمك ايچون هر كسده قيرلنز . دوكلنز برخواهش اولمق لازم كلور .

مير آلاي ب . . نك فصل ايلري قره غوللر وضع ايده بيلمش اولديني ، دشمنك (پورنوي لاشه تيف) ي ضبط ايتك خصوصنده

نیچون ایکنجی هجومه قالمیدینی بوندن پک اعلا آکلاشیلور ظن ایدرم .
 ینہ بوندن طولانی خصمک ، اولیہ پک ارکندن تعقیب حرکتہ
 باشلامیہ جغی قبول ایدہ بیلورز . یعنی دیمک ایسترم کہ دشمن کونش
 طوغمزدن اول ، یرندن قلمدامش اولیہ جقدر . و (سہیل) ک
 شرققدہ کی وقوعاتک نہ شکله کیرہ جکنی انتظارہ مجبور اولدینی ایچون
 دشمن احتمال (پورنوی لاشہ تیف) جہتلربنہ پک اوقدر اہمیت بیلہ
 ویرمہ جکدر . اولیہ ایسہ میر آلا ی ب . . بروجہ آتی قراری اخذ
 ایدہ جکدر :

قسم کلی شفقہ برابر (اونی) اوزرینہ چکیلہ جک و بوراسنی پک
 ضعیف بر صورتہ اشغال ایدہ جکدر . اگر قسم کلی بر هجومہ اوغرامش
 بولنورسہ ، بطریہ دشمنی یابلغمہ مجبور ایتک ایچون ہان اوکا قارشو
 آتش آچہ جقدر . ایلری قرہ غوللر ایلک اوکجہ یرلرنده قالہ جقلر ،
 سکرہ ، اپی سرعتہ (اونی) اوزرینہ چکیلہ جکلردر . (ودزون) ،
 (بوری) ، و (سابرہ) بلوکلری (سن قلود) دہ برلشہ جکلر .
 (پورنوی لاشہ تیف) دہ کی بلوک ایسہ صول یان جانبدارلنی وظیہ سنی
 کورہ جک ، ومؤخرآ (پرایہل) دن کچہ رک (اونی) یہ چکلمک ایچون
 اولای بیوک یولی تعقیب ایلہ جکدر .

اگر دشمن عددجہ فائق قوتلر ایلہ (اونی) اوزرینہ هجوم ایدر
 یاخود ، اگر (موزل) وادیسنی تعقیب ایتش اولان دشمن قطعات
 عسکرہ سی (ژوی اوزارش) ی ضبط ایتش بولنورسہ ، (اونی)
 درحال تخیلہ ایدیلہ جک و علی المجملہ (فرہ سقانی — پایہ تہری)
 موضعک جہہ سنی آچش اولق ایچون مفرزہ (اورلی) و (طورنہ) —
 برید (دن کچہ رک کری چکیلہ جکدر .

شمدی ده مفرزه نك عزیمت ساعتی بر حساب ایدم . ایلک اوکجه شونی خبر ویریم : قطعات عسکریه برکون اولکی بیوک یورغینلق اوزرینه براز دیکلنمش اولق ایچون پک ارکندن یوله چیقمالیلدر . دیگر جهتدن ، دشمن طرفندن ایودن ایویه تضییق ایدلش اولماق ایچون ده پک کچه قالمالیدر .

شیاط آینده کونش ساعت (۷) ده طوغار . اگر سز عزیمت ایچون بوساعتی انتخاب ایدرسه کز ، قطعات عسکریه شبهه سز ده شفق مسوکر سوکمز اجتماع ایتش بولمغه مجبور اوله جقلردر . بو حال باخصوص بر مغلوبیتی متعاقب خوشه کیده جک بر حال دکلدردر .

مع هذا قطعات عسکریه نك اوندن طولانی بر شی دیمکه ده حق یوقدر . شودیدیکمز ساعتدن ده اول یوله چیقماق ایسه فائده سزدر . چونکه دشمن ده سزک کی استراحته محتاجدر . و او اصلا سزدن اول یوله چیقماش اولیه جقدر . (نهی) دن (اونیی) یه قدر تخمیناً ۳۵ کیلو متره یعنی ۴۲ دقیقه اولق اوزره حساب ایدیکمز . قسم کلینک درینا کی کوسترن (۱۸) دقیقه یی ده بوکا ضم ایدرسه کز هپسی برلکده بر ساعتق بر زمان ایدر . اولیه ایسه صباح ساعت (۸) ده قسم کلی کاملاً (اونیی) ده بولنه جق دیمکدر . بناءً علیه ، ممکن اولدینی قدر ، دشمنک ساعت (۸) دن اول (فهی) ایله (کووری) آره سندکی ارضی یه (صرته) موصلت ایتش اولماسی لازم کلور . (و هزون) ایله (بورری) دن بوسرته قدر (۲) بچق نهایت (۳) کیلو متر دلاک بر مسافه واردر . بومسافه زمان جنسندن ۳۰ : ۳۶ دقیقه لک برشیدر . اولیه ایسه ایلری قره غول بلوکلری ساعت ۷ بچقده کری چکیله جکلردر .

قسم کلی (نهی) که شمال مخرجنده طویلانه جقدر . سواری ده
کذلک اوراده اجتماع ایده جکدر . زیرا کشف ایده جکی استقامتله
او ، بورادن کمال سهولتله واصل اوله بیله جکدر .

بیوک آغرقلر ، مفرزه یه تقدم ایده جکدر واوندن بر ساعت اول
حرکت ایلیه جکدر درکه ، بوجوق برشی دکدر . کیجه نک زده چور یله جکی
هنوز بیلنه مدیکی ایچون اونلر ، برنفسده (مونته نی) یه یعنی یولک
شمندوفر ایله برلشدیکی نقطه نک تا ایلروسنه قدر کیده جکدر در .
بیوک آغرقلر بر کره بورایه کلدیلمی . آراق شبهه سز هیچ کیمسه یه
صیقندی ویرمیه جکدر ، ولزوم کوریلورسه اونلری تکرار چاغرمق
زور برشی اولیه جقدر .

بیوک آغرقلرک خصوصی برحفاظله احتیاجلری یوقدر . برضابط
ایله برقچ سواری آنلر ایچون یتیشور . ویوللری اوزرنده هیچ بر
مانعه تصادف ایتمیه جکلریچون اونلره استحکام ویرمک لزومسزدر .
شمدی کری یه قالان شی مهماتک (میچ) منابعی واسطه سیله تجدید
واکالندن عبارتدر . پیاده جبخانه عربلری اگر اوجله بوشالدماش
ایسه ، شمدی بوشالده جق وختویاتی مساواناً باوکلره تسیم اولنه جقدر .
بوعربلر ایله بطریقه نک جبخانه عربلری تکرار یوکالدمک وایرانی
کون علی الصباح (اونی) یه کلمک ایچون علی العجیده (پیچ) ه کیده .
جکدر در . عودتده مذکور عربلر . (اونی) یازقنک نمال چیقندیسینده
طوره جقدر و هیچ کیمسه یه برصیفندی ویرمکسزین نالان ویالان نفسه
اوزرینه سوق ایدلمش اوله بیله جکدر در . ایلمک مکتوبده مهماتک
تجدید واکالنه عائد ترتیبانک بر حرکت امرنده آنجیق پک مستثنا
اوله رق درج ایدلمش اوله جتنی سویلمش ایدم . اولیه ایسه ، مادامکه

بومسئله ده ، مستئنا اوله رق ، مهماتدن بحث اولنق لازم كليور ؛ سزده آنك تجديد واکلی اوزرينه امر ویرمکه مأذون بولئورسکز . آنك ایله مشغول اولدیفکمز حالد سزین برقصورایتمش اولیه جقسکز . چونکه بوخصوصده لازم کلان اوامرك دها اولجه ویرلش اولدیغنی وطابور قوماندانلریله بطریه قوماندانك جبخانهك تجديد واکلنده لازم کلان صلاحیتی حائر بولندقلرینی فرض وقبول ایده بیلورسکز .

دمدار قوماندانی مشکل بروطیفه باشنده بولنه جقدر . زیرا کندی بلوکلی کیش برجه اوزرنده رجعت ایتکه مجبور اوله جقدر . بو اوله بر حرکتدکه طبعی دمدار قوماندانی آنی کندی ایله سوق واداره ایده میه جکدر . (پورنوی لاشه تیف) بلوک ایسه آنك ک زیاده الندن چیقه جق اولان بلوکدر . صاغ جناحه کلنجه ، دمدار قوماندانی ، دشمن طرفندن ک زیاده تهلکه مه معروض قاله جق اولانلری ایلری قره غوللرك قسم کلیسی واسطه سیله حمایه ایدرك آنك حرکاته مداخله ایده بیله جکدر .

الده بولسان بتون سواری ، دمداره ویریه جکدر . بونك وظیفه سی ایسه پیاده باصقینه اوغراماق وکری یه پوسکور تاش اواماق ایچون صوك درجه دقتله استکشافده بولنقدرد . برده سواری ، اکر یایا جنك ایدرك پیاده نی حمایه ایتکه ودشمنی قارشوسنده کی پیاده نك مقدارینی آکلامقده یا کلمغه مقتدر اولورسه نه اعلا! مع هذا ، قسم کلی کرک جوار مفرزلر وکرک (مچ) ایله قطعی بر ارتباطده بولنه بیلمک ایچون بر آرزواری یه متاجدر . بناءً علیه اوکا هیچ دکله بر طاقم سواری ویریه جکدر .

بوراده سز دمداره طوپی ویریه جکسکز . زیرا پیاده کز پک

طاغنیق بر حالده در ؛ بناءً عایه طوبیحی بی درجه کافیده حمایه ایتمش
اوله میه جقدر .

شمدی آرتق راحت راحت انقسام عساکریکزی ترتیب
ایده بیلورسکز . میرآلای ب.. مفروزه سنی تشکیل ایدن جزء تاملرک
نومورلری مسئله ده کوسترلمش اولدینی ایچون سز اولره ایستدیککز
وجهله نومرو ویرمکده مختارسکز .

انقسام عساکر

- ۱ --- قسم کلی (ویورویش نظامی) :
 - ۱۶ نجی استحکام طابورینک برنجی بلوکندن بر طاقم .
 - ۱۳۰ نجی پیاده آلاینک ۳۰ نجی طابوری .
 - ۳۱ نجی صحرا طوبیحی آلاینک برنجی بطریه سی .
 - ۱۳۰ نجی پیاده آلاینک ۲۰ نجی طابوری .
 - ۱۳۰ نجی سواری آلاینک ۲۰ نجی بلوکندن بر طاقم .
 - ۲ --- دمدار : بیکباشی ب..
 - ۱۳۰ نجی پیاده آلاینک برنجی طابوری (ایلری قره غوللرده) .
 - ۱۳۰ نجی سواری آلاینک برنجی وایکنجی (برطاقم اکسینک) بلوکاری .
- بر امرده وضعیتی ، قبانق و آکلاشلمز بر صورتده کوسترمدکن
صوک درجه چکنملیدر . چونکه امر آکلاشلمز بر معماکی یازیلورسه
اوزمان واسطه اجرآت اولان ذوات پک چوق صیقندی وزحمت
چکمش اولورلر . فسا وتدیرسزجه دوشونلمش اولان برامری ،
مادون ضابطلرینه سز حتی آغزدن سویلمش اولسه کز بیله ینه اوندن
تهلکهلی نتیجه لر چیقه بیلور .

مخاطره لی بروضعیتده قطعات عسکریه دائماً کندی آمرلرینک یوزلرینه
باقه رق اوراده یانشانه امید کورورلر ویاخود آثار فلاکت حس

ایدرلر . اوله ایسه باخصوص بر رجعت امری ویره جگکز صره ده
دائما برجسارت واطمنان قلب کوسترمه چالیشکز ، بوسایه ده
معیئکزی ایجه جانلاندرمش اوله جفکزه امین اولیکزه . مع هذا ،
بوراده ده مبالغه ده دوشمکدن چکیمکزی توصیه ایدرم .

بناءً علیه ویره جگکز رجعت امرنده شمدي به قدر خصمك
(سهیل) ی کچمه مش و (پورنوی لاشه تیف) ی ضبط ایده مامش
اولدیغی ، اوندن بشقه ، سزك (فره سقانی) — (وبوع شانس) خطی
اوزرنده دوست قطعاتی طرفندن طویلانلمش اوله جفکزی و (میچ) ك
جنوبنده احتمال سزه یاردم ایده جك سائر مفرزه لك بولندیغی ده
برر ، بررسویلیکزر .

امرلرینی ویردکدن ودمدار قوماندانیله ایوجه برکوریشدکدن صکره
میر آلا ی ب . . مفرزه به تقدم ایدرك ايلك قطعات عسکریه سی کلدیکی
زمان اونلری یرلشدیرمك اوزره لازم کلان ترتیباتی اخذ ایتك فکریله
چار چابوق (اونی) به واصل اوله جقدر . (اونی) نك صورت
اشغالی ایچون طبعی یکی برامر ویرمك لازم کله جکدر .

بناءً علیه ایشته سزك ویره جگکز امرلر شویولده ترتیب ایدلمش
اوله جقدردر :

(فہی)

۲ - ۲ - ۸۹ - ۱۰ کیجہ

نومرو — ۱

مفرزہ امری

۱ - - جبخانہ عربہ لری در حال بوشا -
لتیہ جقلردر . بونلر ، طوپچی جبخانہ
عربہ لریلہ بر لکدہ (۱۳۰) نجی پیادہ آلایندن
بر ضابطک قومانداسندہ اولمق اوزرہ
(میچ) ہ کیدہ جکلر و یارین صباح ساعت
(۸) دہ اوئی یارقنک شمال چیقندیسنہ
عودت ایتمش بولنہ جقلردر .

۲ - - بیوک آغرقلر ، معیتندہ بر قاچ
سواری بولنان ایکنجی سواری بلوکی
ضابطلریندن بر یسک قومانداسنہ و یریلہ رک
یارین صباح (فہی) ک شمال مخرجنده
برلشہ جکلر و (اوئی) دن کچہ رک ساعت
(۶) دہ (مونٹہ نی) غاز فابریقہ سی
اوزرینہ حرکت ایدہ جکلردر .

۳ - - مفروزہ یارین صباح ساعت (۷) دہ
حرکتہ مہیا اولہ جق صورتدہ (فہی) ک
شمال مخرجنده طوبلانہ جقلردر . امر عین
نقطہ دہ وساعت (۶) بی (۵۵) کچہ
بتون ضابطانہ و یریلہ جکلردر .

۴ - - ایلری قردغوللریکی امر و یریلنچہ یہ
قدر یرلرنده قالہ جق و دشمنی ترصد
وظیفہ سنہ دوام ایدہ جکلردر .

میرآلای

ب . .

قطعات عسکریہ دن امر آباقی

ایجون کوندریلانلرہ یازدیرلشدر .

(فہی) ك شمال مغربی

۳ - ۲ - ۸۹ - ۶۰۴۵ كوندوز

نومرو — ۲

مفرزه امری

۱ — دشمن بزی دون (لوری)
(لوی ویل) خطنه قدر تعقیب ایتدی .
لكن (سہیل) دره سنی كچمدی و
(پورنوی لاشه تیف) اوزرینه بابدینی
هجوی كری به پوسكورتلدی . (قورنی)
و (فلوری) برر دوست مفروزه
طرفندن طولتمش اولدینی كبی (مچ)
محافظندن كوندریلان بعض قطعات عسكریه
(فره سقای) - (او بونع شانس) -
(بابه تری) خطی اوزرنده یرلشمش
بولنیورلر .

۲ — مفروزه (اونیی) اوزرینه رجعته
دوام ایدہ جکدر .

۳ — قسم کلی درحال بیوك یول بویجه
(اونیی) اوزرینه حرکته باشلايه جقدر .

۴ — دمدار (قورنی) و (فلوری)
مفروزه زریله ارتباطده بولنه جق و دشمنه
اولان تماسنی غائب ایتیه جکدر . بیوك
ایلری قره غول بولكلری ساعت (۷)
بچقده (اونیی) اوزرینه چکیلہ جكلردر .

۵ — راپورلر ، بكا (اونیی) مزارلغنده
واصل اوله جقدر .

میرآلای ب ..

انقسام عساكر

۱ — قسم کلی (ویورویسی نظامی):
۱۶نجی استحکام طابورینك
برنجی بلوكدن بر طاقم .
۱۳۰نجی پیاده آلاینك ۳نجی
طابوری .
۳۱نجی صحرا طوبجی آلاینك
برنجی بطریه سی .
۱۳۰نجی پیاده آلاینك ۲نجی
طابوری .
۱۳نجی سواری آلاینك ۲نجی
بلوكدن بر طاقم .

۲ — دمدار : بیکباشی ب ..
۱۳۰نجی پیاده آلاینك برنجی
طابوری (ایلری قره غوللرده) .
۱۳نجی سواری آلاینك برنجی
وایکنجی (بر طاقم اکسیك)
بولكلری .

اجتماع ایتمش اولان جزء تام
قوماندانلرینه آغردن تبلیغ
ایدلشد .

(۲) نومرولی امرک (۴) نجی ماده سی بویله ده یازیله بیلوردی :
 « ایلری قره غول بلوکلری دشمنی ، صباح ساعت (۸) . قدر
 (کووری) — (فهی) صرتنک جنوبنده طوردرمق ایچون لازم
 کلان ترتیباتی آله رق (اونیی) اوزرینه رجعت ایده جکلردر . »
 بو افاده شهبه سز ایلری قره غوللره اولکندن بر آ ز یاده استقلال
 و صلاحیت ویرمش اولوردی . مع هذا ، اگر بکا صورارسه کز بن
 امرده یازلمش اولانی ترجیح ایدرم . چونکه اوکا کوره ، دشمنله
 تماسده بولنان اقسام عسکریه کندیلر ایچون کوسترلمش اولان رجعت
 زمانه قدر دشمنه مقابله ایتمه چالیشه جکلردر . لکن ، ایکنجی
 افاده یه نظراً بو حال اوقدر تأمین ایدلمش دکلدردر . اگر سز دشمنک
 پک ارکندن وعددجه فائق قوتلر ایله ایلری قره غوللر اوزرینه
 هجوم ایدرک اونلری بیوک ضایعات ایله رجعتیه مجبور ایلمسندن
 قورقیورسه کز اوزمان آنلری کندی اوزرلرینه جمع ایتک ایچون دیگر
 برطابور ایله بطریقه اولدن بر موضع طوتملری خصوصاً ده امر ویررسکز .
 بو موضعه ده اک مهم وظیفه یی شهبه سز طوپیجی کوره جکلردر . پیاده
 طابورینه کلنجه ، اوطوپیجی یه استنادلق خدمتی ایفا ایده جک و ممکن
 مرتبه ایشه اک آ ز قاریشه جکلردر . برالتجا موضعی انتخاب ایدرکن
 محاربه یه طوتمشمش اولان قطعاتک مختلف خط رجعتلر انتخاب ایتمه
 و قتلری اولمادیغنی و بالعکس اونلرک اکثریا اک قیصه یولدن رجعت
 ایده جکلرینی اونوتیمیکز . اوله ایشه ، هراتجا موضعی ، بردفعه خط
 رجعت طبعینک یانلرندن بریسنده انتخاب ایدملی ؛ ثانیاً ، رجعت
 ایدن قطعات عسکریه اصل مفرزه ایله ارتباطی غائب ایتمش اولماق
 ایچون خط مذکور ممکن مرتبه یقین بولنمیدر . اگر شومسئله ده

سز (فهی) یی ترك ایدم جك اولان بلكلری، كندی اوزرینه،
طوبلامق ایچون برقدمه چیقارمق نیتده ایسه كز، دمدار (غروز-
ی یو) نك شمالنده تعجیز ایدلمه دن طوبلانه بيلمش اولمق ایچون اونی،
(هانوو) ك شمال غربیسنده کی اورمانلرك كناری اوزرنده قویمكنزی
مناسب كوریرم .

حین حاجتده بو التجا قدمه سنك پیاده سی ده، كندی نوبتده،
(اونی) محافظی حمایه سنده طوبلامش اولوردی .

عمایاتده سز ایسترسه كز، بكن ایکی امری یالكز بر امر طرزنده
و كاملاً (۲) شباطده ویرمش اوله بیلورسكز .

اون برنجی مسئله

(عمومی خریطه ایله « میچ » یافته سی)

دوست مملكتنده و (آمان بیلر) ده اقامت ایتمكده اولان بر غرب
فرقه سی، (مالوری) ده آتیه جق بر كوپری اوزرندن (موزل) شهرینی
كچمكه نیت ایدیور . (۱۸۸۹) سنه سی آغستوسك برنده مذکور فرقه .
(موزل) ك قرشویقه سنده و (میچ) شهری جهننده اولمق اوزره (۴)
طابور (۲) سواری بلوكی . (۲) بطریقه، بر استحکام بلوكی و بر سیار
خسته خانه طاقندن مرکب بر مفرزه تقریبی ایلدی . بو مفرزه نك قوماندانی
میرآلای ب . . (موزل) ك صاغ ساحلنده، (مالوری) ده انشایدیله جك
اولان كوپری یی ستر ایتمك وظیفه سیله، مكلفدر . $\frac{1}{4}$ آغستوس کیجه سی

مفرزه (مهی) - (رووین دوشاتی یون) - (موزل) خطی اوزرنده یرلشمش
اولان كندی ایلری قره غوللری (بر طابور پیاده و ۲ طاقم سواری) ایله
ستر ایدلمش اولدینی حالده (سن ژولی نله میچ) ده اردوگاه و قوناقلرده
اقامت ایدیور . بعض اهلینك سویلدیكنه باقیلورسه، هر نوع صنفدن
تركب ایدن بر دشمن قولنك (به تلدن وبل) [عمومی خریطه] دن كچمرك
(سارلوی) دن (میچ) اوزرینه یوریدیکی آكلاشیلور . (۱۸۸۹) سنه سی

آگستوسك برنجی کونی اوکله دن صکره (آرغانسی) ایله (فانی)
اورمانلرنده خصمك بعض سواری کشافلری کورلشدر . (ویژی) [عمومی
خریطه] ده ایسه دشمن پیاده سی طرفدن تسکالیف حربیه اصولیله ارزاق
طوبلانلرینی ایشیدلشدر .

یاسیله جق وظیفه

(۱۸۸۹) سنه سی (۲) آگستوس کونی ایچون میرآلای ب . . طرفندن
قبول ایدیلان ترتیبات .
۲ — آلان ترتیباتك اسبابی وایضاحی .

اون ایکنجی مکتوب

ایلری یوروش

شبه یوق که سز بو مسئله یی حل ایتمک ایچون آز بر زمان صرف ایتمشکزد. چونکه او خصوصده یالکیز بر ایلری یوروش ایچون قبول ایدلمش اولان ترتیباتی کو سترمک سزه کفایت ایلدیکنی بیلورم. کله جک مسئله بونک مابعدینی تشکیل ایدمک و بر تعرضی محاربه یه دائر ویریه جک اولان امر ایله مشغول اوله جقدر. بر برینه آزچوق مربوط ایکی مسئله نك حلیله اوغراشدیغکز زمان ایلک اوکجه برنجیسنی حل ایدیکز، ایکنجیسیده کی معلومات ایله هیچ ذهنکزی بولاندر مییکز! خریطه کزه دقتی برکوز کزدیره جک اولورسه کز، کورر سکزه، (سن ژولی نله میچ) ایله (آنتیلی) آره سنده یول بر جوق صر تلری عموداً قطع ایدیور (شاتی یون) خرابه سنک بولندیغی ایلک صرته کلندیکی کبی شماله طوغری پک واسع و مدید بر منظره یه تصادف اولنور. بو بسیط منظره ایچنده افق یالکیز (شارلی) نك شمالنده کی اوزون صرت ایله تحدید ایدلمش کوریلور. دیدیکمز صرتک آره سنده (شی یول) و (روپینی) متوسط صر تلری طبعی (شاتی یون) خرابه سندن مرئیدرلر. فقط، اونلرینه بر درجه یه قدر یول اوزرنده و (۲۰۴۰۸) راقی یاننده بولنان بر راصدنظرندن، بر قطعه عسکریه یی ستر ایدم بیلورلر. بوصولتیه (۲۰۴۰۸ راقی) ایله (آنتیلی) آره سنده (بهووت) صوینک جنوبنده اوزون بر صرت دها واردر. بو صرت پک او قدر منحنط دکدر. شمال شرقیده نظر (قانی) اورمانلریله تحدید ایدلمش بولنیور. شمال غربیدن (موزل) ه طوغری اینان میلر پک دیک و صارپدرلر.

استكشافات ايلك اوكجه (به تله ن ويل) بيوك بولى اوزرينه، صكره (مالورى) و (آرغانسى) دن كچن يول اوزرينه سوق ايدلش اولميدر. (شى يول) (رويني) (شارلى) و (ويژى) دن كچرك قسما كوزل بر يول بويجه كيدن استقامت ده نظر دفته آلمق لازمدر.

(مالورى) ده كى كوپرينك انشا آتى ستر و تأمين ايتك ايچون آله جق ترتيبه كلنجه مير آلاى ب.. شوايكى حلدن برينى انتخاب ايتكمده سربستدر: يعنى او خصوصه مومى اليه (شارلى) نك شمال غربي سنده كى تپه يي ويا (به ووت) صوينك جنوبنده كى تپه يي طوتار. بوايكي موضع دن ايكي سده مدافعه ايچون الوريشلى اولديكى كچى دشمنك كرك نظر و كرك آتشدن كوپرينك تاسيس و انشاسنى ستر و محافظه ايدم بيلورلر.

بونك ايچون مير آلاى ب.. هانكيسنى ايسترسه اونى انتخاب ايدر. مع هذا، برنجى موضع (مالورى) دن آتجق (۱۵۰۰) متره قدر اوزاق بولنيور. يعنى غرب فرقه سنه پك يقين ديمك اولدينى ايچون فرقه كوپرى يي كچدكن صكره (موزدل) ك صاغ ساحنده تهاكه سز بر صورتده يابلمش بوانه مز. ايشته بو مخدوردن طولايى اويله ظن ايدر كه مير آلاى ب.. (به ووت) صوينك جنوبنده كى موضه كيده جكدرد. بو موضع بر كره نقطه استناد مقامنده (آنتيللى) ايله (بوى) كوشكنه مالك اولدينى كچى كوپرى قوريله جق يردن ده (۳) كيلومتره قدر اوزاق بولنيور. لكن اكر سز، بو مطالعات اوزرينه ينه برنجى موضه قالمى ترجيح ايدر سه كز بيوك برقصور ايتمش اولمز سكز. چونكه اوراسى ده پك كوزل مدافعه اولنه بيلور بريردر.

اويله ايسه بيوك يول بويجه حركت ايدم جك اولان مفرزه نك يورويش هدفى (آنتيللى) اوله جقدر. فرقه نك (مچ) كوپرلر دن

استفاده ایتمهرك بالعكس (موزول) ی دها شمالدن کچمک فکرینه نه دن طولای دوشمش اولدیغی صورمغه قالمییکیز. چونکه اکر طوغریجه سزک وظیفه کزه تعلق ایتیمان ایشله قاریشورسه کز صوکره ایپک اوجنی غائب ایتمش اولورسکز .

دشمنه دائر اولان حوادثکز پک آذرده یالکیز همشهریلر کزدن ینی اهلیدن اوکر ندیککز معلوماته نظراً دشمنک (به تله ن ویل) دن کچهرك (مچ) اوزرینه یوریدیکنی بیلورسکز . بوحوادث یالکیز دشمن سواری کشف قوللرینک (آرغانسی) ایله (فای) اورمانلری جوارنده کورلمش اولمسيله دکل ، برده حضم پیاده سنک بر قسمی طرفندن (ویری) ده اجرا اولنان تکالیف حریبه دن طولای بسبتون تحقّق ایتمش برحوادثدر . سز ، شبهه یوق که بوخبره نظراً دشمنک ایلرولمش بولندیغی اراضی یه دائر کوزل بر فکر حاصل ایده بیلورسکز . زیرا ، تکالیف حریبه وضعنه مأمور اولان بر پیاده یالکیز باشنه حرکت ایتدیکی زمان کندی ایلره قره غوللرینک پک ده حدودی خارجه چیقمش اوله مز . اوله ایسه ، دشمنک (به تله ن ویل) جهتنده اولدیغی قبول ایده بیلورسکز .

لکن ، اکر سزک حساب و تقدیریکز طوغری ایسه ، خریطه دن آکلاشیلورکه میرآلای ب . . طرفندن (آنتیلای) نک جنوبنده طوتیه جتی تپلر ، دشمن ایله (سن زولی ن له مچ) آرسنده همان همان یاری مسافده بولنیورلر . دشمنک سزکله برابر عین ساعتده یوله چیقمش اولدیغی فرض ایدر ایسه ک سز احتمال (آنتیلای) جهتنده اوکا تصادف ایتمش بولنه جقسکز . دشمن سزکله عین ساعتده یوله چیقمش ایسه بویه ؛ یا اکر سزدن اول یوله چیقمش ایسه او زمان شو احتمال دیدیکمز شی ،

بر حقیقت اولزمی صانورسکنز؛ هر نصل اولورسه اولسون، سزه دوشن وظیفه، دشمنی (مالوری) کچیدنی تهدید ایلمش اولمقدن منع ایتکدر. اهمیت عظیمه سنه بناء (مچ) دشمن ایچون بللی باشلی بر هددرد. اورایه واصل اولمق ایچون دشمن شبهه سز (آنتیللی) نك غربندن کچن (به تلن ویل) یولنی تعقیب ایدم جکدر. بو آنه قدر شبهه یوق که دشمن، غرب فرقه سنك (مالوری) ده بر کوبری قورمق نیتده اولدیغنی بیامیور. لکن اگر آنك سواری کشف قوللری (موزدل) ك صاغ ساحلنه بزمکیلردن اول کلور وینه اولنردن اول (آرغانسی) یه واصل اولور لر سه اورادن بتون (موزدل) وادیسنی کشف ایدم جکلر و احتمال غرب فرقه سی قوللارندن بعضیلرینك (مالوری) یه سوق ایدل کلرینی کوره جکلردر. اونك ایچون دیمک ایسترم که: دشمن سواری کشف قوللرینی: (موزدل) ك صاغ ساحلنده کی تپلره کلوب، یرلشمکدن منع ایتک لازمدر.

دیگر جهندن، دشمن (قای) اورمانلرینه طوغری کندی صول یانی ستر ایتکه مجبور اولدیغنی ایچون بو مقصد اوزرینه احتمال (ویثری) نك جنوبنه بر مقدار سواری چیقارم جقدر. سزك سوار بکزیسه بو کافر شو کندیسینی تأمین ایتمش بولمیلدر. میر آلا ی ب.. نك کندی صاغ یاننه بیاده دن بر جانبدار آرمسی قطعاً ازومسزدر. مفرزه نك تعقیب ایلدیکی بولك شرقدن کرک امنیت و کرک استکشاف خدماتی یالکز سواری طرفدن کوریله جکدر.

بتون شوسبیلردن اوتری، میر آلا ی ب.. (ویثری) و (آرغانسی) جهتلرینی کوزده تهرک بیوک یول بونجه (آنتیللی) اوزرینه یوریمکه قرار یرر. اگر (آنتیللی) نك جنوبنده دشمنه تصادف ایدر سه، اونی التمه کی سائلک مساعده سی درجه سنده، کری آتمغه جالیشه جقدر. بوراده

انقسام عساکر و امرک صورت ترتیبی کوچ برشی دکلدرد. اوپله ایسه سز، یرنجی مسئله ده کوردیککنز کی ساده بر حرکت امری ویره جکسکنز. و بونی ویررکن سواری پی پیشداره الحاق ایتک خصوصنده ایکنجی مکتوبمه کوره حرکت ایده جکسکنز. پیشداره بر بطریه ویرمه نک بوراده لزوملی برشی اوله جغنی امیدایمورم. لکن اگر سزاوپله بر فکرده ایسه کز، فکر کزک نهیه مستند اولدیفی ده کوسترملیسکنز. استحکام بلو ککزی پیشداره ویریکز، چونکه یولکزاوزرنده بعض اوافق تفک مانعله ته - اد ف ایده بیلورسکنز. اوندن بشقه طوته جغکز موضعی حال تدافعی یه قویمق ایچونده اورایه وارروارمز استحکامه احتیاجکز اوله جقدر.

یوروش ایچون سزیا ایکی امر ویا خودیا لکنز بر امر ویره بیلورسکنز. اگر یا لکنز بر امر ویره جک اولورسه کز، بونک ایچون سبب اوله رق دشمن ایله آره کزده کی مسانه دن طولای، عزیزمتدن اول دشمنه دایر هیچ بریکی حوادث آله میه جغکزی سویلیکز.

مفرزه کز ایجه قوتلی اولدیفی ایچون، پیشدار ایله قسم کلیکزی مختلف ساعتلرده و مختلف محللرده اجتماع ایتدیریکز. پیشدار مثلاً (شاتی یون) خرابه سنک جنوبنده کی «خان» دن، قسم کلی ایسه (سن ژولی ن) ک شمال مخرجنده کی مزارلقدن حرکت ایده بیلورلر. پیشداری، کوندوزین ساعت (۶) ده یوریشه باشلاتدیریکز. و بوندن صکره قسم کلینک عزیمت ساعتی حساب ایدیکز. «خان» دن مزارلغه قدر تخمیناً (۴۰۰) متره قدر برشی وار، پیشدارله قسم کلی بیننده کی مسافه ۷۰۰ متره اوله جقدر. اوپله ایسه قسم کلی، پیشدارک قول نهایتی ۳۰۰ متره ک بر مسافه یوریدکدن صکره یعنی کوندوزین ساعت (۶) یی (۲۵)

کجه [۳۰۰ + پیشدارك عمق یا خود ۱۸۱۰ متره (۴۰۰ + ۳۰ + ۴۰۰ :
 + ۷۰ + ۱۱۰ + ۵۰۰ + ۳۰۰) که هپسی ۲۱۱۰ متره یعنی
 عدد صحیح اوله رق ۲ کیلو متره وساعت جنسندن ۲۴ ویا ۲۵ دقیقه]
 حرکت ایلله جکدر .

ایشدها زیاده میدانه چقمش اولسون دیه قسم کلی یه یالکز عزیمت .
 ساعتی دکل ، ایسترسه کز پیشداری نه قدر مسافه ایلله تعقیب ایده جکندی ده .
 سوبایه بیلورسکز . ایلری قره غوللرله کلنجه : بونک ایچون بر دفعه دردنجی
 مکتوبی او قوییکز . امریکزی بروجهله ترتیب ایدیکنز که : ایلری قره غو
 لارده کی سواری طاقلری : شفقی سوکدیککی آندن اعتبار آکندی وظیفه
 لرینه باشلامق له برابر اولجه کشفه کوندریلان بلوکلرک سائر اقسامی بوشی
 بوشینه آرامق له وقت کچورمش اولسونلر . اوله ایسه پیشدار سوار یسنک
 عزیمتدن براز صکره بوسواری طاقلرینی (شی یول) ده جمع ایدیکنز .
 اونلر ایلله برلشمک خصوصنی براقیکز ، سواری قوماندانی دوشو
 نسون ! اگر (شی یول) ی بکنمزه کز ، دیگر مناسب براجتماع نقطه سی
 انتخاب ایدیکنز .

(آنتیلی) جهته وضعیت بوسبتون میدانه چقمش اولنجه یه قدر
 بیوک آغر لقلر کزیده براقلمیدرلر . اوله ایسه اونلری (واللی ی) دره سنک
 قرشویقه سنه کوندریکز . عربهلر ، کوبک بیوک سوقاغنی طولدره رق
 عسکرک اجتماعه سکتی ویرمش اولماق ایچون قطعات عسکریه کویدن
 تمامیلله چقمه دن ، اونلرک یرلرندن قلدامه لرینی امرده بیان ایدیکنز . برده
 اونلرک قطعی بر صورتده عزیمت ساعتی کوستره جکزدیه نافله یرم
 کندیکزی یورمیکز .

يالكىز ارکنجه (آتيلاي) يه واصل اولملىرىنى تامين ايجون ،
اكر هرشي يولنده كيد يورسه ، اونلر ك پارق تشكىل ايتمه ملىرىنى بالعكس ،
يول اوزرنده وقول نظامنده طور ملىرىنى امر ايدىكنز . بناءً عليه ويره جككنز
امر بويولده ترتيب ايديله جكدز :

(سن ژولی یں له مچ)

۱ - ۸ - ۸۹ - ۱۰ کیجه

۱ — دشمن (به تلن ویل) دن
کچه رك (مچ) اوزرینه یوری به جك کبی
کورو نیور. خصمک سواری کشف قولاری
بوکون اوکلدهن صکره (فانی) اورمانلریله
(آرغانسی) ده کورلشدر . (ویژی) ده
ایسه آیریجه دشمن پیاده سی اولدینی
آکلاشلمشدر. بزم فرقه یارین (مالوری) ده
انشا ایداش اولان برکوبریدن (موزهل) ی
کچمک نیتنده بولنیور .

۲ — مفرزه، فرقه نك کچیدحرکاتی
تأمین ایده بيلمک ایچون یارین (آتیللی)
اوزرینه یوری به جکدر .

۳ — پشدار یارین ساعت (۶) ده
(شقای یون) خرابه سنك جنوبنده کی
(خان) ه عزیمت ایده جك و (آتیللی)
یوانی تعقیب ایلده جکدر .

پشدار (به تلن ویل) . (مه شی)
(ویژی) استقامتلرینی کشف ایده جکی
کبی (مالوری) ، (اولژی) و (آرغانسی)
تپه لرینه دشمن سوار یسنك کلسنی منع
ایده جکدر .

۴ — قسم کلی، قول باشی مزارلنده
اولق اوزره یارین ساعت (۶) یی (۲۵)
کچه (سن ژولی یں له مچ) ك شمال مخرجنده
یول قول نظامنده طولانله جق و پشدار ی
۷۰۰ متره دن تعقیب ایلده جکدر .

۵ — ایلری قرده غوللر ، پشدار

انقسام عساكر

۶ — پشدار : بیکباشی ن .

۱۱ نجی نشانجی طا بوری .

۶ نجی سواری آلاینك ۱ و ۲

نجی (برکوچك ضابطله ۸ سواری
اكسيك) بلوکاری .

۱۵ نجی استحکام طا بورینك
یرنجی بلوکی .

۲ — قسم کلی (ویورویش
نظامی) :

۶ نجی سواری آلاینك ایکنجی
بلوکنندن برکوچك ضابط ایله
۸ سواری .

۶۷ نجی پیاده آلاینك یرنجی
طا بوری .

۱۵ نجی سیار طوبجی آلاینك
یرنجی طا بوری (۳ نجی بطریه
اكسيك) .

۶۷ نجی پیاده آلاینك ۳ نجی
طا بوری .

۶۷ نجی پیاده آلاینك ۲ نجی
طا بوری (ایلری قرده غوللرده) .
برسیار خسته خانه طا قی .

باشی نو تجیلر خطنی کچدیکی آندن اعتباراً
(آنیللی) یولی جهتده طولانله جقلردر .
ایلری قره غول سواریلری یارین ساعت
(۶) یی (۱۵) کچه (شی یول) ده اجتماع
ایدرک در حال پیدشار سوارینه اتحاق
ایلیه جکلردر .

۶ — معینه برقاج سواری ویریلان
و (۶) نجی سواری آلاینه ۲ نجی بلوکی
ضابطلرندن بریسی قومانداسنده بولنان
بیوک آغرقلر ، یارین ساعت (۷) ده
(واللییر) دره سی اوزرنده (کهره ری)
موقعنک جنوبنده بولنه جقلر ویول قول نظامنده
اوله رق اوراده یکی امرلری بکلیه جکلردر .
۷ — بن قسم کالی نك باشنده پوری به
جکم . راپورلر اورایه کوندربله جکلردر .

میر آلا ی ب . .

اندام عسکریه طرندن امر
آلتی اوزره کوندربیلان ضابطانه
یازدیرلشددر .

دقت ایدیورمیسکنز ؟ امرلریمی براز دیکشدرمش اولمق ایچون
بو دفعه عمومی بر اجتماع محلی ویرمک ویا جزء تاملردن هر بر یسنک محللرینی
کوستر مکدن صرف نظر ایدیورم . لکن بوکا قرشو بن هر قدمه نك عزیمت
ساعتی بیلدیردم . اجتماع خصوصنه دایر لازم کلان تفصیلاتی مادون
قوماندانلر ، کرک بر کون اول تحریراً ، و کرک ایرتسی کون شفاها کوستر لرله
مفرزه قوماندانی قسم کلی باشنده اولدینی ایچون ایرتسی کون صباحیلین
بونک زده اجتماع ایده جکنی سوبلمکه مجبورسکنز .



اون ایکنجی مسئله

پیشدار باشی (شی یول) اوزرینه کیدن یولک آیرلرینی نقطه خذاسنه (۱۸۴۰ راقم) کلدیکی زمان (شات یون) خرابه سی یاننده بولنان میرآلای ب. . پیشدار سوار یسندن آتیده کی راپوری آلور :

« دشمن تخمیناً ۲ طابور پیاده ، بر سواری بلوکی وبر بطریه ایله یول اوزرنده (۲۰۴۱۸) راقندن (شارلی) نك جنوب شرقی زاویه سنه قدر اولان موضعی اشغال ایدبور . تپه اوزرنده وحی (شارلی) ده بیله بعض عملیات اجرا ایدیلور . دشمنك بطریه سی ، (۲۰۴۱۸) راقمی یاننده یولک شرقنده موضعه گیرمش بولنیور . بر دشمن سواری بلوکی ، (روپینی) دن (فای) اورمانی اوزرینه چکلدی ، (مالوری) دن کچرک (بوی) شاتوسی اوزرینه ایلرولمش اولان بزم بر طاقم سواریمز (آنتیلی) نك جنوب غربیسنده کی یول اوزرنده هنوز دشمن کورلدیکنی یازیور .

یاسیله جق وظیفه

- ۱ — راپور کلدیکی زمان یورویش ترتیباتنك قروکیسی ؛
 - ۲ — میرآلای ب. . طرفندن اخذ ایدیلان ترتیبات ؛
 - ۳ — ترتیباتنك اسبابی ؛
 - ۴ — مجومدن برآز اول محاربه ترتیباتنك قروکیسی .
- خاطره — (غریمون) اورمانی صیق دکلدر ؛ بالعکس اونك ایچندن قولای قولای کچیله یلور .

بر تعرضی محاربه ایچون امر نمونه سی

محل

تاریخ ، ساعت

مفرزه امری

۱ — دشمنه (مفصلاً) و دوست قطعاته

داثر حوادث .

۲ — مفرزه قومانداننك قراری (اکثریا

دشمنك احاطه ایدیله جك اولان جناحی

مختصر بر صورتده ذکر اولنور . پيشدار

ایچون ترتیبات .

۳ — طولی ایچون ترتیبات (برنجی

موضع برنجی هدف [صورت عمومیده

دشمن طولیجیسی] .

۴ — پیاده ایچون ترتیبات (ایکنجی

درجهده هجوم ایچون قوالانیلان وسائط

بر صورت عمومیده ذکر ایدیلور . هجوم

اصلی استقامتی ایله هدفی ده قلی بر

یولده کوستریلور . اگر بر چوق طابورلر

وارسه هجوم اصلی بی اجرا ایتمک مأمور

اولان قوماندانده ذکر اولنور .

۵ — احتیاط ایچون ترتیبات (احتیاطه

تعیین ایدیلان قطعات ایله وظیفه لری

کوستریلور .)

۶ — سواری ایچون ترتیبات (اک

بیوک قسمی جنادن بریسی ستراید

دیگر جناحده ایسه کشف قوللری

بولندیریلور .)

۷ — پیاده جیخانه عربهلری و صحیه

مفرزه سنه داثر ترتیبات .

انقسام عساكر یوقدر .

۸ — بيوك آغراقلار ايچون ترتيبات

۹ — قوماندانك یری (صورت عمومیه ده

طوبیخینك ایلک موضعی یاننده) .

امضا

امراك قطعات عسکریه یه نه وجهه

تبلیغ ایدلدیکی .



اون اوچنجی مکتوب

تعرضی محاربه



سواریسندن راپور آلدینی آنده ، میرآلای ب .. همان تعرضه کچمکه باقلیدر . زیرا دشمن ، (شارلی) نك شما لده کی تپه لری اشغال ایتدکجه (مالوری) کوپرینی انشا ایتک غیر ممکندر . بوراده ویربله جک قرار هر درلو شهیدن وارسته در . لکن سائر حالدرده مسئله کز سزی محاربه ایتمکه ویا ایتماکه مجبور طوتوب طوتمدیغنی ایجه بر آکلاییکز . اگر مسئله کر محاربه ایتمکه سزی مجبور ایدیورسه بر کرده ده مظفریت امیدلرکز واری بوقی اونی ده دوشونکز ! هجوم ایتمکه قرار ویردیککز زمان تکمیل مفرزه کزی ایشه کریشدره جک وجهله ترتیبات آلیکز . یارم تدیرلر ایله ایشه باشلامقندن صولدرجه احتراز ایدیکز ، باخصوص ضعیف بر مفرزه باشنده اولدجه بوکادها اوقدر زیاده اهمیت ویریکنز .

سزه اولجه ده سویلمش ایدمکه بر قرار ویرمزدن اول ، قطعه عسکریه کز یوروش حالده ایکن هر قدمه نك باش طرفی هانسی نقطه ده اولدیغنی ولو تخمینی اولسون بيلمک پک مهمدر . بوراده میرآلای ب .. اگر فی الحقیقه اراضی اوزرنده بولنسه ایدی شو دیدیکمز خصوصده اوزون اوزادی به دوشونمکه مجبور دکل ایدی . زیرا مومی الیه ، (شاتیون) خرابه سندن ، یوروش حالده بولنان پیشدارینی باشند نهایت قدر کاملاً کورر . لکن برسیاحت عسکریه ویا خریطه اوزرینه بر مطالعه ائناسنده بر قولی تشکیل

ایدن هر قدمه نك محاربه ایچون قرار ویرلزدن اول نرده بولندیغنی ایجه حساب ایتك لازمدر. بونك ده سبی بریا كلشغه دوشما مكدن عبارتدر. بناءً علیه سزك بوراده یابه جفكز حسابده شویله در :

پیاده اوجی (شی یول- مالوری) یولیله (مچ- آتیللی) یولنك برلشدیکی نقطه یه كلكدده در .

پیشدار باشی بر آزدها جنوبده یعنی (۱۸۴) راقمی جوارنده در. پیشدار قسم کلیسنگ باشی ایسه (۱۹۰) راقمی یاننده ، اصل قسم کلینك باشی ده (شاتی یون) خرابه سنك جنوبنده بولنیور .

سواری دشمنك جبهه سنی اییدن ایی به آ کلامق و قطعات عسکریه سنك قوتیله صورت انقسامنی ، طوتدینی موضعك متانت و امتدادینی و اشغال ایدیلان مختلف نقطه لری کشف ایتكله مشغولدر. بوندن بشقه سواری دشمن سواریسنی پیاده اوزرینه آتمق ، کشف قوللرینی (موزله) جوارنده کی تپه لردن قوغمق و کریلرده نه وار نه یوق اوئی آ کلامق ایچون دشمن موضعی چویرمك خصوصه ده غیرت ایده جکدر. اولجه کوندرمش اولدینی معلوماته نظراً دشمنك صاغ ایانی اوزرنده اولان وظیفه سنی اكماله موفقیت حاصل ایتدیکی آ کلاشیلور . بناءً علیه میر آ لای ب .. دشمن موضعك نه وجهله اشغال ایدلمش اولدیغنه دائر بو فکر کوستره بیلور .

بو موضعك صول جناحده یناشیق نظامده بردشمن سواری بلوکی وار ؛ بزم سواریمك قسم کلیسی ، ذاتاً حرکت امرنده (مەشی) استقامتیله (قایی) اورمانی خصوصی بر صورتده کوزه دلمك لازم کلدیکی سوباندیکی ایچون ، دشمن سواری بلوکنی کندیسنه هدف اتخاذا ایده جکدر .

بر سواری طاقنك دشمنك كریلرنده وقوعه كلان شیرلی كوره
 بیلمش و (آتیللی) نك کریسنده بیوك یول اوزرنده قطعات عسکریه نك
 حرکت ایتدیكنی كشف ایلمش اولسی طوغریسی بیوك بر ایشدر.
 میرآلای ب .. بوندن استدلالاً ، هیچ اولمازسه بر آز وقت صوكره
 دشمنك مذکور جهتن بر قوه امدادیه آلمه جغه كسب اطمئنان
 ایده بیلور . اكر (مهشی) استقامتی ایچونده بویله بر اعتماد حاصل
 ایده بیلورسه نه اعلا ! میرآلای ب .. اوزمان یالکز اولجه كورلمش
 اولان دشمن قطعاتیله محاربه ایده جکی آشكار اولور . میرآلای ب ..
 دشمنه نسبتاً ایکی طابور پیاده ، بر سواری بلوکی و بر بطریقه دن عبارت
 فضله بر قوته مالك اولدیغی ایچون مظفریت امیدلری شهه سز ، خصمندن
 زیاده کندیسنده ده زیاده اوله بیلور . اكر بوفضله یالکز ایکی طابوردن
 عبارت اولسه ایدی مظفریت امیدلری اوزمان پك زیاده اوله مازدی .
 زیرا ، سزك عددجه اولان تفوقكز دشمنك مستور محالردن سزك آچقده
 یوریه جك اولان قطعاتكزه آتش ایده بیلیمك فائده سیله قبادلمش
 بولنوردی . سزك طوپچی صنفی اعتباریله دشمنه قارشلی حائر اولدیغكز
 تفوق اك زیاده مهم بر تفوقدر . چونكه سز اوسایه ده دشمن بطریقه سنی
 چار چابوق اسكات ایتدكدن صوكره پیاده كزك هجومی تسهیل واحضار
 ایده بیلورسكز . برده سوار یجه دشمنه اولان تفوقكز محاربه ائنانسنده
 دشمنه دائر پك چوق حوادث آلمكزی تأمین ایتمش بولنه جقدر .
 شمعی یه قدر پیشدار باشك ایکی بلوکی دشمن طوپ آتشنه
 اوغرامامشلردر (بوبلوكلر دشمندن ۲۵۰۰ متره اوزاقده در) .
 لكّن نروده ایسه دشمن طوپچیسی اونلر اوزرینه آتش آچه جقدره

سزك طولېكز آنجق، (شى يول) ك شمال غربي سنده بر آز پياده ياتمش اولدقدن صوكره مذكور بولكلرك امدادينه كله بيله جكد ر .

ايشته بوجھله اكر سز پيشداره بر بطريه و ير مش اولسه ايديكز اوسزك ايجون بيوك برايش كور مش اوليه جنى ميدانه چيقيور . بالعمكس مذكور بطريه يي سرعتلى يوروش ايله ايلرى كوتوره رك، آنى ايجه محافظه ايتمش اولمزدن اول آتش آچدير مش اولسه . ايديكز بوبرتدير سزك اوله جقدى . اكر سز اوكا (شاتى يون) خرابه سنىك شمالنده كى صرت اوزرنده موضع آلد ير مش بولنسه ايديكز اوزمان دشمن دن پك اوزاق قاليردى و اوندن بشقه بيوك يول جوارنده كى آغا جلردن طولايى اپى تعجيز ايدلش اولوردى . بناءً عليه پيشدارك سريعاً (شى يول) تپه سنىك كريسند كنديسنى ستر ايتمش اولمى لازمدر .

دشمن موضعى بيوك يول دن باشلا يور و تخميناً (شارلى) نك جنوب شرق سنده كى چيقدى يه قدر وارييور . بناءً عليه مذكور موضع تخميناً (۱۰۰۰) متره لك برجه يي حائزدر . دشمنك قوتنه دائر آلد يگنر معلوماته نظراً موضعك پك كشيف بر صورتده اشغال ايدلش بولنه ميه جنى طبعيدر . (شارلى) ده بر طابوردن زياده بر نبى قونيله ماز . ديكر طابور ايسه كويك غربنده بيوك يول اوزرنده موضع آلمشدر كه عين زمانده دشمن طولېكيسنه استنادلق خدمتى ده كور مش بولنه جقد ر . الحاصل احتياط اولق اوزره ايكي طابوردن كرى يه بعض اقسام عسكريه ترك ايدلش بولنه جنى طبعيدر .

حربه خريطه اوزرنده ياد يگنر شو مسئله ده اولدينى كى سوار يكزك دشمنه دائر اكثريا معلومات مكمله ايدينه جكنه اينانما كره

وشویله بر فکر حاصل ایتمکزه راضی دکلم . بوراده یالکیز بر راپورک ویردیکی معلوماتی حربده برچوق واکتیا بربرینی ناقض راپورلر تدارک ایده بیلور .

بناءً علیه سفرده ویا مانوره لرده اکثریا هجوم امری ویره بیلیمک ایچون وضعیتی میدان قویمش اوله جق آن قطعی بولمق پک زوردر . وشوخصوص دائماً خریطه لر باشنده تعقیب ایدیلان مسئله لرده کندن زیاده مشکل برایش اولور . حرکت زماننی بولمق ایچون بربرینی متعاقب کلان حوادثلردن اصل حقیقت اولان شیئی میدان قویمقده ایجه مهارت کوسترمک وعلی المجله برقرار ویرمک لازمدر . بوبابده طومانسز باروتک تاثیراتی ده حساب قاتمکزی رجا ایدرم . بن ایلک مکتوبمده سزه ایتیمش اولدیغیم نصیحتلره ایجه قولاق ویرمش ایسه کز امینمکه پیاده وطوپچی تعلیمنامه لرینک محاربه یه عائد قسملرینی کوزدن کچرمشکزد . مذکور تعایضنامه لک او قسملری صورت عمومیه ده تصادفی بر محاربه ایله اولجه یایلمش وجهه سنی محکم بر صورتده حاضر لاش اولان بردشمنه قارش یایله جق هجومی ایجه بر بردن تفریق ایتمک لازم کلدیکنی مکرراً ذکر ایدیورلر . بوشمدیکی حالده دشمنک اولجه ده یایلمش وشدتلی بر مقاومت حاضر لاش اولدیغنی هر شی کوستریور . بناءً علیه سزک تعرضکر ، ایلک حرکاتنده ده الله موجود وسائط کافه سنی قوللانمیدر . (شارلی) نک مدافعه حائه وضعی خصوصنده سزه سویلنان شی خصمک شمدیلک تعرض فکرندن واز کچمش اولدیغنی سزه پک اعلا کوستریور . بو حال ایسه میر آلا ی ب . . نک هجوم استقامتیه هجومک جنسنی تعیین ایتسنه پک چوق یاردم ایده جکدر . میر آلا یک قراری کندی قطعات عسکریه سنی ایشه باشلاتمزدن اول

بر کره پیشدارك حمایه سی آلتندہ یا بمقدن عبارت اولمیدر . بویایلمه حرکتك دشمندن پك اوزاق ایکن اجرا ایدلمسی ای بر شی دکلدر . چونکه او یله یاپیلورسه قطعات عسکریه محاربه نظامیله ایجه زمان تارلار ایچندن یوریمکه مجبوریّت کوررلر . یایلمه مسافه سی هر حال خصوصیده هجومك استقامتیله جنسنه تابعدر .

بوراده میر آلا ی ب . . کندی هجومك جنسنی در حال تعیین ایده بیلور . زیرا بسیط بر مفرزه ایله ایشه باشلانلدینی زمان یالکز خصمك صاغ جناحنه می یوقسه صول جناحنه می هجوم ایدیله جك ایشته بوراسنی بيلمك کافیدر . دشمنك ایکی جناحنی ده احاطه ایده بيلمك ایچون عددجه اوکا پك فائق اولق لازمدر . زیرا اکر عددجه دشمنه فائق اولدن شویله بر هجوم تشبثنده بولنیلورسه اوزمان خصمك یاپه جنی شدتلی بر تعرض ایله مرکزدن ایکی یه بولنمك تهلمکسی وارددر . بر جناحی احاطه ایتمك آتشجه دشمنه تفوق ایتش بولنق ایچون اك قولای بر اصولدر . بوا یسه موفقیتك اك برنجی شرطلرننددر . برده احاطه حرکتی یایلمه حرکتندن حاضر ایدلمش اولق لازمدر . بونك ایچون ایکی یول وار: یا هجومك مختلف اقسامنی نصف قطرلی هجوم نقطه سنده بر اشان بر قوس دائره اوزرنده ترتیب ایتمك ، یا خود مذکور اقسام عسکریه یی یکدیگری متعاقباً محاربه یه کیره جك وجهله هجوم محورینك کریسنده قدمه حالنده بولندیر مق لازمدر . اولجه برنجی خطه یایلمش واحتمال محاربه یه باشلامش اولان اقسام عسکریه یی مائلاً ایلرولتهرك احاطه حرکتلری یایمق اصولی پك نتیجه سز وموفقیتسز بر اصولدر . بوا کثریا جبهه نك پك زیاده اوزامسنه ، افعال ومساعینك طاغلمسنه خدمت ایدر .

مستتاً اوله رق اراضینک شکلی وسائر احوال ایجاب ایتمدجه بویکی حرکتلردن پک چکنمیلیدر .

سزک مسئله کزده ایسه اوخصوص اصلا قبول ایدیله جک برشی دکلدردر . چونکه احاطه حرکتی فکری ایلک یایلمه حرکتده دها کندینی کوسترمش اولمیلیدر .

جبهه هجومی پک مستتاً حالدرده قوللانیلور برهجومدر . ازجمله اراضی بر احاطه حرکتی یایمغه مساعد اولدینی زمان جبهه هجومی یاییلور . کنددی یایلمه لری ایچون نسبةً محدود بر مسافیه محتاج اولان مفرزه لر حقنده شو خصوص پک نادرآ واقعدردر . یالکز جبهه هجومی یایمق امکائی اولدینی زمان برنجی خط . آتشک تأثیریه وقوعه کله جک آچیق لری قیامت ایچون قوتلی احتیاطلر ایله استناد ایتدیریلور . بناءً علیه محدود بر جبهه اوزرنده وعمیق بر نظامده محاربه ایدیلور . اگر دشمنک جناح لرندن بریسنی احاطه ایتمکده صیقندی چکمزسه اوزمان حال بستیون بشقه اولور : یعنی جبهه بر آزدها زیاده اوزاتیلور وبوسبيله کزیده احتیاط آز براقیلور .

هجوم نقطه سنده خصمه عددجه فائق اولمق ایچون قوای عسکریه یی یالکز بر هجوم قطعی به مالک اوله جق وجهله تقسیم ایتک وبوهجوم قطعیدن بشقه یرلرده خصمی یالکز آتش ایله مشغول ایتک لازمدر . بناءً علیه بر هجوم اصلی ایله برده ایکنجی درجه بر هجومه احتیاج کوریلور .

هجوم اصلیده چوق عسکر بولندیره بیلیمک ایچون ایکنجی درجه هجومده الدن کلدیکی قدر آز عسکر قوللانیلور . بناءً علیه شوندن آکلاشیلورکه محاربه ده اصل صنعت قوای عسکریه نک معقول

وطوغری برصورتده انقسام ایتیش اولسندن عبارتدر . مع هذا
 ۳: ۴ طابوردن ، براز سواری و طویچیدن ترکب ایدن برمفرزه
 نقطه قطعیده شدت کوسترمک و توحید حرکت ایتک خصوصلرینه
 خلل ویرمکسزین آصلا (۱۵۰۰) متره دن زیاده برجبه اوزرنده هجوم
 حرکتی پایه مز .

پیشدار عمومیت اوزره ایکنجی درجه هجومه ، قسم کلی ایسه
 هجوم اصلی به مأمور اولور . برمفرزه نك پیشداری ، اگر ایکی هجوم
 بر برندن پك اوزاق بولنیورسد جبهه ده برباشنه محاربه ایدمك درجه ده
 حائر قوت دکلدر .

بو حالدیه پیشدارك یالکز قالیشی ، کنیدیسی منفرداً محو ایتك ایچون
 مدافعی تعرضه کچمکه بر دعوت اولور دیمکدر . مدافعیك یانلردن
 بریسنه هجوم ایتك اشتغالاتی اکثریا حاجین طرفنده پك متباعد بر طاقم
 حرکتلرک ظهورینه سبب اولور . (۱۸۷۰) حربنك بیوک میدان
 محاربه لرنده بتون برفرقه نك محاربه جبهه سی (۱۵۰۰) متره لك بر امتداد
 تشکیل ایدردی .

خصمك جناح لرندن هانکیسنه هجوم ایتك دها مناسب اولدیغی
 بيلمك خصوصنده اول امرده پیاده ایچون هانکی جهته دکایی بولور
 اولدیغی بر باقیکز . هجوم قطعی نك موفقیتی یالکز پیاده تابعدر .
 پیاده دشمن موضعی اوزرینه آباق باصدیغی آنده مظفریت سزك
 ایچوندر . دیگر ترتیب اتدن مقصد ایسه پیاده نك هجومی حاضر لامقدردر .
 مدافعین ، حقیقی هجوم استقامته دائر نه قدر مشکوک بر حالدیه قایلرسه
 حاجین موفقیت قازانمقده دها اوقدر زیاده امید بسلیه بیلور . چونکه

مدافعین هجوم حقیقی استقامتده متردد بولند قجه شهسز احتیاط
عسکرلرینی تام زماننده ایش باشنه کتیره مز .

پیاده هجومنی الایی حاضر لامق ایچون واسطه طویجی محاربه سیدر .
بو هجوم حاضر لنی زماننده طویلرک هپسی قوللانملیدر . بناء علیه
هجوم اصلی نی طویجی اتشیله اییدن اینی به دوکیله بیله جک اولان
نقطه لر اوزرینه سوق ایتمک لازمدر . طویجی ده دشمن موضعنک
ایچرولرینی کوره بیله جک حاکم بر موضعه برلشدیرملیدر .

کذلک اصولاً هجوم حرکتی دشمنک الضعیف و یا خط رجعتیه
الک یقین اولان جناحی اوزرینه سوق ایتملیدر . بوسایده دشمن
تهدید اولنور واشغال ایتمدیکی موضعی وقتدن اول تخلیه به مجبور
اولور . برده هجوم حرکتیه اوילה بر استقامت ویرملی که آنک اجراسی
زماننده هاجینک نه یانلری ونه کریلری تهدید ایدلمش بولنسون .
والحاصل سائر بعض سبیلردن واز جمله مطالعات سوق الجیشیه دن
طولای دشمنی قضا و معین بر استقامته آتہ جق وجهله جناح لرندن
بریسنه هجوم اولنور . بر هجوم حرکتی مصیب اولق ایچون بر جوق
شرائطی جامع اولسی لازمکلور . لکن تأسف اولنور که بتون او
شرطلری جامع هجوم حرکتلری پک نادر در . وضعیتی تقدیر ایتمک
ومطلوب اولان شرائطک اکثریسنی تأمین ایدن جناح علیه هجوم
حقیقی اجرا ایلمک مفرزه قوماندانک وظیفه سیدر .

اوילה ایسه دشمنک هر ایکی جناحی ایلر یسنده بولنان اراضی نی
کال دقتله بر امتحان ایدم .

صاغ جناحده دشمن بطریه سی (۲۰۴۰۸) راقلی تپه اوزرنده
مذاًتاً موضع آلمش بولنیور . بو بطریه نک استادی (۵۰۰:۴۰۰) متره

ایلیزیده یعنی (۷۰۰) متره ایلرولره قدر کوزل برانداخت میدانه.
مالک اولان (شارلی) و (مالوری) آره‌سنده کی صرتلر اوزرینه
برلشمشدر. هاجمین (روپینی) صرتنه کلدیکی زمان بوطویچی
محافظتک آتشنه اوغرامش بولنه‌جقدر.

(۲۰۴:۸) راقلی تبه اوزرنده کی طویچی جنوب و جنوب غربی
جهت‌لرینه طوغری پک کوزل برانداخت میدانه مالکدر. بناءً علیه
برتقرب یوروشی ایچون بوجمت لازم کلان شرائطی جامع دکدر.
صول جناح اوکنده هاجمین پیاده‌سی دهاکوزل برطاقم یوللر بوله‌بیله.
جکدر. (شارلی) نک دشمن طرفندن طوتیلان جنوب کناری اپی
آشاغیده‌در. (شارلی) و (روپینی) آره‌سنده کی صرت (شارلی) دن
تخمیناً (۴۰۰) متره اوزاقده‌در. برصورتده که هجوم زماننده مدافعینک
اوجهته کی انداخت میدانی پک محدود اوله‌جقدر.

برده (روپینی) نک اولر یله باغچه‌لری هاجمین ایچون ایجه‌فانده‌لیدر.
چونکه هاجینی دشمنک طویچی آتشدن محافظه ایدرلر. بردفعه
(شی‌یول) کلندیکی کبی دشمن طویچی آتشنه معروض قالمق‌سزین
(روپینی) یه واصل اولنه‌بیلور. (شی‌یول) قدر کلمک ایچون ایسه‌اول
امرده (غریمون) اورمانندن کچله‌جک، صوکره آتی شماله طوغری
اوزاتان کوچک وادی بونجه یورینه‌جکدر. بناءً علیه پیاده دشمن
موضعه یا قلاشمق ایچون الکایی یوللری مذکور موضعک صول جناحی
ایلیزینده بولمش اوله‌جقدر.

هجومک طویچی ایله احضاری نقطه نظرندن خصمک ایکی
جناحیده عین اهمیتی حائزدر. (شارلی) و (مالوری) آره‌سنده کی
موضع (شی‌یول) ک غربنده کی تبه دن پک اعلا دوکیله‌بیلور. چونکه

مسافه (۱۸۰۰ : ۱۹۰۰) متره قدر برشیدر . اکر ده‌ها زیاده یا قلاشلمش اولسه ایدی اوزمانان طوپی (روپینی) نك غربنده کی تپه اوزرنده موضع آله‌جقدی . (شارلی) نك جنوب شرقیسنده کی جیقتی علیه یاییله جق هجوم کرک (روپینی) نك غربنده کی صرت اوزرنده برلشهرک (۱۲۰۰) متره مسافه دن و کرک اکر (شارلی) نك بتون شرق کنارینی دوکک ایستیلورسه (روپینی) نك شرقنده و تخمیناً (۶۰۰) متره لک برمسافه دن احضار ایدلمش اوله جقدر . بناءً علیه هجوم حاضرلنی جدی مشکلاته اوغرا مقسزین اجرا ایدیله جکدر .

دشمنک (شارلی) ده کی صول جناحی صاغ جناخدن ده‌ها ضعیفدر . چونکه پیاده نك انداخت میدانی پک محدود اولدقدن بشقه (شارلی) نك جنوب کناری پک آشانی یعنی منحنط بولنیور . صورت عمومیه ده (شارلی) نك وضعیتی مصرانه برمدافعه یه صالح دکدر . (شارلی) نك بر جیقتی تشکیل ایدن وایلر یسنده باغ کوتوکلری بولنان جنوب کنارینی احاطه ایتک قولایدر . بناءً علیه بوراسی هجومدن احتراز ایدیله جک بر موضع دکدر .

دشمنک صاغ جناحی طرفندن اشغال ایدیلان صرت اوزرینه اینان بایر شکنده کی میلر اوجهتدن بر هجوم حرکتی پک چوق تصیب ایدرلر .

دشمنک خط رجعتی نقطه نظرندن جناخلردن هر هانکیسنه هجوم ایدلسه آرده بیوک بر فرق یوقدر . چونکه دشمن کرک (آنتیلی) و کرک (مشی) اوزرینه چکیله بیلور .

یاعجبا دشمنک صاغ جناحنه هجوم ایتک ایچون بعض اسباب خصوصیه یوقیدر؟ (۲۰۴، ۸) راقلی تپه بزم کوپری قورمق ایستدیکمز

(مالوری) ۛه ۛك ۛقندر . ۛالبوكه اورادن دشمنی طرد ایتك ایچون امرده تعلیمات واردر . بناءً علیه اوراسنی هجوم اصلی ایچون هدف کوسترمك لازم کلور . شبهه سز ، یالکز بعض مطالعات مهمه نظر دقته آلدینی زمان اك الویشلی جناح دائما هدف اتخاذا اولنان جناح دکلدر . لکن اکثر احوالده ینه هجوم نقطه سی اولق اوزره بو جناح انتخاب اولنور . زیرا هر شیدن اول دوشونیله جك شی دشمنی مغلوب ایتکلدر . بوندن صکره سی مثلاً دشمنك چکلمش اوله جنی استقامت ایکنجی درجه شیلردندر . برده صاغ جناحه هجوم ایدرك هاجینك بوراده (موزل) نه رینی کندی صول یاننده براقش اوله جفیده دقت ایدیکز . موقت بر آن ایچون هجوم اصلینك بیوك یولك غربنده اجرا ایدلمش اولدیفنی وصوك زمانه قدر (فانی) اورمانده کیزی بر حالده قالان دشمن قوای عسکریه سی آب آکسزین (روینی) دن (موزل) استقامتده شدتلی بر مقابل هجوم یاپدیفنی فرض ایدرسه کز مفرزه نك وضعیتی شبهه سز ، ۛك تهلکلی بر وضعیت اولوردی .

بناءً علیه هجوم اصلی بی دشمنك صول صناعی علمنه اجرا ایتك و (شارلی) بی هدف اتخاذا ایلمك دها معقول بر حرکت صایلور . بو هجوم حرکتی یابلدینی صروده . جبهه نك دیگر قسمی اوزرنده یالکز دشمنی اشغال ایتك کافیدر .

مفرزه ، (۱۰۰۰) متره لك بر جبهه اوزرنده محاربه ایده جك قدر قوتلیدر . اما بوراده بر شرط ایستکه اوده مفرزه نك بیوك یولك غربنه ۛك زیاده یایلمش اولماسیدر . ذاتاً مفرزه نك اوجهته یایلمسندده هیچ بر معنا یوقدر . بناءً علیه (شی یول) و (روینی) دن یایله جق

اولان هجوم اصلی (فانی) اورماننک کنارلرینه قدر اوزایه جقدر .
ایکنجی درجه هجومک محورینه کلنجه اویوک یولک پر آزشرقدن کچرک
(شارلی) ایله بویول آره سنده کی صرت قسمند نهایت بوله جقدر .

بوراده وضعیت اوقدر اینی شرائطی جامعدرکه مفرزه قوماندانی
سوارسی طرفدن کوندریلان معلوماتی آلدینی آندمدها هجوم ایچون
لازمکلان ترتیبائی اخذ ایده بیلور . بوبر مستنادر . زیرا مفرزه
قوماندانی دشمنک وضعیتنه دائر قطعی بر فکر ایدنک ایچون اکثریا
ایلری کیتمهک و حاکم بر نقطه اوزرندن اطرافنی معاینه ایتمهک مجبور اولور .
مفرزه قوماندانی ، اکثر احوالده کندی قطعات عسکریه سنک
باشنده بولور . چونکه بویله اولورسه ، مذکور قطعاتک یابامه لرینه
ومحور الحركات اوزرنده وضع ایدلمش اولملرینه نظارت ایدر . بوايسه ،
هیچ شبهه یوقه ، باشلانیلان مانوره نک موفقیت قازانمسی ایچون اساسلی
براحتیاط دیمکدر . فی الحقیقه اگر مفرزه قوماندانی دیدیکمز کی
کندی قطعات عسکریه سی باشنده قالورسه ، مظفریت استحصال ایتک
قطعات عسکریه دن هر بریسنک وظیفه سنی تعیین وتحدید ایلیمک واک
ایلریده بولنان اقسام عسکریه قوماندانلرینک کندی افکارینه مغایر
قرارلر اتخاذ ایتلرینه مانع اولمق ایچون لازم کلان حرکاتی تام زمانبنده
امر ایتش اوله بیلور .

اگر بوراده کی کبی (شاتی بون) خرابه سنک ایلرینسده کی اراضی
کاملأ کورمک ممکن اولسه ایدی ، مفرزه قوماندانی ، مثلاً ، (شی یولک)
ضربنده کی تپه اوزرینه ایلرولمکه وایشه برقرار ویرمزدن اول برکره
افق خطی بویدن بویه وکال دقتله کوزدن کچورمکه مجبور اوله جقدی .
بزم بولندیغمز حالده امرک ممکن اولدینی قدر جابوق ویرلسی بالخاصه

آرزو ایدیله جک بر شیر . زیرا ، قسم کلی ، (شاتی یون) خرابه - سنی کجدیکی آندن اعتباراً دشمن نظریه معروض قاله جق واحتمال که ، بردن بره طویجی آتشنه بیله هدف اولوب کیده جکدر .

خصمک ایلک مرملری آتلمزدن اول ، قسم کلی بیوک یولک صاغنده می ، صولنده می ، یوقسه هر ایکی طرفنده می یایلمش اوله - جفنی بیلک لازمدر . وختی بدایتده ده ، یاکلش بر استقامت طوتمش اولماق ایچون قسم کلی شو جعتی ، صرتدن آشانی اینزدن اول بیله اوکره نمش اولمیدر . بناءً علیه ، کورپورسکرکه ، بوراده ضایع ایدیله جک وقت یوقدر . صره سی کلش ایکن سزه شونی ده سویله می ، هجوم ایچون امر یازلزدن و بو امرک یازیله جفنی محل تعیین ایدلمزدن اول بر کره شو آنده مفرزه قوماندانک نرده اولدیفنی ایوجه بر آکلامکز لازم کلور .

شمدی آرتق صنوف ثلثدن هر بریسنک تعرضده کی وظیفه سی بحثه کلش بولنیورز . شبه سز ، بن بو خصوصده ، یالکز بللی باشلی نقطه لری مختصرجه بر صورتده کوستره جکم . اگر سز مختلف تعلیم نامه لک خصوص مذکوره عائد مباحثی ایوجه خاطر کرده طوتیورسه کز ، امینم ، بوراده مختصرجه سویله جکم شیر سزک ایچون فضله فضله کفایت ایده جکلردر .

ایلک اوکجه شوکا بر دقت ایتمکزی ایسترم : بنم سزه ویردیکم امر نمونه سی کی کوزل بر امر یازمق اکثریا عملیاتده تطبیقی ممکن اولیان شیردندر . اوت ! بویله بر امر یازیله بیلور ؛ اما بر شرط ایلکه سوارینک دشمنه دائر ویردیکی حوادث ، مفرزه قوماندانک دشمن وضعیتی اوزرینه قطعی بر فکر حاصل ایتمسه و بناءً علیه کندی

انقسام عساکرینی ترتیب ایلمسنه مساعد بولنه جق درجه ده آچیق
وصاغلام اولمیدر .

اصولاً هجوم امرلری ، بارکیر اوزرندہ وقسم قسم ویریلرک ،
متعاقباً کوندریلورلر . زیرا ، قرار قطعی ، اکثراً ، حرکات ابتدایه
اجرا اولدینی صرہ ده قوماندان اولان ذاتک فکرندہ بسبتون تجلی
ایتمش اولور . وظائفک مادون قوماندانلرینہ توزییعہ طبق بویله درہ
لکن ، بولنیلان وضعیتی کمال سرعتله آکلایه رق اوکا کورہ ایشہ بر
قرار ویرمک خصوصندہ ماہر ویک مقتدر اولان بر قوماندان
بدایتہ دہا ، بتون مفروضہ سنہ شامل اولق اوزرہ عمومی بر امر
ویرمک دایماً چالیشور و ویرر . شویله عمومی بر امر ویرمک ،
اتحاد حرکت فقطہ نظرندن ، آیری آیری امرلر ویرمک نہ دن
طولانی فائق اولدیغنی بشنجی مکتوبمدہ دہا سزہ سویلمش ایدم .
مختلف مادون قوماندانلری ، اگر قومشورینک وظیفہ لرینی ایوجہ
بیله جاک اولورلر سہ شہ سز ، حرکات عمومیہ ایچون تعیین اولسان
حدودک خارجہ چیقمقدن منع ایدلمش بولنورلر . بالعکس ، اونلر ،
کندی ایشلرینی اوزمان ، دہا صاغلام و دہا کوزل بر صورتہ
کورورلر . برده ، عمومی بر امر یازمق و کوندرمک صورت عمومیہ
میدہ . آیری آیری امرلر یازمق و کوندرمکدن دہا آز بر زمانہ
محتاجدر . مانورلرده ، وقت ایجہ طار اولدینی زمان ، خصوصی
امرلر اکثراً امر جاوشلری وضابطلریله شفاہاً کوندریلورلر .
فقط شو وجهله شفاہاً امر کوندرمک ، بعض بیوک بیوک یا کلشقلرک
ظہورینہ سبب اولدینی تاریخاً مثبتدر . ینہ تکرار ایدرم ، اک ایوسی
امرلری تحریراً ویرمکدر .

لكن ، اكر قوماندان اولان كيمسه ، مادون قوماندانلرينه
تخريراً عمومي بر امر كوندردمك يرده اولنلر حاكم بر نقطه يه
جمع ايدرك ، اطراف اراضي يي تماميله كوره بيله جكلري صورتده
اونلره اوراده شفاهي امر ويرسه بو اوته كيندن دها ابو اولور .
چونكه شويله يابلديني زمان مادون قوماندانلر هم اراضينك هرجهته
دائر بر فكر پيدا ايتمش ، همده امرك آكلايه مدقلري بعض نقطه لري
آمر طرفندن ايوجه تفسير ايديلهرك آني تماميله آكلامش اولورلر .
دي . حاصل بو وجهله بر امر ويرلديكي زمان ، اك قانيق فكلري بر
ضابط بيله آله جني امرك هيچ بر نقطه سنده ، هيچ بر شبهه دوچار
اولمش بولمز .

بوراده ، احوال عموميه بزه نه سوارى قومانداني ونه پيشدار
قومانداني مفرزه قومانداني يانه كتورتمكه مساعدر . چونكه
سوارى قومانداني ايجه اوزاقده در ، كله مز ، پيشدار قومانداني ايسه
ايجه ايلروده بولنديغي وپيشدار قطعاتي ، نرده ايسه ، دشمن مرميلرينه
معروض قاله جنى ايچون كذاك اولديني يردن آيريله مز . لكن
طوپچي طابورى واستحكام بلوكى قوماندانلري پك اعلا بر امر
شفاهي آله بيلورلر . زيرا اونلر شمدى يه قدر دها هيچ مفرزه
قومانداني يانندن آيرلمش دكلدرلر . قسم كليده كي آتلي ضابطان
ايچون ينه طبق بويله در . بناءً عليه شو ضابطلرك كافه سي ، (شاتي يون)
خرابه سنده طوپلانهرق اوراده شفاهاً مفرزه قوماندانك امرينى
آله جقلردر .

كرك بو امري وكرك مادون قوماندانلرينه لازم كلان تعليماتي
ويرمك خصوصنده نه قدر عجله ايدلمزسه او قدر ابو اولور . چونكه

او سایه‌ده ، ایلری یوروش دها او درجه منتظم اولور و جزء تاملرک وقتدن اول بربرینه قاریشمیری بولملری ده دها اودرجه منع ایدلش بولور .

بناءً علیه قطعات عسکریه نك ایلری حرکتی ، تدبیر سزجه بر صورتده تمجیل ایتمکدن پك زیاده احتراز اولنق لازم کلور . زیرا ، تجربه ایله ثابت اولمش حقایقندن درکه ، اکثریا قطعات عسکر - یه نك شدت آرزولرینی تحریک ایتمکدن زیاده تعدیل ایتمکه مجبوریت کوریلور . قسم کلینک آنلی ضابطلرینی طویلامق ایچون فدا ایدیلان زمان بشقه بر صورتله تلافی ایدلش اوله جقدر . هم دوشونک ، حقیقت حالی آکلامق خصوصنده صرف ایدیلان بر قاچ دقیقه لک زمان اصلا ضایع ایدلش زمان دیمک دکلدر !

مفرزه قومانداننک آنه جق پك چوق ترتیباتی یوقدر . یعنی مومی الیهک بر چوق تفرعاته کیریشمسنه اصلا لزوم کورلمز . زیرا ، هر شیدن زیاده او ، هیئت عمومی نك سوق و اداره سنی محافظه ایتمکه مجبوردر . اگر اک کوچک تفرعاته وارنجیه قدر ایشه مداخله ایتمکه باشلارسه اوزمان وای اونک حاله ! . . .

چونکه بو صورتله هم بوشنه یورلش ، وهم عمومی سوق و اداره ایتک ایچون کندیسنده موجود اولان قوت و نفوذی غائب ایتش اولور . اوندن بشقه اداره عمومی تهلکیه دوشمش بولنه جقدر . بوندن حصوله کله جک نتایج شبهه سز ، پك مضر نتیجه لردن عبارت اوله جقدر . اولیه دکلای ! قطعات عسکریه بر کره دشمن ایله یقیندن یقینه تماس حاصل ایتدکدن صکره ، آنلرک استقامت حرکتلرینی تعدیل ایتک نه قدر زوردر ! . . . بر حرکت عسکریه بی سوق و اداره ایدن

ذاتك هر شیشه مداخله ایتسندن ، حاصل اوله جق کبی ظن ایدیلان
فائده هپ ظاهری برشیدر . بو وجهله حرکت ایدن بر قوماندان
اکال واجراسی بر سکونت مطلقه و بر نیجه مساعیه محتاج اولان
کندی وظیفه سنی اونوده رق مادونلرک یوکلرینی بوش بوشنه کندی
اوزرینه آئمش اولیورکه بوندن بیوک قباحته اوله مز ظن ایدرم .
ایشته بونک ایچون دیورمکه ، بر قطعه عسکریه قوماندانی کندی
ترتبات تعرضیه سنی اخذ ایدمجهکی زمان اوپله پک عجله ایتمه ملی ،
بالعکس ، وقتی حسن استعمال ایدرک ، یاه جفی شیلره دائر کوزل
دوشونملی و کوزل کوزل قرارلر ویرمیدر . بر کره هجوم امرینی
ویردکن صکره ، کندیس برکناره چکلملی . امرک اجراسنی
مادون قوماندانلرینک بدئت ذاتیه لرینه براقلی ویا لکنز آنک حسن
اجراسیله ، مذکور قوماندانلرک کور کورینه حرکت ایدمجهک صورتده
پک ایلری کیتمش اوله ملرینه نظارت ایلمیدر . بنم بر آاز یوقاریده
سزه بر نمونه سنی ویرمش اولدیغم امره آاز چوق یاقلاشه جق صورتده
بر هجوم امری یازیله جفی زمان ، ایشته ایلک اوکجه بر دفعه شوکبی
ملاحظه لری نظر دقت وامعاندن کچورمک لازم کلور .

سوارینک کوندردیکی خبر کلدیکی زمان ، صباحک ساعت (۶)
تسنده حرکت ایتمش بولنان پیاده اوجی ، ۳ کیلو متره دن بر آاز بر
مسافه قطع ایتمش اولیور . بناءً علیه خبر کلدیکی زمان تقریباً ساعت
(۶) یی (۳۵) دقیقه کچور کبی برشیدر .

مفرزه قوماندانی دوشونمک ایچون (۵) دقیقه لق بر زمان صرف
ایدمجهک : طوغریسی بوچوق برشی دکلدیر . شواثناده قسم کلی
یا یوروشنه دوام ایدر ویا توقف ایتک ایچون بر امر آلمش اولور .

آتلی ضابطلر ایسه هیچ طوریه رق همان (شاتی یون) خرابه سنده
مفرزه قوماندانه التحاق ایتمش بولنورلر .

امر شو وجهله باشلایه جقدر .

(شاتی یون) خرابه سی

۲ - ۸ - ۸۹ - ۶۶۴۰ کون

دشمن اوزرینه ویریهلجک معلوماتک بروجه آتی پک مفصل
اولسی لازمدر :

تخمیناً ایکی طابور پیاده، بر سواری بلوکی و بر بطریه دن عبارت اولان
دشمن ، بیوک یول اوزرنده (۲۰۴۶۸) راقلی تپه ده موضعه کیرمش و بو
موضع (شارلی) نك جنوب چیقندیسنه قدر امتداد ایلمش بولنیور . اوندن
بشقه دشمن طوتدینی موضعی تقویه ایدرک ، بطریه سنی (۲۰۴۶۸) راقلی
تپه ده، سواری بلوکنی ایسه (فانی) اورمانده یرلشدیرمشدر .

غرب فرقه سنه کلنجه ، مفروزه حرکت باشلادینی آندن اعتباراً
اوکا دائر هیچ بر حوادث یوقدر . بناءً علیه بزمده بوراده اوندن
بحث ایتمه مزه هیچ حاجت کورلنز .

مفرزه قوماندانک قراری ، آزرکله لر ایله افاده واجمال اولنه -
جقدر . تفصیلات سائر بوندن صکره کله جک اولان ماده لرده ذکر
ایدیله جکدر .

مفرزه قوماندانک قراری ایشته شودر :

مفرزه ، صول جناحنی احاطه ایدرکن دشمن اوزرینه هجوم ایده جکدر .
بوراده کی (احاطه) تعیری اوילה بر ترتیبات کوستریورکه ، اقسام
عسکریه دن هیچ بریمی مفروزه قوماندانک نظری خارجه چیقمش
اوله میه جقدر . یعنی احاطه حرکتی یاییله جفندن طولایی اقسام
عسکریه نك کافه سی آنک کوزی اوکنده بولنه جق و او صورتله محاربه

ایده جکلردر . لکن اگر امرده (احاطه) یرینه (جویرمک)
 تعمیری قوللانلمش اولسیدی ، بعض حرکات اصل محاربه منطقه -
 سنک بر آرز خارجه چیقرق او حرکاتی تعقیب ایتمک ایچون ایسه
 بعض اقسام عسکریه یی آیرمق لازم کله جکلدی که ، بو خصوصی شبهه سز ،
 حرکاتک هیئت عمومیه سنی اداره ایتمکی یا اضرار ایده جک ویاخود
 بسبتون آره دن قالدیره جق ایدی . یعنی جویرمه حرکتیه مأمور
 قطعات آرز ویا چوق مفرزه قومانداننک اداره سندن چیقمقوله حرکات
 عمومیه نک بر الدن سوق واداره سنه یا خلل کله جک ویاخود سوق
 واداره خصوصی ایکی به انقسام ایتمش اوله جق ایدی . بناءً علیه
 تعرض حرکتی اجرا ایدن عادی بر مفرزه صورت عمومیه ده ، یالکز
 احاطه حرکتلری یابه ییلور . جویرمه حرکتلری یایمق اکثراً اونک
 ایشنه کلز ویا اک طوغریسی الدن کلز .

مفرزه قوماندانی ، بتون قطعات عسکریه سیله بر لکده هجوم ایتمک
 قرارینی ویردیککی آندن اعتبار آپیشدار آرتق امنیت خدماتیله اوغراشمقندن
 واز کچر .

مادون قوماندانلرک ، اصل مفرزه قوماندانه قرشو وضعیتلری
 آب آشکاره اولمق یعنی اونلر شبهه دن وارسته بر صورتده ایشلرینه
 باشلامش بولنمق ایچون هجومه دائر ویریلان قرارده ذره قدر شبهه
 اولماق لازم کلور . پیشدارک وظیفه سی بر ، ایلری یوروشی ستر
 ایتمک ، برده بعض مستثنا حاللرده عددجه کندیسندن پک آزا اولان
 بر دشمنی تک باشنه پورسکورتمکدن عبارتدر .

لکن ، مفرزه کاملاً خط حرب آچمش اولدینی آندن اعتباراً
 پیشدار کندی خصوصی وظیفه سنی اجرا ایتمش صاییلور و آرتق

آنک ده مختلف اقسام عسکریه سی منسوب اولدقلری جزء تام یاننده
یرلشهرک هبسی برالدن هجوم ایتکه چالیشورلر . محاربه ده ، مادون
قوماندانلرک درجه مربوطیتلرینی ایوجه تقدیر ایتک پک مهم بر
شیدر .

بناءً علیه ، یازدیفکنز هجوم امرنده ، قسم کلی ایش باشنه کچدیکی
آندن اعتباراً پیشدارک آرتق رفع ایدلمش اولدیغی سویلمکی اصلا
اونوتمیکز .

ایلك اول ایشه باشلایه جق طوبیحیدر . بن شمیدی سزه اونک
تعلیمنامه سنه دائر برسوری ماده لر درخاطر ایتدیره جکم . بوشمیدی
حاله طوبیچینک وظیفه سنه دائر ایودن ایویه بر فکر ایدنک ایسترسه -
کز ، هیچ اوشنمیکز ، مذکور ماده لری برر کره دها کوزدن
کچوریکز ! بونصیحترم ، شه سز ، اک زیاده طوبیچینک غیری اولان
ضابطلره عائددر .

ایکی ویادها زیاده بطریه لر ، طابور حانده محاربه ایدرلر . اگر
سز پیشداره بر بطریه ویرمش ایدیسه کز ، مفرزه قوماندانی بتون
قوتیه دشمن اوزرینه هجومه قرار ویردیکی آندن اعتباراً ، مذکور
بطریه آرتق پیشدار قوماندانی الندن جیمش اوله جقدر . بر مفرزه -
نک طوبیچینسی پارچه لر بوله مک ایچون دیکر بر سبب دها وار . بر مفرزه نک ده
طوبیچینسی اصولاً جزئی بر شیدر . بناءً علیه آنک آتشنندن ائی بر
تأثیر کورمک ایستیلورسه مطلق آتی مجتمع بر حاله بوندرمق وبتون
آتشلرینی یالکز بر نقطه اوزرینه سوق ایلک لازمدر . حاصلی
مفرزه قوماندانی ویردیکی هجوم امرینی بطریه لرک تک تک حرکت
ایتملرینی منع ایده جک صورتده ترتیب ایده بیلور .

فی الحقیقه مفرزه قوماندانی الی آلتنده موجود اولان بتون قوای عسکریه بی، مقصد الیه ایدیهلک صورتده متحداً قوللانمغه مجبوردر. طاغلق حرکتلر اونک هیچ بر زمان مقصدینی تأمین ایدمهز. بناءً علیه طوبچی قوماندانی، مفرزه قوماندانی طرفندن قطعی واساسلی امرلر آله جقدرکه بو امرلر محاربه نك مختلف صفحه لرنده بطریه لرك هانکی نقطه لر اوزرینه آتشلرینی توجیه وتوحید ایدمه جکلرینی کوستره جکدر.

زیرا، طوبچی طرفندن محاربه ده کوریهلک وظیفه نك اصل واساسنی قطعی بر صورتده بیلان یالکز اودر. بطریه لره ویریلان امرلر، اصولاً طوبچی طابوری قوماندانه کوندریلورلر. بو طابور قوماندانی، جزء تاملردن هر بریسنه اشغال ایدیهلک یری، دوکیله جک هدفی، برده آتشلرک جنسیله شدتی سویلر.

مومی ایه، هیچ اولمزسه امرده ذکر ایدلمه مش اولان بعض جهتلردن طولایی، دائماً مفرزه قومانداننک فکر ومرامنه وقوف پیدا ایتمهک چالیشه جقدر. برده بطریه قوماندانلری باخصوص انداختنک حصوله کتوردیکی نتایج ایه اوغراشدقلمی ائنده او، محاربه نك اصول جریانی تعقیب ایلجه جکدر. بطریه قوماندانلری، یالکز احترازی غیر ممکن برتهلکه اوکنده قالدقلمی زمان کندیلمکلرندن هدف دکیشدیره بیلورلر. طوبچی طابور قوماندانه کلنجه، او، وضعیت آب آنسزین دکشیدیکی زمان، آلدینی امرلرک خارجنه چیقمنغه وکندیلمکلندن ایش کورمهک پك اعلا مأذوندر وحتی مجبوردر. مع هذا، احوال طوبچینک بردن بره ایلرو کیتمنی ایجاب ایتدک

طابور قوماندانی ده مفرزه قوماندانندن بر امر کله دن طوبجی موضعی دکشیدر مش اوله مز .

لکن دیدیکمز کبی اگر ، طوبجینک حسب الایجاب ایلر و کیمسی قطعاً لازم کلورسه ، طابور قوماندانی در حال موضعی دکشیدرر و بو خصوصده مفرزه قوماندانه او آنده ده معلومات ویرر . سائر حالدرده ایسه ، طابو رقوماندانی طوبجی موضعنک دکشیدرلسی موافق اولدیغی حس ایتدیکي زمان ایلک اوکجه مفرزه قومانداننک او خصوصده نظر دقتی جلب ایده جک و آندن صکره یعنی کندیسنه مأذونیت ویریلورسه موضع دکشیدیره جکدر . ده کوزل بر تأثیر حاصل ایتک ویا دشمن آتشدن ده کوزل محفوظ قالمقدن بشقه هیچ بر مقصده بناء یاللمیان اوفاجق یر دکشیدر مه خصوصنی تبدیل موضع کبی تلقی ایتمه ملیدر . او درلو ، اوفاق تفک تبدیل محللر دائماً وقوعه کلش وهر زمان وقوعه کله جکدر .

تعرضده آمپلاسمانلرک انتخابی خصوصنده طوبجی طابور قوماندانی ایجه سربست بولند بر مق ایچون مفرزه قوماندانی اوکا یالکمز برنجی طوبجی موضعی سویلمکله اکتفا ایدرک اوندن صکره طوبجی قوماندانی درت نعل ایله کوستریلان یره کیدر واورته لقی بعد الاستکشاف هر بطریه نک بولنه جی یری برر ، برر کندیسنی تعیین ایلمش بولنور . طوبجی قوماندانی شو دیدیکمز وجهله موضعه ایلر ولدیکی ائساده ، بطریه یوزباشیلری ده بلوکلرینی قدملی ملازملره ترک ایدرک اونکله برابر برلکده ایلری کیدر لر .

بطریه لرک آمپلاسمانلرینی تعیین ایتک ایچون طوپلر بر صرت کریسنده طوبار لاقردن آیرلدقدن صکره ، آتش خطنه کیرمش

اولنجه یه قدر اولنرك اوموز قوتيله ده ايجه ایلری کتورملری ، لازم کلدیکنی درخاطر ایدیکز .

دیزمک انداخت ، اندیرمک انداختله دأما ترجیح اولنور . بو بریکلر ، اراضینک حالی ویا محاربه نك کیدیشی برنجیسنی قوللانمغه مساعد اولمدینی زمان یعنی مستثنا حاللرده قوللانیلورلر .

مستور بر محل ، ثابت بر هدف اوزرینه اندیرمک انداخت اجرا ایتمکه مانع دکلدیر ؛ لکن آتش آچه یلمش اولق ایچون بعض تدارکات یایمق لازم کلور . اوندن بشقه بوانداختک تنظیمی ده اپی اوزون بر زمانه محتاجدر .

حال بوکه ، محاربه ایتمکه مجبوریتم کورمش اولان بر مفرزه قومانداننک بوشنه صرف ایده جک پک چوق زمانی یوقدر . برده مفرزه قوماندانی بلکه دأما پک متحرک بر دشمنله محاربه ایده جکندن ، دأما هدف دیکشدریمکه حاضر بر حالده بولنمغه مجبوردر .

اندیرمک انداختی ایسه بو خصوصده هیچ الویریشلی بر انداخت دکلدیر . کرچه بعض احوال استثنایهده بوجنس انداختکده مشکلاتنه بیون بویمکه لزوم کوریلور . لکن بوده آنحق اوندن بشقه درلو حرکت ایتمک قابل اولمدینی زمانلرده اوله بیلور . دها کوزل مستور محللردن استفاده ایتمک بهانه سیله انداخت خصوصی کوجلشدیرمک اسلا جائز دکلدیر . اولا آتشک تأثیرینی کوزتمک ، صکره تستری دوشونمک لازمدر ! کرک طوماسسز باروته وکرک اندیرمک انداختلرده نشان آلمق ایچون ایجاد اولنان آلتلره رغماً بومثال ینه دأما ناطق حقیقتدر .

مفرزه قوماندانی طرفدن انتخاب ایدلمش اولان برنجی طویجی

موضنك اصل وظیفه سی ، محاربه نك حرکات ابتدائیه سی کشاد
ایلمکدر . بو موضع صورت عمومی ده دشمن طوبچی سندن ۱۸۰۰
متره دن زیاده اوزاق بولور . لکن محاربه نك جریان ائسانده ،
طوبچی بی بر آزده ایا قلاش دیرمش اولق ایچون بر تبدیل موضعه لزوم
واردر . شو برنجی موضعی بولق ایچون باق سز نصل حرکت
ایده جکسکز : دشمنك طوبچی موضعی سز جه معلومدر ، دکلی ؟
یکی مادام که او یله دره ، او موضع مرکز اولق اوزره بردفعه (۱۸۰۰)
متره ، بردفعه ده (۲۵۰۰) متره نصف قطریله برر قوس دائره چیزیکز ؛
ایستدیککز موضع ، ایشه بوا یکی قوس دائره بینده در . سز آنجق
احوال اکر فوق العاده مساعد اولدینی ویا اراضینك شکل وطیعی
او یله ایجاب ایستدیکز زمان (۲۵۰۰) متره نك فوقنده بر موضع آراسکز .
(۲۵۰۰) متره دن زیاده مسافه لرده مریکز هدفك اوکنده می ،
یوقسه کر بسنده می باطلادیقنی تفریق ایلمك و بناءً علیه ارتفاعاً نشان
تصحیحاتی ممکن مرتبه ابو بر صورتده اجرا ایتك چوق زور در .
او یله ایسه آتش تأثرینك برنجی شرطی انداختك کوزل تنظیم ایدلمش
اولسیدر . بناءً علیه ، انتخاب ایدلمش اولان موضعی کمال دقتله بر معاینه
ایدیکز ، باقیکز عجا بوانداخت تنظیمی : تپه لر ، باغچه لر ، بوستانلر ،
چیتلر و آغاج صره لرینك یابدینی کبی ، مریلرک باطلامسندن حصوله
کله طومانی بللی ایتدرمیه جك بعض پرده لر ویا سپرلر ایله بر سکتیه
اوغرامشیدر ، دکلیدر ؟

طومانسز باروت استعمالی خصملردن هریکیسی ایچون انداخت
تنظیمی تسهیل ایدر . زیرا ، بطریقه قوماندانلری اجرا ایتدکلری
رسداتده ، کرک کندی و کرک دشمن طوبلرینك حصوله کتوردکلری

طومانان تەجىز ايدىلىش بولغىيورلر . اكر مدافعه طوبچىسى ، كوزل
برموضع طوتمش ايسه ، سز آنى اصلا كوردميه جكسكز ، حتى كوزل
دورينكز بيله دائما هر طوپك باطلادىنى آندهكى علونى تفریق ايتمش
اوله ميه جقدر . مفرزه قوماندانى هر حالده ، هجومده پك اوزاقدن
آتش آچدرمش اولمقدن چكىنملى وسكونتلىرىنه خلل كتورمك
صورتده ، طوبچى عسكردن پك اوقدر بيوك برسرت ايستمه مليدر .
زیرا شويله بر محاربهده طوبچىك بيوك برسكونت ايچنده
بولغىسى پك لازمدر .

بزم شو مسئله مزده ، اشغالى مناسب اولان برنجى موضع
(شى يول) ك غربنده ، بيوك يوللرك همان همان شرقدهكى تپه در .
بوراده موضع آلنجه بر كره طوبچى اك كوزل برانیت ايچنده بولمش
اولور . زیرا ، او هجوم اصلى ايله ، ايكنجى درجه هجومى آره سنده
بولنه جق واونلرك هر ايكي سنده ياردم ايتمش اوله جقدر .

بربطريه كزى پيشداره ويرمش اولديغكزى وامركزى يازدرمقله
مشغول بولنديغكز صروده ايسه دشمنك پيشدار اوزرينه آتش
آچديغى فرض ايدلم . اوندن بشقه ، پيشدار قوماندانى كندى
بطريه سنه (شى يول) ك غربندهكى تپهك جنوب قسمنده موضع
آلمق ايچون امر ويرمش اولديغى ده فرض ايدلم . شو حالده قسم
كلى بطريه سى ، پيشدار بطريه سندن بر آزايلريده بر قدمه تشكيل
ايدم جكدر .

بناءً عليه مذکور بطريه صرتمك قسم شماليسى كريسنده [بيوك
خریطه ده (صولداتن) ك شمالنده] موضع آله جقدر . مفرزه قوماندانى
شو خصوصده او كامرويرمكه لزوم كورمز ، بالعكس ، يالكز (شى يول) ك

غربنده کی تپه یی اشغال ایتمسنی سویلر، بوندن اوته سنی یایمق طوبجی
طابور قومانداننک وظیفه سیدر. خصمک یالکز بر بطریه سی اولدینی
آکلاشلدی؛ بناءً علیه پیشدار بطریه سنی اوکا مقابل حرکت ایستدر مکده
ذره قدر شبه کز اولسون. لکن، اگر دشمنک ایکی ویا دها زیاده
بطریه سی کورلسیدی، اوزمان آتش آچزدن اول بر کره قسم کلیده کی
بطریه نک ده کلمسنی بکلمک لازم کلوردی.

اگر پیشدارده بطریه یوق ایسه، اووقت دشن اوزرینه بر باصقین
تأثیری حاصل ایده بیلیمک ایچون بطریه لرک ایکیسی ده بر آنده مستور
بر محکم کریسنده موضعه کیرمش اوله جقلردی. (شی یول) ک
غربنده کی تپه شو تأثیرک حصولی نأمین ایده جک بر یردر. دشمن
نظرندن مصون اوله رق بطریه لره ایلاک اوکجه بر حاضرلق تشکیلاتی
ویرمک ایجاب ایدوب ایتمدیکی مسئله سنه کلنجه بو خصوص، دشمنک
اقدارینه، اک چوق ده طوبجیسننک حال وشانه تابعدر. شمیدیلک
یالکز سنرک نظر دقتکزی شو نقطه اوزرینه جلب ایتمک بکا کفایت
ایدر. ایلاک حمله ده دشمن طوبجیسنه فائق بر طوبجی ایله ایشه
کیریشمک و آنی طوبلی بر صورتده قوللانمق مهم بر شی اولدیغندن، بنجه
پیشدارده بولان منفرد بر بطریه نک تک باشنه آتش آچامسی ده
زیاده آرزو ایدیله جک حاللردندر. یازیق که، عملیاتده هر زمان
شو قاعده نک احکامنه رعایت اولنه میور. هر حالده شو بزم مسئله ده
طوبجی طابور قوماندانی، مفرزه قوماندانی کندی امرنی یازدردینی
آندن اعتباراً ایکی بطریه نک قوماندانلغی درعهده ایدر وجب خانه نک
تجدید واکمالی خصوصنی نأمین ایلر.

هر بطریقه نك برنجی قدمه سی کندیسيله برابر ایدورور . **بهر قدمه**
طابور قوماندانك اشعاری اوزرینه ، صرتك آرقه سنده طویلرك
جناحاری کریسنده کندیسینی کیزمك ایچون مستور محللر بولور .
بیلورسکزکه ، دشمن موضعی تحکیم ایدلشدور ؛ بناءً علیه ، برآن اول
اونك مستور یرلرینی دانه لر ایله تخریب ایتمکه چالشمق پك فائده لیدر .
طابور قوماندانك امریله بطریقه احتیاطلری ، موقه (شاتی یون)
خرابه سی یاننده یول کنارنده توقف ایدم بیلورلر . دها صکره اونلر ،
محاربه ایتمکه اولان بطریقه لره (۶۰۰) متره قدر یاقلاشدیر بیلورلر .
لکن بو ائناسنده یول اوزرنده نقلیاتك قبادلش اولمامه سنه دقت ایتمك
لازمدر .

طوبیحی غوغاسی ، قطعی بر غوغا اولق ایچون ، پیاده ایلریدن
لزومی قدر اراضی قازاندقدن صکره بطریقه لری براز دها ایلرولتمك
ایجاب ایلر .

مثلا بوراده بطریقه لری (روپینی) نك غربنده کی صرته (دشمندن
۱۳۰۰ متره اوزاق) ایلرولتمك پك اعلا ممکن اولور . قدمه طرزنده
اجرا ایدیله جك اولان بو تبدیل موضع خصوصی ، دها صکره
یایله جق شیلردن اولدینی ایچون برنجی امرده اوندن بحث ایتمکه
هیچده لزوم کورلمز . آتشجه دشمنه تفوق خصوصنی تأمین ایتمك
ایچون ، اگر دشمن طوبیحیسی کندیسینی بللی ایتش ایسه ، بری
طرف طوبیحیسنك آتی برنجی درجه هدف اتخاذایلمسی قاعده دندر .
باخصوص بزم مسئله ده ، دشمن بطریقه لرینك آتشی پیشدار
ویا قسم کلی پیاده سندن ایچون کوریلان اهمیتدن طولانی
طوبیحیمزك ، مذکور بطریقه لری ایلك هدف اتخاذا ایتمی دها اوقدر

زیاده معقول برشیدر . بناءً علیه طویچی به ویریله جک امر ، شویله یازیله جقدر :

۱۵ نجی صحرا طویچی آلائیك برنجی طاوری (۳ نجی بطریه اكسیك) ، (شی بول) ك غربنده کی تپده یرلشه جک ودشمن بطریه سی اوزرینه آتش ایده جکدر .

محاربه امری کلنجه به قدر ، پیشدار پیاده سی یالکز قسم کلی یی محافظه ایتك ایچون قطعاً لزوم کوریلان بعض اقسام عسکریه سی محاربه به باشلا تمشدر . پیشدار ، ایلک اوکجه ، (شی بول) ك غربنده کی تپده یاییله رق ، صکره ، طویچی به استنادلک ایتك اوزره اول امرده مدافعه جه اشغال ایلمك ایستدیکی ، (روینی) ك غربنده کی صرته قدر ایلرولمشدر .

(روینی) به قدر كلك ایچون ، قسم کلینك قول باشی (۳) کیلو مژده دن زیاده برمسافه یی ترلار ایچنده قطع ایده جکدر . بناءً علیه شوندن آکلاشیلورکه ، قسم کلی پیاده سی محاربه به طوتشمش اولنجه به قدر آره دن اپی برزمان کچه جکدر . بو آنه قدر ایسه ، پیشدار هجوم اصلی باشلامزدن اول ، دشمن طرفدن نحو وپریشان ایدلمش اولماق ایچون ، احتیاطی طاورانه جقدر . بناءً علیه ، مفرزه قوماندانك ترتیبانه برسوی تأثیر کوستره مك ایچون پیشدار مفرزه سی باشلادینی محاربه ده اعتدالی کوزتمکه مجبوردر .

پیشدار ، مفرزه امرینی آلدینی زمان ، پیاده سی (روینی) ك غربنده کی صرتی الده ایتکه وهجوم اصلی باشلامش اولنجه به قدر اورادن آیرلماغه چالیشه جقدر . بو آندن اعتباراً ، اسکی پیشدار قوماندانی اولان ذات ، یکی بروظیفه باشنه کچه جک ومثلاً دشمنی جه بدن اشغال ایتك یعنی خصم احتیاطلرندن بیوك برقسمنی تهدید

ایدلش جناح اوزرینه کوندرلمکدن صرفظر ایتدیره رک بالعکس کندی اوزرینه جلب ایتک مقصدینی حائر اولان ایکنجی درجه هجومی سوق واداره ایدلمک کی بروضیفه نک ایفاسنه مأمور اوله جقدر. کوچک برمفرزه نک حرکت ایدلمکی اراضی دشمن طرفدن ثمامیله کوریهلجک درجه ده کوچک اوله جفندن آنک بتون احتیاطلرینی ایکنجی درجه هجومکز علینه جلب ایتش بولنه جفکزه اینانمیکز .

لکن ، ایکنجی درجه هجوم طرفدن تعقیب ایدیلان مقصد پک اعلا کوستریورکه ، جبهه محاربه سی دیدیکمز شی اوپله عادی برنمایشدن عبارت اوله جق دکل، بالعکس، اونک ده بلکه هجوم اصلی قدر برشدت ایله سوق واداره ایدلمک لازم کله جکنی اصلا خاطر دن چیقارمیکز. فی الحقیقه ایکنجی درجه هجوم یالکز برنقطه نظر دن هجوم اصلیدن فرق ایدر : یعنی مذکور هجوم الک صکره بر ایلری آتلمقله نهایت بولمز ، بلکه اکثریا دشمنی یرنده طوتمق وکندیسی ده ایجه اوزاقده (۴۰۰ : ۶۰۰) متره قالمق ایله اکتفا ایدر. بو هجومه مأمور اولان قطعات دیدیکمز مسافده یره یاتمش بولنورلر . واکر موجودلری درجه کافیه ده ایسه ، مدافعین اوزرینه آتشجه تفوق حاصل ایتمه چالیشورلر. هر حاله بو ایکنجی درجه هجومی یاپان قطعات عسکریه ، هجوم اصلی نک ایلری آتلمسنی شدتلی وکشیف بر آتش ایله تأییده غیرت ایدرلر .

بناءً علیه ایکنجی درجه هجومک، هجوم اصلی قدر عمیق تشکیلاتی اولمسنه هیچ لزوم یوقدر. بالعکس، مذکور هجومک صوکنده مادامکه دشمنه بوغاز بوغاز کلک ایچون ایلری آتلمه حرکتی اجرا ایدلمیله جک، اوپله ایسه اوراده قطعات عسکریه نک هجوم اصلیده کی کبی ترتیبات

عميقه مالک اولمقدن زياده جهه سی امتدادينک چوق اولمسنه باقيلور.
بناءً عليه نشانجی طاہوری ، کندی تعرض حرکتده ، (شارلی)
ایله بیوک یول آره سنده (۴۰۰) متره قدر بر جهه اوزرنده یا بلمش
اوله بیله جکدر . بو مسافه ، هجوم اصلی ده بر طاہور جهه سنک
طوتدینی مسافه نك همان ایکی مثلی کبی برشیدر . لکن ، ویره جککنز
امر ، ینه ایکنجی درجه هجومک جریان ایده جکی منطقه یی پک کوزل
تحدید ایلیه جک بر صورتده ویرلش اوله جقدر . ایکنجی درجه هجومه
عائد ماده کنز ایشته بویله ترتیب ایدیه جکدر :

(۱۱) نجی نشانجی طاہوری ، ایلک اوکجه (روپنی) نك غریبنده کی
صرتی طوته جق ؛ صکره ، هجوم اصلی یی حمایه ایتمک ایچون (میچ) - (آنتیلی)
یولنک شرقه طوغری ایلرولیه جکدر .

اگر بر آرز صکره ، اراضی قازانمق ایچون بعض کوچک اقسام
عسکریه (میچ) - (آنتیلی) یولنک غربنه طوغری ایلرولمکه
مجبوریت کوره جک اولورلرسه ، طاہورک قسم کلیسی ، مذکور یولک
شرق طرفنده هجوم اصلی ایله ینه ارتباطی محافظه ایلیه جکدر .
نشانجی طاہورینک یا بلمسنه دائر تفصیلاتی و هجوم اصلی یی حمایه ایتمک
ایچون آله جق ترتیباتی سویلمک هپ طاہور قومانداننک وظیفه .
سیدر . ذاتاً مذکور ترتیباتی شمیدین دها کوسترمک ممکن اوله مز .
زیرا ، دشمنک طور و حرکتی دائماً نظر دفته آله جق برشیدر .
حال بوکه شو خصوصی ایودن ایویه تقدیر ایتمک آنجق ایش محالده
اوله بیلور .

لکن هر حالده ، هجوم اصلینک صوک زمانه قدر آتش ایله حمایه
ایدلمش اولمسی پک مهمدر . طوینجی هیج بر زمان شو مطلوبی صوکنه

قدر اجرا واسعاف ایده من. زیرا، صوك زمانلرده مخاصمین بر برینه اودرجه یاقلاشمش بولئورلرکه دوست ایله دشمن کیم اولدیغنی تفریق ایتک طریجی ایچون اصلا ممکن اوله من. با خصوص باروت طومانلریله هر ایکی طرف عسکرلرینی ینه بر درجه یه قدر تفریق ایتک ممکن ایکن ایلریده یعنی طومانسز باروتلی مصادمه لرده آرتق او خصوص ده امکآنك خارجه حقیقه جنی ایچون طویحینك صوك زمانه قدر هجوم اصلی یی آتش ایله حمایه ایده بیامسی ده اوقدر زیاده غیر قابل اوله بقدر.

بناءً علیه، ایکنجی درجه هجومه مأمور قطعات عسکریه نك وظیفه سی اکثریا، یره یا تمش اوله رق طور مق و هجوم اصلی یه مأمور قطعات عسکریه یی کندی آتشریله حمایه یه چالیشمقدن عبارت بولانه بقدر.

شمدی بیلنه جك برشی ده اقالورکه، اوده عجباً عملیاتنده ایکنجی درجه هجومه مأمور قطعات عسکریه ایچون لازم کلان ترتیباتك انتخابی هر زمان قطعات مذکوره قوماندانه می برامق ایجاب ایدر؟ ایشته بوراسیدر. بوخصوص دیدیکمز وظیفه یه تعیین ایدیله جك اولان قوماندانك قیمت شخصیه سیله اخلاقه تابعدر.

هجوم اصلی یی اجرا ایتک و احتیاطی آیرمق ایچون، المزده ده (۶۷) پیاده آلاینك (۳) طابوری واردر. هجوم اصلی الدن کلا دیکی قدر قونلی بر صورتده تشکیل ایدلمس اولمیدر. بناءً علیه یالکمز بر قوماندانك اداره سنه ویریلدجك اولان ایکی طابوری هجوم اصلی یه تعیین ایدر سکمز. کری یه قالان اوچنجی طابور ایسه احتیاطکنز اولور. موخرأ یواش، یواش تقویه ایتک اوزره ایلک اوکجه هجوم اصلی یه

آزقوت ویرمک بیوک برخطا صاییلور. کرچک اگر او یا یا ییلورسه بوندن بر چوق محذورلر چیقار: اولاً، عسکرک انشراح قلبی کیدر؛ ثانیاً عددجه دشمنه تفوق حاصل ایدلر. اوندن بشقه شاید بر مغلوبیت وقوعه کلورسه بویالکز نافله یره ضایعاته سببیت ویرمک دکل، عسکرک قوه مغنویه سنی یرندن صارصمق کبی فنا، فنا تأثیرلر کوستره جکدر. هجوم اصلی یه ویریله جک هدف، دیکر قوماندانلرجه و باخصوص طوبچی قوماندانی طرفدن تمامیله بللی اولمیدر. زیرابو هجوم بر کره دشمن طوبچیسی اسکات ایدلدکن صکره ایجه بر زمان طوبچی آتشله احضار ایدیله جکدر. هجوم اصلی بی اداره ایدله جک اولان قوماندانک النی آياغنی یاغلاماق ایچون مذکور هجومک محورالحراکاتی آنجق تخمین بر صورتده کوستریله جکدر. سائر تدابیر اجراییه پ آنک قوماندانی طرفدن اتخاذ اولنه جقدر.

بو قوماندانک وظیفه سی، ایشه باشلار باشلامز تکرار کندیسنه بر بریخی متعاقب امرلر ویرمکه حاجت قالمیه جق صورتده اولجه دها پک آچیق و صاغلام بر یولده کوسترلمیدر. هجوم اصلیده کی جرکاته یکی یکی امرلر ویره رک مداخله ایتک هوسی، کندی یاه جفی شیئی بشقه لرینه یابدردیغنی کورمک ایستیان بر قوماندانده پک چوقدر.

مع هذا، بر سبب مجبر اولدقجه او کی مداخله لرده بولنق پک دهشتلی خطا لردن صاییلور. کرچک، بو وجهله یاپلیدی زمان، هجومک وسائط اجراییه سی اولانلرک اعصاب غیرتی کیو شتمک تهلکه سی اولدقدن بشقه، شو بزم مسئله ده، اک مهم بر وظیفه بی تعقیب ایلیان ایکی طابور آره سنه قاریشقلق تخمی اکمک تهلکه سنه معروض اولمقده واردر. او یله ایسه بوراده هجوم اصلی بی اجرا

ایده جک طاہورلرہ یالکز (شی یول) و (روپینی) اوزرینہ توجہ
ایلیہ جکلرینی سویلمک کفایت ایدر نہ

لکن ، (شی یول) ک غربندہ کی صرت اوزرندہ بزم بطریہ لریمز
دشمن طویچی آتشنہ هدف اولدقلری ایچون ، هجوم اصلی ، نافله
برہ ضایعاتدن چکنمک مقصدیلہ ممکن مرتبہ سرعتلہ یولدن آیرلق
وچارلقدن برآز دها شرقہ کچمک خصوصنہ غیرت ایده جکلدر .
زیرا ، شمیدیکی زمان طویچیسنک نفوذ واققداری معلوم اولدیغندن
بطریہ لک جنوبندہ کی اراضی کاملاً دشمن مرملری ایله قاپلانمش
اولہ جکلدر .

چوق زمان دشمن مرملرینہ معروض قالماق ایچون ، هجوم
اصلی یه مأمور اولان قطعات (شاتی یون) خرابہ سنک جنوبندہ خان
خذاسنده بیوک یولدن چیقه جکلر و (غریمون) اورمانی اوزرینہ
توجہ ایلیہ جکلدر . بو حرکتی اجرا ایتک ایچون ، طاہورلر ،
دشمن مرملرندن قورقدقلری مدتجہ ، قول نظاملرندن بریسیلہ
وازجلہ چفت قول ویا کنیش قول نظامیلہ حرکت ایدرلز . بناءً علیہ
امر شو وجهلہ یازلمش اولہ جکلدر :

(۱۱) نجی نشانچی طاہوری ، ایلک اوکجہ (روپینی) نک غربندہ کی
صرتی طوتہ جق ، صکرہ هجوم اصلی حیایه ایتک ایچون (میج) -
(آنتیلی) یولنک شرقنہ طوغری ایلرولیه جکلدر .

هجوم اصلی ، ییکباشی ک . . اداره سنده اولق اوزرہ (۶۷) نجی
پیاده آلایک برنجی و ۳ نجی طاہورلری طرفندن (شارلی) نک جنوب
شرقی چیقیندیسی غلیبنہ اجرا ایدیلہ جکلدر . بواکی طاہور درحال یولدن
آیریلہ رق (غریمون) اورمانی اوزرینہ یوری یه جکلر ، بعدہ (شی یولی)
و (روپینی) استقامتی طوتہ جکلدر .

مذکور طابورلری نه زمان ونصل قوللانمق لازم کله جگنی
بیکیباشی ک .. تعیین ایلیه جکدر .

هر نوع یا کله شلقدن چکنمک ایچون ، طابورلرکری حرکت
ایتدیرمزدن اول ، یورویش امریکزه دقتیجه برکوز کزدیرمکی
اونو تمیکز . بوراده ایکنجی طابور کزیده اولدینی ایچون طبعی
احتیاطی او تشکیل ایده جکدر .

شمدی ده سزک نظر دقتکزی بشقه بر نقطه اوزرینه جلب
ایده جکم . بزم تعقیب ایلدی کمز مسئله ده ، هجوم اصلی پک ارکندن
یولی ترک ایتمه و پیشداردن آیرلمه مجبوردر . بورحال اسئتائیدر .
مفرزه قوماندانی هجوم ایچون قرارینی ویردکن صکره بیله ،
قسم کلینک دها ایجه زمان یول اوزرنده قالدینی ویا لکز مستور
محللر اولما مقدن طولای آنی ترک ایتدیکی اکثریا وقوعه کلور .
یایلمه حرکاتی نه قدر کچ باشلار ویول اوزرنده نه قدر زیاده قالنورسه ،
هجوم دها اوقدر زیاده تعجیل ایدیلور ویولنده کیدر .
قطعات عسکریه برکزه ترلاره کیرنجه یورویش آرتق اغرلاشمغه
باشلار .

باخصوص اراضینک تشکل طبعینی ده اعوجاجلی ایسه ، اوزمان
قطعات عسکریه نک یورویشنده پک زورلق چکیلور . دشمنک طویجی
آتشی تأثیرینی آزالتق ایچون قطعات عسکریه یی ایکیده برکاه
صاغه وکاه صوله آلتق لازم کلور . بناءً علیه یول قولنک هجوم
اصلی وایکنجی درجه هجومی قوللرینه آیرلسنی صوک زمانه قدر
تأخیر ایلمک ایجاب ایدر . مثلاً فرقه کبی بیوک بر جزء تام ، کاملاً
یایلمش بر دشمنه راست کلدیکی زمان ، درحال تعرضه کچمک نیتده

دکلسه ، اووقت ، هجوم امری ویرمزدن اول ، بر یایلمه امری ویرمک قابلدرد . لکن کوچک مفرزه لر ایچون بو خصوص پک نادرا ایجاب ایلمکده در . مثلاً بر طابورک یایلمسی پک آز بر زمان ایچنده اکمل ایدیلور ؛ اونک ایچون آرتق اوافق تفک مفرزه لره هجوم امرندن اول ، برده یایلمه امری ویرمکه اکثریا لزوم یوقدر ، دیورم .

برده یانه طوغری وقوعه کله جک یایلمه لره اکثریا وقت ضایع ایتمک ایچون بر سبب اولدقلرینی اونوتمایدر ؛ باخصوص بر تصادفی محاربه ده شوجهتی ده ا زیاده نظر دفته آلمایدرد . بناءً علیه بن ویره جکم یایلمه امرنده ، هجوم اصلی قطع اتندن بحث ایتمکدن صر نظر ایدیلورم . بالعکس اونی مذکور قطع اتک قومانده لر ا قیورم ؛ مع هذا هر حال خصوصیده ، هجوم امرینک ، بر یایلمه امریه تقدم ایدلمش اولمسی لازم کلوب کلدیکنی سزه صور مق ایجاب ایدیلور .

استحکام بلوکی قومانده لر ، کندی قطعه سیچون بر ایش کوسترلش اولنجیه قدر هب مفرزه قومانده لر ابر حرکت ایدرد . اگر هجوم قطع اتنک کریسنده بعض خطوط اتصالیه یی آچق ویا یکیدن یا بمق کبی ایشار یوق ایسه ، استحکام بلوکانک مصادمه زماننده یری احتیاط یاننده در . کرچه استحکام نفرلری پیاده لر کبی محاربه ایده بیلور لر سه ده اولنرک اصل وظیفه سی ، شمديکی مسئله ده اولدینی کبی محاربه نك جریانی تسهیل ایده جک بعض عملیات یا تمقدن عبارتدر .

بوراده خطوط اتصالیه نك عددنی تزید ایلیمک ایچون (شی یول) دن (مالوری) یه کیدن یولک شمالنده کی دره ده بر چوق کوپر یجکلرک تأسیس اولنسی پک الزمدر . (شارلی) یه هجوم ایدلدیکی آنده ، مدخلری

آچق ، قبولی قیرمق و سائرہ کبی ایشلر ایچون استحکام بلوکنک
ینه بیوک بیوک معاونتلی اوله جقدر .

بیوک بر جزء تام ایچون محاربه ترتیباتی اخذ ایدلدیکی وقت ،
صورت عمومی ده احتیاط عسکرینک طورہ جنی یرکوستریلور . بر مفرزه یه
کلنجه ، بوراده بالعکس ، پک نادرآ احتیاط ایچون یرتعین ایدیلور .
چونکہ کوچک ، مفرزه لرده مصادمه زمانی پک او قدر اوزون سورمیہ .
جکی ایچون احتیاط اگر بدایتده کریده بر اقیلورسه ، اونک کچ
کلسندن طولای نتیجه نک فنا چیقمسی محتمل اوله بیلور .

بناءً علیہ اوله زمانلرده احتیاط عسکرینی هجوم اصلی یی اجرا یه
مأمور قطعات عسکریه نک کریسندن و (۴۰۰ : ۵۰۰) متره اوزاقدن
یورتمک لازم کلور .

اراضینک شکنه و محاربه نک ایجابنه کوره احتیاط عسکری اک
صکره صاغ و یا صولدن خط حربہ داخل اولمش بولنه جقدر . اگر
هجوم منطقه سی پک واسع ایسه ، احتیاط عسکری اوزمان ، ایکسی
آره سنده کی آچیقلمی اورتمک و حین حاجتده خصمک مرکز علینه
یا په جنی بر مقابل تعرضه جواب یرمک ایچون هجوم اصلی ایله
ایکنجی درجه هجومی آره سنده یوری په جکدر . اگر بالعکس حاجینک
هجوم منطقه سی محدود ایسه ، اوزمان احتیاط عسکری ، دشمنک
یانی اوزرینه یا بیله جق احاطه حرکتی تقویه و تمیدده حاضر بر صورتده
هجوم اصلینک خارجی کنارینی تعقیب ایله جکدر . بو ، دائماً بر
قاعدہ در . بزم مسئله ده ، ایکی حالدن هانکیسنی جانکز ایسترسه
اونی قبول و تطبیق ایتمکده مختار سکز .

اگر سز ، (شارلی) نک غرب جهتده خصمک بر مقابل هجومندن

قورقورسه کز؛ احتیاطکزی هجوم اصلی قولنک صولی کیروسندن تعقیب
ایتدیریکز. یوقا کر سز اونو صاغ طرفدن یوریتکی ترجیح ایدرسه کز
اووقت، حین حاجتده طوبجی ایله حمایه ایدلمش اولان نشانجی طابو-
رینک دشمن جبهه سنی مغلوبیتده بولندیرمغه کافی اولدیغنی و (شارلی) نک
شرق کنارینی تهدید ایلکمک ولزومنده اورماندن کله جک بر باصقینه
چاره بولمق ایچون احتیاط عسکریکنک سزجه (قانی) اورمانی جهته ده
قالسی ایجاب ایلدیکنی سبب اوله رق کوستریکنز. باخصوص اکزدشمن
کندی احتیاطلرینی، بزمده امید ایلدیکنز کبی، (شارلی) نک شرق
کنارنده وضع ایتیش ایسه اوزمان مذکور کنارک عامینه بر هجوم یایمق
اقتضا ایده جکدر. موجودی ضعیف بر مفرزه ایله دشمنه یاقلاشمه نک
نه قدر کوچ بر شی اولدیغنی طبعی بوندن آکلار سکیز.

دشمن تهدید ایدلمش اولان جناحده کندی خط حربی اوزاتمغه
موفق اولدیغنی زمان، اکثریا بر احاطه هجومنه مأمور اولان قطعات
عسکریه یکی بر جبهه یه قرشو محاربه ایتمکه مجبوریت کوره جکدر. لکن،
خط حربک تمديد اولنان شویکی قسمی نسبة قیصه وضعیف اوله جق،
بناءً علیه حاجین اونک اوزرینه آتشجه تفوق حاصل ایده جکدر.
احاطه هجومنک اک باشلیجه فائده سی ایسه، ایشته بوندن عبارتدر.
بناءً علیه امر شو وجهله ترتیب ایدیله جکدر:

(۶۷) نجی پیاده آلاینک (۲) نجی طابوری و (۱۵) نجی استحکام طابورینک
برنجی بلوکی، هجوم اصلی (۵۰۰) متره مسافه ایله صاغدن تعقیب ایله جکدر.
استحکام بلوکی شوراده احتیاط ایله برلکده عین ماده ایچنده
کوستر مکدن ایسه اونک ایچون بروجه آتی آیریجه بر ماده آچقوها
ایو اولور سانورم:

(۱۵) نجی استحکام طابورینک برنجی بلوکی ، (وانی) - (روپیلی) یولی ابله بیوک یول آرده سنده (شی یول) ک شمالنده کی دره جک اوزرنده کوچک کوپر یلر تأسیس ایده جکدر .

بر محاربده سوارینک استعمالی بحثه کانجه ، بوراده ده آنک طوپلی قوتندن استفاده ایتک ایچون یوروشده اولدینی کبی آنی پارچه لمکدن صوک درجه چکنمک لازمدر .

بو نقطه اوزرینه پک چوق اصرار ایده جک دکل ؛ ذاناً دشمنه تصادف ایتدیککنز آنده ایکی سواری بلوکنزک نه قدر طاغیلی اولدیغی بر دوشونورسه کنز بو سنزک ایچون کافیدر ظن ایدرم . ایکی سواری یوز یا شیسنک ال آلتنده یالکنز بلوکلرینک یاریسنه مالک اولدقلمی فرض ایدرسه کنز همان حقیقتی سویامش اولورسکنز . ایلریده اوزون اوزادی یه بحث ایلجه جکم ، طوماسنر باروتک نأیرینی هیچده قله آمش اولسه کنز بیله ، بر مفرزه محاربده سنده سواریدن پک چوق شی استفاده اولنه میه جغنی فرض ایتکده حقایسکنز . سوارینک باشیجه وظیفه سی بری طرفی نأمین و دشمنی کشف ایلیمکدن عبارتدرکه بو وظیفه هجوم ائناسنده بیله دوام ایتلیدر . کرچه دشمنله ایودن ایویه تماس حاصل اولدقن صکره ، سوارینک تعیه وظیفه سی برنجی درجه وظیفه لری صرهمه کچر کی کورینور ، لکن اوینه دیدیکمنز کی اسکی وظیفه سنه دوام ایتکمه مجبوردر و ایتلیدر . زیرا ، مانورلرده اکثریا سواری طرفندن یاپلیدیغی کوردیکمنز هجوملر تعایم ایچون بر واسطه اولمقدن بشقه برشی دکلدر .

عمومی امرک سواری قوماندانه کلمسی ایچون اییجه بر زمان ایستر . سواری قوماندانی مذکور امری آلدقن صکره ایسه

کندی کشف قوللرینی جمع ایتمکه واوللری یکی باشند ویریلان امره کوره تقسیم ایلمکه مجبوردر. اصولاً ، هاجین قطعاتنک ایکی یانیده سواری ایله ستر ایدلمش اولق لازم کلور . لکن سواری بسبتون طاغیدلمش اولماق ایچون، قوتک اک بیوک قسمی ، دشمن سواریسنک اک چوق بولندی وداثره رؤیتک آز اولدینی جهتهده یعنی خدمتک اک مشکل بر صورتده جریان ایدهجکی طرفه کوندر . ملیدر . بناءً علیه بو جهته اپی موجودلی بر سواری قطعہ سی کوندرمک لازم کلور . برده احتمال ، وضعیت عمومیه دن طولای تام هجوم قطعی زماننده خصمک تازه قطعاتیله یاییلان بر باصقینه معروض اولمقدن چکندیکی یعنی هجوم اصلینک خارجی یانی ستر ایتمک . لزومی کورلیدیکی زمان کذلک سوارینک قسم اعظمی اوجهته کوندرمک . ایجاب ایده جکدر .

اگر بو جهتدن قورقیله جق برشی اولمزه و سزده سواریکیزی ایستدیکنکز کی قوللانمقده سربست قالمش بولنورسه کز اوزمان آنی هجوم ایچون اک الویریشلی اولان اراضی یه تخصیص ایتمکه باقیکنز . بزم مسئلهده ، یولک غرب طرفنده کی اراضی (موزهل) نهرینه قدر آچیقدر؛ بناءً علیه اورایه یالکنز بر قاچ کشف قولی کوندرسه کزده اوله بیلور . بالعکس ، (فانی) اورمانی جهتدن هجوم اصلنک صاغ یانی حمایه ایتمک خصوصی پک زوردر . هم اوراده خصمک تام بر سواری بلوکی وارکه ، بو بلوک بری طرفک (مهشی) جهتلرینی کشف ایتمنه طبیعی مانع اولمغه چالیشه جقدر . بناءً علیه سز ، سواریکیزک قسم کلیسنی ایشته بو جهته کوندرملیسکنز . شمدی یه قدر پیشداره الحاق ایدلمش اولان سواری طاقی ، تکرار سواری

قوماندانك اداره سه چكه رك، در حال صول جناحك امنيتى استحصاله
مأمور اوله جقدر. سزك آله جفكز ترتيبات هر نه اولورسه اولسون
ويريله جك امرده، سوارى قوماندانك هر ايكي جناحك حمايه سنى
تأمين ايلمكنن قطعياً مسئول اولديغنى آچيقدن آچيغه كوسترمليدر.
مفرزه قوماندانى ايلرى يورويشده سواريسنى نه قدر زياده سربست
بولنديرمش ايسه، مؤخرآ آنك اصول استعمالى تنظيم ايتك
خصوصنده دها او قدر زياده مشكلات چكه جكدرك. فى الحقيقه بويله
زمانلرده اكر سوارى مفرزه قوماندانك ايستديكى يولده حركت
ايتمش بولنورسه بو بر تصادفدن عبارت اوله جقدر. شو وقتلرده
سواريدن بكنيلان الك ايو خدمت، بر آن اول جبهه ايلرونى آچدقدن
سكره، هجوم ايچون كنديسنه ويريله جك او امره انتظاراً فقط ينه
استكشافه دوام ايتك شرطيله هاجمين قطعاتنك يانلرينه طويلانمق واونلره
قطعى بر صورتده مربوط قالمقدر. بيوك بر جزء تامده سوارينك
بر قسمى، احتياط ياننه براقيه بيلور. حال بوكه بر مفرزده سوارينك
بر قسمى احتياطه ترك ايتك بك نادر در.

بو كى مفرزه لرده بالعكس الله بولنديريلان كوچك سوارى
قطعه لرى ايچون جناح لر اوزرنده كوريله جك بك جوق ايشلر
واردر. بناءً عليه بر مفرزنك احتياطى صورت عموميه ده يالكز
پياده دن تشكىل ايدر. بزم مسئله ده، سوارينك نظر دقنى الك جوق
خصمك قواى امداديه جلب ايدم بيله جكى يوللره يعنى (آتيللى)
و (مەشى) يوللرينه متوجه اولمق لازم كلور.

بناءً عليه ايشته بزم سوارى ايچون قبول ايتديكم ترتيبات

شودر:

(۶) نجی سواری آلاینک برنجی وایکنجی بلوکلری صاغ جناحی ستر ایدم جکلر و(فانی) اورمانیله (مەشی) یولنی کشف ایتدکن بشقه (مالوری)دن کچمک (بوی) شاتوسیله (آنیللی) یه بعض کشف قوللری کوندره جکلر در. بر محاربه ایچون ویرلش اولان (۱)نجی امرده سیار خسته خانه طاقملریله جبخانه لک تجدید واکلی خصوصه دائر ترتیبات دائمی ذکر ایدیله مز. بوراده هرشی پک بسیط اولدیغندن محاربه نك نه یولده جریان ایدم جکی همان همان اولدن کشف ایدیله جک کبی برشیدر. سیار خسته خانه طاقی ، بو آندن اعتباراً (شی یول)ک جنوب شرقی مخرجده برلشه جک و یازده لیلرک عددی چوغالوبده جزء تاملرک کندی مأمورین صحیه سی آنلری باقمه کفایت ایتدیکی آندن اعتباراً دستگیره جی افرادی ایله (تسکره لرده برابر) یازده لیلر تقانه مخصوص اولان عربلری محاربه خطنه سوق ایدم جکلر. (شی یول)ک جنوب شرقی مخرجی بو خدمت ایچون پک اعلا بر یردر: بر دفعه مسکون بر محکم یقینه در. ثانیاً ، یانی باشنده بر صووار ، ثالثاً دشمن آتشنندن محفوظدر. سیار خسته خانه ، یالکز مفرزه قوماندانک ویره جکی امر رسمی اوزرینه تأسیس اولنه بیلور. زیرا محاربه نك هانکی جهته اک زیاده قیزیشه جفتی و بناءً علیه جزء تاملرک مأمورین صحیه سنه ، سیار خسته خانه نك نه زمان یاردم ایتسی لازم کله جکنی اوبیلور.

نشانی طابورینک (۴) جبخانه عربیه سی ذاتاً ایلروده بولئور؛ مذکور عربلرک بولنه جتی یری تعیین ایتک طابور قوماندانه دوشر. (۶۷)نجی پیاده آلاینک جبخانه عربلری ایسه (سن شی یول)ک جنوب شرقی مخرجنه قدر کندی طابورلرینی تعقیب ایلیه جکلر و موقتاً

اوراده قاله جقلردر . اگر امرده قسم کلینک بر آز توقف ایده جکی کشف اولته بیلمش ایسه ، شو توقفدن بالاستفاده جیخانه عربهلرنده کی جیخانه بی نفراته تقسیم ایتکه چالیشماید . واحتمال براز صکره ، مثلاً (روپینی) صرتی اوزرنده دیدیکمز جیخانه لری هجوم اصلی اجراسنه مأمور اولان طابورلرک افرادینه توزیع ایتک ایچون بر فرصت اله کچه جکدر . حاصلی نه یاپارسه کز یاپیکز ، ممکن مرتبه افرادک جیخانه سنی اولدن تزید ایتکه چالیشکمز . زیرا ، بلوکلر بر کره آوه یایلدقن صکره اونلرک جیخانه سنی تزید واکل ایتکهده پک چوق مشکلات چکیلور . ایکنجی طابورک جیخانه عربهلری ، یالکز مفرزه قوماندانی طرفدن صرف ایله یایلدیهلجک صورتده شمديک برنوع احتیاط تشکیل ایدرلر .

محاربه ایچون ویریلان امرده بر مغلوبیت وقوعی حالنده تعقیب ایدیله جک خط رجعتدن اصلاً بحث اولمز . بونک اصل سابی هیچ کیمسه نك موفقیت اوزرینه بر شبههیه دوشمش اولماسی در . لکن ، شو خصوص هیچ بر زمان مفرزه قوماندانک بر رجعتک وقوعی احتمالی ایله آنک حقنه آله جق ترتیباتی اولدن ده دوشونمسنه مانع دکدر . صورت عمومیهده رجعت حرکتی بیوک آغرقلره طوغری اجرا ایدیلور . بوراده بیوک آغرقلردن بحث ایتک ده لزوم سزد . اونلرک یری ذاتاً اولجه ویریلان حرکت امرنده کوسترلمشدر ؛ بوی ازنلر ایچون پک کوزل بریردر . بن آنی دیکشدر ته جک هیچ بر سبب معقول کوره میورم . شمدي کریه قلان شی یالکز محاربه ائساننده مفرزه قوماندانک بوله جنی محلی تعیین ایتکدن عبارتدر . مدکور محل بروجه آتی شرائطی جامع اولمق لازم کلور :

راپورلر ، مفرزه قوماندانه قولايجه واصل اولماق ايچون ، بردفعه بولنلمسى قولاي اولملى در ؛ مفرزه قوماندانى هم هجوم اصل يي وهم ايكنجى درجه هجومى كوروب اونلره نظارت ايد بيلمك ايچون ، آلان ترتيباتك همان مركزى كريسنده بولمايدر ؛

مفرزه قوماندانى يالكز كنديسنگ برنجي خطى دكل ، دشمنك حرکاتنى بينه ايوجه كوره بياشم اولماق ايچون مذکور محل برنجي خطه ايجه يقين اولمايدر ؛ كذلك مفرزه قوماندانى برنجي خطه وقوعه كله جك قضالردن مصون قالمق ايچون مذکور محل خط مذکوردن اولدقجهده اوزاق بولمايدر ؛

صوك سفرلرده اولدينى كبي ، بعض ياكشاقلر اوزرينه احتياط الدن چيقمش اولماق ايچون مفرزه قوماندانك یری مذکور احتياطي ترصد آلتده بولنديرمغه الويريشلى اولمايدر ؛ مفرزه قوماندانك يوريمكدن زياده ثابت قالمسنة مساعد بولمايدر ؛ زيرا ، طوروركن اطرايه نظارت ايتك دها اني اولور .

مفرزه قوماندانك چوق زمان اوراده قالمسنة مساعد اولمايدر . چونكه صيق صيق بولنديعى یری دكيشديرمك ، هم اطرائى ايوجه ترصد آلتده بولنديرمسنة مانعدر ، همده حرکات عموديهك سوق واداره سنده مفرزه قوماندانك حائز اولمى لازم كلان سكونتى اخلال ايتمش بولنور . حاصل بوصيق صيق دكيشديرمك خط دورلردن یريسده امرلرك وراپورلرك كچيكمش اولمسنةك چوق اير ايمسيدر . اكر بتون بوشرطلى جامع برير بولنمسه اوزين ۵ يچ دكل ايسه ، هجوم اصلينك حرکاتنى برر برتعقيب ايتمكه مساعد برير آرامق ومفرزه قوماندانى اوراده بولنق لازم كلور . بويه زمانلرده ايكنجى

درجه هجومی بر مستور محل ایله نظردن اوزاق دوشمش ایسه ،
مفرزه قوماندانی کندیسینی مذکور هجوم ایله ده دائمی بر ارتباطده
بولندیرمق ایچون اوجهته کندی هیئت ارکائی تشکیل ایدن ضابطلردن
برقاجنی کوندرر. بوسایه ده ، مفروزه قوماندانسه لازم کلان معلوماتی
ویره میه جک درجه ده کندی وظیفه سیله بوغلمش قالمسی محتمل اولان
مادون قوماندانلرینک مساحهلری برطرف ایدیله جکدر .

اکثریامفرزه قوماندانک یری ، طویحینک برنجی موضعی جوارنده
یعنی دشمندن همان بر (۲) کیلو متره قدر اوزاقده بولنور . لکن
طویجی هجومی احضارایتمک ایچون موضعی دکیشدیرمش اوله جفی
زمان ، مفروزه قوماندانی ده یری تبدیلی ایدر . ایسته بووجهله ،
میرآلای ب . ده امرینی ویردکن صکره ، درحال سرعتلی به کچرک
(شی بول) ک غریبنده کی تپیه کیده جک واوراده (شازی) علینده هجوم
اصلی به مأمور طابورلر (روپینی) خداسنده یایلمش اولنجه به قدر
قاله جقدر .

امری یازمزدن اول ، بن بر کره اونک اک مهم نقطه لرینی شویله
بر اجمال ایتمک ایستیورم :

- ۱ — کندی وضعیتیزی تقدیر ایتمک ؛
- ۲ — دشمنک وضعیتیه افکار و مرامنی تقدیر ایتمک ؛
- ۳ — قرار . هجوم لازم می دکلای؟ خصمک جبهه سنه می یوقسه جناح لردن
بریسنه می هجوم ایتملی ،
- ۴ — یایلمه ناک امتدادینی حساب ایتمک . ایکنجی درجه هجومی نصل تحدید
ایتملی واکا حد اصفریده برجبه ویرمک ایچون نه واسطه به مراجعت ایلملی .
- ۵ — هجومک یانلری اوزرنده ویا کریلرنده قورقیله جق هیچ بر شی
یوقیدر؟ یانلرده وکریلرده موانع وارمیدر؟ خطرجه تک کسلمش اولسی ممکنه میدر؟

۶ — قسم کلی نه زمانه قدر یول قول نظامنده قاله بیلور؟ نره دن اعتباراً
هجومه باشلامق لازم کلور؟ اکر دشمن ذاتاً یایلمش بولنورسه، اولدن نره ده
یایلمق ایجاب ایدیور؟ یایلمق ایچون خصوصی بر امر یازمق لازم می، دکلی؟

(شاتی یون) خرابه سی

۲ - ۸ - ۸۹ - ۶۰۴۰ کو

مفرزه امری

۱ — تخمیناً (۲) طاہور پیاده بر سواری بلوک و بر بطریه دن عبارت اولان دشمن، بیوک یول اوزرنده. (۲۰۴۰۸) راقل تپه ده موضعه کیرمش و بو موضع (شارلی) نك جنوب چیقندیسنه قدر اوزامش بولنیور . اوندن بشقه دشمن طوتدینی موضی تقویه ایدرك، بطریه سنی (۲۰۴۰۸) راقل تپه ده . سواری بلوکنی ایسه (فانی) اورماننده برلشدرمشدر.

۲ — مفرزه دشمن اوزرینه هجوم ایده جك و آنك سول جناحی احاطه ایلیه جکدر . پیشدار قطعاتی آرتق رفع و ازاله ایدلمشدر .

۳ — (۱۵) نخی سیار طوچی آلاینك برنجی طاہوری (۳ نخی بطریه اکسیك) (شی یول) ك غربنده کی تپه ده برلشه جك و دشمن بطریه سی اوزرینه آتش ایده جکدر .

۴ — (۱۱) نخی نشانی طاہوری ، ایلک اوکجه (روپنی) نك غربنده کی صرق طوته جق ، صکره هجوم اصلی یی حمایه ایتك ایچون (مچ) ، (آنتیلی) یولنك شرقه طوغری ایلرولیه جکدر . هجوم اصلی ، بیکباشی ك .. اداره سنده اولق اوزره (۶۷) نخی پیاده آلاینك (۱) ، ۳ نخی طاہورلری طرفدن (شارلی) نك جنوب شرقی چیقندیسی علهنه اجرا

ایدیله جکدر. بویکی طابور در حال یولدن
آیریلهرق (غریمون) اورمانی اوزرینه
یوریه جکلر بعمده (شی یول) - (روپینی)
استقامتی طوته جکلر در.

۵ — (۶۷) نجی پیاده آلاینک (۲) نجی
طابوری هجوم اصلی یی (۵۰۰) متره
مسافه ایله صاغدن تعقیب ایله جکدر.

۶ — (۱۵) نجی استحکام طابورینک
برنجی بلوکی (وانی)، (روپیلی) یولی
ایله بیوک یول آره سنده (شی یول) ک
شمانده کی دره جک اوزرنده بر قایچ کوچک
کوپری قوره جقدر.

۷ — (۶) نجی سواری آلاینک
(۲، ۱) نجی بلوکلری صاغ جناحی ستر
ایده جکلر، (فای) اورمانیله (مه شی)
یولنی کشف ایله جکلر و (مالوری) دن
کچهرک (بوی) شاتوسیله (آنتیلی) یه
بعض کشف قوللری کوندره جکلر در.

۸ — سیار خسته خانه طاقی (شی یول) ک
جنوب شرقی مخرجنده تأسیس ایدیله جک،
(۶۷) نجی پیاده آلاینک جیخانه عربده
لری ده موقتاً اوراده توقف ایله جکدر.

۹ — بن: (شی یول) ک غربنده کی تیه ده
بولنه جقم، راپورلر اورایه کوندریله جکدر.

میرآلای

ب ..

تبلیغ ایدلشدر:

قسم کلی ده کی آتلی ضابطلره
طوبیحی واستحکام قوماندانلرینه
شفاها،

پشدار ایله سواری قوماندانلرینه
ایسه، براس ضابطی
واسطه سیله وتحریراً ..

مسئله کرده سزذن ، خصم اوزرینه هجوم ایتزدن برآز اول
هجوم ترتیباتی کوستر بر قروکی دها ایستلمشدی . شو وظیفه دن
باشلیجه مقصد ، ایلک اوکجه آلمش اولان ترتیباتک متعاقباً فصل
تحول ایتدیکنی واک صکره نه شکله کیردیکنی سزه کوستر مکدر .
شبهه سز ، بو خصوصده سزذن پک چوق تفصیلات ایستلمز . یالکز
ایستیلان شی ، هجومدن اول مختلف قطعات عسکرینه نک نه وجهله
تقسیم ایدلمش اولدقلرینه دائر بر فکر صحیح ایدینوب ایدنمیککزی
بر یوقلامقدر . بونی آکلامق ایچونده قروکی اوزرینه برکوز
کزدیرمک پک اعلا کفایت ایدر .

صاغ جناحده بولنان ایکی سواری بلوکی (بر طاقم اکسیک) ،
(فانی) اورمانیله (مه شی) جهلترینه طوغری کوندریلان کشافلر
ایله ستر ایدلمش اولدقلری حالد طاقله قول نظامنده کوستریله جکلردر .
هجوم اصلینک آوجی خطی ، (شارلی) کویندن تخمینا بر
(۳۰۰) متره قدر اوزاقده اراؤه اولنه جقدر . خط مذکور صاغه
طوغری بر تعرضی قولتی تشکیل ایده جک و طابور باشنه (۳۰۰) ر
متره حسابیله (۶۰۰) متره قدر بر کنشلی حائر بولنه جقدر .
آوجی خطنک صولی ، (روپینی) ، (شارلی) یولنه استناد ایلیه جکدر .
هر طابور برنجی خطده آزدن آز ایکی بلوک بولندیره جقدر . سز ،
هر بلوکن ایکی حتی اوج طاقم یایمقده مختار سکز . لکن قروکیده ،
فصل یامش ایسه کز ، یالکز اونی کوستر مک مجبور سکز . ایکنجی
خط بلوکلری ، یاصف حربده ویا بلوکه قول نظامنده بولنه جکلردر .
بونلردن صاغ جناح طابورینه منسوب اولانلر ایسه صوله طوغری
ایلرولیه رک برنجی خطه یناشه جکلردر . بو بلوکلرده صرتک کریسنده

بولنه جقلردر . احتياط طاבורي بر ويا ايكي قدمه تشكيل ايدرك كنش
قول نظامنده واك چوق (۵۰۰) متره مسافه دن وصاغ طرفدن
هجوم اصلي يه تقرب ايله جكلدر .

هجوم اصلي ايله ايكنجي درجه هجومي آره سنده سز، ايسترسه كر
بر بوشلق براقه بيلورسكز، لكن بو بوشلغك ياك ده بيوك اولماسنه دقت
ايديكز . آوجي طاבורي ، دشمندن تقريباً بر (۴۰۰) متره اوزاغه
قدر ياقلاشه جكلدر .

بو طابورك اوچ بلوكي، برنجي خطده بولنه جق، يالكز (۴) نجى
بلوكي ايكنجي خطي تشكيل ايدرك (آنتيللي) بيوك يولنه استناداً
صول جناح كريسندن ايلروليه جكلدر .

طابور كندى آتشريله هجوم اصلي يي تقويه و حمايه ايتمه مجبور
اولديغندن برنجي خطده بلوكلردن هر بريسي اوچر طاقني آوه يايمش
بولنه جقلردر . آوجي خطندن يالكز بر طاقم بيوك يولك غريبنده
بولنه جكلدر . آوجي طابورينك محاربه جبهه سي (۴۰۰) متره يي
چكميه جكلدر .

برسواري طاقني صول جناحده قاهره ق آني، چيقاره جمى كشافلر
ايله ستر ايده جكلدر . بطريه لر كرك همان (رويني) نك غريبنده، كرك
بو كويك (۶۰۰) متره قدر شرقنده موضعه كيرمش بولنه جقلردر .
بكا صورارسه كز، بن شو موضعلردن برنجيسنى اوته كينه ترجيح
ايدرم . زيرا، طويجي (رويني) نك شرقنده موضع آلايني زمان، احتمال
پياده نك اوستدن آتش ايتمه مجبور اوله جكلدر . كرچه بو وجهله
حركت ايتمك ممنوع دكلدر . فقط اويله يايماق ممكن ايكن، بطريه لره
نيچون اوراده موضع آلايرملي؟ .

بونکله برابر اکر سز، ینه بطریه لر کزی ایکنجی موضعه برلشدیرمک فکرنده ایسه کز، سواری بلوکلر کزدن بریسی اوکا محافظ ویرمکی ده اونو تئما کمزی توصیه ایدرم. بوسواری بلوکی، صاغ جناحک خارجی کریسنده بولنه جقدر. صورت عمومیه ده طویجی ایچون خصوصی برمحافظه احتیاج یوقدر. لکن جناحلردن بریسنده بولنان بطریه لر شو بایده بر استئنا تشکیل ایدرلر. ایکی بطریه نك ایکیسی ده برخذاده موضع آله جقلردر. کرک طومانسز باروتک تأثیری وکرک شمیدیکی زمان مر میلرنده منطقه مضروب نك تزایدی حسیله، اوللری پک چوق تطبیق ایدیلان قدمه ترتیبیاتی قوللانمغه آرتق لزوم کورلر.

بطریه لرك قبالیلری ایله طوپارلاقلری، طوپلر خطک صاغی وصولی کریسنده (۲۰۰) متره قدر اوزاقده کوستریله جکلردر. بطریه احتیاطلرینه کلنجه، اونلر (شی یول) جهتنده مستور برمحکم کریسنده ویول خارجنده و بطریه لر ایله قولایجه ارتباط حاصل ایده جک بر صورتده اخذ موضع ایایه جکلردر.

هر نه وقت، سز بویله بر قروکی یا یمغه مأمور اولورسه کز، ایلك اوکجه شوآئیده کی قواعدی درخاطر ایتمش اولمکزی توصیه ایدرم:

ایکی جناحی مستند اولان برقطعه عسکریه بیوک برجیه اوزرینه یا یلمق حقق حائزدر. لکن اکر جناحلردن یا لکز بریسی مستند ایسه، اوزمان دیگر جناح عمقاً قدمه لر شکلنده ترتیب اونور. بر بلوکلر محاربه جبهه سی اصلاً ۱۰۰ متره یی کچمه ملیدر. سوره کلی محاربه ده اوزون برجیه اوزرینه یا یلمق ابو دکلدر. زیرا، اوزون جبهه لرده

آوجی خطی کثیف بر آتش اجرا ایتمکه مساعد اوله میه جفی کبی
خط مذکورک بدایتده کی آتشی کیده کیده الک صکره پک ضعیف
بر حاله دوکیلور.

بر طابورک محاربه جبهه سی اعظمی اوله رق (۴۰۰) متره دن
عبارتدر. شو حاله کوره طابورک درت بلوکی بر برینه بتیشیک بولنورلر
وطابور قوماندانی محاربه نک جریانه بشقه درلو بر تأثیر کوستره بیلمش
اولق ایچون الده آرتق سائر بر قوته مالک دکلددر. بناء علیه اکر
طابور قوماندانی مصادمه یه ایستدیکی کبی بر تأثیر کوسترمک، ویا بعض
احوال محتمله یه جواب ویرمک آرزو ایدورسه بر ویا ایکی بلوکی
احتیاطه براقلیدر.

قاعده عمومیه اوله رق شونی بلله ییکزکه، بر طابور الک آز بر
بلوکی ایکنجی خطه ترک ایتمکه مجبوردر. برنجی خطه قونیه لحق
بلوکلرک عددی تعیین ایتمک ایچون ایسه بر قاعده یوقدر. او احواله
تابعدر.

بدایتده ده، بلوکلری کاملاً یایمقدن چکنملیدر. زیرا، شدتلی
بر محاربه ده، مذکور بلوکلر طابور قوماندانک الندن اولجه چیقمش
اولدقلری کبی، کندی یوز باشلیرینک الندن ده پک قولایجه چیقمش
اولورلر. بلوکلرک کاملاً یایلملری آنجق صوک هجومه قالمزدن بر آز
اول وقوعه کله بیلور. مع هذا، سز شوندن بتون بلوکلرک بر آنده
کاملاً یایلمش اوله جقلری کبی بر مضایقار میگز. آجیق اراضیده،
یناشیق نظامده کی قطعات، (۸۰۰) متره دن آشانغی مسافه لرده دشمن
آتشی آلتده آنجق ایلری وکری تبدیل محل ایدرک قاله بیلورلر.
آوجی خطی (۸۰۰) متره لک مسافه یه کلدیکی زمان، آرتق آن قطعی ده

یا قلاشمش دیمک اولور. و بوندن براز صکره، ایلرولمک می، یوقسه
کری دونمک می لازم کلیر بوراسی بستیون میدانه چیقمش بولنور.
آوجی خطنک کشف اولمی بختنه یعنی یاییله جق نفرلرک عددینه
کلنجه، بو خصوصده ایلک اول آتیده کی سؤالی کندیکزه بر ایراد ایدیکز:
آتشم تأثیرات قطعه حاصل ایتمکه مجبورمیدر؟ یا خود یالکز دشمنی
اشغال ایتمک می لازم کلور؟ برنجی حالده، خط حربیه نه قدر عسکر
قوسه کزینه آذرر. بناءً علیه دوچار اوله جفکز ضایعات هر نه اولورسه
اولسون سز دائماً آوجی آتشرینک شدت و کثافتی برقرارده طوتمغه
دقت ایدرک، بر تأثیر اعظمی حاصل ایتمک ایچون برنجی خطه اپی
عسکر یایمش بولنه جقسکز. ایکنجی حالده، ممکن مرتبه آز آدم یایمغه
باقیکز؛ چونکه سز عسکرکزک جوغنی بر آز صکره کله جک اولان
زمان قطعی ایچون صاقلامغه مجبورسکز. آوجی خطکزک کثافتی
نه قدر آز اولورسه، شبهه سز اوغرائیله جق ضایعات ده اوقدر
آز اوله جقدر.

مختلف قدمه لر بیننده کی مسافه لر، مقصد محاربه ایله اراضی یه
تابعدر. بزم مسئله ده یناشیق نظامده کی اقسام عسکریه، هجوم قطعی یه
تام زمانده اشتراک ایتش اولق ایچون آوجی خطنه ممکن مرتبه
یقین بولنمیدرلر. زیرا هجوم قطعیدن صکره کچه جک زمان پک اوزون
سورمز؛ اکثریا پک قیصه اولور. بوراده کی زمینک حالنه باقارسه کز،
یناشیق نظامده کی اقسام عسکریه نک ایلرولمیرنی تسهیله الویریشلی
اولدیغنی کورورسکز. زیرا، اقسام مذکوره ایلری یه تقرب ایچون
(شارلی) نک جنوبنده بعض مستور یرلره تصادف ایدرک، اولردن
پک چوق مستفید اوله جقلردر.

مسئله مزی بتورمش اولق ایچون طومانسز باروت اوزرینه بر سوز دها سویلمک ایستیورم : شهسز، بویکی واسطه حربیه نك بتون نسیاهی هنوز تمامیه دها میدانه چیقارلمش دکلدر . بزنتایج مذکوره یی آنجق ایلریده وقوعه کله جک بر حربدن صکره تمامی تمامه اوکر نه جکز . مع هذا ، شمیدین دها اونک تعیه جه اولان بعض فواید و محاذیرینی میدانه قویتمق یک اعلا ممکندر :

برنجی فائده — یکی باروتک محرك مریسی بر آژ دها کرکین اولور ، و بو باروت کرک نفرك اوزرنده و کرک جبخانه عربله رنده طاشینه جق اولان جبخانه لک عددینی تزییده مساعددر ، برده مذکور باروتدن حاصل اولان جزئی طومان ، آتشک تأثیرلرینی آرترمغه ده مساعددر . زیرا انداخت میداننک هواسی ، آجیق و طومانسز بر حالده قالور . بناء علیه آتشک سوق و اداره سیله ، انداخت خصوصی آرتق طومانندن طولایی بر صیقندی یه اوضراش بولنر . شو فائده دن شهسز ، پیاده صنفندن زیاده طوبجی صنفی مستفید اولور . بناء علیه اوندن طولایی محاربه نك صوک دورنده طوبجی صنفنک ، وظایف سی کسمب اهمیت ایتمش بولنور . لکن ، آتش دها مؤثر اولدیغندن ، وسطی انداخت مسافه لری ده کذلک دها زیاده بیومش اولبور .

(۶۰۰ : ۵۰۰) متره لک مسافه لر ، شمدن صکره پیاده نك کوچک مسافه لری اوله جقدر . مؤثر بر طوبجی آتشی اوکنده ، یناشیق نظامده کی پیاده قطعاتی ، اوللری اولدیغندن زیاده ارکن و یک ارکن یا یلمغه مجبوریت کوره جکلر در . لکن اویناشیق نظامده کی پیاده لر بر کره (۸۰۰) و یا (۱۰۰۰) متره لک مسافه یه کلدکدن

صکړه دشمن طوېجیسی ایچون آرتق کری چکلمکدن بشقه بر چاره
قالیه جقدر .

ایکنجی فائده — قطعات عسکریه نك قوه مغویه سی اوزرینه
ضابطلرک تاثیریده آرتمشدر . بر طرفدن بو ضابطلر ، کندي
نفرلرینی دها ایجه کوز اوکنده بولندیرلر . نفرلرده کندي
آمرلرینک تحت نظارتنده اولدقلرینی بیلورلر ، دیگر طرفدن
ضابطلرک اهلیت شخصیه لری دها زیاده کوزه چارپار ودها زیاده
تأثیر حاصل ایدر .

اوجنجی فائده — اگر دشمن کوریلورسه ، کرک طوېجی وکرک
پیاده صنفی کندي انداختلرینی دها قولایجه تنظیم ایده بيله جکلردر .
مرمیلرک سقوط ایتدکلری نقطه لر ، دشمن طومانيله بيله آرتق
ستر ایدلش اوله میه جقدردر . برده ؛ خصم طویلرینک باطلامه لريله
کندي مرمیلر مزمک باطلامه لری آره سنده آرتق بر قاریشیقلاق فلان
اولیه جقدر . لکن ، بو صوک فائده آشاغیده سویله جکمز (۳)نجی
محدور ایله مقایسه ایديله میه جک درجه ضعیف بر شیدر .
محدورلر :

۱ — اگر دشمن کنديسینی بر پارچه کیزيله بیلورسه ، آتی
ایودن ایویه کورمک پک زوردر . زیرا ، بولندینی موضع آرتق
انداختدن حاصل اوله جق طومانلر ایله آکلاشيله مز . بناءً علیه
سواری یاه جنی استکشافلرک ناقص نتیجه لر ویردیکنی کوره جکلدر .
اوندن بشقه خصمک موضعی و موضعه فصل یرلشدیکنی ایوجه
آکلامقسزین ، دها اوزاق مسافهلرده ایکن سواری بر چوق
ضایعانه اوغرایه جقدرکه بوخصوص هیچ شبهه یوق آنک قوه مغویه سنده

فنا قنا تأثیر لر حاصل ایده جکدر . بناءً علیه خصمه دائر قطعی بر معلومات ایدتمش اولوق ایچون ، سواری بی دها زیاده قوتلی بولندیر مقی وشدتلی برضابط ویا کوچک ضابطک ادا دهنه ویرمک لازم کله جکدر .

۲ — اوللری محاربینی احاطه ایدرک اونلرک صاغ وصولنده جریان ایدن شیرلی کورمسنه مانع اولان طومان ییغینلری آرتق بر طرف ایدلدیکی ایچون وایکی مخاصم آره سنده کی محاربه مسافه لری آرتمش اولدینی ایچون سواری اولکی زمانلرینه نسبتاً شمدی دشمن پیاده ویا طویچی اوزرینه باصقین ایتکده پک زور موفق اوله بیله جکدر . بوندن اکلا شیلیورکه ، سواری نک محاربه ده کی وظیفه سی یکیدن بر قدمه دها آشاغی اینمش بولئور . مع هذا ، بنینه بوسوزمله ، سواری نک پیاده اوکنده آرتق هیچ حکمنه تنزل ایتمش اولدینی دیمک ایستیمورم . کچمشده اولدینی کبی شمیدین صکرده سواری ، خصمک بعض مساعهلرندن ، طالفینلغندن ، یورغینلغندن استفاده ایتک یولنی پک اعلا بوله بیله جکدر . سواری ، کندی یوریشنی کیزلمک ایچون اوزن طولاشمه لر یایمقدن قوقیورسه ، شو خصوصده ، اراضیدن پک بیوک معاونت لر کورمه جکدر .

۳ — طومانک پک جزئی بر شیدن عبارت اولیشی ، هدفکده پک جزئی بر صورتده کورلمسنی موجب اولور . باخصوص ، پیاده و طویچی موانعدن بالاستفاده آتشن ایده جکلری ایچون اوزمان هدفلرک جنس و قیمتتی تقدیر ایتک حقیقت پک زیاده مشکلات کسب ایدر . واحتمال هدفلری هیچده کورمک قابل اوله منر . حال بوکه ،

اوللری هیچ دكلسه بوموانع كریسندنه كیزلنن عسکرلرك طومانی اوزرینه نشان آلیق ممکن اولوردی .

بومحدور پیاده دن زیاده طومانی صنفی اوزرنده کندیسینی کوستریور .
فی الحقیقه صنف مذکور ، ایلریده آوجی خطلری ویا موضعه کیرمش دشمن بطریه لری اوزرینه اوزاق مسافهلردن کندی انداختی تنظیم ایلیمک خصوصنده بیوک مشکلاته تصادف ایده جکدر . خصمک طوب و تفکله رندن چیقان علولری کوره بیلیمسی آنجیق پک مستتا و مساعد حاللرده اوله بیله جکدر .

۴ — طومانسز باروت ، اصل قوماندان اولان ذاتی محاربه یی سوق و اداره ایتمکده پک چوق مشکلاته دوشورور . زیرا بوقوماندان آرتق محاربه نك هیئت عمومیه سنی کوره میه جکی کبی ، کندی خطنی دشمن خطندن تقریق ایتمکده مقتدر اوله میه جکدر . حال بوک و قتیله هر ایکی طرف آتشلرندن پیدا اولان طومانلر ، هر ایکی طرفک خطلرینی بر برندن پک کوزل تقریقه مساعده ایدیوردی . بناء علیه کرك برنجی خطده کی قطعاتک کوندره جکلری معلومات ، وکرك قطعات مذکوره یاننده بولنان ارکان حربیه ضابطلرینک دشمنه دائر وقوعه کلن اشعاراتی پک بیوک بر اهمیت قازانمش اوله جکدر . وضعیت عمومیه یی ایوجه تقدیر ایلیمش اولق ایچون باش قوماندان اولان ذاته اولدن زیاده وقت لازم کله جکدر .

بناءً علیه محاربه نك حرکات ابتدائیه سی و بوندن طولانی محاربه نك کندیسیده ده اوزون سوره جکدر .

۵ — و قتیله ، پیاده و بالخاصه طومانی صنفک دشمن قرشوسنده

بعض حرکات اجرا ایتملرینه مساعد اولان طومان پرده لری آرتق موجود اولیه جقدر .

۶ — ضایعاتک تاثیر مغنویسی اولکندندها زیاده اوله جقدر .
زیرا هر آوجی ، هر طویچی ، اوللری طومانلر واسطه سیله قسماً بر طرف ایدیله بیلان مر میلرک تاثیرات مهلکه سنه شمدی آچیقدن آچیفه معروض قالدقلرینی پک اعلا حس ایده جکدر . اگر محاربه میدانک بر قسمی اوزرنده شمدیکی آتشلرک تاثیرات فائقه سنی جمع ایتمکة موفق اولنورسه . بو حال شهسز نتیجه نک بر آن اول میدانه چیقمش بولنمنه یاردم ایده جکدر . بناءً علیه مغلوبیته دوچار اولان هر قطعۀ عسکریه اولدن زیاده ودها چابوق قوه مغنویه سنی غائب ایدرک بیوک بر پریشانلغه دوچار اولمش بولنه جقدر .

۷ — مدانمین ، مطلوبه موافق بر صورتده تحکیم ایدلمش اولوق خصوصنده ، دها زیاده مشکلاته اوغرایه جقلردر . زیرا استحکامات خفیفه عملیاتنه هر زماندن زیاده بو زمانده ، اوزاقدن سچلمسی ممکن اوله جق صورتده بروفیلر ویرمکدن صوک درجه چکنمک لازم کله جکدر .

بو مختلف نقطه لری ایوجه بر تدقیق ایتدیککز حالده ، کوریور-سکزکه ، طومانسز باروت اوپله بعضیلرینک دیدکلری کبی تمیه یی آلت اوست ایتمش دکلدر . یالکز محاربه نک بعض قسملری ، اولجه حائر اولمدقلرندن زیاده بر اهمیت قازانمشلردر ، ایشته بوقدر !

مثلاً پیاده صنفی ایچون : اراضیدن استفاده ایتمک ، ارکندندها ، آچیق یعنی آره لقلی تشکیلات قبول ایتمک یناشیق نظامده کی اقسام عسکریه یی اوزاق بولندیرمق ، سواری ایچونده استکشاف خدماتند

اوغرانیلان ضایعاتدن طولایی پک متأثر کورینه مک ، محاربه یرلرنده
دائما متبصر و آجیق کوز اولمق ،

طوبجی به کلنجه ، دشمن نظرندن مستوراً بطریه لر حالنه کچمک
دشمن طوبجیسنی بطریه لر حالنه کچمزدن اول کشف ایتک ، دشمن
آوجیلری یناشدینی زمان پک احتیاطلی طاورامق لزومی تحقیق ایلمشدره



اون اوچنجی فصل

«عمومی خریطه و (مچ) بافته سی»



وضعیت عمومی

شمال قطعاتی، اراضی ملیه اوزرنده و غیر مستحکم اولان (مچ) شهرنده اجتماع ایدیورلر. جنوب قطعاتی ایسه، (استراسبورغ) ی ترک ایله (شاتو-ساله) دن کهرک ایلرولمکده بولنیورلر.

شمال مفرزه سنک وضعیت خصوصیه سی

(۱) - میرآلای ب. . قومانداسنده اولان شمال مفرزه سی (۳ طابور پیاده، ۳ سواری بلوکی، ۲ بطریه و بر استحکام بلوکی) ۸۹ سنه سنک $\frac{۲}{۳}$ مارت کیجه سی (سابلون) ده کوی اردوگاهنده کچیرمکده در (مفرزه نک ایلری قول وظیفه سنه مأمور اولان بر طابور پیاده، یارم سواری بلوکی (سن پی یر) نه ری اوزرنده بولنیور). مذکور مفرزه، دشمنک (سهیل) ایله (هوپتال) اورمانلری آره سندن ایلرولسنی منع ایتمک ایچون مارتک (۳) نجی کونی (ورنی) و (پورنوی لاغراس) ی طومعه مأموردر.

بودن دهاقوتل و میرآلای س. . اداره سنه و یریلان دیگر بر مفرزه ده آیک (۴) نجی کونی، (قریژی) دن حرکت ایدرک (اورنی) و (غره و-لا هوت) ی اشغاله مأمور ایدلشدر. حالا دشمنله تماس حصوله کلمه مشدر؛ (صولکده) ده اقامت ایلان بر کرک مأمورینک شایان اعتماد حوادثلرینه نظراً دشمن سوارینک ده مارتک برنجی کونی اوکله دن صکره محل مذکور [عمومی خریطه] اشغال ایتمش بولندی آکلاشیلور. کرک مأموری، دشمن اوراسنی اشغال ایتدکن صکره فرار ایتشدر.

اجرا اولنه جق وظیفه

۱ — میرآلای ب. . نک ۳ مایس ۸۹ تاریخی ایچون آله جنی ترتیبات:

۲ — تدابیر متخذنه نک اسبابی.

ب)۔ پیشدار هنوز یوریشہ باشلادینی برآندہ ، میرآلای ب.. دها شفق سوکزدن اول ، ایلری قره غوللر طرفندن کوندرلش اولان برضابط کشف قولنک آتیده کی راپورینی الور :

(۲۳۷۱۱ راقلی تپه) (آویژی) اورماننک شرقتده]

۳ — ۳ — ۸۹ — ۶ کو

بعض کوچک سواری قطعه لری ، (شهریزه ی) دکرمنی ایله (ودرنی) نك شمال مخرجنی اشغال ایدیورلر. « عین زمانده برآز اول ذکر ی کچن کمرک مأموری ده شو حوادثی کتورر : » بر بطریه طویچی ایله برلکده دشمن پیاده سی دون آقشام (لی بهون) ه کیردی . « آره دن اون دقیقه کچر کچمز ، برآز اول سویلمش اولدیغمز ضابط کشف قولندن ایکنجی برراپور دها کلورکه اوده شوندن عبارتدر :

(تویله ری دوفلوری)

۳ — ۳ — ۸۹ — ۶ کو

« (پورنوی لاغراس) دن حرکت ایتش اولان بر دشمن سواری بلوکی (نوتردام) دن کچرک (فلوری) اوزرینه یورپور . مذکور بلوک شمدی (نوتردام) ه واصل اولقی اوزره در . بیوک یول اوزرنده ، (لامانسه) اورماننک شمالنده ، بر دشمن سواری طاقی ده سرعتی ایله (فلوری) اوزرینه یورپور . (لامانسه) اورماننک غربنده ایسه بر پیاده بلوکی ایلرولپور . بن (پوی) اوزرینه چکیلیورم . »

پیشدار قسم کلیسی ، (سن پی ر) کوپرسنه واصل اولدینی زمان ، شو نقطه به قدر ایلرولش بولان میرآلای ب .. جنوب شرقی استقامتده طوب سسلری ایشتمکه باشلار . وعین زمانده ، ایلریده بولانان کندی سواریسندن (پوی) دن کوندرلش اولان شو معلوماتی آلور :

« (فلوری) نك جنوبنده ، بیوک یول اوزرنده و (نوتردام) ده دشمن پیاده سنه راست کلدم . همان پوی اوزرینه چکلدم .

(۲۰۱) طابور پیاده ، بر سواری بلوکی و بر بطریه قوتنده تخمین ایده بیلدیکم دشمن ، (فلوری) ایله یول اوزرنده (تویله ری) به واصل اولش بولنیور . اویله آکلایورم که دشمنک پیاده سی شو ایکی نقطه بی طومتی فکرنده در. دشمنک

پیاده‌سی شوایکی نقطه‌ی طومق فکرنده‌در. دشمنك سواری بلوکی، (فلوری)،
(شہزنی) یولنك (هوپیتال) اورمانلرینه کبردیکی نقطه‌ده بولنیور. «

عین‌زمانده میرآلای (ب. ۰۰) (ژوری لوپوتی) دن و میرآلای س. . طرفندن
کوندرلش اولان آتیده‌کی راپوری آلور. « اوکده‌کی دشمن، (پی‌برژو) نك
جهت شرقیسنده (۲۷۰۶۸) راقلی تپه‌ی اشغال ایدرك (قاما) اورماننه قدر
امتداد ایللیور. بن‌شمی (پی‌برژو) اوزرنده، دشمنه هجوم ایده‌جکم. «

یاسیله‌جق وظیفه

۱ - میرالای ب. . طرفندن آلان ترتیبات :

۲ - آلان ترتیباتك اسباب مویجه‌سی :

۳ - هجومدن اول ترتیباتك قروکی طرزنده اراشه‌سی .

تنیه - یناشیق نظامده قطعاتك (هوپیتال) اورمانلرندن کچه‌یلمسی یالکز
موجود یوللره منحصردر .



اون دردنجی مکتوب

ایلری، یوروش — تصادفی محاربه

وضیعت ، مارتک دها (۲) نجی کیجه سندن اعتباراً بر اجتماع امری ویرمکه استعجال کوسترمش اولمکزی طلب ایتیمور . دشمن سزدن پک اوزاقده بولنیور . بناء علیه برکون اول آلمش بولنه جغکز ترتیاتی کاملاً دکیشدیرته جک بعض حوادنک کلمی پک محتملدر . مع هذا ، شویله برامر ویرمکه بیوک بر قباحث ایشلمش اوله جق دکلسکز . لکن ، وضیعت قاریشیق اولمدیفندن کوکلم اولیله آرزو ایدیورکه ، هر شیئکزی یالکزی حرکت امریله تنظیم ایتمش بولنه سکزی .

امرکزی یازمزدن اول سزه بر قاق شی تنیه ایده جکم : پک اوزاقده بولسان دشمن ایله تماس حاصل ایتک ایسانلیدیکی ایچون سواریکیزک قسم اعظمی پیشداره الحاق ایتکده معنا یوقدر . اولیله ایسه سواری مستقل بر اقیله جقدر . وبو سواری ، وظیفه سنی اجرا ایتک ایچون کمل سرعتله (صولکهنه) اوزرینه ایلر ولیه جکدر . بر قاق زمان صکره سواری پیشداردن قطعاً آیرلمش بولنه جق ، بناء علیه پیشدار اونی اوزاقدن تعقیب ایلیه جکدر . سواری بی پیشداره ملحق بولندیرمق ، مفرزه قوماندانی ایچون دشمنه دائر الزم اولان حوادنک ورودینی تأخیر ایلمک دیمک اوله جقدی . شبهه بوق پیشدارده کندی امنیت خصوصیه سی ایچون بر مقدار سواری

ویرله جکدر. بنجه اوکا ایکی طاقم قدر سواری ویرمک بوراده پک مناسب اولور.

کریده مستقل سواری ایچون دها ایکی بچق بلوک قدر برشی قالورکه، آز دکدر.

پیشداره طوپیجی ویرمک خصوصنده ده بر سبب معقول کوره میورم. استحکام بلوکنه کلنجه اونی جانکز نره به ایسترسه یعنی کرک پیشداره و کرک قسم کلی به ویریکز: بونده هیچ بر باس یوقدر.

مسئله کزده، شمدی به قدر دشمنله تماس حاصل ایدیه مدیکی سویلنمش ایدی؛ مع هذا سز، ینه مادونلریکزه خصمک تعقیب ایتمی محتمل اولان استقامتی سویلمکدن چکنمیکز، بالعکس اونی مطلق کوستریکز. خصمک وضعیت عمومیه سنی تشریح ایتک ایچون سز مطلق نم قوللاندیغ تعییرلی صرف ایتمکده مجبور دکلسکز، بشقه تعییرلر قوللانه بیلورسکز واز جمله آنی سویله جه خلاصه ایده بیلورسیکز:

(استراسبورغ) دن حرکت ایدن دشمن، (شاتو-سالن) دن کچرک ایلرولمکده در؛ دشمنک سواریسی دون (صولکهنه) به واصل اولشدر.

بوصوک حوادث امنیت شایان بر مأمور طرفندن ویرلش اولدینی ایچون طوغری کبی تلقی ایدیه بیلور. میر آلا ی ب. . نک یوروش هدفه کلنجه، سز آنی بر صورت عمومیه ده کوستره جکسکز: وهر نه قدر مسئله ده (پورنوی - لاغراس) دن ده بحث اولنیورسده ایلک اوکجه (ورنی) اولسی بنجه دها معقولدر. اکر دها صکره سز بو ایکی محکم ایکیسنی ده اشغاله موقت اولورسه کرکه پکده محتمل دکدر؛ اوزمان مادونلرکز هدفک اوصورتله انتخاب ایدلش اولسنک

معناسنی یکدن آکلارلر . مارت آینده کولش ساعت (۶) یه طوغری
طوغار . بناءً علیه ساعت (۷) دن اول یوله چیقما ملیدر . واقعا بعض اسباب
مجبوره اولورسه (۷) دن اولده یوله چیقه بیلورسکز . لکن حمد اولسون ،
بوراده او یله اسباب مجبوره یوقدر .

پیشدار ایله قسم کلی ، هیچ کیمسه برخطوه بیله کری یوروش
یا یاماق ایچون ایلریده وایکی قدمه دن هیچ بریسی دیگرینی بکلمکه
مجبور اولیه جق بر ساعتده اجتماع ایدیه جکلردر . اجتماع نقطه سی
اوله بیله جک وهان همان عین قیمته بر جوق نقطه لر واردر . بنم
پیشدار ایله قسم کلی ایچون انتخاب ایتدکرم بر بندن تخمیناً (۷۰۰)
متره قدر اوزاق بولنیورلر . پیشدارک بویدن بویه یوله کیرمش اولسی
ایچون (۲۲) دقیقه لازم اولدیغندن اگر قسم کلی بولندی یردن
(۲۰) دقیقه صکره حرکت ایدرسه ، همان همان پیشدارله اولان
مسافه سنی آلمش بولنه جقدر . ایلری قره غول سواریلری ایچونده
کذلک ایلری قره غوللر خطنک ایلریسنده بر اجتماع نقطه سی واجتماعک
وقوعه کله جکی ساعتی ده کوستریکز .

پیشدار ایله قسم کلینک اجتماعی ائناسنده ایلری قره غوللر
سواریلی ، جنوبه طوغری صیق ، صیق کشف قوللری کوندره رک شدتلی
بر استکشاف خدمتده بولمغه مجبوردر . ساعت (۷) یه کله ججه ،
مستقل سواری سرعتلی یوروش ایله ایلری قره غوللر خطنی کچه جک
وبو آندن اعتباراً سزک ایلرولریکزی استکشاف ایتک واوزاقدن
سزک امنیکزی استحصال ایلمک وظیفه سی آرتق اوکا عاڈدر . او یله
ایسه ، ایلری قره غوللر سواریلی ایجه ایلریده بر یرده اجتماع ایدرک
بوسایده بالسهوله پیشداره التحاق ایتمش بوانه بیله جکدر . پیشدار

(پوی) دن کجەجکی زمان سوارینک ده بوکویک شال مخرجده اجتماع ایتش بولمنسی امر ایدیکز .

دشمنه هنوز تماسده بولنیه مدینفایچون بیوک آغرقلریکزی ده برابر کوتورمکزه مساعدده ایدرم . فی الحقیقه دشمنه دائر الدہ ایتدیکز معلوماته نظراً ، اوزرلرینه طوغری یوریش اجرا ایتکده اولدیقنر نقطه لره واصل اوله میه جفکزه واونلری ، دشمندن تعجیز ایدلمکسزین اشغال ایتش بولنه میه جفکزه دلالت ایدر آرده ده هیچ برشی یوقدر . آنک ایچون دیورمه ، سز ، بیوک آغرقلریکزی ده برابر کوتور . ملیسکز . اک ایوسی بیوک آغرقلر بیوک یول اوزرنده اجتماع ایتلیدرلر . لکن اوילה بر ساعتده اجتماع ایتش بولنلیدرلرکه ، (سابلون) دن کلان اقسام عسکریه کندی اجتماع نقطه لره کیدرکن ، اونلر طرفدن هیچ بر تعجیزلک فلان کورمسونلر ..

میرآلای ب .. ایله میرآلای س .. بر درجه یه قدر همان عین وظیفه یه مالک بولنیورلر : یعنی اونلرک اصل وظیفه لری دشمنی (میچ) ه کلکدن منع ایتک و شمال قطعاتنک اجتماعنی ستر ایلمک در . بناء علیه ایکی مفروزه قطعی برارتباط ایچنده حرکت ایتکه و دایمما کندی قرارلرینی بربرینه خبر ویرمه مجبوردرلر . بوندن طولانی ، میرآلای ب .. کندی حرکت امرینک بر صورتی ده میرآلای (س ..) ه کوندره جکدر . شونقطه یی نظر دفته آلمش اولدیقکری بللی ایتک ایچون آنی امرده ذکر ایتلیسکز . ایشته امریکز بو وجهله یازیله جقدر :

مفرزه امری

۱ — دشمن (صولکه نه) دن قالفه رق
بزمه تصادف ایتک اوزره یوروش یاپور
کبی کورینیور . میرا لای س . . قوما-
نداسنده بولنان بردوست مفروزه سی یارین
(قریژی) دن (غروه لاهوت) اوزرینه
یوری به جکدر .

۲ — مفروزه یارین (وهرنی) اوزرینه
ایلرولیه جکدر .

۳ — مشقتل سواری ، یارین صباح
ساعت یدیده (مانپی) نك شمال مخرچندن
حرکتله (وهرنی) و (شهرزهی) دن
کچهرک (صولکه نه) اوزرینه یوری به جکدر .
بوسواری (هوپتال) اورمانلرخی ترصد
ایتدکدن بشقه میرا لای س . . مفروزه -
سیله ده ارتباطده بولنه جقدر .

۴ — پیشدار یارین صباح ساعت (۷) ده
(مانپی) نك شمالنده کی (اسکی کوپری)
دن حرکتله (وهرنی) بیوک یولنی تعقیب
ایده جکدر .

۵ — قسم کلی : باش طرفی (سابلون) نك
جنوبنده (سهیل) کوپریسندده اولق
اوزره یارین صباح ساعت (۷) پی (۲۰)
کچه بیوک یول اوزرنده ویول قولنده
بولنه جق و (۷۰۰) متره مسافه ایله
پیشدار تعقیب ایلیه جکدر .

۶ — پیشدار باشی کندی خذالریخی

انقسام عساکر

۱ — مستقل سواری : بیکباشی . .
۱۳ نجی سواری آلای (۴ نجی
بلوک ایله ۲ نجی بلوک ۲ طاقی
اکسیک) .

۲ — پیشدار : بیکباشی ق . .
۱۳۰ نجی پیاده آلاینک برنجی
طابوری .

۱۳ نجی سواری آلاینک ۲ نجی
بلوکندن ایکی طاقم .

۱۶ نجی استحکام طابورینک برنجی
بلوک .

۳ — قسم کلی « یوروش نظامی »
۱۳ نجی سواری آلاینک ۲ نجی
بلوکندن برکوچک ضابط و ۶
سواری .

۱۳۰ نجی پیاده آلاینک ۲ نجی
طابوری .

۳۱ نجی صحرا طوپچی آلاینک
برنجی طابوری (۳ نجی بطریه
اکسیک)

۱۳۰ نجی پیاده آلاینک ۳ نجی
طابوری .

کچدیکی کبی ایلری قره غوللر پیاده سی
(وهرنی) دن (سابلون) ه کیدن یول یقینده
اجتماع ایده جکدر . ایلری قره غوللر
سوارسی ایسه ، ساعت (۸) ی (۲۰)
کچه (پویی) نك شمال مخرجنده پیشداره
التحاق ایده جکدر .

۷ — بیوک آغرقلر ، معیتنده بر قاج
سواری بولانان ۱۳ نجی سواری آلاینك
ایکنجی بلوکندن بر ضابط اداره سنده
اولق اوزره صباح ساعت (۷) ی
(۴۰) کچه (سابلون) ك جنوبنده بیوک
یول اوزرنده قول تشکیل ایده جکار وقسم
کلی ی (۲) کیلومتره دن تعقیب ایلیه جکلر در .
۸ — بن قسم کلینك یاننده حرکت ایده جکم
راپورلر اورایه کوندرلیدر .

میرآلای
ب ..

قطعات عسکریه دن وایلری قره
غوللردن کوندریلان ضابطلره
یازدیرلش . بر قوپیه سی ده آیریجه
بر ضابط واسطه سیله میرآلای
(س.) ه کوندرلشدر .

یول ائناسنده میر آلائی ب.. هپسی عین مألده اولمیان بر جوق
راپورلر آلور:

برنجی راپور، دشمنله تماس حاصل ایدلیدیکی کوسترر. اوزمانه
قدر بو دشمنک یالکز (مچ) اوزرینه یه ریدیکی وسوارینک (۱)
مارتده (صولکانه) یه واصل اولش بولندینی بیلنیوردی. ایشته
شمدی کلان راپورده ایسه آیک (۲) نجی کونی دشمنک (صولکانه) بی
کچدیکی خبر ویریلور. اوت، دشمن (لی یه هون) مکلشدر. سوارینسی
یقین مسافه دن پیاده قطعاتی تعقیب ایدیور. بوندن اکلشیلورکه دشمن
میر آلائی (ب..) یه بوسباح بیله تصادف ایدم جکدر. زیرا، کلان
راپورلره نظرآ (غروه لاهوت) و (شه ریزه می) دن کچرک (مچ)
اوزرینه یوروشنه دوام ایدم جکنه حکم ویریله بیلور. احتمال کینه،
دشمنک قوای اصلیه سی ایلری یوروشلرینه دوام ایدرک
یالکز غربده (هویتال) اورمانلری جهته برآز عسکر کوندرمکه
اکتفا ایلیم جکدر. ذاتاً شواورمانلر ایچنده یالکز پک آز موجود
اولان یوللر اوزرنده یوریمک قابل اولدینی ایچون، مذکور اورمانلر
بر مانع تشکیل ایدم جکدر. اوایل ایسه بردن (هویتال) اورمانلر-
ینک شرقدن وغربندن ایلرولمک فکریله دشمنک قوه موجوده سنی
ایکی مساوی قسمة آیمرسنه پک آز احتمال ویریله بیلور. بو برنجی
راپور، میر آلائی (ب..) نک یوروش ترتیباتی تعدیل ایتدیرمک
درجده برقوتی حائر دکلدر.

بر ضابط کشف قولی طرفندن کلان ایکنجی راپور ایسه،
هر امیدک فوقده خصمک شدله ایلرولمکده و (فلوری) اوزرینه
یوریمکده اولدینی کوستریور. بو راپور، ایلریده نه وار نه یوق،

کندی کوزيله کورمك ايچون مير آلاي ب.. نك ايلري چکمني موجب اولور. دشمنك قواي موجوده سنه دائر، شمدي يه قدر ذاتاً اولجه نه بيلنيورسه، اوندن فضله هيچ بر حوادث آلنه مامشدر. دشمن سواريسندن صرف نظر ايديله رك، شمديكي حالده، بر دشمن پياده بلوكنك يول اوزرنده بولنديني محققدر. لکن بو بلوكنك ديكر قطعات عسکريه ايله تعقيب ايديلوب ايدلمديكي هنوز بللي دکلدر. كذلك، (نوتردام) اوزرينه يوريان دشمن قولنك قوتي ده هنوز معلوم اوله مامشدر. بناءً عليه، مير آلاي ب.. يا تعرض ويا مدافعه ايچون بر قرار ويرمکه مجبوردر. (وه رني) ويا (پورنوي لاغراس) موافقندن بر يسي طوتمق خصوصه کلنجه بوني دوشونمك ايچون ده ا وقت وار. شمديك مير آلاي ب.. نك يالکزي آلديني امرلر داخلنده قالسي و دشمني شماله طوغري ايلرولمکدن منع ايتمي يتيشور. بناءً عليه ديمک اوليورکه مير آلاي ب.. دشمنله تصادف ايتمک اوزره ايلري يورويشنه دوام ايدمک و بو خصوص، بر تعرضي محاربه ايله نهايت بولش اوله جقدر. اما بر شرط ايله که، دشمن عددجه پک زياده فائق اولوب ده مؤخرأ بوتعرض حرکتی هيچ بر موفقيت کورميه رك بسبتون نتيجه سز بر افش اولسون.

اگر مير آلاي ب.. ده ايلک حمله ده مثلاً (هوت که نوت) ويا (ماني) نك جنوبنده کي صاغري اوزرنده مدافعه يه چمک ايستيورسه، اوزمان امين اولسون که وطيفه سني باشه چيقارمش اوله ميه جقدر. زيرا بو وجهله (سه يل) ايله (هوپيتال) اورمانلري آره سنده کي اراضي کي کاملاً دشمنه ترک ايتمش بولنه جقدر. يورويشه دوام ايتمک ايچون ايکنجی بر سبب ده اوارکه اوده مير آلاي س.. نك

وضعیتیدر. کرجک ، میرآلای ب.. نه قدر چوق اراضی قازانه جق اولورسه ، دشمن قوتلرینی دها او قدر زیاده کندی اوزرینه جلب ایدرک ، میرآلای س.. نك وظائفی دها او قدر زیاده تسهیل ایتمش بولنه جقدر. اگر دشمن ، مثلا ، (فلوری) دن (شهزنی) به کیدن یولدن استفاده ایده بيله جک اولورسه ، اوزمان میرآلای س.. اورماندن کندی علیه یایيله جق بر باصقین حرکتنه معروض قالمش بولنوردی .

بناءً علیه کوریلورکه ، تصادفی بر محاربه نك وقوعه گلشی پك محتملدر. شویله بر حالده ایسه ، مفرزه ، صوك زمانده ، احتمال کندیشی ده هنوز یانلمه حرکتی اكمال ایده مامش اولان یالکز بردشمنه قرشو یایلمغه مجبوریت کورمش بولنه جقدر. شمدیلک دها دشمنك نه زمان و زرده یایلمش اوله جنی ویا اولدینی بزجه معلوم دکلدر. بونك ایچون ایکنجی راپورده ، میرآلای ب.. نك یورویش حرکتی تأخیر ایتمش اولسنه اجرا تأثیر ایلیمه جکدر. سوارینك دشمنله تماس حاصل ایتشی دها چوق زمان سورمیه جکدر ظن ایدرم. میرآلای ب.. دشمنه دائر ایودن ایویه معلومات آلدینی زمان ، کرك تعرض ایچون یایلمق وکرك حین حاجتده برمدافعه به کچمک خصوصنده بول بول وقت بوله جقدر .

یورویش ترتیباتنده بولانه قدر وقوعه کلان یکانه تعدیلات ، مفرزه قوماندانك ، محاربه باشلادینی زمان کندی قطعاتی یاننده بولنمق وکندی قرارینی اولنره ، باخصوص پیشداره تام وقتنده بیلدیرمک مقصدیه ایلری کیتمش بولنمسیدر. میرآلای ب.. به کلان راپورلره ومیرآلایک یورویشه دوام ایتک خصوصنده کی قرارینه دائر میرآلای

(س) معلومات کوندرمک لازم کلدیکنی صاقین اونوتمیکنز . بونک سینی البت بلیورسکنز . چونکه (هویتال) اورمانلرینک غریبنده نملر کچدیکنی بیلیمک، میرآلای س .. ایچون پک لزوملی برشیدر . اوچنچی راپور ، شوکی حالدرده بکلنلدیکندن زیاده مکمل بر راپوردر : دشمن مدافعهده یرلشمک ایچون (فلوری) ده یایلهجق کبی کورینیور . بوندن اکلاشیلورکه ، دشمن کندیسنی احتمال بزدن دهاضعیف بولیور . اوح ! نه اعلا ! بویله یاپارسه اوکندیسی ، میرآلای ب .. یی کندی اوزرینه هجوم ایتمکه دعوت ایلدکدن بشقه ، عین زمانده ایستدیکی ترتیباتی انتخاب خصوصنده مومی الیهی پک سربست برامش اولیور دیمکدر . سواری قوماندانی ، دشمن پیادهسنگ قوتی بر ویا ایکی طابور قدر تخمین ایدیور . ایکی طابور فرض ایتسه کز بیله میرآلای ب .. ینه کړک پیاده وکړک طویچی صنفی اعتباریله دشمندن زیاده برقوتی حائر بولیور . اولجه کورلمش اولان سبیلردن طولای بوراده یالکز دشمن اوکنده بوش طورمق ویالکز اکلنهرک وقت کچورمک هیچ بر زمان مناسب دکلدر . چونکه (فلوری) ده برکړه ایودن ایویه یرلشدکدن صکره ، دشمن (هویتال) اورمانلرینک شرق جهتنه یعنی طوپ سسلرینک ایشیدلیدیکی طرفه قوای عسکریه سندن بر مقدارینی کوندره بیله جکی کبی دشمنک مؤخرأ تعرضه کچمک ایچون شمکیلک قوای امدادیه بکلمکده اولسیده بعیدالاحتمال برشی دکلدر . اگر میرآلای ب .. سریع وشدید بر حرکت ایله (فلوری) موضعی الده ایتمکه موفقیت حاصل ایدرسه بو، آنک ایچون پک کوزل بر ایش اوله جق واو آرتق وقایع اخیره یه سکونته انتظار ایله جکدر . بناء علیه ، میرآلای ب .. آتیده کی

وجهله بر قرار ویره جکدر : دشمن (فلوری) دن چیمش اولسه بيله الده موجود اولان عسکرک کافه سیله وکال شدتله آنک اوزرینه هجوم ایتک لازمدر .

دشمن حالا ، کندی یايلمه حرکتی ا کال ایتدی . بناءً علیه شو بختده آکا تقدم ایتک لازمدر . بونک ایچونده سز ، هجوم ترتیباتکزی اويله ترکیب ایتلیسکزرکه تافله یره وقت غائب ایتدیرن یايلمه لره اصلا حاجت قالمسون . پیشدار طابوری ، قسم کلی پیاده سنه یايلمق ایچون لازم کلان زمان و مسافه یی قازاندرمغه چالیشه جقدر . طویچی ، پیشداره یاردم ایتک مقصدیله درحال ایلری کیده جکدر . طویچی وظیفه سنی ایفا ایتک خصوصنده ، نه قدر آز پیاده نک معاونتته محتاج اولورسه ، ده اوقدرانی ایش کورمش اوله جقدر . طویچینک بویله درحال ایشه باشلامسی ، دشمن طویچیسنی موضعه کیرمهک مجبور ایتک مقصدی ده حائردر . مؤخرآ پیاده هجومی حاضر لایه بيلمش اولوق ایچون ، طویچی الدن کلدیکی قدر چابوق آتشجه دشمنه تفوق حاصل ایتمهک باقلیدر .

شمدی ده بر هجوم امری یازمق ایچون ، نم کچن مکتوبمده کی ملاحظاتی دوشونه رک اوکا کوره امریکزی یازمغه چالیشیکز . شو آنده (سن پی ر) کوپر یسند منخط بریرده بولنان میر آلا ی ب.. کندی هیئت ارکانی ، طویچی ، استحکام و پیشدار قوماندانلریله برلکده ایلک اوکجه یوکسک بر نقطه یه ومثلاً (هوت که نوت) ه چیقار . مومی الیه ، اگر کوز ایله کوره میورسه ، قولنک ایکی قدمه یی هانکی نقطه لرده بولنیور اوراسنی ایوجه بر حساب ایتدکن صکره هجوم امرینی اورادن ویره جکدر . شمدی کری یه قالان ، (فلوری)

موضعك قيمت تدافيعه سنی تقدیر ایتك و هجوم جناخی انتخاب ایلمك
خصوصاً لیدر .

دشمن موضعی ، (تویله ری) نك شمالنده کی اولرك ایلر وسنده ،
(تویله ری) ، (فلوری) یولك اوکنده کوزل بر انداخت میداننه
مالکدر . حاصلی کویک غرب کنارینك شمال قسمی ایله ، شمال
کنارینك غرب قسمی ایودر .

بالعکس ، کویک شمال کنارینك شرق قسمی ایلر یسندنه زمینك
آز چوق طائفه لی بولمنسی ، دشمن ایچون الویریشلی دکلدر . زیر ،
شمال شرقی ایله شرق جهتده انداخت میدانی اودرجه تحدید ایدیورکه
اوندن طولایی دشمن احتمال کویک طیشاریسندنه یرلشمکه مجبوریت
کوره جکدر . اولر ، بك صیق اولدینی ایچون کویک کناری مدافعه جه
شبه سزایی اهمیتی حائر بولنیور .

هیچ دکلسه بوکوی دشمن ایچون کوزل بر نقطه استناد اولور .
دشمن طویلیسی ، یا (تویله ری) ایله (فلوری) آره سنده ویا کویک
شرقنده (۲۱۸) راقلی ته ده موضع آله بیلور . طویلی اکر بوسوک
یرده موضع آلورسه اوزمان خصوصی برحافظه احتیاج کوستره جکدر .
(فلوری) موضعی تقریباً (۸۰۰) متره اوزونلغنده بر امتدادی حائردر .
وغریبه (سایل) نه رینه استناد ایدیور . شرقده ایسه (هویتال)
اورمانلری ، واسع بر چورمه حرکتی یایمکزه مانعدر . بناءً علیه
کور یورسکز ، بو موضع ایجه قوتلی بر موضعه در . احتمال که ، دشمن
اوراده سرك هجومکزه انتظار ایده جکدر . موضع مذکور بر طرفدن
(سایل) دره سی ، دیگر طرفدن (هویتال) اورمانلریله چویرلش
اولغله برابرینه جاخلرندن بریسنه هجوم ایتك پك اعلا نمکندر .

زیرا دشمنك عین زمانده هم نهره وهم اورمانلره استناد ایدم بیله جك صورتده یا بلمسنه هیچ بر زمان قوتی مساعد دكلدر .

بناءً علیه میر آلا ی ب . . اسباب آتیه دن طولای کندی هجوم اصلینسی (فلوری) نك شمال شرقی چیقندیسی اوزرینه سوق ایتمه قرار ویرر : (پوی) ایله (تویله ری - فلوری) آره سنده کی اراضی آچیقدر ، (بویون) وادیس بونجه ایلروملك قولایدرد ، کوچك کوچك اورمانلردن بالاستفاده (فلوری) نك شمال شرقی سنده کی (۲۱۸) راقلی تپه یه یاقلاشیله بیلور ؛ (پوی) نك شرقده کی تپه ، (فلوری) نك شمال شرقی چیقندیسی عامینه سوق ایدیلان هجومی حاضر لاق ایچون پك کوزل بر طویجی موضعیدر .

مدافعینك انداخت میدان ، (فلوری) نك شمال شرقی ایلروسنده تحدید ایدلمش بولنور . والحاصل (سویل) بحراسی هاجین ایچون غیر مساعد بر مانع تشکیل ایدیور . ایکنجی درجه هجومه کلنجه او ، (پوی) دن باشلایه رق بیوک یولك شرق جهتدن ایلرولیه جکدر . برده ، دشمنی (سویل) نهرینه آتمق وجوار دشمن قطعاتندن آرمق هر حالده آنی اورمانلر اوزرینه آتوبده مذکور قطعات ایله برلشدیرمکدن دها ایودر .

بیوک یولدن اعتباراً ، هجوم جبهه سنك امتدادی (۱۵۰۰) متره یی کجیه جکدر . (سویل) وادیس ای آچیق بر وادی اولدینی ایچون ایکنجی درجه هجومك خارجی یانی هایه ایتمه لزوم یوقدر . حال بوکه هجوم اصلی نك خارجی یانی ، (هویتال) اورمانلری جهتدن یا بلمسی ملحوظ اولان بر باصقیندن محافظه ایدلمك لازمدر . مفرزه کری یه بوسکور تالمش اولورسته ، (سن بیو) دره سی آنك رجعتی ایی تأخیر

ایده بیلجکدر. زیرا، اونک اوزرنده یالکیز اوچ یردن کچید حرکتی یایمق ممکندر. بناءً علیه استحکام بلوک (سن پی ر) کوپریسنگ شرق جهتده بر قاج اوافق کوپری انشا ایده جکدر.

هر ایکی ساحلده حرکت ایدن قطعات عسکرینه نک اتصالی تأمین ایتمک فکریله (بویون) دره جکی اوزرنده یکیدلر یایمغه هیچ لزوم یوقدر. مع هذا اگر سز اوپله برشی یایمش ایسه کز بوندن طولانی مراق ایتمک سزی تکدیر ایده جک دکلم. پیشدار پیاده سی ایلمک اوکجه بر نقطه استناد اولق اوزره (پویی) کوینی اشغال ایده جک و بورادن بیوک یولک شرقده قسم کلینک یایامه حرکتی، (فلوری) جهشتدن کلمی محتمل اولان بر هجومه قرشو محافظه ایایه جکدر (دشمنک شویله بر هجوم یایمسی پک آرز محتملدر). طوپچی بر آن اول ایشه باشلامغه غیرت ایده جکدر. بناءً علیه درحال (هوت که نوت) اوزرنده بطریقه حالته کیره جک و اورادن پیاده نک ایلریدن اراضی قازانمسنه انتظار ایلیه جکدر. کرچه طوپچینک ایلمک موضعی هدفندن بر آرز اوزاق بولنیور. فقط نه چاره، بدایتده اونی بوندن ده ایلری کوتورمک ایی دکلدر. (پویی) نک جنوب کناری طوتلسه فنا اولیه جق.. زیرا اوسایه ده هم دشمنک هر درلو حرکتی طور درمق ممکن اولور و هم عین زمانده اوراسنی طوتمله: «طوپچی پی دشمن پیاده آتشدن محافظه ایتمک ایچون پیاده عسکرینی ایلری سورمک لازم کلور.» قاعده سی تطبیق ایدلمش بولنیور.

بناءً علیه قسم کلی پیاده سی، بیوک یولدن شرقه کیدن کوچیک یولک نقطه انفکاکنه یعنی (پویی) شاتوسنگ (۱۰۰) متره شمالنه کلنجه یه قدر یول قول نظامنده قاله جقدر. تعقیب ایدی لان یول پک کنیش اولدیغندن

قسم کلی پیاده سی نصف طاقم جبهه سیله یوروش یابه بیلجه جقدر . زیرا ، اورایه قدر دشمن اونوی کوره مز . بعده یایلمق ایچون قسم کلی پیاده سی صوله استناد ایدمک وایشته بو آندن اعتباراً هجوم اصلی ، ایکنجی درجه هجومدن آیرلمش بولنه جقدر . اگر سز ، قسم کلی بی (سن تی یه بولت) خذالرنده دها یولدن چقاروب (طونو) استقامتده یایمغه باشلامش اولسیدیکز ، بو ترتیباً تکزده هیج بر دیه جکم اولمزدی .

پیشدار طاہوری قوماندانه (پویی) بی طومقله اکتفا ایتمسه دائر امر کوندر دیککز حالدہ شہسز ، آنک بدئت حرکتی تحدید ایتمش اوله جقسکز . مع هذا ، اوله یایمقده حقکز وار . زیرا ، مؤخرآ دشمنک نه کبی بر حرکتده بولنه جغنی بیلیمورسکز . سوارینک کوندر دیککی راپور ، فکریکزی آز جوق شہلی بولندیر یور . زیرا ، سز یالکز بر شی یعنی دشمنک موقفاً طور دینگی ، وکیمسه نک برونی قانہ مقسزین (پویی) کویی ضبط ایتک امیدلری اولدینگی بیلورسکز . مع هذا ، اگر دشمن (فلوری) دن چیقہ رق (پویی) کویی اشغال ایتک فکرینه دوشه جک اولورسه ، قسم کلی خط آجنجه یه قدر پیشدار طاہوری آتی طور درمغه موفق اوله جقدر . زیرا ، دشمن اورایه هجوم ایتزدن اول بر کره ترتیبات آلمغه و ثانیاً یایلمغه مجبوردره . بو ایسه طبیعی آره دن ایجه زمانک کچمسنی موجب اولور . قسم کلیکز (پویی) اوکنده بر کره خط حرب آچوب ایشه کیریشدکن صکره ، دشمنی یالکز (فلوری) اوزرینه آتمقله اکتفا ایدلیه جک بالمکس مذکور کوی علیہنہ در حال بر هجوم حرکتی یایله جقدر .

بناءً علیہ میرآ لای ب .. ویره جک امرده وظایفی ، دشمن کرک (فلوری) ده قالسون و کرک قسم کلینک مواصلتده ، (فلوری)

ایله (پویی) آره سنده بولسون ، ایشه شو ایکی حالک ایکسینه ده قابل تطبیق اوله جق صورتده تقسیم ایده جکدر .

هر حالده ، امر ، خصمه نرده راست کلنورسه کلنسون ، اونک اوزرینه مطلق شدتلی بر هجوم حرکتی یاییله جغنی ناطق اولمیدر .

شمدی بر کرده بوکونکی وضعیکزی ، کچن مسئله ده کی وضعیت ایله بر مقایسه ایدیکز . او وضعیته کوره سز ، دشمنک ایوجه تحکیم ایتش اولدینی موضعده مطلق حال تدافعی یه کوره حرکت ایده جکنه تمامیه قانع ایدیکز . بوکونکی وضعیکز کرچه براز اوته کندن فرقلیدر . مع هذا ، سزک امر لریکزی نه کچن امر لر کبی ترتیب ایدیله بیله جکدر .

زیرا سز ، مطلق هجوم ایتکه وهرنه واسطه ایله اولورسه اولسون مقصدیکزی تعقیب ایلمک قرار ویرمشکدر . بناءً علیه

مادونلریکزه ، هر نه اولورسه اولسون ، واصل اولمغه مجبور بولندقلری هدفلی کوستریکز . (فلوری) یه هجوم ایدلیکی اشناده پیشدار

طابورینک (پویی) ده قالمسنی امر ایتک بیوک بر خطادر . بویله بر امر ، اولسه اولسه ، بر موفقیتسزک حالده ، مذکور طابور

اوزرینه طوبلانمق مقصدینی حاوی اوله بیلور . لکن اونک هر حالده بر خطا اولدینگی کوسترمک ایچون یالکز ، قوتک اوچده بری هجوم

اصلیه اشتراک ایده میه جکنی سوبلمک کفایت ایدر . لکن بیلورسکزکه تعرض حرکتده بر مفرزه صوک نفره قدر النده هر نه وارسه هپسنی

محاربه یه اشتراک ایتدیرر . اگر بشقه درلو یاییله جق اولورسه اوزمان تعرضدن وازچمک ده ای اولدینگی تصدیق ایلر سکز ظن ایدرم . ایشه

امریکزی یازیورم . بونک اوزرینه آراجق ده ایضاحات ویره جکم ؛ اومارمکه اونلرک هپسنی جان قولایله دیکلر سکز .

(هوت که نوت)

۳-۳-۸۹-۸۸ کو

مفرزه امری

۱- بر ویا یکی طاہور پیاده، برسواری بلوک و بر بطریه قوتنده اولان دشمنك قول باشلرندن بریسی (فلوری)، بریسی ده بیوک یول اوزرنده (تویله ری) ده بولنیور. دشمنك سواری بلوک (فلوری) دن (شه زنی به) کیدن یولك (هو پیتال) اورمانلرینه کیردیکی نقطه ده توقفا یلمشدر. میرآلای س. .ك مفروزه سی (مه کلوو)ك غریبنده بر محاربه به کیریشمشدر.

۲- مفروزه دشمن اوزرینه هجوم ایده جك و آنك سول جناحی احاطه ایله جکدر. پیشدار آرتق امنیت خدمتیه اوغراشمقدن صرف نظر ایلمشدر.

۳- (۳۱) نجی سیار طویچی آلاینك برنجی طاہوری درحال (هوت که نوت) اوزرنده بطریه حالته کچرک (فلوری) اوزرینه آتش ایده جکدر.

۴- (۱۳۰) نجی پیاده آلاینك برنجی طاہوری، ایلك اوکجه (پوی) کویخی طوته جق، صکره بیوک یولك شرق جهتی بونجه ایلرولیه رك هجوم اصلی حمایه ایله جکدر. هجوم اصلی، (پوی) شاتو. سنك (۱۰۰) متره شاملندن یعنی شرقه کیدن یولك آیرلدینی نقطه دن اعتباراً و ۱۳۰ نجی پیاده آلاینك (۲) نجی طاہوری طرفندن اجرا ایدیه جکدر. مذکور

طابور ، (۲۱۸) راقلى ئېدەن كچەرك
(فلوری) نك شمال شرقى چىقندىسى غلبه
سوق ايدىلە جكدەر .

۵ — (۱۳۰) نجى پياده آلانىك
(۳) نجى طابورى ، احتياطى تشكيل
ايدەك و (۵۰۰) متره مسافه ايله
هجوم اصلينك صولى كرىسندن تعقيب
ايله جكدەر .

۶ — (۱۶) نجى استحکام طابورينك
برنجى بلوكى ، (سن پىر) كوپرىسندن
(۱۵۰۰) متره شرقه قدر اولان قسم
داخلنده بعض كوپرلر قورە جكدەر .

۷ — « ۱۳ » نجى سواری آلانى ،
هجوم اصلينك صول ياتى ستر ايدرك
« هوپتال » اورمانلريله پورنوى - لاغراس
« اورنى » جھتلىرى كشف ايتدیره جكدەر .
اوندن بشقه مذکور سواری ، (مولەن
دوفلورى) دن كچەرك (سەبلى) بويىچە
بعض كشافلر كوندەرە جكى كى ميرالای
س . . مفرزە سيلاهە ارتباط تأسيس
ايله جكدەر .

۸ — جبخانه عربە لرى (پويى) نك شمال
مخرجنده توقف ايدە جكلردر .

۹ — بيوك آغرلقلر امره نردە كندىلرینه
يتيشە جك اولورسە اورادە توقف ايله جكدەر .

۱۰ — بن (پويى) نك شرقندە كى تپەدە
بولنە جنم . راپورلر اورايە كوندرللىدر .

مير آلای

ب . .

پيشدارە ، طومچى يە ، واستحکام
بلوكنە شفاهاً ؛ سواری يە « امر
ضابطى حسن افندى ايله » ، قسم
كلى يە و بيوك آغرلقلر امر ضابطى
على افندى ايله ، تحريراً و يرلمش
وبر قوبىيە سىدە بر كوچك ضابط
ايله مير آلای (س) كوندرلشدر .

برنجی ماده دشمن بطریه‌سی طرفدن طوتیلان موضعدن بحث ایتیمور. بناءً علیه سزك طوپچيكنز ایجه کوزینی آچغه مجبوردر. عین مادهده (هویتال) اورمانلرینك جهت شرقیه‌سندن کلان طوب سسلرینه دائر مادون قوماندانلره آرزوق معلومات ویریلدور. اوچنچی ماده (فلوری) کونی طوپچينك هدفی اولمق اوزره کوستریور. زیرا دشمن بطریه‌سی حالا موضعه کیرمامشدر. لکن بزم طوپچيمز کوی اوزرینه آتش آچدیبنی آندن اعتباراً دشمن بطریه‌سی شهه‌سز کندی موجب دیتی بیلدیره‌جك واوزمان طوپچی قوماندانی کندی بطریه‌لری ایچون یکی برهدف کوستره‌جکدر.

شم‌دیکی حالحه طوپچی آتشی بر واسطه استکشافدن عبارتدر. (هوت‌که‌نوت) ، (فلوری) دن (۲۴۰۰) متره‌قدر اوزاق بولنیور. (هوت‌که‌نوت) ك جنوبنده (۲۱۷۹) راقلی نقطه طوپچی موضعی اولمغه لایق کبی کورنمیور. زیرا مذکور تپه‌نك ایلروسنده‌کی اورمان پارچه‌لری احتمال (فلوری) کونی ستر ایدرلر.

برنجی طابور قوماندانی (پویی) دن چیقماق ایچون مناسب اولان زمانی الدن قاجیرمه‌جقدر. اگر بو فرصتی غائب ایدرسه اوکا یکی بر امر کوندرمه‌که لزوم کوريله‌جکدر. هر حالده بو ضابط دها ایلک آندن اعتباراً (پویی) نك اشغالی، موقت برشی اوله‌جغنی بیاورسه مسعود اوله‌جقدر.

هجوم اصلی‌یی اجرا ایتك ایچون یالکنز برطابور مأمور اولدیغندن آرتق مذکور هجومی سوق ایده‌جك آمرک اسمنی سویلمه‌که حاجت یوقدر.

سواری ایچون اولان ترتیباتده، میرالای س. . مفرزه‌سی ایله

دائمی بر ارتباط موجود اولسنی شدله آرزو ایلدم . بونک ده سببی وار . چونکه محاربه نك اك زیاده قیزیشدینی زمانلرده اوکی ارتباطلره اکثریا خلل کلدیکی کوریلور . برده منفرد بر طاقم کشفلرک (هویتال) اورمانلرینک ایچروسندن کچهرک دیدیکمز ارتباطی حاصل ایتملری پک قولای اوله جقدر .

سیار خسته خانه یه کلنجه بن اوندن هیچ بحث ایتمدم . سببینی صورارسه کز یوقدرده اونک ایچون . . بوراده اولسه ، اولسه یالکنز صحیه مرکز لرندن بحث ایدیله بیلور . اونلری یرلشدیرمک ایسه قطعات عسکر یه نك وظیفه سیدر .

بیوک آغر لقلره کلنجه سز اونلره استر درحال توقف ایتملرینی ، ایستر (مانی) نك شمال مخرجنده یکی امرلری بکلملرینی امر ایدرسکز: هر حالده مذکور آغر لقلر (سن پی یر) دره سنی کچمه ملیدرلر . حتی بکا قالورسه بر مغلوبیت خالنده (مانی) کوینک باشلیجه سوقاغی قبادلش اولماق ایچون بیوک آغر لقلری مذکور کویک شمالنده براققی بیله آرزو ایدرم . اکر سز اونلری ایلک حمله ده (مچ) ه کوندرمش اولسیدیکز بو پک فضله بر احتیاط اولوردی .

پیشدار ، (پوی) کویخی اشغال ایتمش اوله جفی زمان میرالای ب . . درحال کویک جهت شرقیه سنده کی تپیه چیه جقدر . بوراسی عین زمانده هم هجوم اصلی یی تعقیب ایتمک ، همده پیشدار طبابوری یاننده بولنق ایچون اک ایی بر یردر . طویجی یه ده بر آرزو کره اورایه کلک ایچون امر اولنه جقدر . میرالای س . . بویازیلان امرک بر قوبیه سنی آلور . بو خصوص پک ایی برشیدر . چونکه ، (هویتال)

اورمانلرینک غربنده کچن وقوعاته دائر مونخی الیه حوادث ویرمه نك
اك قولای چاره سی اوندن عبارتدر .

بن بو دفعه هجوم ایچون یالکیز بر امر ترتیب ایتدم . لکن اولجه
سویلמש اولدیغم تنبیلر خاطر کزدن چیقما مشه حربده بو قدر
مکمل امرلر ویرمک کوچ اولدیغنی سزده بئله برابر اعتراف ایدرسکز
سانورم .

میرالای ب . . اول امرده پیشدار طابورینک (پویی) کویی
اشغال ایتسنی وطوبیجی نك ده (هوت که نوت) اوزرنده بطریقه حائنه
کچمسنی امر ایدمه یلوردی . بو قطعه عسکر یه لرك قوماندانلری شبهه سز
امرك ، وضعیت عمومی بی کوسترن برنجی ماده سنه دائر ده معلومات
آله جقلردی . بناء علیه (۶ ، ۹ ، و ۱۰) نجی ماده لرك حاوی اولدیغی
ترتیبات بر آزدها صکره اخذ ایدلمش بولنه حق وشبهه سز اونلردن
اولده وضعیت عمومی نك بر خلاصه سی یابلمش اوله جقدی . والحاصل
دشمنك (فلوری) دن چیقمه جنی تمامیه آکلاشلد قدن صکره ایسه
(۴ ، ۵ و ۷) نجی ماده لرده کی ترتیبات کلش بولنه جقدی . بو ترتیبات
کذلک بر دفعه وضعیت عمومی ايله تقدم ایدیلر لرك صکره دن ده (۱۰ و ۸)
نجی ماده لر ايله تعقیب ایدیله جکلردی . اگر سزك هجوم امر یکز بو
شکلده ویا بوکا بکزر دیگر بر شکلده ترتیب ایدلمش اولسیدی شبهه سز
کمه نك اوکا بر دیه جکی قالمزدی . زیرا دشمنك مقصد و مرانی ایجه
تعیین ایدمه مش اولان بر قوماندان بویه جه یایمغه مجبوردر . شواصولک
یالکیز بر قصوری وارکه ، اوده اوزون اولسیدر . اگر سز یالکیز بر
امر ویره جک ایسه کز ترتیباتك اسباب اتخاذه سنی سویلرکن مفرزه
قوماندانك دشمنك ، (فلوری) ده کندی هجومی بکلمکه قرار ویردیکنه

دائر تماميله قناعت حاصل ايلديكني ذكر ايديكز . هجوم امرى ايچون
بر چوق خصوصى امرلريازارسه كز بونده پك چوق استفاده ايدە جككزه
امين اوليكز . بونك هيچ بر فائده سى اولسه بيله يالكز سزى خصوصى
امرلريازمغه ومادونلريكزه كندى افكار ومرامكزه كوره حركت ايتلمرى
ايچون نه كى اشعاراتده بولتمق لازم كلديكنه آليشدير مش اولسى كوچك
بر فائده دكلدر . سزه مثال اوله رق او قيل امرلردن فرضا استحكام
بلوكنه كوندره جككز امر نمونه سنى ايشته بوجه آتى كوسترينورم :

(هوٲ كه نوت)

۳ - ۳ - ۸۹ - ۸۱۰ کو

۱۶ نجی استحکام طاہورینک برنجی بلوکی قوماندانہ

(فلوری) ده کوریلان دشمن اوزرینہ
 هجوم ایدہ حکم . (سن پی پر) درہ سی
 اوزرنده (سن پی پر) کو پر بسندن (۱۵۰۰)
 مترہ شرق جہتنہ قدراولان قسم داخلندہ
 بر جوق کو پر بلر یاپیکز . بن (پویی) نک
 شرقندہ کی تپہ دہیم، راپورلریکزی اورایہ
 کوندریکز .

میرالای

..ب

برامہ ضابطی ایلہ وشفافاً
 کوندرلمشدر .



اوز دردنجی مسئله

صبح ساعت ۱۱ بمقده میرآلای ب .. قوتی ایکی ضابور پیاده، برسواری بلوکی وبر بطریه دن عبارت اولان دشمنی (فلوری) کویندن طرد ایتدی . لکن میرآلای ب .. نك طابورلری بك زیاده طاغلمش وقارشمش اولدقلرندن دشمنی آتشلریله تعقیبدن صرف نظر ایلمشلردر . بطریه لر (فلوری) و (تویله ری) آره سنده کی یول اوزرنده توقف ایتشلر ودشمنك قارمه قاریشیق بر صورتده چكلمش اولدینی (لامانسه) اورمانی اوزرینه آتش آچشلردر . برنجی طابور عمومیتله (تویله ری) موقعی و (فلوری) نك قسم غریبسی اشغال ایدیور . (فلوری) یه هجوم ایتدیکی زمان بك چوق ضایعات ویرمش اولان ایکنجی طابور مذکور کویك قسم شرقیسی اشغال ایدیور . اوچنجی طابور ایسه کویك شرق کنارنده وباغترك برآز شمالنده اجتماع ایتمش بولنیور . استحکام بلوکی ایله جبخانه عربهلری کویك شمال مخرجه واصل اولمشلردر . بعض سواری کشف قوللری (هوپتال) اورمانلری ایچندن کچهرک عددجه کندیسنه فائق بردشمن ایله محاربه یه طوتشمش اولان میرآلای س .. مفرضه سنك (هوپتال) اورمانی - (پودو-وهن) - (مه کلوو) خطی اوزرنده ثبات ایلکده بولندیغنی میرآلای ب .. یه خبر ویررلر . (تویله ری) ده بولان میرالای ب .. بردشمن آوجی خطنك (لامانسه) اورماننك (۵۰۰) متره شمالنده و بیوك یوله حاکم اولان صرعی اشغال ایلکده اولدیغنی کندی کوزیله کورور . بر دشمن بطریه سی یولك جهت شرقیه سنده موضعه کیردیکی آنده میرالای ب .. بر ضابط کشف قولنك کوندردیکی آتیده کی راپوری آلور .

« اوچ طابور پیاده وبر بطریه دن عبارت اولان بر دشمن قولی (شهرزهی) و (پورنوی - لاغراس) دن کچن یول بونجه (فلوری) اوزرینه یوریمکده در . (اورنی) دشمن طرفندن اشغال ایدلامشد . (پی رزو) نك جنوب شرقیسنده (۲۷۰،۸) راقی باندنه موضع آلان ایکی دشمن بطریه سی شمال استقامتنده آتش ایدیورلر . (پی رزو) جهتنده پیاده محاربه سنك آره سی کسلمش کی کورینیور . »

یایله حق وظیفه

- ۱ — میرالای ب .. نك اخذ ایتدیکی ترتیبات ؛
- ۲ — ترتیبات متخذه نك اسبابی ؛
- ۳ — انقسام عساکری کوستر بر قروکی .

بر مدافعه موضعی اشغال ایچون امر نمونه‌سی

محل

تاریخ، ساعت

مفرزه امری

انقسام عساکر یوقدر .

۱ — دشمنه ودیگر دوست قطعاته دائر معلومات .

۲ — مفرزه قوماندانك مقصدی (مدافعه ایدیله‌جك موضعك بجملاً بیانی) .

۳ — طولیچی ایچون ترتیبات (آمیلاسمان، هدف ؛ سپرلر یابللق لازمسه اوکا دائر معلومات) .

۴ — برنجی خط پیاده‌سی ایچون ترتیبات (منطقه‌لرک تفریق ، هر منطقه‌نك قوتی؛ مدافعه ایشلری یعنی سپرلر یاپیله‌جق ایسه اونلرک جنس‌لرینه دائر معلومات) .

۵ — احتیاط عمومی ایچون ترتیبات (آنی تشکیل ایدیه‌جك اولان قطعاته وبولنه‌جنی یره دائر معلومات) .

۶ — استحکام ایچون ترتیبات (مدافعه ایشلری ، موضعك کربسندده کوپرلر) .

۷ — سواری ایچون ترتیبات (سوارینك قسم اعظیلله جناح‌لردن بر شیثك ستری دیگر جناحده ایسه کشف قوللر سوقی) .

۸ — پیاده جیخانه عربهلری وسیار خسته‌خانه تأسیسی ایچون ترتیبات .

۹ — بیوک آغزلقلر ایچون ترتیبات .

۱۰ — قوماندانك یری .

امضا

امرك نه وجهله توزیع ایدیلدیکی

اون بشنجی مکتوب

بر مدافعه موضعی اشغالی

ساعت (۱۱) بحقده میرآلای ب . . (فلوری) یه هجوم ایتمش اولان قطعات عسکریه نك نظام وانتظامی یرینه کتورمکله مشغول بولنیور . زیرا یالکز دشمن موضعی الده ایتمک کافی دکل : اصل معرفت اونی الدن چیقارمه مقدر . بناءً علیه هجوم قطعائی ، بر آز کندیلرینی طویلادقدن صکره موضعی اشغال ایدرلر . ویکی بر وظیفه ایچون حاضرلنورلر . (۳) طابور پیاده وبر بطریقه دن عبارت یکی بر دشمنک (نوتردام) دن کچهرک (فلوری) اوزرینه یورودیکی خبر ویرلدی . بو حوادث کلیدیکی زمان میرالای ب . . (لامانسه) اورمانی اوزرینه آتلمش اولان قطعات عسکریه نك تکرار بر محاربه ایچون حاضرلاندققرینی کوزله کورمش ایدی . بو احواله نظراً آرتق میرالای ب . . کندی تعرض حرکتی تعقیب ایتمک خصوصی خاطرینه بیله کتوره مز . اونک یاپهجنی اک بیوک ایش ، ضبط ایتدیکی موضعه ثبات ایتمک واونی دشمن انه کچورمه مکدر . میرالای (ب) نك مشاهدات ذاتیه سی وضابط کشف قولنک کوندردیکی مکمل راپور اوزرینه دشمنک نه صورتله هجوم ایده جکنه دائر اوزون اوزادی یه شبه ایتمکه محل یوقدر .

اوپله آکلاشیلورکه ، دشمنک اوچ طابوری بالذات (فلوری) اوزرینه هجوم ایده جک وهیچ دکلسه ، اولجه مغلوب اولان قطعه عسکریه سی ده یوزکری ایده رک بیوک یوله استناداً یکیدن (تویله ری) اوزرینه یوریه جکدر . بناءً علیه وضعیت عمومیه اوزرینه صاغلام

بر فکر ایدنك اوقدر زور برشی دكلدر . ومیر آلاى ب .. شمیدین
اعتباراً موضعك اشغالنه دائر كندى قطعات عسكریه سنه لازم كلان
امرلى ویرمكه يك اعلا مقتدردر .

خاطر كزده قالسون كه ، برمدافعه موضعی آنجق دشمنك تقرب
یوریشی ایچه آكلاشلقدن وقوای عسكریه سنك انقسامنه دائر
بر فكر تخمینى ایدینلكدن صكره اشغال اولنه بیلور . دشمنك تقرب
یوریشی اوزرینه معلومات آلدقجه ونه وجهله هجوم ایده چكى حقنده
شبهلى قالدقجه مناسب بر یولده انتخاب ایدیلان بر نقطهده بر حاضرق
تشكىلاتى آلق لازمدر . بر آز صكره دشمنه دائر ایوجه معلومات
آلدینی كبی اوزمان مدافعه موضعی قطعی بر صورتده اشغال ایدیلور .
اكثریا بوفرقت واختلاف تقدیر اولنه میهرق يك اركدن موضعه
كیرمك كبی بیوك بر خطا ارتكاب ایدلدى كوریلور . بویه اركدن
موضعه كیرن قوماندان بر آز صكره كندى تفصیلات عسكریه سنی
بستون دكیشدیرمكه مجبور اولدینی زمان كندى تأثیر ونفوذینك
بر قسمی غائب ایدر . مدافعهك اك باشلیجه محذورلرندن بریسی
ایچه زمان تردد ایچنده قالمق در . باخصوص سواری طرفندن دشمنك
تقرب یوریشنه دائر كوندریلان راپورلك كفايتسزلكی اوزرینه
ترددلر ایچنده یشامق مجبوریتی بستون جان صیقان شیلردندر . بو
راپورلك كفايتسزلكی تأثیرى ایله اكثریا طوتیهلق نقطهلك يك
كچ وقت اشغال ایدلش اولمرلى كبی بیوك بر فالتق حصوله كلور .
بو شمیدى كی حالده ایسه دشمنك هجوم ایتك اوزره بولندیغه
ذره قدر شبهكز اولسون . اگر هجوم ایتیهك اولسیدی (هویتال)
اورمانلرینك غرب جهتدن بر طاقم تازه تازه قطعات عسكریه سنی

ایلرولتمش بولمیه جقدی . اراضی (هوپیتال) اورمانلری و (سهیل)
دره سیله چورلمش بولنیور . بناءً علیه (میچ) اوزرینه یوریان
دشمن (فلوری) یه اهمیت و برمیهرک سزک مفرزه کزه هجوم
ایتمکدن صرف نظر ایده مز . چونکه ، (فلوری) یی کندیلککزدن
ترك ایتکه سزی مجبور ایلیمک ایچون موضعکزی چویره مز . بناءً علیه
کوزل بر مدافعه موضعنک اک ایی شرطلرندن بریسی اولان بوشرط
سزک موضعکزدهده واردر .

موضعکزک مدافعه یه صالح اولوب اولدیغنی یعنی اسلحه ناریه
حاضردهن حقیقه استفاده یه مساعدی یوقسه دکلکی ؟ ایشته بوراسنی
بندن صورمق ایستیورسکز ظن ایدرم . موضعکز ، بوکون اسلحه
ناریه نك مدافعه جه اولان قوت و تأثیرینی کاملاً تطبیق ایتمکزه مساعد
اک کوزل واک متین بر موضعدر . چونکه بر دفعه کرک پیاده وکرک
طوبجی ایچون کوزل انداخت میدانی وار ، آوندن بشقه موضعکز
کوزل نقطه استارلرده مالک بولنیور .

طوبجینک استعمالی ایچون ممکن اولدیغنی قدر اک آز (۳۰۰۰)
مترهک بر انداخت میدانه مالک اولمق آرزو ایدیلور . بو انداخت
میدانی دشمنی پک ایرکندن یولدن چیقارهرق پیاده سنی یوللرک
خارجنده یایمغه مجبور ایتک ایچون مذکور دشمن طرفندن تعقیب
اوانان یوللاری دوککه مساعد اولور . بو ایسه دشمنک هجومی تأخیر
ایچون کوزل بر واسطه در . اولجه (تویله ری) نك شرقنده یرلشمش
اولان طوبجیکز ، بالکز ایلروده کی اراضی یی (۲۰۰۰) متره دن
زیاده مسانه لره قدر دوککه بیلمک دکل ، بالعکس بیوک یول ایله
(پورنوی لاغراس) و (نوتردام) دن سکن یولی ده پک اعلا دوککه بیله

جکدر. طوبیجکز ایوجه محافظه ایدلمش اولمق ایچون یا پیاده خطنک بر آز کیروسنده بولنمق ویا کندوسنه خصوصی بر محافظ ویرملک لازم کلور .

مسئله ده بطریه لرك اولجه دهاکوی ایله (تویله ری) آره سنده کی یول اوزرنده موضعه کیرمش اولدقلری فرض ایدیلور. بناءً علیه شمدیلک اولنرك تبدیل محل ایتمسنی ایجاب ایدمک آره ده هیچ بر سبب یوقدر. اوله ایسه اکر (تویله ری و) (فلوری) نك جنوب کناری پیاده طرفندن طوتلمش اولورسه بطریه لر ایچون هیچ بر قورقو تصور ایدلمز. سز بوراده پك مساعد شرطلرایچنده بولنیورسکز. وامین اولیکز هر زمان طوبیجی به خصوصی بر محافظ ویرمکدن سزی صرف نظرایتیره جک بویله کوزل بر مدافعه موضعی بوله مزسکز. اراضینک تشکلی اکثریا پیاده ایله طوبیجی نك بر خذاده بولنمسی ایجاب ایدمک بوندن طولایی ایسه طوبیجی نك دشمن، پیاده آتشنه قارشو، طوبلردن تخمیناً (۶۰۰) متره ایلرو سورلمش بر محافظ ایله حمایه ایدلمسی لازم کلور، دییان تعلیمنامه نك شو ماده سنی دائماً تطبیق ایدمیه جکسکز. بناءً علیه طوبیجی پیاده محاربهنک نتیجه سنه هر زماندن زیاده بیسوک بر تأثیر کوستردیکندن بو، مدافعه ایچون اولدقجه اهمیتلی بر محذور صاییلور .

مدافعه پیاده سی اک آز (۱۲۰۰) متره امتدادنده آچیق بر انداخت میداننه محتاجدر. مع هذا، اکر اک مؤثر انداخت مسافه سی دیمک اولان (۶۰۰) متره به قدر سلاخندن استفاده ایتمک قابل ایسه بوندن طولایی ده مدافعین کندوسنی بختیار صایمالیدر. وبومنطقه داخنده هاجینک کوزل مستور محالیر بولمسی ایو دکلدر. یعنی بوکی

مستور محللر هیچ بر زمان مدافینک ایشنه گلز .

(سایل) نه‌ری جهته‌ده (تویله‌ری) نك جنوب و جنوب شرقی‌یه
طوغری ای برانداخت میدانی وار. (تویله‌ری) ایله‌کوی آره‌سنده‌کی
یفچه‌لرک ایلروسنده‌ده ینه بویله بر میدان وار . لکن، (فلوری) نك
اوکنده کوزل بر انداخت میدانی یوقدر . کویک جنوب کنارینک
ایلروسنده‌کی باغلر آوجیلری تعجیز ایتزلر . زیرا اوزوم کوتوکلرینک
هنوز یاپراق‌لری اولامشدر . (دها صکره مثلاً آغستوس آینه‌ده ایش
بویله دکلدر . اوزمان یاپراق‌لر مبذول اولدینی ایچون آوجیلر اکثراً
ایلرولرینی کورمکدن عاجز قالورلر) . لکن جنوب کنارینک شرق
قسمنک همان بر آاز ایلروسنده بولنان صاغری مدافینک نظرینی
تحدید ایلر .

بناءً علیه اوجه‌تدن باغلرک بر قسمنی اشغال ایتک لازم‌کله‌جکدر .
بر طرف‌ندن‌ده (نوتردام) ایله (فلوری) آره‌سنده‌کی صرت هاجین
پیاده‌سنک کویدن (۴۰۰) متره مسافیه قدر مستوراً ایلرولسنه
الویرشلی‌در . بونک ایچون موضعک ضعیف جهتی‌ده ایشه بوراسیدر .
مع‌هذا، سز بو موضعه‌ده یرلشمکه قطعاً مجبورسکزر . برده شوراسی
خاطر‌کرده قالسون‌که بر مدافعه موضعنک مکمل اولسی نادردر .

جبهه ایلروسنده بر مانع فلان یوقدر . کرچه بر قاچ دره‌جک
وارسده اونلر پک اهمیتسز شیلردر . حاضر صره‌سی گلش ایکن،
بر جبهه‌نک ایلروسنده بولنان موانع اوززینه بر قاچ‌سوز سویلیه‌لم:
عجمیلر ، مذکور مانعلرک اهمیتلرینی تقدیر خصوصنده ایچه مبالغه‌یه
دوشرلر ، بناءً علیه بر مدافعه موضعی انتخاب ایده‌جک‌لری زمان
اکثراً جدی بر مانی کوزل برانداخت میداننه مالک اولان برتبه‌یه

ترجیح ایدر لر . بتون جهه‌بی ستر ایدن بر مانعدن ایوجه استفاده ایده بیلیمک پک نادر در . شو قدر وارکه ، یگانه مقصدی زمان قازانمق (دمدار محاربه‌سی ، جانبدار محاربه‌سی ، ایدر قره‌غول محاربه‌سی) ، یا خود بعض کچید نقطه‌لرینی قیامق و یا بر مسکون محله ، بر موقوفه معین بر قطعه اراضیده قطعاً ثبات ایتمکدن عبارت اولان بر مدافعه مطلقه بولنلدینی زمان مذکور مانعدن استفاده ایدیلور . بو کبی حالدرده جهه اوزرنده بر مانع باخصوص اکر شو مانع یانلری ویا اک زیاده تهدید ایدلمش اولان یانی محیط ایسه پک فائده‌لی اولور . چونکه هاجین پیاده‌سنگ یوروشی اوسایده تأخیر ایدلمش بولنور . حتی دشمنک طومحیسی بیله اومانعدن طولای دوچار تأخر اولور . و دشمنک پیاده و طومحیسی مانعی کچمکه موفق اولسه بیله اونلر کندیلرینی کوچلک ایله حمایه ایده بیله‌جک اولان کزیده‌کی قدمه‌لردن آیرلمش بولنه جقلردر . برده مانعی کچدکدن صکره تکرار اونک اوزرینه پوسکور تلمک مجبوری حاصل اولدینی زمان بوندن بر فلاکت چقنه بیلور . اوندن بشقه دشمنک ، ضبطی محال اولان بر موضعه سزک اوزرکزه هجوم ایتسی مشکو کدر . زیرا دشمن طاقلمش قالمش اولدیغکز مانعدن آرتق آیریه میه جفکزی بیلدیکی ایچون کندی مقصدینه محاربه ایتکسزین واصل اولمق یاره‌سنی آرایه‌جق و بناء علیه سزی طومش اولدیغکز موضعی ترک ایتدیره‌جک یوله مانوره یایه جقدر . اکر سز بر مدافعه محاربه‌سیله قطعی بر موفقیت استحصال ایتک ایستر ایسه کز دشمن سزک اوزر یکزه هجوم ایتمکه بر آرزو حس ایده‌جک وجهله یرلشیکز لکن ، شو حالده نتایج مکمله و یرده‌میه‌جک اولان مدافعه مطلقه قالمایکز . بالعکس آتشار کزله ایجه واردلمش اولان دشمنی کیرویه

پوسکورتمك وتكرار ايلرويه كلمكدن صرف نظر ايتديره بيلمك ايچون احتياط عموميكزله معين بر زمانده اونك اوزرينه هجوم ايديكز . سزك احتياطكزك بولنديني جناحك ايلروسنده بر مانع وارسه مذكور مانع سزك بو ديديككز كبي بر هجوم مقابل ياپمه كزه ممانعت ايدر . اويله ايسه موانعدن استفاده خصوصنده بر آرز احتياطي اوليكز . دشمنه قارشو قويه بيله جككز اك اي مانع قيصر مسافله رده ياييلان چابوق آتش اولديغني ده اونو تايكز .

شمدى ايسه سواريكزك دشمن يورويشنه دائر سزه ويرمش اولديني معلومات اوزرينه ياديفكز ملاحظاتك نتيجه سنه بر نظر ايده لم . اكر بو معلوماته نظر آدشمنك قواي اصليه سي سزك اك ضعيف عدايله ييكز جناح عليه ايلر و ليورسه هجوم اصلينك اوراده وقوعه كله جكي ده محقق كي بر شيدر . زيرا دشمن سزك فكريكزه و آرزوكزه مغاير حركت اتمك ايسيه جكي شه سزدر . بو خصوصده دشمن بيك درلو سبب كوستره بيلور . مع هذا بواحواله رغا دشمنك كليني بلكد ييكز جهتن بر باصقيه اوغرامامق ايچون سزه طرفده متيقظ و محاربه يه حاضر بولمليسكز . (سهيل) نهري اوزرنده قوريله جق هيچ بر شي يوقدر . چونكه سز اوراده هر نه وقوعه كلورسه هپسني كوره بيلورسكز . برده دشمنك هجوم اصايسني بو جهتن سوق ايتمنه بك آراحوال بويريله بيلور . زيرا ، دشمن في الحقيقه اويله ياپارسه صول ياتي (سهيل) نهري اوزرنده بولديرمش اولور . تهديد اولنان جناح ايلروسنده افق ، (فلوري) نك جنوبنده كي زمين عارضه لريله تحديد ايدلمش بولئور . بناء عليه دشمنك حركاته دائر بردوزي يه سزه معلومات ويره بيلمك ايچون سواي اك زياده او جهته فعاليت كوستر ميلدر .

(هوپیتال) اورمانلرینک غرب کنارندن برچویرمه حرکتی یابلمق خوفندن دهامینسکز. چونکه مذکور اورمانلر اوایل بر حرکت یاسیله میه جق درجه ده کشف در. لکن مادامکه، دیگر بر طاقم دشمن قطعاتی مذکور اورمانلرک شرق جهتده محاربه یه طوئشمش بولنیورلر، او طرفندن ده پک کوشک طاوورانما مکز، بالعکس دائمی بر ترصدده بولنمکزی توصیه ایدرم. سواری ایچون آله جفکز ترتیباتده بو خصوصی سویلمکی اونوتما یکز. مع هذا، جناحلر یکزله حدندن آشوری اوغراشمکزی ایستم. چونکه، صول جناحده (فلوری) کوبی ایجه قوتلی بر نقطه استناددر. کوزل بر انداخت میداننه مالک اولان (تویله ری) ایسه صاغ یانکزی پک اعلا ستر ایدیور. ومادامکه، دشمنک صول جناحه طوغری تقریبی تسهیل ایده جک یوللر وار؛ مذکور جناحی احتیاط واسطه سیله حمایه ایتکده سزک ایچون بورجدر صانورم. بر آرزو صکره بزنکرار بو بجنه کلور: سزکله ده ایجنه ودها درین قونوشورز.

شمدی ده موضعک کیرولرینی ایجه بر تدقیق ایلمک لازمدر. موضعک کیروسنده کی اراضی قابل حرکتدر. خط رجعت ایسه جبهه یه عمود بولنیور. (سن پی ر) دره سی اوزرنده بر جوق یکیدلر وارددر. اوندن بشقه بر مغلوبیت حالتده مفرزه (پویی) ده ایکنجی بر موضع طوته بیلور.

شمدی بر آزده جبهه نک امتدادندن بحث ایدم. کجن هجوم ایچون (۱۵۰۰) متره لک بر جبهه قبول ایتش ایدک. لکن بوراده اگر معیندانه بر مدافعه یایمق ایستیور ایسه ک (۱۲۰۰) متره امتدادندن زیاده بر جبهه طوئما مغه چالیشملی یز. درجه کافیه ده

احتیاطلر بولندیرمق لزومی عمقاً ده‌ا زیاده قدملر بولندیرمغه بزى مجبور ایدیور . مدافعه‌ده جبهه‌نك ايلك اوجکة محدود اولسی ده‌ا ایودر . بر آز صکره احتیاطلر ایش باشینه کچجه او کندی کندینه کنیشلک پیدا ایدر . بوراده موضعکز شو نقطه نظردن کوزل بر موضعدر . زیرا قوش باقی ایله آنک (تویله‌ری) و کوبک شرق کناری بینده‌کی جبهه‌سی تخمیناً (۸۰۰) متره‌در . بدایتده بوسرک ایچون کایدیر . میرالای ب.. کندی صول جناخی قوشاداں بر حرکتہ مطلقاً و یا امتدیاً قارشو قویه بیلیمک ایچون احتیاط عمومیسنی (فلوری) کونیک شرقده محاربه‌یه صوقدینی زمان مذکور جبهه طیبی اوزامش بولنه جقدر .

بیاده‌یی تقسیم ایتک ایچون موضع منطقه‌لره آیرلش بولنور . وبولردن هر بریسنک مدافعه‌سی برطابوره حواله ایدیلور . منطقه‌لرک عدد و امتدادلری ایچون ثابت بر قاعده یوقدر . صورت عمومیه‌ده بر موضع نظری تحدید و بر جناحدن دیگر جناحه حرکتی تصعیب ایلان عرضانی موانعه نه قدر چوق مالک ایسه او اوقدر آز مدافعه‌یه صالح اولور . بویله زمانلرده مذکور موضع بر چوق منطقه‌لره آیریلور که بالطبع اولردن هر بریسنک امتدادی ایجه آز بولنور . بزم مسئله‌ده (تویله‌ری) و (سهیل) آره‌سندہ‌کی قسم، پک قولای مدافعه‌ایدیلور بونک ایچون اورایه آز عسکر ویریلور .

(فلوری) نك مدافعه‌سی ایسه ده‌ا کوجدر . بناءً علیه اورایه ده‌ا چوق عسکر تعیه ایتک لازم کلور .

ایشته بالکز بوندن طولایی، موضعی یکنسق بر صورتده اشغال ایتک لازم کلدیکی آکلاشیلور . بالعکس، هر منطقه‌یه مخصوص عسکری

مساوی بر طرزده تقسیم ایتکدن چکینلملیدر . اوندن بشقه خط مدافعه اوزرنده یالکز مهم اولان نقطه لر اشغال اولنمیدر . بناءً علیه کرک (توبله ری) وکرک بونکه کوی آره سنده کی باغچه لر اولدقجه محکم بر صورتده اشغال ایدیله جکلردر . آره ده کی منطقه یه کلنجه اوبک ضعیف بر صورتده اشغال اولنه جقدر . حتی اونی یالکز ترصد ایندیرمکه بیله اکتفا ایتک ممکندر . زیرا اونک ایلیسنده کی زمین ، دیگر اشغال ایدلمش نقطه لر طرفدن پک اعلا دوکیله بیلور . طوبچی بوراده پیاده اوزرندن انداخت ایدمه جکندن جبهه ده اوکا بریر تخصیص ایتک لازم کلیور . بناءً علیه ، طوبچی عین زمانده اوزرنده بولندینی منطقه نك مدافعه سنه ده اشتراک ایدمه جکدر . اویله ایسه ، اوزرلرنده طوبچی بولنه جق اولان منطقه لر بالطبع اوته گیرندن دها کنیش اوله جقدردر . وسطی اوله رق بر بطریق جبهه سی ۸۰ متره در . طوبچی آره سنده (۲۰) شر خطده آره لق بر اقیلور حین حاجتده بوقاصه لر (۴۰) خطویله قندیر ایندیریلور .

قوتی احواله کوره دکیشور . مذکور قوت منطقه جبهه سنک امتدادی اوزرینه اجرای تاثیر ایدر . بر طابور صورت عمومیه ده (۴۰۰:۲۰۰) متره نك بر جبهه مدافعه ایدمه بیلور . بر طابورک جبهه سی آنجق بعض احوال خصوصیه موجود اولدینی زمان (۴۰۰) متره دن زیاده اوله بیلور . از جمله طابورک منطقه سنده طوبچی وارسه دیدیکمز کی بومنطقه نك جبهه سی (۴۰۰) متره دن دها بیوک اولور . اگر بوراده (توبله ری) ایله کویک غرب کناری آره سنده کی منطقه بر طابوره حواله اولنورسه بومنطقه نك جبهه سی (۵۰۰) متره قدر بر شی ایدمه جکدر . بوايه

هر حالده قبول اولنور . زيرا بطريه لرك ايکيسي ده (تويله ري) نك شرقنده يرلشمش لردر . قوش باقىمى حسابيله (فلورى) نك جنوب كنارى تخميناً (۴۰۰) متره قدردر . مذکور کويک دشمن هجوم اصليسنه هدف اوله جنى احتمالى نظر دفته آنورسه بوراسى اولدقجه بيوک بر منطقه تشکيل ايدر . لکن ، الده موجود اولان قوتلر کويي ايکي پارچه يه آيرمه م مساعد دکلدلرلر . بناءً عليه برنجي خطده ده ا ضعيف بر محافظ يعنى بر طابور عسکر بولنديره رق اوسايه ده تام بر طابوري کي روده احتياط عمومي بر اقق ده ا يودر . بو طابور کويک محافظه ياردم ايده بيله جک صورتده بر يره يرلشديريلور .

اگر مسئله کزده اوچ طابور يرينه درت طابور ويرلش اولسيدي ؛ کويده ايکي طابور بولندرمقدن ايسه ينه کي رويه ايکي طابور احتياط عمومي بر اقق ده ا ي اولوردي . کرچه بوندن طولايي سزک برنجي خطکزر بر آاز ضعيف قالوردي . لکن اوکا مقابل قوتلى بر احتياط عمومي يه مالک اولورديکزر .

بناءً عليه مادونلريکزدن هر بريسي جبهه نك فلان ويا فلان قسمي ، فلان يولي ويا فلان مسکون محلي کيم مدافعه ايده جکدر ، بوراسنى ايوچه بيله جک صورتده منطقه لريکزي دقت واعتنا ايله تحديد ايدکزر . بوجهله ويره جککزر امرلرده (داخل اولديني ويا داخل اولمديني حالده) تعبيرليني صيق ، صيق تکرار ايتمکدن چکنمیکزر .

اويله ايسه طابورلردن بريسي احتياط عمومي ي تشکيل ايده جکدر . بر مفرزه ده احتياط عمومي صورت عموميه ده يالکزر پياده دن تشکيل ايدر . زير اسواري و طويجي کاملاً برنجي خطلرده قوللانيلور . يالکزر بيوک جزء تاملرده سواري و طويچينک برر قسمي احتياط

عمومی به تفریق اولنه بیلورلر . احتیاط عمومینک یری تهدید اولنان جناح کریسنده و آچقنده بولنور . زیرا موضعه بولنان بر مفرزه به هجوم ایچون الک مرجع بر اصول تشکیل ایدن احاطه حرکته چاره بولوق یعنی اوکا مقابله ایده بیلیمک خصوصنده الائی رایشته او دیدیکمز یردر .

احتیاط عمومی تعرضه کچمک ایچون مستور بولندی یردن مشکلاتسز بر صورتده جیقه بیلجک وجهله یرلشدر بولمیدر . احتیاط ایله ، تهدید ایدلمش اولان جناح یتنده کی مسافه ایجه بیوک اولمیدر . بونکده سببی احتیاط ، احاطه حرکتی یان دشمنک یاتی آله بیلیمک ایچون کندی ایلرو سنه طوغریدن طوغری به یورویه بیلیمش اولمیدر . بناءً علیه دشمنک هجوم اصلی استقامتی بیلندکجه احتیاط عمومینک یرینی تعیین ایتک غیر ممکندر . نظریات ، مدافعه دن تعرضه کچمک لازم کلدیکنی سوبلیور . لکن ، عملیاتده بونک تطبیقی پک قولای دکلدیر .

وقت صلحده یاپیلان مانوره لر مزده بیله بز خصوص مذکور ی باشه چیقاره میورز . اگر بالتصادف مدافعین ، خصمنی جبهه دن کیر وپوسکورتمک ایچون بولندی مستور محلدن طیشاری چیقمق ایستیورسه او آنده مدافعه نک بتون فوآندندن واز کچمش بولنور . فی الحقیقه بو وجهله حرکت ایده جک مدافعین ایچون بر دفعه کندی آتشی کسمک وایلرویه طوغری یوریشنده خصمک مجتمع و متقارب آتشرینه معروض اولوق لازم کله جکدر . حتی بو حرکتدن طولانی هاجمین فسا حاده صارصلمش اولسه بیله اوکی بر حرکت شمیدیکی زمانک بیوک منزلی و سریع انداختلی سلاحلرینک تأثیر وقوتیه پک چابوق قانی بر مغلوبته منجر اولور . لکن اگر مقابل هجوم ، هاجمینک یاتی آلان بر احتیاط طرفندن اجرا ایدیلورسه اوزمان ایش بشقه لاشور .

چونکه احواله موضعك آتشلى احتياطك حركتيله مزج وتأليف ايدلمش بولنور. مع هذا ، بك مقبول اولمقله برابر بواصول مدافعين طرفدن دائماً تطبيق ايديله مز. زیرا ، مدافعينك قواى موجوده سی ، دائماً برچوق عسکرى احتياطه ويرمسنه مساعد دکلدر . بناءً عليه مدافعه ده قائمه راضى اولان طرف ، اك ضعيف بولنان ويا هيچ دكلسه ، تعرضه كچمك ايجون كنديسنده قوت كورميان طرفدر . اويله ايسه ، شو فكرلردن طولايى مدافعه ده قالدیغنى بيلن جهت ، محاربه ائناسنده بيله كرى به ترك ايتديكى عسكرى اكثر يا يالكز طوتدینى موضعى الدن چيقارماق خصوصنده استفاده چالیشه جقدر .

بز بوراده احتياط عمومى يى يرلشدير مك ايجون ايكي يره مالك بولنورز . برنجيسى ، (فلورى) نك شمال شرقى چيقنديسنك همان شرقنده ، ايكنجيسى كويك شرقنده و (۲۱۸) راقلى تپه نك كريسنده در . كرچه ، بولرك ايكنسى ده ، كوي احاطه ايتك ايستيان بر هاجين علينه تعرضه كچمكه بك اعلا مساعددر . لكن ايكنجيسى دشمنه برذن هجوم ايتمكه دها الويريشليدر . بكا قالورسه بنينه . برنجيسى ترجيح ايدرم . چونكه احتياط اوراده يرلشورسه ، نسبةً ضعيف اولان كوى مخافطى طوغريدن طوغرى به حمايه ايدلمش بولنور .

مسئله كزه نظراً ايكنجى طابورك (فلورى) هجومنده بك چوق ضايعات ويرمش اولديغنى البت بيلورسكز . انك ايجون كويك مدافعه سی كجى اك كوچ واك مهم بر وظيفه يى اوكا حواله ايتك بنجه اى برشى دكلدر . اك ايوسى مذکور طابورى احتياط عمومى به براقكز . اوسايه ده بو طابورده ايجه كنديسنى طويلادقندن صكره ، بر آزدكننور واوغرادينى ضايعاتك تأثيرى "اونك اوزرنده يواش ، يواش آزالمغه يوز طوتار .

برنجی طابور، کندی عسکرینک قسم اعظمی زده ایسه شهسز
ینه اوراده قاله جق . و بر آن اول نظام و انتظامه کیرمکه چالیشه جقدر.
هجومدن صکره برکرده (فلوری) کونیک سواقلرینی واولرینی
فکراً اولسون کز مکنزی رجا ایدرم. بر برینه قاریشمش اولان جزء
تاملری انتظامه صوqqق ایچون اک بسیط واسطه برنجی طابوری کویک
غیربنده ایکنجی طابوری کویک شالنده جمع ایتک ایچون ویرله جک
قوماندالردر .

اوجنجی طابور کچن هجومده ذاتاً احتیاط اولدینی ایچون کویک
شرق کناری اوزرنده اولجه دهها اجتماع ایتمش بولنیور . بناءً علیه
(فلوری) کونیک بو طابورله اشغالی شهسز دهها منتظم بر صورتده
وقوعه کلیر . لکن ، اگر بز کوی ایکنجی طابوره اشغال ایتدیرمش
اولسیدق او زمان شویله بر انتظام آرایه مز ایدک . چونکه
مذکور طابورک بلوکلری حالا قارمه قاریشیق بر حاله در .
ایکنجی طابورک یرینه اوجنجی طابورک کچرلسی هیچ بر محذوره سبب
اوله مز . چونکه دشمنک اوزاقده بولندینی سزجه معلومدر .

(فلوری) کونینی اشغال ایتدکدن صکره اوجنجی طابور ایچون
شهسز الده چوق بر زمان قالمیه جقدر . لکن ، بونکله برابر مذکور
طابور اک مهم مسافلری تقدیر ایتک ، اولچمک ووافق تفک دال
بوداقلری وچالیلری کسه رک انداخت میدانی آچق خصوصنده بتون بوش
و قتلرندن استفاده ایده جکدر . اوندن بشقه مذکور طابور آتش
باشلامش اولنجه یه قدر ایشه دوام ایتک اوزره بعض سپرلر بیله
قازمغه باشلایه جقدر . اسلحه حاضره نک تأثیرات فوق العاده سندن
طولانی اک کوچک بر ستره صناعی بیوک بر اهمیت حائزدر .

برنجی طابورده کندی منطقه سینه واردینی زمان کذاک کرک (تویله ری) و کرک کویک ضربنده کی باغچه لرده یراشمکه باشلیه جقدر. بناءً علیه میرالای ب.. ویردیکی امرده ایکی منطقه نك درحال مدافعه حالنه وضعی امر ایده جکدر. امرده بوکبی شیلردن بحث ایتک فائده سز برشی دکدر. بالعکس پک مهمدر. چونکه قطعات عسکریه اودرلو مدافعه ایشلرندن پک اوقدر خوشلانمزلر. اویله ایسه بو ایشلری اونلره یایدیرمق ایچون مطلق امر ایتک لازمدر.

ایشلرک اک مشکل اولدینی و ماہر ایش-جیلره لزوم کوریلان نقطه لرده استحکام عسکری پیاده صنفنه یاردم ایده جکدر. یعنی بوراده بومعاونت اک جوق کوی ایله (تویله ری) ده اوله جقدر. استحکام قازمه جی نفرلرینک تقسیمی خصوصی کندی یوز باشلیرینه براقیله جقدر. اگر هنوز ایش باشنده ایکن آپ آنسزین شدتلی بر آتش باشلارسه استحکام عسکرلری ده همان سلاحه صاریله رق مدافعه یه اشتراک ایده بیلورلر. چونکه اونلر پیاده کبی آتش ایتکه مقتدردرلر.

مع هذا، شو صروده اک ایوسی اونلری کیرو آلمقدر. زیرا ینه تکرار ایدرمکه، اونلرک اصل وظیفه سی ایش ایشلمکدر. واونلر یالکز پک مستثنا حاللرده محاربه ایتکه مجبوردرلر. فی الحقیقه اگر استحکام بلوکی محاربه ائساننده برچوق ضایعاته اوغراسه بر آز وقت صکره بوندن متأثر و متأسف اوله جق ینه سزسکز.

طویجی آتسه دوام ایتکه مجبور اولدیغندن اونک سپرلر یامغه وقتی یوقدر. یالکز طویجی آتش ایتدیکی زمان طوپ نفرلری دشمن آتشدن کندیلرینی قورومق ایچون دیز چوکه بیلورلر.

والحاصل میرالای ب.. کچن هجومده ایجه صرف نظر ایدلمش

اولان جبخانه لركا كمال و مجديدي ده تامين ايلمكه مجبوردر. چونكه كوي آدم عقللى مدافعه ايده بيلمك ايجون الده جوق جبخانه بولمق شرطدر. بناء عليه ميرالاي ب.. جبخانه عربهلرينك كتوردىكى جبخانه لرى توزيع ايتديره جك وبو عربهلرك (فلورى) نك شمال مخرجه كلكلرينى امرنده ذكر ايله جكدرد.

بر مدافعه محاربهنده جبخانه لرى آتش خطى اوزرنده سندقلرده، چانطهلرده وسائر بشقه درلو بر صورتله احتياطه براقيلورلر. اولورلر ويا ياره ليلر اوزرندن آلنان جبخانه لرى محاربينك جيلرينه قونيلور. اكر ميرالاي مثلاً كويك محافظلى ايجون بر جبخانه احتياطى تشكيل ايتمك فكرنده ايسه، بو خصوصده، ايكنجى طابورك (احتياط) جبخانه عربهلرينى قولالانور. جبخانه عربهلرى بوشالقلرى كې تكرار طولدر لمق ايجون (ميج) هكوندريلورلر. بلوك عربهلرندن اخذايديلان جبخانه لرى ايله اثرادك جبخانه لرينى تهديد واكل ايتمك وظيفه سى طابور قوماندانه عاندر. طوپچى صنفى طوبارلاقلردن و برنجى قدمه دن اخذ ايديلان جبخانه لرى تهديد واكل ايتمك ايجون لازم كلان وسائطه بطريه احتياطلرنده مالك بولتيور.

بوشالمش اولان صندوقلرك جبخانه سنى اكل ايتمك طوپچى طابور قوماندانك وظيفه سيدر.

طوپچى جبخانه سنى اكل و تهديد خصوصنده بر وجه آتى نقطه لرى نظر دقتده بولنديركز: طوپچى موضعه كيرديكى زمان ايلك مرميلرينى طوبارلاقلردن آلور. هر بطريه يك برنجى قدمه سنده ايكي قاپاقلينك بريسى ايكنجى طوپك اون خطو كيروسنده، ديكرى ينه عين مسافه ايله بشنجى طوپك كيروسنده بولنور. طوبارلاقلر

ایکی قباقلینک مواصلتی آننده دها کیرویه کوندریلورلر . ومکن اولدجه بطریه‌نک جناحلی خارچنده وبرنجی قدمه‌نک اقسام متباقیه سیله برلکده دشمندن محظوظ بولمغه چالیشورلر . اگر ستر اولنه جق محل یوقسه اوزمان اولنری طویلرک اچق (۲۰۰) متره قدر کیروسنه کوندرمک اصولدندر . طابور ، طابور اجتماع ایتش اولان بطریه احتیاطلری تخمیناً (۶۰۰) متره قدر کیروده وسربست بر اقلمی . ایجاب ایدن یوللرک خارچنده قدمه‌حالنده طورلر . بطریه احتیاطلرینک قوماندانی بعده هر بطریه‌نک برنجی قدمه‌سنه ایکی قباقلی کونددر . برنجی قدمه‌نک بوش قباقلیلری بطریه احتیاطلرینه التحاق ایدرلر . واک یقین جیخانه محلینه کیدوب جیخانه آلق ایچون طویلانورلر . میرالای ب.. (تویله‌ری) ده بولنیور . مومی الیه شمذیک اوراده قاله‌جقدر . چونکه بتون محاربیه وقوعاتی اورادن درجه کافیه ده کوره بیلور . لکن هاجین کویک شرق کنازی علینه یایلمش اولدینی زمان میرالای ب.. مصادمه قطیه آننده اخذ ایدیله‌جک ترتیباتی آلق ایچون کندی احتیاط عمومیی جوارنده بولنق اوزره (فلوری) نک شرقده (۲۱۸) راقلی تپیه کیده‌جکدر .

امر (تویله‌ری) ده ویریه‌جکدر . بناءً علیه میرالای ب.. طابور قوماندانلری ایله طویجی طابوری قوماندانی واستحکام بلوکی قوماندانی یاننه چاغیره‌جقدر . سواری پک اوزاقده اولدینی ایچون امر بالطبع اوکا تحریراً کوندریله‌جکدر . امر آله‌جق ضابطانک طویلانمی ایچون تخمیناً (۵) دقیقه لازمددر . بناءً علیه سز صباح ساعت (۱۱) ی (۳۵) کچمزدن اول امریکزی ویره‌میه‌جکسکز . بودفعه ده مفرزه‌نک حال ووضعتی اوکرنش اولق ایچون میرالای س.. ینه امرک بر انسخته‌سی کوندریله‌جکدر .

ایشته امرکز بو وجهله ترتیب ایلمش بولنه جقدر :

(تویله ری دوفلوری)

۳ - ۳ - ۸۹ - ۱۱۰۳۵ کو

مفرزه امری

۱ — مفرزه طرفندن مغلوب اولان دشمن قارمه قاریشیق بر صورتده (لامانسه) اورمانی اوزرینه چکلدی . بر دشمن بطریه سی (لامانسه) اورماننك شمال غریپسینده کی صرت اوزرنده موضع آلدی . تازه قطعات عسکریه دن اولق اوزره دشمنك اوچ طابور پیاده وبر بطریه دن عبارت بر قوتی (پورنوی لاغراس) - (نوتردام) دن کچهرک (فلوری) اوزرینه یوریور .

میر آلا ی س .. (هوپتال) اورمانلری و (مبلکو) خطی اوزرنده ثبات ایدیور .
۲ — مفرزه (تویله ری) - (فلوری)
خطنی طوته جقدر .

۳ — بطریه لر اولدقلری موضعه ده قاله جقلر و (لامانسه) اورماننك شمالنده کی دشمن بطریه سی اوزرینه انداخت ایده جکلزدر .

۴ — (۱۳۰) نجی پیاده آلاینك برنجی طاבורی (تویله ری) داخل اولق اوزره (تویله ری) ایله (فلوری) نك غرب کناری بیننده کی منتطقه یی اشغال ایده جکدر . کویک غرب کناری بو منطقه دن خارجدر . اوچنجی طابور کوی مدافعه ایده جکدر . موضع درحال مدافعه حاله قونیه جقدر .

۵ — (۱۳۰) نجی پیاده آلائنك ايكنجی
طاہوری (فلوری) نك شمال شرقی چیقند.
یسندہ اجتماع ایدہ جك واحتیاط عمومی
تشکیل ایدہ جکدر .

۶ — (۱۶) نجی استحکام طاہورینك
برنجی بلوکی برنجی واوجنجی طاہورك
منطقہ لرندہ تحکیمات تدافیعہ خصوصاً لرندہ
مذکور طاہور لرہ یاردم ایدہ جکدر .

۷ — (۱۳) نجی سواری الای صول
یانی ستر ایدہ جك و (ھوپتال) اورما .
نرلیہ (پورنوی لاغراس) جھتی کشف
ایتدیرہ جکدر . اوندن بشقہ مذکور الای
(سہیل) نہری بونجہ ، (آویژی)
اورمانی جھتندہ بعض کشافلر چیقارہ جنی
کبی میرالای س . . نك مفروزہ سیلہ دہ
ارتباط حصولہ کتیرہ جکدر .

۸ — (فلوری) نك شمال مخربندہ بولنان
جیخانہ عربہ لری درحال بوشالہ دیلہ جقلردر .
۹ — راپورلر بکا (تویلہری) دہ واصل
اولہ جقدر .

میرالای ب . .

سواری بہ بر امر ضابطی واسطہ
سیلہ تحریراً ، طولانمش اولان
دیگر ضابطانہ شفاہا ؛
میرالای (س . .) ہ بر امر ضابطی
واسطہ سیلہ تحریراً تبلیغ ایدلشد :

اولیه بر وضعیتده بولنیورسکزرکه ، امر ویرلدیکی آنده ده
موضعک هر طرفدن ومکمل بر صورتده اشغالنه باشلانمی مجبوری
واردر. بونک ایچون میرآلای ب . . شمدیکی حالده یالکز بر امر
شفاهی ویره جکدر . زیرا بر چوق امرلر ویرمک زمان غائب
ایتدیرر . بوندن طولای ایسه اخذ ایدیلجه جک ترتیباتک اجرا
وتطبیق کجیکمش اولور . قطعات عسکریه پک طاغنیق اولدقلری
زمان اونلرک هپسنه هاند یالکز بر امر ویرمک لازمدر . بر مدافه
موضعک اشغالی خصوصندهده بو وجهله حرکت اولنور .

بو وضعیتده مادون قوماندانلر کندیلرینه هاند اولان ترتیباتی
کندی قومشولرینک وظیفه سیله توحید ایده بیلیمک ایچون، سائر
احوالدن زیاده ترتیباتک هیئت عمومیه سنی مفصلاً بیلیمکه محتاجدرلر .
بر آزاریشیق وزور بر مدافه تشکیلاتی یایمق لازم کلدیکی زمان قوماندان
اولان ذات دها زیاده تفصیلاته کیریشمکه وهرکسک وظیفه سنی کمال
دقله کوسترمکه مجبوردر . زیرا بویله یابلمزسه ایلروده ظهور
ایده جک بر یاکلشلق سیبیله اتحاد حرکت خلل کلش اولور. مع هذا،
مادون ضابطلرک بساتون صلاحیتلرینی اللرندن آماق ایچون بعض
اوافق تفک تفصیلاتک اجراسیده اونلره براقق لازم کلیور. بناء علیه
پک مختلف تعیه وضعیتلرنده عینی بر اصولک خدمت کوره بیلجهکنه
اینانمقدن احتراز اولملیدر . چونکه تعیهده احوال خصوصیه دن
بشقه بر شی یوقدر. بو حاللردن بریسنه تطبیق اولان شی اوته کینه اویماز.
بن بو سوزی نه قدر تکرار ایتسم ینه آذرر . شو بولندیغمز
حالده امرک (۴) نجی ماده سی موضعک اصول اشغالی اوزرینه
آز چوق تفصیلاته کیریشمش اولسیدی بوندن هیچ بر قنالق
چیقمزدی .

تعرص ایچون اولدینی کبی برمدافعه امری دخی بر برینی متعاقب
تدقیق ایدلسی لازم کلان بر جوق ملاحظاتدن صکره ویرملک لازم
کلور . ملاحظات مذکوره ایسه شونلردر :

- ۱ — مدافعه موضعی اشغال ایتک زمانی کلشمیدر ؟
- ۲ — دشمن انتخاب ایدیلن موضعه هجوم ایتک مجبورمیدر یوقسه مذکور
موضعه هیچ اهمیت ویرمه منلک ایده یلوری ؟
- ۳ — موضع کرک طویچی و کرک پیاده نك مؤثر آتش اجرا ایتسنه مساعدمیدر ؟
طویچی درجه کافیه ده حمایه ایدلش بولنیوری ؟
- ۴ — ایلروده بولناف فلان ویا فلان مانعک قیمتی نهدر ؟
- ۵ — دشمن عجباً هجوم اصلیسنی هانکی جهتدن سوق ایده جکدر ؟
- ۶ — ایکی یان درجه کافیه ده مستورمیدر ؟
- ۷ موضعک کپروسنده کی اراضی قابل مشی و حرکتیمیدر ؟ خطر رجعت نره دن
کپیور ؟ ای بر التجا موضعی وارمیدر ؟
- ۸ موضعک جبهه امتدادی نه قدردر ؟
- ۹ موضعک منطقه لره تقسیمی ؟
- ۱۰ — احتیاط عمومی نصلی قولانیله حق ونره ده یرلشدیر یله جکدر ؟
کله جک مسئله دیگر بعض نقطه لردن دها بحث ایده جکدر . بومستله یی
یتورمزدن اول سزدن ایستیلان قروکی اوزرینه بر ایکی سوزدها
سویلکم ایستیورم . بوقروکی برنجی خط . منطقه احتیاطلری ،
و احتیاط عمومی قطعاتی پک آجیق و صحیح بر صورتده کوسترمش
اولمیدر .

صاغ جناحده (سایل) وادیسی اوزرنده برقاج کشف قولک
کوندردلدیکنی اشارت ایتلیسکنز . برنجی طابور منطقه سنده ایکی بلوک
برنجی خطده بولنیورکه بونلردن بریسی (تویله ری) یی دیگر کیویک
غریبنده والک جنوبده کی باغچه یی اشغال ایدیور . منطقه نك احتیاط
خصوصیسنی تشکیل ایدن دیگر ایکی بلوک منطقه مذکوره نك خارجی

یانی کیروسنده و (تویله ری) نك آرقه سنده مستور بولنورلر .
 برنجی خطك ایکی بلو کندن هر بریسی بدایتده برر طاقم یایه جقلردر .
 استنادده قالان دیگر طاقلر آوچیلرک کیروسنده مستور محللرده
 یرلشمش بولنورلر . بناءً علیه محاربه نك بدایتده محاربه جهه سی
 ضعیف بر کثافتی حائر در . لکن هاجینک هجومی تمامیه کندیخی
 کوستر مکه باشلادیخی آندن اعتباراً، آتسه شدت اعظمیسی ویره جك
 صورتده، برنجی خط تقویه اولنور . اگر دشمن دها بیوک مسافده
 ایکن واسع و متحرک بر هدف تشکیل اید یورسه آنی مؤثر بر صورتده
 دوک بیلیمک ایچون برنجی خطده ممکن اولدیخی قدر زیاده تفنك
 بولندیر یلور . باخصوص دشمن پك آز بر زمان ایچون کوریلورده
 تکرار کنیدیسی کیزلرسه بوکا دها او قدر زیاده اهمیت ویریلور .

اگر سزك استادلریکز (تویله ری) نك کیروسنده قیرنلیوبده
 دها آرقده بر اقلمش اولسه لردی، اوزمان خط حربه کیرمك خصوصنده
 دشمنك مؤثر آتشی آلتنده آجیق بر اراضیدن ایلرولمکه مجبور
 اوله جقلردی . وشه سز اولنلرک اوغرامش بولنه جقلری ضایعات
 جدیه کلن امدادلرک قوتلریخی دها او قدر زیاده آزالتمش بولنوردی .
 استادلر ایچون مناسب یوللر اولمدیخی زمان اك ایسی اولنری یا آوجی
 خطی اوزرنده ویا آنك بر آز کیروسنده طوتمقدور .

ایکی بطریه (تویله ری) ایله کوی آره سنده و بر خذاده اولوق
 اوزره کوستریله جکلردر . طوبار لاقلر و برنجی قدمه نك قاپاقلیلری
 بطریه لره توجیه ایدیلان آتشلردن متأثر اولماق ایچون جناحلرک
 کیروسنده وضع اولنه جقلردر . بناءً علیه بر بطریه نك کیلری
 (تویله ری) نك شمالنده کی زمین عارضه سنک کیروسنده، دیگر بطریه نك

کیلری ایسه (توله ری) دن (فلوری به) کیدن یول جهته ده کی اولرک
کیروسنده یرلشدیر یله جکلردر. بطریه احتیاطلرینه کلنجه (پوی) نک
جنوب مخرجنده بیوک یول یقینده و آنک بر آرزو خارجنده بوله جکلردر.
(فلوری) طابوری کذلک ایکی بلوکنی برنجی خطه قویمشدر.
صاغ جناح بلوکی طاقلرندن بریسنی آوه چیقارمشدر که مذکور طاقم
(نوتردام) یولنه حاکم اولمق اوزره کویک جنوب کناری اوکنده کی
صرت اوزرنده در. بونک استادی ایسه کویک کنارنده و یوک یقینده در.
ایکنجی بلوک بر طاقنی آوه چیقارمق کویک شرق مخرجی
جنوبنده کی باغلر ایچنده بولندیریور. بونک استادی کویک جنوب
شرقی چیقندیسنده در. طابورک دیگر ایکی بلوکی منطقه احتیاطنی
تشکیل ایدر لر و جنوب شرقی مخرجنک شمالنده کی میدانلقد طوردر لر.
اونلر بوسایه ده برنجی خطی تقویه ایدم بیلجکلری کبی حین حاجته
کویک مخرجلرینی ده مدافعه ایدم بیلجکلردر.

بر کوی اشغال ایتزدن اول بر کره یالکز کویک کنارینی
مدافعه ایتمکله می اکتفا ایدم جکسکز یوقسه مقاومتکزی ایچروده
بعض اولره قدرمی تمید ایلجه جکسکز، ایشته بوراسنی قطعاً بیلیمکز
لازم کلور. یالکز وقت قازانمق آرزو ایدلدیکی زمان مادام که،
ایرکیج کوی تخلیه ایدم جکسکز، اویله ایسه اولری اشغال ایتمکن
چکینکز. زیرا بر رجعت وقوعی حالنده او اولرده یرلشمش اقسام
عسکریه احتمال که تام وقتنده کیرویه چکیلیمه جکلردر. بوراده میر آلی
ب.. کندی وظیفه سنی باشه چیقارم بیلیمک ایچون (فلوری)
کویخی معنده بر صورتده مدافعه ایتمکه مجبوردر. بونک ایچون اگر
کویک کنارندن طرد ایدلمش ایسه، دشمنی کیرو پوسکورتمکه مأمور

اولان احتیاط عمومیسنک بووظیفه سنی تسهیل ایتک ایچون کویک
ایچرولرنده بیله دشمنله دوکوشمکه دوام ایلیه جکدر . بناء علیه محاربه دن
اول وحتی محاربه ائساننده فلان ویا فلان سوقاقلری یان آتشنه آلمغه
مساعد ویا کندیلرینک اصول انشالری ویا منفرد بولنشرندن طولای
ای بر مدافعه یه الویریشلی اولان اولری تام زماننده طوتمق ایچون
لازم کلان تربیات آلنور .

اونلری منطقه احتیاطی اشغال ایدمک ؛ لکن یالکز خریطه یه
باقه رق خانه لک خواص تدافعه سنی طامیق واکرتمک تمکن دکدر .
بن شو نقطه اوزرینه سزک یالکز نظر دقتکزی جلب ایتمکه اکتفا
ایده جکم . (تعیه رهبری) نام اثرک کوی محاربه لرینه عائد فصللری
بر کره دهاکوزدن کجیرسه کز فنا ایتماش اولورسکز . احتیاط
عمومی طابوری یا چفت قول نظامنده ویا کنیش قول نظامنده اوله رق
کویک شمال شرقی چیقندیسنده وضع ایدیله جکدر . اگر مذکور طابور
کنیش قول نظامنده وضع ایدلمش ایسه بوندن سزک یالکز بر خط
اوزره واک کنیش برجه ایله مقابل بر تعرض یایمق فکرنده بولندیگزی
آکلاتمش اوله جقسکز . حال بوکه چفت قول نظامنی قوللانش
اولسیدیکز او زمان هیچ دکلسه ، بر ویا ایکی بلوککزی ایکنجی
خطده براقق فکرنده اولدیگکز آکلاشیله جق ایدی .

سواری بلوکلرینه کلنجه اولرده خط قول نظامنده اولق اوزره
(فلوری) خذاسنده (هویتال) اورمانلرینک یقیننده دشمندن
مستوراً طورلر .

حقیقت حالده پیاده کز ، ایلک اوکجه اک مهم نقطه لره یالکز دوت
طاق قدر بر شی یایمش اوله بقدر . قوتک متبایسی دشمنک تقرینه
انتظار ایلیه جکدر .

بوسایه ده قطعات عسکریه هاجینک حرکاتی ایودن ایویه آکلاشلمش اولنجه یه قدر قوماندانک الی آتنده قالمش اولور. مدافعینک وظیفه سنی اودرجه کوچلشدیرن شیلردن بریسی، قوای عسکریه یی صوک زمانه قدر صاقلی بولندیرمق، تصرفله اداره ایتک و اوندن بشقه بتون ترتیبانک عددجه مدافعیندن اکثریتله ده اچوق اولان دشمن ترتیبانک کوره آلتق لازم کله جکی مجبوریتیدر. شمدیکی زمانه اسلحه ناریه سنک بونجه فوایدینه رغماً مدافعه ده ینه بر چوق محذورلرک موجود اولدینی انکار ایدیله مز.

صغوق قانلیق ایله آتش ایدن بر پیاده یالکنز یانلری استنادسز اولدینی زمانه دوچار مغلوبیت اوله بیلور. نقطه استنادلر بولمندی حالده، منطقه احتیاطلری و یا احتیاط عمومی برنجی خطک یانلرینی حمایه ایتکه مأمور اولورلر. ایشته بونک ایچون برنجی طابورک منطقه احتیاطی صاغ جناحک کیروسنده، احتیاط عمومی ایسه صول جناحک کیروسنده بولنمش اوله جقدر. استنادلر آوجی خطنه ممکن اولدینی قدر یقین بولنورلر. برنجی خط ایله احتیاطلر آره سنده کی مسافه کذلک الدن کلدیکی قدر قیصه اولمیلیدر. بو مسافه لردن مقصد برنجی خطی سریعاً تقویه ایتلرینه مساعد اولقله برابر احتیاطلری دشمن آتشدن مصون بولندرمقدر.

طوبچی هجوم اصلی یی اجرا ایدن قطعات عسکریه اوزرینه آتش ایتش اوله جنی یعنی مذکور قطعات کویک غربنده کی باغچه لرو بوستانلر ایله ستر ایدلمش بولنه جنی زمانه قدر موضعه ده قاله جقدر. اوندن صکره طوبچی زمانه قطعیده کندی پیاده سنه یاردم ایده بیلیمک ایچون کویک شرقده (۲۱۸) راقلی تهیه کیده جکدر. طوبچی یی برنجی

موضعده براقق ودشمن طوبجیسی اوزرینه آتشی دوام ایتدیرمک شبهه سز بر خطا اولوردی . هجوم اصلی دشمن پیاده سی طرفندن ایودن ایویه میدانه چیقمش اولدینی زمان مذکور هجومی نتیجه سز براقق ایچون الده موجود اولان بتون وساطتی قولانمقی لازم کلور . طوبجی موضعنک دیکشدرلمسندک کی مشکلات وبو ائنده دشمن طوبجیسنک آتشنه معروض قالان دوست پیاده سنک دوچار اوله جفی تهلکله اوزرینه اصرار ایتک فائده سزدر .

مدافعه ده طوبجیکزک ، بدایت محاربه ده موضعکز ایلروسنده کی اراضی یی وتقرب یوللری دوکسی کافی دکلدر . بالعکس زمان قطعیده ، هجوم اصلی اجرایه مأمور اولان دشمن پیاده سی اوزرینه سریع بر آتش اجرا ایده بیلرسی ده لازمدر . اگر طوبجی موضعنی دیکشدر - مکسزین شو وظیفه یی کوره بیلورسه نه اعلا ! شو صره ده طوبجینک اساسلی وظیفه سی صدمه قطعیه یی اجرایه مأمور اولان پیاده اوزرینه انداخت ایلمکدر .

سواری یه کلنجه ، تعرضی محاربه ده اولدینی کبی بر تدافعی محاربه سی ائناسنده ده اوینه کندی کشف وامنیت خدما تنه دوام ایتک مجبوردر . مع هذا ، سوارینک تعیه وظیفه سی مدافعه ده تعرضدن زیاده مهمدر . فی الحقیقه ، سواری ، دشمن مدافینک اک مؤثر آتش منطقه سنه کیرمش اولدینی زمان هجوم قطعیدن بر آز اول آنک یانلرندن بریسنه باصقین ایدرک اونی توقفه مجبور ایتک چالشملیدر . واقعا شو صره ده کندیسی ایجه ضایعاته اوغرار ، لکن باس یوق . . . اوندن بشقه سواری ، احتیاط اصلی ایله اجرا اولنان مقابل هجوم هاجمینی کیرویه پوستورتمک خصوصنده معاونت ایتک ایچون بر هجوم

یابغی ده بکلیه بیلور . آکسزین یاپیلان بر سواری هجومی بر کپرو
چکمه حرکتی هزیمته تحویل ایده بیلور . بناءً علیه سواری کندی
پیاده سندن چوق اوزاق بولنماملیدر . اونک اک ایو یری تهدید
اولنان یانده ویا بو یانک کپروسنده و آجیغنده در . بو شمدیکی حالد
سواری (فلوری) نک شرقنده (۲۱۸) راقلی تپه نک کپروسنده
یرلشه جکدر .

برحاضر لوق موضعى اشغال ايتىك ايچون ويريلاڭ امر نمونەسى

محل

تارىخ ، ساعت

مفرزە امرى

(انقسام عساكرى بوقدرە)

۱ — دشمنە و دوست قطعائە دائرە
معلومات .

۲ — مفرزە قومانداننىڭ مقصدى
(مفرزەنىڭ اك بىوك برقىمى ھانكى نقطە
اوزۇرئە بر اجتماع نظامندە بولنەجنى
كوسىر بولور . يورۇش تىرتىباتى رفع ايدىلور) .
۳ — سوارى ايچون تىرتىبات (اكثريا
دشمنە طوغرى كىدن يوللار اوزۇرئە بولوكلر
طرزئە انقسامە آيرىلور . ويا مجتمە بر حالە
بولنور وثابت يا خود متحرك كشافلرلە
ستر اولنور) .

۴ — طوبجى ايچون تىرتىبات (طوبجى
دشمن طرفىدن تعقيب ايدىلان مختلف يوللار
دوگە بىلەجك صورتە برصرت آرقەسندە
و اجتماع نظامندە قالور . ويا سپرلر انشا
ايدر . يا خود پيادە ايله برابر قالور) .

۵ — پيادە ايچون تىرتىبات (اراضىنىڭ
بىللى باشلى نقطەلرى اشغال اولنور . پيادەنىڭ
قسم كلىسى ايكنجى ماددەدە بيان اولنان
مستور محلك كىروسندە و مجتمە بولنور) .

۶ — موضعك مدافعە حالە و ضى ايچون
تىرتىبات [اكر بايىلەجق ايسە] مؤخرأ
كندولرى طرفىدن تحكيم ايدىلش اولان
نقطەلر مدافعەسنىە مأمور اولەجق قطعائە

عسکریه پیننده ایشلرک تقسیم، استحکامه

کوستریله جک مشکل وظیفه) .

۷ — پیاده جیخانه عربهلری ایچون

ترتیبات و (مستثنا اوله رق) سیار خسته

خانه لرک تأسیسی ایچون ترتیبات .

۸ — بیوک آغرقلر ایچون ترتیبات .

۹ — قوماندانک یری .

امضا

امرك اصول تبلیغ ویاارسالی .

اون بشنجی مسئله

د عمومی خریطه ایله (غراوه لوت) یافته سی

بعض دشمن قطعات عسکریه سی (وه ردون) دن (مچ) موقع مستحکمی اوزرینه ایلرولورلر . میرآلای ب .. قوماندا سنده اولان بر مفرزه (۱) کانون اول (۸۹) تاریخنده ، (قونفلان یارینیزی) ده (اورن) اوزرینه کیدن شمندوفر کورپسی تخریب ایتک ، (وه ردون) و (تهن) یوللری ترصد ایلک مقصدیله (ایرون) [عمومی خریطه] نهری اوزرینه کوندرلشدر . بو مفرزه ، دشمن یوروشنه دوام ایتدیکی حالد ، محاربه ایتکسزین ، یواش یواش (روزه ری یول) دن (مچ) اوزرینه چکلمک ایچون ده امر آلمشدر . اوکله دن صکره دیدیکمز شمندوفر کورپسی تخریب ایدیلور ؛ سواری ایلک اوکجه (اورن) بونجه عدد اکندیسندن آز بر دشمن سوارینه ؛ بعده ، (قونفلان یارینیزی) نك (۵) کیلومتره غربنده کی خصم پیاده سنه راست کلور . پیاده غوارینک ایلرولسنه مانع اولور . اسیر ایدیلان بر دشمن پیاده غری ، کندی طاوورینک شمندوفرله (تهن) کورتورلدیکنی ومنسوب اولدینی آلاینک جنگ طاوورلری ده عین نقطه یه ، ایدیرلک لری سوبیلور . قراکلق یاصدقی سنده سواری ، (قونفلان - یارینیزی) - (فری یوویل) - (هانوویل) - اوپاسناز) جنگلک مان بر (۲) کیلومتره غربنده دشمن پیاده ایلری قره غوللری اوزرینه دوشدر .

میرآلای ب .. کندی مفرزه سیله یولک هر ایکی جهتده توقف ایدر . هوا ، ایجه صفوق اولدینی ایچون ، کندی قطعات عسکریه سی آتیده کی سوبیله جنگم وجهله قوناقلره برلشدیرر .

میرآلای ب .. نك هیئت ارکانی (ویون ویل) .

(۸) نجی آوجی طاووریه (۱۵) نجی هولان } دوققور یارینیزی) .
(۲) نجی بلوک } ایلری قره غوللر: (مولی نهل)
آلاینک (۲) نجی هولان آلاینک (۲) نجی بلوکندن } دن (دروواطومون) قدره .

(۵) نجی هولان آلاینک (۲) نجی بلوکندن } (سن مارسل) .
چیقاریلان محابره پوسته سی

۶۷ نجی پیاده آلاینک (۳) نجی طاووریه } (ویل سور-یورن) پوکسی بو
(۱۵) نجی هولان آلاینک برنجی سواری بلوک } خطی اوزرنده ایلری قره -
غولده .

- (۶۷) نجی پیاده آلاینک برنجی طاہوری. { (طرون ویل) .
- (۶۷) نجی پیاده آلاینک (۶۵) نجی
 بلوکلریہ طوپچی طاہوری ارکانی و (۱۵) نجی (وی یون ویل) .
 سیار طوپچی آلاینک (۴) نجی بطریہ سی . .
- ۶۷ نجی پیاده آلاینک ۷ و ۸ نجی بلوکلری. { (قلاینجی) .
- (۱۵) نجی سیار طوپچی آلاینک (۵) نجی
 بطریہ سی ، (۱۵) نجی استحکام طاہورینک { (رہ زون ویل) .
 برنجی بلوکی و سیارخستہ خانہ طاقی . . .
- ... (غراوہ لوت) موقی، (سہنت - روین) ایلہ (روزہری پول) دن کچن
 بر تلغراف خطیلہ (مچ) قصبہ سنہ مربوطدر .
- آقشام اوزری ، (ایسون ویل) کہ اوتہ لرینہ قدرایلرولش اولان برضابط
 کشف قولی آقشامک ساعت (۱۰) ندہ ویردیککی بر خبردہ (مارس لاطور)
 دن (۶) کیلومترہ اوزاقدہ بر دشمن اردو کاھی کوردیککی زبانان آتشلرک
 عدینہ نظراً اورادہ کی عسکر درت طاہور قدر تخمین ایلدیککی بیلدیریور .
 (۸۹) سنہ سی کانون اولک (۲) نجی کونی صباخ ساعت (۱۰) دہ میرآلای
 ب . . (سن مارسل) دہ کی مخابرہ پوستہ سی واسطہ سیلہ (۸) نجی آوجی
 طاہورندن آتیدہ کی حوادثی آلور :
- (دونقور- یارنیزی)

کانون اول ۸۹- ۹۱۲۵ کو

» (۱۵) نجی هولان آلاینک (۲) نجی بلوکی، بر جوق طاہورلر ایلہ بر
 بطریہ دن عبارت بر دشمن قولنک (اورن) وادیسنہ طوہری ایلرولدیککی
 و صباخ ساعت (۱۰) دہ (قونفلان ریانیزی) یہ واصل اولہ جغنی بیلدیریور .
 بن ، درحال (غراوہ لوت) اوزرینہ چکلپورم [۰] »

عین زماندہ (۱۵) نجی هولان آلاینک برنجی سواری بلوکی طرفندن
 و (هانوویل- اوپاساژ) دن کوندریلان آتیدہ کی وجہ ایلہ بر راپور آلنور :

[۰] میرآلای ب . . (۸) نجی آوجی طاہوری طرفندن کلان شوحوادثی
 (مچ) والیسنہ تبلیغ ایدر .

«موجودی همین ایدیلهمه مش اولان قوتل بر دشمن قولى بيوك يول اوزرنده ايلروليور . مذکور قول صباح ساعت (۱۰) سولرنده (هانوويل-اوپاساژ)ه واصل اوله جقدر .»

«صبح ساعت (۱۱) ی چيرك كچه ميرآلاى ب . . (غراولهوت) ده (مچ) واليسندن آتیده تلغرافی آلدینی زمان مفرزه (مچ) اوزرینه اولان رجسته باشلادی .

صبح ساعت (۱۰) ی (۱۰) كچه كوندرلمش اولان تلغرافنامه كزی آلم . (سن كهتتن) اوزرنده کی عملیات تدافیه حالا اجرا ایدلگده در . بوكونلك دشمنی (مونت وو) دره سنك غریبنده طوردرمغه چالیشكز «

شو ائشاده وضعیت بروجه آتیدر : قسم کلینك قول نهایتی ، (مانس) . واصل اولشددر . استحکام بلوکی بوراده کی ایشلرینی اكمال ایتمش بولنیور .

(۸) نجی آوجی طابورینك (دوتقور-یارنیزی) دن عزیمتی برآز كچیکمش اولدینی ایچون مذکور طابور آنجی (مالمه زون) ه واره بیلشددر . میرآلاى ب . . خصمه دائر دها بر جوق معلومات آلدی . مذکور معلوماته نظراً دشمنك جنوب قولى ، غالباً ، بر مقدار سواری ایله تقویه ایدیلدی ایچون (مارسلاطور) ی كچمكده و (۴) نك طابور پیاده ، بر سواری بلوکی وبر بطریقه قدر تخمین ایدیلان شمال قولى ایسه هان (دوتقور-یارنیزی) جنوبنده باش كوسترمكده در . دشمن قواهی عسكریه سنه دائر بیلینان شی بوندن عبارتدر .

آقشام ساعت (۱) ی چيرك كچه وضعیت ایجه وضوح پیدا ایدر . یالکز سواری قوماندانی مستثنای اوله رق دیگر جزء تام قوماندانلرینك هپسینی یانه طولامش اولان میرآلاى ب . . دشمنك (غراولهوت) ده ، (۲) طابور پیاده ایله بر بطریقه ؛ و (ماله زون) ده (۴) طابور پیاده ایله یاتمق اوزره بولندیغنی ، سواریمی ایسه شو ائشاده (اوج باش) اورمانلریله (ژهنوو) اورمانلرندن كچرك (پووان دوژور) ه قدر نافله یره ایلرولدیكنی بیلور .

میرآلاى ب . . عین زمانده (غراولهوت) دن حرکت ایدن بر دشمن آوجی خطنك بيوك يولك هر ایکی جهته (سن هوهرت) علیه یوردیدیكنی و (موغادورك) شمالنده کی تپه دن حرکت ایدن دیگر بر آوجی خطنك ده ، ایکی دشمن بطریقه سی (موغادورك) ك جنوب شرقیسنده موضع آلدقلى ائشاده ، (مانس) خندقنه متوجهاً شرقه طوغری ایلریلیدیكنی ده تصدیق واثبات ایلر .

(غراوه لوت) ك جنوبنده يالکز دشمن سواریدی کوریلور. (۱۵) نجی
 هولان آلاینك (۲) نجی بلوکی بروجه آتی معلوماتی ویرر : «اوج دشمن
 پیاده طاہوری (مال مه زون) ك شرق کناری مرکزندن آبریلان یول بونجه
 (ژہ فی وو) اورمانی اوزرینہ ایلرولکده در.»

یاسیله جق وظیفه

(۸۹) سنه سی کانون اولنك (۲) نجی کونی ایچون میرآلای ب ..
 طرفندن اخذ ایدیلہ جك اولان هر نوع ترتیبات .
 آلتان ترتیباتك اسبابی وطوتیلان موضعلك قروکیسی .
 (دونقور - یارنیزی) ده کی قطعاه عائذ اولان ترتیبات ، تعلیمات صورتندہ
 ویرلش اولہ جقدر .
 خاطرکزده قالسون : (موزهل) نہرینك صول ساحلندہ کی اورمانلر پك .
 صیقدر .

اون آلتنجى مکتوب

رجعت، حاضرلىق مۇۋەپپەقىيەت، مەدافىئە مۇۋەپپەقىيەت.

(۸۹) سەئىدى كەنىن اولكە بىر ئىچى كۆنى مېر آلاى ب .. شەندوفىر
كۆپىنچە تەخىرىب و دىشەنك (مېچ) اوزىنە اولان يوروشنى كەشف
ايدىرك وظيفە سەنك باشلىغە بىر قەسەمى ايفا ايلدى . اسىر ايدىلش اولان
دشەن پىادە سەنك وىردىكى حوادىث نەزەر مەطالەئە يە آلەجق اھمىيەت
خاۋەردىر . باخسوس ، مەنسۇب اولدىنى آلايك دىكەرى طابورلىرىنك
(نە تەن) . كەش بولندىقلىرى حەقەندەكى حوادىثى ھېچ خاۋەردىن چىقار .
مەملىدەر . اكر بومەلومات اسىركە دىدىكى كې طوغرى ايسە اوجەتەندەكى
دشەن قەتەلى ، ايرتسى كۆنى سەبەك كرك (دونقور - يارنىزى) دن
كرك بىر آرز دەھ شەلدن اولان (ژوۋايل) ؛ سەكرە (وەرنەۋىل)
ياخود (آمان وىلەر) دن كچەرك يوروشلىرىنە دوام ايدە جەكەر كې
كۆرىنىور . (دونقور - يارنىزى) دە بىراقىلان آۋجى طابورى
كەندىسەنە الحاق ايدىلان (۱۵) ئىچى ھولان آلاينك (۲) ئىچى
بەلۈكى واسطە سىلە شو خەسوسى مەيدانە چىقارە بىلە جەكەر .

دىكەر جەتەن ، (ايسون وىل) ك اوتەلرەندە بولنىش اولان ضابطە
كەشف قولى ، (مارس لاطور) ك (۶) كىلو مەترە قەدر جەتە غەرىبە .
سەندە بىرچوق طابورلردىن عەبارت بىر دشەن اردوگاھى كەشف ايلەمشەدەر .
بىنەئەلە دىشەنك بوقەم عەسكەرىنك ايرتسى كۆن (مارس لاطور)
بىيوك يولى بويىغە (مېچ) . يورى يەجەكى فەرز اولە بىلور . شەندەن
آكلا شىلور كە ، مېر آلاى ب .. اغلەب اھتەمالە كۆرە ايرتسى كۆن سەبەك

ایکی یول اوزرنده کندیسنه پک فائق اولان بر دشمنه قرشو حرکتہ
مجبور اوله جقدر .

شہسز، بتون شو معلومات ایکی کرہ ایکی درت ایتدیکی کجی
محقق برشی دکدر . یالکز قطعاً آشکار اولان برشی وارسه اوده
دشمن ایله تماس حاصل ایدلمش اولمیدر . اسیرک ویردیکی حوادث
احتمال طوغری دکدر . سواری ضابطی ده احتمال دشمن اردو کاھنک
وسعت و امتدادی اوزرینه آرز چوق یا گلش اوله بیلور . زیرا ،
کیجه لری ، کوریلان اردو کاھ آتشرینه باقهرق دشمنک قوۂ صحیحہ سنہ
حکم ایتک پک زور برشیدر . بناءً علیہ ، میرآلای ب .. (میچ)
والیسنه دھا ارکندن معلومات ویرہ بیلمش اولق ایچون ، ایرتسی
کون صباحین دشمنک قوت و مرانہ (باخصوص (میچ) اوزرینه
یوریمک خصوصندہ آلدینی ترتیبانہ) دائر معلومات صحیحہ ایدنمکہ
مجبوردر . میرآلای ب .. نک سواریسسی کندیسنه ، دشمن حقندہ
لازم کلان حوادثی تدارک ایتک ایچون بو دشمنک یورویشنه داخل
اولمش بولنمی ایجاب ایدر . سواری ، اول امرده ، خصمہ دائر
یکیدن بیوک برشی اوکرنمہ جکدر . زیرا ، دشمن سواریسسی کری بہ
پوسکور تددکن صکرہ ، غیر متحرک اولان دشمن پیادہ سنہ چارپمش
اوله جقدر . لکن ، دشمن بر کرہ یولہ کیردیمی ، آرتق سواری
ایچون بویله اولمز . اگر بو کوندن یارینہ قدر دشمن سواریسسی
تقویہ ایدلمش ایسہ ، سزک سواریکز ، دشمن قوللرینک یانلرینی
آلمغہ واو سایہ دہ دھا صحیح وجدی معلومات ایدنمکہ موفق اولہ
بیله جکدر . زیرا ، شمدی بہ قدر دشمن سواریسسک عددجہ
سزک کندن آشانغی اولدینی کوریلرر . بونک ایکی دلیلی وارکہ بریسی ،

(اورن) وادیسندہ دشمن سوارینک کندی پیاده سنک کریرلرندہ بر التجا موضعی آراغہ مجبور اولسی ؛ دیگر ی (وہ ردون) بیوک یولنک ہر ایک جہتدہ ینہ مذکور سواریدن بر جوق اثر کورلہ مش بولنمیسدر .

اگر دشمنک قوت و افکارینی آ کلامق ایچون میر آلا ی ب.. بر ضابط کشف قولی کوندرمک ایستیورسہ ، اوزمان ہر نوع محاربہ دن چکنمکدن عبارت اولان کندی وظیفہ سی خلافتدہ حرکت ایتمش بولنہ جقدر . دیگر جہتدن ؛ مومی الیہ ، دشمن (مچ) اوزرینہ صحیحاً یوروشنہ دوام ایدیورمی ، یوقسہ ایتیورمی بوراسنی ایودن ایویہ آ کلامزدن اول رجعتدہ ایتمہ ملیدر . بناءً علیہ کوریلورکہ ، بورادہ باشلیجہ وظیفہ سواری یہ عائددر . مفرزہ نک قسم متباقیسی ، شاید ایلریدہ دشمن بزم سواریمزہ قائق بر سواری میدانہ چیقارہ جق اولورسہ ، اوزمان سواریمزی اوزرینہ ظولایلہ جقدر . بناءً علیہ مفرزہ قوماندانک ویردیکی قرار شوندن عبارتدر :

اگر ہر درلو مأمولک خلافتدہ دشمن یرندن قلمدامیہ جق اولورسہ ، میر آلا ی ب.. دہ عین وجہلہ حرکت ایدرک یالکز ، شدتلہ کندی استکشانہ دوام ایلہ جقدر . اگر بالعکس ، دشمن (مچ) اوزرینہ اولان یوروشنہ دوام ایدیورسہ ، اوزمان میر آلا ی ب.. الدن کلدیکی قدر ہر نوع محاربہ دن چکینہ رک درحال رجعت ایلہ جقدر .

لکن . بوصوک حالہ ، رجعت حرکتک پک ایرکندن باشلامسی لازم کلور . چونکہ اویلہ یاپامزسہ دشمن ایلہ مناسبت کسلیمہ رک مذکور دشمن بردن برہ عددجہ قائق قوتلر ایلہ رجعت حرکتک

اوکنه دوشه بیلوردی . باخصوص خط رجعت (غراوه لوت) ک
 غربنده منحط بر اراضیدن کچدکدن سکره ، (مانس) خندقده
 تصادف ایتدیکي ایچون اوجمت دها او قدر زیاده نظر دقه آلمق
 لازم کلور . بوندن آکلاشیلورکه مفرزه ، ایلک اشارتده حرکت
 ایده بیلجک صورتده حاضر طورمغه مجبوردر . اوزرنده عزیمت
 آتی بکلیه جککز مواضعک خواص تدافیه سنی قاله آلمق
 فائده سزدر . چونکه سز ، اورا ده دوکوشه جک دکاسکرده اونک
 ایچون .. بناءً علیه ، سزک اجتماعکز یالکزر رجعت ایچون او یغون
 کله جک بر صورتده اجرا ایدلمش اوله جقدر . بوندن طولانی ، بر مفرزه ،
 اگر منقسم اولدینی قدمه لردن هر بریسی ایچون عینی یول اوزرنده
 آیری آیری اجتماع محللری وارسه ، بتون اقسام عسکریه سیله عین
 زمانده حرکت ایتش اوله بیلور . بناءً علیه بن بتون مفرزه ایچون
 یوروش یولی اوزرنده یالکزر بر اجتماع محلی تعیین ایتک فکرند
 دکم . زیرا ، بو اجتماع محندن یول قولنه کچمک خصوصی پک چوق
 زمان غائب ایتدیرمش اوله جقدر . مختلف اجتماع محللری ، هیچ کیمسه
 برخطوه بیله کری یوروش یایمیه حق صورتده انتخاب ایدلمش
 بولنه جقدر . او یله ایسه قسم کلی (ده زون ویل) ک شرق مغرجنده ،
 دمدارایسه (وی یون ویل) ک شرق مغرجنده اجتماع ایلیه جکدر . اجتماع
 امرنده ، انقسام عساکری ده کواسترمایسکر . سز دشمنی طوردرمغه
 دکل ، بالعکس ، هر نوع محاربه دن چکنمه که مجبور اولدیمکزر ایچون
 ایلری قره غولترده کی پیاده کزی ارکندن کری آلیکزر .

اگرکندی افکار و مقاصدیکری دشمنه بلای ایتدیرمه مک ایچون
 سز ، بو ایلری قره غول عسکرینی موقه یرلی یرند ترک ایده جک

اولورسه کز ، دشمن شدتلی بر تعرضه بکدیکی حالده جناح قطعاتی احتمال تام زماننده بیوک یول اوزرنده کری یه چکلمش اوله میه جقدردر . بناءً علیه دمدار ، تهلمکه یه دوشن قطعاتی کندی اوزرینه طوبلایه بيلمک ایچون ائصکره ، کندی آرزوسی خلافتده اوله رق محاربه یه کیریشمکه مجبوریت کوره جکدر .

دمدار بر کره محاربه یه کیریشدی ، اوندن صکره قسم کلینک باشندن نه بجه جگنی برالاهدن بشقه هیچ کیمسه بيله میه جکدر . ایلری قره غوللر سوارینه کلنجه ، او اولسکی کبی یالکز دشمنله اولان تماسی محافظه ایتک دکل ، بلکه ، دشمن نزدنده وقوعه کلان هر نوع تبدلاتی اوکرتک و ممکن اولدینی قدرایلری قره غوللرک کری چکلمسنی کیزلمک ایچون شفق سوکر سوکر درحال یولک هرایکی جهنده استکشافه قویوله جقدر .

کانون نانیده کونش تخمیناً ساعت (۸) صولرنده طوغار . خصمک بوندن ارکن یوله چیقمش اولسنه پک آز احتمال ویريله بیلور . میر آلا ی ب .. شو ساعتده کندی مفرزه سنی طوبلایه بيلمش اولقی ایچون دشمندن هیچ دکلسه (۶) کیلو متره قدر اوزاق بولنمه چالیشه جقدر . صفوق پک شدتله حکم سوردیکی ایچون میر آلا ی ب .. دشمنک یتینانی خلافتده اوله رق کندی قطعات عسکریه سنه مختلف مسکون محللرده کیجه یی کچورتدی . مومی الیهک شویله یایمغه حق واردی . چونکه اکر بو درجه صفوق بر کیجه یی آجیق اردوگاهده ویاکوی اردوگاهنده کچورمش اولسیدی ایرتسی کون بر چوق نفرلرندن ال ییقامسی لازم کلوردی .

میر آلا یک بوچسارنده بولیشی (ایرون) دره سی اوزرنده کی

ایلری قره غول موضعنک محکم ومتین اولیشندن ده ایلری کیش کیدر .
اوندن بشقه خصمک، هیچ طانیمدینی براراضی یه کیجه لین باصقین ایله
هجوم ایتسنه ده پک احتمال ویریله من . اگر ایرتسی صباح ، بعض
اقسام عسکریه کون طوغمزدن اول، کندی قوناقلرینی ترک ایدرک .
برخیلی زمان سلاح الده اجتماع محللرنده بکلمکه مجبوریت کورورلرسه
بیله بو، برکیجه اولکی راحتہ نظراً اودرجه شکایت ایدیله جک برمحذور
دکلدر .

(۸) نجی آوجی طابوریلہ (۱۵) نجی هولان آلاینک (۲) نجی
بلوکی ، منفرد مفرزه کبی تاقی اولنمیدرلر . بناءً علیہ ، مسئلہ ده
سویلندیک کبی اولاره خصوصی تعلیمات ویرمک لازم کلور .

اشبو مفرزه بدایت رجعتده قسم کلی طرفندن تعقیب ایدلمش اولان
خطدن (۶) کیلومتره قدر اوزاق بولنمقله برابر وضعیت ایجابندن
اوله رق آنی صاغ جناح جانبداری کبی قوللانمغه مجبوریت کوریلور .
بو (۶) کیلومتره ک مسافه یه کلنجه اوندن هیچ بر وقت کوزیکز
ییلماسون . چونکه او، (غراولهوت) اوزرینه ایلرولندکجه آزاله جق
واک صکره اوراده صفر حالته کلهرک قولک ایکی قطعه سی بربرینه التحاق
ایتمش اوله جقدر .

بتون جزء تاملرک بیوک آغرقلری، ایکی ساعت اول کوندریله-
جکلدر . واقعا شو خصوص قطعات عسکریه ایچون آز چوق
بر صیقندی یی موجب اوله جقدر . لکن نه چاره! بوراده اوله یایمغه
مجبوریت واردر . مذکور آغرقلر ، مختلف قوناقلردن چیقره رق اک
کریده کی قدمه یاننه کله جکلر و بناءً علیہ (رهزون ویل) ک شرق
مخرجنده قول تشکیل ایده جکلدر .

(۸) جی آوجی طابوریلہ (۲) نجی سواری بلوکنک بیوک
آغریقلرینہ کلنجه اونلر، دیکرلرینہ (غراولوت) ده التحاق
ایلیه جکلردر. بیوک آغریقلری (مچ) داخله صوقمیکیز، بالعکس،
یکی بر امره قدر اونلری شهرک خارجنده برطرفده براتیکنز. زیرا،
یارین اقشام اونلره برده احتیاج حاصل ایتمش اوله جنکیزی هنوز
بیلیمورسکنز.

استحکام بلوکی تهلکده قله جق حربهلری تهلکدن قورتارمق
مقصدیله بیوک آغریقلر (مانس) خندق کچمش اولتهجهیه قدر اونلره
رفاقت ایدم جکلدر. مذکور بلوک اوندن بشقه، دشمن تعقیبده یک
بیوک شدت کوستردیکی حالده آنک یوروشنی تأخیر ایتک ایچون
بو نقطهده بولی قاباق فکریله بض تدارکاتده بولنه جکلدر. بونلری
یادقدن صکره ایسه، میرآلای ب.. اوندن (مچ) اوکننده
استفاده ایدیله بیلیمش اولمق ایچون استحکام بلوکی قسم کلی یی دیدیکمز
خندق بوارنده بکلیه جکلدر.

رجعت حرکتی ایلک اشارتده باشلایه بیلیمک ایچون، مادون
قوماندانلریکنز صباح ساعت (۸) ده طویلانمش اوله جکلردر. اوله
ایسه، قسم کلیدهکی ضابطان میرآلای ب.. نك بولندینی دمدار
نزدینه کله جکلردر.

(سن مارسل) دهکی مخبره پوستهسنه کلنجه، آردهده قطع
ایدیله جک مسافه یک بیوک اولمديغندن، کرچه ایو بینجی برضابط
بوراده یک چوق خدمتار کوره بیلور. لکن مادامکه اوله برمخبره
پوستهسی تشکیل ایدلمشدر؛ اوحالده مذکور پوستهدن مفرزه نك ایکی
قطعهسی بیتنده تأمین مخبره ایدیله جک صورتده استفاده اولمیلدر.

سز آنجق يوللرک حالي اوجه برتدقيق ايتدکدن صکره — زيرا قيش موسمنده يز — بوراده وەلوسيدجی فەرلرک ، بوسويلديکمز بوسته يرينه قوللانلمسی ترجيح ايديلوب ايديله ميه چکئی آکلایه بيلورسکز . مسئله کز ، (دونقور — يارنيزی) يه قوماندا ايدن ذاته تعلیمات کوندرلش اولمسنی طلب ایدیور . خدمت سفريده سويلنلديکی کبی بو کبی تعلیماتلر آنجق پک مستتا قوللانيلور .

تعلیماتلر ، غير معين بر زمانده تطبیق ايديله چک اولان بر طاق امرلر ديمکدر . بولر الک زیاده آمر ايله مأمور آره سنده کی مسافه نک بيولکی حسیله ، مخبرات و مناسباتک بر دوزی يه جریانی غير ممکن اولدینی زمان قوللانيلور . واوله زمانلرده قوماندا هیئی ، علی العاده حاللرده اولمديغندن زیاده ، مادونی سربست و مستقل بر اقمه مجبوردر . تعلیماتلر امرلردن ، بعض تفصیلات جهتیله فرق ایدرلر . مذکور تعلیماتی ویرن آمر ، ایلریده کندیسنه امر کیتمديکی زمان بيله ، کندیلکندن ایش کوره بيله چک صورتده مادونه آچقندن آچیفه وضعیتی و تعقیب ایلديکی مقصدی سويلر .

سز محاربه دن چکندیکز حالده بيله ينه محاربه ایتک مجبوریتنه دوشه بيلورسکز . آنک ایچون اکر ، بر آن اول یایلمه حرکتی اکال ایتک فکریله نصف مسافه و نصف طاقم جبهه سيله یوری یرک ، یول قولککزک درینلکنی آزالتمنی دوشونمش ايسه کز بوکا قرشو بنم نهديه چکم اوله بيلور ؟ ایکی یولککزکده کیشلکی بویه بر تشکیلات آلمکزه پک اعلا مساعد کبی کورینور . اوندن بشقه ، دشمن یقینده اجرا ایدیلان بر رجته لزوج کورلديکی زمان سریعاً یایيله بیامک ایچون یورویش قولنک جبهه نی بیولتمک پک ایو بر شیدر .

بن ویردیکم امرلرده اوندن بحث ایتیمورم . زیرا ، یالکز بر خریطه یه کوز کزدیرمکه ، یولک بویله بر تشکیلات قوللانمغه الویریشلی اولوب اولدیغنی آکلامق ممکن دکدر . اوندن بشقه ایلریده مسکون محللردن کچیله جکی ائاده تکرار یول قولنک جبهه سنی تنقیص ایتک مجبوری کوریلوب کوریلهمه جکی بیلنهمور . اگر فی الحقیقه او یله بر مجبوری حسی ایدیلورسه بوندن بر چوق تأخر لر وجان صیقندیلری حاصل اوله جقدر . بر یوروش قولنک درینلکنی تنقیص ایتمکه برابرینه دائما یولک برکنارنده ، امرکتوروب کوتورن منفرد سواریلرک یوروش قولی تعجیز ایتمکسزین وسریع یوروشلرله کچه بیله جک قدر ، آچیق بریر بولندرمق لازم کلور . چونکه اگر او یله بر آچیق ترک ایدلمزسه اوزمان امرلری وراپورلری نقل ایتک مشکل ویا بستیون محال اولوردی . بناءً علیه بر یوروش قولنک درینلکی تنقیص ایدیله جکی زمان شو خصوصی نظر دقته آلمق ومختلف مسکون محللردن کچیله جکی صره ده یولک اورالرده کی کنشلکنی ایوجه بر دوشونمک لازم کلور . بوباده شهه سز ، اولجه بعض استکشافلرک یابلمسی ایجاب ایدم جقدر . لکن بوراده کی یول اولجه میرآلای ب .. طرفدن تعقیب ایدلش اولدینی ایچون یول قولنک جبهه سنی تزید یعنی عمقی تنقیص ایتک خصوصی پک اعلا قبول اولنور برشیدر . او یله ایسه ایشته سزک ویره جککز امرایله تعلیمات شوندن عبارتدر :

(وی یون ویل)

۱- ۱۲- ۸۹- ۱۱ کی

مفرزه امری

۱ — یارین صباح ساعت (۸) ده قسم
کلیسک قول باشی (وی یون ویل) ک
شرق مخرجنده اولن اوزره، دمدار (مچ)
بیوک یولی اوزرنده یول قولنه کیرمش
بولنه جقدر . عین ساعتده ، مفرزه قسم
کلیسی ده قول باشی (ره زون ویل) ک
شرق مخرجنده اولن اوزره عینی یول
اوزرنده یول قولنه کیرمش اوله جقدر .
عسکرک کافه سی یوروش یاغقه حاضر
بر حالده بولنه جقدر . صاغ جناح جانبدا.
رینه ؛ خصوصی تعلیمات ویریلیور .
۲ — (۱۵) نجی هولان آلاینگ برنجی
بلوک، شفیق سوکدیک آنده (وه ردون)
بیوک یولی اوزرنده استکشافه باشلايه حق
و (دونقور- یارنیزی) ده صاغ جناح
جانبداريله تأمین ارتباط ایلیه جقدر .
۳ . . . (۱۵) نجی استحکام طابورینک
برنجی بلوک ، صباح ساعت (۶) ده
(ره زون ویل) ک شرق مخرجندن حرکتله
(مانس) خندقته قدر بیوک آغراقلره
محافظلک ایده جک و (مانس) کچندنه
یولی سدایمک ایچون لازم کلان وسائلی
حاضرلادقندن صکره اوراده قسم کلی یی
بکلیه جقدر .
۴ — معیننه بر قاچ سواری ویریلان
(۱۵) نجی هولان آلاینگ برنجی بلوکنه

انقسام عساکر

۱ — اولدن کوندرلشدر : یوز
باشی د . . (۱۵) نجی استحکام
طابورینک برنجی بلوک .
۲ — قسم کلی و یوروش نظامی :
(۱) سیار خسته خانه طاقی .
(۶۷) نجی پیاده آلاینگ (۲) نجی
طابوری .
(۱۵) نجی سیار طوپچی آلاینگ
(۵) نجی بطریقه سی .
(۶۷) نجی پیاده آلاینگ برنجی
طابوری .
(۱۵) نجی هولان آلاینگ برنجی
بلوکنندن برکوچک ضابط ایله
سکزر سواری .
۳ — دمدار : بیکباشی ب . .
(۶۷) نجی پیاده آلاینگ (۳) نجی
طابوری .
(۱۵) نجی هولان آلاینگ
(۱) نجی بلوک .
(۱۵) نجی صحرا طوپچی آلاینگ
(۴) نجی بطریقه سی .
۴ — صاع جناح جانبداري :
بیکباشی ق . .
(۸) نجی آوجی طابوری .
(۱۵) نجی هولان آلاینگ
(۲) نجی بلوک .

منسوب بر ضابط قوماندا سنده اولان
دمدار و قسم کلی بیوک آغراقلری صباح
ساعت (۶) سنده (ره زون ویل) ك شرق
مخرجنده قول تشکیل ایده جکلردر .
بعده (مچ) بیوک یولی بونجه چکیلرک
(غراوه لوت) ده صاغ جناح جانبداریه
برلشه جکلردر. مذکور آغراقلرک کافه سی
یکی بر امر ویریلنجه یه قدر (لوتزه ویل-
لومچ) ك شرقی مخرجنده طوره جکلردر .
ه — امر ؛ دمداره . صاغ جناح
جانبدارینه و قسم کلینک جزء تام قوماندا .
نلرینه صباح ساعت (۸) ده (وی یول ویل) ك
۵۰۰ متره غربنده کی تپه اوزرنده
ویریله جکلدر .

میرآلای
ب . .

قطعات عسکریه دن امر آلق
ایچون کلانلره یازدیرلشددر .

(۸) نهي آوي طابوري قومانداني بيکباشي (ق ..) تپليات
(وي يول ويل)

۱ - ۱۲ - ۸۹ - ۱۱۰۴۰ کی

د آلتان خبرلره نظراً دشمنك پياده ايلري قره غوللري (هانويل
اوپاسازك) (۲) كيلومتره غربي بنده تأسيس ايدلشلردر. (مارس لاطور)ك
(۶) كيلومتره غربي بنده بر دشمن اردوگاهي واردر؛ اني كشف ايدن
ضابط اوراده (۴) طابور قدر دشمن عسكري بولنديغي تخمين ايدور.
دمادام كه سزكده اوگكزده (اورني) وادي بنده دشمن پياده
وسواريسي واردر. بوندن، دشمنك (نه تن) و (وهردون) يوللري
اوزرندن كلديكي آكلاشيلور. دشمنك قوتي هنوز صحيح بر صورتده
تقدير اولنه مامشدر. بنم فكر بجه، شمديك بزم اوگزده، هر يول
اوزرنده برز آلايدن برآز زياده پياده ايله برآز سوارى وطوبىچدن
مركب ايكي دشمن قولى واردر. شمدي يه قدر كلان حوادثلره نظراً
دشمن سواريسنك بزمكندن آز اولديني آكلاشيلور. في الحقيقه
سزك اوگكزده كي دشمن سواريسي، كندى پياده سى اوزرينه چكلديكي
كبي بنم اوگده كي دشمن سواريسي ده (وره دون) بيوك يولى اوزرينه
چكلدى. حالا دشمنك قوتلى سوارى قطعاتي كوريله مامشدر. بناءً
عليه دشمن قوتنه دائر آلتان معلوما تى اكال ايتك ايچون بزمك
اولديني قدر سواريمزك دشمن سواريسنه اولان بوتفوق عدد بسندن
استفاده ايتكه چاليشه جنز.

د اويله ظن ايدورم كه، دشمن شمدي ايكي يوك ايكيي اوزرنده ده
شدله ايلري آتلمنه باقه جقدر. يوقا كر دشمن يالكز بر يولى
تعقيب ايدم جك ايسه، اوزمان ذاتاً هر نوع محاربه دن چكنمك
ايچون امر رسي آلديم ايچون، بنده (مچ) اوزرينه چكيله جكم.

بناءً عليه يارين صباح سوار بمزله دشمنك (مچ) اوزرينه يورويشه دوام ايدوب ايتديكني ممکن اولديني قدر سريماً آكلامق ايستم.

داكر دشمن ايلروليورسه ، بزدرحال كرى چكيله جگزر . يارين صباح ساعت (٨) ده دمدار ايله مفرزه قسم كليسي ، برنسخه سنى آلمش اولديفكز امرده كوستريلان محللرده اجتماع ايتمش بولنه جقلردر . بناءً عليه سزده بنمله عين ساعته حركت ايدم بيلمك ايجون حاضر بولنيكز ومؤخراً دشمنله صيقيدن صيقي به طوتشملاينه حاجت قالماق فكريله ايلرى قره غول بلوكلريكزى مناسب بر زمانده كرى آلمغه چاليشكز . صكره سز ، (مال مه زون) دن كچرك صاغ جناح جانبدارلكى وظيفه سنى ايفا ايدم جك و (غراولوت) ده بزمله برلشه جكسيكز . دشمنله بر محاربه به طوتشمقندن احتراز ايديكز . سواريكز واسطه سيله ايلك اوچكه (اورن) واديسى ، صكره شمال استقامتى ايوچه بر كشف ايتديريكز .

داكر ، هر مأمولك خلافته ، دشمن يارين صباح ايلرى يورويشنه دوام ايتمه جك اولورسه بزده موقت بر زمان ايجون غير متحرك بر حالده قاله جغز و آنك افكار و مراعى آكلامغه چاليشه جغز .

دشمنك حرکاتنه دائر هر نه كورورسه كز ، درحال بكابيلديريكز ! بنده اكر دشمن ، (وهردون) يوليله ايلروليه جك اولورسه اوکا دائر هر نه كورورسه سزده خبر ويره جكم . صباح ساعت (٨) ده (وى يون ويل) ك (٥٠٠) متره هربنده كى تپه ده ويره جكم امرلرى آلمق ايجون بر ضابطه كونديريكز .

داكر دشمن سزكه عليه كزه يورى به جك اولورسه ، سزى (غراولوت) اوزرينه مى تعقيب ايدور ؟ يوقسه (قوفلان —

یاریزی (دن اعتباراً (ژوآویل) اوزرینه می ایلرولور؟ بونی مطلق بیلیمک ایسترم. بو حالدده خصمک یوروش ترتیباتی بکا بیلدیریکمز. بیوک آغرقلریکزی ایچه ارکندن یوله چیقاریکمز که ، صباح ساعت (۶) یی (۳۵) کچه بزمکیلرله (غراولهوت) ده برلشمش اولسونلر. صباحک ساعت (۸) ندن اعتباراً سزک بکا کوندره جککمز راپورلر (وی یون ویل) ک (۵۰۰) متره غربنده کی تپیه کوندرلسونلر. رجعت اناسنده بن اولادمدار ایله ، صکره قسم کلیله برابر حرکت ایدم جکم. میر آلا ی ب ..

(۸۹) سنه سی کانون اولک (۲) نجی کونی میر آلا ی ب .. دشمنه دائر یکی حوادث بکلمک اوزره (وی یون ویل) ک غربنده کی تپیه توقف ایدر. صباحک ساعت (۱۰) نده مسئله ده کوردیکمز ایکی راپوری آلا دینی کبی میر آلا ی درحال رجعت امرینی ویرر. وسوارینک یالکمز دشمنله تماسی محاذله دکل بالعکس ، آنک ایکی قولندن ایکسینک ده یانلری اوزرینه ایلرولمسنی تپیه ایلر. امر ، پک جوق ملاحظاته حاجت قالمقسزین ، درحال ویریله بیلور؛ لکن قسم کلی (۴) کیلو متره قدر اوزاق بولندینی ایچون ساعت (۱۰) ی (۱۰) کچه دن اول یوله کیره میه جکدر. حتی حرکت باشلانمق ایچون اولجه ده بعض اشارتلر قرارلاشدیرلمش وآره برده بعض متوسط نقطه لر قولنلمش اولسه بیله ینه بو دیدیکمز ساعتدن اول یوله چیقماق ممکنسزدر. قسم کلینک قول باشی (غراولهوت) ه قدر (۳) کیلو متره ک بر یول آلفه مجبوردر. بناءً علیه اورایه آنجق ساعت (۱۱) ده کله بیله جکدر. اولجه کشف ایدلمش برمانع ، بر تأخر وقوعه کلزسه ، جانبدار قسم کلییه (غراولهوت) ده التحاق

ایله جقدر. فی الحقیقه بوجانبدار، صباح ساعت (۹) ی (۲۵) کچه (دونقور - یارنیزی) دن حرکت ایدرک ساعت (۱۰) ده (قولر) ده، ساعت (۱۱) ده ایسه (غراوملوت) ده بولنه جقدر. دمدار قسم کلیسنک امتدادی (۶۱۵) متره [۳ بلوک ایله بر بطریه] در. بناءً علیه قول نهایتی مفرزه قسم کلیسنک قول باشندن تخمیناً (۲۵۰۰) متره قدر اوزاقده بولنه جقدر. بومسافه یی (۲۰۰۰) متره ایندیرمک ایچون دمدار، درحال یوروش یاغمه مجبور اوله جقدر.

آوجی طابوری قوماندانی، نهوجهله حرکت ایده جکنه دائر بر تعلیمات آلمش اولقله برابر، سزینه اوکا (غراوملوت) اوزرینه رجعت ایچون بر امر کوندره جکسکزر. وبالخاصه کشف وترصد ایله جکی منطقه یی سویله جکسکزر. بوسایه ده، برکون اول قرارلشدرمش اولدیغکز حرکات یرینی بولش اولور.

بیکباشی ق. . بووجهله دیگر قدمه لکده وظیفه سنی اوکرشمش بولنور. ینه بوندن طولای درکه، قسم کلی ایله دمداره کندی صاغ یانلرینک تحت امنیتده بولندیغنی کوسترمک ایچون امرده جانبداردن ذکر ایتمک لازم کلیور.

بر رجعت یوروشی ایچون ویریه جک امرلره دائر بنم کچن مکتوبلرمدنه دینلمش اولدیغنی شبهه سز، تکرار تکرار او قومشکزدرد. او یله ایسه بوراده آرتق اولردن بحث ایتمکه لزوم کورمیورم. سز شمیدیکی ترتیبات ایله کچن حللری بر مقایسه ایده جک اولورسه کز، کورک دیکنکنه مربوطیتی کبی، او یله بر دوزییه عینی قلبیشه لری، عینی اورنکلی طبق طبقینه تطبیق ایلمدیکی تصدیق

ایلرسیکز. اوندن بشقه سزده، یالکز عجمیلره بر یول کوستر مکدن.
عبارت اولان، بئم بعض امر نمونه لریمی حرفی حرفه قوییه ایتمکه.
آلیشمیکز. مسئله لر ایله اونلرک خللرنده کوردیککز بو بیوک تبدلات،
تعییه مسئله لرینی حل ایتمک ایچون بر طاقم اصلا دکیشمز اصوللر
آرامق، فکر سز وینسز انسانلرک ایشی اولدیفنی سزه آپ آشکاره
کوستره جکدر.

وی یونویل « ک » ۰۰ - ۰۰ متره غربنده کی تبه

۲ - ۱۲ - ۸۹ - ۱۰۶۰ کو

مفرزه امری

۱ — دشمن ، « اورن » وادیسندن
« قونفلان-یارنیزی ، اوزرینه ، «وهردون»
یولی بونجه ایسه « هانونویل- اوپاساژ »
اوزرینه ایلریلمکده در .

۲ — مفروزه ، درحال « میچ » اوزرینه
چکیلجکدر .

۳ — قسم کلی ، شمعی بیوک یول
بونجه « میچ » اوزرینه یورویش یامغه
باشلایه جق و « روزه ری یول » ایله
« مه زون-نو » دن کچه جکدر .

۴ — دمدارده شمعی حرکت ایدرک
قسم کلی بی « ۲ » کیلومتره مسافه دن تعقیب
ایلیه جکدر . دمدارکشف قوللری واسطه .
سیله دشمنه اولان تماسنی محافظه ایستکدن
بشقه « ویل سور-ایرون » ایله « بوکسی یو »
جهت لرخی کشف وترصد آلتنده بولندیره جکدر .

۵ — صاغ جناح جانداری مفروزه
« غروالوت » ده التحاق ایلیه جکدر .
بو جانبدار دشمنه اولان تماسنی کشف
قوللری ایله محافظه ایلیه جکی کی « درووا -
طومون » ایله ژواویل « جهت لرخی ده کشف
وترصد ایستیره جکدر .

۶ — بن دمداوله برابر بولنه جنم راپورلر
اورایه کوندریله جکدر .

میرالای

ب ..

قسم کلی ایله دمدار قوماندانه
شفاهاً تبلیغ ایدلش ، برنسخه سی
براص ضابطی واسطه سیله صاغ
جناح جاندارینه کوندرلشدر .

(مچ) واليسنك تلغرافى ميرآلاى (ب. .) يە دشمنى (مونت وو) واديسنك غرىبنده طوتىنى امر ايدىيور. بوندن طولاي ميرآلاى ب. . مناسب برمدافعه موسى انتخاب ايتمكه مجبوردر. بناءً عليه ميرآلايك وظيفه سى، شمدىكى حالده بيوك برتبدله اوغرامش ديمك اوليور. زيرا دشمنله بوى اولچمكه، غوغا ايتمكه مأذون اولمش بولنيور. مع هذا، يينه يالكىز زمان قازانمق فكريله دشمنى طوردرمقدن بشقه برشى ايستلميور. زيرا مفرزه جددجه دشمندن پك چوق ضعيف اولدينى ايچون آنكه اوزون اوزادى يە بر محاربه يە كيريشه مز.

بوراده ايلك اول مسئله ده ويرلمش اولان معلوماته كوره يول قولنك مختلف قدمه لرى ساعت (۱۱) ى (۱۰) كچه زرده بولندينى ايوچه بر حساب ايدىكز. خريطه دن آكلاشلايفنه نظراً ميرآلاى ب. . دشمنى طورديرمق ايچون شمدى سويله جكمز ايكى موضعدن برىنى انتخاب ايدى بيلور. بوموضعلردن برنجيسى شمالده كى اراضى داخل اولمق اوزره (غراوله لوت) موضعدر. ايكنجيسى ايسه (مانس) خندقك غرىبنده (موسقو) چفلكندن تقريباً (پووان دوزدر) خرابه سته قدر اولان موضعدر. كذلك شوموضعلر ايكيسندن ده استفاده ايتمك يعنى اونلرى متعاقباً مدافعه ايلمك جهتي ده خاطره كله بيلور.

اكر دشمن (مچ) اوزرينه يوريمك ايستيورسه، بو ديدىكمز موضعلرك هانكيسنى اشغال ايدرسه ايتسون ميرآلاى ب. . اوزرينه هجوم ايتمكه مجبور اولديغنه اصلاً شبه ايديله مز. اوندن بشقه شمالده كى دشمن قولنك (وهرنه ويل) دن كچه زك ميرآلاى ب. . مفرزه سى

طرفندن مدافعه ایدیلجك موضعی چویرمك فكرینه دوشمنی
خصوصنه ده اصلا احتمال ویریله مز. زیرا، دشمن ~~کندی~~
اتحاد حرکاته خلل ویره جك اولان اوپله بر ماتوره به تشبث ایتمکدن
ایسه، طوبلی قوتلر ایله دشمن اوزرینه تعرض ایتمکی البت مرجح
کوره جکدر.

شمندی ده ایکی موضعك فائده و محذور لرینی ایوجه بر تدقیق ایدیکز؛
بیم کچنکی مکتوب، شو خصوصده سزك رهبریکز اوله جقدر. اصل
روح ماده ایله اوضه اشمش بولمق ایچون، بوکجه تفرعات اوزرینه
سوز سویلمکدن واز کچیورم.

برنجی موضع، (موغادور) تپه سنده یرلشه جك اولان طوبجی به
غرب ایله جنوب غربی استقامت لرینی و دشمنك جنوب قوی طرفندن
تعقیب ایدیلان (ره زون ویل) — (غراوه لوت) یولی مؤثر بر صورتده
دو ککه مساعددر. لکن بو موضعدن، شمال غربیده کی (ماله زون) —
(دوقور — یاریزی) یولی علیه آنجق پاك ضعیف آتشلر توجیه
اوله بیلور. دشمنه کلنجه، او یالکز (غراوه لوت) — (ره زون ویل)
یولك هرا یکی جهته ایی طوبجی موضعلری بوله جقدر. معلوم اولان
قوتلرینه بناء، میر آلا ی ب .. یالکز (غراوه لوت) — (موغادور)
جبهه سنی اشغال ایده بيله جکدر. بو حالدده ایسه، میر آلا یك موضعی
شمالدن کلان دشمن قوی طرفندن پك قولای بر صورتده احاطه اوله جقدر.
حتی مذکور دشمن قوی هیچ بر فضله حرکت یایمهرق یالکز شمندی
تعقیب ایلدیکی یول بونجه ایلر یلدیکی حالدده بو احاطه حرکتی بالسهوله
اجرا ایده بيله جکدر.

غرب کناری ایجه آچیق اولمديغندن طولای (غراوه لوت)

کوی مدافعه‌یه الویریشلی دکلدر. زیرا ایلریده‌کی منفرد اولر، مدافعه‌یه کوجلشدیره‌ک کوی محافظیننی طوغیلی طومتغه مجبور ایدرلر. لکن، بوموضعک اک بیوک قصوری، هر ایکی جهته صیق آغاجلری حاوی واوزندن کچله‌جک یالکز بر یولی موجود اولان (مانس) خندقه آرقه ویرمش اولسندن عبارتدر. فی‌الحقیقه، اگر مفرزه کری چکلمکه مجبوری حاصل ایدرسه، اوزمان رجعت حرکتی، باخصوص منحنی یردن کچلدکن صکره (پووان دوزور) طوغری کیدن یقوشلری هپ دشمن آتشلری ایچنده چیقماق لازم کله‌جکندن طولایی، پک فنا بر حالده اجرا ایدلمش بولنه‌جقدر. یالکز رجعت حرکتده کوریلجک اولان بو مشکلات بیله قوماندا هیئتیه قطعات عسکریه‌نک قوه معنویه‌نی آزالتمغه واونلرده ایشه باشلامزدن اول ده‌ها، موضع حقنده فنا بر فکر اوایاندرمغه کفایت ایدر. بو حال ایسه، اک صکره بیوک ضایعات ایله برابر بیوک برهزیمتی موجب اوله‌بیلور.

(موسقو) چفلکنه طوغری اولان ایکنجی موضعه کلنجه، یوراسی طویجی‌یه (غراوله‌لوت) یولی‌علینه باخصوص (غراوله‌لوت) شرقدنه‌کی قسمی ایله خندق کچیدی اوزرینه ای بر تأثیر کوسترمکه الویریشلیدر. واقعا اورمانلر سببیه، طویلریکنزک (مال مه‌زون) استقامتده‌کی تأثیرلری آز اوله‌جقدر. مع‌هذا، بو استقامتده‌کی طوب تأثیرلری نه هیچ دیمک دکل، بر درجه‌یه قدر کاییدرلر. بوموضع یاقلاشمزدن اول دشمن (مانس) خندقک ایکی وهر-لساننده‌کی اورمانلری کچمکه مجبور اوله‌جق که، بو آنک قسماً اارتباطنی غائب ایتدیرمش بولنه‌جقدر.

دشمن اورمانلردن چيقمق ايستيه جيكي آنده ، بردن بره پياده
آتشلرينه هدف اوله جقدر . چونكه موضع بو اورمانلرك كنارينه
قدر موجود يقوشلرك كافه سني دوكمكه مساعدر . سزك يانلركردن
بريستي احاطه ايتمكه ده دشمن ايچون قولاي برشي اوليه جقدر . زيرا
(موسقو) كوينك اطرافنده كي انداخت ميداني پك مكمل اولدقن
بشقه (پووان دوزور) طاش اوجاقلري مدافعين ايچون كوزل كوزل
سپرلر تشكيل ايدر .

بتون شو سابلردن طولاي ، بو موضعه وقوعه كله جك هجوم
حقيقت ، پك بيوك مشكلاته اوغرايه جقدر . بتون جبهه اوزرنده
(مانس) خندق كي بر مانعك بوليشي بوراده پك ايو بر شيدر .
زيرا ، اصل مقصد ، دشمني توقيف ايتمكدور . يوقسه ، بوراده برتيجه
قطعيه حاصل ايدمكه صورتده مقابل هجوم يايتمق فكرنده بولالميور .
دشمن ، (غراولهوت) ك شرق ايله جنوبنده و (موغادور) ده
شبهه سز پك كوزل طولايجي موضعلري بوله جقدر .

لكن بو موضعلر ، (موسقو) دن (۲۴۰۰) متره قدر اوزاق
بوليورلركه بومسافه ، مرميلرك نقطه سقوطلريني ترصد ايتمك ممكن
اوله بيلان مسافه لرك حيد اعظمليسيدير . دشمن طولايجي آتجق محاربته
صوك دورينده يعني پياده سي (مانس) خندق كريدنه براقديني
زمان دهه زياده ياقلاشمش اوله بيله جكدور . (سن - هوبه رت) ك
غربنده كي طاش اوجاقلري هاجين پياده سنك تقربني تسهيل
ايدمكه جكدور . لكن ، (سن - هوبه رت) مدافعيني يقين مسافه لردن
اجرا ايدلمش اولان شدتلي آتشلريه خصمك مذكور اوجاقلردن
چيقمسنه مانع اوله بيله جكدور .

(سن هوبه رت) چفتلکي محکم بر صورتده اشغال ايديله رتک
مدافعه موضعی اقسامندن معدود اوله جقدر . بوطيعتده نقطه لر
(چفلکلر ، اورمان پارچه لری ، اورمانلر ، چقور يولار ، وساړه)
موضع اصليدن ابي اوزاق بولندقلری زمان ، هاجين اولری بر کره
الده ايتدکن صکره ، آنک تقریبي پک زیاده تسهیل ايدرلر . بناءً عليه
موضع اصليدن اودرجه اوزاق اولان مذکور نقطه لری موضع اصليک
اقسامندن عدايتمه مک لازم کلور . شبهه سز ، مدافعین کندي
خط اصليرينک ايلريسنده کی بوکبي نقطه لری اشغال ايتک فکريله
اقسامه آيرلماقن ده ا زیاده سور ؛ وبناءً عليه او چشيد نقطه لری
اشغال ايامکدن صرف نظر ايلر ؛ لکن بوراده شو محذور ، (سن هوبه رت)
چفلکلنک موجب اولدینی بيوک بر فائده ايله بر طرف اوليور . زیرا
مذکور چفلک ، مدافعینک اک مؤثر تفنک آتشلری ايله دوکیلان
بر منطقه داخنده بر کجيددن نکمه که مجبور اولان هاجينک تعقيب
ايلديکی يولی دوکمه پک الويريشليدر .

مع هذا ، (سن هوبه رت) ک قيمت تدافعيه سنده پک مبالغه يه
دوشمه مليدر . زیرا شويله بر نقطه هر شیدن اول دشمن طويحيسنه
هدف اولور . بروجله که طويحي آتشی اونی همان طوتامسی ناقابل
بر حاله قويهرق اک صکره ، پياددنک ايلک احاطه هجومی آنک
سقوطنی ايجاب ايتمش بولنور . بناءً عليه (سن هوبه رت) ک مدافعه سی
بوراده آنحق بر خاصه موقته يي حائر اوله بيلور . ايلک اوکجه دن ده ا
بورانک محافظ عسکرندن بر قسمنی فدا ايتک مجبوري تي کوريله جکدر .
هر حالده بو چفلکلک مدافعه سی زمان قازانديره جقدر . زیرا ، دشمن
آنحق بونقطه يي ضبط ايلدکن صکره موضع اصلی يه هجوم ايديله جکدر .

برده، (سن هوبه رت) هجومی، هاجمین آرمهنده اوپله برقراریشیقانی موجب اوله جقدرکه، هجوم اصلی به اچکله جکی آندهده آرتق هاجمین قطماننده انتظامدن اثر قالمیه جقدر.

موضعک کریرلرنده دیگر بر مانع یعنی، (مونت وو) وادیسی وارددر. لکن بومانع، (مانس) دره سی قدر برنجی موضعه یقین دکدر. مع هذا، (موسقو) دن (شاتل سن زهرمن) اوزرینه وقوعه کله جک رجعت حرکتی بر خیلی مشکلاته اوغرایه جقدر. بونکده سبی دره به این میلرک دیکلکی ویا لکز بر قاج یولدن بشقه هیچ بر محملرندن کچلمک قابل اولیان غرب ورساننده کی صیق اورمانلردر. حال بوکه، رجعت حرکتی صول جناحدن (روزه ری یول) اوزرینه اجرا ایدیه جک اولورسه دهاکوزل شرطلر ایچنده اجرا ایدلش بولنه جقدر.

شو ایکی موضعک فائده و محذورلری بر بریله مقایسه ایدیلنجه، ایکنجیسنک برنجی به تفوقی آشکار اولور. بوراده بر سؤال وارد اولورکه، اوده عجب شو ایکی موضعی یکدیگرینی متعاقباً مدافعه ایتمک ایومی در، فنامیدر؟ اصل مقصد، زمان قازانمقدن عبارتدر. اوپله ایسه، اگر دشمن بر دفعه (غراوولوت) اوکنده یاییله رق اوراسنی ضبط ایتدکن صکره ایکنجی بردفعهده (پووان-دووزور) اوکنده یاییله جق اولورسه، ایستیلان زمان بالسوهله قازانامش اولور. لکن، (مانس) دره سندن رجعت ایتمک او درجه زور برشیدرکه، بوندن طولانی حاصل اوله جق ضایعاتدن صرف نظر، تمییه ارتباطلرنجه بیوک برکیوشکلکهده سبیت ویره جکدر. و (پووان-دووزور) طرفلرنده بر التجا موضعی اشغال ایتدیرمدکجه اوپله بر رجعت حرکتی اجرا ایتمک ممکن اوله میه جقدر.

اوزمان ایسه میر آلا ی ب .. کړک (غراولهوت) وکړک (پووان دوژور) موضعلرندن بریسنی موضع اصلی کې انتخاب ایدمه بیله جکدر. برنجی حالده، (پووان دوژور) موضعی التجا موضعی اوله جق، ایکنجی حاله کوره ده (غراولهوت) بر ایلری خط طرفندن اشغال ایدلمش بولنه جق ایدی. لکن شویله بر پلان سزک قوتکزی انقسام ایتدیرمش اولورکه، بو خصوص بتون قوای عسکریه یی موضع اصلیده طوبلامق لزومنی کوسترن قاعده اساسیه مغایردر. برنجی حالده، کری چکیله جکلری کندی اوزرلرینه طوبلامغه مأمور اولان قطعاتی، تام زماننده اشغال ایدیله جک موضعه کیرمش اولق ایچون، پک ارکندن کریلره کوندر ملک ایجاب ایدمه جکدرکه بو خصوص، اک بحرانی بر آنده سزک اونلرک معاونتندن محروم قالمکزه سبب اولور.

ایکنجی حالده (غراولهوت) بر ایلری خط ایله، مثلا بر دمدار ایله اشغال ایدلمش اولسه، اووقت بو مفرزه، تام زماننده موضع اصلینک جبهه سنی آحق خصوصنده پک چوق مشکلاته اوغرایه جقدر. زیرا، اورمانلر آره سندن کړک (موسقو) وکړک (پووان دوژور) طاش اوجاقلری اوزرینه اجرا ایدیله جک بر رجعت حرکتی اوقدر مشکلاتی موجب اوله جقدرکه، ایلری خط چاره سز دره دن کچن یکانه جاده اوزرینه دوشمش بولنه جقدر. بر دفعه وضعیتی دوشونیکز: عجبا (غراولهوت) دن طرد ایدلمش اولان قطعات موضع اصلی اوزرینه نه حالده کله بیله جکاردر؟ بو رجعتی تماشا ایدنلرک قوه مغنویه سنده، قطعات مذکور دنک اوحالی، نه کی تأثیرلر حاصل ایدمه جکدر. دشمن عسکرینک قوه مغنویه سی قولای بر موفقیت ایله تزئید واعلا ایدلکدن صکره، عینی کونده بر ایلری خط تشکیل

ایتمش اولان قطعاتی بر دفعه دهها قوللانه بیلیمک ممکن اوله جغنی ظن ایده میورم. بتون شوسبیلردن طولای، میر آلائی ب.. (غراوله لوت) ی مدافعه ایتمیه جک، بالعکس کندی مفرزه سنی (پووان دوزور) موضعنده جمع ایلیه جکدر.

بر محاربده ایلرولمش پوسته لر [موضع] ایله، بر ایلری خط بیننده نه کبی فرقلر اولدیغنی اصلاً خاطر دن چیقارماق ایچون بوسویلیه جکمز مثال حفظ کزده قالسون: (سن هو بهرت) چفلکی بوراده ایلرولمش بر موضع مقامنده در؛ موضع اصلینک مؤثر پیاده آتشرلی طرفندن پک اعلا دوکیله بیلور. اگر (غراوله لوت) ده بعض قطعات عسکریه کزی ترک ایدرسه کز، بوقطعات سزک ایچون بر ایلری خط وجوده کنوره. جکدر در. زیرابو موضع، پیاده وحی دیه بیلور زک طوپیچی آتشرلینک بیله منزلی خارجنده در. اصولاً ایلرولمش پوسته موقعلری اشیغال ایتمکدن هیچ بر زمان صرف نظر اولسه مز. زیرا اونلری باد هوا دشمنه ترک ایتمک کیمسه نک الندن کلز. بالعکس، کرک ایلری قره غولر، کرک بر پیشدار ویا دمدار طرفندن تشکیل ایدلش اولان ایلری خطرلردن صرف نظر ایتمک ایجاب ایلر. کندیکنزی کری یه چکمکده اوغرایه جگنکز صعوبت ایله رجعت ایدن اقسام عسکریه بی تعقیباً دشمنک موضع اصلی کنارلرینه قدر یا قلا شمعده کی سهولتی وسزک شو آنده دشمن اوزرینه آتش ایدمه مکزی هیچده قاله آلمسه ق بیله ایلری خطرلرک پک دهشتلی بر فانی وارکه اوده یالکز باشنه کری یه چکیله میان بر ایلری خط قطعاتنک امدادینه قوشدیتکمز حالده، محاربۀ قطعیه بی موضع اصلینک خارجنده بر یرده ویرمک مجبوریتنه دوشمش بولتمکزدن عبارتدر.

(۱۸) آگستوس (۱۸۷۰) تاریخنده وقوعه ککش اولان بر میدان محاربه سنک بر قسم اراضیسنی بوراده مخصوص انتخاب ایتدم. اصل فکرم مسئله کزی حل ایدرکن خاطرات تاریخیه کزدن مستفید اولمش بولمکزدرد .

(۱۸) آگستوس کونی ، فرانسلر (غراولهوت) ی اشغال ایتدیلر . بالعکس ، (سن هوبه رت) چفلکنی طوتدیلر . بو چفلک مدافعینی پک چوق ضایعات ویردکدن صکره ، اوراسنی تخلیه یه مجبور قالدیلر . لکن ، هجومده موفق اولدقدن صکره هاجین قطعاتنده کوریلان انتظامسلرلق ، مؤخرأ موضع اصلی اوزرینه تعقیب ایدیلان هجوملرده موفقیتسلرکی ایجاب ایدن اسبابک باشلیجه لرندن بری اولمشدی .

بو میدان محاربه سی بزه برایلری خطایچوندده بر مثال ویریور : بو خط ؛ (سن پریوا) موضع اصلیسنک ایلروسنده (سهنت — ماری اوشه) خطیدر . هاجین بو کوبه عددنجه پک بیوک قوتلرله هجوم ایتدیلر . مدافعین پک آز وقت صکره آنی تخلیه یه مجبور اولدیلر . بوجهلله فرانسلرلر طرنندن قازانیلان زمان پک بیوک برشی اولمدی . اوندن بشقه ، (سهنت — ماری — اوشه) کویی محافظیننی قورتارمق ایچون برخیلی تشبثلرده بولندقدن صکره (سن پریوا) مدافعینی ایلری خطلرینک هزیمتی عادی سیرجیلرکی اوزاقدن تماشایه مجبوریت کوردیلر . ایکی حالده ده ایلری سورلمش اولان قطعات عسکریه نک هزیمت مشئومانه لری ، موضع اصلیده کی عسکرک قوه معنویه سنی شهسز ایجه تزلزه دوشوره جکدر . بونک ایچون الدن کلدیکی قدر یالکیز بر موضع طوتمقله اکثفا ایدیکز ! بن شونی تکرار ایتمکن بردم خالی قالمیه جغم .

صوك مکتوبمده سزه آكلاتمش ايدم كه ، بر موضع تدافعی بی
اشغال ایتك ایچون بر كره هاجیمینك آلدینی ترتیبات ایله قوای
عسكریه سنك نه وجهله تقسیم ایدلش اولدینی ممكن مرتبه بيلمك
لازمدر. دشمن سواریمی تقویه ایدلش ایدی. بوايه بزم ایچون
ایو برشی دكلدر. زیرا ، بزم سواریمز ، دشمن قوللرینك موجودینی
آكلایه بيلمك خصوصنده مذکور قوللره ایجه یاقلاشمغه موفق اوله ماشدی
خصمك شمالده کی قولنه دائر اولان معلوماتز پك ده فنا دكلدر؛ اما ،
جنوب قولی اوزرینه ایدندیکمز معلومات پك جزئی برشیدر. تأسف
اولنه جق دیگر برشی ده واركه اوده ضابط کشف قولنك دون
بر دشمن اردوگاهنه دائر ویرمش اولدینی حوادثك شمعی به قدر
هیچ بر طرفدن تصدیق ایدلش بولنما سیدر .

شمیدلك میرآلای ب . . نك بیلدیکی شی ، دشمن قوللرینك
هر بریسنده بر چوق طابورلر بولندیغدن و شمال قولنده فضله
اوله رق برده بطریقه کوردلیکندن عبارتدر . بناءً علیه بوراده
یابيله جق یالکیز برشی واركه ، اوده وضعیت آب آشکاره اولنجه به
قدر بر حاضرلق موضعی طوتمقدر .

حاضرلق موضعی دیمك ، قطعات عسکریه نك اجتماع نظاملرندن
بریسيله ، قوماندانلری قطعياً بر موضع طوتمغه بر هجومه ویا نالان وفلان
استقامتلرده کری چكلمكه قرار ویرمش اولنجه به قدر اشغال
ایتمش اولدقلری ردیمكدر. مؤخرآ بر موضع تدافعی طوتمق ایستندلیکی
زمان اکثریا بوكهی بر حاضرلق موضعی آلور .

اجتماع نقطه سی انتخاب ایدلزدن اول ، بر كره ، قباطاسلاق
اولسون ، مدافعه خطنی تعیین ایتك لازم كلور . بو خط تعیین

ایدل دکن سکره . آرتق دشمنک اوکا قرشو نه یاه بیله جکی پک اعلایا
دوشونیه بیلور .

میر آلائی ب .. (پووان دوزور) تپه لرینی مدافعه ایتک ایستور .
مومی الیهک اشغال ایتک فکرنده اولدینی برنجی موضع تخمیناً
(موسقو) دن (پووان دوزور) خرابه سنه قدر امتداد ایلر . بوندن
آکلاشیلور که موضعک جبهه سی (۱۰۰۰) متره قدر برشیدر .
میر آلائی ب .. مفرزه سی ایسه بویه برجبه یی قولای قولای مدافعه
ایده بیلور . احتمال که ، برآز سکره ، دشمنک یان هجوملرینه قرشو
قویه بیلنک ایچون موضعک شو امتدادی آرتمش اولور . فقط
شمیدلک اوکبی هجوملرک قطعاً اجرا ایدیلوب ایدلیه جکی بیلنمیور .
اویله ایسه ، میر آلائی ب .. ایلک اوکجه حد اصغریده برمدافعه خطی
کوستره کله اکتفا ایدر .

دشمنک ، (سن هوبه رت) ه یالکز جبهه دن هجوم ایتسنه پک احتمال
ویریه مز . قوای عسکریه سنک قسم کلیسی ، کیددن چیقماق خصوصنده
پک چوق زحمت چکر . لکن دشمن ، (موسقو) چفلکنه ویا (پووان دوزور)
جهتده صول جناحه هجوم ایدرک بو هجومی ، جبهه دن (سن هوبه رت)
اوزرینه یاه جنی هجوم ایله ترکیب ایده بیلور . (موسقو) چفلکنه
هجوم ایتک ایچون شمالده کی دشمن قولنک (مال مه زون) ایله
(ژهنی وو) اورمانلرندن کچمسی کافیدر . اوجهتده موجود اولان
بر قاق یول ایله (موسقو) چفلکنک شمالده کی زمین عارضه سی دشمنک
بو حرکتی آز چوق تسهیل ایدرلر . لکن ، میر آلائی ب ..
(موسقو) چفلکنه استناداً خصمک او حرکتده مقاومت حاضره
بولنه جقدر . اگر بالعکس ، هجومه اوغرایان صول جناح ایسه ، اوزمان

میرآلای ب . . (پووان دوژور) طاش اوجاقلرینی اشغال ایدرک
 اووجهله طوتدینی خطی تمید ایلجهکدر . شو صروده ایسه دشمن
 ایلک اوکجه ، یالکز بر قاج کچی یولدن بشقه بر شیئه مالک
 اولیان (اوج باش) اورمانلری ایچندن کچمکه ، بعده اوجه
 محفوظ ومستور اولان بر مدافینه قرشوپک مشکل بر هجوم حرکتی
 یایمغه مجبور اوله جقدر . فقط اگر دشمن ، صحیحاً ، بویکنچی
 حل قبول ایده جک اولورسه بوراده صول جناحک کریسنده
 بولنارو (روزه ری یول) دن کچن خط رجعت اصلی یی جدی بر صورتده
 تهدید ایلجهکدر . خط رجعتکز شو وضعیتی خصم ایچون فائده لیدر
 لکن نه چاره !

ایشته بو سویلدکلریمزدن آکلاشیلورکه ، خصمک نه درلور حرکت
 ایده جکنی ، نه یایه جفتی ده ا اولدن وقطعی بر یولده کشف ایتک
 قابل دکلدر . مع هذا ، شمدی یه قدر تعقیب ایلمش اولدینی استقامته
 باقارسه کز ، (موسقو) چفلکی بوراده هر یردن زیاده خصم ایچون
 بر هدف تشکیل ایلدیکنی حس ایدرسکز . بناءً علیه ، اک ایو
 اجتماع نقطه سی ، موضع تدافینک مرکزی کریسنده هر هانکی
 بر مستور محلدن عبارت اوله جقدر . لکن هر حالده شو اجتماع محلنده ،
 موضع تدافینک مختلف نقطه لرینه بالسهوله کیده بیلیمک ایچون بر قاج
 یول اولق لازم کلور . بوراده مفرزه نک اجتماع نظامی ، (۳۴۵۰۲)
 راقنک شرقده اخذ ایدیلجهکدر . پیاده نک قسم کلیسی ایکی خط
 اوزره بولنه جقدر . (طابورلر چفت قول نظامنده) .

پیاده ، ایلک اوکجه ، دشمنک استقامتی ، نه اولورسه اولسون ،
 هر حالده بالمجبوریه بر وظیفه کوره بیلجه جک اولان استناد نقطه لرینی

اشغال ایدر . بو استناد نقطه لرینه ایجه قوتلی عسکرلر تمین ایدیلر .
 بونلر ، مؤخرأ بولندقلری نقطه لرده محکم بر صورتده یرلشمک ایچون
 الده کی زماندن استفاده ایدرلر . مع هذا ، شو نقطه لره پک چوق
 عسکر و یرمک ایو دکدر . زیرا ، صکره الکزده پک آز عسکر
 قالمش اولور . بوراده دیدیکمز استناد نقطه لرینک بریسی (موسقو) ،
 دیکری (سن هوبه رت) در .

(موسقو) چفلکنه یالکنز بر بلوک ویرسه کنز کافیدر . (سن هوبه رت) ه
 کلنجه اورایه ، مؤخرأ استفاده اتمه کنز ایچون شمیدین ده . ایکی
 بلوک تخصیص ایده بیلورسکنز . اگر سنز بدایتده ، (سن هوبه رت) ه
 تخصیص ایدیلاان عسکرک هپسنی ویرمیه جک اولورسه کنز ، صکره
 کری یه قالان قوت ، مذکور چفلکه طوغری کیدن میلاری دشمن
 آتشی آلتده اینکه مجبوریت کوره جکدر . جزء تاملرک مؤخرأ
 بر برینه قارشمش اولملرندن احترازأ ، شمیدیک نقطه استنادلره
 تعیین ایدیلاان بلوکری ، صکره ، منطقه لریم مدافعه ایده جک اولان
 طابورلردن آلمیدر . بناءً علیه میرآلای ب . . ، موضعک منطقه لره
 تقسیمنی ، و بو منطقه لردن هر بریسنی هانکی طابورلره اشغال
 ایتدیره جکنی اولجه ذهنأ بر محاکمه ایتلیدر . (موسقو) چفلکی
 محافظینی تدارک ایده جک اولان طابورک منطقه سی مذکور چفلکک
 (۴۰۰) متره جنوبنده کی طاش اوجاغنه قدر اوزایه بیله جکدر .
 شو منطقه نک اورایه قدر کلسی ، ایکی بطریه نک ده مذکور منطقه
 داخلده بولیشندن ایلری کلیور .

(سن هوبه رت) ک مدافعه سنه مأمور اولان طابور ایسه بو خطی
 مذکور کویک شرقده بیوک یولک دیرسک نقطه سی یقینه قدر اوزاته

بیلہ جکدر . و احتمال مدافعه خطی دھا جنوبہ طوغری اوزاتمش
اولق ایچون اوجنجی بر طابورہ بیلہ احتیاج کوریلہ جک ، لکن ،
بو خطک نہایت بولہ جنی نقطہ تمامیلہ احوالہ تابع اولہ جقدر .
پیادہ نک منطقہ لرہ تقسیمی ، دھا صکرہ یعنی موضعی طوتمق ایجاب
ایتدیکی زمان اجرا ایدیلہ جکدر .

قطعات عسکرہ طوتہ جقلری یرلرہ نہ قدر ارکندن کلورلر سہ
موضعک تشکیلات تدافیعہ سی دہ او قدر ارکندن باشلامش بولہ جقدر .
(سن ہوبہرت) ایلک هجوملرہ معروض بولندینی ایچون ، ایشلرک
اک عجلہ یاپلمق لازم کلدیکی یردہ شہہ سز اوراسیدر .

بناءً علیہ اک مهم نقطہ لر ، ایلک اول کلش اولان برنجی وایکنجی
طابورلر طرفندن طوتیلہ جق وبالخاصہ (سن ہوبہرت) جفاکنی مدافعه
ایدہ جک طابورہ (۲) نجی طابور اولہ جقدر .

سواری استکشافہ دوام ایلہ جکدر . دشمن ، یکی راستقامتہ
کیرمک ایچون ، تعقیب ایلدیکی یولدن چیقمش اولہ جنی زمان سوارینک
بر راپور کوندرمسی پک چوق مهم بر شیدر . میرآلای ب . .
اوسایہ دہ دشمنک هجومنہ دائر بعض فکرلر ایدنمش اولہ بیلہ جکدر .
بناءً علیہ ، ایکی سواری بلوککزرہ ، طرق تقریبہ نک ہر ایکی جہتندہ کی
اراضی بی ایوجہ ترصد ایتک ایچون امر ایدیکز . (۲) نجی بلوک
(ژو اویل) ، (سن مارسل) استقامتلینی ، (۱) نجی بلوک ایسہ
(فلایونی) . (وی یون ویل) اورمانلری و (اورغون) استقامتلینی
کشف ایلہ جکدر .

فرصت کلش ایکن ، شونی دہ خبر ویرہیم کہ ، حاضرلق موضعلرندہ
اکثریا اک ابو بر صورتہ کشف اولتمق لازم کلان جہتلرہ ، دشمنک

صوك زمانده كورلديكى نقطه لره ووضعت عموميه ايجابندن اوله رق، خصمك ترتيبات تقريبيه باشلامق احتمالى بولنان استقامته تام موجودلى سوارى بلوكلى كوندرلمكده در سوارى يى ، طاغيق بولنديرمقدن احتراز ايتك قابل اوله ميه جق، وبو صنفك استعمالى ، آرتق برهجومده ويا اولجه اشغال ايدلش بر موضعك مدافعه سنده اولديني كچي دكلدر .. اولجه سزه سويلمشدم: بوكچي حالدرده سوارى اك زياده قوللانلمسى . محتمل اولان بر جناحك كريسنده وطوبلى بولنور ، ديكر جناحده ايسه ، كشف قوللرى بولنديرر .

حاضرق موضعنده اصولاً هر استقامتك اهميتى بر كيدر .. آنك ايجون مذكور استقامتلك هپسنى عين دقتله كشف ايتديرمك . لازم كليور . يوق اكر ، احوال سواريكزى طوبلى بر حالده طومتفه سزه مساعد ايسه ، نه اعلا ! بويله زمانلرده حاكم نقطه لره يرلشمش اولان بعض ثابت كشافلر (ياخود ضابط كشف قوللرى) . طرق تقريبيه اوزرنده لايىتقطع بر كشف وترصد اجراسيله مشغول بولندقلرى صره ده ، بعض متحرك كشف قوللرى ده خصمك تحريسي ايله مشغول بولنه جقلدرر .

طوبچى ، كندى مؤثر آتشنك اك بيوك منزلدن استفاده ايدميه جكى بر نقطه يه قونيله جقدر . بناءً عليه طوبچى يه ، ممكن اولديني قدر اك آز (۳۰۰۰) مترلك بر انداخت ميدانه مالك اولمق ووقتدن اول دشمنى يولدن طيشارى چيقارمق ايجون طرق تقريبيه نك كانه سنى دوكه بيلمك لازمدر . بوراده نظر دفته آله جق (غراوله وت) و (مال مه زون) يوللريدر . بولنرك هرايكيسى ايسه ، (موسقو) چفلكنندن بك اعلا دوكيه بيلورلر . بناءً عليه بزم طوبچى طابورينك

یرای ، تماميله آشکار اولمش ديمکدر . لکن اونى کوسنرمک ايچون
طوبجى طابور قوماندانسه . (موسيقو) جهتيده ، ديمک لازمدر ،
واوکا بوقدرى الورر . بطريه لرك اصل بولمى بوقدرى يرلر ، اوراده
يعنى موضمده طابور قوماندانى طرفدن انتخاب ايديله جکلر در .

بوراده اولدينى کي ، کرچه ايکي بطريه نك يان يانه وضع ايديليشى
قوماندانى تسهيل ايد يورسه ده ، دائماً اويله برتبات آلمغه لزوم بوقدر .
مثلا بوراده ده ، اگر (غراوله وت) يولنى ده ايو دوکمک ايچون
بطريه لردن بريسنى (۳۴۵،۲) راقى ياننده يرلشديرمک ايچاب
ايتسه ايدى ، اويله ياپمقدن هيچ چکنمىکز . لکن شوکي برحالده ،
طابور قوماندانى بطريه لرك انقسامى يوزندن آتشلرک ده انقسام ايتمه مى
خصوصى تأمين ايتمک ايچون لازم کلان تدابيره مراجعت ايله جکلر .
برده طوبجى ايچون انتخاب اولنان موضع ، دشمنک طوبجى موضعلرى
اوله بيلمک احتمالى اولان يرلرى مثلا ، بوراده (موغادور) ايله بونک
شمالنده کى اراضى يى دوکه بيلمليدر . يالکزر بر موضعک بتون شو
شرطلرى جمع ايتمش اولمى پک نادر در .

در حال متريسلرى انشا ايتديريله جکلر . لکن بوانشا آته طوب
نفرلرينه مستور محللر ياپمقدن باشلانيله جکلر . صحرا محاربهرلنده طوبيارلقلر
ايله برنجى قدمه قباقليرى ايچون صنئى مستور محللر انشا ايتمک پک
نادر در .

خصمک طوتمش اولدينى استقامت بللى اولنجه يه وقطعات
عسکريه سى کوريلنجه يه قدر بطريه لر حين حاجتده سريعاً محاربه نظامنه
کچه جک صورته کندي محاربه آمپلاسمانلرينک کريسنده ومستوراً
بولنه جکلر در . بناءً عليه بطريه لر ، آمپلاسمانلرينه نه قدر زياده يقين

بولنورلرسه. محاربه نظامنه كچملى ده او قدر زياده چابوق اوله جقدر. مدافعه موضعى حتى، اولدن تشكيل و تحكيم ايدلمش بولندينى حالده بيله. برحاضرلق موضعى ايسته بوسويلديكمز وجهله اشغال ايدلمش اولمليدر. طوبچينك ايو برجهه آله بيلمسى و وقتندن اول نازله يره تبديل موضع ايتك مجبوريتنده قالماسى ايچون يكانه واسطه بوندن عبارتدر. برحاضرلق موضعنده، بطريه لك آله جقلى اجتماع نظاملى زمينك حالته تابع اولدقدن بشقه خصوص مذكور بطريه قوماندانلرک رأينه براقمشدر.

طاقم قوماندانلريله، طوب قوماندانلرينه و نشاخي لره محاربه نك بدايتى آننده نه يابه جقلىنى اولدن دها سويلمك پك اعلا ممكندر. مسافه لر تخمين ايديله جك وبا خصوص، دشمن طوبچيسنك (موغادور) چيتمده اشغال ايتمى محتمل اولان موضعك مسافه سى ايودن ايوه تقدير اولنه جقدر. اكر لزومى وارسه، انداخت ميدانى تميزلنه جك و طوپلرک ايلريده طوته جقلى آملاسمانلر جوارنده جبخانه لر طوپلانه جقدر. بونك ايچون طابور قوماندانى، بطريه احتياطلرينى (ايكنجى قدمه) (موسقو) چفلكنه كتورده جكدر. دشمن كورنديكى زمان طوبچى، فوق العاده برسرعتله خصم طوبچيسى خط حرب آچزدن اول بطريه لر حالته كيرمك ايچون هر نوع تداركات اجرا اولنه جقدر. اكر طوپلر دها اولدن بطريه حائنه كچسه لر احتمال كه دشمن طوبچيمزى پك ار كندن كورمش اولوردى.

طومانسز باروتك تاثيرندن بحث ايلديكم زمان، بو خصوصك نه قدر بيوك مخدورلى اولديغى سزه آكلاتمش ايدم.

اگر سز ، هر درلو احتمالاً جواب ويره بيله جك صورتده
برطوبیجی موضعی بوله من ايسه كز ، اوزمان بطريه لر ، وضعيت تماميله
آكلاشيلنجيه قدر پياده قسم كليسنك ياننده ويا كريسندە براجماع
نظامی آله جقدر در .

بوراده موضع انتخابی اوزرينه تردد ايتمه محل يوقدر . بناءً عليه
سپرلر انشايدرك ، مستور محللر قازه رق وياخود جاده ايله (موسقو) دن
كلن طريق اتصالك خندقلريني اصلاح ايدرك درحال مذكور موضعك
تشكيلاتنه باشلانيله جقدر . صكره ده ، مسافه لری اولچمك ، و موضعك
جواريني سيلوب سوپورمك لازم كلور . ايكي چفلكك تشكيلات
تدافيه سی بوحسابه داخل ، دكلدر . اونلرك تحكيم وتشكيل صره سنده
استحكام ، پياده لره ياردم ايله جقدر .

اصولاً هر طابور يالكز كنديسنك مدافعه ايدە چكي منطقه نك
تحكمی ايله اوغراشور .

مير آلاي ب .. جنوب استقامتده هنوز نره لره قدر ياييله جقي
بيامديكي ايجون ، هراحتاله چاره بوله بيايمك فكريله ، كندی موضعی
موقناً طاش اوجاقلرينه قدر تحكيم ايله بيله جقدر . مع هذا ، بو ،
مؤخراً مذکور موضعك هر نقطه سنی اشغال ايدە جك ديمك دكلدر .
جنوب منطقه سی ، پك چوقايشاره محتاج دكلدر ؛ بناءً عليه اوراسنی ،
دمدار تشكيل ايتش واك صكره كئش اولان (۳) نجی طابوره احاله
ايتك ممكندر . اكر مدائمه موضعی ايجه انتخاب ايديله رك عملياته
باشلانمش اولسیدی ، بوبوك برخطا صاييلوردی . زیرا ، تحكيم ايدلش
اولان بر موضعه باغلانمغه ، وبوسيله دها وقتندن اول ، مانوره
ياپمقدن واز كچمه كه قطعات عسكريه نك ايجه میلی واردر .

برحاضرلق موضعنك اشغالی ايله ، مدافعه موضعنك تحكیمی
 خصوصی توفیق و تطبیق ایتك بوراده اولدینی کبی دائماً بسیط برایش
 دکدر . خصمك یایلمسی اوزرینه دها صحیح و جدی حوادث بکلمکه
 مجبوری حاصل اولدینی ، برحق مدافعه موضعلری آره سنده متردد
 قالدینی ، حاصلی آنجق پک کج وقت برقرار آله بیلدیکی زمان ،
 موضی ایوجه تحکیم ایتك ایچون اکتریا پک آز وقت قالور . بناء علیه
 دشمن عملیاتك دوائی منع ایده جک صورتده بزه یا قلاشمش اولمزدن
 اول کجه جک زمانی تخمینی اولسون نظر دقته آلمق لازم کلور .
 بوراده خصم پیاده سی (زه نی وو) اورمانلرینک شرق کناری اوزرینه
 کلنجه یه قدر چالیشله بیلور . (موسقو) چفلکنی تحکیم وتنظیم ایلیمک
 خصوصنده صرف ایدیه جک زمانی، ایشه بو طرزده حساب ایدرسکز .
 سز امرکری نقل وتبلیغ ایتدیکنز انشاده ، مفرزه رجعتده دوام
 ایدور . (موسقو) چفلکنه کیتك ایچون برنجی طابور ، تخمیناً
 (۲۵) دقیقه صرف ایده جکدر . بناء علیه اورایه ساعت (۱۱) ی
 (۴۰) کجه صولرنده واصل اوله جقدر . ایشه بوساعت ایشه باشلامه نك
 ایلک ساعتدر . اگر شمالده کی دشمن قولنک بعض قسملری (موسقو)
 اوزرینه ایلرلیبورلرسه ، (زه نی وو) اورماننک شرق کنارینه آنجق
 آقشامک ساعت برینه طوغری واصل اوله بیله جکلردر . لکن بواقسام
 عسکریه ، اوندن بشقه اورماندن کچمکه ومقابل کنارده یایلمغده مجبور
 اوله جکلردر . بناء علیه سز ، (موسقو) چفلکنک تحکیمی ایچون
 (۱) بجق ساعتق برزمانه مالک بولنه جقسکز . واحتمال که بوندن زیاده
 برزمانه بیله مالک اوله جقسکز . زیرا ، حقیقت حالده خصمك ایلری
 یوروشی دها بطی اوله جقدر .

مدافعین یاننده اک چوق . مقدارده جبخانه بولندیره بيلمک
ایچون پیاده جبخانه لری در حال بوشال دیله جقلردر ، بوایشلری
یایمقی ایچون بول بول زمانکز واردر . اکر میر آلا ی ب . . برجخانه
احتیاطی تشکیل ایتمک ایستورسه ، احتیاط عمومی یه ترك ایدیله جک
اولان اوجی طابورینک جبخانه لری نی کند ی یاننده تنافظه ایلله جکدر .
سیار خسته خانه طاقنک یری ، آتیمق دشمنک هجوم اصلی استقامتی
بالی اولدق - ن صکره تعین ایدیله بیله جکدر . بناءً علیه ، سیار خسته خانه
طاقمی ده اوتکی قطعات عسکریه کبی امرلره انتظار ایلله جکدر .
بیوک اغر لقلره کلنجه ، اونلر نرده ایسلر اوراده قاله جقلردر .
آنک ایچون ، اونلردن بحث ایتمکه لزوم یوقدر .
میر آلا ی ب . . نك طوره جنی یر ، بولمقی قولای اولمایدر .
دیگر جهتدن ، میر آلا ی حاکم بر نقطه اوزرندم بولمغه ده مجبوردر .
(سن هوبه رت) ک شرقنده کی بولک دیرسک نقطه سی نجه شو خصوص ایچون
پک الویریشلی کبی کورینیور .
ویردیکی امرک (۲) نجی ماده سنده میر آلا ی ب . . اولجه رجعت
ایتمکدن عبارت اولان فکرینه مغایر شمدی بر حاضرلق موضعی طوتمغه
کندیسنی اجبار ایدن اسبابی ذکر ایدرسه پک انی اوله جقدر .
بوسایه ده کندیسنی ، نه یایمق ایستدیکنی بیامه مکله اتهام ایتمک
ایستین مادونلرک اغزینی قاپامش اوله جقدر .
(میچ) ایله ایودن ایویه ارتباطده قالمق ایچون (روزهری یول) دن
اعتباراً تاغراف قوللانمغه دوام اوله جقدر . تلغراف خطنک (غراوه لوت)
ایله (روزهری یول) آره سنده کی قسمی بویولده آلتلرله تجهیز ایدلمش
بولنان استحکام بلوکی طرفندن تخریب ایتدیر یله جکدر . ایشته سزک
امریکنر شویله یازیله جقدر .

(غراوه لوت)

۲ - ۱۸ - ۸۹ - ۱۱۰۲۰ کو

مفرزه امری

۱ — خصمك شمال قولى بزی (دونقور یارنیزی)، جنوب قولى ایسه (مارس لاطور) استقامتجه تعقیب ایدیور .

۲ — آلدیم بر امره نظراً ، مفرزه دشمنی طور دیرمغه مجبوردر . بونك ایچون (پووان دوژور) ك (۵۰۰) متره شمال شرقیسنده (۲ ، ۳۴۵) راقی یاننده بر حاضری موصی اشغال ایده جکدر . یورویش ترتیباتی آرتق خذف والفا ایدلشدر .

۳ — (۱۵) نجی هولان آلاینك (۲) نجی بلوکی (ژوآی) ، (دونقور - یارنیزی) جهتلریله (سن مارسه ل) ك اوتله ریخی ؛ برنجی بلوکی ایسه (مارس - لاطور) ، (فلاوینی) ، (اوغنون) و (وی - یون ویل) اورمانلری جهتلری کشفه دوام ایله جکدر .

۴ — (۱۵) نجی صحرا طوپچی آلاینك (۲) نجی طابوری (موسقو) جهتلرنده متریسار انشا ایدرك ، بونرك بر آزر کریسنده اجتماع نظامنه کیره جکدر .

۵ — (۶۷) نجی پیاده آلاینك برنجی طابوری بلوکلرندن بریسیله (موسقو) چفلكنی ؛ (۲) نجی طابوری ایسه بلوکلرندن ایکسیله (سن هویره ت) ی اشغال ایتدیره جکدر . پیاده نك کری یه قالانی ايله

سیار خسته خانه طاقی (پووان دوژور)ك
شمال شرقیسنده (۳۴۵۰۲) راقنك شرقنده
اجتماع نظامنده بولنه جقلردر .

۶ — (۶۷) نجی پیاده آلاینك برنجی
طاپوری ، (موسقو) چفلکی داخل اولقی
اوزره ، (موسقو) دن (۴۰۰) متره جنوبه
قدر ؛ (۲) نجی طاپوری ، بونقطه دن
اعتباراً (سن هو بهرت) ك شرقنده يولك
دیرسك نقطه سنه قدر ؛ (۳) نجی طاپوری
ایسه بوسوك نقطه دن ، (پووان دوژور)
داخل اولماق اوزره (پووان دوژور)
اوجاقلرینه قدر اولاف مدافعه خطلرینی
تحکیم ایله جکلردر . (۱۵) نجی استحکام
طاپورینك برنجی بلوکی (موسقو) و (سن
هو بهرت) ایشلرینه یاردم ایتدکن بشقه
(مانس) دره سی اوزرنده کی یول کچیدینی
سد ایله جك و (غراوه لوت) دن ، (روزه -
ری یول) داخل اولماق اوزره (روزه -
ری یول) ه قدر تلغراف خطی تخریب
ایده جکلردر .

۷ — (۶۷) نجی پیاده آلاینك جیخانه
عربه لری بوشالتیه جق ، آوجی طاپورینك
جیخانه لری ایسه ، بنم الم آلتنده قاله جقلردر .
۸ — بنم ایچون راپورلر ، (سن هو بهرت) ك
شرقنده کی دیرسك نقطه سنه کوندزیه -
جکلردر .

میرآلای

ب ..

تبلیغ ایدلشدور :

قسم کلی قورماندازرینه شناها ،
دمداره ، امرضابطی (م. .) ایله
صاغ جناح جاندازرینه ایسه امر
ضابطی (ن. .) ایله وتخویرآ . .

میرآلای ب.. دشمنك (موسقو) اوزرینه یایه جنی هجوم اصلیسنك
(غراولوت) بیوك یولی بونجه بر ایکنجی درجه هجومیله ترکیب
ایدیله جکندن قطعاً امین اولنجه کندی طوبیجیسی (موغادور) ده برلشن
اوج خصم بطریه سی علیه آتش آچغله مشغول بولنه جنی ائنده ،
اوده همان مدافعه موضعی اشغال ایده بیله جکدر. طوبیجی بو آتشی، خصم
بطریه لرینك آتشی (سن هوبه رت) دن چکدرك (موسقو) اوزرینه
جلب ایتمك ایچون اجرا ایده جکدر. مسئله ده، خصمك تقرب یوروشی،
بطریه لرمن آنك قوللرینی طوب آتشنه آلمق ایچون فرصت بوله میه جق
بر مهارتله اجرا ایدلدیکی فرض اولنشدیر.

بناءً علیه ایلک طوب انداختی مفرزه قوماندانك امریله اجرا
ایدلش بولنه جقدر؛ بو بر قاعدۀ عمومیله در. دشمنك اوفق تفك
اقسامی علیه وقتندن اول طوب آتشی اجرا ایتمك ایو دکلدیر. چونکه
دشمن اوسایه ده بزم بطریه لرمنك موضعی آکلامش اولور. دشمن
پیاده سی، آنجق هجومه قالدینی زمان، هدف اتخاذا ایدیه جکدر.
ممکن اولدینی درجه ده قوتلی براحتیاط عمومی الده بولندیره بیلیمك
ایچون میرآلای ب. (غراولوت) دن تعرضه باشلایه جق اولان
دشمن طابور لرینه مقاومت خصوصنده ایکنجی طابورك کفایت ایده جکنی
دوشونه رك برنجی خطه یالکزر (۲) طابور قویه جقدر. مذکور
(۲) نجی طابور (سن هوبه رت) دن بشقه، تخمیناً (۴۰۰) متره لك
بر جبهه مدافعه ایده جکدرکه، بوامتداد بر طابور ایچون حداعظمیدر.
اگر دیدیکمز جبهه یی، جنوبه طوغری اوزاتمق لزومی کوربولورسه
بوخصوص ایچون ایجاب ایدن اقسام عسکریه احتیاط عمومیدن
آله جقدر. احتیاط عمومی بر قاچ صورتله قوللانیله بیله جکدر.

بورایه قدر اونك یری مدافعه خطنك مرکزی کریسنده ایدی .
شمدی ایسه بشقه بر یره قونیه جقدر .

اگر ایسترسه کز ، (۲) طابوری اك زیاده تهدید ایدلش بولنان
جناحك کریسنه قویه بیلورسکزرکه ، بر مقابل هجومده قوللانمق آرزو
ایتمدیککز حالده ، مؤخرأ اونلره اوراده بروظیفه تدافعه کوسترسکزر ،
اگر محاربه ائناسنده ، صول جناحی اوزاتمق لازم کلورسه ،
بووظیفه یه مأمور اوله جق طابوره و یریله جك امر پك کچ قالمایدر .
زیرا ، آنك قطع ایدم جکی مسافه ایجه بر شیرد . اکر سز بدایتده
دها ، صول جناحکزر حقنده تردد وخوف ایچنده بولنیورسه کز ،
احتیاط عمومیکزی ایکی یه آیرمق و (۶۷) نجی پیاده آلاینك (۳) نجی
طابورینی (بووان دوزور) دن (روزهری یول)ه کیدن یول جوارنده
مستور بر محله بولندرمق خصوصنده سربستسکزر . بو ترتیباتی حقلی
کوسترمك ایچون یالکزر مفرزه نك دشمنی کری یه پوسکورتمك
ایستدیکنی و کال شدتله مدافعه دن تعرضه کچمك فکرنده اولمادیقی
سویلکمکز یتیشور .

(غراولهوت) ده کی دشمن قطعات عسکریه سنك قوه موجوده سی
صحیح اوله رق بیانیمور . مسئله یه نظراً ، میر آلای ب .. اینی طابور
دشمن عسکرینك (غراولهوت) ده خط حرب آچد قلغنی بیلور .
حال بوکه بر کون اولی آقشام اوزری ، بر ضابط کشف قولی
جنوبده کی یول جوارنده قورلمش اولان اردوگاهده خصمك درت
طابور قدر عسکری اولدیفنی خبر و یردی . بناءً علیه او یله
آکلاشیلورکه ، بو ضابط خطا ایتمشدر . لکن میر آلای ب ..
بوکا قطعاً امین اولیه جقدر . ایشته بعض احوالده ، شهلی بر-و ادنك

موجب اولدینی تأثیر بویله در . شو حوادث ، احتیاط عمومینک ایکیه آیرلسنی ایجاب ایده جک بر سبب یرینی طوته بیلور . اوندن بشقه سزینه ، بوندن طولایی خط رجتمکزک وضعینی فنا دوشدیکنه و آتی پک خصوصی بر صورتده محافظه ایتمک لازم کلدیکنه دهاهب اوله بیلورسکز . اوله ایسه شمیدیکی حالد بن ، مستشبا اوله رق ، احتیاط عمومینک انقسامنه قرار ویرپورم .

سواری آزار ، آزار تهدید ایدلمش اولان جناحه طوپلانه جق واوراده استکشافاته دوام ایله مذکور جناحی تأمین ایلیه جکدر . (غراولهوت) ک جنوببده کی امنیت خدماتنه کلنجه ، او خصوصده کشف قوللری استخدام ایدیلهرک ، مذکور قوللر دشمنک اوجهتدن جدی قوتلره یابه جفی حرکتلرینه دائر راپورلر کونده جکلردر .

سیار خسته خانه طاقی ایچون هر درلو شرائطه جواب ویره جک صورتده بر یر بولمق کوچ اوله جقدر . اغلب احتماله کوره ضایعاتک اک چوغی صاغ جناحده وقوعه کله جکدر . لکن اگر سیار خسته خانه طاقی بوجناحک کربسند مثلاً (شاتل-سن زه رمن) ده تأسیس اولنورسه ، یقوشلرک سرتلکندن ویوللرک فالغندن اوتری آغر یارملی اولانلری اورایه نقل ایتمک پک زور اولوردی . دیگر جهتدن ، (روزه ری یول) کوی ده (موسقو) چفلکندن ایجه اوزا قدر . نظریاتجه ، خسته خانه طاقی مثلاً ، (پووان دوزور) ک شرقنده کی اسکی طاش اوجاغنده (آله-اشتاین بروح) یرلشدرمک لازم کلوردی . چونکه بر دفعه خسته خانه اوراده دشمن آتشدن مصون قالور . ثانیاً ، اورایه کوزل یوللر کیدر . لکن ، اوراده صو اولمدینی کبی ، جوارده مسکون محللرده یوقدر . اوله ایسه بن ،

ایسترا ایستمز، خسته خانه طاقی (روزه ری پول)ك غرب مخرجنده
یرلشدیرمکه مجبورم. کچن امرده (۸)نجی نشانجی طابورینك
جیغخانه عربهلرندن بحث ایدلش اولقله، میرآلای ب.. بوکرده
اونلرك طوره جقلری یری کوسترمکه مجبوردر. میرآلای شوخصوصده
بر قاج یردن بریسنی انتخابده مختارددر. مثلا بر یر، (۳۴۵۰۲)
رافنك کریسنده یعنی موضعك مرکزی آرقه سنده، دیگر بر یر،
(موسقو) چفلکنك (۵۰۰) متره شمالنده تهدید ایدلش اولان
جناحك کریسنده کی درت پول آغزنده وارء هانکیسنی ایسترسه کز
اونی انتخاب ایدیکز. چونکه قیمتلی همان برکیدر.

میرآلای ب.. نك کنیدیسی الك چوق تهدید ایدلش اولان
جناحك کریسنده بولنه جقدر. ایستیلان قروکی به کلنجه، بوخصوصده
مکتوبلرمده سوبلنمش اولان تنیهاره مراجعت ایدیکز. موضعك
نه وجهله طوتلمش اوله جغه بر کره قرار ویردیککز کبی، قروکی
دنیلان شی اوندن صکره، اوفاجق بر تفصیلاتدن عبارت قالور.
عسکرک نه وجهله تقسیم ایدلش بولندیی یکنظرده آ کلاشلمش
اولق ایچون قروکیده قطعاتك کوزل وآچیق بر صورتده کوسترلش
اولملری کافیدر.

(سن هوبه رت) ك شر قنده كى يولك ديرسك نقطه سى

۲ - ۱۲ - ۸۹ - ۲۰ ۱۵ كى

مفرزه امرى

- ۱ — دشمن (اغراوه لوت) دن كچه رك
ايكى طابورله (سن هوبه رت) اوزرينه ،
و (مال مه زوف) كچه رك درت طابورله
(موسقو) اوزرينه يورپور . دشمنك
ايكى بطريه سى ، (موغادور) ك جنوب
شرقيسنده موضعه كيرمش بولنيور .
- ۲ — مفرزه ، (موسقو) دن اعتبار آ ،
(سن هوبه رت) ك شر قنده ، بيوك يولك
ديرسك نقطه سنك (۲۰۰) متره جنوبنه
قدر اولان موضى مدافعه ايده جكدور .
- ۳ — (۱۵) نجى صحرا طوپچى آلاينك
(۲) نجى طابورى درحال خصم بطريه لرى
عليه آتش آجه جقدور .
- ۴ — (۶۷) نجى پياده آلاينك برنجى
طابورى ، درحال ، (موسقو) چفلكى ده
داخل اوابى اوزره ، مذكور نقطه ايله
(۴۰۰) متره جنوبنده طاش اوجاغى
آره سنده كى منطقه يي اشغال ايده جكدور .
(۶۷) نجى آلايك (۲) نجى طابورى ايسه
طاش اوجاغندن ، (سن هوبه رت) ك شر قنده
يولك ديرسك نقطه سنك (۲۰۰) متره
جنوبنه قدر اولان منطقه يي طوته جقدور .
(سن هوبه رت) چفلكى صوك درجه يه قدر
مدافعه اولنه جقدور .
- ۵ — (۸) نجى آوجى طابورى ، (۶۷)
نجى پياده آلاينك (۳) نجى طابورى

و (۱۰) نجی استحکام طاہورینک برنجی
بلوکی، احتیاط عمومی تشکیل ایدہ جکلردر.

(۸) نجی نشانجی طاہوری (موسقو)
چفلکنک (۵۰۰) مترہ شمال شرقیسنده کی

دورت یول آغزینہ کیدہ جک، دیگر ایکی
جزء تام ایسہ، (پوان دوژور) ک جنوب

شرقیسنده کی طاش اوجاغندہ بولنہ جکلردر.

۶ — (۱۵) نجی هولان آلاینک (۱۲) نجی
بلوکی (مال مہزون) جہتلرینی کشف

ایدرک، (لایسبیک) دہ صاغ جناحی
ستر ایدہ جک، برنجی بلوکی ایسہ طاقلرندن

برسی واسطہ سیلہ (غراولوت) ک
جنوبندہ استکشاف خدمتی کورہ جکلدر.

دیگر اوج طاقی دہ (۲) نجی بلوکی یانہ
طویلانہ جکلدر.

۷ — سیارخستہ خانہ طاقی (روزہ ری یول) ک
غرب مخرجندہ یرلشد یریلہ جکلدر. (۸) نجی

آوجی طاہورینک جیخانہ عربہ لری، کندی
یانندہ قالہ جکلدر.

۸ — راپورلر (موسقو) چفلکنہ
کوندریلہ جکلدر.

میرآلای

ب..

اجتماع ایدن جزء تام قوماندانلرینہ
آغزندن سویلنمش، ایکی سواری
بلوکندن بریسنہ امر ضابطی
(م..م) دیگرینہ دہ ینہ امر ضابطی
(ب..ب) ایلہ کوندرلشددر.



اون آلتنجی مسئله

« عمومی خریطه ایله (غراولهوت) بافته سی »

بر (شرق فرقه سی) (۸۹) سنه سی ایلولنك برنجی کونی (آی) ایله (هاغونداڭ) آره سنده آتیلان برکوپری اوزرندن (موزهل) نه رینی آنلادقن صکره ؛ (پی پرویله رس) و (مالانقور) دن کچهرک (اورن) استقامتنده ایلرولیور . مقصدی ، ممکن ایسه (بری یه) اوزرینه یوریدیکی آکلاشیلان دشمندن اول اورایه وارمقدر . فرقه نك صول یانی اوزرینه کوندرلش اولان بر مغزده ده عین زمانده (مه زی یه) ، (برون وو) ، (سن پروا) دن کچهرک (اوبوئه) اوزرینه ایلرولمکه مجبوردر .

بومفرزه میرآلای ب . . قومانداسنده در . واساساً (۳) طاوور پیاده برسواری بلوکی ، (۲) بطریه ، براستحکام و برخسته خانه طاقدن ترکب ایدر . صباح ساعت (۹) ده مغزده نك پیاده اوجی ، (صولنی) دن (سن پروا) یه کیدن یول اوزرنده محاربه یه کیرشدیکی زمان اورایه یتشمش اولان میرآلای ب . . شمال استقامتنده برتقک آتشیله برلکده شدتلی طوب سسلری ایشیدر و بربری اوزرینه آئیده کی راپورلری آلور :

(ماره نفو) و (آمان ویلهر) دن کچهرک ایکی قولده وکال سرعت وشدتله (سن پروا) اوزرینه ایلرولش اولان سواری بلوکی ، (سن پروا) اوکنده دشمن آتشنه معروض قالدیغنی بیلدیریور . (رونتقور) ده هنوز دشمن قطعاتی کورلیدی ، شمدی یه قدر بوکویک اطرافنده منفرد دشمن کشافلرندن بشقه هییج برشیته تصادف ایدلمه مشدر .

(باتیلی) دن (اوبوئه) اوزرینه ایلرولش اولان برضابط کشف قولی ، بربطریه ایله برلکده بردشمن پیاده قولک (اوبوئه) دن (سه نت - ماری - اوشن) اوزرینه یوریدیکنی و قول باشینك صباح ساعت (۹) بجق صولرنده اورایه واصل اوله جغنی خبر ویریور . (مونطووا - لامونتان) اوزرینه ایلرولش بولنان دیگر برکشف قولنك کتوردیکی حوادمکن ایسه بوموقعك دشمن پیاده سی طرفندن اشغال ایدلش اولدینی ومذکور پیاده نك (مالانقور) اوزرینه کیشف برآتش توجیه ایدر کی کورندیکی آکلاشیلور .

یاسیله جق وظیفه

- ۱ — وضعیت عمومیه نك تقدیر و محاکمہ سی .
 - ۲ — میرآلای ب.. نك آلدینی ترتیبات .
- خاطرکزده قالسون : (ژومون) اورمانلری اودون کسیلن اورمانلردند

اون یدنجی مکتوب

ایرانیان مفروضه سنه هجوم



بو مسئله ایچونده بنینه سزه مخصوص عین زمانده هم عمومی خریطه یی، همده (۱:۲۵۰۰۰۰) مقیاسنده کی خریطه یی قوللانه جق صورتده بریر انتخاب ایتدم. سز او سایهده مقیاسلری مختلف خریطه لر اوزرنده چالیشمه نك یولنی اوکره نمش بولنه جقسکز. بدایتده، بعض اوافق تفك مشكلاته راست کله جك اولورسه کز بیله، مراق ایتیک پك آز وقت ایچنده اونلره غلبه ایده-کسکز. وبو وجهله سز یواش، یواش (۱:۱۰۰۰۰۰۰) مقیاسنده کی خریطه اوزرنده زمینک تفصیلات و تشکلاتی اوقومغه آلیشقدن ماعدا، ویریه جك تعیه قرارلری اوزرینه اونلرک نه کی تأثیرلر کوستره بیله جکلرینی آکلایه جقسکز. شمدی یه قدر بنم یالکز (۱:۲۵۰۰۰۰۰) مقیاسنده کی خریطه لر قوللانیشمک سبی مبتدی لک النده اوقومسی قولای خریطه لر بولندرمق ایستدیکم ایدی. بوندن صکره، سزی بر آزده (۱:۱۰۰۰۰۰۰) مقیاسنده کی خریطه یه آلدیره جم. زیرا عملیاتده الکزده اکثریا بو خریطه بولنه جقدر.

بوراده کوریه جك ایلک ایش، وضعیت عمومی یی تقدیر وادرا کدن عبارتدر. یالکز مفروضه نك وضعیتنی اوکره نمک کافی دکل، بالعکس، میر آلا ی ب ..، ویره جکی قرار تعقیب اولنان مقصده اوینون کلمک ایچون بر آزدها اوزاق کورمه، دها بشقه شیلر بیلمه محتاجدر. بوندن آکلایشلورکه، شمدیکی مسئله نك حل خصوصنده، یالکز

مفرزه كزك وضعیت واحوالی بيلمكه اکتفا ایدمه چکسکز. مسئله ده
 (شرق فرقه سی) نك دشمن دن اول (اورن) . کلسی لازم کله جکی
 سویلنیور . بولزوم احتمال ، نه ری آتلامق ، باده (بری به) نك
 تا اوتله رینه قدر ایلرولمک مقصدینه منی در . بناء علیه بوفره تعرضه
 کچمک ایستیور ، دیمکدر . شمدی به قدر خصمه دائر کلان معلوت
 قطعی حوادثلردن دکدر . زیرا ، یالکز بر شی بیلنیور که اوده
 خصمک (بری به) اوزرینه یوریمکده اولدیغدن عبارتدر ؛ لکن ،
 هیچ بر شی دشمنک (بری به) به واصل اولدیغنی تصدیق ایدمه میور .
 مفرزه (موزهل) نه رینک غربنده اولمه دق بردشمنه راست
 کلدیکی زمان هنوز طاغلق اراضیدن قورتلماش بولنیور . عین زمانده
 شمالدن کان شدتلی تفک وطوپ سسلری فرقه نك جدی بر محاربه به
 کیریشدیکنی اثبات ایدن اماره لردندر . آکلاشلدیغنه کوره دشمن
 بر مدافعه موضعی اشغال ایدیور . زیرا ، کشف قولنک کتوردیکی
 خبرده ، خصمک (مونطووا - لامونتان) کونینی طوته رق شرق
 استقامتده آتش ایتدیکی بیلدیریلیور .

بناءً علیه میرآلای ب .. نزدنده شرق فرقه سنك هنوز طاغلق
 و آغاجلق بریرده کلیتی عسکر ایله محاربه به کیریشمش بولندیغنی مجهول
 برشی دکدر . اگر دشمن ، شرق فرقه سنك بوغاز دن چیقمنی
 منع ایتک اوزره تعرضه کچمش اولسیدی ، کشف قولنک راپوری
 شبهه سز آنک بوحرکتی بیلدیره جکدی ؛ شمدیلک دشمنک مدافعه
 حالنده بولیشی فرقه ایچون پک ابو بر اشارتدر . کرچه (مونطووا)
 موضعه ده دشمنک نره دن کلدیکی محقق بر صورتده بیلنیور ؛

لکن ، (بری‌ه) دن کلن طرق اتصالیه به نظرأ بودشمنک (اورن) صوینی (هومه‌قور) ده کچمش اولسی لازم کلیور .

بو آنه قدر مفرزه ، دشمنک یالکز (سن‌پریوا) ده بولندیغنی اثبات ایدمه بیلمشدر . بر آز شمالده کی (رونقور) نقطه‌سی دشمن طرفندن هنوز طوتلماشدر . دیگر جهندن ، سواریکز ، (آمان‌ویلر) دن یعنی جنوبدن کچهرک ، هیچ بردشمنه فلان راست کلکسزین (سن‌پریوا) اوزرینه ایلرولمش بولئور . بناءً علیه ، اوککزده کی دشمن قطعه عسکریه‌سنگ شمیدیک یالکز (سن‌پریوا) نی اشغال ایلمکده اولدیغنی فرض ایتمکده حقکز واردر . بو قطعه عسکریه ، (اورن) صوینی شه‌سز (اوبوئه) ده آنلادقدن صکره (سه‌نت — ماری — اوشن) دن کچهرک ایلرولمشدر . احتمال‌که ، مذکور قطعه ، ضابط کشف قولک ، (اوبوئه) دن کچهرک (سه‌نت — ماری — اوشن) اوزرینه یوریمکده اولدیغنی بیلدیردیک دشمن قولی اقسامندندر . اوزاقلره کوندرلمش اولان بو قطعه شه‌سز ، پیشداردر . (سن‌پریواده) کی دشمن عسکرینی (مونطووا — لامونطان) قوه عسکریه‌سندن آیرلمش فرض ایتمکدن زیاده بو شمیدیک فرضیه‌نی قبول ایتک فکر مزه دها ملایم کلور . زیرا ، اوپله اولسیدی ، مذکور قوه عسکریه ، (رونقور) ده‌ده بر آز عسکر ترک ایتمش بولنه‌جقدی .

شمیدی‌ه قدر خصمک (سن‌پریوا) ده طوبیحیسی اولدیغنه دائر هیچ بر حوادث آله‌مامشدر : لکن مستور محالرده دشمنک طوبیحیسی بولندیغنی و وقتندن اول کندی موجودیتی آکلاتماق ایچون کشف خدمتده کی سواری بلوکزه آتش ایتک ایستمدیکنی قرض و قبول ایلکم خصوصنه هیچ برشی مانع دکدر . هر حالده خصمک طوبیحیسی اولدیغنی احتمالی نظر دقه آلق لازم کلور .

نظر دفته آله جق دیگر بر احتمال دها وارکه اوده: (سنت- ماری- اوشن) اوزرینه یوریان دشمن قولك كندی بطریقه سنی سوارینك حمایه سنده اولمق اوزره کندیسندن اول یوللامش اولمسیدر. دیگر جهندن سواری بلوکمز پیاده ایله طوتلمش اولدیغنی صورت قطعیده اعلان ایلدی. مناسبت دوشمش ایکن (پیاده کورلمش اولدیغنی) خبر ویرمکه ساده جه کشف قوللری ویا کشافلر (دشمن آتشنه اوغرامشلردر) دیمك آره سنده کی فرقه دقت ایدیکزه. اکر سواری پیاده کورمش اولمسندن قطعاً امین اولسه ایدی آنک کوندرمش بوله جنی راپور فنا ترتیب ایدلمش اوله جقدی. زیرا دشمن آتشی دنیلان شی مطلق پیاده یه عائد اولمق لازم کلز. بالعکس احتمال، که بو آتش یاباجنك ایدن بر سواری طرفندن اجرا ایدلمش بولنور.

بر دفعه، (سن بریوا) اوزرینه کشف قوللری کوندردیکی زمان، کندیگری سواریکز یرینه قویکز. کوی کنارینك مختلف نقطه لرندن آتش ایدیلیور. مختلف جهتلردن قورشون سسلری ایله بعض کورلملر ایشیدیلیور. لکن بیلورسکزه انسانی آلداته جق بعض عکس صدار وار: دشمن مستور بولنور، آوجیلری ترصد ایتك ایچون زمانمز یوقدر، سواریکزك اوغرا دیغنی ضایعات آنلری کری چکلمکه مجبور ایدر. بناءً علیه سواری دشمن طرفندن اشغال ایدیلان منطقه لری و آتش خطنك کثافتی قولای قولای تخمین ایدم مز. اوندن بشقه بو کونکی کونده آرتق آوجیلرک طوتدقلری یرلری کوستره جنك کوچك طومان ییغینلری یوقدر. بو شرطلره نظر آا کر سزك سواری بلوککزك قوماندانی (سن بریوا) نی اشغال ایدن عسکرک پیاده دن

عبارت اولدیغنی اثبات ایدمه بیللمش ایسه کندیسنی بختیار صایمیلدر .
طومانسز باروت قولالاندیغنی زمان ، کشفده بولنان سوارینک ،
دشمن پیاده سنی کشف ایتمش اولمسی قوماندانلقجه پک مهم برشیدر .
بولنک اک بیوک اهمیتی دشمن پیاده سنک وضعیت اخیره سنی تعیین ایتمه
خدمت ایتمسندن عبارتدر .

شمدی ده سلسله تفصیلاتکزه دوام ایدیکنز . ضابط کشف قولی
یوروش حالنده بولنان پیاده قولنک یالکنز بریطریه یی حاوی اولدیغنی
سزه خبر ویریور . بومعلومات اغلب احتمال کوره طوغریدر . زیرا
ضابط کشف قولی بیوک برطولا شمه حرکتی یابدقن صوکره بوقولک
یانی اوزرنده حاکم بر نقطه یه چیقمهغ وایستدیکی کی آنی ترصد ایتمه
موفق اولدی .

اگر سز بوخبرک طوغریلغنی قبول ایدرسه کز بوندن ، کندیکزک
کرک بر مفرزه قسم کلیسنه ، کرک بیوک بر جزء تامک پیشدارینه قارشی
حرکت ایتمکه اولدیغکزی استدلال ایدرسکنز . لکن مذکور خبردن هیچ بر
زمان دهها زیاده بطریه لری جامع اولمسی لازم کلان بیوک بر جزء تامک
قسم کلیسنه قارشی بولدیغکز آکلا شلماز . بناءً علیه ، (سن پریوا)
پیاده طرفندن اشغال ایدلمش بولندیغندن و دشمنک عینی یول اوزرنده
ایکی پیشدار یوروتمسی قبول ایدیله جک برشی اولدیغندن (سنت -
ماری - اوشن) اوزرینه یوروش اجرا ایتدیکی خبر ویریلان قولک
(اورن) کچیدندن طولانی مسافه سنی غیب ایتمش اولان مفرزه قسم
کلیسندن بشقه برشی اولماسی لازم کلور . بوقسم کلینک پیشداری کی ،
برطابور پیاده و برآز سواری یی حاویدر ؛ (سن پریوا) موقعی اشغال
ایتمکه آرزوق استعجال ایتمش دیمکدر . دیگر جهتدن اکر (سنت -
ماری - اوشن) اوزرینه ایرولیان قول عادی بر مفرزه دن عبارت

ایسه اوزمان آنک منسوب اولدینی جزء تامک (مون ظووا-مونتان) ده بولنسی محتملدر . نته کیم (رونقور) ک شمالده ایشیدلمکده اولان طوبجی محاربه سی بونی تصدیق ایدر کبی کورینور . شمدی به قدر کلان خبرلری مختلف صورتلر ایله تأویل ایتمک ممکندر . لکن امین اولکدز که بزم ایتدی کمز فرضیاتدن بشقه هر فرضیاتک طوغری اولماسی دها زیاده محتملدر .

بناءً علیه شمدی به قدر طویلانان معلوماتدن اغلب احتماله کوره دشمنک (اورن) دردسنی ایکی قولده کچمش اولدینی استنتاج ایدیلور . جنوبده کی قول ، نهردن هنوز ایجه اوزاق اولیان شمالده کی قولدن بر آز دها ایلروده بولنیور . شمالده کی قولک طور تدافعیسی استدلا . لاتمزی بر آزدها اوزاغه کوتورمکه مساعددر .

دشمنک بو قطعه عسکریه سی آرقه سنی بر نهره یعنی بر کچیده ویرمش بولنیور . بو ، مذکور قولک بشقه درلو یابه مامش اولدیغنه وکندی اوزرینه عددجه فائق قوتلر سوق ایدن شرق فرقه سنه راست کله رک توقف ایتمکه مجبوریست کورمش بولندیغنه بر اشارتدر . اکر بویه اولسه ایدی : دشمن شبهه سز شرق فرقه سنی ، کندیسینک کوچ حال ایله چیقدینی کچید ایچنه آتمق ایچون تشبثلرده بولنه جقدی . بناءً علیه بوراده بری دیگرندن اوستو کلکه چالیشان ایکی خصمک بر برینه تصادفندن بحث اولنیور دیمکدر . شبهه سز ، دشمن قوتلرینک قسم کلیسی هنوز (اورن) دردسنی آتلامق اوزرهدر . لکن بیوک بر قسمی اورمانک تشکیل ایتدیکی بوغازدن خروجنی هنوز اکمال ایتامش اولان شرق فرقه سی ، دشمنی (که متصل امداد آلیور) طرد ایتمک واونی ممکن اولدینی قدر سرعتله (اورن) دره سنه آتمق

وبعدہ مذکور درہنك كجيد نقطه لرینی ضبط ایلیمك ایچون کال شدتله تعرضه یکمکه مجبوردر .

مسئله ده ویریلان معلومات پك آز مکمل اولمقله برابر بز تخمیناً اولسون وضعیت اوزرینه بر فکر پیدا ایده بیلورز وشه سز هیچ بر زمان یالکز او معلومات ایله بر فکر قطعی ایدینه بیله جکمزى ادعا ایتمیز. چونکه او یله بر ادعاده بولنق بر خیال آرقه سنه قوشمق دیمکدر . (سن پریوا) دن اجرا ایدیلان آتشرک طومان ایله مشترک اولمی و (رونقور) ك شمالنده كذلك بعض طومان طبقه لری کور یله بیلمش بولنمی بزم ایچون طبیعی ده ائی بر شیردر. چونکه بز اوسایه ده (سن پریوا) کونك کناری اوزرنده کی آتش خطنك کثافتی تقدیر ایتمکه وشرق فرقه سنك یایلمه امتدادینی آکلامغه موفق اوله بیلور ایدك . اگر بتون عسکرینی (سن پریوا) علیه کوتورمش اولدقدن صوکره میر آلاى ب .. مذکور نقطه نك آنجق پك ضعیف بر صورتده (که پك ممکندر) طوتلمش اولدیقنى آکلامش بولنورسه شه سز بوندن هیچ نمون قالمیه جقدر . مع هذا ینه کال شدتله محاربه یه کیریشمکه مجبوردر . زیرا بشقه درلو یاپارسه کندی شه لرنی حل ایتمك ایچون پك چوق زمان غائب ایده جکدر . بناء علیه استقبالده تصادفك تأثیری اسکی زمانلرده اولدیغندن زیاده بیوک اوله جقدر . اوندن بشقه سوارینك استکشافی اکثریا ناقص نتیجه لر ویردجه او تأثیری طرح وتنزیل ایتمك ده اوقدر زیاده کوچ اوله جقدر . بوندن طولای سوارینك کشفده کی کفایتسزلکنی ، هجوم ایدیه جك مسکون محللر اوکنده دشمن قوای عسکریه سنی میدانه چیقارمغه مجبور ایتمك ایچون پیشدار طوپی وپیاده سنك یایلمس یله

قیامتی لازم کله جقدر . لکن اگر اراضی مدافینه پک الویرشلی و دشمنک برنجی خطی ایجه مستور اولور ، اگر احتیاطلری کورلمکسزین کتوریه بیلور و بطریه لری ده آپ آکسزین میدانه چیقا بیلورلر ایسه شمدی سویلدی کمز وسائلط غیر کافی اوله جقدردر . محاربه ائناسنده قوماندا هیئت کندی اوکنده دشمنک نه قدر قوتی اولدیغنی اسکی زمانلردن ده آاز بر صورتده بیله جقدر .

ناقص بر طاقم اماره لر اوزرینه بر وضعیتی میدانه چیقارمق خصوصنده باش قوماندانک قابلیت و قطعات عسکرینه ک قیمتی هر وقتدن زیاده موفقیتک شرائط اساسیه سندن اوله جقدردر . اوندن بشقه طالع و تصادفک تأثیری ده اسکی زمانلردن زیاده بیوک اوله جقدر . شمدی ده میر آلا ی ب .. طرفندن ویریه جک قراره کله لم : اولجه کورمش ایدک که ، هرشیدن اول فرقه نک بوغازدن چیه بیلمش اولسی ویایلمسی ایچون لازم کلان مسافه یی قزانش بولنسی ایجاب ایدر . فرقه نک بووجهله تعقیب ایتدیکی مقصد مفرزه یه ده کندی وظیفه سنی کوستریبور . مفرزه نک محاربه یه مجبور اولسی کندی حسابی ایچون دکل بالعکس منسوب اولدیغنی جزء تامک منفعتی ایچوندر . بناءً علیه فرقه کندی وظیفه سنی باشه چیقاره بیامک ایچون مفرزه بتون قوتیه اوکا یارديم ایتمه ک مجبوردر .

• یان مفرزه سی دشمن قوای عسکریه سنی کندی اوزرینه نه قدر زیاده چکرسه فرقه نک وظیفه سنی ده او قدر زیاده تسهیل ایتش اوله جقدر . مدافعه نک بوراده هیچ بر فائده سی یوقدر . زیرادشمنک بسبتون حرکتده سربست قالمسنی موجب اولور . طوغریسنی سویلمک لازم کلورسه ، بوراده مدافعه عطالت ایله مرادفدر . یالکز

(سن پریوا) علیهنه یاییله جق شدتلی بر تعرض حرکتی مؤثر اوله جقدرد. باخصوص یوقاریده یادیغمز محاکمه نك نتیجه سی اوله رق (سن پریوا) نك اغلب احتمالله کوره یالکز بر طا بور ایله طو تلمش اولسی بوتعرضك نه قدر زیاده لزوملی بر حرکت اولدیغنی کو سترر .

اگر (سن پریوا) محافظی مفرزه دن پك ضعیف ایسه مفرزه نك یایلمق ایچون صرف ایده جکی زمان کاملاً ضایع اوله جقدرد . کرچه بو تأسف ایدیله جك بر شیدر . لکن یوروش حالنده بولنان دشمن قولی مفرزه علیهنه یوریمکه مجبور ایتك ایچون کویك اوتله رینه قدر بیله یینه اوندن آز شدتلی بر تعرض حرکتی سوق ایدلمش اولیه جقدرد . ایستر ایستمز بو قولك کوی محافظینه یاردیمه قوشمسی لازم کله جکدر . بوایسه آنی (مونطووان — لامونتان) دن آیره جق و شرق فرقه سنده ویریلان محاربه یه اشتراك ایتکدن منع ایلیه جکدر .

اگر بالعکس (سن پریوا) میرالای ب .. نك ظن ایتدیکندن زیاده بر قوت ایله طو تلمش ایسه ، (سنت — ماری — اوشن) اوزرینه یوریان قول (سن پریوا) یه جلب ایدلك شرطیله ، وضعیت یینه بزم ایچون دهافنا اولیه جقدرد . یالکز مفرزه نك کندیسنی بسبتون تهلکده دوشورمش اولماق ایچون دریندن درینه محاربه یه کیریشمکدن احتراز ایتسی لازم کله جکدر .

هر حالده (سن پریوا) علیهنه ویریلان محاربه نك (سنت — ماری — اوشن) قولی خط حربیه واصل اولمزدن اول بیتمش بولنسی آرزو ایدیله جك بر شیدر . بناءً علیه یالکز هجوم ایتك کافی دکل چابوق وشدتلی بر صورتده حرکت ایتك لازمدر . بناءً علیه میرالای ب .. یایلدینی انشاده وقتی ایجه قولالانغه و ترددسز هجوم ایتکه

مجبور در . چونکه ویردیکی قرارك تعقیب ایدیلان مقصد عمومی به موافق اولدیغندن امیندر . اگر مومی الیه امرلر بکلمکه قالدیشه جق اولورسه پك قیمتلی اولان برزمانی الدن قاچرمش بولسه جقدی . ضابط کشف قولنك کوندردیکی راپوره نظراً دشمن قولی ساعت ، طقوز بچقده (سنت - ماری - اوشن) واصل اوله جق و بناءً علیه بطریقه سنك سرعتلی به کچهرك کندیسندن اول کیده بیله جکنی حساب قاتمتسزین ، مفرزه نك ساعت (۱۰) ی چاریك کچه (سن پریوا) اوکنه کله بیله جکدر . مفرزه (ماره نفو) دن حرکت ایدن پیاده سنی الك آز (۳۰) دقیقه دن اول هجومه سوق ایده مز . بناءً علیه (سن پریوا) هجومی اصلاً صباحك ساعت (۹) بچقندن اول باشلایه میه جقدر . اگر ساعت (۱۰) ی چاریك کچه کوی الده ایدیلورسه بونی بر بختیارلق صایمیدر .

تعقیب ایدیله جق یوللر نه قدر قیصه ایسه مؤخرأ پایله جق یا یلمه لرده ده اوقدر سریع و دکرلی اوله جقدر . هجوم اتمک ایچون الك قیصه یول الك ایوسی (سن پریوا) نك شرق کناری اوزرینه یوریمکدر . مع هذا بونی خاطره بیله کتورمک لازم دکدر . زیرا (سن پریوا) ایجه مستور یالکز اوج بلوک طرفدن طوتلمش اولسه بیله اولنرك اجرا ایده جکلری آتش آچیقده ایلرولیه جک اولان هاجمین اوزرینه اوقدر بیوک بر تاثیر کوستره جک ایدی که هاجمین عددجه پك بیوک برتفوقی حائز اولسه بیله هجوم پك بیوک ضایعاته اوغرایه جق و پك مشکلات ایله ایلرولیه بیله جک ایدی .

بناءً علیه میر آلا ی ب . پك چابوق یورویه جکم دیه بر مونقیتسز لکه دوشمکدن چکنماید . مومی الیه کویك شرق کناری مدافعینی

آتش واسطه سیله احاطه ایدم جک وشوکی بر حالدہ نصل ایجاب ایدرسہ او وجہلہ کندی هجوم اصلیسنی (سن پریوا) نک یانلرندن بریسی علیہنہ سوق ایتمکہ قرار ویرہ جکدر .

بیادہ اوچی ہنوز (مارہ نغو) یہ واصل اولمش بولندی نی ایچون مفرزہ نک قسم باقیسی حالا (ژووامون) اورمانندہ ویول قولندہ بولنیور . شمدیکی حالہ مفرزہ نک بورادہ مختلف قدمہ لرینک بولندقلری یرلرک پک اہمیتی یوقدر . زیرا یولک استقامت عرضانیسجہ بر نظامہ کیرمک غیر ممکن اولدقدن بشقہ اورماندن کچن عرضانی یوللر استفادہ اولنہ میہ جق شیلردن عبارتدر . حتی بونلرک جہتلی مفرزہ نک حرکتی ایچون الویریشلی بولنسہ ایدی بیلہ ایجہ بر کشف ایتمزدن اول اونلردن استفادہ ایدوب ایتمامک خصوصندہ تردد اولنہ جقدی . زیرا آتاجلر آلتندہ بولنان یوللر انسانی قولای قولای یا کلتورلر . بو ایسہ شہہ سز بعض تہلکلی نتیجہ لرہ سبب اولور . بورادہ ایلک اول [یاپیله جق شی بتون قولی اورمانک طیشاریسنہ کوتورمکدر . بونک ایچوندہ اک امین واک سریع واسطہ بیوک یولی تعقیب ایلیمکدر . بناءً علیہ هجوم قطعہ لرندن کافہ سنک یا یلمسی (مارہ نغو) دن اعتباراً اجرا ایدیله جکدر . کویک شرق کناری علیہنہ یاپیله جق جہہ هجومی بیوک یولک شمالنہ تخصیص اولنہ جقددر . لکن ایکی یاندن ہانکیسنک هجوم اصلی یہ ہدف تشکیل ایدہ جکنہ قرار ویرمزدن اول بر کرہ اونلری یکدیگری متعاقباً مناقشہ ایدہ لم .

صاغ یاندن باشلا یلم . (ژہ روزالہم) دنیلان مجتمع اولرک کنارندن اعتباراً بیوک یول اوزرندہ کویک مدخلنہ قدر، دشمن،

جنوبه طوغری (آمان ویلەر) دن کلان شمندوفرلرک اوتهلرینه قدر آچیق برانداخت میداننه مالکدر. جنوب شرقی جهتلرنده کذلک انداخت میدانی صورت عمومیهده ایدر و (آمان ویلەر) ایله (زهروزالهم) آرهسندهکی یولک یاریسنده بیوک جاده اوزرنده تصادف اولنان بر زمین عارضهسندن بشقه هیچ بر شی ایله تحدید ایدلامشدر. بو نقطه دن اعتباراً هاجمین ایچون تخمیناً (۹۰۰) مترهک بر مسافه یی آب آچیق بر اراضیده قطع ایتک لازم کله جکدر. (مارهغو) دن بوزمین عارضهسنه قدر اولان یوروش ایجه ضایعاته سبب اوله جقدر. بناءً علیه دشمنک صاغ یانی علیهنه یایله جق هجوم پک مشکل بر هجوم اوله جقدر. هاجمین . (زهروزالهم) اوزرینه یایه جفی بر حرکتله مدافعینک خط رجعتی پک اعلا تهدید ایده جکدر. لکن بوفائده ظاهری برشیدر. زیرا کویک محافظیتی (هومه قور) دن کهرکده رجعت ایده بیلور. کندی هجومه بویله بر استقامت ویردیکی حالده ، هاجمین شاید یورویشده بعض تأخرات وقوعه کلورسه ، (سنت — ماری — اوشهن) دن کلان دشمن قوی تام وقتنده (سن پریوا) نک جنوبندهکی مبانی عالییه واصل اولدیفنه نظراً مذکور قول طرفدن یان آتشنه آلتق تهلکسنه معروض قاله جقدر. زیرا او دیدیکمز نقطه یه قدر هاجمین کذری جهه سنی یایمش اوله میه جقدر. بناءً علیه بو وجهله هاجمینک صول یانی علیهنه بر مقابل هجوم یایمقده دشمن ایچون بر چوق امیدلر واردر. زیرا اگر هجوم اصلی (زهروزالهم) علیهنه سوق ایدلمش ایسه . (مارهغو) مستور محندن چیقیدنی آنده بستیون میدانده قاله جقدر. حاصلی دشمنک مجموع قوتنک صاغ جناح منتهاسی (زهروزالهم) ده بولنق ملاحظه سی ده

میرآلای ب. . . نك او جهندن هجوم ایتمکه قرار ویرمسنه کافی اولیه جقدر . زیرا هر شیدن اول اوکا لازم اولان (سن پریوا) پی ضبط ایتمکدر . صکره دن یاپلمسی ایجاب ایدن شیرل آنی متعاقب نظر دفته آله جقدردر .

دشمنك صول یانه یعنی کویك شمال جبهه سنك شرق قسمی اوزرینه هجوم ایتمک موفقیت ایچون دها زیاده امیدلری جامعدر . حتی اگر دشمن ، جبهه ده ایجه یرلشمش اولقله برابر کندی خطنی شماله طوغری اوزاده جق اولورسه ، اوزمان هجومی بوسویلدیکمز شمال جبهه سنك قسم اعظمی علیه سوق ایتمک لازم کلوردی . (سن پریوا) نك شمال شرقی چیقندیسی یقینده کی یولك دیرسك نقطه سندن اعتباراً بر صرت شماله طوغری چیقیورکه بو صرت شمال شرقی استقامتده شمال جبهه سنك انداخت میدانی (۳۰۰ : ۵۰۰) مترهك بر امتداده ایندیریور .

مذکور صرت (ماره نفو) ده نهایت بولان بیوك بر قوس دائره رسم ایدیور ؛ بر صورتده که ، هاجمین بو مستور محلك کریسنده (سن پریوا) دن (۴۰۰) متره یه قدر یناشمغه موفق اوله بیله جکدر . بو خصوصده آنک ایچون ، اول امرده ، (ماره نفو) دن اعتباراً (ژومون) [اشتاین بر] طاش اوجاقلرندن کلان یوله قدر اورمان کنارینی تعقیب ایتمک و صکره مذکور یولی هجوم اصلینك محوری کی قبول ایلمک یتیشور . هجوم اصلی قطعاتی بووجهله صولک زمانه قدر کیزی طوتدقلرندن (سنت — ماری — اوشن) دن کلن دشمن قوی محاربه یه کیریشمزدن اول ایجه زمان متردد بولنه جقدر . حتی ، هجوم اصلینك یانی آلمق ایچون ، (رونقور) اوزرینه آتلمغه

تثبت ايتسه بيله مذکور قول شرق فرقه سندن طولايي ينه پک جوق احتياط وتدير ايله ايلرولمکه مجبور اوله جقدر. (سن پريوا) نک کرک صاغ وکرک صول جناحنه هجوم ايچون قطع ايديله جک مسافه مان بربرينک عيدير. صول جناحه طوغری کیدن يوللر، سریع بر موفقیت قازانق ايچون دها الويريشلیدرلر. زیرا، اونلر دشمن نظرندن مستور و محفوظ بولنورلر.

شمديک خصمک، جنوب غربی جهته آتلمش اولمقدن ايسه، شمال غربی جهته آتلمش اولمسندنه کی فائده يی نظر دقته آلمقه احتياجز يوقدر. بوملاحظه يی دها صکره، داخل حساب ايدر. شمدی برکرده کربلریمزه بر عطف نظر ایدلم. (ژومون) اورمانی یکی تيشن آغاچلری حاوی اولدینی ايچون، بر رجعت حالده، قطعات عسکریه يالکیز موجود يوللری تعقيب ایديله جکدر. اورمان ايچنده ايسه حمد اولسون ايجه يول واردر. دشمنی جبهه سندن اشغال ايتمه مأمور اولان پيشدار طابوری (ماره نفو) اوزرينه رجعت ایده جکدر. صکره، (برون وو)، (فهو) يوللریله حين حاجتده (نوروی - لوه نور) يولنی ده قوللانه جقدر. هجوم اصلی قطعاتی وبر مغلوبیت حانده، احتياط عسکری ايلک اوکجه (ژومون) طاش اوجاقلری بعده، (پیرويله) اوزرينه چکلمکه مجبور اوله جقدر که بوصوک محله احتمال که اونلر کنديلرینی، اوزرينه طولايه جق اولان شرق فرقه سنه التحاق ايتمش بولنه جقدر. اوندن بشقه (ژومون) اورمانک غرب کناری، حين حاجتده مفرزه يی اورايه طولايه بيلمک ايچون مدافعه يه پک صالح بریردر. بناءً عليه ميرآلای ب. . نک قراری ايشته بويله اوله جقدر :

دشمنی ، (سن پریوا) نك شرق كناری اوزرنده اشغال ایتك ،
(وسن پریوا) ده عددجه فائق دشمن قوتلرینه تصادف ایدلمش اولسی
تهلكه سنه باقیه رق ، عین زمانده كویك شمال شرقی جیقندیسی علینه
سریع و شدید بر هجوم اصلی اجرا ایامك . .

لكن ، اخذ ایدیلن ترتیباتك ، آرزو ایدیلن سرعت ایله موفق
اولسی ایستیلیورسه ، پیشدار طابوری (ماره نغو) ده یابلدینی ائشاده ،
طوبجی بی ده سریعاً ایلرو کوتورمك لازمدر .

چونكه (سن پریوا) ده خصمك ده طوبجیسی واریسه ، طوبجی نك
ایلك اوچكه خط حربیه کیرمسی ایجاب ایدر . کوی عاينه اجرا
ایدیله جك ایلك طوب انداختی اوزرینه ، دشمن طوبجیسی ، اوزمانه
قدر بریده کیزلی طوتلمش ایسه ، آرنق کندیسینی کوسترمك اوزره
میدانه حقیقه جقدر . بوحالده مفرزه نك بطریه لری ، پیاده کز بوراده
ناكهای بر هجوم تشبثنده بولمغله برابر ، ینه هیچ تردد ایتمکسزین
دشمن طوبجیسی کندیلرینه ایلك هدف اتخاذا ایده جکلردر .
فی الحقیقه . بوراده هجوم اصلی پیاده سنك اوزرینه طوغری یوریدیکی
نقطه بی درحال دوكمك ایستلمیور .

بالعکس ، مؤخرآ پیاده کزی هجوم قطعی یامققدن منع ایده بیله جك
اولان سبیلردن بریسنی اورته دن قالدیرمق آرزو اولنیور .

بو پیاده ، صوك (۴۰۰) متره لك مسافه ایچنده اوافق تفك بعض
اهمیتسز عارضه لردن بشقه آدم عقلای هیچ بر مستور محل
بوله میه جفندن ، حتی عددجه کندیسندن پك آز فقط (سن پریوا) نك
شمال شرقیسنده کی صرت اوزرینه یرلشمش اولان طوبجیسی
طرفدن ایوجه حمایه ایدلمش بر پیاده علینه یوریدیکی زمان بیله

دوچار مغلوبیت اوله بیله جکدر. طوپیچینک بوکونده ترقیاتی بر درجه یه وارمشدرکه، انداختنی پیاده آتشله ترکیب ایتمش اولدینی زمان آنک آتشی آلتنده ایلرولمک حقیقت پک زور بر شیدر.

بناءً علیه، بوراده کی غوغا ایلک اوکجه، پیاده نک یاردیمی اولمقسزین، یالکز طوپیچی ایله اداره وحمایه ایدلمش بولنه جقدر. پیشدار طابوری، قسم کلی پیاده سی (ماره نفو) جهتند. یناشیق نظاملر ایله خصمک صول جناحی اوزرینه ایلرولمکه چالشدینی ائشاده، خصم آتشدن محفوظ اولدینی حالده ایلک اوکجه بطریه لره استنادلق خدمتی کورمه جکدر. اکر دشمن (سن پرئوا) ده طوپیچینی میدانه چیقارمزره، هجوم شبهه سز، پک بسیط بر صورتده اجرا ایدلمش بولنه جقدر. بطریه لر درحال، کوپک شمال شرقی چیقندیسی اوزرینه آتش ایدمه جکلر وبوندن طولانی پیشدار پیاده سی ده کذلک درحال محاربه یه کیریشمش اوله بیله جکدر. لکن، بردن بره چیقمسی محتمل اولان دشمن طوپیچینک آتشی طرفندن باصامش اولمامق ایچون طوپیچی دیدیکمز آتش ائشاسنده ایجه دقتلی بولنمه مجبوردر. بویله بر حال پک اعلا وقوعه کله بیلور. چونکه (سنت — ماری اوشن) استقامتدن کلان قول کندی بطریه سنی ایلریدن کوندره بیلور.

هر حالده، طوپیچی، (سن پرئوا) نک شمال شرقی چیقندیسی بر هدف ابتدائی کبی تلقی ایلیه جکدر. اکر برآز صکره دیگر بر هدف انتخاب ایتمه لزوم کوریلورسه، اوینه دأما، انداختنی پیاده نک هجوم نقطه سی اوزرینه تنظیم ایلمش اولق جهتیه بونتیجه یی ده استحصال ایلمش بولنه جقدر.

طوپیچی طابور قوماندانی، مفرزه قوماندانی یاننده یعنی

(ماره نفو) ده بولنیور . مفرزه قوماندانی اوکا دوکله جک هدفی کوسترر .
 و صورت عمومیه ده بطریه لرینه (ماره نفو) ده بر موضع آدی رقی لازم .
 کله جگنی سویلر ، لکن ، بطریه لرك بوله جقلری یرلری انتخاب ایتک
 خصوصنده اونی سربست براقور . بطریه لر ، سرعتی ایلر و لیله جقلری
 ائنده ، طویجی قوماندانی ، (ماره نفو) نك شمال و جنوبنده کی اراضی یی
 ایوجه برکوزدن کچورمک ایچون درت نعل پور و یشه کچه جکدر . موی ایلر ،
 بوکشی یاپارکن ، ممکن اولدینی درجه ده کندیسینی دشمنه کوسترمه مکه
 چالیشه جقدر . بطریه لرك یرلرینی انتخاب ایتک خصوصنه کلنجه ،
 بوشمیدیکی حالدیه بر مغلوبیت وقوعه کلدیکی زمان طویلر بیوک برتهلکه یه
 دوشمیه رگرجت ایده بیلیمک ایچون ، اونلری اورمانه کیرن یوللردن
 پک اوزاق انتخاب ایتمه میلدر . (ماره نفو) نك شمالنده کی صرت اوزرنده ،
 طاش اوجانی جهتنده ، کوزل آمپلاسمانلر واردر .

دشمن طویجیسی حقنده بر فکر صحیح موجود اولدیفنه بناءً
 طویجی طابوری قوماندانی حتی آتش آچق خصوصنده برآز
 کجیکمش اولسه لر بیله ، ینه هر شیدن اول بطریه لرینک دشمن
 نظرندن مستوراً بوله جقلری یرلره طوغری ایلر و مللرینه چالشمیلدر .
 بونقطه نظرندن یاپیله جق اک کوچک بوتدیرسزک دائماً پک بهالی یه
 چیقار . اگر دشمن طویجیسی ذاتاً موضعه کیرمش بولنیور و سزک
 طویلریکیز اوزرینه آتش ایدیورسه ، شهه سز ، طوب سسلرینی
 ایشیده جک و مرملرک هانکی استقامتلردن کلدیکنی کوره جکسکز ،
 لکن دشمن بطریه لرینک موضعی ایودن ایویه کشف ایتک خصوصنده
 سزک ایچون ده اییجه بروقت لازم کله جکدر . اوزمانه قدر سز قطعاً
 سلاح سزکی ایش طورده جقسکز ، یعنی هیچ آتش ایتیه جکسکز .
 والحاصل ، دشمن بطریه لرینک موضعی بللی اولدینی زمان ، سز ینه

ایلك نظرده اوکک زده کی طوپلرک عددنی تعیین ایتمش اوله میه جقسکز .
حتی طوپلرک آغزندن چیقان علولری ایو بردوربین سایه سنده کوزل
کوزل تفریق ایده بیلدیکنز حالده بیله برباقیشده اوکک زده نه قدر طوپ
اولدیغنی ممکن دکل آکلایه میه جقسکز . بن مخصوص شوکی تفصیلاته
کریشیورم ؛ مقصدم ، ایلك طوپچی موضعنه کله بیامک ایچون نه قدر
تدیرلی حرکت ایتک لازم کلدیکی سزه کوسترمکدر . عین زمانده ،
طوپچینک نتیجه قطعیه استحصالنده کی اهمیت عظیمه سی اوزرینه نظر
دقتکزی جلب ایتک ایستیورم . اگر وضعیت پیاده هجومک آپ
آنسزین اجرا ایدلمش بولمنسی ایجاب ایدیورسه ، مذکور هجومک
هر زماندن زیاده بوکون طوپچی واسطه سیله احضار ایدلمک لازم کلدیکی
اصلا اونوتاملی یز .

ایکنجی درجه هجومه عائد ترتیباته کلنجه اوراده اوله هجوم
اصلیده کی کبی اینجه المکه ، اینجه طوقومغه حاجت یوقدر . آتی سوق
واداره ایده جک اولان ضابط ، (ماره نفو) ده کی مستور محلی ترک ایتک
ایچون مناسب اولان زمانی انتخاب ایتدکدن صکره طوغریجه (سن بریوا)
اوزرینه یوری یه جکدر .

قسم کلی پیاده سنی محاربیه صوقزدن اول وضعیتک برازکسب وضوح
ایتمی بکلنه جکدر . بناءً علیه میر آلا ی ب .. ویره جکی ایلك امرده
وظیفه لری توزیع ایتمکه اکثفا ایله جک وبوندن صکره سنی مادونلره
براقه جقدر . چونکه ایشک اوته سی دشمن طوپچیسنک تأثیرینه و پیاده سنک
آتشنه تابع اوله جقدر . هجوم اصلی یی سوق واداره ایتمکه تعیین ایدیلان
ذاتی ، کندی منطقه سنی شماله طوغری یایمق و هجوم زمانی انتخاب

ایتمک خصوصندہ سربست براقلیدر . اویله ایسه میرآلای ب ..
 بو هجوم اصلیہ مأمور اولان قطعاتہ (مارہ نفو) دن اعتباراً (ژومون)
 اورماننک غرب کناری بونجه ایلرولمکی و صکرہ (سن پریوا) نک
 شمال شرقی چیقندیسینی کندیلرینه هدف انتخاب ایتمکی امر ایتمکله
 اکتفا ایلہ جکدر .

احتیاط طابوری هجوم اصلینک کریسندہ وطاشقینجه بر قدمہ
 تشکیل ایدہ جکدر . بوجہله کویک شمال جہہ سنی احاطہ ایتمک
 یاردیم ایدہ بیله جک و یاخود (سنت — ماری — اوشن) استقامتدن
 کلہرک محاربہ یہ اشتراک ایدہ جک اولان دشمن قطعات عسکریہ سی
 علیہ قوالانیلہ جقدر .

هجومک اجراسی انسانندہ سواری بلوکی اوچ وظیفہ ایلہ مشغول
 بولہ جقدرک بونلردن بریسی شرق فرقه سیلہ تأمین مواصلہ ایتمک
 ایکنجیسی شرق فرقه سی طرفدن تعقیب اولتان محاربہ نک کیدیشنه
 دائر معلومات ایدنمک، اوچنجیسی (مونظووا — لامونتان) ده کی دشمن
 قطعہ عسکریہ سی طرفدن ایدیلہ جک معاونتک کاهسنہ دائر مفرزہ
 قوماندانہ خبر ویرمک ...

اوندن بشقہ بو سواری بلوکی (رونقور) ایلہ (سن پریوا) نک
 جنوبندہ کی اراضیدن دشمن قولی برکرہ (سنت — ماری — اوشن) ی
 کچدکن صکرہ آنک یانلری اوزرینه بعض کشف قوللری ده کوندرہ جکدر .
 (سن پریوا) نک جنوبندہ کوندرلمش اولان کشف قوللری بو کویک
 جنوبندہ کی صاغری اوزرندہ دشمن سواریسنه مقابله ایدہ بیلیمک
 ایچون ایجه قوتلی اولمیدر . مذکور کشف قوللری بو نقطہ ده
 یرلشدکن صکرہ ایلرودہ کی اراضی یی (سنت — ماری — اوشن) ک

اوتورینه قدر کاملاً کوره بیله جکلردر. سواری بلوکنک قسم اعظمی هجوم اصلینک یانی اوزرنده بولنهجق ومفرزه نك صاغ جناحی ایله شرق فرقه سی آره سنده کی بوشلنی قیایه جقدر .

امرکزك هیچ بروجهله مشکلاتی حاوی اولمیان مواد سائره سنی کچوروم . لکن بو مسئله یی براقردن اول سزه صوك بر ملاحظه بیان ایتک ایستیورم : دیگر بر مفرزه علیه تعرضه کچمک ایستیان بر مفرزه هجوم ایدیهجك جناحك انتخابی اوزرینه تردد ایده بیلور . عجباً خارجی جناح علیه ایلروملک دها ای بر شیمیدر ؟ موفقیت حالده دشمن بووجهله کندی قوه اصلیه سی اوزینه آیلور . وعین ضربه ایله دشمن قوای مجموعه سنک یانه دوشلمش اولور . بالعکس دشمنك ترتیبات عمومیه سنده موجود اولان بر بوشاقدن استفاده ایدرک ، بزم بوراده یایدیغمز کی ، اوکده بولان قطعه عسکریه نك داخلی جناحه هجوم ایتک ایچون مذکور بوشلغه کیرمکی دها مرجحدر ؟ بزم جوابم پک بسیطدر : هر حال خصوصییه قابل تطبیق اولهجق صورته قواعد ثابته یوقدر . اصولاً هر شیدن اول دشمنی دوکمک وبوندن طولای موفقیت خصوصنده اک زیاده امیدل ویرن بر نقطه یی هجوم نقطه سی انتخاب ایامک لازمدر . اگر دشمنك ایکی جناحیه موفقیت ایچون مساوی امیدل ویریووسه اوزمان مفرزه نك حرکتی ، منسوب اولدینی جزء تامک وظیفه سنی هانکی جهندن اک ای بر صورته تسهیل ایدیورسه ایشته اوراسی هجوم نقطه سی انتخاب ایدیهجکدر .

خلاصه اولهرق ایشته سزك امریکز بویه یازیله جقدر .

(ماره نفو)

۱ - ۹ - ۸۹ - ۹۵۱۰ کو

مفرزه امری

۱ — (سن پریوا) ده دشمنك پیاده سی وار ؛ دیگر بردشمن پیاده قوی بر بطریه ایله برلکده (اوبوئه) دن (سن ماری - اوشن) اوزرینه یوروش اجرا ایدیور. شرق فرقه سی (مونطووا - لامونطان) اوکنده محاربه یه طوشمشدر .

۲ — مفروزه صول جناحی احاطه ایدرك (سن پریوا) یه هجوم ایده جکدر. شمیدی پیشدار لغو ایدلشدر .

۳ — ۳۱ نجی سیار طوپیجی آلاینك برنجی طاבורی (۳ نجی بطریه اکسیك) درحال (ماره نفو) ده بطریه حاله کچه جك (و) (سن پریوا) نك شمال شرقی چیقندیسی اوزرینه آتش ایده جکدر .

۴ — ۶۷ نجی پیاده آلاینك برنجی طاבורی بیوك يولك شمالده ایلرولیه جك و عین آلایك ۲ نجی طاבורی طرفندن یاپیله جق اولان هجوم اصلی یی تسهیل ایده جکدر . بوایکنجی طابور (ژومون) اورمانك غرب کناری بونیجه ایلرولیه جك وبعده (ماره نفو) دن اعتباراً (سن پریوا) نك شمال شرقی چیقندیسی اوزرنده یوریه جکدر .

۵ — ۶۷ نجی پیاده آلاینك ۳ نجی طاבורی واستحکام طاقی، ۲ نجی طابورك (۵۰۰) متره صاغی کیرو سندن آنی تعقیب ایلیه جکلردر .

۶ — ۱۳ نجی دراغون آلابنك برنجی
 بلوكى شرق فرقه سی ایله ارتباطی تأمین
 ایده جك و (مونطووالا - مونطان) ایله
 (سن ماری - اوشن) استقامت لرینی
 بالترصد هجوم اصلینك صاغ یانی ستر
 ایلیه جکدر . اوندن بشقه مذکور بلوك
 (سن پروا) نك جنوبیده کی تپه دن کچه رك
 (سن ماری - اوشن) دهه بعض کشافلر
 کوندره جکدر .

۷ — سیارخسته خانه طاقی (ماره نفو) ده
 یرلشه جکدر .

۸ — بم اینجون کوندریله جك راپورلر
 (ماره نفو) یه کوندریله جکلردر .

میرآلای

ب ..

پیشدار ایله طوپیچی یه شفاها ؛
 سواری بلوکنه امر ضابطی م ..
 ایله ، قسم کلی یه امر ضابطی ل ..
 ایله ، شرق فرقه سنه ده کذلک
 بر امر ضابطی ایله وتحریراً تبلیغ
 ایدلشددر :



اون یدنجی مسئله

«یالکز ۱:۱۰۰۰۰۰۰۰ مقیاسنده کی خریطه قوللانیله جقدر.»

۱۸۹۱ سنه سی ایلولنک برنجی کونی ۱۳ نجی فرقه دشمن اراضیسنده (نه نری) ایله (هوقونقور) آره سنده یاپلمش اولان برقایق کوپریسندن (موزل) نه رنجی کچمک اوزره بولنیور . ایلولک ۲ نجی کونی مذکور فرقه (مچ) موقع غیر مستحکمندن کلکده اولان ۱۴ نجی پیاده فرقه سیله (مارس لاطور) ده برلشمکه مجبوردر . (وهردون) دن حرکت ایدن بر دشمن قول اردوسنک (موزل) نه رینه طوغری یوروش اجرا ایتدیکی معلومدر . (۱۳) نجی فرقه نك پشداری (۱۵ نجی پیاده آلاینک ۴ طابوری ایله ۸ نجی هوسار آلای [۴ نجی بلوک اکسیک] ، ۲۲ نجی سیار طوپیجی آلاینک برنجی طابوری ، ۷ نجی استحکام طابورینک برنجی بلوکی و بر خسته خانه طاقی) میرآلای ب . . قومانداسنده اولقی اوزره (فو) دن کچرک ایلرولمکده بولنیور . بو پشداره فرقه قسم کلیسنگ یوروشی تأخیر ایدله کی خبر ویرلمکله برابر فرقه نك (فو) اورمانلرندن خروجی تأمین ایده یلمک ایچون حرکتیه دوام ایتسی حصوصنده امر ویرلشدر . فرقه قوماندانی هنوز (هوقونقور) ده در . قول اردو قوماندانی ۱۴ نجی پیاده فرقه سیله برلکده حرکت ایدیور . بو فرقه آقشام آنجق ساعت (۱) صولرنده (موله ن له مچ) واصل اوله بیله جکدر .

میرآلای ب . . کندی پشداری یانه کیتمش بولنیور . صباح ساعت (۱۰) ده پشدار (مچ - سن پرپوا) یولنی ، (آمان ویله ر) اوجاقلری یانده کچه جکی صره ده (وهرنه ویل) ک غربنه قدر ایلرولش اولان سواریسندن بروجه آتی معلوماتی آلور :

«بردشمن قوی (سن مارسل) دن کچور . بن بودشمنک قوتی ۴ : ده طابور پیاده ۲ بطریه و یالکز برسواری بلوکی قدر تخمین ایدیورم . صباح ساعت (۱۹) ی (۳۵) کچه مذکور دشمن پشدارینک قول باشی (قولر) دن (وهرنه ویل) اوزرینه طوغری برقولتی تشکیل ایلدی . دشمن قولنک نه یاتی حالا (غریزی یهر) ده در . برنجیسندن دهاقوتلی اولان ۲ نجی بردشمن قوی (مارس لاطور) دن (وی یون ویل) اوزرینه ایلرولمکده در . (دوتقور- یارنیزی) یولی اوزرنده (یارنیزی) ده دشمن کورلمدی . »

ساعت (۱۰) ی (۳۵) کچہ (وہرنہ ویل) ک غرب مخر جندن دشمنک
(وہرنہ ویل) جہتترینہ یواش ، یواش ایلرولکدہ اولدینی وضعیف بردشمن
آوجی خطنک صباح ساعت (۱۰) ی (۲۵) کچہ (قولر) ایلہ (وہرنہ ویل
یولنک اورتہ سندنہ کی اورمانجی اشغال ایتش بولدینی حوادثی آلنور .

یاییلہ جق وظیفہ

- ۱ — میرآلای ب .. وظیفہ سنی نہ کی واسطہ لرلہ ایفا ایتک ایستیور؟
 - ۲ — یوقاریدہ کی معلوماتی آلدینی زمان نہ یایہ جق ونہ امرلر ویرہ جکدر؟
 - ۳ — اخذ ایدیلاں ترتیباتک اسبابی ،
- خاطرہ — پیادہ (موزہل) نہرینک صول ساحلندہ کی اورمانلری یواش ،
یواش وطاغنیق نظامدہ کچہ بیلور ؛ چونکہ اورمانلر صیقدر .

اون سکزنجی مکتوب

پیشدار محاربه سی

کچن مسئلہ بی حل ایتک ایچون سز عین زمانده هم (۱: ۲۵۰,۰۰۰) وهم (۱: ۱۰۰۰,۰۰۰) مقیاسنده کی خریطه بی قوللان دیکز. بوشمدیکی مسئلہ به کلنجه اونک ایچون (۱: ۱۰۰۰,۰۰۰) مقیاسنده کی خریطه دن بشقه بر خریطه قوللانمه مکزى سزه توصیه ایتدم. کرچه سز بووجهله بعض مشکلاته راست کلش اوله جقسکز، لکن بردفمه ایشکز بیتدکن صکره ۰ (۱: ۲۵۰,۰۰۰) مقیاسنه مراجعتله، آلتان ترتیباتک طوغری اولوب اولمديغی پک اعلا کوره بیلورسکز.

سزه بویه ایکی مختلف خریطه اوزرنده مسئله حل ایتدرمکن یکانه مقصدم، سزی پرکار استعمالنه دها زیاده آلیشدرمش اولمقدر. سوارینک ایلک راپوری کلدکن صیکره، پیشدار قوماندانی، درحال برقرار اتخاذ ایتک لازم کلدیکی آکلار. زیرا، فرقه قوماندانی، کندیسندن امر ایستیله میه جک درجه ده اوزا قدر. حتی امر ایستیلسه بیله مومی الیهک کونده جکی جوابلر آنجق پک چوق کچ واصل اوله بیلورلر. پیشدار، کاملاً کندی کندیسنه براقلمشدر. زیرا، سزه سویانمه مش اولان بعض سبیلردن طولای قسم کلی ایکی ساعت قدر کچ قالمشدرکه میرآلای ب.. شومدت ظرفنده اوندن برهماونت کوردمه چکندن امیندر. میرآلای ب.. فرقه نک اورماندن خروجی ستر ایتکه مأموردرد، بووظیفه کندیسنه حواله ایدلیدی زمان ایسه، دشمنک وضعیتی هنوز ایوجه بیلنمیوردی. مسئله نک وضع وترکیبده نظراً فرقه قوماندانی محضا پیشدار

الى نهايه يورويشه دوام ايتمش اولسون ديه يولنده توقف ايتمه مشدر.
 بالعكس اونك نزدنده ، پيشدار ، فرقه نك اورمانلر مخرجنده
 يابلمسنى ستر ايدم بيله جك بر نقطه يه كلديمى وظيفه سنى يامش ديمكدر.
 دشمنك ايلرى يورويشى خبر ويرلمش اولدينى ايچون ، پيشدار ،
 شهبه سز ، تعرضه كچرك و دشمنى (وهرنه ويل) ك اوته لرينه آتمغه
 چاليشه رق فرقه نك اورمانلردن خروجنى تأمين ايدم بيلوردى . لكن بونك
 ايچون ، استحصال ايدلمش اولان معلوماتدن ، محقق بر صورتده دشمنك پك
 دون اولدينى آكلاشلق لازم كلوردى كه . بوراده هيچ بر زمان
 اويله دكلدر . فى الحقيقه ، بر كره . (قولر) ايله (غريزى يهر)
 آره سنده كى مسافه يى اولچيكنز . كورورسكنز كه ، بومسافه (۵) كيلو
 متره دن زياده برشيدر . وهان همان دشمن قولك درينلكنه مساويدر .
 ايلك مسئله لرده ياپيلان حسابلرى تكرار كوزدن كچوررسه كز ، بر دفعه
 (۴) كيلو متره نك (۳) طابور پياده ايله بر بطريه يه ، (۴) بجق كيلو
 متره نك ايسه تقريباً (۴) طابور ايله (۲) بطريه يه مقابل دوشديكنى
 كورورسكنز . دشمن قولى ايچون كوسترلمش اولان درينلكنه نظراً ،
 آنك (۴ : ۵) طابور پياده و (۲) بطريه طوپ قدر بر قوتى حائز اولديغنى
 تقدير و تخمين ايدم بيلورسكنز . اوندن بشقه ، بوفرضيات ، سوارينك
 تقدير اتى ايله ده توافق ايديور . بناءً عليه دشمن همان سزك اداره كزده
 بولنان پيشداره مساوى بر قوتى حائزدر كه ، آنى هيچ دكلسه كرى يه
 پوسكورتشمش اوله بيلمه كز ، شهبه ليدر . لكن ، پيشداريكنز ، هيچ
 بر زمان ، قسم كللى به قدر سر ايت ايدم جك اولان بر مغلوبيته معروض
 قالمغه مجبور دكلدر . زيرا ، اووقت ، قسم كللى آنجق پك بيوك
 ضايعات ايله اورمان مخرجلرندن چيغه بيلوردى . بناءً عليه ، پيشدار كز

ایچون ، دشمنی متین بر یرده بکلمک ولزوم کورلدیکی زمان فرقه
کندیسنه یاردم ایدم بیلیمک ایچون اوندن [فرقه] دن ممکن اولدینی قدر
آزاق دوشمکک امین بر یول تشکیل ایدر .
ایشته بوندن آکلاشیلورکه ، میر آلائی ب .. نک وظیفه سی ،
تماماً تدافعی بروظیفه اوله جقدر .

مدافعه موضعی اولمق اوزره پیشدار ایچون آتیده کی موضعلری
کوستره بیلورز :

۱ — (آمان ویلر) اوجاقلرندن (ماره نغو) ویا (صولئی)
اورمانه قدر ؛

۲ — (آمان ویلر) دن (سن پریوا) ویا (موتینی — لاغرانش) قدر ؛

۳ — شمالده وجنوبده کی صرتلردن استفاده ایتک شرطیا
(نهن وی — شامپه نووا) خطی .. بونلردن بشقه ، برده (وهرنه ویل
موضعی وار ؛ لکن او ، فرقه دن یک زیاده اوزاقدر . برده شمدء
کوره جککز وجهله ، پیشدار نه اورایه واصل اوله بیلجک ، نه
(شامپه نووا) یه قدر کیده بیلجکدر .

اگر دشمن یورویشی هیچ بر تأخره فلان اوغرامز ایسه
پیشدار اوجی ساعت (۹،۳۵ + ۰،۴۵) ده یعنی عدد صحیح اوله رة
صباحک ساعت (۱۰) نده (وهرنه ویل) ک شرق کنارینه واصل
اوله بیلور . (قولر) دن (وهرنه ویل) ه قدر اولان مسافه کرچلد

تخمیناً $\frac{3}{4}$ کیلومتره قدر برشیدر . ساعت (۱۰) دن (۱۰) ی (۲۰)
کجه یه قدر میر آلائی ب .. آنحق (۲) کیلومتره قطع ایدم بیلجک
وبناء علیه (آمان ویلر) ه بیله واصل اوله میه جقدر .

صكره ، (وهرنه ويل) ه [۶ كيلومتره] كلك ايجون ده اوکا بر ساعتدن زياده زمان لازم اوله جقدر . بناءً عليه اكر مير آلاى ب.. (وهرنه ويل) ه هجوم ايتك فكرنده ايسه ، دشمن اوراده يايلمش اولمق ايجون لازم كلان زمانه بول بول مالك اوله جقدر .

ديكر جهتدن ، (قول) دن (شامپه نووا) يه قدر (۷۲) دقيقه ده واريلور ؛ بونك ايجون دشمن اوجى ، مذكور نقطه يه صاح ساعت (۱۰) ى (۴۷) كچه واصل اوله بيلور . مير آلاى ب.. ايسه ، (شامپه نووا) يه قدر (۵) كيلو متره دن آز بر مسافه قطع ايدى جكي ايجون اورايه كندى اوجيله آنجق صباح ساعت (۱۱) ده واصل اوله بيله جكدر . ايكي طابوريله طوبجيسى حاضر بولندرديني آندن اعتباراً پيشدارك غوغا ايدى جك بر حالده بولنديقى فرض ايتسه ك بيله محاربه آنجق بوندن (۲۷) دقيقه صكره باشلايه بيله جكدر . فى الحقيقه :

متره

۴۰۰	پياده اوچندن كرى يه اولان مسافه
۱۰۰	برپياده بلوكى
۴۰۰	كرى يه مسافه
۳۰۰	پيشدار (برنجى طابور دن (۳) بلوك)
۱۱۰	باشى ۱ واستحكام بلوكى
۵۰۰	كرى يه مسافه
	برقاچ سوارى (صايلى دكل)
۴۰۰	۲ نجى طابور
۵۷۰	برنجى طوبجى طابورى (بطريه احتياط لرى اكسيك)
۸۰۰	۳ و ۴ نجى طابور
۳۷۵	۳ بطريه احتياطى
۱۱۰	سيار خسته خانه طاقي

پيشدار
قسم كليدى

۲ نجى طابورك آلتنه برچيزكى چكدرك يوقايدن آشاغى يه قدر

اولان رقلری بر جمع ایدرسه کز $\frac{1}{4} \times ۲ = ۰.۵$ متره = ۲۷ دقیقه بولورسکز .

۸ نجی هوسار آلاینک (۳) بلوکی دشمنه دائر اولان ایلک معلوماتی (وه رنه ویل) ک غربنده کی بر نقطه دن کوندریور . بوسواری بلوکلرینک ، دشمن یوروشنی جدی بر صورتده یواشلاشمش اولدقلرینی فرض ایتمکده حقکز وار .

یالکز بر سواری بلوکی اولدینی ایچون ، دشمن کمال تدبیر ایله ایلرولمکه مجبوردر . زیرا ، عددجه فائق اولان سواریکز ، آنک استکشافاتی منع و تحدید ایلر . نه قدر آز ماهر اولسه ده ، سواریکز یایا جنک ایدرک ، احتمالکه ، اپی بر زمان (وه رنه ویل) ک غرب کنارینی الده بولندرمش اوله جقدر .

لکن ، سز ، لازم کلان زمانی قازانه بیله جککزدن امین دکلسکز . اکر سواریکز ، دشمنی طوردرمغه موفقیت حاصل ایده مزسه ، اوزمان سزک پیاده اوجیکز ، دشمنک اوجنه (شامپه نووا) جهتلرنده راست کله جکدر . بوندن ایسه ، سز مدافعه ده قالمق ایستیورکن ، اوموله دق بر تصادفی محاربه چیه جقدر .

بو تصادفی محاربه نك نتیجه سی مشکوک بولنه جقدر . فی الحقیقه ، (شامپه نووا) موضعنده بیوک بر محذور وارکه او ، (شانتره ن) اورمانی ایله (شانتره ن) کونینک شرقنده و (وه رنه ویل) ک شمال شرقیسنده کی اورمانلرک چفلکلره پک زیاده یاقلاشمش بولملرندن عبارتدر . بو ایسه ، دشمنک بر احاطه حرکتی یایمسنی تسهیل ایدر . (موزل) نهرینک صول ساحلنده کی اورمانلر ، حقیقت ، پیاده نك

کچمسنه پک آز الویریشلیدر لر . لکن ، ینه دائما بو کبی مانعلری
 کچمکده موفقیت حاصل اولدینی کوریلور (۱۸۹۱۶ آغستوس ۱۸۷۰).
 دیگر بر محذور دهاوارکه ، اوده ایجه خاطری صایلور شیلردندر:
 (شامپه نووا) ، (فهو) اورمانندن ابی اوزاق بولنیور . آنک ایچون
 فرقه نك ، تام زماننده کندی پیشدارینی محافظه ایده بیللمسی اومولور
 شیلردن دکلدور . اویله ایسه ، (شامپه نووا) به قدر کیتمکدن چکینکز!
 نی دیکلر سه کز ، (آمان ویله ر) اوجاقلری موضعی ایله (آمان
 ویله ر) ک غربنده کی موضع دن بریسی انتخاب ایدیکز . یکنظرده
 اوجاقلر موضعی ، تعبیه جه فنا بر موضعه بکزه میور . کرچه (صولنی)
 اورمانی صول جناحدن بر هجوم اجرانسی تسهیل ایدیور ؛ لکن مثلا
 (مونتینی) دن حرکت ایدن هاجمین ایلک اوجکه (راپ) اورمانی
 [۱ : ۲۵,۰۰۰ مقیاسنده کی خریطه] کچمکه ، بعده (صولنی) اورماننک
 ایلک طارپارچه سنده ایلر و لمکه مجبور اوله جقدر . بو اورمان پارچه سنده
 ایسه بر چوق صرب یرلر واردور . اوندن بشقه ، اگر محاربه ایدرک
 یوریمک لازم کلورسه ، اووجهله حرکت ایتمک ایچون چوق زمان ایستر؛
 برده هر نزع ارتباطک غائب اولمسنی انتاج ایلر . اگر بو موضعی انتخاب
 ایده جک اولور سه م بن اووقت صول یانم ایله هیچ مشغول اولیه جیم .
 زیرا دشمن کندی هجومی یا میزدن اول ، اغلب احتماله کوره فرقه
 واصل اولمش بولنه جقدر .

لکن بو موضع ، اورمانلرک مخرجنه پک یقیندر . پیشداریکزک
 اوجاقلردن (ماره نفو) نك هر بنه قدر یایلمش اولدینی فرض ایدیکز .
 بو اوجاقلر ، یالکز مدافعه مطلقه یه الویریشلی اولدقدن بشقه ، یایلمق
 ایچون آنجیق اوجاقلر ایله (سن پرئوا) یولی آره سنده کی طار اراضی به

مالك اوله جق اولان فرقه نك هر مانوره سنی ویا هر تعرض حرکتی
تصعیب ایله جکدر . بتون قطعات ، اوجاقلرک شمانده کی بوغازدن
کچمکه مجبوریت کورمیش اوله جقلردر . (۱۰۰۰۰۰۰ : ۱) مقیاسنده کی
خریطه نك طرامه لری (۲۵۰۰۰۰ : ۱) مقیاسنده کی نك منخیلری کبی
سزه اوجاقلر ایله (سن بریوا) آره سنده کی زمین عارضه لرینک جدی
بر مانع ویا سزه تشکیل ایدمه جک صورتده پک اهمیتسز شیلر
اولدقلرینی پک اعلا کوستریور . اگر دشمن (آمان ویلر) ک شمانده
مثلا (۳۲۲) راقی جوارنده ، تیمور یولی یاننده (۲۵۰۰۰۰۰ : ۱)
مقیاسنده کی خریظه (بطریقه نظامنه کیره بیلورسه ، اوزمان دشمن
طویخیسی ایله بوغازک مخرجی آره سنده کی مسافه آنجق (۲۵۰۰)
متره قدر بر شی اوله جقدر . بناءً علیه فرقه قسم کلیسنک منتظم
بر صورتده یاییله بیلرسی غیر قابل اوله جقدر . ایشته بوندن طولانی
اوجاقلر موضعی انتخاب ایتمه مک لازم کلیور .

برده ، (۱۴) نجی فرقه نك حال ووضعی سزک بر آزدها غریبه
بر موضع آلکزی ایجاب ایلدیکنه بر دقت ایدیکنز . بیلورسکنزکه ،
بو فرقه آنجق آقشامک ساعت برنده (موله ن - له میچ) ه واصل
اوله بیله جکدر . بناءً علیه مذکور فرقه ساعت (۲) دن اول (یووان
دوژور) تپه لرنده (۵ کیلومتره) بولنه میه جقدر . لکن ، سواریکز ،
قوتلی بر دشمن قولنک (مارس لاطور) دن کچرک (وی یون ویل)
اوزرینه یورودیکنی سزه خبر ویردی . بو قولک باش طرفی نره ده
بولندیفی هنوز محقق بر صورتده بیلنمیور . لکن سز اگر دشمنک
آنجق صبا - ساعت (۹) ی (۳۵) کچه (مارس لاطور) دن حرکت
ایلمش اولدیغی بر فرض ایدرسه کنز ، اوزمان مذکور قول اوکلنه

طوغری (پووان - دوزور) ۰ [۱۳۰۵ کیلومتره] یتیشه بیله جکدر .
[بوده آنک (مچ) اوزرینه یوروشنه دوام ایلدیکنی قبول ایتمکه .
اولورکه ، بونده هیچ برشبهه مز یوقدر] .

مذکور دشمن قولى بوتپه لری طوتدینی حالده ، (موزل) ،
وادیسنک برخیلی یقوشلرینی چیمغه مجبور اولان (۱۴) نجی فرقه یی
بك زیاده تضیق ایدیه بیله جکدر .

دشمن ، هیچ شبهه یوق ، کندی سوارسی واسطه سیله بوفرقه نك
یوروشندن خبر آله جقدر . اوندن بشقه بو حوادثی اهلیدن بیله
اوکره جکدر ، زیرا کندیسی دوست مملکتده بولنیور . بناءً علیه ،
اگر دشمن قولى کندی قوموشونك (ودرنه ویل) ایله (آمان ویلر)
آره سنده جدی بر دشمن ایله غوغایه کیریشدیکنی خبر آلورسه ،
(مانس) دره سنی آتلامزدن و کندی صول یاتی برهجوم تهلکه سنه
معروض بولندیره جق وجهله (پووان دوزور) ده بر موضع آلمزدن
اول بر کره وقوعاته انتظار ایلیه جکدر .

اوندن بشقه دشمن ، کندی مملکتده حرکت ایتدیکنی ایچون
بزم (هــوقونقور) ده (موزل) نهرینی کچمش اولدیغمزی البت
بیلیور . اکر هرأموك عکسناهله رق دشمنك جنوب قولى ، کندی
قوموشونی قوتلرینك قسم کلیسی ویا بر قسمی ایله حمایه ایدیه جك
اولورسه (۱۴) نجی فرقه ایچون نه اعلا ! اولیه ایسه وضعیت عمومیه یه
نظراً . میرآلای ب .. (آمان ویلر) ك غربنده یرلشمکه واورادن
آیرلامغه مجبوردر . مومی ایله بووجهله (پووان - دوزور) موضعك
یانه دوشمش بولنیور دیمکدر .

میرآلای ب .. (قولر) دن اعتباراً هنوز دشمنك یوروش ترتیباتی

بیلمدیکی کبی آنک هجوم ایدوب ایتیمه جکنی ده . بیله مدیکندن (آمان ویلهر)ك
غربنده بر اجتماع نظامنه کیره جکدر . خریطه یه ایوجه برکوز
کزدیرر سه کز ، بو اجتماع نظامی ایچون انتخاب ایدیله جک اولان
نقطه یی پک اعلا بولورسکزر .

دشمن ، (آمان ویلهر) ده جدی قوتلرک بولندیغنه دائر معلومات
آلدیغندن ، (وهرنه ویل) - (آمان ویلهر) یولنی کندی تعرضی
ایچون بر محور الحركات اتخاذ ایتسنه و بووجهله برجبه هجومیله اکتفا
ایلمسنه پک آز احتمال ویریله بیلور . بو یول ، ذاتاً منحنط اولدینی
کبی (آمان ویلهر) ك جنوب غربیسنده کی (۳۳۱) راقلی صرته
[۱ : ۲۵۰۰۰۰ مقیاسنده کی خریطه ده ۱ : ۳۳۰۰۰] و برآز ده
شرقه کی اراضی یه محکوم بولنیور . آکلاشیلدیغنه کوره ، دشمنک
جبهه هجومی کرک جنوبدن و کرک شمالدن اجرا ایدلمش اولان بر احاطه
حرکتیله ترکیب اولنه جقدر .

برنجی حالدده ، دشمن مانوره سی (وهرنه ویل) ك شمال شرقیسنده کی
اورمان پارچه لری ایله (وهردون) شمندوفرینک جنوبنده کی کوچک
کوچک اورمانلر ایله تسهیل ایدلمش بولنه جقدر . مع هذا ، (آمان ویلهر) ك
(۶۰۰) متره غربنده کی تپه ده یرلشهرک بواورمانلر آره سنده کی آچیق
اراضی یی دوکک پک اعلا ممکندر . بناءً علیه میر آلا ی ب ..
(آمان ویلهر) دن (هابون ویل) ه کیدن یول اوزرینه یرلشهرک
دیدیکمز یری ده اشغال ایله جکدر .

اگر دشمن جنوبدن بر احاطه هجومی یایمق ایستیه جک اولورسه
اغلب احتمالاً کوره (نه وی) چفلکی اوزرینه یوریمکه راضی اولیه جقدره
چونکه صوکنده پک جدی ضایعاته اوغرامش بولنمق تهاسکسنه

دوشه جکدر . بناءً عليه ، دیدیکمز کبی یا بمقدن ایسه ، (فولی)
جهتده کی زمین عارضه سندن بالاستفاده ، چفلکک شمال غریب سنده کی
(۳۴۰) راقلی تبیی ضبط ایده بیلک ایچون (شانترن) دن
کچرک بر طولاشمه حرکتی اجرا ایده جکدر .

شو حالده . میرآلای ب.. نک مدافعه موضعی ۳۳۱ راقندن
(موتینی لاغرائش) شاتوسنه قدر [بوشاتوده داخل اولوق اوزره]
امتداد ایلجه جکدر . بوموضع ایسه ، مدافعه ایچون حیرته شایان
برقابلیتی حائزدر . دشمنک بوصوک استقامتی قبول ایتمش اولسی پک
مأمولدر . چونکه اوسایه ده دشمن ، (وی یون ویل) دن کچن جنوب
قولی یعنی اصل قول ایله ارتباطده قالمش اوله جقدر . میرآلای
بشقه هیچ برشی ایستمه ملی ، یالکمز بوجهته خصمنی بکلمکله قناعت
ایتملدر . زیرا (موتینی) شاتوسی کندی صول جناحی ایچون اعلادن
اعلایه برنقطه استناد تشکیل ایدر . اگر بالتصادف میرآلای ب . .
شمالده کی موضعی طومغه مجبوری کورمش اولسه ایدی ، اوزمان
احتمال که حددن آشوری اوزامق احتیاجنه دوشمش بولنه جقدی .
بناءً علیه سزک ایچون ایکی موضعدن هر هانکی بریسی اوزرینه
اولورسه اولسون اورایه چار چابوق کیدیله بیلجهک صورتده برنقطه
اجتماع انتخاب ایلک لازم کلور :

ایشته ونقطه ؛ (آمان ویلهر) ک غرب مخر جیدر . اوراده قطعات عسکریه کز
ایلریده کی صرت ایلده ده پک اعلا ستر ایدلمش اوله جقدر . سز پیاده کزک
اک بیوک بر قسمنی ایشته اوراده جمع ایده جکسکزر . پاشداریکز
۴۰۶۵ مترهک یعنی عدد صحیح اوله رق (۴) کیلومترهک بر قول
تشکیل ایتدیکندن و برده (۳) کیلومترهک بر مسافه ده (هبسی

۴ + ۳ = ۷) قطع ایتکه مجبور اولدیغندن بو نقطه ده ساعت (۱۱) ی (۲۰) کچه اجتماع ایتمش اوله بيله جکدر .

شمدی بر کرده ده (۲۵۰۰۰۰:۱) مقیاسنده کی خریطه یی آلیکزه کچن شیرلی اورایه تطبیق ایدیکز . سز بو وجهله محاکماتک ترک طوغریلغی کوره جک و بعض تفرعاتک قیمتی دها ایی آکلايه جقسکز . پیشدار قوماندانی ، حاضرلق نظامنه کیرمک ایچون لازم کلان ترتیباتی شمیدین دها تعین ایتکه مجبور دکدر . اک ایوسی بر کره طوتیسه جق اراضی یی طانیق و صکره اوکا کوره امرلر ویرمکدر . مادامکه ، عجله ایتکه بر احتیاج فلان یوقدر ، اوله ایسه عسکرک کانه یی یوروشنه دوام ایتلیدر .

وظیفه یی اک زیاده کسب اهیت ایتک اوزره اولان سواری یه و یله جک امره کلنجه او خصوصده بشقه درلو حرکت ایدیه جکدر . اوچ سواری بلوکی مضاعف بر وظیفه تعقیب ایلیه جکدر . یعنی دشمنل یوروشنی تأخیر ایتک و میرآلای ب .. ایکی موضعدن بریسنی تام زماننده اشغال ایده بیلیمک ایچون وقیله خصمک هجوم ترتیباتی اوزرینه معلومات ایدنمکدر .

دشمنی کجیکدیرمک ایچون اک ابو واسطه ، آنی (وهرنه ویل) ک غرب کناری اوزرنده قارابینه آتشنه طوتمقدرد . چونکه او ، بوندن طولانی پیاده سنی یا یمغه مجبور اوله جقدر . کذلک سواری هجوملری ایله ده خصمک یوروشنی تأخیر ایتک نمکندر ، لکن بو اصول بری طرف ایچون پک بهالی دوشر و موجب اولدینی نتایج ، ایدیلان فداکارلق ایله نسبت ایدیه میه جک صورتده کوچک اولور . بر سواری هجومی ، موفقیت حاصل ایتدیکی زمان بيله دشمن پیاده سنی چوق زمان تأخیر

ایده من ، چونکہ اونک امتدادی حد ذاتندہ یک قیصہ برشیدر .
 خریطہ یہ نظر آ ؛ ای مستور محللر اولق اوزرہ ، سز یالکنز
 شاتونک حولی دیوارلرینی دکل ، بالعکس (وہرنہ ویل)ک غرب کنارندہ
 سائر برطاقم قسملر دہا بولہ جکسکز . اوکندہ کی قطعاتک جنسیلہ
 قوتنہ دائر خصمی محقق بر صورتہ آلداتہ بیلہ جککزدن امین دکلسکز .
 سواری قوماندانکزک کندیسو دہ شہسز ، (وہرنہ ویل)ک دشمن
 یوروشنی تأخیر ایتمکہ الویریشلی اولدیننی آکلاہ جقدر . مع هذا ،
 اوراہ یک حقوق دہ اہمیت ویرمہ مایسکز . وبالخاصہ امریکز ،
 (وہرنہ ویل) دہ امتدادی آز بر محاربہ نک اجرائی لازم کلدیکنی
 سویلملیدر . اگر سواری قوماندانیکز ، سزک فکریکزی آکلامش
 وسزک امرلریکزدن اول اوخصوصہ امرلر ویرمش ایسہ ، سزینہ
 او مادہ دن بحث ایدہ جکسکز ؛ لکن بو سواری قوماندانک جانی
 صیقمق ایچون دکل ، بالعکس ، آیاقدہ جنک ایچہ سورمیہ جکنی
 بیلمسی ایچون سویلنہ چکدر . دشمن عددجہ فائق قوتلر یایدیننی آندن
 اعتباراً سواری آیاقدہ جنک ایتمکدن فارغ اولہ جقدر . زیرا ، سواری
 بلوکلرینی جدی ضایعاتہ اوغراتمش اولمئلہ او ، ہیچ بر زمان قوماندہ
 ہیئتک کوزینہ کیرہ من .

فرصت ککش ایکن رجا ایدرم ، سواری تعلیمنامہ سندہ آیاقدہ
 جنکہ عائد اولان بحثی بر کرہ دہا کوزدن کچوریکز .
 شمعیکی حالہ ، بلوکلردن بریسی ، آتلی احتیاط اولق اوزرہ ،
 کریدہ قالہ جقدر . بو بلوک ، دشمنک یوروشنی کوزتمکہ وبالخاصہ
 یانلرینی نظر دقتدہ بولندیرمغہ دوام ایدہ جکدر . زیرا ، (وہرنہ ویل)ک
 شمال غربی وجنوب غربی جہتلرندہ کی اورمان پارچہ لری ، کوی

علیه یابیله جق نا کھان بر هجومی تسهیل ایدہ بیلدکرندن طولای ،
دائی بر ترصد آلتندہ قالمغہ محتاجدرلر . مذکور سواری بلوکی
یالکز کشف قوللری چیقارمقلا کتفا ایتک دکل ، دشمن کشفلری
پیادہ سی اوزرینہ آتہ بیلکم ایچون طاقلر بیلہ افراز ایلیہ جکدر .
دیگر ایکی سواری بلوکی آیاقده جنک ایدہ جکارددر .

برہ اینسلرک بارکیلری ، آوجیلرک یقینندہ ، لکن هیچ بریسی
ایلدیہ کی یوکسک نقطہ لردن کورلمش اولہ میہ جق وجهلہ کوی ایچندہ
محفوظ و مستور بولنہ جقلرددر .

آیاقده جنک ایدن بر سواری بلوکی ایشتہ شو یولده قسملرہ آریلور :
سواریلرک یاریسی ، یدک بارکیلری طوتارلر . بونستی آزالتمق یالکز
مستنا حالردہ اولہ بیلور . زیرا ، یدک بارکیلرک متحرک کلکی تأمین
ایلمک صورت عمومیدہ بیوک برتدیردر . بلوکک دیگر یاریسندن ایسہ
ایکی آوجی طاقی تشکیلی ایدیلور . بناءً علیہ ، (وہرنہ ویل)ک غرب
کناری یایا جنک ایدن درت طاقم ایلہ مدافعہ ایدلمش اولہ جقدر .

مختلف سبیلردن طولای بر سواری بلوکنک موجودی هیچ بر زمان
(۱۲۰) نفری آشمز . بناءً علیہ ہر سواری بلوکی بورادہ (۶۰) ر
آوجی تفریق ایدہ بیلور کہ ہبسی ۱۲۰ آوجی ایدر . بو آوجیلردر حال
کویک کنارینی طوتہ جقلر واستناد قدمہ لری ، فلان ، اولیہ جقدر .
اگر یدک حیوانلرک متحرک کلکی تأمین ایلمک فکرندن صرف نظر
ایدیلور سہ اوزمان سواری تعلیمنامہ سندنہ دینلدیکی وجہلہ حرکت
اولنہ رق آتش خطنک کثافتی تزید اولنہ بیلور .

(وہرنہ ویل)ک تام زمانندہ تخلیہ ایدلمش اولسنہ نظارت ایتک
خصوصی سواری قوماندانہ عاٹدر .

مومی الیه بو ایشک صوکنده ، آرتق یالکز وظیفه سنک ایکنجی قسمی یعنی دشمنک محاربه ترتیباتی تعیین ایتمک خصوصی دوشونه جکدر . و بو باده کی استکشافاتی ، دشمنک آتی منع ایلمک ایچون اخذ ایلدیکی تدابیرمه نظر آ ایو ، فنا بر نتیجه ویره جکدر . هر حالده ، (شامپه نووا) و (آنوکس - لاغرائش) آره سننده کی اراضی ایله (شامپه نووا) و (ماله زون) آره سننده کی اراضی ثابت کشف ایله تحت ترصده آلته رق در حال دشمنک ، یورودیکی یولک شمالیه می یوقسه جنوبیه می عسکر چیقاردیغنی اوکرنمکه چالیشیله جقدر .

برده میر آلا ی ب.. ایچون ، (غرا و لوت) دن (وئ یون ویل) کیدن بیوک یول اوزرنده نهر اولور . نهر بیتر اوراسنی بیامکده لازمدر .

ایلمک دفعه سزه حاضرلق موضعلرندن بحث ایلمش اولدیغ زمان بوقیل بر موضعک ایلیسینده یاسوارینک وظیفه سی ایکی یوله اجرا ایدیله بیله جکنی کوسترمش ایدم : سواری بلوکلری دشمنک مختلف یوروش یوللری اوزرینه ایلری یه کوندریلورلرکه بوسوارینک انقسامنی موجب اولور ، و یا خود سواری بریده طوبلی بولته رق یالکز دشمن طرفندن تعقیب ایدیلان یوللر اوزرینه ثابت و یا متحرک برطاقم کشف قوللری کونددر . بوشمیدیکی مسئله ده سواری قوماندانی فصل ایسترسه او یله یاه جقدر . پیشدار قوماندانی . امری ویره جکی ائشاده ده سواریسنی قوللار ایتق ایچون ک ایو اصول هانکیسی اوله جقنی بیله میه جکدر . بالعکس سوارینک وظیفه سنی یالکز صورت عمومیه ده سویلیه جکدر . بناءً علیه بوراده اینجه دن اینجه تفصیلات اجرائییه کیریشمک و یا سواری یه (وئ نه ویل) ی بوشالته قدن صکره نره یه کیتمک لازم کله جکنی سویلمک

بر خطا اولوردی . بالعکس ، سواری قوماندانه پیشدارك فلان ویا فلان ساعتده ، فلان ویا فلان محلهده بر حاضرلق ترتیبائی آلدیغنه و بناءً علیه راپورلرینی زمه یه کوندرمه جکندۀ اثر معلومات ویریله جکدر . (غرا و ملوت) یولی اوزرینه بر ضابط کشف قولی کوندرمک خصوصنه کلنجه ، آئی مطلق امرده ذکر ایتک لازم کلورکه ، سواری قوماندانی اورایه مرهانکی بر فکردن طولای بر ویا بر قاچ طاقم کوندرمه مجبور اولدیغنی ظن ایتسون .

اوندن بشقه (۱۴) نجی فرقه ایله ارتباطی تأمین ایتک ایچونده سواریکزه امر ویریکزه . اگر امریکزده اوئی ذکر ایتکدن صرف نظر ایدرسه کز ، ترتیبات متخذۀ نک اسبابی سویلیه جککزه زمان ، بو خصوصده لازم کلان امرلری ده (موزمل) وادیسنی ترک ایتزدن اول ویرمش اولدیغکزی بیان ایدیکز .

سواری یه کوندریله جک امر ده ایلک راپور کلدیکی آندن اعتباراً و ممکن اولدیغی قدر سرعت ایله کوندریله جکدرکه ، بو امر سواری یه (ورنه ویل) ی جکمزدن اول واصل اوله بیلسون . دیدیکمز امر بر خبرنامه اوزرینه یازیله رق بر امر ضابطی واسطه سیله کوتوریله جک ویا بو ضابط مذکور امری جیب دفترینه نوطه ایدمه جکدر . اودرجه مهم اولان بر امر اصلاً شفاهاً تبلیغ ایدلمه ملیدر . و بو وظیفه ، کندی قوماندانک فکر و مرامنه واقف اولان بر ضابط ایله یعنی بر ارکان حرب ایله کوندریله جکدر . اوندن بشقه بوارکان حرب ضابطی سواری قوماندانی پیشدارك وضعیت عمومیه سندن ، فرقه نک کجیکمسی اسبابندن ، قوماندان هیئتک فکر و مرامندن ده آگاه ایدمه جکدر . و کری یه دو تنجه مومی ایله ، سواری ایله برلکده اولدیغی

زمان کوردیکی شیلری پیشدار قوماندانه بیلدیره جکدر . قطعات
عسکریه امر کوتورمکه مأمور اولان ارکان حرب ضابطلری
حین حاجتده کوتوردکلری امرلری شرح ایتمکه وعودت ایتدکلری
زمان ایسه ، یانلرنده بولندکلری مادونلرک راپورلرینی اکال ایتمکه
مقتدردرلر .

برقرار ویرمک وامرینی یازدرمق ایچون پیشدار قوماندانه
(۵) دقیقهلق برزمان لازمکلدیکنی ومذکور امری کوتورمکه مأمور
ضابطک ساعتده (۳) کیلومتره یول آلدیغنی قبول ایدر ایسهک
حالا (وهرنهویل)ک غریبنده یعنی (آمان ویلهر) اوجاقلرندن (۷)
کیلومتره اوزاقده فرض اولسان سواری امری (۲۱) دقیقه صکره
آله جقدزکه اووقت صباح ساعت (۱۰) ی (۲۶) دقیقه کچور
دیمکدر .

ایشته امریکز شویله یازیله جقددر :

آمان ویله‌ر اوجاقلری

۱ - ۹ - ۹۱ ۱۰۰۵ کی

۱ — پشدار ، (آمان ویله‌ر) ك همان
غربنده بر حاضرلقی موضعی اشغال
ایده‌جکدر . پیاده اوجی بورایه صباح
ساعت (۱۰) ی (۳۵) کچه واصل
اوله‌جقدر .

۲ — (۸) نجی هوسار آلائی ، جدی
ضایعاته اوغرامقدن چکینمک شرطیله ،
(وهرنه‌ویل) ی آیاقدنه‌جنگ ایله مدافعه
ایدرك دشمنك یورویشنی تأخیر ایده‌جکدر .
اوندن بشقه مذکور آلائی (آنوکس -
لاغرانش) ، (بانیو) و (مال‌مه‌زون)
استقامت‌لینه کشف‌قولاری کوندره‌جکدر .
بر ضابط کشف‌قولی‌ده (غراوه‌لوت) ایله
(وی‌یون‌ویل) دن کچن یولی ترصد
ایلیه‌جکدر . آلائی ، (۱۴) نجی پیاده
فرقه‌سیله اولان ارتباطی تأمین ایده‌جکدر .
۳ — بم ایچون راپورلر ، (آمان ویله‌ر) ك
جنوب غریب‌سنده (۳۳۱) راقلی محله
کوندریله‌جکدر .

میرآلائی
ب . .

برامر ضابطی ایله وتحریرأ
کوندرلشدر .

سواری به بویله برامرك كوندرلمش اولمسیله پیشدار قوماندان
وظیفه سی بیتمش دیمك دكلدر . البت خاطر كزده قالمشدركه .
اجرا اولنه جق وظیفه لری سویلدیکم زمان : « پیشدار قوماندان
یا به جق ! .. » دیه برسؤال ایراد ایلمش ایدم . بن بونكله ، دوشونیه
برچوق شیرلیکیز اولدیغنی سزه آكلا تمق ایستمش ایدم . میرآ
ب .. دشمنه راست کلمش اولدیغنه دائر یالکیز فرقه قومانداننه ،
(۱۴) نجی فرقه ایله برابر یورون قول اردو قومانداننه ده
ویره جکلدر .

بوکجی برخبر ، حتی احوال وزمانك تأثیریه اهمیتسز برحوال
عبارت اولسه بیله آنی ینه ایکی قولك ایکسینه ده بیلدی
لازمدر . چونکه هنوز کندیسی حقنده ایجه معلومات آله .
اولان بر دشمن ایله ایلک تصادفدن بحث اولنیورکه ، شو
قوماندانلرجه بیلنمی طبیعی لازمدر . حتی شویله بر معلومات
اولدقلرندن طولانی او قوماندانلرک بر « اوح ! شکرلر اولسون
دیه جکلرینه امین اولیکیز .

استکشانه کوندرلمش اولان بر ضابط ویا کوچك ضا
برکشاف قوماندانی ، منسوب اولدقلری قطعه عسکریه قوما
وضعیت ایله دشمنه دائر فئامعلومات ویرلدیکی حالده مومی
قطعات عسکریه یی ایوجه سوق واداره ایدمیه جکنی اصلا خا
چیقار ماملیدرلر . راپورلری یازمق وکوندرمك خصوصنده ا
بری نه قدر کوزل شیرل سویلنمش ویا زلمشدر ! مع هذا ، ین
صلحهده یاییلان مانوره لرده نظریاتدن تطبیقاته کچمك نه قدر
اولدیغنی پك اءلا آكلا یوروز . راپور یازان آدمك رتبه سی

بوك ايسه ، وضعت حقده آنك ويره جكي خبرلر ده اوقدرامين
آچيق اولميدرلر . بر راپور كوندرن ضابط ، هر يازديني وهر
يديكي شيدن يالكنز كنديسي مسئولدر . بوضابط ، ويرديكي خبرلر
نېغني سويلمكه واكر ايجه بيوك رتبه لي بر ضابط ايسه ، آبروجه
وله رق ، وضعت ايله نه وجهله حركت ايده جكنه دائر اولان
لاحظاتي ابراز ايتمه مجبوردر . بو مطلق لازمدر؛ چونكه اصل
وماندان اولان ذات اوسايده كندى مقاصديني تصديق واثبات
يتديره جكي كي ، مذكور مقاصدى يكي امرلر ايله تعديل واصلح
يتديره جك وينه او مقاصدى تأمين ايچون لازم كلان ترتيباتي اخذ
يتمش بولنه جقدر .

اويله ايسه ، بوراده سوارينك راپورلري برسفرده آرزو ايديله-
يله جك قدر مكمل وقطعيدر ، لكن اونلر بيوك برقصوري واركه
وده وضعت عموميه اوزرينه لازم كلن تقدير اتدن خالى اولدقلري
كي ، اونلري كوندرن ذاتلر افكار و مرامني ده جامع دكلدرلر .
پيشدار قومانداني طرفدن كوندريلن امر ك كيده جكي يره وارمق
ايچون (۲۱) دقيقه لك بر زمانه محتاج اولمسي ده آريجه تأسف ايديله-
برشيدر . مير آلاي ب.. ايچون راپوريني كوندر دكلن صكره سوارى
قوماندانك نه يابه بيلمش اولديغى بيلمك پك لازم ايدى .

سواريسي طرفدن تدارك اولنان معلوماته استناداً مير آلاي ب..
(ورنه ويل) اوزرينه يوروين دشمن قطعات عسكريه سنك قوتى ،
يول قولنك تركيني وبوقولك باش طرف ايله نهايت طرفنك بولنديني
نقطه لري بيلديره جكلدر .

فرقه قوماندانی بوندن بشقه ، (یارنی) یولی اوزرنده دشمن کورلمش اولدیغنی بيلمکه محتاجدر . چونکه اوسایه ده شمديك کورلمش اولان دشمن قطعاتنك يالکز ، کندی پيشدارى اوکند کيلردن عبارت اولدیغنه اطمئنان حاصل ايدر .

کذاک ، قوتی غیر معین بر دشمن قولنك (مارس لاطور) دز کلکده اولدیغنی فرقه قوماندانه خبر ویرلایدیر . زیرا ، بو معلومات (۱۳) نجی فرقه به ، (۱۴) نجی فرقه (موزل) وادیسی یقوشلریخ چیقہ جنی ائنادہ آنک شو حرکتی تسهیلہ مجبور اولدیغنی آکلاتمشر بولنه جقدر .

ایشته کور یورسکزکه . میر آلاى ب . نك کوندره جکی راپور ايلك اوکجه (۸) نجی سواری آلاينك کوندرمش اولدیغنی راپورینو عیناً حاوی اوله جقدر . بعده میر آلايك بر حاضرلق موضعی طومتغا اولان قرارندن وبوموضعك نیچون (آمان ویلدر) ك غریبنده انتخاب ایدلمش اولمسندن بحث ایده جکدر . برده ، فرقه قوماندانی (آمان ویلدر) ، واصل اولوبده محاربه نك سوق واداره سنی کندی اوزرینه آله جنی زمان اولجه سواری طرفندن اخذ ایدلمش بولان استکشاف ترتیباتو آکلامش اولق ایچون سواری به حواله ایدیلن وظیفه ده راپورد ، ذکر ایدیله جکدر . اوندن بشقه ، دیگر بر راپورك قول اردو قوماندانه کوندرلدیکی ده اشبو راپوره یازیله جقدر .

بوآندن اعتباراً پيشدار ، آرتق فرقه قسم کلیسی و قول اردو قوماندانی (۱۴ نجی فرقه) ايله اولان ارتباطی اصلاً غائب ایتمه جکدر . اکر سز بو خصوصى امر آتلیلری ايله تأمین ایتمک ایسترسه کز مذکور آتلیلر اوزون یول قطع ایتمه مجبور اوله جقلردر . زماز

قازانمق وقوت تصرف ايتمك ايچون (محاربه مخابره پوسته لرى)
تأسيس ايتملىسكز . بو نقطه نظردن (فەو) (هوقونقور) ايله ،
(لورى) ايسه (مچ) ايله ارتباط حاصل ايدە بيلور .

دها صكره ، (لورى) مخابره پوسته سنى (شاتەل سەن ژەرمەن)
نقل ايتمك و (فەو) پوسته سنى قالديرمق لازىمى دىكلى بوراسنى سزە
وقوعات كوسترمە جكدەر . بناءً عليه ، (فەو) دە بر محاربه پوسته سى
تأسيس ايدلمش بولنديغنى فرقه يە بيلديرملىكە ، فرقه اوندن استفادە .
ايتسون . يوللر اى اولديغى زمان سوارى مخابره پوسته لرى يرينە
(ولوسپيت) سوارلرى قوللانمق پك اعلا ممكندر . بو شمديكى
مسئله معلومات نقلى خصوصندە (ولوسپيت) سوارلرك نە قدر مهم
بر خدمت كوردكلرينى سزە كوسترمك ايچون ترتيب اولتمشدر .
پيشدارك ايلك راپورى بو وجهە يازلمش اولە جقدر :

راپور (نومرو - ۱)

فرقہ قوماندانی (ب ..) یہ ..

آئیدہ کی راپور (۸) نجی ہوسار آلایدن کلشدر :

« بردشمن قوی (سن - مارسل) دن کچیور. قوتی (۵:۴) طاہور پیادہ (۲) بطریہ ویالکیز برسواری بلوکی اولہرق تخمین ایدلشدر . صباح ساعت (۹) ی (۳۵) کچہ دشمنک پشدار باشی (قولر) دن (وہرنہ ویل) اوزرینہ یوریمکہ باشلادی . دشمن قولنک قول نہایتی (غریزی بر) دہ در . برنجیستدن دہا قوتلی اولان ایکنجی برقول ، (مارس لاطور) دن کچہرک (وی یون ویل) اوزرینہ ایلرولمکدہ در . (دوتقور - آن - یارینزی) یولی اوزرنده (یاری) دہ دشمن کورلمدی . »

(۸) نجی ہوسار آلاینہ آیاقده جنک ایدرک دشمنی (وہرنہ ویل) دہ طوردرمسنی امر ایتدم . (آمان ویلہر) ک همان غربندہ برحاضرلق موضعی آلہجنم . صباح ساعت (۱۰) ی (۳۵) کچہ قول باشیم اورایہ واصل اولہجقدر . (آمان ویلہر) اوجاقلری باندہ طورمق ایستمدم ؛ چونکہ اونلر اورمانلرک مخرجنہ پک یقیندر . (آمان ویلہر) ک غربندہ دشمنہ مقاومت ایدہ جکم . (آنوکس - لاغراش) ، (بانسو) ، (مال مہزون) و (غراولوت - وی یون ویل) استقامت لرینی کوزہ تہ جکم . (فہو) دہ برمحاربہ مخابرہ پوستہ سی تأسیس ایدیورم . بوکا دائر (۱۴) نجی فرقہ ایلہ برلکدہ حرکت ایدن قول اردو قوماندانہ دہ معلومات ویریورم .

میرآلای

.. ب

راپورك كوندردليكي ساعت ظرف اوزرينه اشعار ايديله جكدر .
 + + + اشارتي امرى كوتورن نفره اعظمى برپورويش ايله
 يوريه جكنى كوسترمه جكدر . مذكور نفره آتیده كى استقامت
 ويريله جكدر . (فهو) - (سهمه قور) - (مهزى يرله مچ) - (هو
 قونقور) . فرقه قوماندانى بوسوك موقعه در . بوراپورك اهميتندن
 طولايى ، بوراده آنى يالكز عادى برنفرله كوندرك ابي دكلدر .
 بالعكس ياننده برنفر اولدينى حالده كوچك برضايط ايله كوندردمليدر .
 اوسايه ده ، شايد فرقه قوماندانى (هوقونقور) ده اولسه بيله راپورك
 كنديسنه واره جغه امنيت حاصل ايديله بيلور . بودرجه مهم برراپور
 يالكز برنفر ايله كوندردليكي زمان آنك كيدم جكي يره اصلا كيتمه مسى
 وياخود كيتسه بيله كچ وقت كيتمسى ايچون يالكز باركرك باشنه برقضا
 كلك كافيدر . بوراده مختلف يوللردن كچمك اوزره عيى راپورك
 برقاچ نسخه سنى كوندركمه حاجت يوقدر .

قول اردو قوماندانسه كوندردلش اولان راپورك ايلك ياريسى
 هوسار آلايندن كلن راپورك عيديد . ايكنجى ياريسى ايسه ايشته
 بووجهله يازلمشدر :

« پيشدار (آمان ويله ر)ك غربنده دشمنه مقاومت ايده جك و(آنوكس-
 لاغرانش) . (بانو) ، (مالمه زون) و(وى يون ويل) استقامتلىخى كوزته-
 جكدر . فرقه قسم كليسنك يورويشى (۲) ساعت قدر برتأخره اوغراى .
 (لورى - له مچ) ده بر(محاربه مخابره پوسته سى) يرلشد يريله جكدر . »

بوترتيبلك اوزون اوزادى يه اسبابى ذكر ايتمكه حاجت يوقدر
 ظن ايدرم . بوراپورده اوته كينك نقل ايدلدليكي وجهله نقل اولنه جقدر .
 شو وظيفه يى ده اكال ايتدكدن سكركه ، ميرآلاى ب.. امرلرني

ویرمزدن اول ، بر کره افقی نظردن کچورمش اولق ایچون معیت ارکانی ایله وکال سرعتله (آمان ویله ر) لک جنوب غریبسنده کی (۳۳۱) راقلی تپیه کیدر . مومی الیه ، حاضرلق موضعنک اشغالنه دائر لازم کلن تعلیماتی ویرمک ایچون طوغریدن طوغری یه مادونلری اولان ذواتی اورایه چاغرر . بوجهله ، ایضاح اولغسی لازم کلن نقطه لر هرکسک اوکنده برربرر سویانلمش اولور .

بو آدملق ، میر آلا ی ب . . سوارسی طرفندن کوندرلمش اولان ایکنجی راپوری آلور . بومعلومات ، مومی الیه فکر وقرارنده هیچ بر تبدل وقوعه کتورمز . چونکه یالکز برشیئی کوستیریورکه اوده ییشدار قومانداننک تخمینلرینک تحققی ایتسی خصوصندن عبارتدر . سواریمزک تفوقندن طولای دشمنک یوروشی ایجه بیوک بر تأخره اوغرادلمش بولنیور . بر وجهله که حاضرلق موضعی آرتق هیچ بر مانع فلان اولقسزین طوتیله بیلور . وضعیت هنوز تمامیه بللی اوله مامشدر ؛ بناء علیه قطعی بر صورتده موضع آلمق ایچون هنوز وقت کلامش دیمکدر . ایکنجی راپورک فرقه قوماندانه مطلق کوندرلمسی لازم دکدر . چونکه اوکا یکی برشی اوکره تهجک دکلدده ، اونک ایچون . . مع هذا ، مذکور راپورده مومی الیه کوندرلمسه فنا اولمز صانورم . زیرا ، فرقه قوماندانی اوسایده ، ییشدارک ، برنجی راپورده اشعار ایدلایکینه کوره (آمان ویله ر) لک غربنده دشمندن هیچ بر تضییق فلان کورمیه رک حاضرلق موضعنه کیه جکنی آکلایه . جقدر . بالعکس ، قول اردو قوماندانه یکی بر راپور کوندرلمکه هیچ لزوم یوقدر .

ایشته فرقه یه کوندرلمش اولان ایکنجی راپور شوندن عبارتدر :

۱۳ نجی پیاده فرقه سی (آمان ویلہر) لک جنوب غریبستہ (۳۳۱) راقملی تہ
پیشدار ۱ - ۹ - ۹۱ - ۴۰ - ۱۰۵ کو

راپور (نومرو — ۲)

فرقه قوماندانی (ب ..) یہ ..

آئیدہ کی معلومات (۸) نجی ہوسار آلایندن کلشدر :

«دشمن (وہرنہ ویل) ہ طوغری اولان یوروشندہ پک آز ایلرولیه بیلمشدر۔
ضعیف برآوجی خطی صباح ساعت (۱۰) ی (۲۵) کچہ (قولر) ایلہ (وہرنہ ویل)
آرہسندہ کی یولک ہان اورتہسندہ کائن اولان اورمان پارچہ سنی اشغال
یلدی .»

شو اٹنادہ بنم پیشدار باشیم (آمان ویلہر) دن چیمق اوزرہ در .

میرآلای

ب ..

بوراپور غادی بر امر آتلیسی ایله کوندریله جک و بو آتلی (فهو) قدر کیده جکدر. چونکه اورادن اعتباراً راپور آرتق مخبره پوسته سی نفر لردن بریسیله کوتوریه جکدر. دیدیکمز راپور کوندردلکدن صکره پیشدار قسم کلیسی (آمان ویله ر) ی تجاوز ایتدیکی آنده ، هر کس نه یاه جغنی بیلمش اولق ایچون حاضرلق موضعنک اشغالنه دأثر بر امر ویریه جکدر .

بووجهله ، باخصوص ایلری سورلمسی محتمل اولان اقسام عسکریه نک ایشنه یارایه جق بر زمان قازانیله جقدر. زیرا ، امر ویرلمش اولمزدن اول ساعت (۱۰) ی (۴۵) کچمش بولنه جق وشو ساعتده اوج . (۳۳۱) راقلی محلك همان شرقنه کلمش اوله جقدر .

مادون قوماندانلری کاملاً ، پیشدار قوماندانی نزدینه کلمش بولنیورلر. بونلر ، سوارینک دشمنه تصادف اتمش اولدیغنی آنجق اجتماع امریه اوکره جکلردر. و دشمنک قونی اولره تخمینی بر صورتده سویلنه جکدر.

مادون قوماندانلر (۱۴) نجی فرقه نک (هیچ) دن کچرک ایلر و لمش اولدیغنی ذاتاً اوله ویرلمش اولان حیرکت امرنگن بیلورلر. بناء علیه انی امرده تکرار ذکر ایتک فائده سزدر . لکن اوراده (۱۳) نجی فرقه نک یورویشته اوغرا دیغنی تأخری ذکر ایتک ایجاب ایلر. زیرا ، کرچه ، بوحوادث اینی برحوادث دکل ایسه ده هر کس ، پیشدارک موقتاً مک باشنه حرکت مجبور اولدیغنی بیلملیدر؛ آنک ایچون آنی سویلمک ایجاب ایدر دیورز .

بوحوادث اوندن بشقه ، مادون قوماندانلره نه یولده حرکت ایدم جکلرینی وقوای عسکریه نک تصرف ایله قوللانلق لازم کلدیکنی

تعیین ایلیه جکدر. بناءً علیه ، بوشمدیکی حال او یله بر حالدرکه ، اوراده « فسا حوادثری ممکن اولدینی قدر مادونلره سويلمکدن چکنمک لازمدر. » قاعده سنی حرفياً تعلیقه چالشمق بیوک بر خطا اولوردی. سواری ذاتاً کندی وظیفه سنی بیلور، بناءً علیه اونک اصلا یکی امرلره احتیاجی یوقدر. مع هذا، سواری یه امر ایدلش اولان استکشاف خدمته دائر امرده بر ایکی سوز سويله جکم. بوده هر کسک ، شو خصوصده نه وجهله حرکت ایدلش اولدیغه دائر بر فکر ایدنسی ایچوندر. محاربه ویرمک لازم کلنجه ، باشلیجه وظیفه طویچی یه عائد اوله جقدرد. زیرا بوراده مقصد زمان قازانمقدرد. طویچی اوزاق مسافهلردن آتش آچهرق بوسایه ده دشمن (وه رنه ویل) دن کچهرک شماله ویا شرقه طوغری ایلرولمک ایستدیکی وقت آنی یوروشنی تأخیره مجبور ایده جکدر. او یله ایسه ، طویچی نک اک اعلا حاضرلق موضعی (۳۳۱) راقلی محکم کریسی اوله جقدرد.

بوشمدیکی حالده سپرلر و متریس لر یایمغه حاجت یوقدر صانورم. اول امرده ، اوکی شیلر یایمق ایچون وقتکز مساعد دکلدرد. چونکه بیلورسکز، طویلر ایچون سپر یایمقده پک یموشاق اراضی اولورسه (۳۰) دقیقه ، براز سرت اراضی اولورسه (۶۰) دقیقه یه لزوم واردرد. اوندن بشقه ، اولدن ده هر بطریقه نک کندیسنه مخصوص اولان آمباله سمانلرینی تعیین ایتمک غیر ممکندر.

زیرا ، قطعی بر صورتده هنوز زرده موضع آلتق لازم کله جکی بیلنه میور. او یله ایسه طویچی یالکز دشمنک حرکاتی ترصد ایلمکله اکتفا ایلیه جکدر.

محاربه نک کیدیشی هر فصل اولورسه اولسون (۳۳۱) راقلی

حملك اوراده بر وظیفه سی اوله جقدر . بناءً علیه بوراسی ایلک اول
کله جک اولان پیاده اقسامی طرفدن طوتیه جقدر . بن بدایتده دها
مؤثر آتشلر استحصال ایتک و طوبیجیزی بطریه حاله کجه جکی انشاده
خصم پیاده سنه هدف اولمقدن منع ایتک ایچون مذکور محله (۳۳۱)
راقم (ایکی بلوک وضع ایده جکم . پیاده استنادی ده ایجه ایلری
(۶۰۰ : ۵۰۰ متره) سورمک لازم کلور . بونک اصل نرمه قدر
کیتسی ایجاب ایده جکی اراضیده آکلاشیه جقدر .

(آمان ویلر) کوی بیله مدافعه یه پک چوق الویریشلی برکوی
دکلدر . زیرا اوکنده ایی بر انداخت میدانی یوقدر . بناءً علیه مذکور
کوی ایلریامش بولنان اقسام عسکریه یی کند ، اوزرینه طوبیلامقدن
بشقه بر فائده یی موجب اوله میه جقدر . اوله ایسه ، آنک کناری الدن
کلدیکی درجه معنده نه بر صورتده مدافعه ایدلمک لازم کلور . بونک ایچون
آنک غرب قسمی در حال استحکام بلوکی واسطه سیله تحکیم ایتدیرمک
ایجاب ایدر . باخصوص ، (۳۳۱) راقم محل مستثنا اولمق اوزره ،
بشقه هیچ بر نقطه مدافعه حاله قونیه مدینی ایچون [چونکه اشغال
ایدیله جک موضع حقنده هنوز برقرار قطعی ویرمه مشدر] دیدیکمز
کناری ایوجه تحکیم ایتمکده بیوک فائده واردر .

سیار خسته خانه طاقی اغلب احتماله کوره (آمان ویلر) ده
یرلشه جکدر ؛ لکن بن اوکا بو امری ویرمک ایچون بر آاز دها
بکلیه جکم . خصمک هجوم استقامتی ایوجه بللی اولدینی زمان بوکی
امر لر ویرمک ایچون الله بول بول و قتلر دها بولنور . بالعکس ، جبخانه
عرب لرینک بوشالدمسنی شمیدین دها امر ایتک ، پک ایودر . زیرا ،
دها صکره بویله بر وقتک اله کجه جکنه دائر الکزده بر سند یوقدر .

پیشدار قوماندانی، طابورلردن بریسنک جبخانه عربهلرینی احتیاط صورتسده ترك ایدهلور . (۱۳) نجی فرقه نك بیوك آغرقلریله برلکده ایجه اوزاقده به لئان بیوك آغرقلره ویریله جك هیچ بر امر یوقدر . اونلر لازم کئن امرلری فرقه قوماندانندن آله جقلردر . هوسار آلانی، دیگر قطعات عسکریه یه کوسترلمش اولان وظیفه یی تاوکر نئمک ایچون امرک بر قوبیه سنی آله جقدر . ایشته پیشداره ویریله جك امر بویله یازیله جقدر :

(آمان ویله‌ر) ك جنوب غریب‌سندە (۳۳۱) راقلى محل

۱ - ۹ - ۹۱ - ۴۵ » ۱۰ كو

پیشدار امری

۱ — برق‌چ طابور ایله ایکی بطریه
قوتنده بردشمن‌قولى (قولر) ایلروسندن
(وه‌رنه‌ویل) اوزرینه یوریمکده‌در .

۲ — پیشدار آنجق ایکی ساعت صکره
تقویه ایدلمش اوله‌بیله‌جکدر . بو پیشدار
(آمان ویله‌ر) ك غربنده حاضرلق موضعه
یرلشه‌جك ، ویوروش ترتیبانی آوتق
رفع ایدلمش بولنه‌جقدر .

۳ — (۸) نجی هوسار آلای (آنو-
کس - لاغرانش) ، (بانو) ، (مال‌مه-
زون) و (وی‌یون ویل) استقامت‌لرنده
استکشاف اجرا ایده‌جکدر .

۴ — (۲۲) نجی سیار طوپچی آلایك
برنجی طابوری (آمان ویله‌ر) ك جنوب
غریب‌سندە (۳۳۱) راقلى محلك همان
شرقنده برحاضرلق موضعی آلتق ایچون
اورایه سرعتلی ایله کله‌جکدر .

۵ — (۱۵) نجی پیاده آلایك برنجی
طابوری درحال (۳۳۱) راقلى تیپ (۲)
بلوك ایله اشغال ایتدیره‌جکدر . پیاده‌نك
کری‌یه قالانی ایله سیار خسته‌خانه طاقی
(آمان ویله‌ر) ك همان غربنده بر اجتماع
نظامنه کیره‌جکلردر .

۶ — استحکام بلوکی ، (آمان ویله‌ر) ك
غرب کنارینی تحکیم ایده‌جك ، ۱۵ نجی

پياده آلاينك برنجي طاووري ده (آمان
ويله) ك جنوب غربي سنده كي (۳۳۱)
راقلي تپه يي تحكيم ايلي جگدر .

۷ — بلوكلرك جبخانه عربهلر درحال
بوشالديله جقلر؛ يالكز (۱۵) نجی پياده
آلاي (۴) نجی طاوورينك كيلر يئم امرمه
اولق اوزره شمديلك بوشالديله جقلردر.

۸ — راپورلر ، (آمان ويله) ك جنوب
غربي سنده كي (۳۳۱) راقلي تپه يه
كوندرلليدر .

مير آلاي

ب . ب

تبليغ ايدلشدور .

طوپلامش اولان مادون قو-

ندانلره شفاهاً ؛

۸ نجی هوسار آلاينه ايسه

براصر ضابطی ايله وتحریر آ .



بن سواری آلائی (شامپه نووا) یاخود (آمان ویله ر) كه غربنه چاغرمق ویشدار پیاده سی اجتماع نظامی آلدینی ائشاده طوبچی یه ، آنی یالكز سواری ایله ستر ایدرك ، موضع آلدیرمق فیکرنده دكلم . طوبچی بووجهله بر باصقینه اوغرامق تهلكه سنه معروض قالور ، زیرا ، یالكز اوچ سواری بلوکی اوکا استنادك ایتمك ایچون غیر کافیدر . شبهه سزشمدی یه قدر خصمك یالكز بر سواری بلوکی کورلمشدر . فقط نه بیلورسکز ؟ بلکه براز صکره دشمن سزك کینه فائق بر سواری اورته یه چیقارمش اولور .

• بوتربیاتی (۱۶) نجی مکتوبده کی ترتیبات ایله بر مقایسه ایدیکز . آرده کی اختلاف شوراده بزه رهبرلك ایدن اصول وقواعدی ده ایلو میدان قویمش اوله جقدر . (مانس) دره سنك (۱۵ نجی مسئله) شرقده بر حاضرلق موضعی طومغه قرار ویردکن صکره ، وضعیت عمومی یه کوره مفرزه قوماندانی (موسقو) - (پووان - دوژور) خطدن بشقه نظر تدقیقه آله جق دیگر بر مدافعه موضعی بوله مامشدی . دشمنك آله جفی ترتیبات آنی یالكز . یا شماله ویا جنوبه طوغری بر آز یایلمغه مجبور ایلیمه بیلوردی .

لکن ، اوینه بتون ایشلری ، بتون عملیاتی (موسقو) چفلیکی ایله (پووان - دوژور) بیننه حصر ایتمک و برده موضعك ایلریده نصل اشغال ایدلمش بولنه جغفی کوسترمکه مقتدر اوله بیلوردی . بوندن صکره کری یه قالبوده تنظیم ایدلمسی لازم کله جك تفرعات یالكز منطقه لرك تحدیدندن عبارت ایدی . لکن سز بوراده ، ایکی موضعدن هانکیسنی اشغال ایتمش اوله جنگیزی ، قطعاً بیامیورسکز . یالكز (۳۳۱) راقلی تپه اوراده شمیددن ده بعض ایشلر ترتیب ایتمک مساعد کی

کورینیور. چونکه محاربہ نہ شکله کیرسه کیرسون، ینہ الہ چوق دشمن
 هجومه اوغرامق احتمالی اولان بوراده یالکز بوقطه در. دیگر استناد
 نقطه لری یالکز دشمنک اونلره هجوم ایتمکه حاضر لاندینی کوریلورسه
 اوزمان اشغال اولنه جقلردر. مثلاً، درحال (موتینی لاغرائش)
 نقطه سنی طومتق فائده سزدر. چونکه بوراسی خصمک شمالدن برهجوم
 حرکتی یاه جفنه دلالت ایدر بر قوتی حائر دکلدرد. مؤخرآ (۳۳۱)
 راقلی محکم جنوبندن زیاده شمالنه طوغری یابامق لازم کلوب کلیه جکی
 خصوصی امر ویرلدیکی زمان بیلنه مز. بوندن طولای قوماندان اولان
 ذات نلان ویا فلان موضعک فائده لرینه قانلمقدن چکینرک، بتون
 سربستی حرکتی کندی قرار قطعیمی ایچون صاقلامش بولمیلدر.
 (۱۵) نجی مسئله نک حلنده موضعک مدافعه حالنه وضعی قطعاً امر
 ایدلمشدی. لکن بوراده میر آلائی ب.. اگر اولدن دهایی موضعدن
 برینی انتخابه قرار ویرر و آئی سپرلر ایله هان تحکیم ایتمکه باشلامش
 اولورسه بک بیوک برخطایه دوشمش بولنوردی. زیرا، پیاده
 تعلیمنامه سی شویله سویلیور: « وقتدن اول عملیات تدافیه اجرا
 ایتمک محذوردن بشقه هیچ بر فائده سی یوقدر. بوکی شیر قوماندان
 اولان ذاتک ایشنه یارامق دکل اونک الی، آیاغنی باغلارلر. »

مع هذا، بو، (آمان ویلر) ک تحکیمات تدافیه سنه تطبیق ایدیلر جک
 بر حال دکلدرد. زیرا اوراده یاییله جق مدافعه ایشلری، مذکور کویک
 ایلریده بر رجعتکاه کی قوللانیله بیله جکی حالنه کوره یاییله جقدر.
 بناءً علیه برنجی خطک وضعیت قطعیمی هانکیسی اولورسه اولسون
 بوکویده اجرا ایدیلر جک عملیات تدافیه ینہ ایشه یارامش اوله جقلردر.
 بر رجعت حائنده، (آمان ویلر) ی طومتق ایچون شمیدین دهایی

قطعات عسکریه تعیین ایتک ایورشی اولدینی خاطر کزده قالسون. بتون عسکر یکنزله محاربه ایتکه مجبور بولندیکنز بر صرده نافله یره بر قطعه عسکریه بی، کریده براقق طوغریسی بیوک خطالردندر.

(۱۵) نجی مسئلهده (موسقو) اولدن دها طوبجی موضی اولمق اوزره کوسترلش ایدی. زیرا، بونقطه دن عین زمانده هم (غراولهوت) ی وهم (مال مه زون) ی دوکمک ممکندر. بوراده ایسه طوبجی (۳۳۱) راقلی تپه نك کریسنده ایلک اوکجه بر حاضرلق ترتیباتی آلیور. زیرا، بونقطه دن (وهرنه ویل) دن (آمان ویلهر) ه کیدن یولک هر ایکی جهتده کی اراضی بی دوکجه بیلور. لکن، دشمن کندی احاطه حرکتی یایمغه باشلادینی آندن اعتباراً، آرتق اوراده طوبجینک یالکز بر قسمی قاله جقدر. زیرا، بونقطه دن خصمک کلسی محتمل اولان مختلف استقامتلی اوجه بر صورتده دوکمک ممکن دکلدیر. کذلک، دشمن طوبجیسینک زده یرلشه جکنی کشف ایتک محالدر. زیرا، (وهرنه ویل) ک جنوبنده اولدینی کبی شالندهده موضعلر واردیر. بناءً علیه، بزم طوبجیمز، دشمنک قطعاً طوتدینی استقامته یوزچویرمش اوله بیلنجهیه قدر سیرجی کبی طوره جقدر. (۱۵) نجی مسئلهده کی حاله کوره ایش بسبتون بونک عکسی ایدی. زیرا اولدن ده، دشمن طوبجیسینک انتخاب ایتش بولنه جنی موضی کشف ایتک ممکن ایدی. ینه بومسللهده سواری مختلف استقامتلی تعقیب ایدن ایکی دشمن قولنک یوروشنی ترصد ایتک وظیفه سنه مأمور ایدی. انقسامک بونجه محذور لریله برابر، سواری بلوکلرندن هر بریسنه خصوصی برر وظیفه کوسترمک ایجاب ایتش ایدی. زیرا اونلر طویلی براقلمش اولسه لردی

اوزمان مختلف تقرب یوللرینی باخصوص بویوللرک هر ایکی جهتده کی اراضی بی ایوجه کشف وترصد ایتمک محال اولوردی .

بوراده ایسه پیشدار یالکز بر دشمن قولنه مقاومت ایدم جکدره؛ زیرا شمیدیلک (وی یون ویل) ایله (غراولهوت) بینده کچن شیر اونک نه سنه لازم! بناءً علیه سواری بوراده یولک صاغ ویا صول طرفه بعض دشمن اقسام عسکریه سنک صاپوب صاپمدیغی آکلامق ایچون کشف قوللری کوندرمک شرطیله ، طوبلی برحالد بولنه بیلور. برده ، پیشدارک اقسام سائرهنه هیچ برامر ویرلمزدن برچوق زمان اولدها سوارینک وظیفه سنی تنظیم ایتمک لازم کلدیکنه دقت ایدیکز. زیرا ، سواری یالکز استکشاف خدمتی تأمین ایتمک دکل، سزه وقت قازاندرمغهده مجبور ایدی. (۱۵) نجی مسئلهده ، بالعکس، مفرزه نک بتون اقسامنه عائد اولمق اوزره یالکز عمومی برامر ویرلمسکله اکتفا اولنه بیله جکی کبی سوارینک بو امری تام وقتنده آله جغه امنیت ایدیه بیلوردی. زیرا ، سواری اوزمان ذاتاً ترصد ایتمک مجبور اولدیغی یوللر اوزرنده حرکت ایدیوردی .

وظیفه کزی بیتورمک ایچون ، آتیده کی کوچک مسئله بی حل وتدقیق ایدرک ، پیشدار طرفدن اجرا ایدیه جک وظیفه بی تعمیق ایلمکری توصیه ایدرم :

« (۱۱) ی (۱۵) دقیقه کچه هوسار آلا بی آشاغیده کی راپوری کوندرر : (ودرنه ویل) ی اشغال ایتمک اوزره بولنان بر دشمن طابوری اوکنده چاره سز اوراسنی تخلیه ایدیورم .
(ودرنه ویل) ک تخمیناً (۱۵۰۰) متره ضربنده کی برتبه اوزرنده موضعه کیرمش اولان دشمن بطریه لری اوزرمزه آتش ایتمکده در .

(۳) طابور پیاده قدر تخمین ایتدیکم بردشمن قولى قولر) —
 (لاهای — اومور) یولی اوزرنده ایلرولمکده در . بودشمنك قول
 باشم، (وهرنهویل) — (غراوهلوت) یولی خداسنده در . بن (نهنوی)
 چفلکی اوزرینه رجعت ایدیورم . «
 کلهجك مکتوبمه ، شومسئلهنك حلتی یازمیه جفم . سز کندى
 کندیکزه اونى حل ایده جکسکزر .



اون سکزنجی مسئله

« عمومی خریطه ، (وەرنی) و (آرس - سور - موزەل) ٲافته لری . »
 برقول اردو ، دشمن مملكتتە (رەمیللی) [عمومی خریطه] دن كچن
 (استراسبورغ) یولنی تمقیب ایدرك (مچ) موقع غیر مستحکمى اوزرینه
 یوریمکە در . برقول اردو ، (هوپیتال) اورمانلرینك غربدن كچەرك (مچ)
 اوزرینه یوریمك مقصدیلە (وینى) جهتنە ایكى سواری بلوكى وایكى بطریه ایله
 تقویه ایدلش اولان برپادە لواسی تفریق ایلدی . بولوانك پشدارى ، ایكى
 طاہور پیادە ، ایكى سواری بلوكى و بربطریه دن تشكىل ایتش بولنیور . آقشامك
 ساعت (۲) سەندە یعنی اوج (پوینى) یە واصل اولەجنى زمان لوا قوماندانى
 توقف ایتكە و كەندى قسم كلینى (وەرنى) ، (شەریزەى) و (وپورنوی -
 لاغراس) دە قوناقلره یرلشدرمكە قرار ویرر .

موى الیه ، پشدار قوماندانى میرآلای (ب . .) یە قول اردونك ایلری
 قرەغولاریلە ارتباط حاصل ایدەك اولان ایلری قرەغوللرینی یرلشدرمك
 ایچون امر ویرر . قول اردو ایلری قرەغوللری (آرس - لاكنەسى) -
 (شامپەل اورمانى) - (قرەپى) دە داخل اولق . اوزره (قرەپى) اورمانك
 شەمال چیقندینى) خطى اوزرنده تأسیس ایدلشلردر . پشدارك قسم متباقیسی
 (فلورى) دە قوناقلره یرلشەجکدر . آكلاشلدیغە كوره ، (تی یونویل) دن
 كلن دشمن ، پیادەسى ایله (سابلون) ی اشغال ایتش بولنیور . (قریژی) ،
 (بەووی - لاهوت) : (هوركنە - او - سابلون) (غرانش - اوزورم) دە
 و (اونى) نك جنوبندە دشمن كشف قوللری كورلشدر .

یاییلەجق و طیفە

- ۱ — میرآلای ب. . نك پشدار امرى .
- ۲ — پشدار قسم كلینك (فلورى) دە قوناقلردە کیجەلمسى (پوستەلرك ،
 نوتجیلرك یرلریلە اجتماع محللرینی كوسترهك اولان قروكى طرزنده) .

پیشدار امری نمونه‌سی

محل

تاریخ « ساعت

پیشدار امری

انقسام عساکر یوقدر .

۱ — دشمن ایله دوست قطعاته دائر معلومات (اصل قول قسم کلیسی ایله پیشدار قسم کلیسناک اقامت ایشدکلی محله دائر) .

۲ — ایلری قره غول قوماندانناک تعیینیه اونک اداره سنه ویریه چک قطعات .

۳ — ایلری قره غوللر قوماندانناک وظیفه‌سی و تعلیمات خصوصیه . برمفرزه ایلری قره قوللرینک برقاچ منطقه‌یه آیرلمش اولسی پک نادر در ؛ دشمن هجوم ایتدیکی زمان نه وجهله حرکت ایدیه چک . خصوصی بریولده طوتیه‌چق اولان مسکون محللر ، کذلک خصوصی بریولده کوزه دلیسی لازم کلن نقطه لر) .

۴ — ایلری قره غوللر خدمتنه مأمور ایدله مش اولان پیشدار قطعاتی ایچون ترتیبات ؛ قوناق قوماندانناک ، ونوتچی ضابطناک تعیی ؛ - پیشدار قسم کلیسناک امنیتنه دائر ترتیبات . پیشدار قسم کلیسناک اجتماع نقطه‌سی .

۵ — بعض حاللرده ، بیوک آفرلقلر ایچون ترتیبات خصوصیه (ایلری قره - غوللره التحاق ایده‌جکلی ، یوقسه

ایتمه جگرمی .

۶ — پیشدار قوماندانانك بولنه جفی یر .

امضا .

احمرک قطمان عسکریه به نه وجهله
تبلیغ ایدلیدیکی .



اون طقوزنجی مکتوب

بر پیشدارك قوناقلرده کیجهلمسی. ایلری قره غوللر

عجمیلر ایچون اك كوچ اولان امرلر ایلری قره غول امرلریدر. بونی کندی نفسمده تجربه ایتدم؛ آنك ایچون شمدی یه قدر اونلرك سمتنه بیله یناشمق ایستمه مش ایدم. بر ایلری قره غول امری ترتیب ایتمزدن اول بر کره وضعیتی ایودن ایویه تعمیق ایامك لازمدر. شو وضعیتی ایوجه بر آکلادقدن صکره، آرتق سزك ایچون کری یه قالان شی یالکز خدمت سفریه ده کوردکلر یکزی تطبیق ایلمکدن عبارت اولور. بر قاچ درلو حلالره اك زیاده قابلیتی اولان مسئلهلر شبهه سز، ایلری قره غول مسئلهلریدر. بناءً علیه، سزك بوله جفکیز حل ایله بنمکی آره سنده کور یله بیامسی محتمل اولان اختلافلردن طولانی جانکزیك اوقدر صیقلمسون؛ حتی بنم حلم ایله سزککی ینتسده کلی اختلاف اولسه بیله ینه ضرر یوق.. بنم سزدن اصل ایستدیکم جهت، بسبتون خدمت سفریه نظامنامه سنك شموللری پك واسع اولان اصول وقواعدینه مخالف حرکت ایتمه مکزدر. مذکور اصول وقواعد، ایلری قره غوللر خدمتی تأمین ایتمک ایچون انسانده مخصوص اوقدر بیوک بر مأذونیت بر اقیورلر.

فی الحقیقه، ایلری قره غول خدمتلرنده تصادف اولنان احوال خصوصیه نك تبدیلی، بو خدماتی قواعد ثابتیه رباط ایتمکه مساعد دکلدرد. بومسئله ده سواری وطوبیجی ایله تقویه ایدلمش وقوتلی بر پیشداره مالک اولان بر پیاده لواسی کوستریشمزدن اصل مقصد، ایلری قره غوللرك وضع و ترتیبه دائر بر پیشدار امری ویره بیامکدر.

وجودی بودند آزا اولان عادی مفرزه لر پك نادر برطابور ايله بر مقدار واریدن فضله بر پیشداره مالك بولنورلر. اكثر احوالده بوقوت ملا ایلری قره غوللر خدمتی ایچون لزوملی کوریلرک عموماً یخدمته تعیین اولنور.

واوزمان پیشدار قوماندانی ایلری قره غوللر قوماندانی اولور پیشداره ویریلان امر آرتق ایلری قره غول امریله توحید ایدیلور. بی بر آزا دهها شرح ایدیم: پیشدارک هپسی ایلری قره غوللر تأسیسنه مجبور اولدینی زمان، یالکنز بر امر ویریلرکه، اوده ایلری قره غول مریدر؛ لکن اگر پیشدارک بر قسمی الله قالمق لازم کلورسه اووقت لم پیشدار ایچون، همده ایلری قره غوللر ایچون آیری آیری برر مرتیب ایتمک ایجاب ایدر. بر آزا صکره کوره جککنز کی بوراده بلری قره غوللر ایچون یالکنز برطابور ايله برسواری بلوکی کافیدر. ويله ایسه سز شمدی ایکی امر ویرمکه مجبور سکیز- بن بوراده ایلری ره غوللر امرندن بحث ایتمیه جکم، بالعکس آنی کله جک مکتوبمه ماقلا یورم.

لوا توقف ایتدیکی زمان، سواری حالا کندی استکشاف خدمتیله اک زیاده مشغول بولنیور. سواری بو استکشاف خدمتی آنجق یواش واش ترک ایده جکدر. زیرا، ایلری قره غوللر یکیزی یرلشدیرکن لازم کلن امنیتی استحصال ایتمک دشمن ايله تماسده قاله جق کشف نوللرینک وظیفه سیدر. اگر ایلری قره غوللره الحاق ایدیلر جک سواری اقسامی هنوز الله حاضر دکل ایدیسالر، شمیدیلک سزک خطکنزک ایلر وسنده بولنانلر اوته کیلری کلنجه یه قدر استحصال امنیته دوام ایلر جکدر.

پیشدار باشی آرتق لغوایدلمشدر. پیشدارده ایکی قدمیه آیرلمشدرکه،
بولردن بریسی پیشدار قسم کلیسی، اوبری ایلری قره غول وظیفه سنه
مأمور اولاندر.

پیشدار قوماندانی، بیوک یول اوزرنده (پوی) نك جنوبنده
بریرده بولنور. مومی الیه، خریطه یه باقرق والدن کلدیکی قدر
چابوق برصورتده امرینی ویرر. بویله برزمانده کجیکمک هیچ ایو
دککدر. چونکه اوسبیله عسکرک پک زیاده محتاج اولدینی استراحتلر-
ینک برقسی ضایع ایدلمش بولنور. یوروش بیتجه هرکس یاته جنی
اوه، یاخود اوطوره جنی قوبله یه بر آن اول کیرمکی ایستر وبوندن
پک چوق حظ ایدر.

یوریمی بر یوروشدن صکره امرلری بکلمک ایچون ویریلن
موله لر قدر عسکرک جانی صیقان هیچ برشی تصور اولنه مز، بولر
عادتا صبر و تحملمک فوقده برطاقم اوزون تیلردر. بناءً علیه آله جق
ترتیباتی بر آن اول آلمق لازم کلور، بو ترتیبات ایچنده آزچوق
تصحیح ایدیله جک یرلر وارسه اولرده صکره دن تصحیح اولنورلر.
بودیدکلامک چوق ایلری قره غول قوماننده عائددر. مومی الیه پیشدار
امرندن زیاده تفصیلاتی احتوا ایدمک اولان کندی امرینی ویرمزدن
اول برکزه بستون افقی کوزدن کجورمک ایچون یوکسک بر نقطه یه
چیقمغه مجبور اولقله برابرینه شونصیحتلریمی جان قولاغیله ایشتمیلیدر.
پیشدار قوماندانی قول اردونک ایلری قره غوللری (قره پی) ده
داخل اولمق اوزره (قره پی) اورمانک شمال چیقندیسنه قدر امتداد
ایلدیکی خبر آلدیغندن، خریطه یه باقرق، کندی ایلری قره غو-
للرینک ده، کندیلری ایچون کوزل براستناد نقطه سی بوله جقلری

(سەيل) دره سەنە قدر اوزامق لازم كەلەجكنى آكلایەققدر . ایلری قرەغوللر قوماندانلە بوندن فضلە سويلامك فائده سزدر . كنديسەنە ويريلن وظيفەنك بتون تفرعاتى تنظيم ايتك ، يولنە قويماق ھب اوکا دوشەر .

دشمن بالسەولە (فلورى) كوينە كلوب اورايە باصقين ايدە بيلەجك درجەدە بزە يقين اولديغندن يالکز يوللری سد ايتك دكل ، بلكە ، دشمن سزك خبركز اولە دن اورالە كشف قوللری ويا دھا مھم اقسام عسكریە كوندرەش اولماق ايچون مذكور يوللر آردەندەكى اراضى يىدە كوزلجە كشف وترصد ايتدەرمك لازمدر . دشمن كندى مملكتتە حرەكەت ايتديكندن وچار چابوق سزك حقكزەدە ايجاب ايدن معلوماتى اھالى واسطە سويلە آلە بيلە جكەندن بو اھالى يى ترصد ايلامك واوللری (مچ) . كيتەمكەن منع ايتك لازم كلور .

ايشتە بوندن طولايى مكمەل بر مختلط ایلرى قرەغول شىكەسى تشكىلى ايجاب ايتديكى ظاھر اولور . كوزە تيلەجك جەھە تخمیناً (۵) كيلومتريى كچەديكى زمان صورت عمومىەدە بر طابور برسوارى بلوكى كافيدر . كلەجك مکتوبمەدە كۈمچككز كچى بالخاصە امنيت دنيلان شى ايچون يك آز سوارى يە احتياج واردر . مع هذا ، بورادە ایلری قرەغوللرە تام برسوارى بلوكى ويريلەجكدەر . زیرا ، دشمن يك يقين اولديغندن كون باتمزدن اول سوارينك مھم بر حرەكتە تشبث ايتەش اولسى محال دكلدر . بناءً عليه اوکا مقاومت ايتك ايچون قوتلى بولماق لازمدر . اكر سوارى يك قحط اولور ويا مفرزەنك سواريسى كچن كونلردە زيادە جە يورويش ياپمەش بولنورسە اوزمان بر بلوكەن آز سوارى قوللانيلەققدر .

ایلری قره غوللره طویجی ویرمک پک نادر در . مثلاً ، اگر مهمربوغازی طوتمق لازم کلورسه ایلری قره غوللره طویجی ویریلور . لکن بو طویجی ایلری قره غوللر نزدنده یالکنز کوندوزین قالور . کیجه اولنجه پیشدار قسم کلیسنه دوزر .

ایلری قره غوللریکنزه ویریله جک قوتی حساب ایدرکن ایلری قره غوللرده کیجه یی کچورمن هر نفر و حیوانک کندیسنه لازم اولار . استراحتدن محروم قالدیغی و ایرتسی کون برکون اولکی کبی قوتلر اولمادیغی خاطر دن چیقارمیکنز . بوراده بز ، قوتلری صوگ درج تصرف ایله قوللانمغه و ممکن اولدیغی قدر اک آز آدم ایله ایشک ایچندز چیقمغه دقت ایدمک بورا ده شو قاعده نك عکسنه حرکت ایتدیکم ذاهب اولورسکنز . برسواری بلوکنک قسم اعظمه ، ایرتسی کوز اونی تکرار دینچ وتوانا برحاله بولمق ایچون ، درجه کافیده ، نصل استراحت ویرلدیکنی سز بزم کله جک مکتوبمده کورورسکنز . اگر سز ، یالکنز برقاچ نقطه دن کچلمسی ممکن اولان برمانه (صومجراسی ، رطوبتلی چاپرلر وسائره) اوزرنده موضع آله بیلور اگر ایلریده اراضی یی کاملاً کورمکه مساعد وتپه لردن مرکب برخط مالک بولنور واکر جناح لریکنز یا کچلمسی ناقابل مواضعه یا خود دوست قطعاته ایوجه استناد ایتمش اولورسه اوزمان قوتکزده تصرف ایدرسکنز . بناءً علیه ترصد خطکزی انتخاب ایتک ایچون بواوچ نقطه یی نظر دقته آلیکنز .

بومناسبتدن طولای نظر دقتکزی مهم بر نقطه اوزرینه جلب ایدیورم . ایلریده ، (سن پی یهر) دره سی کبی برمانع اولورده ،

ایرتسی کون تکرار یوروشنه دوام ایتک ایستلیدیکی زمان، قسم کلینک یوروشی ایرتسی کون تأخره دوشمه مک مقصدیله، اکثریا آنک کیکد نقطه لرینی طوتمق ایچون برکون اولندن دها پیشداری ویا هیچ دکلسه ایلری قره غوللری بومانلک اوتنه سنه سوره لرلر . بوراده ایسه اوپله یاپمغه حاجت یوقدر . زیرا ، پیشدار قسم کلیسی (فلوری) ده کیجه بی چکورمک ایچون امر آلمشدر .

حتی ایلری قره غوللری (سن پی ر) نهرینه ویاخود اوتلرینه قدر سورمه کده حاجت یوقدر . بویله یابلدیغی حالده بیوک برشی قازانمش اولمز . زیرا ، اووقت اک ایوسی (مایی) نک شمالنده (سهیل) دره سنه قدر ایلرولمک لازم کلوردی که بده پک اوزاق دوشمش اولوردی . کذلک ، قونجه تصرف ایتک ایچون (سن پی ر) دره سندن استفاده ایتک لازم می دکل ، بویله بر سؤال ده کندی کندیگز ایراد ایده . بیلورسکز . سزه طوغریسنی سویلیهیم ، بن اوفکرده دکل ؛ زیرا بوصو مجراسی برحق نقطه لری اوزرندن پیاده ایچون کیکد ویردیکدن طولانی کیجه بیله اوراسنی بالسهوله آتلامق ممکندر . شبه سز ، دشمن نتیجه سی مجهول اولان برشیدی تجربه ایتکه قالدیمه جقدر ؛ لکن اگر سز بو دره نک ساحلارینی اشغال ایتش اولسیدیکز بیله ینه صول جناحکزی ایجه اوزاقده اولان (سهیل) دره سنه استناد ایتدرمک لازم کله جک ایدی که بو . اوته طرفدن قازانه جفکز بللی دکل ایکن بری طرفدن غائب ایتک دیمک اولوردی .

بناءً علیه بن ، (هوپیتال) اورمانلریله (سهیل) دره سی بیننده کی تپه لرك طوتملسنی ترجیح ایدرم . اونلر بر دفعه پک اوزاقلره قدر اولان اراضی بی کورورلر ، ثانیاً او وضعیتده سزک صول جناحکز

دره‌یه استناد ایلجه جکدرکه ، بو خصوص عسکر یکنری تصر فله قوللانمه کزه یاردم ایده جکدر .

(سایل) دره سنده سزک ایشیکزه یارایه جق اولان نقطه لر شونلردر : (مارلی) ، (کووری دکرمنی) و (فلوری دکرمنی) . (مارلی) کوپرینسک تخریب ایدلش اولسنی مناسب کورمیورم . واقعا بو کوپری تخریب ایدیلنجه اساساً سزک امنیتکزک آرتمنسه خدمت ایده جکدر . لکن آنک رفع وازاله سی ایو دکلدر . زیرا کیجه لین (سایل) دره سنک غربنده کی اراضی یی کوزه تمک و یارین صباح ینه او طرفلری کز مک ایچون سزک اوکا احتیاجکز واردر . بعض دشمن کشفلرینک (اونچی) نک جنوبنده کورلش اولدقلرینی البت اونوتما . مشسکزدر . بناءً علیه بو طرفده کوزیکزی درت آچه کز لازم کله جکدر . (کووری) دکرمنندن باشلایان و (سایل) دره سنک ایکی قولی آتلیان کچی یولی یالکزقوری هوالرده ، وینه یالکز ، پیاده نک کچمنسه مساعددر . زیرا ، چایلر ایچندن کچور . بناءً علیه استکشاف خصوصنده اونی داخل حساب ایتمیکز . احتیاط اولمق اوزره (کووری) دکرمنی کوپرینسکی تخریب ایتمک ممکندر . (فلوری) دکرمنی کچیدینه کلنجه سز اونی ایستر تخریب ایدر ، ایستر استکشاف خدماتکزی تسهیل ایچون صاغلام براقورسکز .

بوصوک حالدده اورایه پیشدار قسم کلیکزدن بر مستقل پوسته آیریکز ؛ زیرا بونقطه ایلری قره غول خطکزک خارجنده در . اگر ایلری قره غولاریکز بر هجومه اوغرامش بولنورلرسه ، مذکور قره غولار حین حاجتده پیشدارک کیرو قالان قسمی ایلحهامیه ایدلش بولندقلرندن ، لوا قسم کلیدی محاربه ایتمک ویا یوریمکه حاضر

اولنجه به قدر دشمنی توقیف ایتکه مجبور اوله جقلردر . کندی وظیفه سی تأمین ایتک ایچون پیشدار قوماندانی شو سویله جکمز ایکی موضعدن برنی انتخاب ایتکده سربستدر : مومی الیه اکر (فلوری) کونی کنديسنگ باشلیجه مدافعه م: بضی کبی تلقی ایدرسه ایلری قره غوللر اراضی یی خطوه ، بخطوه مدافعه ایدره ک یواش ، یواش اورایه چکیله جکلردر . بالعکس اکر مومی الیه ایلری قره غوللر خطی اوزرنده ، مقاومت ایتک ایستر ایسه (فلوری) ده کی اقسام عسکریه مذکور خطی حمایه ایتک ایچون ایلری کیده جکلردر . بوصوک حالده ، ممکن اولدینی قدر زیاده زمان (پوی) ده قالمق لازم . کله جک . بوکوی بردفعه بیوک یول اوزرنده بولندیغدن ، بردفعه ده (سهیل) دره سنه استناد ایدره ک شمال وغرب جهتلرنده کوزل برانداخت میدانه مالک اولدیغدن اهمیتی برکویدر .

دیدیکمز کربی ایجه زمان الده بولندرمق خصوصی . (پوی) ایله (هوپتاک) اورمانلری آرمسند کی اراضی یی ایلک حمله ده دشمنه ترک ایتک ایچون بر سبب اوله مزه بناءً علیه مدافعه خطی بو اورمانلره قدر اوزادلمش بولنه جقدر . (پوی) موضعی (فلوری) موضعدن مرجحدر . اوله ایسه پیشدار قوماندانی ویره جکی امرده خط مقاومتک (پوی) ایله (۲۱۷،۹) راقلی تپیه استناد ایله جکنی رسماً سویله جکدر . ایلری قره غوللر بووجهله پیشدار قسم کلیسی طرفندن حمایه ایدیه جکلرندن امین اولورلر .

وضعیته نظراً (میچ) جهتده کی اراضینک (مانی) اوزرینه کوندرلمش اولان اقسام عسکریه ایله ترصد آلتنده بولندرمق لازم کلدینی شبهدن بریدر . اکر ایلری قره غوللر قوماندانک (سهیل)

دره سنك غربنده کی اراضی به ایجه اهمیت ویرمسندن قورقور ایسه کز،
اؤزمان امرکزده اوندن نه بکلدی بکلزی آچیقندن، آچیغه سویله بیکنز.
(سایل) دره سنك شرقنده (مچ) جهتنده کی اراضی به دائر سوز
سویلمکدن صرف نظر ایدیورم. بوخصوصی بالعکس ایلری قره غوللر
قوماندانه براقیورم. لکن (سایل) دره سنك غربنده کی اراضی به
کشافلر کوندرمسنی اوکا امر ایده جکم.

پیشدارک ایلری قره غول وظیفه سنده قوللانلمیان اقسامی (برپیاده
طابوری، برسواری بلوکی، بربطریه)، (فلوری) ده یرلشه جکلردر.
شمدی بیلنمسی لازم کلان دها برشی قالورکه اوده اقسام مذکورهنك
اوراده کوی اردوگاهنده می؟ یوقسه، عادی قوناقلرده می؟ ویاخود
طوبی قوناقلرده می کیجه بی بکیره جکلرندن عبارتدر. اردوگاه اصولیه
اقامت ایدیانجه کرچه قطعات عسکریه ال آلتنده وحاضر برحاله بولنور.
لکن، بوفانده مقابل اوتیه طرفده عسکر استراحتندن محروم
براقیلور. کوی اردوگاه اصولی ایسه عین زمانده یناشیق قوناقلرده،
طوبی قوناقلرده واردوگاهلرده کی اصول اقامتلی جامعدر. بویک
مشهور بر اصول اقامت دکلدز. مع هذا، اردوگاهلردن دها ایودر.
وقطعات عسکریهنك اکثریتله ال آلتنده بولنمسنه مساعددر.

علی العاده قوناقلر، استراحت ایچون الک الویریشلی اولان بر اصول
اقامتدر؛ لکن امنیت نقطه نظرندن الک فسا بر اصول اقامت وارسه
اوده بودر. زیر اقطعات عسکریه بی طولیلاق واونلره برمحاربه
ترتیبی آلدرمق ایچون اپی زمان لازمدر. اگر سز، وقوعی
محمل بر هجومه قرشو قطعات عسکریه کزی قطعاً وچار چابوق ال
آلتنده بولندرمق مجبوریتنده ایسه کز، استراحتکزی قسماً امنیت

اغورینه فدا ایدرک ، طوبلی قوناقلری تطبیق ایدیکز . بوراده کی مقاومت خطی ، ایلری قره غوللرک عددجه کندیلرندن فائق اولان بردشمنی بیله اپی زمان تأخیر ایتلرینه مساعددر .

پیشدار قسم کلیسی کندیلرینی حمایه حاضر برحالد بولنجهیه قدر اولرک دشمن طرفندن بیوک برتضیقه اوغرامش اولملرندن قورقلمز . اوله ایسه فضله براحتیاطه رعایت ایتش اوله کز ایچون بوراده برسبب معقول کوره میورم . وبوندن طولانی (فلوری) ده کی قطعاتک ایوجه استراحت ایتش اولملرینه مساعده ایدرسبکز مأمول ایدرم . بناءً علیه پیاده کزک بر قسمی طوبلی قوناقلرده بولنه جقدر ، مثلاً بر بلوک ، کوک شمال قسمنده کی بیوک اولرندن بریسنده ، دیگر بر بلوک ایسه بیوک یول اوزرنده (تویله ری) ده یرلشمش اوله جقدر . بر باصقین ظهورنده ، (فلوری) و (تویله ری) نک شمال کناری اوسایه ده کال سرعتله اشغال ایدلمش بولنه جقدردر . وسزده ، اگر ایجاب ایدرسه ، ایکی بلوک قدر عسکر یکزی ایلری قره غوللرک امدادینه کوندره بیله جکسکز .

حاضر لایق ایچون هر حالده اپی زمانه احتیاجلری اولان بطریقه ایله سواری بلوکی دشمن (فلوری) کوینه هجوم ایده بیلشمش اولمزدن اول حاضر لانه جقدردر . ایشته بزم قبول ایتدیکم ترتیبات بودرکه اول ، بیوک بر امنیت استحصاله کافیدر . ثانیاً ، پیشدار قسم کلیسنک بیوک بر قسمنک وبالخاصه آتلی صنفلرک امین و پک راحت بریوله قوناقلره یرلشمسنه مساعددر .

میر آلا ی ب .. رتبه جه الک بیوک ضابط اولدیغندن (فلوری) ده قوناق قوماندانخی اوزرینه آلفه مجبوردر . بر آلا یک قوماندانی

اولمق حیثیتله مومی الیه ایسترسه امرادن بریسنی کندی یرینه قوناق قوماندانی یاپه بیلور . (فلوری) مختلف صنفدن قطعات عسکریه ایله اشغال ایدلمش بولنه جفی ایچون کویک عسکر بیننه تقسیمی ، خدمت داخلیه ، امنیت خارجیه وبرباصقین وقوعنده اجتماع خصوصنده لازم کلن بتون تدابیری اجرا ایتک هب قوناق قوماندانه دوشر .

میر آلا ی ب . . نك قوناق قوماندانلغی امرادن بریسنه یرمیوبده اوخصوصده لازم کلن تفرعاتی نوبتجی ضابطنه تحمیل ایله اکتفا ایلدیکنی فرض وتصور ایدلم .

مسکون محللاری اولدن ده مختلف اقسام عسکریه بیننده تقسیم ایتک میر آلا ی ب . . ایچون غیر ممکندر . اوله ایسه مومی الیه اووظیفه یی نوبتجی ضابطنه ویره جکدر . بوضابط بیلدی ککزر وجهله ، هر قطعه عسکریه نك قوناقچیلری برلکده اولمق اوزره ایلرودن حرکت ایله جکدر . قوناقلر یرلشه جک قطعات عسکریه بوراده اولدینی کبی عددجه آزا یسه ، او وقت نوبتجی ضابطی دیدیکمز ذات بریوزباشیدن عبات اوله بیلور . بوضابط پیاده صنفدن انتخاب ایدلمک لازمدر . زیرا ، قوناقلرک یقیندن امنیتی استحصال ایتک وظیفه سی اوکا عائددر . حال بوکه ، پوسته لرك قسم اعظمی بیلورسکزرکه پیاده دن تشکیل ایدیلور؛ اوله ایسه ، نوبتجی ضابطی ده پیاده صنفدن انتخاب ایتک لازم کله جکی حقیقتی کون کبی آشکار اولور .

اکر (موله ن دوفلوری) = کوپرسی تخریب ایدلمه مش ایسه پیشدار قسم کلیسنی (سهیل) دره سنک غربندن کله جک برباصقینه قرشو ستر ایتمش اولمق ایچون (فلوری) دن اوزرایه کوچک برضا بط قومانداننده اولمق اوزره مستقل برپوسته کوندریله جکدر .

بیوک آغرلقلره کلنجه ، اک بیوک مافوقدن اوخصوصده برامری
فلان کلدیکی حالده ، عربله قطعات عسکریه دن هر بریسنه می (ایلری
قره غوللرده داخل) یوقسه یالکزی پیشدار قسم کلیسنه می کوندریله -
جکلردر؛ بوراسنی تعین ایتک وظیفه سی پیشدار قوماندانه عاؤددر .
اگر دشمن سزی تهدید ایلله جک برحالده اولسه یدی، مذکور
آغرلقلره (فلوری) نک جنوبنده توقف ایتک ایچون امر کوندریله جک
ویالکزی کویده قوناقلره یرلشمش اولان قطعات عسکریه نک عربله ری
ایلری سوق ایلله جکلردی . زیرا ، ایلری قره غوللر هیچ بر زمان
کندی بیوک آغرلقلریله صیقندی یه دوشه رک اک صکره اونلری غائب
ایتمک تهلیکه سنه معروض قالمایدرلر . دیگر جهندن، قطعات عسکریه
برقاج ساعتق بر زمان ایچون اولسه بیله . اگر ممکن ایسه ، هرکون
کندی بیوک آغرلقلرینه عرنس احتیاج ایدرلر . مثلاً ضابطلر کندی
صندقلرینه ، نفرلر ایسه بیوک آغرلقلرده بولنان ارزاق وسائر یه
محتاج اوله بیایورلر . اگر بو عربله موجود ایسه هیچ اونو تمیکزکه ،
انلرک بوموجودیتی بر احتیاج حقیقی یه علامتدر .

بناءً علیه کونش باتدقندن صکره اونلردن استفاده ایتک بحثده
وعلى الخصوص ایلری قره غوللرک کیجه لین باصقینه اوغراملری پک
نادر برشی اولدیفندن بیوک آغرلقلری ایلری خطلره کوتورمکده
پک زیاده احتیاط کارلغه دوشمک ایودکلدر . دشمن سزه نسبتاً یقین اولمقله
برابر یه بوراده بیوک آغرلقلری پیشدار قسم کلیسنه حتی ایلری
قره غوللره قدر کوتورمکده اصلاً تردد ایتیه جکم . ایلری قره غوللر ،
مذکور آغرلقلری ، یالکزی کندیلرینه لازم اولدینی درجه ده یانلرنده
طوته جقلردر . آغرلقلرک هانکی ساعتده کندی جزء تاملری یانه

کیده جککرینی وینه هانکی ساعتده کیری به چکیله جککرینی بیان ایتک
ایلری قره غوللر قوماندانک وظیفه سیدر .

وضعیت دها قورقیل و اراضی دها مشکل ویا دشمن بوراده کیندن
دها یقین اولدینی زمان ایلری قره غوللر ، پیشدار قسم کلیسی وحتی
مفرزه قسم کلیسی بیله بمضاً یکدیگری متعاقب برقاقچ کون کندی
بیوک آغرلقلرندن واز کچمکه مجبوریت کوره جککدر . لکن بوندن
طولانی هرکس ایچون بیوک بر صیقندی حاصل اوله جقدر .

بناءً علیه ، پیشدار قوماندانی بیوک آغرلقلری ایلک اول بیوک
یول بونجه (فلوری) کوینک (تویله ری) سنه قدر ایلرولته جکدر .
ومذکور آغرلقلر اوراده (فلوری) وایلری قره غول قوماندانلرندن
لازم کلن تعلیماتی آله جقدر .

میرآلای ب . . کندیسنه کوندریله جک اولان راپورلرک کمال
سرعت و سهولتله واصل اولملرینی تأمین ایتک ایچون کیجه بولنه جنی
نقطه یی قطعی بر صورتده مادونلرینه بیلدیره جکدر .

خلاصه اوله رق پیشدار امریکز بوجه آتی ترتیب ایدلمش
بولنه جقدر :

(پوئی) نك جنوبندہ بیوك يول

۱ - ۷ - ۸۹ - ۲۵۰ کی

پیشدار امری

۱ — (سابلون) ده دشمن پیاده
عسکری وار کبی کورینیور ؛ (بهووی -
لا هوت) ، (هورکنه - اوسابلون) ،
(غرائش - اوزورم) ایله (اوئی) نك
جنوبندہ دشمن کشف قولاری کورلشدر .
قول اردومن کندی ایلری قره غولارینی
(آرس لاکنه کسی) - (قره پی) ده داخل
اولق اوزره (قره پی) اورماننك شمال
چیقندیسی (خطی اوزرنده تأسیس ایلمشدر .
لوا قسم کلیسی (وهرنی) . (شایزه ی)
(پورنوی - لاغراس) ده یرلشمشدر .
پیشدار قسم کلیسی (فالوری) ده قوناقلرده
کیجه ایله جکدر .

۲ — بیکباشی ق . . (۹۸) نجی پیاده
آلاینك برنجی طابوری و (۹) نجی دراغون
آلاینك برنجی بلوکی ایله ایلری قره غولار
خدمتی تأمین ایله جکدر .

۳ — ترصد خطی ؛ (قره پی) داخل
اولماق اوزره (قره پی) اورماننك شمال
چیقندیسندن (سهیل) دره سنه قدر
امتداد ایله جکدر . (سهیل) دره سنك
جهت غربیه سنده (موتینی) و (سابلون)
اوزرینه کشف قولاری کوندریله جکدر .
(سهیل) دره سنك (کووری) دکرمنی
یاننده کی کوپریسی تخریب ایدیله جکدر .
اگر دشمن بر هجوم یاقم ایستیه جك

اولورسه، (پویی) نك شر قنده (۲۱۷:۹)
 راقلى تپەدن (پویی) دە داخل اولوق اوزره
 (پویی) يە قدر اولان موضع طوتيله جقدر.
 ۴ — (۹۸) نجی پیاده آلاینك (۲) نجی
 طاپوری، (۹) نجی دراغون آلاینك
 (۲) نجی بلوك و (۳۱) نجی سیار
 طوئچی آلاینك برنجی بطریه سی (فلوری) دە
 قوناقلره یرلشه جکدر. (۹۸) نجی پیاده
 آلاینك (۲) نجی طاپورندن بر بلوك
 (فلوری) نك شمال مخر جنده، دیگر بر بلوك
 ایسه بیوك یول اوزرنده (تویله ری) دە
 طوبلی قوناقلره یرلشه جکدر.

یوزباشی د. . . (فلوری) دە قوناق
 نوتجی ضابطی اوله جقدر. موئی ایله
 قطعات مختلفه قوناقلریله برلکده درحال
 اورایه کیدرك هر قطعه نك بولنه جنی محلی
 تعیین ایله جکدر. اوندن بشقه، امنیت
 استحصالنده لازم کلن هر درلو تدابیری
 اخذ ایله، (سەیل) دره سنك (موله ن-
 دو فلوری) ده کی کچید محلی کوچك
 برضابط قومانداسنده بولنان بر مستقل
 پوسته ایله محافظه ایتدیره جکدر.
 ۵ — بیوك آغر لقلر، (فلوری) کونك
 (تویله ری) سنه قدر ایلرولیه جکدر
 واوراده لازم کلن تعلیاتی آلدقدن صکره
 پشدار قم کلیسنه وایلری قره غولاره
 التحاق ایده جکدر.

۶ — راپورلر (فلوری) بلدیله دائره سنه
 کوندریله جکدر. میرآلای
 ب ..

تبلیغ ایدلشد:
 سواری یه بر اضابطی ایله و تحیر آ؛
 دیگر قطعات عسکریه قوماندانلرینه
 شفاها .

قول اردونك ایلری قره غوللر خطنه دأثر دهآ زیاده تفصیلات ویرمه لزوم یوقدر. زیرا آنی بیلمكدن لوا ایچون هیچ بر فأنده حاصل اولمز. ایلری قره غوللر سواری بلوكنی کیجه (فلوری) ین کتورمك نیتده ایدیه کز، مذکور بلوكن قوناقلری حاضر ایدلمش اولق ایچون امرده اوندن بحث ایتمه کز لازم کلوردی. کله جك مکتوبده سز کله بونقطه اوزرینه دهآ زیاده قونوشه جغمی وعد ایلرم. زمین اوزرنده یاییله مدافعه ایشلری ایلری قره غول بلوکلری طرفندن تعیین ایدلمش اوله جقلردر. بر بطریه موضعی تشکیل ایتمه کز لزوم یوقدر. امرک (۴) نومرولی ماده سی بعض ایضاحاته محتاجدر. بن آنی شمعی سزه ایضاح ایلرم. (فلوری) قوناقلرینک اصول تحکیمی، سزدن بر قروکی طرزنده ایستلمش ایدی. سز مختلف طرامه لر واسطه سیله [۵] مختلف جزءءاملر طرفندن طوتلمش اولان منطقه لری تقریق و اشعار ایده جکسکز.

اگر بر منطقه مختلف ایکی صنف طرفندن (مثلا پیاده و طوبجی) اشغال ایدلمش ایسه مذکور صنفلری کوسترن طرامه لر یکدیگری اوزرینه و چاپرازلامه بر صورتده چیز یله جکلردر. یابه جفکز قروکی به برده اشارات مخصوصه جدولی علاوه ایده جکسکز. اولجه کوردیکمز کبی (فلوری) نك اوزون اوزادی به تقسیماتی یایق ایچون وقت بولنه مامش ایدی. بونکله برابره عسکرک استراحتی کییکدیرمك لازم دکلدر. یوز باشی د.. پیشدار امرینی آلدقن صکری طوغر بجه میرآلای ب.. نك یانه کیدر. مومی الیه اکا یالکز لازم اولان

[۵] یعنی کویده مختلف جزءءاملرک بواندقلری برلری قروکیده جهتلری عکسی

طرامه لر ایله کوستره جکسکز.

شیلرک بر آن اول یایلمسنى سويلمکله اکتفا ایلر. یوز باشی د .. اوندن صکره طابورک و بطریه نك قونا قجیلرینی طوبلار (سواری بلوکنک قونا قجیلری بر آز صکره بولرله التحاق ایدم جکدر) و آتلی ضابطان ایله چارچابوق (فلوری) کوینه کیدر. ایشک بک تفرعانه کیریشمینرک درحال کویی بر استکشاف ایدر .

(تویله ری) بر بلوکه تخصیص ایدلمشدر. کویک سوقاقلری، مسکون محلی اوچ منطقه یه آیرمغه مساعددر. دشمن تعرضه اک چوق معروض اولان شمال و شمال غربی منطقه سی پیاده یه تخصیص اولنمشدر. اک امین اولان جنوب منطقه سی طوبچی یه ویرلمشدر ؛ طوبچی اوراده پارق تشکیل ایدم جکدر. کویک اورته سنی عین زمانده هم سواری وهم پیاده یه ویرمک ممکندر. چونکه سواری اوراده کی آخورلردن استفاده ایدم بیلور . کویک شمال منخرجنده کی بیوک بنالردن بریسی بر بلوکنک طوبلی قوناغی اولمق اوزره تخصیص ایدلمشدر. تفصیلات سائر هر قطعه نك کندى قونا قجیسی طرفندن تنظیم ایديله جکدر . بو اولدقدن صکره قطعات عسکریه آرتق (نلوری) یه کیره بیلورلر . هر جزء تامک قونا قجیسی قطعات عسکریه کویه کلدکلری زمان نره یه کیدم جکلرینی بیامک ایچون الدن کلدیکی قدر چابوق بر صورتده اولری و سوقاقلری تقسیم ایدم جکلردر. اکر بو تقسیمده کوستریلن عجله دن اوتری بعض قطعه لرک نسا یرلشدیرلمش اولدینی کوریلورسه اونلرینه بشقه کره تلافی مافات ایدیلور .

یوز باشی د .. نك وضع ایدم جکی قره غوللر، نظام قره غولی ایله برقاج خارجی پوسته دن عبارتدر. مومی ایله ایلک اوکجه نظام قره غولنک یرلشدیرلمسی و آنک چیقاره جنی نوبتیلرک عددیله مشغول اوله جقدره .

نظام قره غولی الدن کلدیکی قدر ضعیف تشکیل ایدیله جک و طبقی وقت صلحه قیشه لرده کی کبی حرکت ایلله جکدر . پیاده طابوری . بونظام قره غولی ایچون برکوچک ضابط [نظام قره غولی قوماندانی] بر بوریزن ، سنجاق اوکنه برنوتجی ، اشیا اوکنه [جبخانه عربله ری ، اجزای طیه عربله ری ، آغراق وارزاق عربله ری که بونلر کویک آجیق لرلرندن بریسنده پارق تشکیل ایدم جکلردر .] برنوتجی تخصیص ایلله جکدر . سواری بلوکی کندی عربله ری محافظه ایچون برنوتجی تدارک ایدم جکی کبی بطریقه کندی طویلرینی و قاقیلرینی [بونلر « نوتردام » جهتنده کی مخرجه پارق تشکیل ایدم جکلردر] و دیگر عربله ری کوزه تمک ایچون برنوتجی چیقارم جکدر . (فلوری) ده اقامت ایدن عسکرک آزلغندن طولای پولیس خدماتی ایچون خصوصی کشافلر تدارک ایتک وظیفه سی ینه پیاده طابورینه دوشردی .

طابورک نوتجی ضابطی ایله سواری بلوکی و بطریقه نک نوتجی کوچک ضابطلری یوزباشی د . . نک یانسه کلدکلی زمان اونلره نظام قره غولک بولندینی یر سویلنه جکدر . اوندن بشقه بوضابطلره خارجی پوسته لر ایچون اخذ ایدیلان ترتیباته ، بریاصقین وقوعنده اجتماع نقطه لرینه دائر معلومات و یریله جکی کبی ایجاب ایدرسه بعض تعالیمات خصوصیه ده و یریله جکدر .

قطعات عسکریه (فلوری) ده بولندقلری صره لردن چیقمش اولمزدن اول یوزباشی د . . نک تکمیل امرلرینی و یرمش بولنسی آرزو ایدیله جک برشیدر . چونکه اوسایه ده عسکر طاغیدلمه دن هرکسه بولنه جفی یری سویلمک ممکن اولور . مختلف منطقه لری قونا قجیلر بینه تقسیم ایتدکن و کویک داخنده (الدن کلدیکی قدر مرکزنده)

نظام قره غولنك تأسيس واقامه سی ایچون بر محل بولدقن صکره یوز باشی د .. خارجی قره غوللرک وضع و تاسیسلری خصوصندە لازم کلن ترتیباتی تعیین ایلمک مقصدیلە بر کرده کویک اطرائتی ایوجه طولاشور و کوزدن کچورر . نظام قره غولی پیاده طابوری، سواری بلوکی و بطریه نوبتخیلرندن و اونلری دیکشدرمک ایچون لازم کلدیکی قدر نفرلردن ترکیب ایتدیکی حالدە خارجی پوسته لر بالخاصه پیاده دن تدارک اونلورلر . بونلرک قوتی متحولدر وایلری قره غول پوسته لرینک وظیفه سی کی بر وظیفه یی ایفا ایدرلر .

کویک شمال جبهه سی اک بیوک ته لک یه معروضدر ، بناءً علیه اونک محافظه سی بر ضابط طرفندن قوماندا ایدیان بر پوسته [طولی قوناقلره یرلشمش اولان بلوکن آلسان بر ضابط ایله یارم طاقم] یه حواله ایدیلەجک و مذکور پوسته کویک شمال مخرجنه اقامه اولنه جقدر . کندی نوبتندە بو پوسته ده چفته نوبتخیلر و کوچک پوسته لر [کوچک بر ضابط قومانده سنده] ایله کندیسنی محافظه ایله جکدر . اشته بن بو پوسته نی شو وجهله تقسیم ایدیورم :

پوسته نک بالخاصه کندیسنی شمال جبهه سنک اورته سنده کی مخرجده بولنور؛ سلاح چاتیلرینک اوکنده ده بر نوبتخیسى واردر .

بر کوچک پوسته (نومرو - ۱) (فلوری) نک شرقنده یولک آیرلاینی نقطه ده (۲۱۸) بولنور؛ وظیفه سی (هوپیال) اورمانلری جهته ده کی اراضی یی کوزه تمکدر .

بر چفته نوبتخی (نومرو - ۲) تخمیناً (۳۰۰ : ۴۰۰) متره ایلریده (طونو) استقامتده .

دیگر بر چفته نوبتخی (نومرو - ۳) کویک یانمال غربی

چیقندیسندہ ویا بوچیقندینک همان ثمالندہ (فلوری) یی جادہیہ ربط
ایدن یول اوزرندہ۔ اصل پوستہ نک، کندیمی دہ (ہوپیتال) اورمانلری
جہتہ کشافلر کوندردہ رک وایلری قرہ غولار قسم کلیسیلہ ارتباط
حاصل ایدرک بودیدیکمز امنیت ترتیباتی دہا زیادہ اگال ایلیہ جکدرہ
کویک تہلکہیہ اک آرز معروض اولان شرق، غرب و جنوب
جہہلرینہ کلنجہ، اورالرہ یالکزر آنلرک جوارندہ قوناقرہ یرلشمش
بولنان بلوکلردن تدارک ایدیہ جک کوچک پوستہلر [کوچک ضابطلر
قوماندہ سندہ] کافیدر۔

برکوچک ضابط پوستہ سی [(نومرو - ۱) برکوچک ضابط ایلہ
۹ نفر] ہوپیتال اورمانلرینہ کیدن یولک مبدأ نقطہ سنہ یدلشدیریلہ -
جکدرہ . بوپوستہ ، یوزی اورمانلرہ متوجہ و تخمیناً باغلرک چیقندیمی
یانندہ (تخمیناً ۴۰۰ مترہ قدر ایلریدہ) اولوق اوزرہ برچفتہ نوبتجی
چیقارہ جقدر . اوسایہ دہ بو نوبتجی کیجہ انسانندہ (۲۱۸) راقلی
محل یانندہ یولک آیرلدینی نقطہیہ وضع اولنان پوستہ ایلہ ارتباط حاصل
ایدہ بیلہ جکدرہ . برنومرولی پوستہ اوندن بشقہ ، (ہوپیتال) اورمانلری
جہتہ کشافلردہ کوندردہ جکدرہ ؛ بناءً علیہ $۶ + ۳ = ۹$ نفر دن
عبارت اولہ جقدر .

برکوچک ضابط پوستہ سی (نومرو - ۲) (برضابط ایلہ ۹ نفر)
کویک جنوب مخرجنہ قونیلہ جقدر . بوپوستہ (نوتردام) یولک
دیرسک نقطہ سنہ برچفتہ نوبتجی چیقارہ حق و باغلرک جنوبندہ (ہوپیتال)
اورمانلرینہ طوغری کشافلر کوندردہ جکدرہ .
بناءً علیہ اونک دہ قوتی اوتہ کیسی کی (۹) نفر دن عبارت بولنہ جقدرہ .
(تویلہری) جہتندہ کی مخرجی طوتمق لازم دکلدہ .

(توبله‌ری) ده طوبلی قوناقلرده کیجه‌یی کچوره‌جک اولان بلوک (فلوری) به آیریلان یول یاننده‌کی اوه برکوچک ضابط پوسته‌سی (برکوچک ضابط ایله ۹ نفر) قویه‌جقدر . بوپوسته ایلریده بیوک یول اوزرینه برجفته نوبتچی چیقاره‌جق و (پویی) استقامته ده بعض کشافلر کوندیره‌جکدر . عینی بلوک (موله‌ن‌دوفلوری) به‌ده برکوچک ضابط ایله ۱۲ نفر تفریق ایلیه‌جکدر . بوپوسته کوپری اوزرنده برجفته نوبتچی بولندیره‌جق و (کووری) ایله (قووان - لوکووری) جهته کشافلر کوندیره‌جکدر .

بناءً علیه قوتی $۱۲ = ۳ + ۳ + ۶$ کیشیدن عبارت اوله‌جقدر . یوزباشی . . . بتون شو پوسته‌لری کندی اداره‌سی آلتنده بولندیره‌جقدر . مومی‌ایله اونلری یرلشدیره‌جک ، اشارت‌لرینی سویله‌جک و کیجه ، کوندوز اونلری کندیس‌ی زیارت ایلیه‌جکدر . یوزباشی . . . به معاونت ایچون بردوریه ضابطی تفریق ایتک‌ده ممکن اولور .

یوزباشی . . . بر باصقین ظهورنده قطعاتک اجتماع نقطه‌لری نرم‌لری اوله‌جق اونلری‌ده کوستره‌جکدر . بونقطه‌لر بروجله‌اتخاب ایدملش‌لردرکه ، بر هجوم وقوعنده قطعات عسکریه‌دن هیچ بریسی دیکرینی تعجیز ایتمک‌سزین و چار چابوق اورالره جمع اولنه‌بیله جکدر .

(توبله‌ری) باوکی اولدینی محله طویلا نه‌جق و بیوک بنایی اشغال ایلیه‌جکدر . مذکور بلوک بوجهله کویک غرب جهه‌س‌ی اورتمش بولنه‌جقدر . دیکر اوچ بلوکک اجتماع نقطه‌سی کویک شمال جهه‌س‌نک اورته‌س‌نده‌کی بیوک مخرج اوله‌جقدر . زیرا اغلب احتماله‌کوره بالکز کویک بوکناری طوتیله‌جق کبی کورینور . سواری بلوکی سواق‌لردن

پرسنده اجتماع ایتمکن ایسه کویک طیشاریسندہ اجتماع ایلہ جکدر . چونکہ سوق قار پک طار اولدیغندن اورادہ دونیش حرکتلری یایمق محالدر . (نوتردام) جهتندہ کی مخرج سواری بی تعجیز ایتمه مک وکندیسی ده تعجیز ایدلمه مک فکریله بطریقه تخصیص ایدلایکندن سواری بلوکی ایچون یا (تویله ری) جهتندہ کی مخرجی ویا (هویتال) اورمانلرینه کیدن یولک مبدائی انتخاب ایتمکه سر استسکرز . لکن اورمانلر جهتندہ کی مخرج بلوکک اجتماعنه کفایت ایتمه مک درجه ده طار اولدیغندن اک ایوسی (تویله ری) جهتندہ کیسینی انتخاب ایتلیسکرز . طویچینک اجتماع نقطه سی دائما ، دشمنک کلدی محتمل اولان استقامتک عکسی جهتندہ واقع کندی یارق محایدر . بورادہ طویچینک اجتماع نقطه سی (نوتردام) جهتندہ کی مخرج اوله جقدر .

خلاصه ، پیاده صورت عمومیه ده مسکون محل ایچنده ومدافعه ایدیله جک منطقه یاننده ، سواری ایلہ طویچینی ایسه مسکون محلاک خارچنده ومختلف نقطه نرده اجتماع ایدرلر . هر جزء تام ایچون کوستریان اجتماع نقطه سی ایلہ ، برهجوم وقوعی حالنده ، اگر امر ویرلش ایسه ، عموم عسکرک طویلانمنسه مخصوص اولان تجمع نقطه سنی برندن فرق ایتک لازمدر . امرده عموم ایچون بویله بر جمعیتکاه کوسترلیدیکی زمان مختلف قطعات عسکریه یکی اسرلر بکلمکسزین طوغریجه اورایه قوشارلر . بورادہ پیشدار قوماندانی عسکرک عمومونه شامل اولمق اوزره بر جمعیتکاه کوستر مکدن صرف نظر ایلدی . چونکه پیشدار قسم کلیدی قطعاتندن هر بریسنک کنندی اجتماع محللارنده امر بکلملری لازم کلدیکی دها مناسب عد ایدیور . لکن اگر سز پیشدار قسم کلینی ممکن مرتبه دها چابوق بر صورتده جمع ایتک ایستیور ایدیسه کز ، امرده : « جمعیتکاه

(پوئی) نك جنوب مخر جیدر ، كبی برشی علاوه ایتمکن لازم کایدی .
 بوحاله نظراً اقسام عسکریه دن هر بریق ایلک اوکجه کندی اجتماع
 محله ده طویلانه زق صکره چار چابوق وینه یناشیق نظامده اولق
 اوزره (پوئی) نك جنوب مخر جنه کیده جک ایدی . یالکز بر هجوم
 حالده دشمنه مقاومت ایچون قطعات عسکریه نك هپسی عین نقطه دن
 حرکت ایتمک ، عین محله دن ایشه باشلامغه مجبور اولدقلری زمان
 بر جمعیتکاه کوستریلور .

سوزیمی کسمه دن اول شونی ده سویله یم که ، یوز باشی ده . نك
 تنظیم ایدیله جک بوندن بشقه دها بر سوری ایشاری واردر . از جمله هر قطعه نك
 نوبتچی ضابط ویا کوچک ضابطنه ، استکشافه ، خدمت داخلیه یه ،
 قویولر و چشمه لرك عسکر آره سنده توزیعنه ، یم وارزاق تدارکنه ،
 سواققلرك تنویرینه ، مدافعه ایشلرینه و بالخاصه مخرج و مدخللرده
 متحرک سدلر وضعنه ، بیوک آغرقلرك یرلرینه ، برباسقین ظهورنده
 بونلرك نه وجهله حرکت ایده جکلرینه دائر تعلیمات و یرمک هپ اونك
 وظیفه سیدر .



اون طقوزنجی مسئله

شمدی مطالعه ایتدیگمز پشدار امرینی اساس طوتهرق بیکیباشی ق . .
طرفندن ویریله جک ایلری قره غول امری یازیله جق وکوندوز وکیجه ترتیباتی،
نوبتجیلره وارنجه یه قدر کوسترمک اوزره برقروکی چیزیله جکدر . قروکینک
برکنارینه اشارات مخصوصه ایله آقسام مختلفه نلک قوتلری کوستریله جکدر .
آقسامک ساعت (۴) نده ایلری قره غول سواری بلوکنندن آتیده کی
راپور کلور :

« دشمن (سن پرپوا) [« مونتینی نلک جنوبنده] نلک جنوب مخرجنده ،
(سابلون) نلک جنوبنده بیوک یولک (سهیل) دن کچدیکی کوپری اوزرنده
و (بهووی لاهوت) ک غربنده کی تیه ده قازاق اصولنده (۸ : ۶) سواریلک پوسته لر
وضع و تأسیس ایلمشدر . (مونتینی) نلک جنوب مخرجنده ، سواری قیشله سنک
شرقنده تخمیناً برسواری طاقی قدر عسکر وارددر . (سابلون) دن (مایچی) یه
کیدن بیوک یولک مخرج نقطه سننده ایسه (۲ : ۳) طاقم سواری وارددر .
اهالینک دیدیکنه کوره (سابلون) و (مونتینی) ده خصمک برر پیاده بلوکی
اولدینی آکلاشیلور . »

... ..

مختلط ایلری قره غوللر ایچون امر اورنکی

محل

تاریخ ، ساعت

نومرو — ۱

ایلری قره غول امری

۱ — دشمن ایله دوست قطعاتی اوزرینه معلومات. (مفرزه ویشدار قسم کلیرینک نرده اقامت ایتدکلی ، اکر وارسه ، جوار ایلری قره غوللرک یرلری) .

۲ — ایلری قره غول قوماندانی طرفندن اخذ ایدیلن قرار (قولانیله جق اقسام عسکریه هانکیلریدر ، وصورت عمومیه ده ترصد ایدیله جک خط نردن نره یه قدر طوتار . . .) .

۳ — ایلری قره غوللر سوارسی ایچون ترتیبات (دشمنله تماس حاصل ایتکه چالیشق ، صورت عمومیه ده امنیت خطی هانکیسیدر ، مطلق کوزه دیله جک یوللر هانکیلریدر . کشف ایدیله جک ویا کند . یریله ارتباط حصوله کتوریله جک مسکون محللر . پیاده یه الحاق اولنه جق سوارى اقسامی . . .) .

۴ — ایلری قره غول بلوکلی ایچون ترتیبات (صاغدن باشلایه رق ، بلوک منطقه لرینک تحدیدی ، تقریباً بولنه جقلری یرلرک بیانی) .

۵ — ایلری قره غول قسم کلوسی ایچون

ترتیبات (ترکیبی ، محلی ، اگر ایجاب
ایدرسه ، طوغریدن طوغریه بوقسم کلی
طرفندن آلنه جق امنیت ترتیباتی) .

۶ — بر هجوم وقوعنده نه وجهله حرکت
اولنه جقدر (طوتیله جق خط ویا مسکون
محللر) .

۷ — ایلری قره غول قوماندانک یری
(صورت عمومی ده قسم کلیده) .

امضا

امراء قطعات عسکریه به نه وجهله
تبلیغ ایدلدیکی .

تنییه — ایلری قره غول قوماندانک ایکی امر ویرمسی قاعده دندر .
برنجیسی علی العجله خدمتک جریانی تأمین ایتک ایچون الک اول یاپلمسی لازم کلن
ترتیباتی حاویدر . ایکنجیسی برآز صکره یعنی آلنان ترتیباتی اراضی اوزرنده
بر تفتیش ایتدکن صکره ویریلور . وبو واسطه ایله ترتیبات عمومیه اکمال
ایدلش بولنور .

عمل

تاریخ ، ساعت

نومرو — ۲

ایلری قره غول امری

۱ — دشمنه دائر معلومات (اگر برنجی امر ویرله کدن صکره بشقه بر حوادث آلمش ایسه) .

۲ — ایلری قره غولر سوارسی (بر باصقین ظهورنده نه وجهله حرکت ایده جکی . کیجه عودت ایله جکی ساعت و طوته جنی یر — کیجه اشناسنده کی وظیفه سی . کوندوز یرلرنی تکرار اشغال ایتک ایچون ایرتسی کون نه زمان حرکت ایده جکی . شفقله برابر کوندریله جک کشاflر) .

۳ — ایلری قره غول بلوکلی (بر باصقین ظهورنده نه وجهله حرکت ایده . جکلری ، کیجه یرلری هانکی ساعتده اشغال اولنه جقلردر . اگر لزوم کوریلورسه ، کیجه کشاflرینک تعقیب ایده جکلری استقامتلا ، جوار قطعات ایله تأسیس ایدیله جک ارتباط — ایرتسی کون تکرار کوندوز یرلرینک اشغالی) .

۴ — ایلری قره غول قسم کلیسی (نه . وجهله حرکت ایده جک ، اگر ایجاب ایدرسه کیجه لین آله جق ترتیبات ، ایرتسی کون سلاحه صارلق ایچون هانکی ساعتده حاضر بولنه جقدر) .

۵ — قېو پوسته لرېنك وضع ايديله جېكلرى

يوللر .

۶ — اكر ايجاب ايدرسه مدافعه ايشلرى

ويوللر ك سدى .

امضا

امرك قطعات عسكريه يه نه وجهله
توزيع ايدلديكى ..



يکرمنجي مکتوب

ایلری قره غوللر — ایلری قره غوللار ترتیباتی کوستر برقروکی .
 پیشدار توقف ایتدیکی زمان پیاده اوجی (پویی) یه واصل اولور .
 سوارینک ایلریده ایجه اوزاقلرده بولندیغی و (پویی) نك شمالنده کی
 اراضی یی طرامقده اولدیغی کچن مکتوبده کورمش ایدک . ایلری
 قره غوللر صورت عمومیهده یرلرینه یرلشمش اولنجه یه قدر مذکور
 سواری بو استکشاف خدمته دوام ایدم جکدر .
 بیکباشی ق .. پیشدار امرینی آلدینی زمان ایسترسه ، بلوک
 قوماندانلرینی یاننه چاغردقدن صکره . برنجی امرینی یالکیز خریطه یه
 باقهرق درحال ویره بیلور . واکر زمان غائب ایدلمش اوله جغندن
 برقورقوسی فلان اولمزسه ، اووقت بردن بره ایلری کیدرک ، اشغال
 اولنه جق اراضینک قسم اعظمی کورمکه مساعد یوکسک برنقطه یه
 چیققدن صکره امرینی ویرر . بوکی حاللر ده سواری یه اکثریا
 تحریراً امر کوندریلور ؛ زیرا ، اوزاقده بولنیور و آنی یانکزه
 چاغرمق هیچ برزمان سزک ایشکزه کمز .

بورادم بیکباشی ق .. بلوک قوماندانلریله برابر ، (پویی) نك
 شمالنده کی تپه یه کیتمک ایچون همان درت نعل یوروشنه کچه جکدر .
 افقی ایوجه برکوزدن کچوردکدن صکره مومی الیه ویره جکی امرلری
 آرتق خریطه سنه کوره ویره بیلور . شبهه سز ، ایلری قره غوللرک
 بولنه جقلری یرلری بدایتده دهاقطی برصورتده تعیین ایتمک ممکن
 اولوردی ؛ لکن بونک ایچون ایلک اوکجه اراضی یی ایودن ایویه
 برکشف ایتمک لازم کلوردی ؛ بوایسه بیلورسکز چوق زمان ایستره .

حال بو، که البت خاطر کزده قالمشدر؛ بن کچن مکتوبمده ، اصل ایش امنیت ترتیباتی کمال سرعتله آلهرق وقت ضایع ایتمکسزین هرکسی استراحت ایتدیرمکدن عبارت اولدیغنی ایضاح ایلش ایدم . فصل اولورسه اولسون، ایلری قره غول قوماندانی اشغال ایدیله جک خطی مؤخرأ بر کز مکّه مجبور اوله جق دکلیدر؟ اوله ایهه مومنی ایهه اوزمان تفرعاندّه کوریله جک قصورلری تصحیح ایده جکی کبی، لزوم کوریلورسه بعضی ترتیبات متممه ده اخذ ایتش بولنه جقدّر .

اولجه آنان ترتیباتی کوکندن صارصه جق وجهله تعدیلات جدیدّه بولنمقدن چکنمک لازمدر .

ختلط ایلری قره غوللر: ایلری قره غوللر سواریسنی، ایلری قره غول بلوکلرینی و ایلری قره غول قسم کلیسینی حاویدر. اوله ایهه، بیکباشی ق . . ایلک اول بو اوج قسمک یرلرینی برصورت عمومیه ده تعیین ایتمکه مجبوردر . اولجه دهه ، یالکنز بللی باشی یوللری ترصد ایتدیرمکله اکتفا ایلیمک دکل، بالعکس دشمنک یقینلقدن طولانی ، مومنی ایلک قول اردو ایلری قره غوللرینه ارتباط حاصل ایده جک صورتده مکمل بر ایلری قره غول ترتیباتی آلمغه مجبور اولدیغنی سویلمش ایدم .

ارتباط نقطه سنده (قره پی) اورماننک غربنده (قارره) اورمانی واردر . بوندن صکره خط ، (هوت که نوط) ایلّه تعیین ایدلش بولنیور . خریطه یه نظرأ بوتپه دن (سن پی یر) دره سنک وادیسی کاملاً کورلدیکی آکلاشیلور. (مانی) نک جنوب شرقی سنده کی (۱۹۴۰۷) راقلی محله کلنجه بوراسی دهه شمالده بولنان اراضی یی ستر ایده جک کبی کورینیور . (۱۹۴۰۷) راقلی تپه دن (بهووی —

لا هوت (تپه لری ایله (سهیل) وادیسند (مانی) یه طوغری اولان اراضی ایجه کوریلور . (مانی) نك غربنده (سهیل) وادیسی (هوت بوتان) ایله ستر ایدلش بولنیور . بناءً علیه هرشیدن اول شو اوچ تپه دن سواری ایچون نه یولده استفاده ایدیله جکتی بر آ کلامق لازمدر . اکر (هوت که نوت) اوزرنده بر ترصد پوسته سی قونیلور سه ذاتاً (بهووی - لاهوت) و (هورکنه - اوسابلون) ده کورلمش اولان دشمن کشافلرینی (۱۹۴۰۷) راقلی تپه یه یا قلا شمدن بر آز منع ایده بیله جکسکز . حال بوکه دشمن کشافلری اکر فی الحقیقه دیدیکمز تپه یه کله جک اولور لسه آلتان امنیت ترتیباتنک هیچ دکسه بر قسمی کشف ایتمش بولنه جقلردر . بناءً علیه ایشه کور یورسکز ، سز دشمن کشف قوللرینک اورایه قدر کلرینی منع ایتمکه مجبور سکز . باخصوص امنیت منطقه سی داخلنه کیرمی قابل اوله میان (بهووی - لاهوت) صرتلرندن بر آز صکره ایلری قره غوللرکز طرفندن اخذ ایدیله جک ترتیباتنک بر قسمی کشف اولنه بیلدجه ، سزک بو مجبوریتکز ده اوقدر زیاده کندینی کوستر مکده در .

بناءً علیه (۱۹۴۰۷) راقلی تپه یی طوتمق و بورایه کوندر یله جک سواری ، (سن پی ی) دره سندن طولایی ، دیگر سواری قطعه سندن آیرلمش بولنه جتی ملاحظه سنه اهمیت ویرمه مک لازمدر . ذاتاً بودره نك بلکه هر یرندن کچمک قابلدر . (سهیل) دره سنک (مارلی) ده کی کور یسی خصوصی بر صورتده اشغال ایدلمکه محتاجدر . بورایه مأمور ایدیله جک قسم ، (سهیل) دره سنک غربنده کی اراضی یی کوزه تمک وظیفه سیله ده مکلف اوله جقدر . او یله ایسه بیکباشی ق . . کندی سوار یسنه (۱۹۴۰۷) راقلی تپه - (هوت بوتان) - (مارلی) خطقی کوستره جکدر .

سواری بی دها ایلری سورمک فائده سزدر. زیرا اگر بویله یاپاسه سواری دشمنه پک یقین دوشمش اوله جقدی که، بوندن قرشو طرف سواریسیله لاینقطع بر طاقم چرقه جیلقلر ظهور ایدرک اولر سببیه امنیت خدماتنده کی قطعاً تک بوش یره وایکیده بر سلاح باشنه ایتیری کبی بیوک بر محذور چیقاردی. اوندن بشقه سزک اوقدر یقینده برلشمه کوزه خصمک مساعده ایده جکی ذاتاً قبول اولنور برشی دکلدرد. برده نوبتخیلرک وظیفه سی اصل دشمنی ترصد ایتمک دکل، بالعکس اولنرک اصل ایشی ایلریده کی اراضی ایله اتصال یولارینی کوزه تمکدن عبارتدر. یوقسه دشمنی اساساً کشف و ترصد ایلیمک وظیفه سی کشف قوللرینه عائددر.

یالکز پک مستتاً زمانلرده ومثلاً همان دشمن یقینده اقامته مجبوریت کورلدیکی وقت نوبتخیلر هم اراضی بی وهم دشمنی کوزتمک وظیفه سیله مکلف بولنورلر.

ایلری قره غوللر سواری بلوکی ذاتاً اراضی اوزرنده بولندیغندن مذکور بلوکک چیقارمجهنی مختلف پوستلر کندی یرلرینه کیتمک ایچون پک آز وقت صرف ایتمش اوله جقلردر. اغلب احتمال کوره بو پوستلر، پیاده نک کیلری کندی یرلرینه واصل اولمزدن اول وارمش بولنه جقلردر.

پیشدار امری دها اولجه (پوی) نک شرقدی (۲۱۷،۹) راقلی تپیدن، (پوی) ده داخل اولمق اوزره (پوی) یه قدر اولان خطی طومتق لازم کله جکی آ کلاتمش ایدی. بشقه درلو حرکت ایتمک ایچون بر طاقم اسباب خصوصیه اولدقجه ایلری قره غول بلوکلری بو خطی اشغال ایده جکلردر. زیرا، کریده استراحت ایتمکه اولان قطعات عسکریه نک محاربه ترتیبانه کچملری ایچون لازم کلن زمانی

قازانديره جق بالخاصه مذکور بلوکلرک مقاومتیدر. ایلری قره غول
بلوکلرینک خط مقاومت اوزرند. یرلشمیری قاعده دندر، بر هجوم
حائده ایلری قره غول قسم کلیسی ایسه اولنرک احتیاطنی تشکیل ایدر.
صورت عمومیه ده بو ایلری قره غول قسم کلیسی خط مقاومتک کریسند
ومناسبتلیجه انتخاب ایدلش اولان بر نقطه ده بولنور.

ایلری قره غول قسم کلیسنک خط مقاومتی اشغال ایتش اولمی
پک نادر حائلردندر. بوکی زمانلرده ایسه، ایلری قره غول بلوکلرینه
محاربه ایدرک مذکور قسم کلییه چکنملری امر ایدیلور.

پیاده بی (سن پی یر) دره سنه قدر سورمکده بر فائده اولدیغنی
اولجه کورمش ایدک. بوخصوصده مقدما سویلدیکنمز اسبابدن بشقه
نظر دقته آله جق دیگر بر سبب دها وارکه اوده ایلری قره غول
قومانداننک (پوی) نک اوتهلرنده بر محله یرلشهمه مسیدر. بوکودن
(سن پی یر) دره سنه قدر ایسه تخمیناً ۱۸۰۰ متره لک بر مسافه واردرکه
بر ایلری قره غول قسم کلیسی ایچون بومسافه صورت عمومیه ده پک
بیوک بر مسافه در. شبهه سز خدمت سفریه نظامنامه سی ایلری قره غوللرک
اقسام مختلفه سی یکدیگر نندن آیران مسافه لرک قطعیتی بحثده برشی سویلیمور.
بوا یسه البس سزک الیکزی آیاغیکزی باغلاماق ایچون دوشونلش
بر احتیاط در. چونکه مذکور مسافه لری اراضینک واوراده کی
مقصدک حال وشانه کوره تعیین ایتک سزه بر اقلمشدر. لکن، بن
ایلری قره غول قسم کلیسنک ایلری قره غول بلوکلری خطدن برکیلو
متره دن زیاده اوزاق بولنمی فکرند دکم. چونکه اگر فی الحقیقه
اوله اولورسه او وقت کیجه ائناسنده بلوکلر وقسم کلینک متحداً حرکت
ایده بیلملری امکان، آرهدن قالمش بولنق تهلکه سنه معروض قالنور.

كذلك (هوت كه نوط) — (سن تي به بولت) خطك ايلرى قره .
غول بلوكلى طرفدن اشغال ايتديرلمسى مناسب دكيدر؟ كې برسئوال
ايراد اولنه بيلور (اوزمان صول جناحى «پوي» نك غربنده ،
«سهيل» نهرينه استناد ايتدرمك لازم كلوردى) .

شو حالده كوچك پوسته لرك (ايلرى قره غول طاقلىرى) (سن-
پي ر) دره سنه قدر سورملرى ايجاب ايده جكدى . بوخطك پك چوق
عسكركه محتاج اولان وسعت عظيمه سندن صرف نظر ، (هوت كه نوت)
خط مقاومتدن (۸۰۰) ، (سن تي به بولت) ايسه تقريباً (۱۱۰۰) متره
قدر اوزاق بولنيورلر . ديمك اوليوركه ، بوايكي موضعي ايلرى قره .
غول قسم كليسندن آيران مسافه حد اعظمى به تقرب ايتمش اوله جقدى .
بناءً عليه ايلرى قره غول بلوكلىرنيك كيجه لين خط مقاومت اوزرينه
رجعتى اودرجه مشكل برشى اولوردى كه اوزمان امرده سويلانديكي
وجهله (پوي) ده بيله ثبات ايتمك شههلى بولئوردى .

ايوجه دوشونيلنجه كوريلوركه بوراده قاعده عموميه دن آيرلغى
ايجاب ايده جك برسبب معقول يوقدر . باخصوص (قردي) اورماننك
شمال چيقتديسندن (پوي) نك غربنده (سهيل) دره سنك دونك
نقطه سنه قدر ايلرى قره غول بلوكلىرى خطى (۳) كيلو متره اينديرلمش
ومذكور خطك هرايكي جناحى ده ايوجه استناد ايلمش اولديغى حالده
بوكا ده اوقدر زياده احتياج كورلمز .

ايلرى قره غوللر ترتيباتنك درينلكنه كلنجه ، مبتديلر بوخصوصه
اكثرياً مذكور ترتيباته لزومى قدر عمق ويرمه مك كې برخطايه
دوشمكده درلر . قطعات عسكريه نك استراحتده نائل امنيت اولملرى
طوغريدن طوغري به ، ايلرى قره غول خدماتنده عميق بر ترتيبات

۱۰. اخذ ایتمه وایسته در . ایلری قره غول قسم کلیسیله ، بلوکلری آره سنده (۵۰۰ : ۱۰۰۰) متره وبلوکلر ایله طاقلار بیتنده کذلک عین مسافه ، کوچک پوستلر (طاقلار) ایله نوتخیلر خطی بیتنده (۲۰۰) متره فرض ایدرسه کز ایلری قره غول ترتیباتنک قسم کلیدن نوتخیلر خطه قدر اولان درینلکی ۱۴۰۰ : ۲۴۰۰ متره یعنی وسطی اوله رق (۲) کیلو متره قدر برشی ایدر . کوندوزین ایسه پیاده نك ایلرو سنده سواری ده واردر .

استراحت حالنده بولنان اصل قسم کلی بی تهدیده مقتدر اولمزدن اول دشمن ، بوسویدیکمز مسافه بی کاملاً محاربه ایدرک قطع ایتمه مجبور اولدینی کبی اوندن بشقه ایلری قره غول قسم کلی سندن اصل قسم کلی یه قدر اولان مسافه بی ده قطع ایتمه مجبوردر .
اوله ایسه ، بن آرتق امرلره کچه رک درحال اونلرک هیئت عمومیه سنده ایلری قره غوللرک اقسام مختلفه سنه عا ند اولان نقطه لری ذکر و بیان ایده حکم . ایکی امر ایچون بر آز یوقاریده کوردیکمز نمونه لر اونلردن هر بریسه نه کبی شیلرک عا ند اولدینی سزه کوسترمکه مساعد درلر .

- (۱) نجی ماده : پیشدار امرینک عین ماده سنه مطابقدر .
- (۲) نجی ماده : تروصد اولنه حق خطی پک عمومی بر صورتده کوستریور ، بونک تفصیلاتی سز اونه کی ماده لرده بوله جقسکمز . ماده مذکوره شویله یازلمشدر :

« ۹۸ نجی پیاده آلاینک برنجی طا بوریه ۹ نجی دراغون آلاینک برنجی بلوکی ایلری قره غوللر خدمتنه مأمورددر . بو ایلری قره غوللر (قره پی) اورمانک شمال چیقندی سندن (سهیل) دره سنه قدر اولان خط اوزرنده یرلشه جکلردر . »

(۳) نجی ماده : بروجمله ترتیب ایدلمشدرکه بتون تفرعات، اراضی به ایوجه آیشمش اولان سواری بلوکی قوماندانك فکرینه براقلمشدر . متحرکلیکی حسیله ایلری قره غول سواری بلوکی ، ایلری قره غول پیاده سنه نظراً کندی ایلک موضعلرینه دهآز باغلی بوانور . سواری بلوکندن یالکز برنی ایستئیورکه اوده شودر: پیاده ، برهجوم وقوعنده حاضر بولنه بیلکم ایچون اولدقجه وقتنده اوکا معلومات ویرمک .. سواری بلوکی (بهووی - لاهوت) ، (کولو) به و (سابلون) ه کیدن یوللری طبعی ترصد ایدم جکدر ؛ لکن سواری بلوکی طرفندن کوندریله جک کشف قوللرینك ایچه اوزاغه کیده جکلرینه دهآز یاده امین اولق ایچون امرده بوخصوصی ذکر ایتسه کز فنا اولمز ، ظن ایدرم . هر حانده (سایل) دره سنك غریبنده (سابلون) و (موتینی) جهتلرینه طوغری اولان اراضینك کشف وترصد ایدلمسی وجوار قره غوللر ایله ارتباطك تأمین اولغسی لزومنی مطلق امرده ذکر واصرار ایدم جکسکز .

مخبره سواریلرینه کلنجه بونلردن ایلری قره غول قسم کلیسنه (۴ : ۶) ، ایلری قره غول بلوکلرندن هر بریسنه ده کذلک اک آزینه بوقدر ویریه جک طاقلمه ایسنه ، ایلری قره غول بلوکلرندن آلتق اوزره یالکز (۲) شر سواری الحاق اولنه جقدر . طاقلمك عددی ایله ، بوندن طولای ، سوارنی به اوله جق لزوم و احتیاجی اولدن قطعی بر صورتده تعیین ایتك قابل اوله میه جغنی خاطر دن چیقارمیکنز . بناء علیه بوسواریلری تصرفه قوللانمغه باقیکنز .. بر بلوکه یالکز (۴) سواری ویره بیامك ایچون امر ویرلدیکی زمان ، مذکور باوكل ساده بر طاقم چیقارمش اوله جفندن (مثلا اراضی آچیق و کلمسی قولای ایسه) قطعاً

امین بولنه کز لازم کلور. ایلری قره غول قسم کلیسنه (۴) سواریدن
 زیاده ویرمک پک نادر در، چونکه بوسواریلر اوراده یالکز امر
 کوتورمک وظیفه سنه تعیین ایدلمش بولنیورلر؛ اونک ایچون یالکز (۴)
 سواریه مذکور وظیفه یی کورمک پک اعلا ممکندر. دیگر جهندن،
 مهم بریول اوزرینه یرلشدیرلمش اولان بلوکلر، کیجه لین ایلری یه
 طوغری سواری کشافلری کوندرمکه مجبور درلر. بناءً علیه ایکی
 طاقه ویریه جک سوارینک عددی (۴) قبول ایدیه جک اولورسه
 اوزمان بوبلوکلردن هر بریسنه (۶) شر سواری فضله ویریه رک
 بونلردن (۳) ر آتلی (۲) کشاف تشکیل اولنه جقدر. شو حسابیه کوره
 هر بلوکه (۱۰) عدد سواری ایه بونلره قوماندا ایتک اوزره برکوچک
 ضابط ویرلمش اوله جق دیمکدر. بوندن طولای آرتق اولنره مخابره
 خصوصنده قوللانمق ایچون (۲) شر آتلی دها ویرمک لزومسزدر.
 لکن بلای باشلی یعنی مهم بریول اوزرنده یرلشمش اولان هر بلوک
 ایچون بویه (۱۰) سواری ویرمک ثابت برشی دکدر. هر حال
 خصوصیده سوارینک عددینی شدت لزومه کوره حساب ایتلی در.
 بوسواریلر کندی خدمتترینی اوکره ندکلری کی همان پیاده اقسامی
 یانه کیدرلر. بناءً علیه اک قیصه یولدن درحال کندیلرینه کوسترلین
 قطعه یه مراجعت ایدرلر. لکن اورایه اصل اولنجه، ینه درحال
 یوروش یایمغه یعنی بریره مأموراً کیتمکه مجبور دکل ایسه لر، هم
 کندیلرینی وهم حیوانلرینی استراحت ایتدیره بیلورلر. هر قدمه
 یاننده کی سواریلردن یالکز بریسی دائماً ینوب کیتمکه حاضر
 برحاله طوره جقدر. کوندوزلری، ایلری قره غول بلوکلری ایه

ایلری قره غول قسم کلیسی آره سنده تأمین ارتباط ایلیمک ایچون
(وه لوسیت) سوارلر قوللانیله جقدر .

لکن ، اصولاً دشمن استقامته کوندربلن سواری کشف قوللری
اکثر احوالده امنیتی استحصاله غیر کافی اولورلر . بناءً علیه سواری به
کیجه لین بیله دشمن ایله اولان تماسنی محافظه ایلمسنی امر ایتک
لازمدر .

شمدیکی حالده (مانی) — (لوسابلون) و (مارلی) — (مونیتی)
استقامتاری اک مهم استقامت لردر . اگر دشمن ایله اولان تماسی
یالکزی ایلری قره غول بلوکلرندن کوندربلش اولان سواری کشف
قوللری واسطه سیله محافظه ایتک ایستیورسه کز ، بو خصوصده موفقیت
حاصل ایدم جککزی پک شبه لیدر . (پوی) دن (سابلون) ه قدر اولان
مسافه ایجه بیو کدر . بناءً علیه سز ، حیوانلری کزی بر آزیورمش
اوله جقسکز . (مارلی) و (مونیتی) آره سنده ایسه خدمت ده
مشکل اوله جقدر . آنک ایچون کوچک سواری قسملری ایله ایلری
قره غول پیاده سنک ایلروسنده کی بعض نقطه لری دائمی برصورتده
اشغال ایتدیرمک دها عملی در . مذکور نقطه لر بوراده (مانی) ایله
(مارلی) نک غرب قسمیدر .

بودیدیکمز سواری اقسامی بو وجهله پیاده نو تجیلر خطنک ایلروسنده
بولنش اوله جقدردر . شمدیکی حالده بن دشمن ایله اولان تماسی دها بو
تأمین ایتک ، سواری بی تصرفله قوللانق فائده سنی حاوی وهرثانیه ده
ایلری قره غول بلوکلرینی تعجیز ایتمکه حاجت براقسزین دشمن
کشف قوللرینی بوسکورتیمکه مساعد اولان شو اصولی قبول ایدیورم .
طبیعی بوسواری اقسام عسکریه سی کیروده کی پیاده بی بالقوه

محافظه ایتمک وظیفه سیله مکلف دکلدرلر. بناءً علیه شاید اونلر دشمن طرفدن کیرویه پوسکورتیه جک اولورلرسه رجعت ائناسنده هانکی استقامتی طوتارلرسه طوتسونلر. بونک اهمیت یوقدر. کپروده کی قطعاً تک امنیت استیصال ایلیمک وظیفه سی پیاده ایلری قره غول بلوکلری خطنه عائددر .

برده مذکور سواری اقسامی بولندقلری یرلره باغلی دکلدرلر. احواله کوره، دشمنک حرکتیه نظرآ. حرکت ایتمک اونلرک الندهدر . بو ایکی سواری پوسته سنه قوماندا ایتمک ایچون یالکیز برضا بط یتیشور. بیوک یول اوزرنده کی ایلری قره غول بلوکی کرک (مانی) ده وکرک (مارلی) نک غرب قسمنده یرلشمش اولان سواری پوسته لری ایله ارتباطده قالغه مجبور اولدیغندن کندی مخبره آتیلرندن فضله ده ا یکی سواری کشافی آله جقدر. بوکشافلر ، یالکیز امنیت ترتیباتی داخلنده کزینه جکلری ایچون، یالکیز ایکیشر سواریدن (قوماندان ایله برابر) عبارت بولنه جقدر . او یله ایسه بیوک یول اوزرنده کی ایلری قره غول بلوکی بو خدمت ایچون درت سواری آله جقدرکه ، بو وجهله اونک یانیده کی سواریلرک عددی (۸) . چیقمش اوله جق دیمکدر .

ایلری قره غول بلوکلری طرفدن طوتیه جق خط (قره پی) اورماننک شمال چقیته سیندن باشلار و (پویی) نک غربنده (سهیل) دره سنک دونک نقطه سنه قدر امتداد ایلر . خط مذکورک منطقه لره تقسیمی طرق اتصالیه شیکه سنه تابعدر. ممکن اولدیغی قدر دشمن جهته کیدن یوللاردن هر بریسی بر بلوک طرفدن طوتلمش بولنلیدر . بر وجهله که ، دشمنک مهم قطعات عسکریه سی سرعتله یوروش یایمق ایچون یوللر اوزرنده قالغه مجبور اولدیغندن (باخصوص کیجه لین

بر باصقین یا به جق اولور لر سه) بالضروره ایلری قره غول بلوکلرندن بریسی اوزرینه دوشمش بولنورلر . بیوک یوللرک خارچنده اجرا ایدیله جک تشبثاته کلنجه ، بولنر آنجق کوچک قطعات عسکریه طرفدن یا بیله بیلورلر . حتی ، ایلری قره غوللری تعجیز ایتمه مقتدر اولسه لر بیله مذکور قطعه لر اصل قسم کلی ایچون بر تهله کی یی داعی دکدرلر .

(پونی) دن (میچ) ه کیدن بیوک یول بوراده دشمنک یا قلاشه جفی بللی باشلی بر یولدر . بناءً علیه اورایه بر بلوک قونیه جقدرکه مذکور بلوک کویک شمال کنارنده یرلشه جک واونی مدافعه ایلیه جکدر . بو بلوک کاملاً ، یوز باشیسی طرفدن انتخاب ایدیله جک بر محله آچقده قونه جقدر . ینه بو بلوک یری دیکرلرک یری تعین ایتک ایچون سزه بر نقطه اساس تشکیل ایده جکدر .

بر ایلری قره غول بلوکی کوچ اولیان بر اراضیده (۲) کیلو متره قدر برجیه یی ستر ایده بیلدیکندن اشبو بلوکه (سهیل) دره سنک دونک نقطه سندن (بویون) دره سینه قدر اولان منطقه تخصیص اولنور . بو وجهله بلوک منطقه سی پک واضح بر صورتده تحدید ایدلمش دیمک اولور . ایلری قره غول خطنک (قره پی) اورمانه قدر دیگر قسمی تخمیناً (۱۶۰۰) متره امتدادینی حائردر . بو منطقه دیگر بر بلوکه حواله ایدیله جکدرکه ، مذکور بلوک (۲۱۷،۹) راقلی تهده یرلشه جک واونی الده بولندیره جقدر . بلوک بولنه جفی یر ، براز اول دیدیکمز کی ینه کندی یوز باشیسی طرفدن انتخاب اولنه جقدر . بو منطقه دن دشمن جهته کیدن هیچ بر مهم یول یوقدر . یالکنز (هوت که نوت) ک شرق میللرینی (مانی) ویا (قره پی) یه ربط ایدن بر اتصال یولی براز نازر دفته آلفه مستحقدر . لکن

کیجه ائناسنده بیله اوزرنده برکشف قولى بولندیرلمسنى ایجاب ایدم جک قدر مهم بر یول اولدیغنى ده سزه خبرم ویریرم . بناءً علیه بو بلوکه کشف خدمتى ایچون فضله سواریلر ویرمه که لزوم یوقدر .

اصلا خاطر دن چیقارمیکز که ، سواری کشف قوللرینک کیجه ائناسنده قوللانلمسی یالکنز باشلیجه طرق اتصالیه اوزرنده اوله بیلور . زیرا اگر سز کوندوزین ایوجه یورولش اولان حیوانلره کیجه لین دخی بر خدمت کوسترمه جک اولورسه کنز ، بو حیوانلر ایرتسی کون آرتق جدی بر ایش کورمه غیرمقدر بولنورلر . بوراده کی سواریکز عددجه آز اولنجه سز بو سوبلدیکنز خصوصه ده اوقدر زیاده اهمیت ویرملیسکنز . اوله ایسه آیکنجی منطقه ده سواری کشفلری یرینه پیاده کشفلری چیقاریله جقدر . بولر کیجه ائناسنده یقینه کی پوسته یعنی (قره بی) اورمانک شرقنده کی قدمه ایله تأمین اتصال ایدم جکلردر . اگر پیاده دن کشفلر چیقارمقله برابر سزینه بو بلوکه بر سواری کشفی الحاق ایتک ایستیورسه کنز ، اوزمان مذکور بلوکه (۷) سواری ویرملیسکنز .

کندی امنیتلرخی ، قوتلرخی متحول کوچک پوسته لر واسطه سیله استحصال ایتک بلوکلره عائددر . ایلری قره غول قوماندانک بو خصوصه ویریه جک امرلری یوقدر . لکن ، بعض احوالده مومی الیه کشفلرک ، اوته سنه کچمامکه مجبور اولدقلری خطی کوسترر . صورت عمومیه ده پیاده کشفلری نوبتخیلر خطدن اصلا برکیلو متره دن ده اوزاغه کیده مزلر . ذاتاً عسکر کوندوزین یورغون اولدینی ایچون اوندن پک چوق شی ایستیمک ایو دکلدر . باخصوص نفرلر کیجه استراحت ایدرک اعاده قوت ایتدکلری حالده ینه ایرتسی کون اونلردن

دها برچوق مساعی بکنیله جکدر. نوبخیلر خطی تقریباً (هوت که-
نوت) و (سن تی به بولت) دن کچدیکی ایچون پیاده کشفالرینک
(سن پی بهر) دره سنک اوته سنه کچما ملری پک اعلا امر اولنه بیلور.
قارشی ساحلده بولنان سواری سزک بو خصوصده کی نقصانکزی
اکال ایدم جکدر.

ایلری قره غوللری ایوجه بر صورتده یرلشدیرمک خصوصنده
اک چوق زحمت چکن پیاده اولیان ضابطلردر. بناءً علیه امنیت
ترتیباتی تنظیم ایلیمک خصوصنده تعقیب ایدیله جک اصولی سزه
سویلیمک ایستیورم. ایلک اوکجه ایلری قره غوللر منطقه سنی قطع
ایدن یوللرک اک باشلیجه سنی آراییکز. اونو بولنجه هان اورایه بر بلوک
قویه رق مذکور بلوکه کندی منطقه سنی کوستریکز. صکره اراضینک
کیرویه قالان قسمنی دیگر بلوکلریکز آره سنده تقسیم ایدیکنز، بر شرط
ایله که، بلوکلردن هر بریسی محافظه ایدیله جک (۲) کیلو مترلک
بر یره مالک اولسون. بلوک منطقه لرینه حدود اولق اوزره اک ایوسی
خندکاری، دره لری، بطاقلی چایرلری و سائره نی کوستریکز. لکن
طرق اتصالیه نی هیچ بر زمان بومقصد ایچون قوللانماییکز. بیوک
بریول اوزرنده بولنیهان بلوکلر، ممکن اولدقجه ینه یوللردن بری
اوزرنده یرلشدیرلملیدرلر.

اگر - اهمیتلری مساوی بر قاچ یول ایلری قره غوللر منطقه سنی
قطع ایدیورسه اونلرک ایچندن فلان ویا فلان یولی عادی بر پوسته ایله
ترصد ایتدیرمک کافی اولوب اولمدیقنی ایوجه بردوشونیکز. خلاصه
هر یرده اولدینی کبی بوراده ده تصرف قوت قاعده سنه رعایت ایتمکزی
توصیه ایلرم.

ایلری قره غول قسم کلیسی دشمن نظرندن مستور بولنملی والدن کلدیکی قدر مقاومت خطك کیروسنده اک باشلوجه یول اوزرنده یرلشدرملش اولمیدر. بوقسم کلی یرلشدیکی نقطه دن خط مقاومتک هر هانکی یر نقطه سنه اولورسه اولسون ، کمال سرعتله یاردم ایدم بیلملی در. ایلری قره غول قسم کلیسی سلاحه صارملق ایچون حاضر طورمقدمه کی مجبوریته کوره یا آچیقده ویا قوناقلرده کیجه یی کچیرر . بوشمدیکی حالده قسم کلی (پوی) نك جنوب کنارینك غرب قسمنده و آچیقده یرلشه جکدر .

بوراده مذکور قسم کالی (بهووی - لاهوت) و (مری - له مچ) جهتلرندن کورلیه جکی کچی اک زیاده تهلمکله معروض اولان منطقه نك کیروسنده باشلیجه بولی الده بولندیره جقدر. بوراده دشمنك یقین اولسی ایلری قره غول قسم کلیسی ایچون کرک عادی قوناقلر وکرک طوبلی قوناقلرک تطبیق ایدلمسینه مانعدر . بالمكن آچیقده قولندینی زمان بر نمرولی ایلری قره غول بلوکنی حمایه ایتمک دائما ده ا زیاده حاضر بولنله جقدر . حالبوکه ، اگر ایلک اوکجه بلوکاری اولردن وحوایلردن چیقارتمق وصره اونلری کویک سوقاقلردن بریسنده طوبلامق لازم کلسه ایدی ؛ اوزمان بر نمرولی بلوکی حمایه ایتمک خصوصنده ایجه کیچ قالینوردی .

یاغور یاغدینی ویا پک صفوق اولدینی وقت بویله حرکت ایدلر . اوپله زمانلرده قطعات عسکریه یی تأثیرات هواشیدن قورومق لزومی ، بعض محذورلری نظر دفته آلمیه رق ، ایلری قره غول قسم کلیسی طوبلی قوناقلره یرلشدرمه کی مجبورایدردی . و بونقطه نظر دن (پوی) ده برچوق اولر انتخاب اولنوردی . بناءً علیه کمال سرعتله سلاحه صارملق

لزومی ده بعضاً احوال مجبره دن طولانی نظر دفته آلمش اوله میور . عملیاتده قوماندان اولان ذاتک طبیعتی بیله بوکی شیرده داخل حساب ایدیلور . مثلاً قورقاق برضابط اولور ، کندی قطعه عسکر په سنی اک فنا برهواده بیله آچقده یاتیرر . اوتهدن دیگر برضابط چیقار ، اک کوزل بریاز کیجه سنده عسکرینی اولره طیقار . بوراده حقیقت حالی ایستر ایسه کز ، ایشک اورطه سنی بولمه چالیشکز . اکر دشن پک یقین اولور وسزده کندی امنیتکز دن قورقیور ایسه کز ، هوا نفراتک محترنده جدی برسوء تأثیر کوسترمیه جک قدر فنا دکلسه ، ایلری قره غول قسم کلیکزی آچقده قوندیریکز . شو حالده تعیه وضعیتک ، نه اولورسه اولسون ، آچقده قالمی ایجاب ایدمه جک درجهده فنا اولوب اولدیغنی کندی کزدن برصوریکز . اکثریا ایلری قره غول قسم کلیکزی کوی اردوگاهلرینه ویا طویلی قوناقلره یرلشدیرمک ممکن اولدیغنی کوره جکسکز .

بوراده ایلری قره غوللر غربدن (سهیل) دره سنه استنادایتدیکندن و (۱) نومرولی ایلری قره غول بلوکی شرقده امنیت استحصاله کافی اولدیغدن قسم کلی مستقل پوسته لر کوندرمهک احتیاج کورمز . یوقدر محدود اولان برمنطقده ایلری قره غول قسم کلیسک امنیت استحصال ایچون خارجی پوسته لر قوللانمغده لزوم یوقدر . مذکور قسم کلی یالکز کندی نظام قره غولی ایله اکتفا ایدمه جکدر . بونظام قره غولی برنوبجی سنجاق اوکنه دیکه جک وهرکیم اولورسه اولسون طیشاری چیمقدن منع ایتک ایچون (پوی) کویک جنوب کناری مخرجلرینه برر چفته نوبجی قویه جقدر .

قسم کلیده کی نفرلر چانطه لرینی یره ایندیره جکلر دشمن حالا

ایچه اوزاق اولدینی ایچون افرادک کافه سم، چورباشی پیشوره جکدر.
ایلری قره غول قسم کلیسنه ایرتی کون صباحین ساعت قاجده
سلاح آلتده بولنه جفتی سوبلمک پک فائده لیدر . بلوکلر اوکا کوره
کندی ترتیباتلرینی اخذ ایده جکلر در . (۲) نومرولی امر (۱)
نومرولی امر دن اک آز ایکی ساعت صکره ویرلش اوله جقدر .
آره لقدمه ایلری قره غوللر قوماندانی ایلری قره غول خطی کزه جک
واوراده شفاهاً لازم کلان تفرعاتی یوزباشیلره سوبلیه جکدر . بواننده
شبه سز ، سواری طرفدن کوندرلش اولان بعض راپورلر کله جکدر .
بوراپورلرده مندرج حوادث ومعلومات ایلری قره غول بلوکلرینک
اشننه ماردقله ، حالده داخا ، حساب ایدله حکدر .

(پوي) نك شمالنده بيوك يول

۱ - ۷ - ۸۹ - ۱۰ » ۲ كي

نومرو — ۱

ايلرى قره غول امرى

۱ — (سابلون) ده دشمنك پياده سى
 وار كي كورينيور. (به ووى - لاهوت) ،
 (هوركنه - اوسابلون) ، (غرانش -
 اوزورم) و (اونى) نك جنوبنده دشمن
 كشف قوللرى كورلمشدر. منسوب اولديقمز
 قول اردو كندى ايلرى قره غوللرىنى
 (آرس - لاكنه كسى) - (قره پى) ده
 داخل اولمق اوزره (قره پى) اورمانك
 شمال چيقتيسندن كچن خط اوزرنده تأسيس
 ايلمشدر . لوا قسم كليسى (وه رنى) ،
 (شه ريزه) ، و (پورنوى - لاغراس) ده ؛
 پيشدار قسم كليسى ايسه (فلورى) ده
 قوناقلرده كيجه يى كچوره جكدرد .

۲ — (۹۸) نجى پياده آلاينك
 برنجى طابورى ايله (۹) نجى دراغون
 آلاينك برنجى بلوكى ايلرى قره غوللره
 مأمور در . بو ايلرى قره غوللر (قره پى)
 اورمانك شمال چيقتيسندن (سه يل)
 دره سنه قدر امتداد ايله جكدرد .

۳ — برنجى سواري بلوكى (قره پى) ده
 داخل اولمق اوزره (قره پى) اورمانك
 شمال چيقتيسى - (مانى) نك جنوب
 شرقيسنده كي ۱۹۴۷ و ۱۹۴۸ راقلى تپه - (هوت
 بوتان) - (مارلى) خطنك ايلروسنده

همان دشمن ايله تماس حاصل ايدە جکدر .
 مذکور بلوک (به ووی - لاهوت) ،
 (کولو) و (سابلون) دن کچن یوللری
 ترصد ایلیه جک و (قره پی) اورماننک
 شرقنده کی ایلری قره غوللر ايله ارتباطی
 تأمین ایلیه جکدر . اوندن بشقه (۹۸) نجی
 پیاده آلاینک برنجی بلوکنه (۴) ، ایلری
 قره غول قسم کلیسنه ینه (۴) ، (۹۸) نجی
 آلایک (۲) نجی بلوکنه ایسه (۸) سواری
 تفریق ایدە جکدر .

۴ — برنجی بلوک (پوی) نك شرقنده
 ۲۱۷۰۹ راقلی تپه ده يرلشەرك (قره پی) ده
 داخل اولق اوزره (قره پی) اورماننک
 شمال چیقنتیسی ايله (بویون) ده داخل
 اولق اوزره (بویون) دره سی اوکنده کی
 منطقه یی کوزه ده جکدر . ایکنجی بلوک
 (پوی) نك شمال کناری اوزرنده يرلشە .
 جک و (بویون) دره سی ايله (پوی) نك
 غربنده (سه یله) دره سنك دیرسك
 نقطه سی آره سنده کی منطقه یی کوزه ده
 جکدر .

۵ — ایلری قره غول قسم کلیسی (۳)
 و ۴ نجی بلوک) .

(پوی) نك جنوب غربی کناری یقیننده
 و آچیقده قونه جقدر . مذکور قسم کامی
 یالکزی مکلرک حاضر ایدلسیچون آتش
 یاقه جقدر . نفرلرک کافه سی عین زمانده
 چوربه پیشوره جکلردر .

۶ — برهجوم وقوعنده ایلری قره غول
 بلوکلری (پوی) نك شرقنده (۲۱۷۰۹)

رافل تپەدن ، (پوی) ده داخل اولق
اوزره (پوی) یه قدر اولان موصی
طوته جقلردر .
۷ — راپورلر ایلری قره غول قسم کلیسنه
کوندریله جکلردر .

بیکباشی

ق . .

تبلیغ ایدلشدیر :

۱ — بلوکلره شفاها ؛

۲ — سواری بلوکلره برام

آتوسی ایله وتخیر آ .

(پویی) نك جنوب غریبسنده کی اردوگاه

۱ - ۷ - ۸۹ - ۱۵۰ کی

نومرو — ۲

ایلری قره غول امری

۱ — (سن پریوا) نك جنوب غرچنده
بیوك یول اوزرنده، (سابلون) ك جنوب
بنده کی (سایل) کوپریسنده و (بهووی -
لاهورت) ك غریبنده کی تیه ده دشمنك
بعض كوچك سواری قسملری یرلشمشدر.
(مونتیی) نك جنوب غرجیله (سابلون) ده
ایسه دها مهم سواری اقسامی بولنیور .
اهالینك دیدیكنه باقیلورسه بوسوك ایکی
موقعك هریریسندنه دشمنك برر پیاده
بلوکی واردر .

۲ — برنجی سواری بلوکی درحال ،
(کووری) دکرمنده کی (سایل) کوپر -
یسنی تخریب ایده جکدر . آقشام ساعت
(۷) بمقده مذکور بلوك (پویی) نك
جنوب قسمنده طویل قوناقلره یرلشه جکدر .
(مانی) ایله (مارلی) نك غرب قسمی
کیجه لین (۱) ضابط ایله (۱۲) سواری
طرفندن اشغال ایدیله جکلردر . سواری
بلوکی کندی کوندوز موقعلرینی تکرار
صبح ساعت (۵) ده طوته جق و صبح
ساعت (۴) دن اعتباراً کشف قوللری
کوندره جکدر .

۳ — ایلری قره غول بلوکلری ، کیجه
موقعلرینه آقشام ساعت (۷) ده یرلشه .

جکلردر . کیجه اثناسنده (۱) نجی بلوک
(قره پی) اورمانسک شرقنده کی ایلری
قره غوللر ایله ، (۲) نجی بلوک ایسه
(مانی) ده و (مارلی) نلک غرب قسمنده کی
سواری پوسته لریله ارتباط حاصل ایده جکلدر .
پیاده کشفلری (سن پی یو) دره سنه
قدر کیده جکلدر . کوچک پوسته لریله
نوتجیلر صبح ساعت (۵) ده کری
جکیده بیله جکلدر .

۴ — ایلری قره غول قسم کلیسی سلاح
آلق ایچون صبح ساعت (۵) ده حاضر
برحاله بولنه جکلدر .

۵ — (قیو پوسته لری) (پوی) دن
(میچ) . سکیدن بیوک یول اوزرنده
تأسیس اولنه جکلدر .

۶ — (پوی) نلک شرقنده (۲۱۷۰۹)
راقلی تپه ایله (پوی) نلک شمال کناری
درحال مدافعه حاله وضع اولنه جکلدر .

بیکیباشی
ق ..

ایلری قره غول قسم کلیسندن امر
آلفه کلنلره یازدیرلش ، وایلری
قره غول بلوکلریله سواری بلوکنه
وه لوسیت سوارلر واسطه سیله
تحریر آکوئدرلشدر .

پایه جفکز قروکی آلتان ترتیباتک هیئت عمومیه سیله تفرعاتی حقندہ
فکریکزی تمامیلہ میدانہ قویہ جقدر. بو وظیفہ بی باشه چیقار مق ایچون
ایچه دوشونمک وزمان صرف ایتمک ایستر. بناءً علیہ قروکینک بالخاصہ
کوزلور سامانہ بر صورتدہ چیزلسی جھتنہ پک اوقدر اہمیت ویرمیکز.
ایلری قرہ غولار منطقہ سندہ کی مسکون محللر، اتصال یوللری، صو
مجرالری و طاغلرک کافہ سی طبیعی تنظیم ایدیلہ جک قروکیدہ کوستریلہ.
جکلردر. تپلرہ کلنجه، اونلری اشعار ایتمک ایچون یالکز بر قاج
طرامہ ایلہ اکتفا اولنہ جقدر. بوجنس قروکیدہ اک برنجی درجہ دہ
آرانیلان شی قروکینک سادہ و آچیق اولمسیدر. ایلک باقیشدہ انسان
اورادہ سواری بی پیادہ دن و کیجه موضعلری کوندوز موضعلرندن
تفریق ایدہ بیلملیدر. بن بالخاصہ قروکیدہ یالکز کیجه طوتیلہ جق
یرلری کوسترمکزی ایسترم؛ کوندوز یرلری دیگر بر کاغد اوزرینہ
کوسترلسون. ایلری قرہ غول سواری بلوکنک کوندوز طوتہ جنی
یرلردن باشلا یلم.

انقسام عساکرہ عائد اولان تفرعاتی سواری بلوکی قوماندانی
تنظیم ایدر. ہر شیدن اول مومی ایلہ، امردہ ذکر ی بکچن یوللری
ایوجہ ترصد ایتدرمکی دوشونور. بناءً علیہ سواری، پیادہ نک کیجه
انسانندہ یابدینی کی، کوندوزین کندی پوستلری بالذات یوللراوزرندہ
قومغہ مجبور اولماقلہ برابر سوارینک وظیفہ سی ینہ شیکہ طرفہ نظر آ
تعیین ایدلش اولور.

بر ایلری قرہ غول سواری بلوکی بر ویا ایکی قسم کلی بہ (ایکی
مستتا اولہرق) آیریلور. بونلر ایلک اوکجہ بر ویا بر قاج نوبجی ایلہ،
سکرہ دن ایسہ کوچک ضابط ویا ضابط قومانداسندہ اولان کوچک

پوسته‌لر (طاقلر) ایله محافظه اولنورلر. بوصولك قسملرده کندیلرینی،
نوبتچیلر، قازاق اصولنده پوسته‌لر و کشافلر ایله محافظه ایدرلر .
سواری بلوکی قوماندانی بلوکی ایکی پارچه‌یه می آیره‌جق یوقسه
یالکیز بر پارچه‌هالنده می براقه‌جق ایلك اوجکه بوکا قرار ویرمیلدر .
اگر اراضی بوشمدیکی مسئله‌ده کی کبی پک واسع و عارضه‌لی اولمزه
اووقت سواری بلوکی یالکیز بر پارچه‌هالنده قالور . ایکی‌یه بولمزه .
اگر بلوك ایکی‌یه بولمیدیکی حالده ، ایلریده کی اقسامی تام زماننده
حمایه ایتکده پک چوق زحمته دوشولورسه اووقت بلوکن ایکی قطعه
تشکیل اولنور .

بوراده بن بلوکی ایکی‌یه آیریمه‌جقم واونی (سن تی‌یه بولت)
چفلکنک کریسند بولندیره‌جقم . بلوك اوراده سواری امنیت ترتیباتنک
هان مرکزنده و باشلیجه یولک یقینده بولنه‌جق ومهم نقطه‌لره سرعتله
کیتمک ایچون لازم کلن یوللره مالک اوله‌جقدرد . اگر هوا ایی ایه ،
سواری قسم کلیسی مذکور چفلکنک حولیسنه یرلشدیرمیکیز: چونکه
اورادن سهولت و سرعتله چیقهمز .

بالعکس اگر هوا فنا ایه ، بارکیرلریکزی اوستی قاپالی بر یرده
بولندرمق می یوقسه آچیقده طوتمق می لازم کله‌جک اوراسنی دشمنک
طور وحرکتی بللی ایدم‌جکدر .

برقاج سواری چفلکده بلوکن کافه‌سی ایچون چوربه پیشوره -
جکلردر (کوچک پوسته‌لرده داخلدر) . بلوکن مختلف اقسامی ،
نوبت ایله ، حیوانلرک اگر لرینی آله‌رق اونلره صو ویم ویره‌جکلردر .
اگر سواری قسم کلیسی چفلکنک کریسند ایه ، اوزمان یالکیز
برنوبتچی کفایت ایدر . بنوبتچی ما (مارلی) یولی اوزرنده ، یابر پنجره‌ده

ویا بر طوان آرسته طوره رق وظیفه سنی ایفا ایلده جکدر. کسینک
بر اراضیده ویا اکر سواری قسم کلیسی جفلک ایچنده بولنسه ایدی
اوزمان کنديسنى هر نوع باصقیندن قورومق ایچون قاراینه لری برابر،
بر ویا بر قاچ چفته نوتجی بولندیر مق لازم کلوردی .

اگر (به ووی - لابس) تپه لرندن کورلمکدن قورقیورسه کز،
سواری قسم کلیکزی پیاده ایلری قره غول بلوکی یاننده (پوی) نك
شمال کنارنده وضع ایدیکز . بن اولجه سزه اشارت ایتش اولدیم
فائده لرینه بناء، سواری قسم کلیسی (سن قی به یولت) ده ترك ایتکی
ترجیح ایدرم . جوارده اشغال ایدلمسی لازم کلن یرلره کوچک
ضابط پوسته لری کوندریله جکدر . بویرلر ده اوزاق اولنجه اووقت
مادون قوماندانلرینی براز چوقچه سربست بر اقق ایجاب ایدر .
اوکی حاللرده ضابط قومانداننده بولنان کوچک پوسته لر چیقاریلور
(بر طاقم) . بوراده (قره پی) اورمانندن (هوت بوتان) . قدر
کوچک ضابط پوسته لرله اکتفا ایدیه بیلور .

لکن ، (مارلی) نك شرق قسمنه بن بر ضابط پوسته سی (طاقم)
کوندرمک نیتندیم . اکر سز ، (مارلی) نك شرق قسمنه افراز
اولنان قطعه یی سواری قسم کلیسنک تام وقتده حمایه ایده بیله جکنی
او میورسه کز ، اورایه ده بر کوچک ضابط پوسته سی کوندریکز .
بناءً علیه سز ایستدیککزی یا بمقده پک اعلا سربست بولنیورسکز .
برده سواری قسم کلیسی کنديسنى ستر و محافظه ایتک ایچون ایستر
ضابط پوسته لری ، ایستر کوچک ضابط پوسته لری قولالانسون بونده
او قدر بر بآس یوقدر . اصولک اهمیت یالکز چیقاره بیله جککزی پوسته لر
عددننده در . بناءً علیه سواری ایلری قره غول ترتیباننده

وسواری قسم کلیسنک مطلق برضابط پوسته سی چیقارمغه مجبوردره دیانلره اینانمیکیز .

(هوت که نوت) ک شرق میللری اوزرنده بر پوسته قومغه لزوم یوقبره زیر (قره بی) استقامتمده کی اراضی بی کوزه تمک ایچون اولجه (قره بی) اورمانک شمال چیقندیسنده یرلشدرلمش اولان پوسته کافیدر . بناءً علیه یا (مانی) جهتلرنده ویا (۱۹۴۰۷) تبه سنک برکوچک ضابط پوسته سی قونیه جقدر . اکر سز بوتیه بی اشغال ایده جک اولورسه کز (سابلون) یولی نظارت آلتنده بولندیرمق ایچون (مانی) نک شمال مخرجنه ، اک آز بر نوبتجی قویه جفکیز . چونکه (۱۹۴۰۷) راقلی تبه نک نظارتی (مانی) نک اولری و باغچه لری ایله قبادلمش اولدیغندن مذکور نوبتجی دیدیکمز یولی ده ایاو بر صورتده کوزمه جکدر .

نم فکریمه قالورسه ، بوکوچک ضابط پوسته سی (مانی) نک شمال مخرجنده یرلشدرلملی که اوراده عین زمانده قبو پوسته سی وظیفه سنی ده کورمش اولسون . شو پوسته (۱۹۴۰۷) راقلی تبه نک (۲۰۰) متره شرقنده کی یول آغزینه ایستر (۳) سواریدن عبارت برکوچک قره غول ایستر برکوچک ضابط قومانداسنده (۴) سواریدن مرکب اولان قازاق اصولنده بر پوسته قویه جقدر . اوندن بشقه سز اکر ایسترسه کز ، بودرت یول آغزینه (۸ : ۱۰) سواریلک برکوچک پوسته قویه رق آتی عین زمانده کشافلر واسطه سیله ، جوار قوللر ایله ارتباط حاصل ایتکه مأمور ایدرسکز (بووظیفه بی کزیده کی سواری قسم کلیسنه اجرا ایتدیرمکی مناسب کورمدیکمز وقت) .

ایشته کوربورسکز ، ایلک پوسته لک وضعی شایان قبول برقاچ

صورتله اجرا اولانه بيلور. شمديكى حالده، هنوز سزه سويلمش اولديغ
ايكى نقطه دن هر بريسه اولدقجه قوتلى برر كوچك ضابط پوسته سي
قويه جغ (۱۵) « نومرولى پوسته ۱۹۴۰۷ راقلى تپه نك شرقنده كي يول
آغزينه ۲ » نومرولى پوسته ايسه (مائي) نك شمال مخرجنه) .

اكر سز ۱۹۴۰۷ راقلى تپه نك شرقنده كي درت يول آغزينه
(۳) سواريلك بر قره غول قويمغى ترجيخ ايدرسه كز، بوسواريلك
(۲) سي يره ايسه رك يول كنارنده كي آغلرك كريسند طوره جقلردر.
حتى بولردن بريسي اوزاقلري ايوجه كورمك ايچون آغلاردن برينه
چيجه جقلدر. (۳) نجى سوارى ايسه صرتك كيروسند، باركيلري
طوته جقلدر. نفرلر تبديل ايديله جكلر. بناء عليه اكر ديديكمز
قره غولده هر ايكي سيده آت صرتنده قالمغه مجبور يالكز (۲) سوارى
بولمش اولسي حالته نظراً باركيلر اووجهله دها زياده حسن استعمال
ايديلور ايدى. اكر بالعكس، سز بنم ياپديغم كي ايكي كوچك ضابط
پوسته سي قبول ايدرسه كز، بولردن هر بريسي برر قره غول چيقاردقن
صكره، كيرويه قالان سواريلر يره اينمش بولنه جقلردر .

ايكى كوچك ضابط پوسته سنك قوتنى تعيين ايتك ايچون اولرك
كشاف كوندره جكلري استقامتلى وهر كشاف ايچون (۳) سوارى
قوللانه جقلري خصوصنى برنظر دفته آليكر . (۳) سواريلك برقره
غول = ۲ كشاف، ۹ سواريلك بر پوسته خصوصه كتوررلر. بو پوسته
بر كوچك ضابط طرفندن قوماندا ايديلور. (مائي) نك شمال مخرجنه كي
پوسته يه ايستر ايسه كز (۱۲) سوارى ويررسكز (بو پوسته لردن بحث
ايتديكمز زمان « باركيلر » تعيريني قوللانمقن چكينكز ، بالعكس،
دائماً « سواريلر » ويا « نفرلر » ديكز) .

پوسته‌لرک موجودینی حساب ایتک ایچون (۳) سواریلک برقره غولک دیکشدر یلمسنی تأمین ایتک خصوصندە لازم کلان نفرلرک عددینی قطعاً نظر دقتە آلمق فائده سزدر . زیرا ، اگر قره غولده کی سواریلرک (۲) سی یرە اینمشلر سە ، اونلرک بارکیلری طیبی یورلماش دیمک اولور . بناءً علیہ اونلر ، پوسته‌نک اولجە کشفالقدە قوللاندینی سواریلری طرفدن دیکشدر یله جکلردز . لکن ، اگر برقره غول یالکز (۲) سواریدن عبارت ایسە اوسواریلرک (۲) سی دە حیوان اوزرنده قاله جکلردز . شو حالده ، سز بارکیلری پک چوق یورولتماق ایچون (۲) شر سواریلک قسملر درکنار بولندیرە رق اووجهله مذکور قره غولی دیکشدر یله جکسکز . پوسته باشە چیقاریله جق کشفلرک عددینە کلنجه سز فضلە برکشاف چیقارسە کز بیلە بونک پک اوقدر برزیانی یوقدر .

بنم فکر مە قالیر سە ، (۳) نومرولی کبچک ضابط پوسته‌سنی (هوت بوتان) اوزرنده ، قویمق ایو دکلدز . اولیله ایسە ، بن اوئی شمال غربی دە کی صرتک (۱۸۶ راقلی) شرق قسمی اوزرنده یرلشدیرە جکم . زیرا ، بونقطەدن (سەیل) وادیسی (هوت بوتان) دە اولمادیغدن زیاده ایو کورینور . بو پوسته برکوچک ضابط ایله (۴) سواریی حاوی اوله جقدرکە ، سواریلرک (۲) سی یرە اینه‌رک کمال دقتە (سەیل) وادیسینی ترصد ایلیه جکلردز . بوجه‌تلرە کشاف کوندرمک لزوم سزدر . زیرا ، مذکور کشفلرک اوتە سنه کچە میه جکلری ، دردیہ قدر اولان اراضی تمامیلە کورینور .

(مارلی) نک شرق قسمندە برطاقم قوتندە ، برکوچک پوسته (۴) نومرولی بولندیریورم ، بوپوسته ، براز منفرد بر حالده قالدینی

ایچون قوماندائی زیاده سربست بر افاق لازم کلور . بناءً علیه اوکا برضابط قوماندا ایدم جکدر . مومی الیه دیدیکم کبی تام برطاقم ویریورم . چونکه ، (مارلی) دن (۲) کیلومتره ایدر اوزاقده بولان سواری قسم کلیسندن درحال بر معاونت کوره جکندن امین دکدر . بوکوجک پوسته‌یی یرلش‌دیرمزدن اول برکره یا (سن‌ریوا) جاده‌سی بویجه ، یا (فره‌سقاتی) ، (اورلی) و (اویبی) دن کچهرک (مونتی) دن بعض دشمن اقسام عسکریه‌سنگ کله‌بیله جکئی نظر دفته آلمق لازم کلور . طبعی بوکوجک پوسته کندی نظر دقتی بالخاصه (مچ) جهته عطف ایدم جکدر . مذکور پوسته ، برکوجک سواری پوسته‌سنگ درت دیوار ایچنده قانوب قالمقدن چکنمک لازم کلدیکی قاعده‌سنی نظر اعتنایه آله‌رق (سهیل) کوپرسنگ همان یانی باشند یرلشه جکدر .

بو پوسته‌یی (سهیل) دره‌سنگ اوتله‌رینه ومشلا یوزی (بایه‌ته‌ری) یه متوجه اولمق اوزره (مارلی) نک غرب قسمی مخرجنه قدر سورمک فکره دکلم . پوسته (مارلی) نک شرق قسمنده اوقدرچوق راحتسز ایدلمیه جک ، کوپری طرفندن آرقه‌سی کسلمک ته‌لکسه دوشمیه جک وبوندن بشقه یا برهجوم ویا آتش ایله کوپری دن کچمک ایستیان دشمن اقسام عسکریه‌سنی کیرویه پوسکورتیه بیله جکدر .

کندی امنیت خصوصیه‌سی ایچون بوکوجک پوسته بالذات کوپری اوستنه برنوبجی قویه‌جق وقارشی ساحله قازاق اصولنده پوسته‌لر کوندره جکدر . ازجمله (۶) سواریلک برپوسته (مارلی) نک غرب قسمنده کی مزارلغه (کم) ، ینه‌عین قوتوده دیگر برپوسته (مارلی) نک جنوب غریب‌سند (۱۸۹۰۲) راقلی تپه‌یه کوندریه جکدر . قازاق

اصولده ترتیب ایدیلان بوا یکی پوسته (لاغرانش - اوزورم) ، (پایه - ته ری) و (اوی) آره سنده کی اراضی بی کاملاً ترصد ایده بیلورلر .
 باختصو سوار ی پوسته لی قاعده ثابت بر نقطه یه باغلی اولدقلری ایچون بودیدیکمزك طوغریلنی ده اوقدر زیاده میدانه چیقار .
 بوا یکی پوسته بی برقره غول ایله بر برینه ربط ایتك لزومسزدر .

(مارلی) کوچك پوسته سنك كشافلری (غرائش - اوزورم) ،
 (پایه ته ری) ، (سن پر یوا) ، (فره سقانی) و (اورلی) دن كچرك
 (سابلون) اوزرینه وحی (مونیتی) و (مچ) جهتلرینه ایلرولیه .
 جكلردر . بوكشافلر (سابلون) ده (۲) نومرولی کوچك ضابط
 پوسته سنك كشافلرینه تصاف ایده جكلردر .

ایشته کوریوردسکزکه ، (مارلی) ده کوندوز ترتیاتی ایچون
 ایجه عسکره لزوم واردر . بناءً علیه اورایه بر ضابط قومانداسنده
 اولق اوزره بر طاقم ویریلور . بالعکس ، کیجه خدماتسنده اوراده
 یالکز برقاج کشاف بولندیر مق کافیدر . اگر بز (مارلی) ایچون
 (۱۲) دیزیلک بر طاقم یعنی بر ضابط (۳) کوچك ضابط و (۲۴)
 سوار ی حساب ایدر ایسه ك ، سوار ی کندی امنیت خدمتی ایچون
 هپسی بر ضابط ۵ : ۶ کوچك ضابط ۴۰ : ۵۰ سوار ی قوللاشمش
 اوله جنی آکلاشیلور . بوقوت ایسه (۶) کیلومتره لك برجبه بی ترصد
 آلتده بولندیر مغه کافیدر .

ضابط ویا کوچك ضابط پوسته لی طرفندن کوندیریلان كشافلر
 صورت عمومیه ده دشمن ایلری قره غولارینی کورنجه یه قدر ایلرولرلر .
 لکن ، بوندن اوزاغه کیتمزلر . دشمنه ده ا زیاده یاقلاشمق لازم کلدیکی
 زمان سوار ی بلوکی قوماندانی بو خصوصده سوار ی قسم کلیسی نفرلریله

بعض ترتیبات خصوصیه اخذ ایدر. کرک کوچک پوسته لر و کرک مخا بره ایچون پیاده الیه الحاق ایدیلان سواریلر ایلری قره غول امرینی آلدینی و در حال ایش محله کلدیکی زمان ده سوار ی بلوکی قوماندانی طرفدن تعیین ایدیلور. سوار ی بلوکی قوماندانی بعد کندی کوچک پوسته لرینی بر زیارت ایدر. ایجاب ایدر سه عضیلرینک لرینی دیکشدر. و یا تعدیلات اجرا ایدر. مومی الیه اوندن بشقه پیاده ایلری قره غول بلوکلرینک ترتیبانه دأر معلومات آلور و کندی ترتیباتی اونلر بیلدیرر. بر قروکی ایله برابر ایلری قره غول قوماندانه آیریمجه بر راپور کوندورر. براز صکره، قونا قچی مغرزه سی ایله برلکده کیجه قونا قلرینی حاضر - لامق ایچون (پوی) په بضابط گوندورر جکدر .

شو ائنده ایکی پیاده ایلری قره غول بلوکی، ایلری قره غول امرنده تقریباً کندیلرینه کوسترلمش اولان موقعلره واصل اولور لر . برنجی بلوک قوماندانی اوک کچهرک کندیسجه ده مناسب عد ایدیه جک بریر بولمق ایچون ایلری کیدر. مومی الیه بلوکنی ۲۱۷۰۹ راقلی تپه نك شرقده کی میل اوزرنده مستطیل اورمانک شمال غربی چیقنتیسی کیر و سنده یرلشدیرر. بلوک سلاح چاتار و جانطه لر یره ایندیریلور .

نفرلرک بر قسمی چوربه پیشورر؛ دیگر قسمی سلاحه سارلمغه حاضر بر حالده طورر. سوار ی بلوکی طرفدن کوندریلان مخا بره آتیلری بلوک یانه کلدکلری زمان بار کیرلرینک باشقلری واکرلری آله رق صو ویم ویرلملرینه مساعده اولنور. لکن، مذکور نفرلر یار کیرلرینی اکر سز طومتغه مساعده ویرلر. پیاده بلوکی بوکلان سواریلرک و بار کیرلرینک ییه جکلرینی تدارک ایدر. بلوک قوماندانی بعد، ایلری قره غول سواریلرینک پوسته محللرینی ذهنده قرار -

لاشدير مق ايچون (هوت كه نوت) اوزرينه چيقار. ذاتا بر آرزصره ايلرى قره غول سواريسنك ترتيباتنه دائركنديسنة معلومات ويريله جكدرد. بلوك قوماندانى شايد (قره پي) دن كله جك بر دشمن قطعه عسكر يه سنك باصقينه اوغرامقدن قورقيورسه (ايلرى قره غول سواريسنك پك متحرك و سيار بر حالده بوليشندن طولايي بو احتمال ممكن اولان برشيدر)، در حال كيجه يي بلكمكسزين (۹) نفر وبر كوچك ضابطدن عبارت بر كوچك پوسته يي (قاره) اورمانك شمال شرقى گوشه سنه كوندره جكدرد. بو پوسته (قره پي) استقامتنده بر چفته نوبتجي قويدقدن بشقه كنديسنى كشافلر ايله ده ستر ايله جكدرد. بوراده بر ضابط پوسته سى چيقارمغه لزوم يوقدرد. كندى امنيت خصوصيه سنى تأمين ايتك ايچون بلوك سلاحلر اوكنه بر نوبتجي ديكه جكدرد. بونوبتجي مستطيل اورمانك غرب چيقتيسنده بولنه جق و (قاره) اورمانى ايله (هوت كه نوت) استقامتلىرى ترصد ايله جكدرد.

مخبره آتيلارندن بريى كندى سوارى بلوكى ياننه كيده رك بولندينى پياده ايلرى قره غول بلوكنك يرينى اوكا خبر ويره جكدرد. ديكر پياده بلوكنه ده بو خصوصه دائر معلومات ويريله جكدرد. بر قروكى ايله برلكده ايلر قره غول قومانداننه بر خبرنامه كوندريله رك اوراده كوندوز مواقى ايله كيجه ايچون تصور ايدى لان مواقع كوستيله جكدرد. بناءً عليه باوك آقشامك (۶) سنى (۴۵) كچه قدر استراحت ايده جك و ايلروده كى سوارى يه استنادلق ايله جكدرد. بر ضابط ايله نفرلر ك بر قسمى مستطيل اورمانك شمال كنارنى و ۲۱۷،۹ راقلى ته يي مدافعه حاله قويغنه مأمور اوله جقلردر.

(۲) نجي بلوك قوماندانى كذلك بلوكنى اك اسكى ملازملرندن

بريسنه امانت ايده رك (بوي) يه كيدر. بلوك ارارايه واصل اولدني كي هان (بوي) پارقك شمال قسمنده يرلشور. سلاحلر اوكنه پارقك شمال شرقى كوشه سنده برنوتجي قور. امنيت ايچون بشقه ترتيبات آلفه لزوم يوقدر. زيرا، سواري قسم كليسى بو بلوك هان ايلروسنده بولنيور. اوكله دن صكره پارق حوليسنك شمال قسمى مدافعه حالته وضع اولنه جقدر. بر آز يوقاروده سويلديكمز كي بوبلوك ده كرك سواري وكر ك برنجي بلوك ايله ارتباط تاسيس ايلييه جقدر. وقروكي ايله برلكده بر راپور ايلري قره غول قومانداننه كوندريله جقدر.

ايلري قره غول قسم كليسى، ايستر بالذات ايلري قره غول قومانداني وايستراك قدملي بلوك قومانداني واسطه سيله امرده كوستريلان نقطه ده يرلشديريله جقدر. نفرلر سلاح چاتاچقلر وچانطه لرني يره اينديره جكلردر. حفظ الصحه يه رعايتاً جوارده كي چارلغده وشميه جك صورته اردوكاه قوريله جقدر. ايلري قره غول قومانداني حيوانلرينك باشقلريني واكرلريني آلق اولنره صويم ويرمك ايچون مخبره آتلىنه امر ايده جقدر.

بلوك قوماندانلرندن بريسي اردوكاه نوتجي ضابطلكنه مأمور اولور. مومى ايله اولجه سويلديكمز نظام قره غولى ايله خارجي قره غوللري وضع وتعيين ايدر.

آقشامك ساعت (۷) سنده ايلري قره غول بلوكلى كنديلرينك كيجه موقعلريني طوتمغه مجبور درلر. بوكيجه موقعلرندن بحث ايتمزدن اول، ايلري قره غول بلوكلى ايله كوچك پوسته لرك وضعي ائناسنده نظر دقته آله جق بعض قاعده لر سويليه جكم:

۱ — تربياتك كافه سي طرق اتصاليه شيكه سي اوزرينه مؤسدر.

بر بلوك منطقه سندن دشمن جهته كيدن يوللردن هر بریسی كوزه -
 دیله جك استقامتك اهمیتله متناسب یا بر كوچك پوسته ایله ویا بر چفته
 نوبتجی ایله محافظه ایدلمش اولمق لازمدر. صورت عمومیهده ایکی یول
 آره سنده کی اراضی یا لکزر کشافلر واسطه سیله کشف ایدیلور ؛

۲ — چفته نوبتجیلر صوزت عمومیهده كوچك پوسته دن اك زیاده
 (۴۰۰) متره اوزاغه یرلشدیریلورلر. بومسافه دن ده ا بیوك مسافه لره
 بر كوچك ضابط قومانداسنده اولمق اوزره (۶) کیشیلک بر پوسته
 کوندریلور ؛

۳ — اکر بوقیل بر پوسته کشافلر چیقارمغه مجبور اولورسه،
 اووقت ینه بر كوچك ضابطك اداره سنده اولمق اوزره مذکور پوسته یه
 (۹ : ۱۵) نفر ویریلور . شو حالده بو پوسته طوغریدن طوغری یه
 ایلری قره غول بلوکی طرفدن کوندرلمش بولنور .

۴ — صورت عمومیهده چفته نوبتجیلرک آرالنی ۴۰۰ : ۵۰۰
 متره یی کجه ملیدر . اکر آرالق بوندن زیاده ایسه اوزمان بر چفته
 نوبتجی یرینه مرجحاً (۶) نفرلک بر پوسته قوللانیلور ؛

۵ — ایلری قره غوللر خطنك اك مهم ویا خصوصی بر صورتده
 تهدید ایدلمش اولان نقطه لری (منفرد چفتلکله ، کوپرلر ، کجیدلر ،
 اورمان پارچه لری) بر ضابطك قومانداسنه ویریلان بر كوچك پوسته
 ایله طوتیلورلر . ایلری قره غوللر خطنده داخل اولیان مهم نقطه لر
 ایسه مستقل پوسته لر ایله اشغال اولنورلر. بوجشید پوسته لر اکثراً
 یابریانی اورتمك ویا جوار بلوکلردن بریسی ایله ارتباط حاصل ایتك
 ایچون منطقه لرك نهایت اوجلرنده ده قوللانیلورلر ؛

۶ — طوغریدن طوغری یه ایلری قره غول بلوکلرینه تابع

اولان هر نوع كوچك پوسته‌لر يا خود بوبلوكلرك يانلرنده يرلشد يريلان پوسته نادرأ مذكور بوبلوكلرك (۸۰۰) يا خود (۱۰۰۰) متره ايلرولر ينه سورولورلر. بو پوسته‌لر بلوك داخلنده (يا خود سوارى بلوكى) نومرو آلورلر. قازاق بيچيمنده كى پوسته‌لر ايله بر قاق كيشيدن تركب ايدن پوسته‌لر و كوچك پوسته‌لردن چيقاريلان چفته نوتيجلر (قره غول) منسوب اولدقلرى كوچك پوسته‌لر داخلنده نومرو آلورلر.

(بو قواعد الكچوق پياده يه تطبيق اولنور؛ زير اسوارى سرعت حركتدن طولايى، كندى امنيت خدما تونده دها واسع بر مقياس قوللانه بيلور).

شمى ده كيجه ايچون قبول ايديلان تعديلاتنى سويليله: برنجى بلوك منطقه سنده دشمنه طوغرى اوچ يول كيدر: برنجيسى، (قاره) اورمانندن و ۲۰۲ راقلى تپه دن كچه رك (قره پى) اوزرينه كيدن يول؛ ايكنجيسى، (هوتكه نوت) ك شرق ائكلرى، بونجه كيدن (مانى) يه واران يول؛ اوچنجيسى، (بو يون) دره سنى تعقيب ايدهرك (سن يي يهر) كوپر يسندن كچن يولدر. بو يوللرك ايكي اولكيسى، يك اهميتلى اولماقلا برابر، ينه ايوجه محافظه ايدلمكه محتاجدرلر. اكر امرده برنجى بلوك منطقه سى، (بو يون) ده داخل اولمق اوزره (بو يون) دره سنى قدر اوزايه جق دنيلمه مش اولسيدى، اوچنجى يولى محافظه ايتكمى، يوقسه ايتماكمى لازم كله جك بو خصوصه شبه يه دوشيله جكدى.

كوندوزين ذاتاً برنجى يول اوزرنده (قاره) اورماننك شمال شرقى چيقتيسنه وضع ايدلمش بر خصوصى پوسته واردر. بو پوسته كيجه ده يرنده قاله جق و (۱) نومرولى كوچك پوسته نامنى آله جقدر.

مذکور پوسته (قره پی) اوزرینه برکشاف کوندره جک و (قره پی) اورمانک شمال چیقنیتسندہ یرلشمش اولان جوار ایلری قره غوللر ایله تأمین ارتباط ایلیه جکدر . بناءً علیہ بوکوچک پوسته یدیکمز کشفدن طولانی فضله (۳) نفر ویریلہرک مذکور پوسته برکوچک ضابط اداره سندہ (۱۲) فردن ترکیب ایتیش بولنه جقدر .

(هوت که نوت) ک شرق اتکلرندن کن یول طوغریدن طوغری به دشمن موضعندن بلوک اوزرینه کلیور . بناءً علیہ اونک برنجی بولدن زیاده ایه بر صورتده محافظه ایدلمسنة احتیاج واردر .

اورایه برصابط قومانداسنده اولق اوزردیارم طاقم قوتنده برکوچک پوسته (۲ نومرولی) قونیلہ جقدر . بو پوسته (هوت که نوت) ک شرق میللرینک کیرو سنده تک یول یاننده وایلری قره غول بلوکندن تخمیناً (۷۰۰) متره اوزاقده یرلشه جکدر . دشمنک برهجومی وقوعنده ، درحال (هوت که نوت) ی اشغال ایدہرک اوکا برایلک مقاومت کوستره جکدر .

(۲) نومرولی کوچک پوسته سلاح چاتیلری اوکنده برنوبجی بولندیره جق و (هوت که نوت) اوزرینه کیدن یولک آیریلدینی نقطه یدہ برچفته نوبجی ویارر پوسته قویه جقدر . ہم فکریمه قالورسه ، اورایه برپوسته (۱ نومرولی) وضع ایدرم ؛ زیرا بونقطه ایله (۱) نومرولی کوچک پوسته موقعی بیننده کی آراق (۴۰۰) متردن زیاده در و (بویون) درسنه قدر (۸۰۰) متردن زیاده برمسافه واردر . بالذات (بویون) دره سی اوزرنده ، جاده دن آیریلان یول مذکور دره پی (سن تی به بولت) خذاسنده قطع ایلدیکی محله (۲) نومرولی کوچک پوسته طرفدن برپوسته بولندیریلہ جق و یاخودایلری

قره غول بلوکی اورایه یکی بر کوچک پوسته چقارده جقدر . برنجی
 حالده ، مذکور پوسته (۲) نومرولی کوچک پوسته نك (۲) نجی
 پوسته سی اوله جقدر . بنم فکریمه قالورسه ، اورایه (۳) نومرولی
 بر کوچک پوسته قویمق دها ایودر . زیرا بو پوسته دن (سن پی بر)
 دره سنه قدر کشفلر کوندرمک و (۲) نجی بلوکه تأمین ارتباط ایلمک
 لازم کله جکدر . بن مذکور پوسته یه ایکی کشف ویریورم ؛ بوسایه ده ،
 حتی شمال شرقی استقامتده (سن پی بر) دره سنک ایکی کچید نقطه سنه
 طوغری بیله کشف کوندره بیله جکدر . اکر سنز ، بو پوسته یی (۲)
 نومرولی کوچک پوسته دن تدارک ایتمک جهتی ترجیح ایتمش
 اولسیدیکنز ، اوزمان (بویون) دره سی بونجه کشف کوندرمک وظیفه سی
 (۲) نومرولی کوچک پوسته یه دوشردی . بناءً علیه کورپورسکزکه ،
 ایلری قره غول بلوکی طرفدن چقاریله جق اولان بر کوچک پوسته
 بوراده ایشلری ایجه تسهیل ایدر .

(۲) نجی بلوکه نظر دقتی بالخاصه بیوک یول اوزرینه معطوف
 اوله جقدر . دیگر یوللر مثلاً ، (سن تی به بولت) ک جنوبدن طولاشه رق
 (مارلی) یولی ایله برلشن یول ایله (پونی) دن قالقه رق شمالده (سهیل)
 دره سی کنارنده کی باغلری طولاشان دیگر بریول اهمیتسز شیلردندر .
 بیوک یول اوزرنده ، طبیعی برضابط قومانداسنده اوله رق
 بر کوچک پوسته قونیه جقدر . بو پوسته ایلری قره غول بلوکنک
 (۵۰۰) متره ایلروسنه (طونو) اوزرینه کیدن یولک آیرلینی نقطه یه
 قدر سوریه جکدر . بالذات ، یول اوزرنده ایسه برقبو پوسته سی (۱
 نومرولی) قونیه جقدر . بو پوسته کوچک پوسته دن (۴۰۰) متره
 ایلروده (مارلی) اوزرینه کیدن یولک آیرلینی نقطه ده (۱۹۶) راقلی

تبه (يرلشد يريله جكدرد. بوايكي پوسته دينكرلرني تعين ايتك ايچون
بزه نقطه اساس اوله جقدردر .

بولدن (بويون) دره سنه قدر تخميناً (۶۰۰) متره قدر مسافه
واردرد. بالذات دره اوزرنده اولجه دها برنجي بلوك (۳) نومرولى
كوچك پوسته سي قونلمشدى . بناءً عليه (۲) نجى بلوك (۱) نومرولى
كوچك پوسته سندن دره ايله بيوك يول آره سنده (سن پي ير) كوپريسنه
طوغرى كشافلر كوندرمك وايكي بلوك اك كنارده بولنان پوسته لرى ،
ديكر كشافلر واسطه سيله ارتباط حاصل ايتمش اولمق بوراده كافى كچي
كورينور .

بيوك يولك غربنده (مارلى) يولنه منتهى اولان كوچك يول ده
طوتيله جقدر . اكر سز بويول اوزرنده كوچك پوسته خذاسنده برچفته
نوبتچي (۲ نومرولى) قورسه كز بونوبتچي كوچك پوسته دن (۵۰۰)
متره دن زياده بولنه جقدر كه ، بومسافه معين اولان مسافه لرك خارجنده در .
بناءً عليه سز اورا يده عادى برپوسته (۲ نومرو) قويه بيلور سكز ؛
بوسا يده مذ كور پوسته يي برازدها اوزاغه ومثلاً چايرلغك كوشه سنه
سورمك سزك ايچون ممكن اوله جقدر .

(۲) نجى بلوك (۱) نومرولى كوچك پوسته سي كندى سلاحرلى
ياننده برنوبتچي بولندي ره رق كنديسنى طوغريدن طوغرى يه آنك
ايله تأمين ايده جكدرد. مذ كور پوسته نك كشافلرى (سن پي ير) دره سي
ايله (سن قى يه بولت) دن كچه رك (هوت بوتان) قدر كيدم جكلردرد .
غربده (مارلى) يولنى تعقيب ايده جك اولان كشاف (سن قى يه بولت)
(۱) كيلومتره قالنجه يه قدر ايلر ليه جكدرد .

(سهيل) دره سنه قدر امنيت خدماتى (۲) نجى بلوك طرفندن

اجرا ایدلك لازمدر . درمك بونجه بریگی یولی کیدپورکه ، اورایه آره صره برکشاف کوندریله چك اولورسه مذکور یول درجه کافیهده ترصد ایدلمش اوله جقدر . شالده باغلری طولاشان یول (۱) نومرولی کوچك پوسته دن پك اوزاق بولنیور .

بناء علیه بو پوسته آنی ترصد ایلمك وظیفه سنی کندی اوزرینه آله مز . اویله ایسه ، اورایه دیگر بر کوچك ضابط پوسته سی (نومرو ۲) وضع ایدیلهرك بو پوسته نك كشافلری (سهیل) وادیسنی تعقیب ایده چك وباغلرك شالنده کی اراضی بی (مارلی) استقامتنده آرایوب طرایه جقدردر . بو کوچك پوسته نك (پویی) نك جهت ضربیه سنده بر آرزدها یقین ویا دها اوزاق وضع ایدلمش اولمسنده بر زیان یوقدر .

ایلری قره غول قسم کلیسی کوندوز موقعی محافظه ایده جکدر . لکن نفرلر سلاح چاتیلریله چانطه لرینه بر آرزدها یقین بولنه جقدردر . اردوگاهده آتش اوجاقلرینك نرده تشکیل ایدلك لازم کله چکی آیریجه بیلدیریله جکدر .

ایلری قره غول سواری بلوکی ، پیاده کیجه موقعلرینی اشغال ایدوبده ایلک كشافلرینی ایلری سورمش اولدینی آندن اعتباراً کندی پوسته لرینی کرییه چکه جکدر .

ایلری قره غول امرینه نظراً سواری بلوکی (سن تییه بولت) ی آقشام ساعت (۷) بمقده ترك ایدرك اولجه قوناقلرینك حاضر ایدلمش بولندیفی (پویی) کویته دونه جکدر .

سوزیمی بیتورمزدن اول ، دشمن (مچ) . گلش بولنه جقی یرده حالا (تی یون ویل) ده ویا (مچ) ایله (تی یون ویل) آره سنده اولدینی فرضیاتنه کوره ، پیشدار ، ایلری قره غول امرلریله امنیت

خدماتنك كافه ترتيباتى تنظيم ايلمكزى توصيه ايدرم. بو بحث اوزرينه -
تفرعانه كيريشمك ايستميورم. فقط آ كلايورسكزكه بوراده ده پيشدار
امرى همان اولكى پيشدار امرى كې اوله جق؛ يالكز پيشدار قسم
كليسى قوناقلره بر آز دها اپي يرلشمش بولنه جقدى. ايلرى قره غول
امرنده ايسه سوارينك كوزته جكي خط هيئت عموميه سى اعتباريله
ينه اولكى ايلرى قره غول امرنده كى ترصد خطبه يقين برشى اوله جقدى.
مع هذا، هر حالده سواري كشف قوللرينك هدفلى بر آز دها اوزاق
ويريله جكدى وضابطلر طرفدن قوماند ايديلن سواري پوستلرى
كيجه لين دشمنه دها زياده ياقلاشديرلمش بولنه جقلىردى. كيجه ايچون
پياده دن مكمل بر ايلرى قره غول شبيكه سى تأسيس ايتمك لازم
كليه جكدى. ايكي بلوك بر آز يوقايرده سويلديكمز موقعلى اشغال
ايدم جكلىردى. لكن آره يرده كى اراضى يى هيچ ده قاله آلمه رق يالكز
ايكي بللى باشلى يولى محافظه ايله جكلىردى .

(۲) نجى بلوك آچيقده قونميه جق، بالبعكس (بويى) نك شمال كنارنده
برطوبلى قوناق اشغال ايدم جكدى. اكر سز يالكز (بويى) ده طوبلى
قوناقلره يرلشديريله جك بر بلوك ايله اكنفا ايتمك و (۱) نومرولى بلوكى
قالديرمق ايستمش اولسه ايديكز بو ترتيباتى ده قولاي قولاي حقل
كوسترمك ايچون سبيلر بوله بيله جكديكز. مع هذا ، اودرلو يايديغكز
وقت جوار قره غوللرله ارتباطنى محافظه ايتمك وعين زمانده بيوك يول
ايله (هوييتال) اورمانلىر ياشنده كى اراضى يى ده كوزه تمك ايچون
مذكور بلوكه ايجه مقدارده سواري ويرمك ايجاب ايدم جكدى. اوندن
بشقه ، كوچك پوستلر يرينه ، قوناقلرك امنيتى تأمين ايلمك ايچون
خارجى قره غوللر وضع ايديله جكدى. آرتق پياده دن كشافلر كوندرمك

لزوم قالیه جق ایدی. زیرا امنیت خدمتی بستیون ایجه اوزاقلره کیتیش
اولان سواری یه عائد بر وظیفه اوله جق ایدی. ایلری قره غول قدم
کلیسی آچقده قونمه جق ایدی. بوندن طولای، یاپیله جق قروکیده
بستیون بشقه بر منظره بی حاوی اوله جق ایدی.



يکرمنجی مسئلہ

(عمومی خریطہ ایله « ۱ : ۲۵۰۰۰۰) مقیاسندہ کی « میچ »

و « غراولهوت » یافتہ لری)

دوست مملکتندہ حرکات عسکریه اجرا ایدن برمفرزه یوریجی بریور ویشدن
صکره (۱) کانون اول (۸۹) تاریخنده (موزل) نہریخی (میچ) شہرندہ
کچمش بولنیور . بومفرزه قسم کلیسنک قول باشی آقشام ساعت (۱) ده
(مہزون-دوپلانش) [«میچ» دن «مہزی-یر-لہمیچ» ہ کیدن یول
اوزرنده] ہ واصل اولدینی زمان دشمنک ایکی قولده «مہزی-یر-لہمیچ»
و (سہمہ قور) اوزرینہ رجفت ایلدیکنی و دشمن پیادہ سی (ہوقونقور) ایله
(مہزی-یر-لہمیچ) [بیوک خریطہ] ی اشغال ایتدیکی ائشادہ بعض کوچک
سواری قطعات عسکریه سنک (آملانش) ، (سہمہ قور) و (فہو) دہ توتف
ایدرك (میچ) اوزرینہ کشف قولاری کوندردکلرینی خبر آلور . اہالیدن
سوزینہ اعتماد ایدیور برداتک ویردیکی معلوماتہ نظرآ ، دشمنک (تی یون ویل) دن
بعض قوای امدادیہ آلدینی آکلشیلور . وقت ایچہ ایلرولش اولدینی ایچون ،
مفرزه قوماندانی بوکونلک دشمن اوزرینہ هجوم ایتمکک ، بالعکس ، تیمور-
یولنک شرفندہ (دہ وان-لہ پون) اولرنده قوناقلردہ کیجہلمکک قرار ویرر .
یوندن طولایی موی ایله ، بیکباشی ب . . یہ برطابور پیادہ ایله برسواری
بلوکی ترفیق ایدرك ، تقریباً (موزل) ایله (ووپن) دن کچن بر-نط اوزرنده
ایلری قرہ غول ترتیباتی آلسنی امر ایدر . ایلری قرہ غولر بردفعہ یرلشدیر-
لدکدن صکره ، ایرتسی کون صباحہ قدر دشمنہ دائر یکیدن ہیچ بر حوادث
آلنہ منر .

یایله حق وظیفہ

- ۱ — بیکباشی ب . . نك آلہ جنی ترتیبات و بونك اسباب متغذہ سی .
- ۲ — کیجہ وکوندوز ترتیباتی کوسترمک اوزره مفصل برقرؤکی (چنتہ
توتجیلر وقرہ غوللردہ قوتلرلہ برلکده کوستریلہ جکدر) .

يکری برنجی مکتوب

یلری قره غول امری

بوراده پیشدار کاملاً ایلری قره غوللر خدمته تعیین ایدیله جکدر.
 بناءً علیه ایلری قره غوللر امریله پیشدار امری یالکنز بر امردن
 عبارت اولور. بیکباشی ب.. یورویش حالنده ایکن دهاء ایلری قره غول
 خدمته تعیین ایدلمش بولندیغه دائر امر آلور. شوآنده قسم کلینک
 قول باشی (مهزون - دو - پلاش) ده بولنیور؛ پیشدار قسم کلینسک
 قول باشی ایسه، (۱۰۰۰) متره ده اوزاقده (مسافه: ۷۰۰ + اوچ
 بلوک ایچون ۳۰۰ متره) یعنی (مهزون - نوو) ک جنوب مدخلنده در.
 پیاده اوجینه کلنجه (مهزون - روژ) ک جنوب مدخلنه واصل
 اولمشدر. (اوجدن پیشدار باشینه قدر ۴۰۰ متره، پیشدار باشی
 ۱۰۰ متره، کریه مسافه ۵۰۰ متره)؛ سواری بلوکی ده ایلریده
 ایچه اوزاقده در.

اک صوک کان حوادثلره نظر آ دشمنک توقف ایلیرک ایلری
 قره غوللر ایله ستر ایدلمش بولندیغه حکم ایدیله بیلور.
 یورویش یولینک هر ایکی جهتده کی اراضی تمامیه دوز اولدیغندن
 بیکباشی ب.. اطرافنی کوزه تمک وتعیین جهت ایتک ایچون ایلری
 کیتمکدن بیوک برشی قازانه جق دکلدر. بناءً علیه ایلری کیتمکه لزوم
 کورمکمزین همان خریطه یه باقهرق کندی ایلری قره غول امرینی
 ویره جکدر.

ترصد منطقه سی بروجه آتی یکیکرندن ایوجه آیرلمش ایکی

پارچه به آریله بیلور: برنجیسی، دوم دوز و آپ آجیق اولان (موزمل) وادیسی، ایکنجیسی، (ده وان - له پون) - (سه قونور) خطنک غربنده کی اراضی. بوصوک پارچه اورمانقلی و طاغلق اولدیغیچون طبیعی اطرافه نظارتی یوقدر.

برنجی پارچه بی ترصد ایتک ایچون آز انسان قوللانق کافیدر. لکن ایکنجیسی پک یقیندن ترصد ایدلمک محتاج اولدیغندن اورایه اپی انسان صرف ایتک لازمدر. باخصوص دشمن سواریسنک (فهو) ده بولنسی شو دیدیکمک ده دقلی برصورتده اجرا اولنسنی ایجاب ایدر برشیدر. چونکه دشمن اورادن کرك (ووی) اورماننک شرقدن، کرك (نوروی - له ووه نور) یاخود (صولی) دن کچهرک بعض کشافلر سوق ایده بیلور. اوندن بشقه اگر دشمن، پیاده سیله سزک ایلری قره غوللریکزه کیجه لین بر باصقین حرکتی یایمق نیتده ایسه بوخصوصده آجیق بر اراضیدن زیاده عارضه لی و طاغلق بریده موفق اولسی مأمولدر.

دشمن یقیندر؛ اوندن بشقه یورویشنک صوکلرینه طوغری بعض قوای امدادیه آلمش کی کورندیکندن آکا قرشو مکمل بر ایلری قره غول ترتیباتی آلمق لازم کله جکی پک طبیعیدر.

مع هذا، ایلری قره غول خطنک ایکی منطقه سنده عین قوتک وضع ایدلمسی ایجاب ایتمز. اووه ده یالکز دشمنک تقرب ایده بیله جکی یوللرینی کوزه تمک کافیدر. طاغلق وکسیک اراضیده ایسه ده بشقه درلو حرکت ایتک لازم کلور.

مختلف ایلری قره غول قدمه لرینک یرلرینی تعیین ایتک ایچون بیکباشی ب.. ایلک اوکجه خریطه اوزرنده (میج) دن (موزیر) ه

کیدن بیوک یول ایله آنک یان طرفلرینی ایودن ایویه برکوزدن
 کچوره جکدر. مومی الیه اوراده آیری آیری ایکی یغینه تصادف
 ایدر: برنجیسی (مهزون - روز)، (مهزون - نو)، (ووی)،
 ایکنجیسی (سن رهمی)، (بهل وو)، (لادون شان)، برنجیسنک
 ملحقاتندن اولمق اوزره (موزل) جهتنده (سن - ثلوی) [۱۶۵]
 راقلی محلك غربنده [ایله (توری) کویلی واردرد. ایکنجیسنک
 ملحقاتی ایسه اوچدرکه بریسی (تاب) لر، دیکری شمالده (فرانق لون
 شان)، اویری ده شرقده (ماکس) در. ایکی یغیندن هر بریسی
 ملحقاتیله برلکده برخط تشکیل ایدر. بناءً علیه اووده دشمنک
 یوروشی آنجق مسکون محللرده مقاومت کوسترملکله طور دیر یله جفتدن
 بیکباشی ب.. بو ایکی کوی یغینندن هانکیسنی اشغال ایتک ده مناسب
 اولدیغنی کندیسندن بر صوره جقدر.

ایکنجی خط مومی الیهک (موزل) دن (ووی) - (نوروی) -
 له و نه نور) یولنه قدر یعنی خط مستقیم حسابیله ۶ کیلو متره قدر
 یایلمسنی ایجاب ایده جکدر. حال بوکه برنجی خطک امتدادی آنجق
 (۵) کیلو متره در. یالکز بو سیدن طولایی (مهزون - روز)
 (ووی) دن کچن خطی اشغال ایتک اوته کینه ترجیح اولنور. ده
 ایلریده بر موضع طوتمه نک باشلیجه ایکی بیوک محذوری واردرد.

برنجیسی اوراده اراضی ده واسع بر امتداد اوزرنده مروری
 کوچلشدیرر؛ ایکنجیسی ایلری قره غوللر سوارسی، آنجق دشمن
 سوارسی بوسکورتلکدن سکره ایلری قره غول! بلوکلرندن درجه کافیه ده
 بر مسافه ایله ایلری سور یله بیله جکدر. بو نتیجه تازانلسه بیله بیوک برشی
 استحصال ایدلمش اولیه جقدر. زیرا، دشمن سوارسی صنعتی ایجابندن

اوله رق کندی ایلک موقعلرینی تکرار طومغه چالیشه جفندن بزم ایلری قره قوللریمیزی راحتسز ایتمکدن بر دم خالی قالمیه جقدر .

بناءً علیه بیکباشی ب .. پیاده سنی برنجی موضعه یعنی الیقین اولانه، ایلری قره غوللر سوار یسنی ایسه ایکنجی موضعه یعنی الاوزاق اولانه یرلشدیرمکه قرار ویرر .

(موزل دن) (بهول وو) یه قدر اولان اراضینک سواری طرفندن اشغال ایدیله جکی شبهه سزدر . لکن بیلنمسی لازم کلن دیگر برشی وارکه اوده بواراضینک غریبه (ووی) دن (سن پریوا) یه کیدن یوله قدر ومثلاً تخمیناً (صولنی) یه قدر اوزانمق ایجاب ایدرمی یوقسه ایتزمی ایشته بوراسیدر . (ووی) اورمانک شرقده کی آجیق منطقهده سوارینک حرکتی پک مؤثر اوله بیله جکدر . حال بوکه ، طاعلق اراضیدن عبارت اولان دیگر منطقهده سوارینک حرکتی بالعکس پک محدود قاله جقدر . بناءً علیه اکریسز سواری بلوککیزی (موزل دن) (صولنی) یه قدر اولان اراضینک هپسنی ترضد ایتمکه مجبور ایدمک ارلورسه کز، اوزمان بلوکک کزیده یالکز برمزکز یعنی برقم کلی براقسی حاندره کوچک پوسته لر خطنده وقوعه کله بیله جک اولان احتمالاته کوچ حال ایله جواب ویریله بیله جکدر .

(ووی) ده سواری بلوککدن ایکنجی برقم کلی تشکیل ایتکده بیوک برایشه یارامیه جقدر . زیرا ، هر هانکی براستقامتده قوای امدادیه کوندره بیلیمک ایچون طرق اتصالیه نک حانته نظراً او ایکنجی قسم کلی بی، ذاتاً پیاده نک قونلمش بولندینی بالذات (ووی) یه یرلشدیرمک لازم کله جکدر . واقعا خدمت سفریه، شویله برتدیرک اجراسنده مساعددر . لکن ، بوراده اوندن صرف نظر ایدیله جکدر .

زیرا بزم مسئله مزه قابل تطبیق دکل ده اونك ایچون. بزم فکریمه قالورسه، سواریدن آنجیق آجیق اولان منطقه ده استفاده اولنه بیله جکدر، طاعلق اولان منطقه نك سترو تأمیننه ایسه پیاده مأمور ایدیله جکدر. (نوروی له وه نور) ایله (صولتی) اوزرینه کشافلر کوندره بیلمش اولسی مقصدیله شو پیاده به مقدار کافی سوارینك ویرلسنی ده مناسب کوریورم. بناءً علیه (ووپ) ده کی پیاده کندی کوندوز امنیت کندیسی استحصاله چالیشه جقدر. غریبه طوغری دها زیاده اوزامغه لزوم یوقدر. کرچه دشمنك بعض سواری اقسام عسکریه سی (آمان ویلر) دن (لوری) به کیدن یولدن طولاشه رق (ووپ) به قدر یناشه بیله جکلردر؛ لکن (ووپ) ده کی قطعات عسکریه خصمك شوتدیرینه برچاره بولق و آتی نتیجه سز براقق ایچون لازم کلن ترتیباتی اخذ ایده جکلردر. برانیت ترتیباتك یانلرینی حایه ایتمك ایچون فصل یابیلورسه یابلسون، بو خصوصده ینه اوتله رینه کچله میه جك بعض حدلر واردر.

اوو ده ایلری قره غوللر پیاده سی (توری)، (سن-ته لوی) [۱۶۵ راقلی محلك غریبنده]، (مه زون - روژ) و (ووپ) استاد نقطه لرینی مدافعه ایده جکدر. کرچه (ووپ) کوی اورمانلره مستند ویا لکز شمال کنارینك بر قسمی مدافعه به مساعد ایسه ده ینه تحت اشغاله آله جقدر. فی الحقیقه مذکور کویك شمال غربی و غرب کنارلری ایلریده کی اراضی به محکوم اولدیغندن انداخت میدانلری بك محدوددر. لکن (ووپ) بوکی یوللرک عقده نقطه سنی تشکیل ایتدیکی ایچون سویلدی کمز محذورلره باقلمق مزین ینه هر حالده اشغال ایدیله جکدر.

اولجه قبول ایدیلن قاعدهٔ عمومییه کوره، پیاده ایلری قره غول بلوکلری مقاومت خطنی اشغال ایده جکلردر، ایلری قره غول قسم کلیسنه کلنجه او، خط مقاومتک برچوق نقطه لرینه کیدن طرق اتصالیه نك مرکزنده یعنی (مه زون نوو) ده یرلشه جکلدر.

شمدی سزك ایچون کری به قالان، آلتان ترتیباتک هیئت عمومییه سی درجهٔ کافییه ده برعمقی حائز می دگلی ایشه اوراسنی پرکار واسطه سیله برتحقیق ایلمکدر.

ترتیبات صورت عمومییه ده برکره اخذ ایدلدکن صکره، بیکباشی ب. . آرتق اولنرک تفصیلاتنه کیریشور. مومی الیهک اداره سی آلتنده ۱۳۰ نجی پیاده آلاینک (۲) نجی طابوری و ۱۳ نجی دراغون آلاینک (۲) نجی بلوکی اولدیفنی فرض ایدیورم. بیکباشی ب. . طرفندن ویرله جک امرک ایلك ایکی ماده سی هیچ برمشکلاتی موجب اولیه رق شووجهله ترتیب ایدیه جکلردر :

۱ — دشمن ایکی قولده (مه زی ر - له یچ) اوزرینه و (سه مه قور)ک اوتله رینه چکلدی. و (تی یون ویل) دن قوای امدادیه آلدقن صکره (هوقونقور) و (مه زی ر) ی پیاده ایله ؛ (آمه لانش)، (سه مه قور)، (فهو) موقع لرینی ده کوچک سواری اقسامیله اشغال ایلدی. مفرزه قسم کلیسی، (ده وان - له پون)ک تیمور یولینک شرقنده کی قسمنده کیجه یی قوناقلرده کچوره جکلدر.

۲ — شمدیکی پیشدار، ایلری قره غول خدمته مأمورآ (موزهل) - (ووی) خطی اوزرنده یرلشه جکلدر. «

بواشعارات سواری به هیچ برشی اوکره تمش اولیه جقدر؛ لکن اولنر پیاده ایچون بك لازمدر. زیرا، پیشدارده کی ضابطلردن هپسینک کلن خبرلره دائر معلوماتلری اولدیفنی قبول ایدیه مز.

سوارینک وظیفه سینه کلنجه، کندی قطعه عسکر به سنی ایستدیک کی
تقسیم ایتمکده سواری قوماندانی سربست بر افرق اولره بالکز
کوره جکلری خطی بر صورت عمومیه ده کوستر مکله اکتفا ایدیکز .
فی الحقیقه ، سواری قوماندانی ذاتاً اراضی ایله ایوجه آلیشمنش اولدینی
ایچون اوننی سربست بر افرق لازمدر . زیرا، او، زمینک احوالی بالکز
خریطه دن کوروب تقدیر ایدن ایلری قره غول قوماندانندن ده
کوزل بر صورتده زمینک تشکلات عمومیه سنی تقدیر ایتش بولنیور .
سواری بلوکنک کوزه ته جکی طرق اتصالیه کلنجه، بونلر ایچنده
اک مهملری شبهه سز، (مهزی پر) و (سه مه قور) بیوک یوللری در .
دیگر جهتن، (موزل) بویجه کیدن یول ایله (غران - تاپ) دن
(آمه لانش) کیدن یول ده اونودلما ملیدر . حال بوکه ، (بهل وو) دن
آیریلان اسکی یول ایله (ژولی پر) اورماننک غربندن کچهرک
(ووی) دن طوغریلجه (فهو) کیدن اهمیتسز یولدن هر ایکسی
کوندوزلری جوار یوللرده حرکت ایدن کشافلر واسطه سیله کشف
اولنه بیلورلر . ایلری قره غول بلوکلرینه ویریه جک سواریلرک عددینه
کلنجه ، بلوکلرک نه وجهله تقسیم ایدیه جکلری و آنلرک اقسام مختلفه .
سنک وظیفه لری قرارلشدیرلرزدن اول آنی تقدیر وتعیین ایتک
قابل اوله مز .

شمیدی مسئله به کوره ، پیاده به استراحت ایتک وچور به سنی
پیشورمک ایچون اپی بر زمان قالمق مقصدیه سواری بی الدن کلدیکی
درجه کچ وقتده کری چکمک لازمدر . کانون اولده کونش آقشامک
ساعت (۴) دینه طوغری باتار . اوپله ایسه ، بن سواریمی (۴) بچقده
کری چکه جکم . بروجهله که . پیاده کرک کندی کیجه موقعلرینی آقشام

ساعت (۳) ی (۴۵) کچه اشغال ایتمه باشلار . وگندی اراضینه ساعت (۱) بمقده کلدیکی فرض ایدیلورسه استراحت ایتمک ایچون (۲) ساعتدن بر آاز زیاده برزمانه مالک اولمش بولنهجق دیمکدر .

شبهه سز بو، آازدر؛ لکن چوربه یایمق ویورویش یوزندن قنا خالده صارصلمش اولان عسکری بر آاز دیکلندیره رک کیجه نک مشکل خدمتی ایچون اولنره بر آاز قوت ویرمک خصوصنده کافی بر زماندر . بناءً علیه، نجه پیاده یه بردن بره کیجه موقعلرینی اشغال ایتدیرمه مک ونسبه آاز بر زمان ایچون اولمقله برابر ، سواری یه موضع آلدیرمق موافق کبی کورینیور .

هر نه وقت عسکرلریکنز یمکله رینی حاضرلامغه مجبور اولورلرسه بونک ایچون وقتلری اولوب اولمدیغی سز ایوجه بر حساب ایدیکز . پیاده لرک اعاشه لری ایچون یانفرلرک کندی طاشیدقلری (اوچ کونلک تعیین خلاصه) تیمور باش ارزاقدن ویا بلوک عربه سنک کتوردیکی (نفر باشنه بر تعیین) تازه ارزاقدن استفاده اولتور . تیمور باش ویا احتیاط تعیین دیدکله ریمز آنجق بر مجبوریته صحیحه حس ایدلیدیکی یعنی دیکرلری بولمیدینی زمان ومفرزه قومانداننک امر رسمیمی اوزرینه صرف ایدیلور . بزم مسئله ده ، تیمور باش تعیینلری صرف ایتمه بر لزوم واحتیاج کورلیور . طابورک بش ارزاق عربه سی (بلوک باشنه بر عربه ایله برده صاتیجی عربه سی) بر آاز وقت صکره کله جک اولان بیوک آغرقلرده در . مذکور عربه لر کلنجه اولنردن عسکرک اعاشه سی ایچون لزومی درجه ده ارزاق آنوره ؛ لکن ، بوصرف ایدیلن ارزاق ممکن ایسه ده اوکون ایلری قره غوللرک اشغال ایتدیکلری مسکون محللرده تکالیف حربیه طرحیله اکمال ایدمیلیدر .

سواری کیجه باصمزدن اول نه جور به سنی پایه جق، نه ده بار گیر لری
 بسلیه بیله جکدر. احتیاجه مدار اولق اوزره سواریده نفر و حیوان
 باشنه برر احتیاط تعین ویریلور. هر سواری بلوکنک، نفر
 و حیوان باشنه برر تعین طاشیان بر ارزاق و بریم عربیسی واردور.
 پیاده نك تعین جهت ایلمسی ایچون اقسامدن صکره موجود
 اولان خفیف آیدینلق کافیدر. کانون اولده یز، بناء علیه لزوم قطعی
 کورلدکجه سواری آچیقده قونیه جقدر. بوراده ایسه مذکور صنف
 ایچون لازم کلن آخورلر اکسیک دکلدور. اوندن اوتری سواری پی
 بوراده هیچ آچیقده برافغه لزوم یوقدر. اک ایوسی بوراده سواری پی
 ایلری قره غول قسم کلیسنده یعنی (مهزون - نوو) ده قوناقلره
 یرلشدیرمکدر. لکن یازیق که (مهزون - نوو) ده لازم کلدیکی قدر
 آخورلر یوقدر. ایشته بوندن طولای درکه، بز، امنیت بر آزاآز
 اولقله برابر اوخصوصده (ووی) پی انتخاب ایدیلور. اکر (ووی) ده
 بر پیاده ایلری قره غول بلوکی وارسه (شمدی کوره جککزر کی
 فی الحقیقه بر بلوک واردور) اوزمان سواری بلوکی آنک
 حمایه سی آلتده کویک اک امین اولان جنوب قسمنده
 طوبلی قوناقلره یرلشه جکدر. کندی امنیت بر آزاآز ترید
 ایتک ایچون مذکور بلوک (لوری - له میچ)، (لوشن) و (قوی یون)
 اوزرینه کیدن یول مخرجلرینه نوبخیلر قوجقلر و حین حاجتده اولری
 باریقادر ایله سد ایله جکدر. سواری بووجهله کنديسنی دشمن
 سواريسنک هر نوع تشبثاتندن قورومش بولنه جقدر. دشمن پیاده سنک
 کیجه لین اوزون بر طولاشمه اجرا ایدرک (ووی) نك جنوب قسمنه
 باصقین یا بمسنه ایسه احتمال ویريله مز، باخصوص بورایه قدر دشمن

هېچ رجعت ایدوب کیتمش ایکن آنک شویله بر جرأتده بولمسنه
بن هیچ عقل ایردیره میورم . مع هذا ، دشمنك جرأته باعث اوله جق
امدادلرك آلمسنه سرك ممانعت ایتمش بولممه كزده شرطدر .

سابقاً اولدینی کبی بوراده ده کیجه لین دشمنله تماسك محافظه ایدلمسنه
دقت ایتك لازمدر . بونك ایچون پیاده خطك ایلرو سنده ایستر
(سن رهمی) یه ، ایستر (بل وو) یه وضع ایدیله جك برسواری مستقل
پوسته سی (۹ و یا ۱۲ سواری ایله برضابط) کافیدر . بو پوسته ،
ایکی بیوك یول ایله شمندوفر بویجه (مه زی ر) و (سه مه قور) اوزرینه
کشافلر کوندره جکدر . (سن رهمی) (تی یون ویل) . کیدن یوللرك
الهممی اوزرنده کائن اولدینی ایچون بن مستقل پوسته نك اورایه
وضعی ترجیح ایدرم . دیگر یوللر اوزرینه پیاده ایلری قره غول
بلوکلرینك تا اوزاق مسافه لره قدر کشافلر کوندرمش اولملری شرطیله
بو یول اوزرنده تماسی محافظه ایتك کافیدر .

شمدی ده طرق اتصالیه شیکه سنی اساس طوته رق پیاده یه تخصیص
ایدیلن اراضی بی بلوك منطقه لرینه آیره جقسکزر . بولندیغمز موسمده ،
ایلری قره غول بلوکلرینی طوبلی قوناقلره یرلشدیره رك هوانك
تأثیراتندن محفوظ بولندرمق لازمدر . چونکه بواصول شوراده تبعیه جه
الویریشلی بر اصولدر .

(مه زون — روز) ك بر بلوك طرفندن طوتیله جنی آب آشکاره
برشیدر . چونکه اك مهم ایکی اتصال یولی ایله شمندوفر اورایه منتهی
اولیورلر . بناءً علیه شونقطه بزم اساس نقطه مز اوله جقدر .

(مه زون — روز) دن (موزل) قدر خط مستقیم حسابیله
تخمیناً (۳) بچق کیلومتره بر مسافه واردر . بومسافه ایله ، اك مهم ایکی

یولی ترصد ایتمک ایچون یالکز بر بلوک کفایت ایتیه جکدر . بناء علیه سزایست (توری) ، ایست (سن ئه لوی) ده قویه رق (مه زون-روز) ایله (موزل) آده سنه دیگر بر بلوک صوقه جقسکز . (مه زون-روز) بلو کینک منطقه سی ، (موزل) جهتدن (سن - ئه لوی) ک غمربنده کی چایرک شرق کناریله تمید ایدلش بولنه جقدر که ذاتا اوراده نظر دفته آلمغه شایان بر چوق خندقلر وارد . ایلری قره غول بلوکی (توری) یه قونلمش اولسیدی ، کندی منطقه سنک همان مرکزنده بولنه جق ایدی . حال بوکه ، (سن - ئه لوی) ده قونیلنجه صول جناحک کریسنده قاله جقدی . لکن (توری) (مه زون - نوو) دن ، اوراده یرلشمش اولان ایلری قره غول قسم کلیسندن ، وقیله امداد آله میه جق درجه ده (خط مستقیم حسابیله ۲۰۰۰۰۰ کیلومتره) اوزاقدیر . او یله ایسه ایکنجی ایلری قره غول بلو ککزی (سن - ئه لوی) ده [۱۶۵ راقلی محک غمربنده کی ؛ زیراً جنوبده دیگر بر (سن - ئه لوی) ده وارد .] یرلشدیریکز . خصمه شدتله مقاومت ایتمک مقصدیله (توری) یه بر کوچک پوسته (طاقم) کوندردلیکی حالده دشمن فی الحقیقه مدافعه یه پک الویر . یشلی اولان بویرده ، ایلری قره غول قسم کلیسی (سن - ئه لوی) ک امدادینه یتیشنجه یه قدر تأخیر ایتدیرلش بولنه جقدر . مع هذا ، اگر سز بونک عکسنی یامش یعنی کوچک پوسته نی (سن - ئه لوی) ه ، بلوکی ده (توری) یه قویتمش ایسه کز بوندن پک بیوک بر قالدق چیغه جق دکلدیر . بوصورت حلی ده پک اعلا محق کوستره بیلورسکز . (مه زون - روز) ک شرقنده کی چایرک شرق کناریله (صولی) یولی اوزرنده چاشیرخانه (واش- حاووز) بیننده ۲ کیلومتره دن بر آز زیاده بر مسافه وارد . کرچه احوال عادیده ، بوامتدادده برجهبه نی ترصد ایتمک

ایچون یالکز بر بلوک یتیشور ، لکن بوراده درت مهم یول دها وارکه .
اونلری ده ستر ایتک لازمدر . اوندن بشقه (ووی) نك شمانده کی
اراضی ترصدی قولای بر اراضی دکدر . بناءً علیه سز (ووی) ده .
بیله اوچنجی بر بلوک یرلشدره جکسکزکه ، وظیفه سی شرق کناری
(مه زون — روز) منطقه سی تشکیل ایدن بالخاصه بوکوی ترصد ایتک
اوله جقدر .

بو اوچنجی بلوک (نوروی — له وه نور) ایله (صولنی) دن کلن
ایکی یولک یرلشدیکی نقطه ده یرلشه جکدر .

ایلری قره غول بلوکلرینه و یریله جک سواریلرک عددینی تعیین
ایتک ایچون ، کچن مسئله ده کی کبی ایلک اوکجه کیجه لین اوزرلرنده .
کشافلر بولندرمق لازم کلن مهم یوللر هانکیلری اولدیننی تعیین
ایدیکز ! صاعده کی بلوک یالکز (ما کس) دن کچن (آمه لانش)
یولی اوزرندن کندیسنی قورومغه و بناءً علیه ینه یالکز او یولی کشف
ایتدرمه که مجبوردر . اگر بوبلوک کندیسنی ایچون (۲) سوار ی طوته رق
مذکور یوله (۲) سوار یلک بر کوچک پوسته کوندر دکن صکره آیریمجه
برکشاف ایچون ده (۳) سوار ی قوللان هجق اولور سه اوزمان اوکا
و یریله جک سواریلرک عددی (۷) یه چیقمش بولنور . لکن ایلری
قره غول قوماندانی بلوک ایکنجی بر کوچک پوسته چیقارمغه لزوم
کوروب کورمیه جکنی بیلمدیکندن احتیاطاً اوکا بر کوچک ضابط ایله
(۹) سوار ی ویره جکدر .

(مه زون — روز) ده کی ایلری قره غول بلوکلنک کیجه سوار ی
کشافلری چیقارمغه بز احتیاجی یوقدر . زیرا اوکنده ، (سن رهمی) ده
بر کوچک سوار ی پوسته سی وارکه یالکز پیاده کشافلری چیقارمغه

آنکله ارتباط حاصل ایدہ بیلور . ایکی بیوک یول بریرینه اودرجه یقیندرلرکه یالکز برکوچک پوسته اونلوك ایکینسی بردن ترصد ایتمکه کافیدر . بناءً علیہ بوبلوکه یالکز (۴) سواری ویریلہ جکدر . مع هذا اگر سز ، (سزرمی) ایله ارتباطی تأمین ایتمک ایچون اوکا ۲ سواریلک برکشافده الحاق ایدہ بیلورسکز ، بزم اوکا هیچ بر دیه جکم اولمز . اولیله ایسه مذکور بلوکه اوزمان (۶) سواری ویرمیسکز . (ووی) دمکی بلوک کوندوزین ایکی یول اوزرینه کشافلر کوندرمکه مجبوردر ، دیگر جهتدن اونک چیقارہ جنی کوچک پوستهلرک عددینی اولدن دها تعیین ایتمک ممکن اوله مز . بونک ایچون ، اوکا هیچ طور . میکز (۲) کوچک ضابط ایله (۱۶) سواری ویریکز . او ، بوسایه ده کوندوزین کندی چفته نوتجیلرینک ایلرینسه قازاق اصولنده پوستهلر کوندربیلہ جکدر . کیجه ائساننده ایسه ایکی یول اوزرینه یالکز برکشاف کوندرمکه اکتفا ایله جکدر .

پیاده کشافلرینک کوندربیلہ جکلری استقامتله کلنجه اونلری تعیین ایتمک بلوک قوماندانک ایشیدر . بونک ایچون امرده بن اونلردن هیچ بحث ایتیه جکم .

قیو پوستهلری الک مهم یوللر اوزرینه وضع اولنه جقلردر . بوندن آکلاشیلورکه یوللردن هر بریسی اوزرینه برز (قیو پوسته سی) قومغه لزوم یوقدر . اگر یالکز بر قیو پوسته سی برقاچ یولی بردن اداره ایدہ بیلورسه نه اعلا ! سز بوراده یوللرک الک مهمی اولان (مه زی بر) یولی اوزرینه اونلردن بر دانه قویه جقسکز . بناءً علیہ (سه مه قور) دن کلن اشخاص (مه زی بر) یولی اوزرینه سوق ایدیلہ جکلردر . (ماکس) دن (آمه لانش) یولی ایچون بر (قیو

پوسته سی) دها ایجاب ایدوب ایتدیکنه بر باقیکنز! بتم فکریمه قالورسه .
بو یول ایچون اوילה بر پوسته یه پک اوقدر لزوم یوقدر . زیرا او یول
ذاتاً جوق قوللانامیور .

بالعکس ، (نوروی - لووه نور) یولی اوزرینه بر قپو پوسته سی .
قویه جقسکیز ؛ (صولنی) دن کلنلر بو یول اوزرینه سوق ایدیله جکلردر .
اوילה ایسه سزک ایکی قپو پوسته کیز اوله جقدر . بریسی (مه زی بر) .
یولی اوزرنده او بری (نوروی - لووه نور) یولی اوزرنده ، (مه زون
نوو) ده طویلی قوناقره یرلشمش اولان ایلری قره غول قسم کلیسی
بر ویا برقاچ چمنه نوبجی واسطه سیله محافظه ایدیله جکلدر . بوخصوصه
جانکیز هر نصل ایستره اوילה یاییکیز . اگر ایلری قره غول قسم کلیسی
(شن) ویا (قوی یون) جهندن کله جک باصقینلردن قورقیورسه
برکوچک ضابط قومانداسنده اولمق اوزره (قوی یون) ک غرب
مخرجینه بر مستقل پوسته کوندره جکلدر . بن بورتیی قبول ایدیورم .
ایلری قره غول بلوکلری طرفندن طوتیله جق اولان مسکون
محللر حال تدافعی یه وضع ایدیله جکلردر . (۵) نجی بلوک دشمن
طوغریجه (ده وان - له یون) اوزرینه ایلرولیه بیلمش اولماق ایچون
(توری) و (سن تئوی) نقطه لرینی مدافعه ایدیله جکلدر . بونی امریکزده
سویلیکنز .

مسئله یه نظراً ، ایرتشی کون صباحه قدر یکی حوادث آلتیه جقدر .
بونی (۲) نومرولی امریکزده ذکر ایدیکنز که هرکس (۱) نومرولی
امر ویرلیدکندن بری یکی بر حوادث اولمدیغنی اوکره نسون و (۲) .
نومرولی امر وقیله ویرلملیدر که بلوکلر مشکلاته اوغرامق سزین سویلنن
ساعتده کندی کیجه موقع لرینی اشغال ایده بیلسونلر .

(مہزون - نوو)

۲ - ۱۲ - ۸۹ - ۱۰۱ کی

نومرو — ۱

ایلری قره غول امری

- ۱ — دشمن ایکی قولده (مہزی یر -
 له میچ) اوزرینه و (سہمہ قور) اوتہ لرینہ
 طوغری چکلدی . و (تی یون ویل) دن
 قوای امدادیہ آلدن صکرہ (هوقون -
 قور) و (مہزی یر) ی پیادہ سی ایلہ
 (آمہ لانش) ، (سہمہ قور) و (فہ و)
 موقعلرینہ ده کوچک سواری قسملریلہ اشغال
 ایتدردی . مفرزہ قسم کلیسی (دہ وان -
 لہ پون) ک شمندوفر یولنک شرقتہ کی
 قسمنده کیجہ یی قوناقلرده کچورہ جکدر .
 ۲ — شمدیکی پیشدار ایلری قره غول
 خدمتتہ مأموراً (موزہل - ووپی) خطلی
 اوزرنده یرلشہ جکدر .

- ۳ — (۲) نجی سواری بلوکی دشمنلہ
 تماسی محافظہ ایدہ جکدر . بناءً علیہ
 (موزہل) - (سزہ می) - (ووپی) داخل
 اولماق شرطیلہ (ووپی) اورمانی خطلی
 اوزرنده یرلشہ جک و (موزہل) نہری
 بویجہ کیدن یوللر ایلہ (آمہ لانش) ،
 (مہزی یر) و (سہمہ قور) کیدن یولاری
 ترصد ایلہ جکدر . اوندن بشقہ درحال
 (۵) نجی بلوکہ برکوچک ضابط ایلہ (۹)
 سواری ؛

- (۶) نجی بلوکہ (۴) سواری ؛

ایلری قره غول قسم کلیدنه (۴) سواری؛
(۷) نجی بلوکه ده (۲) کوچک ضابط ایله
(۶) سواری ویره جکدر .

۴ — (سن ته لوی) ده [۱۶۰ راقلی
محلک غربنده] طویلی قوناقلره یرلشه جک
اولان (۵) نجی بلوک (موزهل) ایله، (سن -
ته لوی) ده داخل اولق اوزره (سن ته -
لوی) ک شمال غربیسنده کی چایرک کناری
پینده بولنان منطقه یی محافظه ایده جکدر.
(مه زون - روژ) ده طویلی قوناقلره
یرلشمش اولان (۶) نجی بلوک شمدی
سویلدیکمز چایرک کناریله (ووی) ده
داخل اولماق اوزره (ووی) نک شرق
کناری آره سندده کی منطقه یی کوزه ته جکدر.
(نوروی - له وه نور) یولی ایله (صولنی)
یولینک برلشدیکی محله ده (ووی) ده
طویلی قوناقلره یرلشمش اولان (۷) نجی
بلوک (ووی) ده داخل اولق اوزره
(ووی) نک شرق کناریله، (صولنی)
یولی اوزرنده (واش حاوز) ک ۵۰۰ متره
قدر جنوبسده کی بر نقطه آره سندده کی
اراضی یی کوزه ته جکدر .

۵ — ایلری قره قول قسم کلیدی (۸) نجی
بلوک، (مه زون - نوو) ده طویلی قوناقلره
یرلشه جک ویرکوچک ضابط قومانداسنده
(قوی یون) ک غرب مخرجنه بر مستقل
پوسته کوندره جکدر .

۶ — بر هجوم وقوعنده، ایلری قره غول
بلوکلری (توری) ، (سن ته لوی)

[۱۶۵ راقلی محلك غریبده] ، (مەزۇن-
روژ) و (ووپی) نەقلەلرینی طوئە جقلاردور .
۷ — راپورلر ایلری قرە غول قسم کلیسنە
کوندریله جکلاردور .

بیکیباشی

ب ..

تبلیغ ایدلشدر :

- ۱ — بلوکه قوماندانلرینه شفاهاً؛
- ۲ — سواری بلوکینه طابور
- قول اغاسی واسطه سیله و تحریراً.

(مه زون - نوو)

۲ - ۱۲ - ۸۹ - ۳۰ کی

نومرو — ۲

ایلری قره غول امری

۱ — دشمنه داثر یکی بر حوادث یوقدر.

۲ — (۲) نجی سواری بلوکی آقشام

ساعت (۱) بجقده (ووی) نك جنوب

قسمنده طویلی قوناقلره یرلشه جکدر .

کیجه لین (سن رهی) ده برکوچک ضابط

ایله (۹) سواری بولهرق دشمنله تماس

محافظه اولنه جقدر . یارین صباح ساعت

(۸) ده تکرار کوندوز موقعلرینه کچیله .

جکدر . کشافلر صباح ساعت (۷) ده

کوندریله جکدر .

۳ — ایلری قره غول بلوکلری آقشام

ساعت (۴) ده کندی کیجه موقعلرینه

یرلشه جکدر . کوچک پوسته لر ایله چفته

نوبتیلر یارین صباح ساعت (۸) بجقده

کری چکیله جکاردر .

۴ — ایلری قره غول قسم کلیسی، صباح

ساعت (۸) ده سلاخلریخی آله جقدر .

• — (مه زی بر) یولی ایله (نوروی-

له وه نور) یولی اوزرنده برر (قیو پوسته سی)

قونیه جقدر .

بیکیاشی

ب ..

تبلیخ ایملشدرد :

۱ — (۸) نجی بلوکه شفاها ،

۲ — سواری بلوکی ایله هیکر

ایلری قره غول بلوکارینه تحریراً

ووه لوسییت سوارلر واسطه سیله .

لویدور موقملری

سواری قسم کلیسی (لادونشان) پارقنك جنوبنده یول اوزرنده
 وضع ایدیله جکدر. بو وجهله دشمنك نظرندن مستور آك مهم یوله
 یقین بولنه رق حین حاجنده (غرانت - تاب)، (سن رومی)، (هل -
 وو) ایله بونك اوتلرینه وکال سرعت ایله ایلرولینه جکدر. مذکور
 قسم کلی کندیخی محافظه ایچون پارقنك شمال کنارینه قاراینا لری یاننده
 اولمق اوزره برجفته نوتجی وضع ایده جکدر. بونوتجی آنك ایله سس
 واسطه سیله مخبره ایله جکدر. (هل - وو) و (سن رومی) نك شمال
 بحر جلیری یالکیز برر کوچك پوسته ایله (بر کوچك ضابط و ۹ نفر
 «ژیلر» و وینه بر ضابط ایله ۹ نفر «سن رومی» به) اشغال ایدلش
 بولنه جقدر. زیرا بو ایکی نقطه سواری قسم کلیسنك طوردیخی
 (لادونشان) کوبندن ایجه اوزاق دکلدرلر. (سن رومی) پوسته سی
 عین زمانده ایلری قره غول پوسته سی وظیفه سنی ده کوره جکدر. دیگر
 بر کوچك ضابط پوسته سی (۱۲ سواری) (واش حاوز) ك غربنده
 (قاله ن بورغ) و (پووان - دوزور) و آریلان یول اوزرنده
 قونیه جقدر.

مذکور پوسته غربه یعنی (نوروی - له و نور) استقامته متوجه
 بولنه جقدر. قسم کلیدن بر آز اوزاق اولان (غرانت تاب) لرده
 بر ضابط کوچك پوسته سی (بر طاقم) [نومرو - ۱] قویه جقسکز.
 بر سواری کوچك پوسته سنك درت دیوار ایچنه قبانوب قالمسی اصلا
 جائز اولمایدن مذکور پوسته چفلک ایچنده یرلشمیه جکدر. بالعکس
 کندیسنی کوستر مکسزین چفلک جنوب جهته یرلشه جکدر. و سلا حله

اوکنه برنوبجی چیقارمجنی کبی برکوچک ضابط قومانداسنده (۶:۴) سواریلک برقازاق پوسته سی ده (موزهل) ك صوك ساحلنده (اوغلی) نك غربندن کچن پول اوزرینه قویه رق کندیسنی اووجهله محافظه ایله جکدر. اوندن بشقه (پوتیت - تاب) لرك شمال گوشه سنه ده (۳) کیشیلک برقره غول (وده دت) قویه جقدر.

غرب جهتدن محافظه ایدملک ایچون سواری بلوکی او طرفه کیدن طرق اتصالیه اوزرنده دائمی کشف لر قوللانم جقدر. برده شومهم قاعده خاطر یکنزده قالسون که، ایلری قره غول خدمت لرنده سواری کندی موقعلرینه باغلی دکل، بالعکس ایستدیکی زمان مذکور موقعلری دیکشیدیره بیلور. کوچک پوسته لریکنزه (طاقلر) صاغدن صوله طوغری نومرو قویه جفکنز کبی، هر کوچک پوسته داخلنده قزاق اصولنده کی پوسته لریله (وده دت) لره ده ینه بویله جه نومرو قونیه. جقدر. برنجی خطده قوللانمش اولان سواریلرک عددینی ایوجه حساب ایدنجه کریده سواری قسم کلیسی ایچون چوق برشی قالدیفنی کوره جکسکنز.

کوندوزین (۶۵۵) نجی بلوکلر، کوچک پوسته لر چیقارمغه لزوم قالمیه جق درجه ده سواری طرفندن ستر ایدلمش بولنیورلر. مع هذا، (۵) نجی بلوک درحال (توری) یه بر یارم طاقم افراز ایدره ك بونصف طاقم کندیسنی بر چفته نوبجی ایله محافظه ایتش اولدیفنی حالدیه اوراده یرلشه جکدر.

بالذات بلوکه کلنجه (سن - نملوی) اولرندن استفاده یه مجبور اولدیفندن اوده الك آز بر چفته نوبجی افراز ایدم جکدر.

(۶) نجی بلوک (مهزون - روژ) ده بیوک یوللردن هر بریسی اوزرینه بر چفته نوبجی قویه جقدر.

(نوروی - له و نه نور) ایله (صولی) جهته ایلر وسیده هیچ سوارسی بولمیان (۷) نجی بلوک دها احتیاطی بر صورتده حرکت ایله جکدر. اوندن بشقه کومه کومه اغاجلر ایله اورمان پارچه لری آنک نظر تتی ستر ایدرک دشمنک کوندوز و کیجه ایلری قره غوللر جوارینه قدر صوقلوب کلمسه مساعددرلر. شوکی حاللرده محدود بر دائره ترصد ایچنده قاله جق اولان برخیل پوسته لردن زیاده دائمی کشافلر قوللانمقدن فائده کوریلور. بوندن طولای یالکز یوللار اوزرینه پوسته لر چیقاریله رق آرده کی اراضیده ایسه دائمی صورتده کشافلر کزدیریله جکدر. بناء علیه ایکی بیوک یولدن هر بریسی بر کوچک پوسته طرفدن محافظه ایدیله جک و (نوروی - له و نه نور) یولی اوزرینه قونیه جق اولان پوسته (نومرو - ۲) درجه کافیده آجیق بر انداخت میداننه مالک اولق ایچون ایجه ایلری سورلش بولنه جقدر. او یله ایسه او، یوزی (ووی) اورماننه متوجه اوله رق کوچک صرتک کیروسنده یرلشه جک و برهجوم وقوعنده بوصرتی اشغال ایده جک و باخصوص اورمانلر ایله کول آره سنده کی بوغازی دوکه جکدر. مذکور پوسته یول اوزرنده کولک جنوب شرقی کنارینه طوغری بر کوچک ضابط ایله (۶) نفر دن عبارت اولان بر قو پوسته سی (نومرو - ۲) کوندره جکدر. وکندیسک شرقده دها صاغده یرلشمش اولان (۱) نومرو لی کوچک پوسته ایله ارتباط حاصل ایتک ایچون اورمانک کنارینه طوغری چفته بر نوبتجی (نومرو - ۱) بولندیره جقدر. کوچک پوسته نک غربنده یوللرک برلشدیکی محله وضع ایدیان دیگر بر چفته نوبتجی (صولی) طاش اوجاقلرینه (ایشتان بروخ) کیدن یولی ترصد ایله جکدر.

(۳) نومرولی کوچک پوسته (صولی) یولی اوزریده (واتس
 حاوز) ده بولنه جقدر. بو پوسته سلاح چاتیلری اوکنه برنوبجی
 دیکه جک و (شهن) اوزرینه کیدن یولک آیرلدینی نقطه یه برکوچک
 ضابط قومانداسنده (۶) کیشیلک بر پوسته (نومرو - ۱)
 چیقاره جنی کبی بو عرضانی یولک (لوری - له میچ) - (وپی) یولی
 ایله برلشدیکی نقطه یه کذلک عین قوتده بر پوسته (نومرو ۲) چیقاره جقدر.
 اولجده سویلیدیکم کبی (صولی) یولک همان شالنه بر پوسته
 قویمغه لزوم یوقدر ظن ایدیورم. چونکه بو طاغلق و عارضه لی یرده
 هیچ بر یولدن فلان اثر یوقدر. پیاده پوسته لرینک ایلروسنه ایسه
 بالعکس، برکوچک ضابط قومانداسنده اوله رق (۶) کیشیلک برقزاق
 پوسته سی (ویله رس - له پله سنوا) نک جنوبنده توپله ری (زه غل) یه
 وضع ایدیه جکدر. (۴) کیشیلک دیگر بر پوسته و یا خود برکشاف
 ایسه صولنی نک شمال مخرجنده ترصد حالنده بولنه جقدر.

سواری بلوکی ایله ایلری قره غول بلوکلری دها زیاده تفصیلات
 آلمق ایچون کچن مکتوبده کی تعلیماته مراجعت ایده جکلردر.

(مهزون - نوو) ده احتیاطده بولنان (۸) نجی بلوک ایلک اوکجه
 کوپک شمال کنارینک درت یول آغزینه قونلمش اولان برچفته نوبجی
 ایله محافظه ایدیه جکدر. اوندن بشقه مذکور بلوک (قوبی یون) نک
 غرب مخرجینه افراز ایدیه جک اولان مستقل پوسته یی ده درحال
 کوندره بیله جکدر. بو پوسته ، (صولی) یولی ایله عسکری جاده
 (قریغ اشتراسه) نک برلشدیکی نقطه یه برچفته نوبجی قویه جق
 و (صولی) ایله (پلایه ویل) اوزرینه کشافلر کوندره جکدر. مذکور
 پوسته نک قوتی برکوچک ضابط ایله (۱۲) کیشیدن عبارت اوله جقدر.

کچه موقعلری

(توری) کوچک پوسته‌سی (نومرو - ۱) اولاً، برکوچک ضابط اداره‌سنده (۹) کیشلیک برپوسته (نومرو - ۱) (موزمل) کیدن یول اوزرینه (هانکی نقطه‌سنه اولورسه اولسون) کوندره جکدر.

ثانیاً، برکوچک ضابط ایله (۶) کشیدن عبارت برپوسته (نومرو - ۲) (توری) نك ۴۰۰ متره شمال شرقی‌سنده اتصال یولی اوزرنده قونیه جقدر. ثالثاً، برکوچک ضابط ایله (۶) کیشلیک برپوسته (نومرو - ۳)، (ماکس) لك الك جنوبده کی قسم ملحقه وضع ایدیه جکدر. بووجهله، مذکور پوسته لردن هر بریسی جوار پوسته دن (۶۰۰) متره اوزاق بریول اوزرنده برلشدرلش بولنور. بوراده کی اراضی يك فنا برارضی اولمديفندن مذکور اوچ پوسته ایله درجه کافیه ده ترصد و محافظه ایدلش اوله جقدر.

(۵) نجی بلوك بوندن بشقه (سن - ثلوی) دن (فرانقلون شان) کیدن یول اوزرنده (سن ثلوی) لك ۷۰۰ متره شمال شرقی‌سنده خندق اوزرینه قورلمش اولان کویری به برکوچک ضابط پوسته‌سی (نومرو - ۲) [برکوچک ضابطله (۹) نفر] وضع ایدم جکدر. (مسافه ایجه اولدینی ایچون بورایه چفته برنوبجی قومیق کافی دکلدر). بوکوچک پوسته (۱) نومرولی کوچک پوسته دن چیقارلمش اولان (۳) نومرولی پوسته دن تخمیناً ۶۰۰ متره قدر اوزاقدیر.

دیگر برکوچک ضابط پوسته‌سی (نومرو - ۳) [برکوچک ضابطله ۹ نفر] ۵ نجی بلوك (۶) نجی بلوكه ربط ایدم جکدر. بوپوسته چایرك شرق کناريله خندق برلشدیکی نقضیه وضع اوله بيله جکدر.

طوغرایسنى سۆيلىك لازم كلورسه ، بو پوسته قطعياً براحتیاج یوقدر .
 زیرا ، اوطرفده برکړه یول موجود دکلدر ، ثانیاً دشمنك خندقلر
 ایله کسلمش اولان براراضی به کیجه لین صوقیله بیلمسی پك اوقدر
 محتمل دکلدر . هر حالده (مهزون - روز) دهکی (۶) نجی بلوك
 (ما کس) یولی اوزرنده ۶۰۰ مترو ایلری به برکوچك پوسته
 (نومرو - ۱) [برکوچك ضابط ایله ۹ : ۱۲ نفر] کوندره جکدر .
 بناءً علیه (سن - ثلوی) ك همان شالنده کی اراضی هر درلو ترصد
 آلتنده بولندیر یله حق دیمکدر .

بر برینه پك یقین اولان ایکی بیوك یول ایله شمندوفری محافظه
 ایتمك ایچون برکوچك پوسته (۶ نجی بلوك ، نومرو - ۳) کافیدر .
 اگر بو پوسته (مهزی ر) یولی اوزرینه قونیله حق اولورسه آنی
 آچیقده بولندرمق لازم کله جکدر . بناءً علیه ایکی ایوسی اونی (سن -
 آدل) ه قویمق و (مهزی ر) یولنی برکوچك ضابط اداره سنده بولنان
 برپوسته ایله (نومرو - ۱) [۲ نومرولی پوسته دن آیرلمش] کوزتمکله
 اکتفا ایلمکدر . بو پوسته (برکوچك ضابط ایله ۶ کیشی) عین
 زمانده قبو پوسته سی وظیفه سنی ده کوره جکدر . مذکور پوسته نی
 یاپول اوزرنده کورری به قویه بیلورسکز و یاخود (لادون شان) ده
 زیاده یقین اولق ایچون آنی بر آاز ده شاله کوتوره بیلورسکز ؛
 بونك اوقدر بیوك براهمیتی یوقدر . زیرا ، یول « سن ره می » دهکی
 سواری پوسته سی طرفدن درجه کافیه ده محافظه ایدلمشدر . و ذاتاً
 بوسواری پوسته سی کیجه نی اوراده کچوره جکدر .

(۲) نومرولی کوچك پوسته سلاحلر اوکنه برنوتجی دیکدیکندن
 آیریجه برچفته نوتجی (نومرو - ۲) تیمور یولی اوزرینه ؛ دیگر

برنوتجی (نومرو - ۳) ده (سهه قور) بیولک بولی اوزرنده (سهنت - آدل) ۳۰۰ : ۴۰۰ متره شمالنه وضع ایده جکدر. واقعا بونوتجیلر بربرینه ایجه یقین اوله جقلردر، لکن شوایی مهم اتصال یولینک یالکز برنوتجینک نظارتی آلتده براقلامسی لازم کلدیکی آپ آشکاره برشیدر.


(۷) نجی بلوک کندی کوندوز موقعلریخی محافظه ایده جک و بوندن بشقه (۶) نجی بلوکه ارتباط حاصل ایتک و (ووی) نک شالنده کی آچیق اراضی بی ترصد ایتدیره بیلیمک ایچون (سهنت - آدل) ۶۰۰ متره غربنده کی یول شعبه سنه برکوچک پوسته (نومرو - ۱) [برکوچک ضابط ایله ۱۲ نفر] کوندره جکدر. سواری قازاق پوسته لری کری چکیله جک واونلرک خدمتلری کیجه لین، (نوروی - له وونور) ایله (صولی) یه قدرایلر ولیله جک اولان کشافلر طرفندن کوریله جکدر.

ایشته کیجه ترتیب تی بویله اوله جقدر. یاپه جفکز قروکید (سن رهمی) ده براقیلان پوسته ایله سواری بلوکیک (وی) ده اخذ ایلمش اولدینی امنیت ترتیبائی کوسترمکی اونوتمیکنز. بوترتیبات (لوری له میج)، (شهن) و (قوی یون) ه متوجه اولان مخرجلرده یرلشدیرلمش یایا اوچ قزاق پوسته سی طرفندن اجرا ایدیله جکدر.



يکرمی برنجی مسئله

« عمومی خریطه ، (مچ) و (وهرنی) بافته لری .



فکر عمومی .

بر شرق فرقه سی دشمن مملکتند . حرکات عسکریه اجرا ایدبور . مذکور فرقه (موزله) نهرینک غربنده برچوق شدتلی محاربهرلر ایتدکدن صکره ، (مچ) شهر غیر مستحکمندن کچهرک (سار بروک) اوزرینه چکیلور . بر غرب فرقه سی ایسه آتی تعقیب ایدبور .

غرب مفروضه عائد فکر خصوصی .

غرب فرقه سنک پیشدار باشی (پیشدار : ۴ طاہورلی برپیا ده آلائی ، ۳ سواری بلوکی ، ۳ بطریه ، کوپریچی طاقیه برلکده ، براستحکام بلوکی ، برسیار خسته خانه طاقی .)

نیسانک برنجی کونی آقشام ساعت (۴) ده (بوردرلرک شرق مخرجنده کی مسافر خانه یه (قروغ) واصل اولور . ایجه صارصلمش بولسان دشمن (لووالییر) ، (لاپلانشت) و (قولومبیه) دن کچهرک (واللییر) دره سنک کریسنه چکلدی . مع هذا ، دشمنک پیاده سی هنوز (لووالییر) ، (لاپلانشت) موقعلریخ الله بولندردقدن بشقه ، (قووانسی) نك غربنده کی تپیه ، (قونیون) [« لووالییرک شالنده ای و (اوینی) بی الله بولندیره رق کندی موضعلریخ حال تدافیه وضع ایلمکده در . (لایتیه - بیره خانه سی) و (قووانسی) نك غربنده بطریه آمپاسانلری تدارک اولنیور . برچوق دشمن سواری کشف قوللری دره نك صاغ ساحلی اوزرنده بردوزیه کزینوب طوربورلر . اهاالیدن بعض اعتما ده شایان اولانلرک ویردکلری معلوماته نظرآ ایکی طاہور پیاده ایله بر بطریه نك پک پریشان و غیر منتظم برصو رتده واصل اولدقلری (مونطوی) موقعنده توقف ایلدکلری آکلاشیلور . دشمن (قووانسی) و (فلانویل) ی اشغال ایتدی .


برچوق پیاده آلائی ایله برچوق بطریه لر (قورسه ل) اوزرینه رجعت

ایلمش لر در . شدتله اغش اولان یا غمور لر دن طولای (والی یز) دره سی ایجه طاشقین بر حاله کلشدر . پیاده اونک او زرن دن کو پر یسز یکمید حرکتی یاپه من . (لاپلانشته) کو پر یسی بر هوا ایتدیرلدی . (قو پی یون) دن (او بی نی) یه قدر اولان دیگر کو پر یلر باریقادلانمشلر در .

پیشدار قوماندانی بر آز اولجه سویله یکمز ساعتده فرقه قوماندان دن آشاغیده کی امری آلور : « (میچ) ده قوناقلره یرلشک ایچون فرقه مه هنوز امر ویرمش بولنیورم ؛ پیشدار (سهیل) دره سنک شرفنده کی مسکون محللری اشغال ایده جکدر ؛ (وانطو) دن (بورنی) اورمانه قدر اولان جبهه یی بر صورت عمومیه ده کوزه دیکز . فرقه قسم کلیسی یارین استراحت ایده جک ، سز ایسه شدتله دشمنی تعقیبه دوام ایلیه جکسکز . »


یاسیله جق وظیفه

- ۱ — پیشدار قوماندانک کیجه ایچون ویره جکی امر (امنیت ترتیباتیله کشافلرک تعقیب ایده جکلری استقامتلری مفصلاً کوستر بر قروکی ایله برابر) .
- ۲ — دشمن جهتنده یکی بر شی اولدیغنی فرض ایدرک ، ایرتسی کون ایچون ویریه جک امر .



يکرمی ايکنجی مکتوب

ایلری قره غوللر — برصو مجراسنه هجوم .



بیلورسکزرکه تعییه غیر متحول قاعده لر قبول ایتمز ؛ لکن شمدی .
کوره جککز کبی ، دیکشمسی غیر ممکن بر قانون آلتنه قونلمسی الک
مشکل اولان شیده ایلری قره غول خدماتیدر . کچن ایکی مسئله ده .
جزء تاملرک تقسیماتی و بر برینه اولان مسافه لر یله بر لکده کوردیککز
ترتیبات ، سزجه احوال عادی ده تطبیق اولنور بر اصول کبی ظن
ایدلمشدر . بوراده ایسه قطعاتک لرلرینی تعیین ایتک ، تقسیماتی بایمق
و آره لرنده کی مسافه لری کوسترمک خصوصنده اراضی ایله آنک
خواصندن بشقه هیچ برشیئی طانییه رق دشمنک وقت ایله مسافه سنی قاله
آلمیه جق اولان بر اصولدن نه قدر چوق احتراز ایلیمک لازم کلدیکنی
کوره جکسکزر .

ایلری قره غول ترتیباتی تعیین ایتک ایچون وضعیت عمومیه ایله
قوماندا هیئتک آمال و مقاصدینی یعنی مذکور ترتیباتک تأمین ایدم جکی
مقصدی داخل حساب ایتک لازم کلور .

(۱۹) نجی مکتوبیمک صوکلرینی مطالعه ایدرکن ، دشمن ده
اوزاق بر مسافه ده اولسه ایدی ، قبول ایدیلن ترتیباتک جدی بر تعدیلاته
اوغرامش بولنه جقنی البت آکلامشسکزدر .

شمدیکی حالده ، اولجه آلینان ترتیباتدن فرقلی بر صورتده اخذ
ایدیله جک اولان ترتیباتی تعیین ایدم جک الک چوق وضعیت عمومیه
وسکره ایلری قره غوللره کوستریلن وظیفه اوله جقدر .

اويله ايسه، بوراده پيشدارك آيره جنى ايلرى قره غوللرك وظيفه سى نه در ؟ رجعت ايتمش وپك فنا حالده قوه معنويه سنه خلل كلش اولان دشمنك بوكيجه فرقه يي ويا هيچ دكلسه آنك پيشدارنى باصقن ايتمكه قالمسنه براحتال ويريله بيلورمى ؟

دشمن فرقه سنك قسم اعظمى، مغلوب اولدقدن صكره (فورسه ل) اوزرينه چكيليور . اويله ايسه ، قطعياً كسديرلمه مكله برابر ، دشمنك (واللى ير) دره سنده قوتلى بولمى غير ممكندر . بالعكس ، وضعت عموميه نظرأ ، اكر دشمن يورغينلقدن بى تاب دوشمش اولان قطعات عسكريه سنى ، برطرفدن تعجيز ايدلمكسزىن ، (مانطوى) ايله (واللى ير) دره سى اوزرنده استراحت ايتدرمكه ونظام وانتظامه كيردرمكه موفق اولورسه بونى كنديسى ايچون بر بختيارلق بيامليدر . دشمن موقتاً ، تعقيب حركتى طورديره بيلمك ايچون اغلب احتمالاه كوره كندى قطعات عسكريه سنك الك اى برقسى ايله (واللى ير) دره سى خطى طوته رق اوراده بعض اوافق تفك استحكاملر يادرمش اولسه كر كدر . برده ، تخریب ايتديكى كوپريلر ايله سد ايلديكى كوپريلر آنك بر تعرضه كچمك ويا بر باصقن يايىق فكرنده اولمديقى بك اعلا كوستيورلر .

زيرا ، ياغموردن طولايى صولرى ايجه آرتمش اولان دره يى كچمك خصوصنده كى وسائطى او ، كندى آرزوسيله آرمدن قالدرمش بولنيور . دشمنك (ميج) استقامته برقاج پياده كشف قولى كوندرمش اوله جنى محتلدرد ؛ لکن بوده ينه يالكز بر مقصد تدافعى ايچون يعنى كنديسىن بر كيجه باصقنندن محافظه ايتمك ايچون اوله جقدر . مع هذا ، شوخصوصده ايلرى قره غوللرك كرك مذكور كشافلرى بك اوزاغه قدر

ایلو ولمکدن منع ایتملری کافیدر . بناءً علیه سزك آله جفکنز امنیت .
 ترتیباتی کچن مسئله لرده کوردیککنز کبی مکمل برایلری قره غول .
 شبیکسنه عرض احتیاج ایتیه جکدر . دشمنک یقینغلیله برابر ، ایکی
 مهم یولدن هر بریسنی برر بلوک طرفدن محافظه ایلمکله اکتفا
 ایده جکسکنز . بوبلوکلر شبهه سز ، کوچک پوسته لر ایله ستر ایدلمش
 اولدقلری حالده کندیلری قوناقلره یرلشه جککدر . اوله ایسه ، بر بلوک
 (سه باستوپول) چفتلکنده ، دیگر بر بلوک ایسه (بهل - قرووا)
 چفتلکنده یرلشه جکدر . بوبکلر پیشدارله اولان ارتباطلرخی کشفلر
 واسطه سیله محافظه ایلیه جککدر . سز بووجهله لزومی یامش
 اوله جقسکنز . ایلروده بوندن فضله پیاده بولندیر مق ایسه ، قاعده
 تصرفه مغایر دوشمش بولنه جغنی پک اعلا بیلورسکنز .

پیاده نک ایلر و سنده سواری بولندرمغه کلنجه ، بوقطه یاً لزوم سز
 برشیدر . شمدی یه قدر سوارینک ویردیکی معلومات ، وضعیتی درجه
 کافیه ده میدان چیقارمشدر . اوخصوصده فضله معلومات ایدنمکه
 احتیاجکنز قالمامشدر . اوندن بشقه برجه تدن ، (سه باستوپول) ایله
 (بهل - قرووا) آرم سنده کی مسافه ، دیگر جه تدن ، بوچفتلکلر ایله
 (وائی یر) دره سی ییتنده کی مسافه سوارینک کچن مسئله لرده کی کبی
 بروظیفه ایله مکلف اولسنی ایجاب ایتیه جک درجه ده قیصه در . بناءً
 عایه یالکنز بلوکلره برقاچر سواری الحاق ایتک و دشمنله تماس ، محافظه
 ایچون لازم کلن ترتیباتی آلق یتیشور .

شمدی برکرده کیجه لین وشفق سوکدیککی انشاده خصمک
 جناح لرینی طولاشه رق کر یلرنده نه لر وار ، نه لر یوق اوراشی
 آکلامق ایچون پیاده نک جناح لر نده کوچک سواری اقسام عسکر یه سی .

بولنديرمغه لزوم وارمى يوقى ايسته اوراسنى بردوشونىكز . بيلور .
 سكرزكه ، سوارى دشمن جبهه سنه طوغرى ايلرولىه مديكى آندن
 اعتباراً ، آرتق خصمك جناحلىرى طولاشمەنك چارە سنى آرامغه
 باشلار . بوراسى ايسه ، ايسته اصل بوقاعده نك اك چوق تطيق
 ايديله جكى بريردر . چونكه على الخصوص تعقيلرده سوارى نك وظيفه سى
 دشمنى راحتسز ايتك وجناحلى اوزرىنه يوكلنمكدن عبارتدر .
 بووظيفه ايچون بز يك آز مقدارده سوارى ويره بيلورز . زيرا ،
 پيشدارك يارين ايچون ، باخصوص سوارى يه كوردىريله جك يك زور
 بروظيفه سى واردر . اكر سز بوكيجه ايلرى قره غوللرده تام بلوكلر
 قوللانەجق اولورسه كز ، شهبه سز يارين اولردن چوق برشى ايستمكه
 حقه كز بولنميه جقدر .

ديكر جهتدن ده اكر دشمنك برچوق كشافلىرى وياقازاق اصولنده
 پوسته لرى وارسه اولنرى كرى يه پوسكورتە بيلمك ايچون ايلرى قره
 غوللرك جناحلىرىنه كوندريله جك سوارى اقسام عسكرىه سنك درجە
 كافيه ده قوتلى بولنملرى لازمدر . اويله ايسه بو جناحلردن هر بريسندە يعنى
 (قرىژى) ايله (وانطو) يه بر طاقم وضع ايتمكه قرار ويريورم .
 (قرىژى) طاقى (آرس — لاكمه كسى) بيوك يولى بويجه (اوبىنى)
 جهتلىرى استكشاف ايدە جك ، (وانطو) دىكى طاقم ايسه (واللى بر)
 دره سى بويجه كيدن يول وياخود (مەى) استقامتندە (قوبى يون)
 (نوبى) جهتلىرى كشف ايليه جقدر .

برايلى قره غول قسم كليسى تشكيل ايتك بوراده لزوم سزدر .
 برىسى (بورنى) نك شرق مخرجندە ، اوبرى (بوردلر) ك شرق
 مخرجندە طويل قوناقلره يرلشمش اولان ايكي بلوك يك اعلا اونك

یرینی طوته بیله جکلر در . مذکور بلوکلر ، اگر هراحتمالک فوقنده دشمن ایلریده کی بلوکلر اوزرینه فائق قوتلرله برهجوم یاهه جق اولورسه ، آنلری تام وقتنده حایه ایدمه بیله جکلر در .

قرار : بوراده برایلری قره غول قوماندانی تعیین ایتمه لزوم یوقدر . ایلری یه سورلمش اولان بلوکلر ، (بورنی) و (بوردلر) ده کی قوناق قوماندانلری طرفدن دکیشدیر یله جکلر در . عین وجهله ، ایکی سواری طاقندن هر بریسی ، کندی زاپورلرینی یانی باشنده بولندیغی یعنی منسوب اولدیغی بلوکی چیقاران قوناق قوماندانه کوندره جکلر . لکن هر حالده پیشدار قوماندانک امری ، امنیت ترتیباتک مختلف اقسامی آره سنده بولنه جق ارتباطدن ایوجه بحث ایتش اولمیدر .

ترتیباتکزی قلمه آلمق ایچون ، شبهه سز ، (۱۷) نجی مکتوبمک نهایتده کوسترلمش اولان امر نمونه سنه مراجعت ایلله جکسکز ؛ لکن امید ایدرمکه ، اونمونه ناک بوراده اصلا قابل تطبیق برشی اولمیدیغی در حال تصدیق ایدمه جکسکز بن شومسئله یی مخصوص بویه وضع و ترتیب ایلدم . چونکه ویردیکم ، نمونه لرك حرفی حرفینه تطبیق ایدمک ایجاب ایتدیکنه دائر قناعت وجدانیه حاصل ایتش بولنمکزی ایسترم .

پیشدارک مختلف اقسامنک بولندقلری قوناقلره و امنیت خدمته مأمور قطعات عسکریه یه کیریشمزدن اول ، برکزه دشمنه دائر آنان حوادثی سویلمک لازمدر . زیرا ، بوکی حوادثلردن اک چوق مستفید اوله جق ایلری کوندریان اقسام عسکریه در . ایلک مکتوبده سزه سویلدیکم کی ، مکمل بر صورتده مغلوب اولمش بولنان خصمک قوه معنویه سی فنا حالده بوزلدیغی سویلیککز . مع هذا ، بودشمنک (والییر) دره سی خطنک کریسنده بعض استحکاملر یاهه رق طور دینی ده علاوه

ایدیکز. چونکه هرکس، اوراده دشمن طرفدن بر مقاومت کوريله جکني بيلميدر.

مسئله ده کی معلوماته نظراً پیشدارقوناقلره يرلشمک ایچون (کولو) (بورنی)، (بهل طانش)، (پلانتی بر) و (بوردر) کویلرینه مالک بولنیور. عسکریکزی پک چوق طاغنامق و حین حاجنده آنی ممکن مرتبه جابوق برصورتده جمع ایده بيلمک ایچون بن (کولو) به هیچ عسکر يرلشديرمه جکم.

هم ذاتاً اورايه عسکر يرلشديرمه که لزوم یوق، چونکه اوته کی مسکون محللرده عسکریکزک اقامتی ایچون بول بولرلر واردر.

قطعات عسکریه نك انقسامی ایچون برکزه دهابنم (۴) نجبی مکتوبی کوزدن کچورمليسکز. هر حالده سواری و طوبجی بازگیرلی محفوظ و طوبجی تحت امنیتده بولنه جق برصورتده يرلشديرلمش اولمق لازم کلور. بناءً علیه طوبجی بی (بورنی) به قدر کوندرميسکز. عسکری نه یولده تقسیم ایتش اولدیفمی ویره جکم امرده بوله جقسکز. «عسکرک کیجه ایچون وقوعه کله جک انقسامی ایرتسی کونکی حرکاتی نظر دفته آلهرق اووجهله اجرا ایدلمش اولمی «قاعده سینه کوره پیشدارک قسم اعظمی (قولومبه ی) یولی بویجه قوناقلره يرلشه جکدر. بونک نیچون بویه اولدیفمی برآز صکره کورورسکز. امرده، کذاک دشمنله تماسک محافظه ایدلمک لازم کلدیکی سویانه جکدر. بوخصوصه رعایت ایديله جکندن امین اولمق ایچون (بورنی) ویا (بوردر) ده کی مادون قوماندانلرک بدئت ذاتیه لرینه پک او قدر کووه نميسکز.

زیرا مغلوباً رجعت ایتکده اولان دشمن هر واسطه دن استفاده

ایدرك سزك تعقیب کزدن قور تلمغه چالیشه جق واحتمالکه سزك الیکزدن یقینی صیبر مقایچون کیجه دن بیله مستفید اولمغه غیرت ایدمه جکدر .

مع هذا ، (واللی یر) دره سنك حال تدافعی به وضع ایدلایکمه باقیلورسه دشمنك اوپله بر دوزی به وقاچار جه سنه رجعت ایتك فکرنده اولدینی آکلاشیلور . سزك آلمش اولدیغکزدیگر ترتیبات بودیدیکمزی تصدیق ایدر کی کورینور . لکن ، حربده دشمنك او موله دق برشیئه قرار ویرمه جکنه اصلا امنیت کوستریله مز . بتون قوای عسکریه سیله دشمنك یقه سنه صارلق و آنکله اولان تماسی غائب ایتمه مکه چالیشمق پیشدارك وظیفه سیدر . بونقطه نظر دن کوستریله جك الك کوچك بر مساحه پک فنا نتیجه لرك ظهور ایتسنه سبب ویره بیلور . بناءً علیه بوراده . امنیت ترتیباتنك ایلروسنه سوریلن سواری اقسام عسکریه سنه عائد اولان تنبیهاتی تطبیق ایلمک لازمدر .

ممکن اولدینی قدر بودیدیکمز سواری اقسامی ضابطلرك قومانداسنده بولمیدرلر . وکنیدیلرینه کوستریان یرلره باغلانوب قالمیه رق ، بالعکس دشمنك حرکته کوره ایش کورمیدرلر . اولرك طوته جقلری یرلری کنیدیلرینه بالذات پیشدار قوماندانی کوستره جکدر . بناءً علیه پیشدار قوماندانی بوراده . (بورنی) ایله (بوردرلر) ده کی مادون قوماندانلرك بدئت ذاتیه لرینه بر آرز طوقتمش اونقندن چکنیه جکدر . اوندن بشقه کشاف و مخابره خدمتلرنده قوللانمق ایچون (سه باستو پول) ایله (بهل - قرووا) باوکلرینه برقچر سواری ویریه جکدر . پیشدار قوماندانی بوترتیباتی کنیدیسی اخذ ایدرك واونلری بتون مادونلرینه بیلدیره رك اوسایده اولرك ترتیبات عمومیه حقنده بر فکر صحیح ایدتمش اولملری لزومی یرینه کتورمش اولور دیمکدر . باخصوص

بوجهت بوراده دها او قدر زیاده جالب دقتدر. چونکه خدمت ایکی مختلف قوماندانک الینه تقسیم ایدلمش بولنیور. بعض احوالده قطعات عسکریه یه قوناقلرینه واصل اولمزدن اول، بر باصقین وقوعنده نه یولده حرکت ایده جکلرینی بیلدیرمه نك نیچون فائده لی برشی اولدیغنی (۱۸) نجی مکتوبمدن آکلامشسکزدن ظن ایدرم. اگر امرده شو خصوصه دائر هیچ برشی ذکر ایدلمه مش ایسه اوزمان هر جزء تام کنیدیکنندن وطوغریدن طوغری یه اجتماع نقطه سنه کیدر. بن بتون پیشدار ایچون عمومی برتجمع محلی کوسترک فکرنده دکلم.

فی الحقیقه، اگر مأمولک خلافتده دشمن کیجه لین سزک اوزریکزه هجوم ایتک ایستیه جک اولورسه، یا ایکی بیوک یولی ویاخود اولنلردن یالکز بریسی تعقیبه مجبوریت کوره جکدی. بوکی برحاله آنک طوته جغنی استقامت هانکیسیدر، آنی اولدن کشف ایتک ممکن اوله مز. بناءً علیه یالکز بر نقطه اوزرنده طوپلانمش بولنمغه محل یوقدر. برده. ایکی بیوک یول آره سنده، بویوللر ایله درجه کافیهده اتصالاتی اولان بر عمومی تجمع محلی بولنه مز. اونک ایچون الایوسی قطعات عسکریه بی کنیدی خصوصی اجتماع نقطه لرنده براقدهدر.

پیشدار قوماندانی، راپور کتوره نلر کنیدیسنی قولایجه بوله بیللمک ایچون. بیوک یول یاننده (پلاتییر) ده اقامت ایلده جکدر. قوناق قوماندانانی وظائفی کورمک رتبه جه اک بیوک اولانه دوشمکله برابر، مومی الیه مذکور وظیفه لری امرادن بشقه بریسنه کوردیره جکدر. چونکه بویله یایمق حقنی حائرر. (بوردرلر) ده قوناق خدمتی، امرده سویلمکله لزوم کورلمکسزین اوراده رتبه جه اک بیوک اولان ذات طرفدن امر ایدیلده جکدر.

یکی بر امر قلمه آلمقدن چکنمک مقصیدیه ، جزء تاملرک وضع
 وتقسیمندن اول ، ایرتسی صباح اونلردن هر بریسنک اجتماع ایدمچکی
 محلی بیان ایتمکی مناسب کورمشسکزدر ظن ایدرم . بو طبعی بر آرزودر ،
 لکن اکثریا تحقق ایدم میان بر آرزودر . چونکه ، مثلاً بوراده هنوز کون
 بیتمدیکی ایچون احتمال که سز ، وضعیتی اساسندن تعدیله لزوم کوستره جک
 بر معلومات آلورسکز . اویله ایسه ایرتسی کونکی اجتماع ایچون برقرار
 قطعی ویرمه دن اول ، بر کره دشمن جهته سورلش اولان اقسام
 عسکرینه نک کوندره جکی راپورلری بکلیکیز . اونک اوزرینه آقسام
 اوستی یکی بر امر ویرسه کز ، نه اولور . .
 امریکز ایشته شویولده ترتیب ایدلش اوله جقدر .

(بوردلر) ک شرق مخرجی

۱ - ۴ - ۹۱ - ۱۰ - « ۴ کی

پیشدار امری

۱ — مغلوباً رجعت ایتکده اولان دشمن
 یاغورلردن طولانی صولری آرتمش
 بولنان (والایر) دره سنک اوته سنه
 چکلدی . دشمن (اوبینی) ده ، (قووا-
 نی) نک غریبنده کی تپه ده ، (لابلان شته) ،
 (لوالییر) و (قوینیون) ده بعض مدافعه
 استحکاملری یاپسور . برقچ پیاده آلای
 ایله برقچ بطریه (قورسهل) استقامتند
 چکلمشلردر . اها لیک دیدیکنه باقیلورسه
 ایکی دشمن طابورینک (مونطوی) ده
 اقامت ایله یکی آکلاشییور . بزم فرقه من
 (میچ) ده اقامت ایدیور .

۲ — پیشدار آتیده کی وجهله قوناقلره

یرلشه جکدر :

۹۸ نجی پیاده آلاینک برنجی طاבורی،
۹ نجی دراغون آلاینک برنجی بلوکی
(بورنی) ده ..

۹۸ نجی پیاده آلاینک ۲ نجی طاבורی،
هیئت ارکان و ۹ نجی دراغون آلاینک
۳۰۲ نجی بلوکاری (بوردلر) ده .

۹۸ نجی پیاده آلاینک ۳ نجی طابوریه
هیئت ارکانی ، ۳۴ نجی سیار طوپچی
آلاینک هیئت ارکانیه برنجی وایکنجی
بطریه لری (پلاتییر) ک شمال منطقه سنده .

۹۸ نجی پیاده آلاینک (۴) نجی
طاבורی ، ۳۴ نجی سیار طوپچی آلاینک
(۳) نجی بطریه سی . سیار خسته خانه
طاقی (پلاتییر) جنوب منطقه سنده ..

۱۶ نجی استحکام طابورینک برنجی
بلوکی ایله کوپریجی طاقی (بهل - طانش) ده ..
۳ --- (بورنی) دن (قریژی) نک شرق
کنارینه برطاقم سواری کوندریله جکدر .
بوطاقم (آرس - لاکنه کسی) دن کچهرک
(اوبینی) اوزرینه کشافلر کوندره جکدر .
(بورنی) دن برپیاده بلوکی (۴) سواری
ایله برلکده (سه باسنوپول) ده یرلشه جک
(قولومبه ی) یولی کوزه ته جکدر .

(بوردلر) دن برپیاده بلوکی ، (۱۰)
سواری ایله برلکده (بهل - قرووا) یه
کوندریله جک و (لایلانشته) ایله (لووالییر)
یولارینی ترصد ایلیه جکدر .

برسواری طاقی ، (وانطو) نک شرق
مخرجینه یراشهرک (قوی یون) اوزرینه

کشافلر سوق ایده جکدر .

ایلری کوندریله جک اولان قدمه لر
بربریه دائمی ارتباطده بولنه جقلردر .
ضابط کشف قوللری ایسه (قولومبه ی)
و (لایلاشه ت) یوللری اوزرنده دشمن
ایله تماسی محافظه ایلیه جکلردر . بر بلوک
(بورنی) نلک شرق مخرجنده دیکر بر بلوکده
(بوردلر) ک مخرجنده طویل قوناقلره
یرلشه جکدر .

۴ — بر هجوم وقوعنده (بورنی) و (بهل -
قرووا) خطی طوتیله جکدر .

۵ — (سه باستوپول) و (بهل - قرووا) .
ده کی محافظلرک کی مستثنی اولقی اوزره بیوک
آغز لقلر قطعات عسکریه یه التحاق ایده جکلردر .

۶ — راپورلر ، (یلاشه ت) غاز فابریقه سنه
کوندریله جک و یکی امرلر آلتی ایچون
اورایه آقشام ساعت (۱۰) ده کلینه جکدر .
(پلاتییر) قوناق قوماندانی :

۹۸ نجی پیاده آلایندن

بیگباشی ن ..

تبلیغ ایدلشد

۱ — اجتماع ایتیش اولان طابور

قوماندانلرینه شفاهاً ؛

۲ — سواری بلوکلرینه مخبره

ضابطلری واسطه سیله و تخریراً .

مسئله کز ، سزدن پیشدارک امنیت ترتیباتی کوستر بر قرووی
ایستیور . بن شو فرصدن بالاستفاده ایلریده کی قدمه لر طرفدن اخذ
اولان امنیت ترتیباتنک بالذات قوناقلرده یرلشن قدمه لرک اخذ ایده جکی
ترتیبات ایله لصل اکال ایدلمش بولندقلرینی کوستره جکم . اولیه ایسه
صاغ جناحدن ایشه باشلایه لم :

(قریژی) ده کی سواری طاقی عادتاً بر کوچک پوسته کی حرکت

ایده جنگ و (آرس - لاکنه کسی) به متوجه اولان مخرجده یرلشه جکدر.
مذکور طاقم سلاحر یاننده برنوتجی بولندیره جق و بیوک یول اوزرنده
(غرائش - اوبووا) به برقازاق پوسته می کوندرد جکدر . اکر سر
آنی بوجله ۲ کیلومتره قدر ایلری کوندرد می براز اوزاق بولیور .
سه کز دها یقینه کتوریکز و (غرائش - اوبووا) یارقینک غرب کناری
اوزرنده کی کوچک کوپری به قویکز . بعض کشفلر (آرس -
لاکنه کسی) دن کهرک (اوبینی) اوزرینه ایلر ولیه جک . به نیلری ده
(بورنی) ایله ارتباط تأسیس ایده جکدر . بوجهتک امنیتتی استحصال
ایچون بوتربیات کافی کله جکدر .

(سه باستوبول) بلوکی چفالکک اوکنه برچفته نوتجی قویه جقدر .
ایکی یجق طاقم طویلی قوناق اصولنده چفلکده یرلشه جکدر . یارم طاقدن
عبارت برکوچک پوسته (قولومبه ی) یولی اوزرنده (بل - قرووا) به
کیدن یولک آیرلدینی نقطه یه وضع ای دیله جکدر . بو پوسته کندیسینی
سلاحر اوکنده بولندیره جینی برنوتجی ایله حمایه ایده جکدر . برچفته
نوتجی (نومرو - ۱) (غرائش - اوبووا) یولی اوزرینه قونیه جقدر .
کوچک پوسته اوندن بشقه . برقاج کیشیدن مرکب و برکوچک ضابط
قومانداسنده اوله رق (فرانسوزیشه دن کمال) نقطه سنه بر پوسته (نومرو - ۲)
چقارده جقدر . کشفلر (بل - قرووا) ایله ارباطی تأمین ایده جکلری
کبی (غرائش - اوبووا) ، (قولومبه ی) ، و (آله دهمور)
[طودن آله] طوغری ایلر ولیه جکدر . بوبلوک الحاق ایلمس
اولان (۴) سوارینک (۲) سی کوچک پوسته یه ویریه جک دیگر
ایکیسی ده بلوک یاننده قاله جقدر .

(بورنی) ده قوناقلر یرلشمش اولان سواری بلوکی (قولومبه ی) ک

شرقه برضايط کشف قولی (برضايط ۶۰ سواری) کوندره جک .
 بوکشف قولی هم دشمنله تماسی محافظه ایده جک و هم کوچک پوسته لر
 ایله ارتباطده قاله جقدر . بناءً علیه اووجهله بر ترتیبات اختدایله جکدر .
 (بهل - قرووا) بلوکی برچفته نوبتجی ایله محافظه ایدیله جکدر .
 بر کوچک پوسته (نومرو - ۱) [یارم طاقلق] (بهل - قرووا) نک
 شرقنده کی یول شبعه سنه قونه جقدر . بو پوسته کندی سلاحرلی اوکنده
 بر نوبتجی بولندیره بقدر . بر کوچک ضابط قومانداسنده اولمق اوزره
 بر قاچ کیشیلک بر پوسته (نومرو - ۱) (آله - ده مور) [طوددهن -
 آل] ک شمال اوجینه ، دیگر بر پوسته ده (نومرو - ۲) (لورالی یر)
 یولی اوزرنده تخمیناً (۲۰۰) متره ده ایلروده وضع ایده جکدر .
 اونان بشقه (لاپلانسه ت) و (لورالی یر) اوزرینه ده بعض کشافلر
 کوندره جکی کبی (سه باستوبول) ک شرقنده کی کوچک پوسته ایله ده
 ارتباط حاصل ایده جکدر .

دیگر بر کوچک پوسته (نومرو - ۲) [بر کوچک صابط اداره -
 سنده و ۱۲ کیشیدن عبارت] (بهل - قرووا) نک شمال شرقیسندن
 تخمیناً (۷۰۰) متره ایلروده یوللرک برلشدیکی نقطه یه وضع ایدیله جکدر .
 مذکور پوسته (لورالی یر) ایله (لاتور) دکرمنی اوزرینه کشافلر
 کوندره جک و (وانطو) ده کی سواریلر ایله ارتباط حاصل ایده جکدر .
 بوبلوکه ویرلمش اولان سواریلر بوجه آتی تقسیم ایدیله جکلردر :
 (۱) نومرولی کوچک پوسته یه (۲) ، بلوکه کذلک (۲) ؛ دیگر (۶) سواری
 ایسه کشافلقده قوللانیله جق واونلر آره صره (لورالی یر) بیوک یولی
 اوزرینه سوق ایدیله جکلری کبی بلوکه ایلروسنه سورلمش اولان
 ضابط کشف قولی ایله ده ارتباط حاصل ایده جکلردر . (بوردلر) ده کی

سواری بلوکلرندن بریسی طرفدن چیقاریلان بوضابط کشف قولى
(برضابط ایله ۸ سواری) بیوک یول اوزرنده (بلانشهت)ه طوغری
ایلرولیه جکدر ، بروجهلهکه هم (لوالی یر) استقامتی کوزتمکه وهم
دشمنله اولان تماسی غائب ایتمه مکه چالیشه جقدر .

(وانطو) دهکی سواری طاقی کویک شرق مخرجنده یرلشه جک
وبرکوکچ پوسته نصل حرکت ایدرسه اوده اولیه حرکت ایده جکدر .
بردفعه سلاحلر اوکنه برنوتجی چیقاره جق ، ثانیاً (واللی یر) دره سی
وادییی ایچنده (مهی) ه کیدن یولک آیرلیدیغی نقطه ده برقازاق
پوسته سی بولندیره جقدر . بعض کشفلرده (قوی یون) اوزرینه
کوندریله جکلردر . (مهی) دن کچهرک (نوبی) استقامتده کشفلر
کوندرمکده آرزو اولنور برشیدر . لکن ، اراضی ایله یولک فناالی
کیجه لین اوطرفه کشفلر کوندرمکه مساعد دکلدردر .

بوتریتاتک کریسنده کندیلرینی خارجی قره غوللر ایله محافظه
ایدن برطاقم قوناقلریکز واردردر . (بورنی) دشمنه لکیقین اولدیغندن
الک زیاده احتیاطکارانه برصورتده حرکت ایتمه مجبوردر . (قریژی) ،
(سه باستوپول) و (بوردلر) اوزرینه متوجه اولان مخرجلر پیاده دن
چیقاریلان کوچک ضابط پوسته لرله طوتیه جقلردر . بو پوسته لرک
قوتلری بولندقلری یرلرک اهمیتته کوره دکیشه جکدر .

(قریژی) یه متوجه اولان مخرج اسکی وتجربه لی برکوکچ
ضابطه حواله اولنه جقدر . بوکوکچ ضابط برچفته نوتجی (قریژی)
یولی اوزرینه ؛ دیگر برچفته نوتجی ده کویک جنوب شرقی چیقندیسه
وضع ایده جکدر . اوندن بشقه (قریژی) ایله (بورنی) اورمانی
اوزرینه بعض کشفلر کوندرمه جکدر . بناءً علیه آنک اداره سنده کی

کوچک پوسته نك موجودی (۱۸) کیشیدن عبارت اوله جقدر .
(سه باستوپول) کیشیلنی کویک شرق مخرجنی ایجه امنیت آلتنده
بولندیر یور . اوله ایسه اورایه بر کوچک ضابط اداره سند (۶) کیشیلک
بر پوسته یرلشدیر سه کز کافیدر . بو پوسته کویک شمالی شرقی چیقندیر سینه
بر چفته نوبتجی قویه جقدر . (قولومبسی) یولی اوزرنده نوبتجی
بولندرمق و کشافلر کز دیرمک لزوم سزدر .

(بوردرلر) و (پلاتییر) کیدن یول شعبه سی اوزرینه
ایدلمش اولان پوسته نك ده آز چوق براهیتی اوله جقدر . بو پوسته یالکیز
(بوردرلر) یولی اوزرنده (واش حاووز) کشرقده کی کوپر یجکه بر چفته
نوبتجی قویه جقدر .

(بورنی) نك شمال کناری ایچون بوندن زیاده برشی یامغه لزوم
یوقدر اعتقاد ندهیم : لکن اگر سز ، بوجهتده و تمامیه وسطده اوله رق
کوچک بر ضابط قومانداسنده (۶) کیشیلک بر پوسته قویمش ایسه کز
بوندن طولای سی سزی تعیب ایتمکه حقم یوقدر .

(بوردرلر) دیدیکمز یره کلنجه اوراسی طولانی بر مسکون محلدر که
کویک کنارلرندن بریسی دشمنه متوجه بولنیور . حال بوکه جنوبده کی
بیوک جبهه سی (بورنی) ، (بهل-قرووا) ، (بهل-طانش) و (پلاتییر)
ده اقامت ایدن قطعات عسکریه ایله درجه کافیه ده ستر ایدلمش
دیمکدر . شماله متوجه اولان دیگر بیوک جبهه سی کذلک ، کچلمسی
نا قابل بر مانع تشکیل ایدن ، (واللی) یر دره سی ایله ستر ایدلمش
بولنیور . بناء علیه بوراده محافظه ایدیه جک یالکیز بر شرق جبهه سی
واردر . بونک ایچون بر کوچک ضابط ایله (۱۲) نفرلک بر پوسته
شرق مخرجنده کی (قروغ) نقطه سینه وضع ایدیکنز . بو پوسته بیوک

یول اوزرینده برچفته نوبتجی بولندیره جق، (بورنی) ایله (بهل - قرووا) استقامتلرنده ایسه کشافلر کزدیره جکدر . عین قوتده دیگر برپوسته (نه قره ویز) چفتلکله یرلشدیر یله جکدر . بو پوسته (لوریان) ده برچفته نوبتجی وضع ایده جک و (طرو - دولی بهور) ایله (واللی یر) استقامتلرینه کشافلر کوندره جکدر .

(بهل - طانش) ده استحکام بلوکی ایله کوپریجی طاقی واردر . اوراده بوندن زیاده بر قوت اسکان ایتدیر یله مز . چونکه بردفعه یالکنز استحکام بلوکنک (۱۷) بارگیری وار ؛ کوپریجی طاقینک (۸۷) دن زیاده اولان بار گیر لری ده علاوه اوانورسه (۱۰۴) حیوان قدر برشی ایدر که ، آز برمتداز دکلدیر . بو چفتلک دشمن جهتدن (بورنی) ایله ستر ایدلمش اولدیغندن ، امنیتده بولنیور دیمکدر . یالکنز چفتلک ، بجه سنک جنوب شرقی چیتندیسنه بر چفته نوبتجی قومق و حولی ایچنده برقره نول نفری کزدیر مک کانیدر . بوراده کشافلر ، ولانلر کوندر مک هیج لزوم یوقدر .

(پلاتی یر) ده کلنجه اورایی ایچه واسع بریر اولدندن بشقه اساساً ایکی بیوک بازچه دن متشکلدر که ، برپارچه سی (مچ) دن (بورنی) یه کیدن بیوک یول کنارنده اوتدکی ایسه یه (مچ) دن (قریژی) یه کیدن یول کنارنددر . برنجیسنک شرق اوجنده (بوردلر) اوزرینه کیدن یولک شعبه سنه برکوچک ضابط ایله (۹) کیشیک برپوسته وضع ایده جکم . بو پوسته کندیسنی برنوبتجی ایله قورویه جق و اوندن بشقه (بورنی) اوزرینه کشافلر کوندره جکدر . ایکنجیسنه کلنجه او ، شرق جهته (بهل - طانش) و (بورنی) واسطه سیله درجه کافیه ده ستر ایدلمش بولنیور . جنوب کناری

محافظه ایتمك ایچون برکوکچك ضابط اداردسندله اولمق اوزره (۹). کیشیک برپوسته شرق مزارلنك (اوست کیرشوف) جنوب شرقیسنده کی درت یول آغزینده قونیه جقدر. بو پوسته بر آزا یلریده بر چفته نوبتی بولندیره جق و (قریزی) استقامته برکشاف کوندره جکدر.

ایشته حمد اولسون، بوجان صیقیجی امنیت ترتیباتک صوکنه کلیورز. پیشدارک اخذ ایلمش اولدیغی ترتیباتی سزه بویه اوزون اوزادییه کوسترمکدن مقصدم، ایلرییه سورلمش اولان بلوکره مربوط بولان خارجی قره غوللرینک پیشداری هر نوع باصقیندن محافظه ایتمکه بول، بول کفایت ایله گلبی کوسترمکدر.

بوکون دشمنه دائریکی بر حوادث آلتقسزین نهایت بولدی. او یله ایسه یارین صباح اوزکا (قورانس) نك غریبه کی تپلر اوزرنده (اوبینی). (لاپلانشت)، (لووالییر) و (توبی یون) ده (واللییر) دره سی مدافعه یه حاضر برحاله راست کله جکمز مأمول قویدر. کون طوغمزدن دشمنک کر، چکلمش اولمسنه پک آزا احتمال ویریله بیلور. چونکه او یله اولسه ایدی، اوراده بوش بوشه استحکاملر یایمش اولیه جقدی. وضیمت عمومیه بالعکس، دشمنک پک زیاده صارصلمش اولدقن صکره (قورسل) استقامتده چکلمش اولان قسم کلیسنه برکونلک براستراحت ویرمهک محتاج اولدیغی کوستریور. بوندن طولایی دشمنک پیشداری (واللییر) دره سی اوزرنده محاربه یی قبول ایتمکه مجبور اوله جقدر. او یله ایسه، منفرداً دشمنک تعقیبه کوندرلمش اولان پیشدارمزنک وظیفه سی بو خطه هجوم ایتمکن عبارت اوله جقدر.

یاغمور دن طولایی ایجه طاشمش اولان دره او یله برمانع

جدی تشکیل ایدیورکه اورایه طوغریدن طوغری به وقوعه کله جک برهجوم آنجق پک چوق مساعی ایله اوراسنی الده ایده بیله جکدر . یازیق که ، جناحلردن بزیسی اوزرینه حرکت ایدرک دشمنی کندی موقعنی براقوب کیتمه مجبور ایتمهک امکانی یوقدر . شبهه سز ، دشمنه جبهه دن هجوم ایتک ایستیلور برشی دکدر ؛ لکن ، کرک شمال وکرک جنوبدن یاییله جق اولان برچویره حرکتی پک اوزون وطولاشیقلی برحرکت اوله جقدر .

اگر (مهی) ویا (نوبی) جهلرندن ایلرولمک ایستورسه کز ، اوزمان (نوبی) جوارنده کی منحنط یرلره دوشمش اولوردیکزکه دشمن (مونطوی) دهکی قطعات عسکریه سنی (آمی تی بهیره خانه سی) طرفندن و تام زماننده کتورنجه بوتشبت سزک ایچون پک بهالی دوشردی . دیگر جهلدن ، (آرس لاکنه کسی) دن یاییله جق بر چویره حرکتی ده اگر دشمن (قورسه ل) دن کچن خط رجعتک جنوبنه تام وقتنده یتشه جک اولورسه پک مشکل برهجومه منجر اولوردی . هرایکی حالده ده کوریلورکه ، خصمک صوک مقاومتی کسر ایتک ایچون فرقه قوماندانی طرفندن تعقیبه کوسترلش اولمسی ایجاب ایدن شده خلل ککش بولنوردی . اگر سز دشمنی چویر . مک فکرنده ثبات ایدر ایسه کز و دشمن ده هر نوع امیدک خلافتنه اوله رق جسم قطعات عسکریه ایله (واللی یر) دره سی خطندن کچر سه ، کندیلرینی ستر ایتک وظیفه سیله مکلف بولندی کز قطعات ، اراضینک فنا لغندن طولانی احتمال ، پک فنا بریولده رجعت ایتمه مجبوریت کورمش اوله جقدردی . پیشدارک هجوم ایتسنه مساعد برصورتده دشمنه دائر آلتان مکمل حوادثلر خلافتده اوله رق

ینه اک ایو تدیر دایما شدتله وا-تیا طله ایش کورمکده در . زیرا ،
اک زیاده اعتماد شایان اولان حوادلر دایما یا کلش ویا ناقص حقیقه
بیلیمک احتمالی حائر در .

هرشی ایودن ایویه موازنه ایدلکدن صکره ، بوراده کوریلورکه ،
اک چوق موفقیت امیدلری واک سریع نتیجه لرویرن اصول دره علیه
بر هجوم یا بمقدن عبارتدر . برچویرمه حرکتی بوراده خصمک ایشنه
یارامقدن بشقه بر تائیر حاصل ایده مز . چونکه او یله بر حرکت ایچون
چوق زمان صرف ایتیمکه مجبور اوله جقسکر . حال بوکه ، دشمنک
جدی بر مانعک کیریننده موقع طوتمش اولمسندن مقصد اصلیمی ،
بیلورسکرز ، وقت قازانق فکرینه مستددر . برده احتمالکه ، کجید
نقطه لرنده بیله ، قوه معنویه سی اولکی مغلوبیتلردن طولایی پک فنا
زده لشمش اولان ضعیف قطعاتدن بشقه بر شیئه تصادف ایدلیه جکدر .
نهرک هر هانکی بر نقطه سنده برقایی کوپری قورمق فکرینه بر تانیه
بیله دوشمشمش اولیه جفکزی اومیورم . بویله بر فکر نتیجه سی
فلا کته منجر اوله جق بر نکردر ؛ زیرا سز او کوپری یی دشمن
آتشی آلتنده قورمغه مجبوریت کورده جکسکرز .

دشمن (واللی یز) دره سندن بر کره قوغلدقن صکره ، کجید
یرلریکزی آرتیرمق ایچون کوپریجی طاقکیزک بر قسمندن استفاده
ایتیمه جکسکرز دیمک ایستمیورم .

دره نك مختلف کجید نقطه لرنده ، اغلب احتماله کوره ضعیف
بر طاقم اقسام عسکریه دن بشقه برشی یوقدر . زیرا آلدیغکیز اعتماد
شایان حوادلره نظراً ، دشمن فرقه سنک قسم کلیسی اوکله دن
صکره چکلمشدر . عجباً بوفرقه زردیه قدر چکلمشدر ؟ واقعا سز

اونی بیلیمورسکز؛ لکن اوشمدی هیچ شبهه یوقدرکه ایجه اوزاقده بولنیور . یارین ایسه ، اغلب احتماله کوره سز یالکز دشمنک دمداد . ريله محاربه ایتش اوله جقسکز . (مونطوی) ده یالکز ایکی طابورک کیجه لمکده اولدیغی بیلدیککزدن سز بودمدارک قوتی تخمیناً تقدیر ایده بیلورسکز . اوندن بشقه (قوی یون) ایله (اوبینی) آره سنده کی جبهه نك برصورت متساویه ده طونامش اولمسی پک آز محتملدر . خط مستقیم حسابیله بوجهه نك طولی تخمیناً ۴ کیلومتره در . بناءً علیه اونی براوجندن اوته کی اوجنه قدر عسکرله طوناتمی ایچون برفرقه یه احتیاج واردر .

دشمن یاغوردن طولایی صولری طاشمش وایجه اوزون ویالکز برقاق نقطه ده کچید حرکتی یامغه مساعده اولان بردرینی مدافعه یه مجبوردر . دشمنک شوکی حائلره قابل تطبیق اولان اصولره کوره حرکت ایده جک یعنی کچید نقطه لرینه ، سزک طرفکزدن یاپیله جق هر نوع تعرض حرکتی کشف ایتکه وقوتلی براحتیاط قطعه عسکریه سی کلوبده اوته ساحله آتمش اولنجه یه قدر سزی طوردرمغه مأمور بعض کوچک مفرزلر یراشدیره جکدر . اولیه ایسه دشمنک بواحتیاط عسکر مدافعه ترتیبات عمومیه سنک همان مرکز ی کریسنده ویوللرک عقده نقطه سنده قونامق لازم کله جکدر . کچید نقطه لری یاننده وضع ایدلمش اولان اقسام عسکریه صورت عمومیه ده پیاده دن تشکل ایدرلر . بوللره یالکز صو مجراسی بویجه کشف اجرا ایتک ومختلف قدمه لری بربرینه ربط ایامک خصوصنده برقاق سواری ویریلور .

اونلره طویچی ویرلمک پک مستثنا حائلرده واقع اولور . مثلاً اگر بر نقطه هاجینک بهمه حال اورادن کچمسنی ایجاب ایده جک درجه ده

مکمل فائده‌اری حائز ایسه اوزمان اونقطه‌یه طوبی‌ده ویریلور . پیاده وطوبی‌چیدن مرکب اولان احتیاط هر درلو واسطه‌له مراجعت ایدرک مختلف پوسته‌لر ایله ارتباط‌ده بولنور . بوخصوصه‌ده اک زیاده مخبره پوسته‌لری ، کشافلر ، خفیف عربهلر ، وه‌لوسیپتلر ، تلفون و تاغراف کبی واسطه‌لر قوللانیلور .

شم‌دی برکره دشمنک ترتیب‌تنه داتر ایدندیککنز معلومات ایله سزه مختصراً سوبلدیکمنز اصوللری یکدیگریله مقایسه ایدیکنر . کچید نقطه‌لرنده استحکاملره یرلشمش اولان پیاده اقسام عسکریه‌سی ، (موانطوی) ده اقامت ایدن قطعات عسکریه‌نک امنیتی استحصال ایتک مقصد یکانه‌سیله تأسس ایدن بر ایلری قره‌غول خطندن پک بیوک بر امتدادی حائزدر . دشمنک بووجهله مختلف کچید نقطه‌لرینی الده ایتک آرزوسنه‌دوشمش اولمسی احتمال سزکله محاربه‌ایتمک ، احتمال سزه طولاشیقلی بر حرکت یادره‌ق هوسندن ایلری کلش برشیدر . (قوبی‌یون) محافظی (نوبی) یولنی سد ایلمکدن بشقه بروظیفه ایله مکلف اولدمز ؛ بونک ایچون ایسه یالکنز برطاقم پیاده کافیدر . (موانطوی) ده اقامت ایدن قطعات عسکریه‌یی دشمن ترتیبات عمومیله سنک احتیاطی کبی تلقی ایده‌بیلورسکنز . زیرا . اوراده‌کی قطعات عسکریه (۲) طابوردن عبارت بوانیور . بوراسنی بلله‌دکدن صکره آلایک قسم متب‌قیسی (والی) یر دره‌سی بونیجه تقسیم ایدلمش بولندیفی‌ده قولای قولای آکلایه بیلورسکنز . بطریه ناه‌دشمنک یالکنز بر بطریه‌سی اولدیغنه داتر خبر آلتشدز . لکن . ایکی مختلف نقطه‌ده طوبی‌چی آمپلاسمانلری یابلدیغنی کورلدیکندن دشمنک ده‌هازیاده بطریه‌لری اولدیغنه پک اعتلا حکم ویریلدییلور . باخصوص دم‌دار

قطعاتی یاننده ممکن مرتبه چوق عددده بطریه بولمق لازم کلدیکی البت خاطر کردن چیقمامشدر. مع هذا ، شوراده خصمک اوج بطریه دن زیاده برطوبحی به مالک اولسی محتمل دکدر ، زیرا اهالیدن آلتان معلوماته نظر آ دشمن فرقه سنک قسم کلیسی آردنجه (قوره سه ل) اوزرینه برچوق بطریه لک چکلمش بولندیغی آ کلاشلمشدر. دشمن سوارینه کلنجه ، سز بو خصوصده یالکز برشی بیلورسکزکه اوده آنک دره بونجه متمادی کشف خدماتیله مشغول بولمشدن عبارتدر. اوندن بشقه ، یارین صباح بودشمن سوارینه (قوبی یون) ک شمال و (او-بینی) نک جنوبنده راست کله جکککز مأمول قویدر. زیرا ، بیلور-سکزکه آنک باشلیجه وظیفه سی سزک یاپه جککز هر درلو چویرمه حرکتلرینی کشف ایامکدن عبارتدر .

بناءً علیه ، اگر غرب قطعات عسکریه سنک قوماندانی برجهتدن دشمنی کندی موضعنی ترکه مجبور ایده جک برچویرمه حرکتی یامقدن واز کچر ودیکر جهتدن پک چوق ضایعات ویرمک خوفیله برجهه هجومی اجرا ایتکدن قورقیور ایسه آنک ایچون آرتق شو ایکی واسطه دن بریسنی انتخاب ایتکدن بشقه برچاره قالمز :

برنجیسی ، کچید نقطه لرندن بریسنه تکمیل عسکر ایله هجوم ایدرک (مونطوی) دهکی احتیاط عسکری خط حربه داخل اوله دن اول اوراده کی دشمن عسکرینی کری به پوسکورتکم . اگر بو حرکت ، دشمن طرفندن کشف اولنورسه (که محال برشی دکدر) هاجمین اوزمان مدافعنیک احتیاط عسکر یله ده اوغراشمغه و بناءً غایه استحصال ایدیه جک نتیجه ایله غیر متناسب ضایعاته دوشمکه مجبور اوله جقدر . ایکنجیسیسنده دهها زیاده مونقیت امیدلری واردر . بوا یسه .

حقیقی هجومی بشقه بر نقطه دن سوق ایدمك دشمنك احتیاط
عسکرینده یایلماغه مجبور ایدمك صورتده شدتلی بر جعلی هجوم
یا بمقدور . بن بونی بر نخیسنه ترجیح ایدم . بوراده جعلی هجوم
یا یماغه مأمور اولان قطعاتك وظیفه سی، تعرضی محاربه دن بحث ایدن چکن
مسئله لرده کوردیککنز کی، ایکنجی درجه دن بر هجوم اجراسنه مأمور
عسکرلرک وظیفه سنك عینی اولیه جقدر .

جعلی هجوم دن مقصد دشمنی آلداتمی و اوکا هجوم اصلی ایله
مشغول اولدیغمیزی ظن ایتدیرمکدر . بناءً علیه اونی بر نتیجه ایله نهایتنه
جکمش کی سوق و اداره ایتك لازم کلور . اکر اولیه یا یلمزسه دشمن
احتیاط عسکرلرینی هجوم ایدلمش اولان نقطه یه سورمکدن صرف نظر
ایلر . جعلی و ساخته بر هجوم یا یلدینی ائشاده هجوم، اصلی یه مأمور اولان
قطعات الدن کلدیکی درجه ده، هجوم ایدمك جکلری نقطه یه تجاوز مستور
بر محلك کریسنده طویلانمش بولنورلر . برده، ساخته هجوم دشمن
آنحیق صوك زمانلرده هجوم اصلینك فرقه واره بیله جك صورتده
آنك نظر دقتی جلب ایلیمکه جالیشه جقدر . بناءً علیه حقیقی هجوم دن
اول باشلایه جق و نقطه عزیمتی هجوم اصلینك تشبث اولنه جنی محل دن
الدن کلدیکی درجه ده اوزاق بولنه جقدر .

هجوم اصلینك نقطه غریمتی تعیین ایتمک دن اول، درمك قرشو
ساحلنده دشمن طرفدن طوتلمش اولان اراضی یی ایوجه بر ملاحظه دن
چکوریکنرکه، کویری یه برکره حاکم اولنجه ایلک هجوم قطعانکزه
اوجهده یرلشه رك، هرامیدك فوقنده دشمن احتیاط عسکری یه
کلمش ایسه، آنك مقابل هجوملرینه مقاومت ایدم بیللمش اولسونلر .
اگر دشمنك بو احتیاط عسکری، تام وقتنده هجوم اصلینك فرقه

وارمش ایسه ، اووقت قرشو طرفه کچن ایلك هجوم قطعاتی عددجه اوندن آز اولدینی حالد . اولری احتمالینه دره نك بری طرفه آتیهله جکدر . بوجشید بریان هجومنی کریه دفع ایتک ایچون هاجمین بری ساحلده یرلشمش اولان طوبجیسنی قوللانه جقدر . اویله ایسه ، هجوم اصلینک نقطه عزیمتی ایکی شرطی جامع اولق لازم کلورکه ، بریسی : مستور بر محلدن یاییله جق بر باصقین حرکتیه الویریشلی اولمی ؛ ایکنجیسی ایسه قرشو ساحلده حین حاجتده دشمنه مقاومت کوسترمکه مساعد بر موضع بولنلی ..

دشمنک بر هجومه اوغرامق تهله کسندن کز یاده چکینه جکی نقطه کندیسینک ک کسدرمه خط رجعتی اوزنده بولنان (لایلا نشهت) کوی اولق لازم کلور . لکن بیلورسکیز که بوراده کی کوپری تخریب ایدلمشدر . بناءً علیه بونقطه اوزرنده وقوعه کله جک بر تشبث دشمنی اوقدر تهدید ایدمه جکدر . بناءً علیه سز بوجهتدن نه حقیقی ونه جعلی بر هجوم حرکتی یابه بیلورسکیز . سز اوجهتدن یالکیز خصصک نظر دقتی جلب ایتک ایچون برنمایش یایمقله اکثفا ایدمه جکسکیز .

دیگر کوپریرلر وبالخاصه (لووالییر) و (قولومبهی) کوپریرلرندن هر بریسی بیوک بریول اوزرنده بولنیور .

برکرده بولنردن برشی استفاده ایدوب ایدمه جکمز بر کوردلم . (لووالییر) علیه آچیقدن آچیغه اجرا ایدیلن بر هجوم ، قطعات عسکریه (بهل - قرووا) دن اینمکه باشلایه جقلری آندن اعتباراً ، (آمی تییه) دن کورلمش اوله جقدر . اوایسه بو (لووالییر) هجوم اصلی اجراسنه الویریشلی بریر دکلددر .

(قولومبهی) ده وضعیت ده اعلادر . هجوم اصلییه مأمور

اولان قطات عسکریه (فرانسوزیشه دنکمال) تپه سنک کریسنده اجتماع ایدمه بیله جکلردر . اورادن اعتباراً مذکور قطعات (قولومبه ی) یارقینک آره سندن کچن مستور بریوله مالک اوله جقلردر . احتمال ایلریده بیوک یول اوزرنده کی کوپری یی الده ایدمه بیله جکلردر . بوهجومه مأمور قطعاتک بر قسمی (مولهن — رووینه) [خراب دکرمن] یی ضبط ایدمه بیله جکلر ، صکرده ده (اوبینی) شتوسنی الده ایتمه چالیشه جقلردر .

بیوک یول ایله (اوبینی) آره سنده کی درین وچقوریر ، (قولومبه ی) دن کچن قطعات عسکریه نک دشمن دن کورنمکسزین اراضی قازانمسی تأمین ایلیمه جکلر . (اوبینی) ده دشمن آرقه سی کسلمک خوفیله موضعی تخلیه ایتمه باشلایه جقلر [جهبه دن (مولهن رووینه) دن اجرا ایدیان هجوم ائناسنده ده ا تخلیه ایتمه مشایسه] . بورادن کچمکده ده ا بشقه فائده لر واردر . زیرا ، هاجمین قطعاتی اوسایده ده بربرینه یقین ایکی موازی یول الده بولندیره جقلر . بوایسه اونلرک قوتله قرشو ساحله کچرک اوراده برلشوب قالمیرینه یاردم ایدمه جکلر (دکرمن کوپری سنک تخریب ایدمه مش اولدیغی فرض ایدرک) . اکر دشمن احتیاطی (قروانسی) جهنتدن کله جک اولورسه ، (قولومبه ی) کهمان غریبنده بولنان تپه دن طوب آتشنه آله بیله جکلردر . اویمه ایسه جعلی هجوم (لووالییر) علیهنه سوق ایدلمش اولدیغدن ، بوراده کی وضعیت عمومی هجوم اصاینک (قولومبه ی) دن اجرا ایدلمسی ایجاب ایدیور .

لکن بوندن آکلاشیلورکه ، جعلی هجوم دشمنی آلداته بیامش اولوق اینون آچیقدن آچیغه برصورتله اجرا ایدلمه ملیدر ، اکر اویمه

بایله حق اولورسه ، (لایم قییه) بیره خانه سنه قونیلان بر مترصد ،
 (بهل - قرووا) دن اینن اقسام عسکریه بی برر ، برر صایه بیلوردی .
 بناءً علیه دشمن چار چابوق کندی قرشوسنده پیشدارك پک ضعیف
 بر قسمی بولندبغک فرقیه وارهرق آنک الک مهم قسمی بزده اولدیغی
 دوشونمکه باشلايه جقدر . اولدن بشقه سز ، دشمن مملکتنده بولنان
 خصمک فرقه کزک موقتاً (میج) ده استراحت ایتمکه قرار ویردیکنی
 اوکرتمش بولندیغی قبول ایدمه زسکز . بالعکس ، دشمن آنک کاملاً
 (واللی بر) دره سنک اوکنده چیقوب کورینه جکنی امیدایدیور . بناءً
 علیه اکر بر چوق عسکرک کلدیکنی کورمیه جک اولورسه ، بو آنک
 دها زیاده مقاومت ایتسی ایچون فضله بر سبب اوله جقدر . دشمن
 احتیاطینک (لووالی بر) جهتنده محاربه یه طوتشمسند بزه دهاچوق
 فائده وار ، چونکه ساخته هجومه مأمور اولان قطعانک موجودینی
 ایوجه اوکرتمش بولنمیه جقدر . بناءً علیه ساخته هجوم شفقدن بر آز
 اول باشلاملی که کون طوغدینی آندن اعتباراً هجوم اصلی یایمغه
 باشلانامش اولسون .

بن بتون پیشدار طرفدن کیجه لین بر باصقین حرکتی یایمق ایستیانلر
 ایله هم فکر دکم . واقعا شو بولندیغمز حالده ، بر باصقین حرکتی یایمق
 ممکندر . لکن بن یه اوفکری تجویز ایتیمورم . بوراده قرا کلقده
 اجرا ایدیله جک بر هجومک فائده و محذورلرندن بحث ایدمه جک دکم .
 شویله بر بنجه کیریشمکدن چکنمکه برابر ، کیجه هجوملرینک پک
 نادر اولان محبانیه هم افکار اوله میه جغمی تکرار ایدیورم . واقعا کیجه
 هجوملرینک ، ایوجه تعلیم و تربیه ایدلمش قطعات عسکریه طرفندن
 باشه چیقاریله جغه اعتقاد وار ؛ لکن بن بر درلواو هجوملری سوه میورم .

(غراولهوت) ده کچورمش اولدینمز آجی تجربه ، اولیه برحبتیه دوشمه مکلم ایچون بوده کافیدر .

لکن برحرکته شفقدن اول باشلامق و قرا کلقدن بالاستفاده هجوم اصلییه مأمور قطعاتی جمع ایدرک شفق ائسانده مذکور هجومی یایمق ، اصلاً برکیجه هجومی اجرا ایتمک دکلدر . زیرا ؛ بوراده یالکنز بتون قطعاتک اجتماعی و برقسم عسکرک محاربهیه طوتشمسی ایچون استفاده اولنمشدر . یوقسه اصل هجوم شفق سوکدکن یغنی هرطرفی ایوجه کورمک ممکن اولدقدن صکره اجرا ایدیه جکلدر .

بوراده ایکی هجوم نقطهسه ، بینده کی بیوک آچیقاقدن و محاربه جبهه سنک ائتداندن پک اندیشهیه دوشمیکز . عادی برهجوم ایچون بوامتداد شبهه سز پک بیوک صاییلور واوزمان پیشدار قوماندانی امرلرواسطه سیاه توحید حرکتی تأمین ایده مز . لکن بوراده قطعاً بربرندن آیری ایکی هجوم یایمق ایستیلدیکنی اونوتمیکز . بونلرک مطلق بربرندن ، آیری اولملری بزه هیچ برزیانی موجب اولمدقدن بشقه بالعکس فائده مز اووجهله حرکت ایتکده در . اشته بوده سزک ایچون تعلیمنامه قواعدینک حرفی حرفینه تطبیق اولنه میه جفی برحال اشنائیدر . سزبونک کبی ده برچوقلرینه تصادف ایدرسکنز .

خلاصه . ایشه سزک اخذ ایده جکلکز قرار شودر :

(قولومه) ی دن کچهرک (اوینی) علیه هجوم اصلی ؛ کون طوغمزدن اول (لوالییه) عاینه اجرا ایدلمش برساخته هجوم ؛ (لابلانشهت) اوکنده ، جزئی برعسکر طرفندن برنمایش ..

امرلریکزی و بررکن ، دقت ایدیکزکه ، مسئله ده دشمنه دائریکی معلومات آلمدینی فرض ایدیلهرک پیشدار قوماندانی طرفندن یارین

صبح ایچون نه کبی ترتیبات قبول ایدیله جکی سوریلور . مع هذا ، پیشدار قوماندانی نیسانک برنجی کونی آقشامی تاریخله امرلرینی ویره جکی ائناده وضعیت کیمه لین دکیسوب دکیشمیه جکنی بیله مز . بونک ایچون اکر مومی الیه ایلک اوکجه کندی قطعات عسکریه سنک ایکنجی نقطه ده یعنی (بوردرلر) کوینک شرق یخرجیله (سه باستوپول) ده اجتماع ایتمس اولملرینی امر ایتمکدن باشلایه جق اولورسه پک اعلا ایده جکدر . لکن پیشدار قوماندانی هجوم ایچون اولان امرلرینی آنجق ایرتسی کون صباحین ویره جکدر .

نیسانده ، کوانس ساعت (۵) ده طوغار . بناءً غلیه اجتماع ساعتی ، ساخته هجومه مأمور اولان قطعات ساعت (۵) دن اول (لوالییر) و (لاپلانشت) اوکنده یایلمش اوله جق صورتده حساب ایدلمش بولنه جقدر . مذکور قطعات تخمیناً (۳) کیلومتره قدر برشی قطع ایتمکک عبور اولدقلرندن صباحک ساعت (۴) نده حرکتیه حاضر برحاله بولملری لازم کله جکدر . هجوم اصلی به مأمور اولان قطعات ده عن ساعتده اجتماع ایتمش بولنه جقدر . بوقطعات دراسنر استاتوسنه (ده نکمال) طوغری ایلرولیه جکلر واوراده (لوالییر) اوکنده کی محاربه نک ایوجه قیزیشمه سنه انتظار ایلیه جکلردر .

ایکی هجوم یاییله جنی ایچون امر علی العاده بر صورتده ویریان هجوم امرلری نمونه سندن آز چوق آیریه جقدر . سنز ایکی نقطه ده اجتماع ایده جک اولان قطعاتی (صاغ قول) و (صول قول) تعبیرلریله اشعار ایده جکسکز . وبوقوللر مادامکه ، توحید حرکت ایده جکلردر ؛ اولیه ایسه هر بریسی دیکرینه ویرلمش اولان وظیفه نی بیامکه مجبوردر . تعبیر دیکرله مذکور قوللرک ایکیسنه عمومی بر امر ویریه جکدر .

قطعات عسکریه بی محاربه به طویش جقلری یرلره قدر کوتورمک ایچون نه بر یورویش امری ترتیب ایتمک ، نه ده اصول قولی کوسترمک خصوصنده (جانبدار) تعبیری قوللانمق فکر ندهیم . بوکا ذاتاً لزوم یوقدر . چونکه بر دغه یابه جفکز یورویش قیصه بر یورویشدر ؛ ثانیاً بوراده جانبداره فلان حاجت یوقدر . هم جانبدار تعبیرینک بشقه جه بر معناسی وار . بناءً علیه اکر بوراده جانبدار عنوانی قوللانیه جق اولورسه ایشک ایچنه بر مهیمیت کیرمش بولنه جقدر . اولیه ایسه انقسام عسا کر کرده (جانبدار) دن بحث ایتمک ، معناسز برشی اولور .

بناءً علیه ، ایکی قولیکزی ترکیب ایدرکن دشمنی آلداتغه واکا ساخته هجومی هجوم اصلیدر ، دیه قبول ایتدرمکه باقیکز . بو خصوصده موفق اولمق ایچون انک ایه واسطه ، (لووالی یر) اوکنه زیاده طوبیحی یایمقدردر . زیرا ، صورت عمومیه ده طوبیحی نرده زیاده ایسه ، پیاده نك اوراده چوق اولدینی فرض ایدیلور . بوندن طولانی مسول قوله ایکی بطریه الحاق اولنه جقدر . و (اوبینی) اوزرینه یاخود خصمک احتیاطلری عاینه آنش ایتمک ایجاب ایتدیکی زمان قوللانمق ایچون هجوم اصلی ایله برابرده بر بطریه قله جقدر .

پیاده نك انک بیوک قسمی هجوم اصلیده قوللانیه جقدر . ایوجه سوق واداره ایدمک شرطیله ، ساخته هجوم ایچون یالکیز بر طابور کافیدر . (لووالی یر) عاینه اوج بلوک . (پلانشته) عاینه ده یالکیز بر بلوک سوق ایدملیدر . دیگر اوج طابور درجه کافیده بر قوت تشکیل ایده جکلردر . حتی هر درلو احتمال فوقده اونلر دشمنک احتیاطلریله ده غوغا ایتمکه مجبور اولدقلری حالده بیله ، دره بی سریعاً

کچمکه موفق اولمق شرطيله ، ينه کافی بر قوت عد اولنه جقلردر .
 سوار يکيزک وظيفه سی تضعیف ایدلمش بولنه جقدر . اولدقجه قوتلی
 بر سوار ی قطعه سی اوراده دشمنی طوتمق مقصديله (قوی یون)
 اوکنده یاا جنک بيله ایدمه بيله جقدر . شفقک سونوک ضیاسی ، دشمنه
 اوکنده کی قوتک نه مقدار اولدیغنی آ کلامغه مساعدده ایتمه جقدر .
 اکر بر آز وقت صکره دشمن (قوی یون) ی تخلیه ایدمه جنک
 اولورسه ، اوزمان سزک سوار یکنز آنک صاغ یانی عاینه حرکت
 ایلملیدر . بونک ایچون صول قوله ایکی سوار ی بلوکی ویرسه کز یک
 اینی ایتمش اوله جقسکزه . لکن ، صاغ جناح قولنکده سوار ی یه احتیاجی
 وار ، اونک بستیون سوار یسز قالمسی ابو دکلدرد . زیرا اکر هجومده
 موفق اولورسه ، جنوب طرفدن دشمنک خط رجعتی تهدید ایامک
 ایچون سوار ی یه لزوم واردر . خلاصه ، موفقیت حالنده سوار یکنزک
 دشمنک ایکی جناحی ده تضییق ایلمسی لازمدر . بناءً علیه صاغ قوله
 (قرینزی) یه بر طاقم چقارمش اولان سوار ی بلوکی ویریکز که ایرتسی
 کون صباحلین تام موجودلی بر سوار ی بلوکی اولسون .
 استحکام بلوکی قسملره آیر یله جقدر : صول قوله بر طاقم ویر یله جنک
 بو طاقم (لووالی ر) ده کی بار یقادلری ییقمق وظيفه سیله مکلف
 اوله جقدر .

دیگر ایکی طاقم ایسه ، (قولومبه ی) ه طوغری کیدن ایکی یول
 اوزرنده (اکر ایجاب ایدرسه) عین وظيفه یی ایفایه جالیشه جقلردر .
 فرقه کو بر یحیی طاقنک بدایت محاربه ده هیچ بر ایشی اولمه جقدر .
 احتمال صکره دن سزک اوکا بر احتیاجکنز اولور . بناءً علیه اونو
 (سه باستو پول) ده بر اقیکنز محاربه نک صوکنه قدر اوراده طورسون .

کوپریجی طاقی، کوزیورسکزه، صاغ قولک اجتماعه اشتراك ایدیه جکدر. سیار خسته خانه طاقی ده کذلک بوقوله ویریه جکدر. زیرا، اغلب احتماله نظر آ، اک چوق یاره لیلر بوقوله ظهور ایده جکدر.

ایلری قره غوللر محاربه نك باشلانغیچینه قدر یرلرنده قاله جقلردر. بونلر، قوللرک اجتماعلریله ایلک یایلمه لرینی ستر ایده جکلردر.

بیوک آغر لقلر ایچون انتخاب ایدیه جک نقطه، بر موفقیت حالنده عربهلر کندی قطعات عسکریه لرینی بالسهوله تعقیب ایده جک صورتده انتخاب اولمیلیدر. اوپله ایسه اولنلری (قورسهل) جاده سی یاننده طولیلا ییکز. بیلورسکزه خدمت سفریه بیوک آغر لقلره، منسوب اولدقلری قطعات عسکریه نه صره ایله یوریورلرسه اوصره ایله یوریملرینی تنیه ایدیور. لکن بوراده ایکی قول وار. بناءً علیه یالکیز بر قول اوزرنده حرکت ایدن بیوک آغر لقلره، هانکی عربهلری باش طرفده یوریده جکنی آچقندن آچیغه سویلمیلیسکز. اگر بوکی تفرعاته کیریشمک ایستیورسه کز، اوزمان ترتیبات متجذبه نك اسبابی ذکر ایده جککیز صرده او مثللو تفرعاتی آغر لقلر قوماندانسه براقش اولدیغکیزی بیان ایدرسکز.

امر آلمق خصوصنده مادون قوماندانلرینک کلسی ایچون تعیین ایدیه جک ساعت بر وجهله تعیین ایدملی که اونلر امر آلدقدن صکره حرکت ساعتدن اول کندی قطعاتی یاننه دونه بیلیمش اولسونلر. بناءً علیه مذکور قوماندانلر، اجتماع محللرینه نسبتله مرکزی بر نقطه ده یعنی (بورنی) نك (بوردر) م توجه اولان مخر جنده وصباح ساعت (۳)ی (۴۰) که طولیلا نه جقلردر. قطعات عسکریه نك مختلف ایکی نقطه ده اجتماع ایده جکلری ائشاده اجتماع ایچون ویریه جک امرده شبهه سز هر نقطه ده هانکی قطعاتک طولیلا نه جنی سویلمه جکدر.

ایشته اجتماع امریکز بویه یازیله جقدر :

(پلانتي يرم)

۱ - ۴ - ۹۱ - ۱۰ - كي

پيشدار امرى

۱ - - - دشمنه دائريكي برحوادث يوقدر.

فرقه مزيارين (ميج) ده اقامت ايده جكدر.

۲ - - - پيشدار يارين صباح ساعت (۴) ده

ايكي قولده يعنى صول قول (بوردرلر) ك

شرق مخرجنده . صاغ قول ايسه (سه -

باستوپول) ك برآز غريبنده اجتماع

ايده جكدر .

۳ ايلري قره غولار يكي بر امر وير-

يلشحه يه قدر يرلرنده قاله جقلردر .

بيوك اغرلرلر عيتنده برقاچ آتلي

بولنان برنبي بلوك ضابطلرندن بريسنك

قومانداسنده اولاق وباشده صاغ قولك

كيلري بولمقي اوزره يارين صباح ساعت

(۷) ده (سه باستوپول) چنلكنده برقول

تشكيل ايده جكلردر .

۵ قطعات عسكريه قوماندانلري بارير

صباح ساعت (۳) ي (۲۰) كچه امر آلمق

كله جكلردر .

اجتماع محل (بورني) نك (بوردرلر)

متوجه اولان مخرجي اوله جتدر .

ميرلوا

..ب

اهسام عساكر

--- صول قول: بيكباشي ب..

۹۸ نجى يياده آلاينك ۲ نجى

طا

۹ نجى سواري آلاي (۱۰۱)

نجى بلوكلر اكسيك) .

۳۴ نجى سيار طوپنجي آلاينك

نجى طابوري (۳ نجى بطريه

اكسيك) .

۱۶ نجى استحكام طابورينك

برنجي بلوكندن برطاقم .

۲ - - - صاغ قول: مير آلاي ق..

آلاي (۲ نجى

طابور اكسيك) .

۹ نجى سواري آلاينك برنجي

بلوكي .

۳۴ نجى سيار طوپنجي آلاينك

۳ نجى بطريه ي..

۱۶ نجى استحكام طابورينك

برنجي بلوكي (برطاقم اكسيك) .

فرقه كوچريجي طاقى .

برسيار خسته خانه طاقى .

امر آلمق ايچون كوندريانلره

يازديرلشدر .

هجوم ایچون ویریله جک امرده صول قوماندانه یالکنز بر ساخته
 هجوم یامغه مجبور اولدیغنی حس ایتدیرمه ملی. بالعکس بوهجوم ،
 مقصده ایرمک ایچون، الدن کلدیکی درجه ده شدتلی بر صورتده اجرا
 ایدلمش بولمیلیدر. اوله ایسه ، ویره جککنز امرده (ساخته هجوم)
 تعیرینی قوللانمقدن چکینکز. سز، (لووالی یر) علیه یاپیله جق اولان
 بوهجومدن مقصد نه اولدیغنی صکره ، ترتیبات متخذنه اسبابی
 ذکر ایتدیکنز وقت سویار سکنز. اوندن بشقه ، هجوم امری صول
 قولک در حال هجومه باشلامغه مجبور بولاندیغنی ده آچقندن آچغه
 کوسترملیدر. صول قول قوماندانی، کندی قطعۀ عسکریه سنی نصل
 منار کورورسه اوله قولالانه جقدر. بالعکس، اوجهتده پک چوق
 عسکر یایماق ایچون دشمنی، (لاپلانته) ده اشغال ایتمکه اکثفا
 اولته جقنی امرده ذکر ایتک معقول برشیدر .

صول تولده کی سواریدن اصل مطلوب اولان شی (قوی یون) ده کی
 دشمنی ایجه زمان اشغال ایدرک ، آنی (لووالی یر) ه امداد ایلمکدن
 منع ایللمش اولمیلیدر. بدایتده (قوی یون) ضبط ایدلمش ویا ایدلمه مش
 بونک اهمیتی یوقدر. زیرا اگر دشمن (لووالی یر) دن قوغیلورسه
 اورا سی کندی کنیدیسنه تخلیه ایدلمش بولنه جقدر. بناءً علیه سواری
 جدی ضایعاته اوغرایه جق صورتده حرکت ایتمکدن چکنمیلیدر .
 بن امرده بوندن بحث ایده جکم. وظیفه سنی ایفا ایتک ایچون سواری
 یایا جنکه مجبور اوله جقدر. زیرا ، نه دردنک جاری اولدیغنی طاروادی
 ونه (مهی) ایله (نوبی) آره سنده کی اراضی سوارینک هجوم یامسنه
 مساعددر. مع هذا ، یایا جنک سوارینک استکشافه نقیصه ویرمش
 اولمامیلیدر. اراضینک تشکلاتی ایجابندن اوله رق بو استکشاف خدمتی
 یالکنز کشافلر واسطه سیله تأمین ایدیله جکدر .

پیشدار قوماندانی، تفرعات ایله اوغراشمغه مجبور اولمق سزین
ایکی قولک ده حرکاتی تعقیب ایده بیلیمک ایچون صاغ قولک سوق
واداره سنی خصوصی بر آمره تودیع ایتک لازم کلور . امرده آنجق
(لووالی ر) ده کی محاربه دشمن احتیاطلرینک او طرفه سوق ایدملرینی
ایجاب ایده جک وجهله بر شدت پیدا ایتدکدن صکره صاغ قولک
هجومه باشلایه جنی ذکر اولنه جقدر . او آنه قدر صاغ قول، محاربه یه
کیرمه حاضر بر وضعیتده وحاضریق نظامنده قاله جقدر . لکن ،
هجوم اصلینک باشلایه جنی آن، (لووالی ر) محاربه سنک آله جنی
شکله تابع اولدیغندن و بو آنک انتخابی ایسه بر تقدیردن عبارت بولند .
یغندن، اختلاف آرا اولماق ایچون، هجوم اصلی اشارتی ویرمک
حقنی کندمه براقه رق هر درلو تلاشک اوکنی آلمش بولنه جقم .
امر ، صول قول قوماندانی ، صاغ قول هجومنک نصل اجرا ایدله .
جکنی بیله جک صورته ترتیب اولنه جقدر .

ایلری قره غوللر ، هجومه قطعاتی اونلرک بولندیفی خطی
کچمش اولنجه یه قدر یرلرنده قاله جققلر ، بعده منسوب اولدقلری
طابورلره التحاق ایده جکلردر .

محاربه نیک یکه زیاده قیزیشمش اولمق احتمالی اولدیغندن بلوکلرک
جیخانہ عربهلری اجتماع نقطه لرندہ بوشالیدیله جققلردر . بونی یایمق
ایچون حرکندن اول اپی زمانه مالک اولنه جقدر .

محاربه ائناسنده سیار خسته طاقینک یرینه کلنجه ، بن اوئی اولدن
تعین ایتیه جکم . چونکه اونک انتخابی محاربه نیک آله جنی شکله کوره
وقوعه کلک ایجاب ایدر .

اگر هجوم اصلی دره اوزرنده کی موانعی بالسوهله آتلار ومثلا

(اوبینی) ایله (قوانسی) آرمسند شتلی برمحاربه اجرا ایدلدیکی
 آکلاشیلور ایسه ، اوزمان سیار خسته خانه طاقینک یری (قولومبهی)
 اوله جقدر ، بالعکس اگر دره اوزرنده جدی ضایعاته اوغرائیلورسه
 اووقت سیار خسته خانه طاقنی (سه باستوپول) ده قویمق ده امر جقدر .
 اوپله ایسه یار خسته خانه طاقنی موقت (سه باستوپول) ده قاله جقدر که
 اوسایه ده اگر لزوم کوریلورسه بالسهوله صول قوله یاقلاشدیر یله جقدر .
 (واللی یر) دره سی ایچنده کی وضعیت نه اوله جفی تمامیله بللی اولنجه یه
 قدر . کوپریجی طاقنی ده (سه باستوپول) ده قاله جقدر . مؤخر آونندن
 استفاده ایدلسی لازم کله جک اولان نقطه یه کلنجه شمیدیک اونک
 حقنده برشی دیندله مز . صره سی کلش ایکن سزه شونی ده خبر
 ویره میکه ، بفرقه کوپریجی طاقیله برکوپری قورمق ایچون دائماتام
 موجودلی بر استحکام بلوکنه احتیاج واردر . بریوریشده بو کوپریجی
 طاقنی بر استحکام بلوکنه ملحق بولور ، یاخودکه یاقسم کای ویا پیشدارک
 نهایتدن یورور . اوندن بشقه اونی بیوک آغرلقلرله برلکده
 یوریتکده ممکندر .

پیشدار قوماندانی ، ایکی هجومک ایکسینی ده کندی کوزیله کوره
 بیله جک صورتده بریر انتخاب ایده جکدرکه ، بوراده مومی الیه کی یری
 (قولومبهی) ک شمانده کی چام آغاچلرینک یانی اوله جقدر . بووجهله
 مومی الیه ایکی قوله مساوی مسافده ، اوله جفی کی ، آرانلدینی زمانده
 بالسهوله بولنه بیله جکدر .

ایشته هجوم امریکز شویله یازیله جقدر :

(بهل - قرووا)

۲ - ۴ - ۹۱ - ۴۰ » ۳ کی

پیشدار امری

۱ — دشمنه دائریکی هیچ بر حوادث یوقدره .

۲ — پیشدار (والی ی) دره سی
اوزرنده دشمنه هجوم ایدہ جکدر .

۳ — صول قول در حال (لو والی ی)
هجوم ایدہ جک والکیز دشمنی (لاپلانشت) ده
اشغال ایتکله اکتفا ایدہ جکدر . بوقولاک
سوارسی (قوی یون) ه یا یا اوله رق
هجوم ایدہ جکدر . مذکور سواری جدی
ضایعات ویرمکن چکینه جک (و مہی)
استقامتیلہ (نوی) جوتارینی کشف ایلہ جکدر .

۴ — صاغ قول در حال (فرانسوزیشہ -
نکمال) ک غریبندہ بر حاضر لقی ترتیبانہ
کیرہ جکدر (قولومہی) یارقیلہ (قولو -
مہی) ک جنوبندہ خراب دکر مندن کچہ رک
(قووانسی) و (اوبنی) نک غریبندہ کی
تیبہ لرہ هجوم ایتک اینچون نیم امرلیمی
بکلیہ جکدر . بوقول (آرس لاکنہ کسی) نک
اوتہ لرینی استکشاف ایدہ جکدر .

۵ — ایلری قردغولار منسوب اولدقلری
قوللرہ التحاق ایدہ جکلردر .

۶ — جبخانہ عربہ لری همان شمدی
بوشالیدیلہ جقارددر . سیار خستہ خانہ طاقی
وکوپرچی طاقی یکی امر ویریلدہ یہ قدر
(سہ باستوپول) ده قائہ جقلردر .

۷ — راپورلر (قولومہی) ک شمالندہ کی
چام اورماننہ کوندریلہ جکلردر .

میرلوا ب..

قول قوماندانلرینہ شفاہاً تبایہ
ایلمشدر .

سوزیمی بیتورمك ایچون شونی ده سویلهیم که ، یادیغکز هجومك کورلدیسی (مونطو)یه واصل اولدینی آنده برکزه کندیکیزی دشمن قوماندانك یرینه قویکیز .

برکون اولکی محاربه لر ایله رجعت حرکتی دشمن قطعات عسکریه سنی فنا حالد یورغون دوشورمشاردی . مذکور قطعات (والی یر) دره سنه کلدکاری کبی ایسه آقشامه قدر سپرل قازمق ، استحکاملر یایمق وظیفه لر ایله مکلف اولمشردی . کیجه لین ده اولدقه مهم اقسام عسکریه ایلری قره غول خدمتته مأمور ایدلمش ایدی . بناءً علیه کور یورسکز که دشمن عسکری استراحت ایتمه مش برحالد بولنیور . بتون شو یورغینلقلر طبیی مذکور عسکرک ذاتاً بوزوق اولان قوه مغنویه سنی ده ا زیاده ننا بر درجه یه کتورمکه سبب اولمشردر . دشمن قوماندانی بونک بویه اولدیغنی بیلیور ، نقطه نه یاپسون !

ایشته باق ، شمدی ده یعنی شفق سوکر سوکر شدتلی برتفک سسی ییچاردنك قوللاقدرینی چاتلادیور ! کندیلرندن قوتلی دشمن قطعات عسکریه سنك (لوالی یر) ایله (لاپلانشته) عاینه شدتلی هجوملر اجرا ایتمکده اولدیغنی کندیسنه خبر ویریورلر ! اوندن بشقه زوالی قوماندان (قوبیون) جهتمده کی تفک سسلرینی ده ایشیدیور . تفک آتشرینك انکسکین ، انشدنلی اولدیغنی یر (لوالی یر) اولدیغنی آکلایور . (بدل - قرووا) ده کی دشمن طوحیسنك هدشی ده یسنه بونقطه اولدیغنی کور یایور . شفقک سونوک وخفیف نیای داجینک ایوجه قوتی آکلامغه مساعدده ایتیور . (قولومبه ی) و (اوبینی) جهتملر نده سکونت حکم سوریورکن ، هر ثانیه ده (لوالی یر) لے ضبط ایدلدیکنی کورمک تهلاکسی شدتله حکمفرما اولیور .

بوحالره قرشو دشمن قوماندانك ايلك عقلنه كله جك شي، بتون
الده موجود اولان بطريه لريله (بهل - قرووا) ده كي دشمن
طوپخيسنه جواب ويرمك و پياده سنه ايسه چار چابوق سلاح آلديره رق
همان (لووالی ير) محافظينك امدادينه قوشمق اوله جق دكيدر ؟
مومى اليه ، دشمن قطعات عسكريه سندن (لووالی ير) ده صاغ ساحله
كچه بيلمش اولان ايلك اقسامى كرى پوسكورتك ايجون برتشبشه
بولنميه جقميدر ؟

بوقرارا ايجه طيعى برقراره بكنزيور. حتى دشمن اكر اويله برقرار
ويرمه مش اولسه بيله ينه نظردقتى (لووالی ير) و (لاپلانشته) ده كچن
وقوعاته منجذب اوله جقدر. بروجهله كه، دشمن احتياطلرى (قووانسى) يه
كلك ايجون وقت بولمزدن اول (قووانسى) و (اوينى) عليه
يايله جق بر باصقين ايجه اميدلى بر باصقين اوجقدر. اكر دشمنك
طوپخيسيله پياده سنك بر قسمى (لووالی ير) ك امدادينه قوشه جق
اولور لرسه بو ايلك بر موفقيت يرينه كچه جقدر .

زيرا ، دشمن (قووانسى) يه نه قدر آز قوت كتوره جك اولورسه
هجوم اصلى ده اوقدر زياده قولايقله اجرا ايدلمش بولنه جقدر .



تنبیہ — ۱

درون کتابدہ موجود اولان تاریخلرک بزم اصولہ کورہ فصل
ترتیب ایدیلہ جکلرینی آکلامق ایچون یالکز شو مثالری ذکر ایتک
کافیدر .

صحیفہ — ۳۴

(د) ک شمالندہ کی اردوگاه

نیسان ۱۱ سنہ ۳۱۶ ساعت ۴ کو

§

صحیفہ — ۷۶

(لی بهون) ک جنوبندہ کی اردوگاه

تموز ۲ سنہ ۳۱۶ ساعت ۳ کی

§

صحیفہ — ۷۸

فرقہ قرارگاه عمومیی (ویوی پر)

تموز ۵ سنہ ۳۱۶ ساعت ۴۰۱۰ کی

§

صحیفہ — ۱۰۵

(قولینی)

تموز ۵ سنہ ۳۱۶ ساعت ۵۰۱۵ کی

§

صحیفہ — ۱۰۶

(قولینی) نک شمالندہ یوللرک برلشدیکی نقطہ

تموز ۶ سنہ ۳۱۶ ساعت ۱۱۰۲۰ کی

§

صحیفہ — ۱۴۲

(سنت بارب)

آگستوس ۱ سنہ ۳۱۶ ساعت ۴ کی

§

صحیفہ — ۱۴۴

(غراس) نک شرق شمالیسندہ کی تپہ

آگستوس ۲ سنہ ۳۱۶ ساعت ۱۱ کی

§

صحیفہ — ۱۴۵

(سنت بارب)

آگستوس ۱ سنہ ۳۱۶ ساعت ۴ کی

§

صحیفہ — ۱۵۲

(اوبینی) نک شرقندہ کی تپہ

حزیران ۳ سنہ ۳۱۶ ساعت ۲۰۴۰ کو

§

صحیفہ — ۱۶۹

(محبت = آمی تی یہ) پیرہ خانہ سی

حزیران ۳ سنہ ۳۱۶ ساعت ۳۰۱۰ کو

§

صحیفہ — ۱۹۷

(ماری پول)

آگستوس ۱ سنہ ۳۱۶ ساعت ۴:۳۰ کی

§

صحیفہ — ۱۹۹

(ماری یو) ك (وہزون) متوجہ مخرجی

آگستوس ۲ سنہ ۳۱۶ ساعت ۱۰:۱۰ کی

§

صحیفہ — ۲۱۹

(س رہمی) نك شمالندہ کی اردو کاہ

آگستوس ۳ سنہ ۳۱۶ ساعت ۱۰:۱۵ کی

§

صحیفہ — ۲۲۱

(سہنت اغات) ك جنوب مخرجی

آگستوس ۳ سنہ ۳۱۶ ساعت ۱۱ کی

§

صحیفہ — ۲۵۱

(پونطوی)

تموز ۱ سنہ ۳۱۶ ساعت ۴ کی

§

صحیفہ — ۲۷۲

(پونطو)

تموز ۱ سنہ ۳۱۶ ساعت ۵:۲۰ کی

§

صحیفہ — ۲۷۷

(پونطوی) ك غرب مخرجی

تَمُوز ۲ سنہ ۳۱۶ ساعت ۱۰،۲۰ کی

§

صحیفہ — ۲۷۹

(آرس — سورموزہل)

آگستوس ۴ سنہ ۳۲۶ ساعت ۳،۱۰ کی

§

صحیفہ — ۲۹۴

(سہنت روفین)

آگستوس ۴ سنہ ۳۱۶ ساعت ۴،۳۰ کی

§

صحیفہ — ۳۰۲

(سہنت روفین) غرب مخرجی

آگستوس ۴ سنہ ۳۱۶ ساعت ۱۱،۲۰ کی

§

صحیفہ — ۳۲۳

(فہی)

شباط ۲ سنہ ۳۱۶ ساعت ۴ کی

§

صحیفہ — ۳۲۴

(فہی) ك شمال مخرجی

شباط ۳ سنہ ۳۱۶ ساعت ۲ کون

§

صحیفہ — ۳۳۵

(سن ژولی یں — لہ میچ)

آگستوس ۱ سنہ ۳۱۶ ساعت ۴ کی

§

صحیفہ — ۳۸۶

(شاتی یون) خرابہ سی

آگستوس ۲ سنہ ۳۱۶ ساعت ۰،۲۰ کو

§

صحیفہ — ۴۰۰

(تویلہ ری دوفلوری)

مارت ۳ سنہ ۳۱۶ ساعت ۰،۴۵ کو

§

صحیفہ — ۴۰۶

(سابلون)

مارت ۲ سنہ ۳۱۶ ساعت ۴ کی

§

صحیفہ — ۴۲۴

(هوت کہ نوت)

مارت ۳ سنہ ۳۱۶ ساعت ۲،۵۰ کو

§

صحیفہ — ۴۴۴

(تویلہ ری دوفلوری)

مارت ۳ سنہ ۳۱۶ ساعت ۵،۳۵ کو

§

صحیفہ — ۴۶۹
(وی یون ویل)

کانون اول ۱ سنہ ۳۱۶ ساعت ۴:۳۰ کی

§

صحیفہ — ۴۷۱
(وی یون ویل)

کانون اول ۱ سنہ ۳۱۶ ساعت ۵ کی

§

صحیفہ — ۴۷۶
(وی یون ویل) لک ۵۰۰ مترہ غربندہ کی تپہ
کانون اول ۲ سنہ ۳۱۶ ساعت ۴ کو

§

(مارہ نفو)

ایلول ۱ سنہ ۳۱۶ ساعت ۳:۱۰ کو

§

صحیفہ — ۴۷۰

(آمان ویلہر) اوجاقلری

ایلول ۱ سنہ ۳۱۶ ساعت ۴:۱۰ کو

§

صحیفہ — ۴۵۲

(آمان ویلہر) اوجاقلری

ایلول ۱ سنہ ۳۱۶ ساعت ۴

§

صحیفہ — ۵۵۵

(آمان ویلہر) نك جنوب غریبسنده ۳۳۱ راقلی محل

ایلول ۱ سنہ ۳۱۶ ساعت ۴۰۴۰ کو

§

صحیفہ — ۵۸۳

(پویی) نك جنوبنده بیوك یول

تموز ۱ سنہ ۳۱۶ ساعت ۸۰۳۰ کو

§

صحیفہ — ۶۱۵

(پویی) نك شمالنده بیوك یول

تموز ۱ سنہ ۳۱۶ ساعت ۸۰۴۰ کو

§

صحیفہ — ۶۱۸

(پویی) نك جنوب غریبسنده کی اردوگاه

تموز ۱ سنہ ۳۱۶ ساعت ۱۳۰۳۵ کو

§

صحیفہ — ۶۵۴

(۹۰ زون — نوو)

کانون اول ۲ سنہ ۳۱۶ ساعت ۷۰۵۰ کو

§

صحیفہ — ۶۵۷

(۹۰ زون — نوو)

کانون اول ۲ سنہ ۳۱۶ ساعت ۹ کو

§

صيفه — ۶۷۵

(بوردرلر) ك شرق مخرجى

نيسان ۱ سنه ۳۱۶ ساعت ۱۰،۱۰ كو

نليه — ۲

اثر ك ترجمه سى (۷۰۰) صيفه لك بر حجنم تشكيل ايتديكى ايچون
دروننده سهو قلم ويا مرتب خطاسى اولق اوزره بعض اوافق تفك
ياكلشلك بولنمى طيعيدر . اوندن بشقه خريطه لرده ده كرك اسملك
نقطه لرنده و كرك سائر ارقام خصوصنده بعض كوچك ياكلشلك واردر .
بونلك هپسى اك صوك خريطه ايله برلكده كتابه علاوه ايديله جك
اولان (خطا ، صواب) جدولنده كوستريله جكلردر .

4
5
6

7